

**SUMMA
QUAESTIONUM
REGULARIUM, SEU
DE CASIBUS
CONSCIENTIAE AD...**

Juan Bautista : de Lezana,
Giovanni Battista Coccini





421
SVMMMA
QVAESTIONVM
REGVLARIVM,

S E V

DE CASIBVS CONSCIETIAE
ad personas Religiosas vtriusque sexus
spectantibus.

*Vbi multa praesertim iuxta noua Decreta, Constitutiones,
& Declarationes Summorum Pont. & SS. Congregat.*

Tomus Secundus.

AD EMINENT.^{VM} ET REVER.^{VM} D.

D. CARD. FRANCISCVM
BARBERINVM.

Per Patrem Magistrum

FR. IOANNEM BAPTISTAM DE LEZANA HISPANVM,
Socium Reuerendiss. Generalis Ordinis Carmelitarum.



ROMAE, Typis Vitalis Mascardi, **MDCXXXVII.**

SVPERIORVM PERMISSV.

13 2 C 16

EMINENT.^{MO} PRINCIPI
 ET REVER.^{MO} DOMINO
 D. FRANCISCO
 BARBERINO
 CARDINALI AMPLISSIMO,
 ET PATRONO MAXIMO.

*Fr. Io: Baptista de Lezana Hispanus Carmelita
 felicitatem precatur.*



VEM ad te sæpius (Eminentissime Domine Cardinalis) aditum exoptabam mea hæc secunda Summæ Quæstionum Regularium pars fausto omine, ut mihi polliceor, referare potuit. Eam tibi offero: nec enim fas ad eum Principem accessum habere vacuum manum qui semper omnibus plenus, nulli vacuus est in bene promerendo. *Secunda* est, quæ gressu secundo, Te ductore, sub quo cuncta prospera, nulla infausta, proculdubio incedet. *Summa* iure vocatur, quia ad Te, in quo Summa rei præ manibus, & meritis est, consecranda venit. Nisi ex Tullio pro Ligario usurpem illud: *Quidquid dixi ad vnam Summam referri*



2

volo,

volo, vel humanitatis, vel clementia, vel misericordia tua. Parua sanè, quia *pars*, sed non idcirco tuo nomine indigna, qui solita, & tanta Purpura irradiata, charitate, parua non despicias, parua suscipis, parua respicere non dedignaris. Nec *Regularium* titulus Tibi insolens, aut exosus, cui *Regularium* Protectio, & veræ Religionis prouectio (prout non semel mea Carmelitana experta clamat) in votis semper fuit: Te ergo veluti Sanctæ Religionis Tutelam præsens hæc opella, quæ tota est circa Religiosam œconomiam, defensores nata, aleam aduersam nullatenus pertimescet. Litterarios namque sætus (exiguos etsi) comitate gignere, pietate alere, ac benignitate fouere, Tibi (de quo iam iterum hoc sæculo *de forti dulcedo*) non inuictum. Excipe igitur tua qua soles humanitate votum millies debitum, munus, si largiorem spectes, paruum, si argumentum, & offerentis animum, non exiguum. Et in hoc qualicumque obsequiosæ voluntatis testimonio deuincti serui aspice, non despice reuerentiam. Vale Purpuræ splendor.

Nos

*Nos Fr. Theodorus Straius Magister, ac
humilis Prior Generalis Ord. Carme-
litarum antiquæ Obseruan-
tiæ Regularis.*

Auctoritate nostra harum serie Tibi dilecto nobis in
Christo Adm. Reu. P. Mag. Ioanni Baptistæ de Lezana
nostræ Prouinciæ Castellæ nouæ professo Sacerdoti, Pro-
uinciali Saxonæ, & Socio nostro, licentiam, & facultatem
concedimus, vt seruatis seruandis typis mandare possis
librum cui titulus est: *Summa Quæstionum Regularium,*
seu de casibus conscientie ad Regulares utriusque sexus
spectantibus, Tomus Secundus, recognitum, & approba-
tum à viris doctis nostræ Religionis, quibus id commisimus.
In quorum fidem &c. Datum Romę die 14. Decemb. 1636.

*Fr. Theodorus Straius Mag. ac humilis Prior Generalis
Ord. Carmelit. Antiquæ Obser. Regularis.*



421
SVMMMA
QVAESTIONVM
REGVLARIVM,

S E V

DE CASIBVS CONSCIENTIAE
ad personas Religioſas vtriuſque ſexus
ſpectantibus.

*Vbi multa praefertim iuxta noua Decreta, Conſtitutiones,
& Declarationes Summorum Pont. & SS. Congregat.*

Tomus Secundus.

AD EMINENT.^{MVM} ET REVER.^{MVM} D.

D. CARD. FRANCISCVM
BARBERINVM.

Per Patrem Magiſtrum

FR. IOANNEM BAPTISTAM DE LEZANA HISPANVM,
Socium Reuerendiſ. Generalis Ordinis Carmelitarum.



ROMAE, Typis Vitalis Maſcardi, MDCXXXVII.

SVPERIORVM PERMISSV.

13 - 2 C 16

EMINENT.^{MO} PRINCIPI,
 ET REVER.^{MO} DOMINO
 D. FRANCISCO
 BARBERINO
 CARDINALI AMPLISSIMO,
 ET PATRONO MAXIMO.

*Fr. Io: Baptista de Lezana Hispanus Carmelita
 felicitatem precatur.*



VEM ad te sapius (Eminentissime Domine Cardinalis) aditum exoptabam mea hæc secunda Summæ Quæstionum Regulæ pars fausto omine, ut mihi polliceor, referare potuit. Eam tibi offero: nec enim fas ad eum Principem accessum habere vacuam manum qui semper omnibus plenus, nulli vacuus est in bene promerendo. *Secunda* est, quæ gressu secundo, Te ductore, sub quo cuncta prospera, nulla infausta, proculdubio incedet. *Summa* iure vocatur, quia ad Te, in quo Summa rei præ manibus, & meritis est, consecranda venit. Nisi ex Tullio pro Ligario vsurpem illud: *Quidquid dixi ad vnam Summam referri*

✱

2

volo,

velo, vel humanitatis, vel clementia, vel misericordia tua. Parua sanè, quia *pars*, sed non idcirco tuo nomine indigna, qui solita, & tanta Purpura irradiata, charitate, parua non despicias, parua suscipis, parua respicere non dedignaris. Nec *Regularium* titulus Tibi insolens, aut exosus, cui *Regularium* Protectio, & veræ Religionis prouectio (prout non semel mea Carmelitana experta clamat) in votis semper fuit. Te ergo veluti Sanctæ Religionis Tutelam præsens hæc opella, quæ tota est circa Religiosam œconomiam, defenforem nacta, aleam aduersam nullatenus pertimescet. Litterarios namque fætus (exiguos etsi) comitate gignere, pietate alere, ac benignitate fouere, Tibi (de quo iam iterum hoc sæculo *de forti dulcedo*) non infuetum. Excipe igitur tua qua soles humanitate votum millies debitum, munus, si largiorem spectes, paruum, si argumentum, & offerentis animum, non exiguum. Et in hoc qualicumque obsequiosæ voluntatis testimonio deuincti serui aspice, non despice reuerentiam. Vale Purpuræ splendor.

4

Nos Fr. Theodorus Stratius Magister, ac
humilis Prior Generalis Ord. Carme-
litarum antiquæ Obseruan-
tiæ Regularis.

Auctoritate nostra harum serie Tibi dilecto nobis in
Christo Adm. Reu. P. Mag. Ioanni Baptista de Lezana
nostræ Prouinciæ Castellæ nouæ professo Sacerdoti, Pro-
uinciali Saxonie, & Socio nostro, licentiam, & facultatem
concedimus, vt seruatis seruandis typis mandare possis
librum cui titulus est: *Summa Quæstionum Regularium,*
seu de casibus conscientie ad Regulares utriusque sexus
spectantibus, Tomus Secundus, recognitum, & approba-
tum à viris doctis nostræ Religionis, quibus id commisimus.
In quorum fidem &c. Datum Romę die 14. Decemb. 1636.

Fr. Theodorus Stratius Mag. ac humilis Prior Generalis
Ord. Carmelit. Antiquæ Obser. Regularis.

DE mandato Reuerendiss. P. Mag. Theodori Stratii antiquæ obseruantix Carmelitarum Generalis librum reuolui huiusmodi titulo affectum, *Summa Quæst. Regul. seu de casibus conscientia &c. Tom. II.* Auctore Reu. Adm. P. Mag. Io: Baptista de Lezana Hispano Saxonix Prouinciali, & Socio Reuerendiss. Generalis: in eoque tantum abest, vt orthodoxæ fidei, probisue moribus, dissonum quid compererim, quin ad morès potius componendos sanctèque viuendum monumenta apprimè accomodata, inspexerim, hinc aptè de casibus conscientix, quasi de regula animæ casibus dignoscenda, conscientia enim cum Hugone est cordis scientia, vel cum Origine est animæ pedagogus. Qua propter tantæ dignitatis, atque vtilitatis volumen immortalitatis impressioni Typis committendo tradendum esse iudico. In quorum fidem &c. Dat. Romæ in Carmeli Conuentu Traspontinæ die 11. Septemb. 1636.

Ego Fr. Casar Beccaria S. T. Mag. Prouinc. Scotiæ & in Cœnobio Carmel. Transp. Lector Cosuum conscientia, & Concionator.


DE mandato mihi onere à Reuerendiss. P. Mag. Theodoro Stratio Priore Generali Ordinis nostri Carmelitarum, euolui, perlegi, & adanussim mente perspexi totum hoc volumen inscriptum: *Tomus II. Summa Quæstionum Regularium* confectum à R. Admod. P. Mag. Ioanne Baptista de Lezana Prouinciæ Castellæ nouæ alumno, eiusdem Ordinis Socio Generali, Saxonix Prouinciali: & nihil in ipso adinuenire potui Orthodoxæ fidei, aut sanctis moribus repugnans, nihilq. Sacris Canonibus, & Summorum Pontif. decretis dissonans, Sanctorumue Patrum, & Theologorum scriptis alienum. Immo adeò præclara eruditione referum agnoui, vt Regularibus omnibus, & quamplurimis alijs idem valdè profuturum videam, in lucem si prodeat, typisq. mandetur. In quorum omniū fidem mea manu subscripsi. Dat. Romæ in ædibus D. Mariæ Transp. die 2. Octob. 1636.

Ego Fr. Albertus Massarius Carmelita S. T. D.

Impri-

Imprimatur, si videbitur Reuerendissimo Patri Magistro Sacri Apost. Pal.

A. Torniellus Vicesg.



*Censura P. Francisci Gonzalez Societatis Iesu
Pœnitentiarij S. Petri in Vaticano.*

I Vssu Reuerendiss. P. Fr. Nicolai Riccardi Sac. Pal. Apost. Magistri vidi Tomum Secundum Summæ QQ. Regularium nouemdecim Capita continentem à Reu. Admodum P. Mag. Ioanne Baptista de Lezana e sacra familia Carmelitana, Socio Reuerendiss. Generalis eiusdem Ordinis, Prouinciali Saxoniz compositum; in quo nihil est fidei, aut bonis moribus non omnino conforme, sunt verò multa bona, ac noua, & vetera iura Ecclesiastica, & Religiosum statum concernentia, præclaro stilo, & congrua methodo disposita, & Scholijs, seu Corollarijs cohærentibus illustrata, quæ maximè instruere, & iuuare poterunt Religiosos omnes tam subditos, quam Superiores, & ideo iudico dignum opus, quod in Reipub. præsertim Religioz, vtilitatem imprimatur: quo facilius, atque commodius ab omnibus, ad quos obligationes Regulares, & administrationes quocumque modo pertinent, præ manibus semper, & in promptu, vti necesse est, pro propria, & fermè quotidiana directione habeatur. In Collegio S. Petri Pœnitent. DD. PP. die 12. Decemb. Anno Domini 1636.

Franciscus Gonzalez Societatis Iesu Pœnitentarius Hispanus.




Imprimatur,

*Fr. Nicolaus Riccardius Ord. Predicatorum, Sacri
Palatij Apostolici Magister.*

IN-

INDEX CAPITVLORVM

Quæ in hoc volumine continetur.

Cap. I.	 E Specialibus obligationibus, iuribus, & priuilegijs Regularium Mendicantium. pag.6	
Cap. II.	De Specialibus obligationibus, muneribus, & priuilegijs Monachorum.	47
Cap. III.	De Regularium Canonicorum Specialibus iuribus, priuilegijs, & obligationibus.	68
Cap. IV.	De Regularium Clericorum iuribus, priuilegijs, & obligationibus.	79
Cap. V.	De Regularium militarium iuribus, et obligationibus.	97
Cap. VI.	De Regularibus Hospitalarijs, eorumq. iuribus, priuilegijs, & obligationibus.	118
Cap. VII.	De Eremitis, eorumq. obligationibus. & priuilegijs.	127
Cap. VIII.	De Conuersis, laicis, oblati, donatis, seu commissis Regularibus, eorumq. iuribus, obligat. & priuilegijs.	132
Cap. IX.	De Dominis Cardinalibus Regularium Protectoribus, eorumq. facultatibus, iuribus, & priuilegijs.	151
Cap. X.	De Conseruatorib. Relig. seu Regul. personarum.	166
Cap. XI.	De Patronis Monasteriorum, seu Ecclesiarum Regularium, eorumque facultatibus.	199
Cap. XII.	De Capitulis, dietis, seu Congregationibus personarum Regularium eorumq. obligat. & priuilegijs.	213
Cap. XIII.	De Prælatibus, gradibus, honoribus, dignitatibus, personatibus, proposituris, officijs, & administrationibus Regularium personarum, illorumq. obligat.	260
Cap. XIV.	De Tertiarijs Regularium, eorumque obligationibus, & priuilegijs.	284
Cap. XV.	De Confratribus, & Confraternitatibus Regularium personarum, eorumq. obligat. & priuilegijs.	313
Cap. XVI.	De Familiaribus, seu seruatoribus Regularium personarum, eorumq. priuilegijs.	350
Cap. XVII.	De Regularium procuratoribus, seu negotiorum ipsorum gestoribus, ipsorumque priuilegijs.	363
Cap. XVIII.	De Beneficijs Regularibus.	371
Cap. XIX.	De bonis, & possessionibus quibus capacia sunt Monasteria Regularium personarum, seu in qua succedere possunt, & de eorum administratione.	388

SVM-

S V M M A

QVAESTIONVM REGVLARIVM

feu

DE CASIBVS CONSCIEN TIÆ
ad personas Religiosas vtriusque sexus
spectantibus.

TOMVS SECVNDVS.

S V M M A R I V M CAP. I.



*Endicantes Regulares à mendicitate diēli. num. 1.
Ii dicuntur, quorum Cœnobijs ex Regula, vel Constitu-
tionibus non est permillum bona stabilia habere. ibid.
Alij sunt ex Regula, alij ex Constitutionibus. ibid.
Quinam sint? ibid.*

*Non sunt dicendi Mendicantes illi, qui etsi pane mendicato viuunt, ex
Regula tamen, vel Constitutionibus bona immobilia habere pos-
sunt. ibid.*

*Sicut è contra Mendicantes dicuntur illi, qui etsi ex priuilegio bona
immobilia possideant, hoc tamen est illis prohibitum ex Regula,
vel Constitutionibus. ibid.*

*Alij sunt à iure, alij ex concessione, vel declaratione Sum. Pont. ibid.
Priores sunt tantum quatuor, scilicet Prædicatores, Minores, Augu-
stiniani, & Carmelita. ibid.*

*Posterioribus autem Seruile Minimi, Iesuata, & Iesuite. ibid.
Licitum est Mendicantibus ex Concil. Trident. in domibus suis bona
immobilia possidere. num. 2.*

*Exceptis Minoribus de Obseruantia, & Capuccinis. ibid.
Comprehenduntur in hoc priuilegio Carmelita Discalceati. ibid.
Ex particularibus tamen ipsorum Constitutionibus prohibitum est
Monasterijs ipsorum bona immobilia possidere. ibid.*

*Non est aliqua lex, aut præceptum quibus teneantur Mendicantes
ex mendicato viuere. num. 3.*

A

Possunt

2 De iuribus, priuilegijs, & obligat.

- Possunt tamen viuere hoc modo, quando illis desunt necessaria ad vitam. num. 4.*
Nec possunt à quaestuatione prohiberi. ibid.
De licentia suorum superiorum. ibid.
Eam debent ostendere Ordinarijs si ipsi petant. ibid.
Non est prohibitum illis colligere fructus antequam Curatus suas primitias. ibid.
Contra prohibentes eos mendicare procedi potest. ibid.
Etiamsi eleemosynas superfluas peterent non sunt iudicandi ab Ordinarijs. num. 5.
Bona Minorum de Obseruantia pertinent ad Papam, vel eos, qui ea dederunt. num. 6.
Solum habent vsus facti ipsorum, non dominium, aut vsus iuris. ibid.
Possunt tamen recipere legata. ibid.
Quorum bonorum, & ad quem vsus? ibid.
Domus professæ. Societatis Iesu, & Monasteria Carmelitar. Discalceatorum bona immobilia non possident. num. 7.
Secus Collegia ipsorum. ibid.
Quamuis in bona suorum Religiosorum non succedant. ibid.
Moniales bona immobilia possidere possunt in communi. num. 8.
Etiamsi Moniales S. Clare. ibid.
Error est dicere teneri Mendicantes manibus laborare, nec posse docere, concionari, confessiones audire, &c. num. 9.
Instituti sunt ad prædicta munia exercenda. ibid.
Finis ipsorum est profiteri statum vitæ mixtæ ex actiua, & contemplatiua. num. 10.
Monachorum verò ad vacandum Deo, silentio, solitudini, &c. ibid.
Tenantur ex charitatis præcepto salutis proximorum subuenire. num. 11.
An obligari possint à Papa ex vi voti ipsorum ad eundem in terras infidelium? ibid.
Multa illis priuilegia concessit Pius V. in Bulla Et si Mendicantium. num. 12.
Plures tenent eam esse reuocatam à Greg. XIII. in Constit. In tanta. num. 13.
Quidam putant hanc Gregorij Constitutionem publicatam non esse. num. 14.
Publicata tamen fuit. ibid.
Alij dicunt non esse receptam. num. 15.
Quomodo id accipiendum? ibid.

Solum

Solum est reuocata Constitutio Pij V. quatenus contraria Concil. Trident. num. 16.

Quomodo intelligenda facultas concessa Mendicantibus ad concionandum? num. 17.

Quomodo possunt audire confessiones secularium? num. 18.

Quomodo confessiones Monialium, & aliorum fratrum? num. 19.

Administrant Eucharistiam nisi in Paschate. num. 20.

An suspendantur interdicta in festiuitatibus Sanctolorum Ordinum Mendicantium? num. 21.

An Praelati Mendicantium concedant licentias ingrediendi Monasteria Monialium? num. 22.

An DD. Episcopi possint se intromittere circa administrationem bonorum Monialium? num. 23.

Examen puellarum Deo dicandarum faciendum, & quomodo, ab Episcopo. num. 24.

An possint Mendicantes a quocumque Episcopo Ordines suscipere? num. 25.

Quid de Officijs, Missis, Concionibus, lectionibus in Ecclesijs Mendicantium? num. 26.

Declaratum dicitur non posse exponere Sanctiss. Sacram. sine causa ab Ordinario approbata. ibid.

Quomodo controuersie super praecedentiam ab Ordinarijs terminandae? num. 27.

Admittendi Mendicantes ad curam animarum in Conuentibus, quibus talis cura imminet. num. 28.

Quarta funeralis an ab ipsis soluenda. num. 29.

Quid de quarta relictorum pro ornamentis, &c. num. 30.

Sepultura libera pro secularibus in Conuentibus Mendicantium. num. 31.

Qualiter se gerere debeant cum Curatis circa corpora sepelienda, Crucem portandam &c. num. 31.

Non obligantur ad contributionem onerum. num. 32.

Quid declaratum circa contributionem pro seminario? num. 33.

Quid de oneribus personalibus, custodia portarum, murorum, &c. num. 34.

Libera facultas Mendicantium ad quaestuandum. num. 35.

Quomodo, aut quando Ordinarij intromitti possint in delictis Fratrum? num. 36.

Quomodo DD. Episcopi non debeant intromitti in ipsorum gubernio. num. 37.

Quando cognoscere possint de delictis aliquorum fratrum. ibid.

Puniunt Praelati ipsorum fratres confugientes ad Ordinarios. n. 38.

A 2 Non

4 De iuribus, priuilegijs, & obligat.

Non debent recipi ab Ordinarijs sub eorum protectione. num. 39.

Nec detineri inuitis superioribus. ibid.

Bona ipsorum extra claustra decedentium, seu ad claustra reuertentium ad quos pertineant. num. 40.

Quid facere possint Episcopi circa uniones Ecclesiarum factas Monasterijs fratrum. num. 41.

Qui possint in Ecclesijs sic unitis Curam animarum exercere. num. 42.

Quid circa salarium seruientium dictis beneficijs? ibid.

Non possunt impediri à pulsatione campanæ, celebratione Missarum, mortuorum associatione, & alijs Officijs huiusmodi. num. 43.

Quid declaratum circa pulsationes Campanarum. num. 44.

Licentie pro construendis domibus Mendicantium quomodo danda. num. 45.

Associare corpora defunctorum, & mandatum, seu predicationem in die Cænæ Dom. quomodo facere possint. num. 46.

Quomodo officia mortuorum non facienda à Parochis in Ecclesijs Fratrum. num. 47.

Libera sepultura in illis. ibid.

Non sepelienda corpora defunctorum ad quæ associanda vocati fuerint fratres sine ipsis. ibid.

De candelis quæ fratribus dantur non debetur portio canonica. num. 48.

Qualiter diuidi debeant candelæ, & intortitia. ibid.

Vnus non faciendi testamenta sine parochis. num. 49.

Ad quas processiones accedere debeant Regulares. num. 50.

Quomodo faciendæ processiones à Regularibus in suis Ecclesijs. num. 51.

Quam precedentiam debeant habere. ibid.

Gaudent Mendicantes communicatione suorum Priuilegiorum. num. 52.

Non tamen pœnarum, aut censurarum. ibid.

An concessa uni Monasterio censeantur alijs concessa. ibid.

Vni fratri priuato concessa non censentur concessa alijs. num. 53.

Secus quando priuilegium uni fratri concessum inutile esset nisi alteri communicaretur. num. 54.

Priuilegium aliquid debet operari, & esse vtile. ibid.

Communicatio priuilegiorum intelligenda est respectiue. num. 55.

Quando priuilegium uni Ordini concessum repugnat obseruantia alterius non communicatur illi. num. 56.

Religio cui communicantur priuilegia potest se illis defendere contra eam cui primò concessa sunt. num. 57.

Reuo:a-

Revocata consentur à Conc. Trid. quoties in eo ponitur clausula derogatoria illorum. num. 58.

Quid autem quando non ponitur talis clausula. ibid.

Quomodo, & pro quibus personis suspendantur per Bullam Cruciatam. num. 59.

An suspendantur in Anno Iubilei centesimi. num. 60.

Gaudent Mendicantes privilegijs aliorum Ordinum. num. 61.

An extendatur hoc ad privilegia concedenda. num. 62.

Tenantur observare decreta Generalia Clem. VIII. pro reformatione Regularium. num. 63.

An possint obtinere beneficia. num. 64.

An idem dicendum de fratribus Minoribus. num. 65.

An hoc procedat in Mendicantibus transcurrentibus ad non Mendicantes. num. 66.

Non procedit in illis. num. 67.

Priuantur etiam voce, & loco in Capitulis. ibid.

An reddantur inhabiles ad officia, & ad quæ officia. ibid.

Mendicantes ad alios Mendicantes transcurrentes, seu non Mendicantes ad Mendicantes non afficiuntur distis pœnis. num. 68.

Non possunt consentire electioni, postulationi, &c. de se in discordia factis ad aliquam Prelaturam extra suum Ordinem. num. 69.

Quid dicendum de beneficio parochiali? ibid.

Possunt Mendicantes iure communi esse Vicarij Episcoporum. n. 70.

Cum licentia Superioris, & utilitate Monasterij. ibid.

Non autem fratres Minores. ibid.

Possunt etiam exercere munus Prouisoris Episcopi. num. 71.

Qualiter Coadiutorias obtinere possint. num. 72.

Qualiter alia beneficia, pensiones, & de alijs requisitis ad ea. num. 73.

An teneantur comparere ad allegandum privilegium exemptionis coram DD. Episcopis, seu Ordinarijs. num. 74.



De specialibus obligationibus, iuribus, & privilegijs
Regularium Mendicantium.

Cap. I.



MENDICANTES Regulares à Mendicitate sic dicti ij dicuntur, quorum Cœnobij ex Regula, vel Constitutionibus nequaquam est permiffum bona stabilia, seu immobilia (qualia sunt fundi, prædia possessiones, annui redditus, &c.) etiam in communi habere, sed eorum Religiosi ex eleemosynis sibi datis, vel ostiatim quæfitis, victum, & alimenta comparant.

Glossa in cap. ex eo. verb. *Mendicantes, de excessibus Prelatorum* in 6. Glossa in cap. *quorundam de elect. in 6. verb. Mendicantes*, Ioannes Azorius to. 1. *Instit. Moral. lib. 12. cap. 23.* Vnde fit primò Mendicantes alios esse ex Regula, alios ex Constitutionibus. Mendicantes ex Regula (inquit Azorius vt supra) sunt Franciscani de Obseruantia: Dominicanos enim, Augustinianos, & Carmelitas solùm vocat Mendicantes ex Constitutionibus, nam Regula S. Augustini sub qua Dominicani, & Augustiniani viuunt, & Regula S. Basilij, sub qua (vt ipse inquit) Carmelitæ, permittunt fundos, prædia, & alia bona stabilia. Sed quod ad Carmelitas attinet non bene dicit Azorius sub Regula S. Basilij viuere, cum luce clarius sit regula à B. Alberto Patriarcha Hierosolymitano tradita degere. Malè etiam affirmat Carmelitas non esse Mendicantes ex Regula. Ipsorum namque Regula ab Innoc. IV. correctæ, & explicatæ nihil de permissione bonorum stabilium continet imò, expressè habet cap. 13. *Et quia vos oportet frequenter mendicare &c.* Abbas lopus *Allegat. 45.* Thomas de Iesu in *exposit. Regula Carmelitar. par. 3. dub. 6.* Vide etiam Annales nostros. Infertur etiam secundò non esse dicendos Ordines Mendicantes eos qui tametsi pane mendicato viuant, ex Regula tamen, & Constitutionibus bona immobilia habere possunt: sicut è contra, eos esse dicendos Mendicantes qui quamuis ex privilegio stabilia bona in communi possideant, ex Regula tamen, vel Constitutionibus ea habere nequeunt, quia vt dictum est, ratio Mendicantis Ordinis in eo sita est, vt ex Regula, vel Constitutionibus hoc illis non sit permiffum. Azorius vt

supra

supra §. ex his perspicue. Rursus Mendicantes alij sunt à iure, alij ex Constitutionibus Summorum Pontificum. Priores sunt tantum quattuor, videlicet Dominicani, Frànciscani, Augustiniani, Carmelitæ. Hi enim & hoc ordine numerantur in c. *Religionum de Relig. Domib. in 6. §. sane*, & à Pio V. in Constitutione *Romanus Pontifex*. anno 1567. Posteriores verò sunt Seruitæ, quos in prædicta Constitutione comprehendit idem Pontifex, Minimi, quos etiam tales declarat in alia Cõstitutione *Apostolica Sedis*. eodem anno: fratres Iesuati Sancti Hieronymi, vt idem Pontifex habet in alia Constitutione *Romanus Pontifex*, & Iesuitæ ex alia etiam Constitutione eiusdem Pij V. *Dum indefesse* sub anno 1571. Azorius *ut supra §. 2. Queritur*. De Ordine autem, siue antiquitate inter ipsos Mendicantes non est locus disputandi. Solum enim eo ordine, quo à iure, & Pontificibus referuntur illos referre volui.

2 His tamen non obstantibus, vt dixi *to. 1. cap. 6. nu. 5.* licitum est Mendicantibus in domibus suis tam virorum quam mulierum, exceptis domibus fratrum S. Francisci Capuccinorum, & eorum, qui Minores de Obseruantia vocantur, bona immobilia in communi possidere. Ita enim decernitur in Concil. Trident. sess. 25. cap. 3. illis verbis: *Concedit S. Synodus omnibus Monasterijs, & domibus, tam virorum, quam mulierum, & Mendicantibus, exceptis domibus Fratrum S. Francisci Capuccinorum, & eorum, qui Minores de Obseruantia vocantur, etiam quibus aut ex Constitutionibus suis erat prohibitum, aut priuilegio Apostolico non erat concessum, vt deinceps bona immobilia eis possidere liceat.* Vnde censendum est Concilium autoritate qua pollebat dispensasse in possessione communi bonorum immobilium cum omnibus Mendicantibus, siue ijs ex Regula, Constitutionibus, aut alio modo interdicta prius fuisset. Hoc enim sonant verba illa vniuersalia *omnibus Monasterijs*, & indefinita illa vox vniuersali æquiualens *Mendicantium*, & exceptio illa *exceptis, &c.* quæ firmat regulam in omnibus alijs. Azorius *tom. 1. lib. 12. cap. 23. §. 8. Queritur*. Propter quam causam comprehenduntur etiam sub hoc priuilegio nostri PP. Discalceati Carmelitæ; cum Concilium generaliter loquatur de omnibus Mendicantibus, & Monasterijs exceptis Minoribus. Nec obstat quod obijcit Thomas de Iesu in *exposit. Regule Carmelit. par. 3. cap. 8. dub. 6.* quod Concilium solum loquatur de ijs quibus ex Constitutionibus erat prohibitum habere bona immobilia, Carmelitis autem ex Regula illis hoc prohibebatur. Dicendum enim est, Concilium nomine Constitutionis intelligere etiam Regulam, vt dicunt Rodriguez *tom. 2. quest. Regul. q. 62. ar. 14.* & Sanchez *lib. 7. in Decalog. cap. 12. num. 2.*

num. 2. & ratio id suadet, quia si nomine Constitutionum non intelligeret Regulam, frustra fecisset exceptionem de fratribus Minoribus, & Capuccinis, cum illis ex vi Regulæ prohibitum sit habere prædicta bona immobilia. Vide Suarez *tom. 3. de Relig. lib. 8. cap. 47. num. 2.* Et nota ex peculiaribus Constitutionibus eorumdem PP. Discalceatorum prohibitum esse Conuentibus illorum bona immobilia possidere, vt patet ex Constitutionibus Hispan. *par. 1. cap. 7. nu. 11.* Quod sine dubio propter strictiorem obseruantiam paupertatis statutum fuit.

3 Vnde non est aliqua lex aut præceptum quibus teneantur ex mendicato viuere Mendicantes. Eo enim ipso quòd à Sede Apostolica dispensati sunt in possessione bonorum stabilium dispensantur in possessione tot bonorum stabilium, quot sufficiant ad eorum sustentationem, ac per consequens deobligantur ab onere mendicandi, ne obligentur ad superflua quærenda, vel tenenda, quæ nullatenus habere possunt, iuxta dicta *tom. 1. cap. 6. num. 13.* Vide ibi dicta *num. 43.* Imò in casu quo Mendicantes essent in sua puritate non possidendi bona stabilia non erant obligati ad viuendum ex eleemosynis ostiatim mendicatis, sed poterant viuere ex sibi vltro oblatis, & datis, vel aliquo alio modo quæsitis. Ex vi enim mendicitatis solum obligabantur ad non habendum bona stabilia. Azorius *vt supra §. 9. queritur.*

4 Possunt nihilominus siue habeant, siue non, prædicta bona viuere ex mendicitate, quando scilicet adhuc desunt illis necessaria ad vitam. Vt latè dixi *to. 1. cap. 6. num. 43. & 44.* Quibus iungitur Pius V. in Constitutione *Etsi mendicantium* anno 1567. edita, & de qua inferius dicetur, ac S. Congregationis declaratio anno 1587. qua dicitur: *Fratres Mendicantes nullatenus à quæstuatione, quæ de licentia suorum Superiorum fit, & in dies fieri contingit, prohibeantur.* Hanc porrò licentiam debent ostendere Ordinarijs, si ipsi eam videre velint, declarauit enim Sacra Congregatio Concilij: Regulares mendicantes teneri ad ostendendum Ordinario licentiam quærendi eleemosynas à suis Superioribus sibi datam. Quæ etiam Sacra Congregatio ad Rectores Ecclesiæ Bononiensis respondens declarauit: Non esse prohibitum Regularibus colligere frumentum, vvas, ligna, & similia, antequam Curatus habuerit suas primitias. Vnde ad huiusmodi quæstuationes nõ requiritur licentia Episcopi, cum Mendicantes sic quæstuant vtantur iure suo. Prohibentes autem eos mendicare incidunt secundum aliquos in excommunicationem latæ sententiæ. Ad minus tamen ex privilegio Sixti IV. Carmelitis concessio in Bulla *Dum attenta*, quæ est mare magnum Ordinis contra

contra Ordinarios impediētes dari nobis eleemosynas propter lites, & processus inter illos, & nostros fratres exortos accerrimē procedendum dixit ijs verbis: *quod si per quoscunque processus lites, & controuersias quomodolibet inter ipsos fratres prænominatos, & Ecclesiarum Rectores, & Ordinarios emergentes Ordinarij ipsi, seu quicumque alij inhibitionem eleemosynarum per Christi fideles fratribus ipsis faciendam quocumque modo fuerint prolapsi, volumus, & presentium patrocinio decernimus quod omnes, & singuli tales inhibentes ipso facto excommunicationis incurrant sententiam, & contra tales ipsi Carmelitarum, Prædicatorum, Minorum, & Eremitarum S. Augustini Protectores, & Auditor Camera Apostolica, qui sunt, & pro tempore erunt, & Inquisitores heretica prauitatis ad prædictorum Fratrum requisitionem possint, & debeant quilibet eorumdem per se sicut contra hereticos procedere.* Nec his obstat Concil. Trid. dum sess. 21. cap. 9. & sess. 5. cap. 2. quæstorum nomen, & officium omnino abolendum statuit. Non enim id ad Mendicantium Ordines referri debet vt declarauit Pius V. in constit. supra relata: intentum enim Concilij solum est tollere illos, qui eleemosynas quærunt publicando Indulgentias eis concessas, vel prædicando. Rodriguez tom. 2. quæst. Regul. q. 57. art. 7. Peirinis tom. 1. Priuileg. Minim. in constit. 4. Sixti IV. §. 8. à num. 40.

5 Hic notandum aliquos esse, qui volunt posse Ordinarios impedire ne Mendicantes superfluas eleemosynas petant. Lauretus de Franchis in *Controuers. Episcop. & Regular. pag. mibi 39.* Sed licet Mendicantes ita facientes peccent, & propterea à suis Superioribus debeant coerceri, iuxta dicta tom. 1. cap. 6. num. 43. non video tamen qualiter competat Ordinarijs iudicare an eleemosynæ, quas petunt, sint vel non sint superfluxæ. Cum non sint iudices ipsorum.

6 Minores autem de Obseruantia, siue Capuccini, cum non solum in particulari, sed neque in communi habere possint bona stabilia, & bonorum quæ possident dominium pertineat, vel ad Papam, vel ad eos, qui ipsa contulerunt, vt diximus tom. 1. cap. 6. num. 5. Ideo solum eorum quæ possident habent vsum facti, non dominium, aut vsum iuris. Quia solum habent facultatem vtendi illis instar seruorum ad nutum eorum ad quos pertinet dominium, vel vsum iuris, quod est vsum facti, (Azorius to. 1. instit. moral. lib. 12. cap. 24.) Nihilominus possunt recipere legata non quidem bonorum stabilium cum illorum non sint capaces ratione mendicitatis non dispensatæ, sicut est in alijs Mendicantium Ordinibus, sed aliarum rerum, & bonorum ad proprios

dumtaxat necessarios vsus (qua ratione domos ad habitandum iure possident) v. g. pecuniarum, librorum, suppellectilium ad cultum diuinum, litterarum studium, vel alias impensas, iuxta modum illis præscriptum à Nicolao III. *in cap. exijt de verbor. significat. in 6. Azorius vt supra. Sorbus in additionibus ad Compend. priuileg. Mendicant. verb. legata. Vide dicenda cap. 19. num. 45.*

7 Similiter Domus Professæ Societatis Iesu bona immobilia etiam in communi possidere non possunt, quamuis à Concilio Tridentino non excipiantur. Ratio est, quia ipsa Societas in secunda Congregatione generali an. 1565. can. 2. cessit iuri suo prouenienti ex dicta concessione Concilij. Quod rectè potuit facere, cum ea concessio non fuerit fauor aliquis Religionum, cuius renunciatio cedat in dedecus, & iniuriam status Religiosi quale est priuilegium fori Ordini Clericali concessum. Aliqui etiam credunt ad hanc faciendam renunciationem accessisse auctoritatem pontificiam, & saltem generalis approbatio habetur à Gregorio XIII. *in Extrauaganti Ascendente Domino.* anno 1584. Sanchez *lib. 6. in decalog. cap. 18. à n. 11.* Collegia autem eiusdem Societatis bona immobilia possident, & sine illis fundari non possunt, alias enim vix possent in eis studentes ali, aut conseruari, seu bona studia florere, cum temporalium rerum sollicitudo, quietem ad studium necessarium impediatur. Suarez 4 to. de Religionis Tract. 9. lib. 4. cap. 11. Iure tamen succedendi in bona suorum Religiosorum carent, vt constat ex Greg. XIII. in Bulla *Quanto fructuosius*, & in Bulla *Ascendente* ac ex Congregat. General. 3. can. 4. Sanchez *lib. 7. in Decalogum cap. 12. num. 1.* vide dicenda *cap. 19. num. 13.* Pariter etiam RR. PP. Discalceati Carmelitæ etiam in Collegijs pro ipsorum sustentatione annuos redditus possideant, non tamen in Conuentibus, quia illis quæcumque bonorum immobilium possessio denegatur. Collegia quoque ipsorum iure succedendi in bona fratrum sunt priuata. Constitutiones PP. Discalceatorum Hispan. ex Capitulo Generali Pastranz 1604. *par. 1. cap. 7. num. 11. & 13.*

8 Moniales autem Ordinum Mendicantium prædicta bona immobilia in communi possidere possunt. Concilium enim loco adducto generaliter dispensat in hoc cum omnibus Monasterijs, & domibus tam virorum quam Mulierum etiam quibus, aut ex Constitutionibus suis erat prohibitum. In quo etiam comprehenduntur Moniales S. Claræ, tam quæ primæ Regulæ, quam quæ secundæ, & Vrbanz Regulæ nuncupantur. Cum Tridentinum in eo Decreto in concessione habendi bona in communi expres-

Expresserit omnia virorum, & Monialium Monasteria, & solum exceperit Fratres Minores de Observantia seu Capuccinos, non autem Moniales ipsorum. Sic etiam dicitur à Sacra Congregatione Cardinalium declaratum. Rodriguez. tom. 3. quest. Regular. quest. 29. art. 14. Sanchez de præceptis Decalogi lib. 7. c. 12. n. 2. Barbosa in Collectan. Bullar. verb. Moniales S. Clare afferens duas declarationes S. Congregationis quoad hoc,

9 Error est asserere Mendicantes non posse docere, concionari, confessiones audire, & Sacramenta administrare, ac debere suis manibus laborare ad querendum sibi victum, & vestitum. Ita enim determinavit Alexander IV. in Bulla *Non sine multa*. Pontificat. anno 3. edita contra Guillelmum, Giraldum, Odonem; & alios Parisienses. Vide Bullam in Bzouio tom. 13. Annal. sub anno 1257. à num. 5. Guillelmus propterea à Papa Romam euocatus damnatus est, omni Ecclesiastici ordinis functione, & redditibus exutus, & liber quo talia assererat igni traditus fuit. Bzou. n. 4. Decens etiam est Mendicantes Religiosos prædictis muneribus attendere. Quia ipsi instituti sunt non tanquam Monastici Ordines ad solitariam vitam agendam tantummodo, sed ad salutem animarum procurandam, conseruandam, & augendam, ad quæ prædicta munia valde conducunt. S. Thomas opusc. 10. Azor. to. 1. instit. moral. lib. 13. c. 1.

10 Finis proprius Mendicantium Regularium, & per quem à Monachis distinguuntur est profiteri statum vitæ mixtæ ex contemplatione, & actione, Magdalenam, & Martham imitantium, & præsertim erga proximi salutem procurandam: Monachi autem finis contemplatio, & solitudo est. Id constat ex eorum institutione, sicut enim Monachi ad vacandum Deo, silentio, solitudini, & orationi instituti sunt exprimæua sui origine (sic enim de illis loquimur) sic & Mendicantes, quatuor præsertim Ordines, quibus hoc nomen primum tributum est, instituti sunt ad vacandum tum vitæ contemplatiuæ in Choro, & diuinis Officijs; tum actiuæ erga salutem proximorum procurandam, confessionibus, prædicationibus, doctrina, & ministerio Sacramentorum. Panormit. in cap. causam, et 1. de iudic. nu. 2. Suarez 4. to. de Relig. tract. 9. lib. 1. cap. 8.

11 Hinc iuxta dicta tom. 1. cap. 1. num. 17. tenentur ex præcepto charitatis saluti proximorum subuenire, confessionibus, prædicationibus, lectionibus &c. & ut ibidem etiam dictum, sunt coadiutores Episcoporum. Insuper propterea, ut aliqui probabiliter dicunt, possunt ex vi voti obedientiæ, quod emiserunt, à Papa obligari ad eundem in terras infidelium ad prædicandum

Euangelium. Sotus 7. de iust. q. 2. art. 4. Suarez 4. to. de Relig. tract. 10. lib. 6. cap. 4. nu. 22. Etsi Iesuitarum obligatio ratione specialis vori, quod emittunt, multò maior sit quoad hoc, vt idem Suarez ibidem, & constabit ex dicendis cap. 4. num. 10.

12 Pro privilegijs autem Mendicantium maximè discutienda sunt ea quæ Pius V. in Bulla *Etsi Mendicantium Ordines*. anno 1567. edita (quæ habetur in 2. tomo Bullarij inter Bullas huius Pontificis num. 41. & apud Peirinis tom. 2. *priuileg. Minim. inter Constit. huius Pont. nu. 7.*) recensuit. Cum enim is Pontifex re & nomine Pius considerasset grauamina ab Ordinarijs, & Ecclesiarum Prælatiis ipsis Mendicantibus illata sub prætextu præsertim Concilij Tridentini decretorum volens ab ijs molestijs ipsos liberare. 26. ex prædictis grauaminibus relatis, motu proprio, & ex certa scientia, sic illis obuiando decernit. Nos igitur motu proprio, non ad alicuius instantiam, sed de mera deliberatione, & ex certa scientia nostris, ac de Apostolica potestatis plenitudine declaramus, Canonem sess. 24. cap. 4. per quem omnibus Regularibus etiam in suorum Ordinum Ecclesijs, contradicente Episcopo, prædicationis officium interdicitur, Mendicantium Ordinum fratres huiusmodi quando à suis Generalibus, vel eorum ministris Prouincialibus ad id deputati fuerint, non comprehendere, neque eos afficere posse, imò volumus, quòd in suis Ecclesijs quando eia placuerit, licet & absque ullo impedimento, vel contradictione, etiam Episcopi, nisi ipse prædicauerit, prædicare possint. Quod verò in sess. 23. cap. 15. ci. re. confessiones à Regularibus non audiendas statuitur hoc etiam dictorum Ordinum Fratres à præfatis suis Generalibus, vel Ministris Prouincialibus ad audiendas confessiones vtriusque sexus Christi fidelium approbatos, vt præmittitur, minime comprehendat, ita vt à confessionibus audiendis tam intra eorum Ecclesias, domos, quàm extra minime prohibeantur, super hoc litteras fel. rec. Pauli Papæ IV. etiam prædecessoris nostri, concedentes eisdem Fratribus Mendicantibus Regularis obseruantie posse confessiones Secularium personarum, etiam infirmarum, etiam extra domos, & Monasteria sua, & vbi libet audire, approbando, & de nouo concedendo. Statuimus etiam, quòd ille qui semel in vna Diocesi admissus per Episcopum fuerit, semper in eadem Diocesi babeatur pro admissio, nec amplius examinari, vel presentari in dicta Diocesi debeat, tam quoad prædicationes faciendas, quàm quoad confessiones audiendas: nec aliquid pro prædictis exigi, vel recipi debeat. Confessores verò Monialium, quæ degunt sub cura Regularium ab Ordinario examinari nolumus, quemadmodum neque etiam Fratres si debeant audire confessiones aliorum fratrum examinari debent.

Lectores

Leſtores inſuper ex eiſdem Fratribus, & in Theologia graduati, qui cum licentia ſuorum Superiorum ad gradum admiſſi fuerint, cum de ipſorum doctrina ambigendum non ſit, tam confeſſiones audituri, quam prædicationis munus ſubituri ab Episcopis minimè examinentur. Ipſique Chriſti fideles Sacramentum Eucharistiæ, Reſurreſtionis Dominicæ feſtiuitatis dumtaxat excepta, ſumere, eiſque illud per Fratres huiusmodi adminiſtrari valeat, nec ad illud faciendum per locorum Ordinarios aut Eccleſiarum Reſtores præſatos, ſeu alios quoscumque illorum licentia minimè requiſita) etiam ſub cenſuris Eccleſiaſticis, & alijs pœnis cogi, vel compelli poſſint, ſeu debeant, etiam decernimus, & declaramus. Et licet in ſeſſ. 25. cap. 12. caueatur quod cenſuræ, & interdicta Eccleſiaſtica etiam à locorum Ordinarijs promulgata mandante Episcopo à Regularibus in eorum Eccleſijs publicari debeant tamen ſi tempore celebrationis alicuius ex feſtis Sanctorum Ordinum eorumdem, ac alijs feſtiuitatibus, iuxta eorumdem Ordinum priuilegia Apoſtolica, interdictum huiusmodi emanauerit, illud in præſatis feſtiuitatibus, & earum octauis ſuſpendimus. Cumque inhoneſtum ſit quemlibet in alienam meſſem ſalcem iniicere, cumque Monialium Monasteria non niſi de Episcopi, vel Superioris licentia, & in caſibus neceſſarijs aliquis ingredi præſumat, in ſeſſ. 25. cap. 5. prohibetur, hoc tantum in illis Monasterijs locum habere volumus, quæ Ordinarijs ipſis pleno iure ſubſunt, in quibus in caſibus neceſſarijs ipſis dare licentiam poſſint, & non in alijs Monasterijs. Ita ut in præſatis Monasterijs, quæ Ordinarijs ipſis pleno iure non ſubſunt, ipſi Ordinarij illa ingredi non poſſint pro ut in Regulis earum, ſeu de iure ſtatuitur; & in eis aliquos proceſſus aduerſus Moniales ipſas, ſeu fratres huiusmodi propterea, ſeu alias ipſorum Ordinum Superioribus irrequiſitis, quoquo modo formare, aut facere poſſe omnino prohibemus, ita ut aliquam iuriſdictionem, ſeu aliquod quodcumque dominium in Moniales, & Fratres huiusmodi reſpectiue habere, exercere, aut exequi nullatenus poſſint, aut debeant, immo illas, & illos omnes ab eorum ſuperioritate, dominio, & iuriſdictione, & poteſtate eximimus, & liberamus, pro ut eis conſeſſum eſt per ſua priuilegia à Sede præſata obtenta. Et ita præſata Moniales, ac Fratres ſint excluſi à ſuperioritate, & iuriſdictione Ordinariorum reſpectiue huiusmodi, ut etiam in illarum, vel illorum ſyndicis, aut Procuratoribus deputandis, vel in diſponendis illorum facultatibus, vel ad alia ſibi non competentia facienda vllatenus non ſe intromittant. Nec etiam Ordinarij ipſos Regulares præſatos citare, & iuriſdictioni ſuæ ſubijcere ac eorum Conuentus occupare, ipſos ab eis expellendo, ac in ipſos iuriſdictionem aliquam, & poteſtatem exercere, ut præmittitur, aut ipſos carceribus mancipare,

pare, & contra eos aliud facere possint, vt sue ditioni subiiciantur. Volumus etiam puellarum Deo dicandarum an scilicet coeeta, vel seducta fuerint, examen faciendum, non nisi infra quindescim dies postquam iuxta Concilium Trident. Episcopi, vel eorum Vicarij requisiti fuerint, fieri possit. Quibus elapsis amplius in hoc illis se intrmittere non liceat. Cuius occasione nec Episcopus nec eius Vicarius intra septa Monasteriorum ingrediantur, sed stent ante cratem ferream, & interrogationes alias quam eas quas praefatum Concilium Trident. iubet eis fieri omnino probibemus, ac similiter volumus, quod puella, seu nouitia ipsa ad alias interrogationes respondere minimè teneantur. Sessione verò 23. cap. 8. Neminem nisi à proprio Episcopo ordinari posse statuens, in Regularibus locum non habere omnino declaramus. Ita quòd Fratres huiusmodi praefatos etiam Sacros Ordines à quolibet Antistite gratiam, & communionem Apostolica Sedis habente, Ordinarij loci minimè requisita licentia, in locis seu domibus Fratrum huiusmodi, aut alibi recipere possint. Et insuper sess. 22. decretum, per quod populum saepe ad suas Ecclesias saltem Dominicis, & maioribus festiuis diebus conuenire debere monet, insequendo volumus quod Fratribus Mendicantibus huiusmodi non solum prohiberi non possit, ne Missas, & alia Diuina Officia faciant in eorum Ecclesijs: verum etiam in quibuscumq; alijs ubi celebrare Missas solitum est, etiam ipsis non vocatis, seu ad id requisitis, celebrare valeant; ac etiam quod Conciones, & lectiones Sacra Scriptura, & Sermones pro mortuis etiam in Ecclesijs facere, ac elemosynas pro celebrandis huiusmodi Missis, & alijs diuinis Officijs peragendis, si eis illas donari, seu relinquit contingat, recipere. Nec non Missas, & Diuina Officia huiusmodi etiam in diebus Dominicis, vel festiuis, etiam antequam Rector Parrochialis Ecclesia celebrauerit, celebrare, & facere, & quando eis videtur, etiam si tunc in Ecclesia Cathedrali praedicetur, praedicare, ac etiam quicumque vtriusque sexus Christi fideles totius anni tempore illas, & illa in Ecclesijs Fratrum huiusmodi audire possint, ipsique Christi fideles vllatenus desuper molestari, aut impediri per locorum Ordinarios, seu Rectores Parochialium Ecclesiarum, aut alios quoscumque vllò pacto, causa, vel occasione non valeant, seu debeant, sed praefati Christi fideles audiendo Missas, & alia diuina Officia in Ecclesijs fratrum huiusmodi diebus Dominicis, aut festiuis, praeccepto Ecclesia de illis audiendis satisfecisse censeantur. Controversias autem omnes de praecedentia quae eadem sess. 25. cap. verò 13. per Episcopum terminari mandantur, non nisi durantes per illum dirimi, finitas autem nullo pacto innouari posse statuimus. Cumq; dicit cap. 11. sess. 25. statuatur quod in domib. Virorum, seu Mulierum quibus

quibus animarum personarum secularium cura imminet, nulli etiam ad nutum amovibiles inibi deputentur, nisi de Ordinarij consensu; ac praevio examine huiusmodi precedente, ad curam huiusmodi admitti posse omnino volumus praefatos Regulares. Quartam autem funeralium de qua sess. 25. cap. 13. nequaquam solvere teneantur Monasteria, quae a quadraginta annis citra fundata existunt, postquam Concilium ipsum loquitur tantum de Monasterijs ante annos quadraginta fundatis, quae ipsam quartam solvere consueverunt, & ubi solui consuevit id tantum ceræ, & aliorum quae in aliquibus partibus deferri contigerit tempore quo defunctorum corpora ad sepulturam deferuntur, non autem de Missis, seu Legatis, vel alijs Fratribus ipsis, seu Monialibus huiusmodi relictis, aut alias quomodolibet donatis, solui debet, sicque intelligi Concilij decretum quoad quartam huiusmodi soluendam debere decernimus. Vbi verò non est consuetudo soluendi quartam huiusmodi de nullo superscriptorum solui debere declaramus. Nec ad quartam, seu aliam partem omnium eorum, quae etiam pro ornamento Ecclesiae, palliorum, planctarum, cortinarum, pannorum, & aliorum quae dictis Ecclesijs relinqui, vel dari contigerit, etiamsi pro victu Fratrum, aut alias relinquuntur, aliquid contribuere teneantur. Ac etiam ius sepulturae solui tantum consuevit Curatis, & non aliquid aliud eis solui debeat, quamvis partes ad earum libitum Ecclesijs Ordinum huiusmodi, seu eorum Fratribus alia quacumque tribuant, seu elemosynas elargiantur quando sepeliuntur ibidem corpora mortuorum huiusmodi. Nec propterea impediri debeant quin possint Defunctorum corpora praefata ad eorum Ecclesias tumultuando deferri facere. Inhonestum quoque esse censentes Mendicantium Ordines ad aliquorum onerum contributionem teneri, illos, illorumque loca, etiamsi curam animarum habeant, ac quaecumque beneficia illis unita ad contributionem pro Seminario, aut decimarum aliquarum solutionem, immo illos, & eorum damos, Monasteria, beneficia, & loca quaecumque, & ab illis quomodolibet dependentia, eorumque possessiones, vineas, agros, & prata, ac alia bona quaecumque tam ad ipsos, quam ad Moniales praefatas, etiam largitione fidelium, seu alias iustis de causis ab eis acquisita, ac pecunijs empta, vel alias quomodolibet pertinentia minime teneri, illosque, & illas a quibuscunque decimis, primitiis, quartis, medijs, & alijs fructuum partibus, necnon subsidij charitativis, etiam per nos concessis ad quorumcunque, etiam Regum, Principum, & dominorum temporalium instantiam, quaecumque etiam urgentissima, & de necessitate exprimenda causa, ac etiam alijs quibuscunque oneribus, tam ordinarijs quam extraordinarijs, etiam ratione fructuum, oleum, virgultorum, lignorum, benefi-

beneficiorum, & aliarum quarumcumque rerum, tam pro victu, quam vestitu aut alijs sibi necessariarum quomodolibet etiam auctoritate Apostolica nunc, & pro tempore impositis, ita ut penitus, & omnino ad alicuius rei contributionem minimè teneantur, omnino eximimus, & liberamus, illosque, & illas, ad illos, & illa etiam si saculares, & alia persona quacumque in eas exigendi possessione fuerint minimè teneri debere volumus. Nec sub cap. 12. sess. 25. comprehendendi posse, vel debere decernimus. Quod verò de usu quæstorum eleemosynarum auferendo loquitur sess. 21. cap. 8. id ad Mendicantium Ordines nullo modo referri posse, vel debere etiam decernimus, quin potius cum eleemosynis huiusmodi viuere cogantur, eis id facere liberum omnino esse declaramus. Quoniam verò ex nimia Episcoporum sibi arrogata auctoritate ipsi personas Regulares sue iurisdictioni subijcere omnino student, ac decreto Concilij præfati sess. 25. cap. 14. edito, quo cauetur quòd si Regularis intra claustra existens, & extra ea ita notorie deliquerit ut populo scandalosus sit, termino ab Episcopo præfigendo à suo Superiore omnino puniatur; sin minus ab Ordinario delinquens puniri possit, confissi, varijs, indubitisque grauaminibus Regulares afficiunt: Ordinarios præfatos aliquid contra Regulares in claustris degentes huiusmodi quouis prætextu, occasione vel causa innouare non posse, vel debere, nec aliquos processus contra ipsas personas Regulares formare, aut facere posse volumus nisi propter manifestum scandalum, & suorum ordinum Superioribus prius consultis, & negligentibus, alioquin omnia, & singula contra præmissa facta, & gesta ac faciendæ in futurum, pro nullis, & infectis habeantur. Neque etiam se intromittant ullo pacto, aut aliqua ratione in gubernatione Conuentuum, tam Fratrum, quam Monialium huiusmodi, & illorum correctionibus, sed omnia ista, & alia necessaria ad correctionem, & gubernationem Fratrum, aut Monialium huiusmodi, eorum Generalibus, ac Ministris, seu Prouincialibus, vel alijs eorum, aut earum respectiue Superioribus etiam ratione computa faciendi cum syndicis Conuentuum huiusmodi omnino relinquatur, nec ullo modo in prædictis per se, vel alios se intromittant. Fratres quoque si contigerit eos ad huiusmodi Ordinarios recursum habere à præfatis Generalibus, Ministris, seu Prouincialibus, Prioribus, Guardianis, & alijs Superioribus castigari, & puniri posse, & debere: neque ipsos Ordinarios præfatis Superioribus Ordinum huiusmodi vllatenus inbibere quinimo præfatos Superiores processus contra Fratres suos, & Moniales huiusmodi quando opus fuerit circa delictorum inquisitionem, vel castigationem facere posse decernimus, inuocato etiam ad hoc, si opus fuerit, auxilio brachij secularis. Inbibemus etiam ipsis Ordinarijs, ne Fratres

extra

extra claustra degentes sub eorum protectione recipiant, eosque in-
 nitis suis Superioribus detineant. Prohibemus quoque eisdem Ordini-
 narijs, ne aliquo modo se intromittant in bonis dictorum Fratrum
 extra claustra suorum Monasteriorum pro tempore degentium,
 siue decedentium, & quamuis in habitu, siue absque habitu morian-
 tur, volumus quod eorum bona mobilia, & immobilia ad Ordinem
 quem professi sunt pertineant, disponenda iuxta Constitutiones, seu
 Ordinationes prefatorum Ordinum, neque illa Ordinarij prefati
 occupare presumant, imò huiusmodi ad habitum Religionis reuer-
 tentium bona omnia Monasterijs ipsis, cum ea quæ acquirunt Mona-
 chus, de iure Monasterio acquirantur, pertinere etiam decernimus.
 Ac ipsis Ordinarijs ne quascumque uniones etiam perpetuas à Sede
 predicta, vel alias, ut præfertur, baculus factas, & pro tempore fa-
 ciendas de beneficijs Ecclesiasticis, seu illorum Fructibus quin suum
 sortiantur effectum, impediant, omnino etiam prohibemus, & censu-
 ras ecclesiasticas, & alias penas per eos in contradictores pro tempore
 datas, nullius esse roboris, vel momenti, similiter decernimus, & de-
 claramus. Insuper volumus, quod prefati Regulares, quibus cura
 animarum est, possint per seipsos iuxta suorum Superiorum Ordina-
 tionem, aut alios Vicarios, seu Capellanos seculares, ipsorum
 Regularium nutu amouibiles, ab eis deputatos, & ab Ordinario
 pro idoneis nominatos, & approbatos prefatam curam exercere,
 neque in eorum deputatione, vel amotione, neque alicuius partis
 fructuum consignatione pro prefatis Capellanis, seu Vicarijs se-
 cularibus si per tales curam exerceri contigerit, Episcopi ullo pacto
 se intromittant. Prohibemus insuper eisdem Ordinarijs, ac alijs
 quibuscumque personis, ne impediant ipsos Fratres, quando eis pla-
 cuerit tam in diebus Dominicis, seu festiuis, aut alijs totius anni
 temporibus campanas pulsare, & etiam tempore quo ipsi celebraue-
 rint Missas celebrare, necnon mortuorum corpora associare, &
 illa per fratres ipsos quando in Ecclesijs suis prefatis delata fuerint
 absque presentia Rectorum Ecclesiarum huiusmodi sepelire facere,
 ac Officia mortuorum huiusmodi peragi posse, necessariamque presen-
 tiam Rectorum, aut aliorum Clericorum, quin infirmi liberè sua
 possint concedere testamenta minimè esse, ac ipsos Regulares legata,
 aut quauis alia sibi in testamentis relicta exigere, & obtinere posse;
 neque aliquod ius in contrarium esse decernimus, & declaramus.
 Licentias verò pro construendis domibus Regularibus quæ 3. cap.
 sess. 25. nisi de Ordinarij licentia construi prohibentur, gratis om-
 nino dari, & non nisi legitima subsistente causa Superioribus expli-
 canda illas recusari posse. Necnon Fratres prefatos etiam solos
 mortuorum corpora associare ac mandatum in die Cane Domini

fieri solitum in Ecclesijs seu domibus Fratrum cuiuslibet Ordinis prædictorum solemniter facere, & prædicta die prædicare, hora quæ eis videbitur, nec per locorum Ordinarios, aut Rectores Ecclesiarum, seu alios quoscunque prohiberi posse etiam decernimus, & declaramus. Mandantes etiam vniuersis locorum Ordinarijs ne mortuorum Officia agere Rectores Parrochialium in Ecclesijs ipsorum Fratrum contra illorum voluntatem permittant. Ac moniales dictis Fratribus subditas, vel personas sepulturam in eorum Ecclesijs eligentes, nulla soluta Parocho portione sepelire, vel si Fratres ad mortuorum corpora, associanda vocati fuerint, illa absque Fratrum huiusmodi præsentia sepeliri facere audeant, vel præsumant. Cumque maximè deceat, liberam esse cuiusvis testantis voluntatem, prauum illum vsum paruo adhuc tempore, vt præfertur, introductum, per quem testamenta absque Presbyterorum præsentia fieri interduntur omnino. abrogamus. Postremò quod cap. 13. seß. 25. cautum fuit, quòd omnes scilicet tam Clerici, quàm Regulares quicumque ad publicas processiones vocati, accedere compellantur, id quòd ad Fratres præfatos, de illis tantum processionibus intelligi volumus ad quas secundum consuetudinē antiquam locorum soliti sunt accedere, vel quæ pro bono pacis Ecclesie, vel pro victoria contra Infideles inducuntur. Quod etiam de illis Conuentibus, qui collegia nuncupantur minimè intelligi volumus in quibus Fratres sub arctiori clausura degunt, ita vt nec in Choro cantent, nec ad mortuos accedant, sed tantum studijs, & lectionibus vacent.

13 Circa quam Constitutionem, vel Bullam id primò notandum, plurium sententiam esse; imò & communiter teneri eam reuocatam esse à Greg. XIII. in alia Constitutione, quæ incipit *In tanta*, quæ habetur in 2. tomo Bullarij inter Constitutiones illius num. 9. vbi de prædicta Constitutione, & alijs quæ à præd. Pio V. prædecessore manuerant sic habet. Nos hac tanta varietate cognita quæ etiam ex multiplici Litterarum, & Constitutionum editione procedi, præsentibus, & futuris discriminibus occurrere volentes de nobis attributæ potestatis plenitudine statuimus, & ordinamus de prædictis, & alijs omnibus Litteris, & Constitutionibus, quæ ab eodem Prædecessore eisdem de rebus pro quorumcumque Regularium, & Mendicantium Ordinibus, & Congregationibus quomodolibet emanarunt, ac omnibus, & quibuscunque in eis contentis eam deinceps dispositionem atque decisionem pro subiecta materia futuram esse quæ siue ex iure veteri, siue ex sacris dictis Concilij decretis, siue alijs legitimè ante dictarum Litterarum, & Constitutionum editionem erat, etsi ipsæ non emanassent futura fuissent. Ad quam

quam dispositionem, & decisionem, suumque pristinum, & integrum statum, ac terminum illa omnia reducimus. Quin etiam tollimus, & abrogamus omnia irritantia, & alia decreta, necnon prohibitiones, declarationes, mandata, & quæcumque alia ipsis Litteris, & Constitutionibus apposita, & aliis eorum occasione &c. Hæc Greg. XIII.

14 Nihilominus plures tenent hanc Greg. Const. non obligare ex defectu legitimæ publicationis, cū enim edita fuerit sub anno Incarnationis Dominicæ 1573. dicunt publicatam non esse, nisi post annum 1588. Vide Illamas 1. p. *Methodi c. 7. §. 6.* Peirinis *to. 2. privilegior. Minim. in Constit. 7. Pij V. num. 2.* qui referunt. Nauarrum in *Mat. cap. 27. in fine & cap. 21. num. 5.* quatenus dicere videtur non fuisse publicatam hanc Gregorij Constitutionem. Sed errant in hoc. Nauarrus enim non loquitur de hac Constitutione Gregorij, sed de alia moderatione dictæ Constitutionis Pij V. ab ipso Pio V. edita, imò ipse tam in dicto *cap. 27. in fine,* quàm *cap. 25. num. 68.* supponit esse publicatam hanc Gregorij Constitutionem. Quorsum enim eam referret si publicata non esset? Adde quòd in præd. 2. tom. Bullarij in fine huius Constitutionis Gregorij loco citato dicitur publicatà locis solitis in Curia die 23. Martij 1573. non ergo ex defectu publicationis infirmatur eius auctoritas.

15 Alij videntur dicere apud dictum Peirinis non esse praxi receptam. Sed nec id probare possunt, nec video aliquod fundamentum ad id asserendum, imò potiùs ad dicendum contrarium, cum praxis Ecclesiarum, & Religionum eam obseruet. Nisi dicatur eam non esse receptam in alio præterquam quoad revocationem privilegiorum contrariorum Concil. Tridentino iuxta dicenda numero sequenti. Quò sensu videntur intelligi Henriquez, & Thomas de Iesu relati *tom. 1. huius Summæ cap. 3. num. 12.*

16 Dicendum ergo est Gregorium XIII. in dicta Constitutione *In tanta* solum revocasse præfatam Constitutionem Pij V. quatenus per ipsam conceditur aliquid contrarium decretis Concilij Tridentini, non tamen quatenus conceditur aliquid non contrarium ipsis decretis. Ita enim dicitur à Sacra Congregatione declaratum. Rodriguez *tom. 1. quest. Regul. q. 8. art. 9. q. 43. art. 7. & q. 39. art. 2.* Sorbus in *annotat. ad compend. privileg. Mendic. verb. privilegia Fratrum §. Et licet Greg. XIII.* Molfetius 2. p. *summæ tract. 13. cap. 9. num. 30.* Nec etiam est revocata quantum ad ea quæ dictus Pontifex Pius in dicta Constitutione dixerat non aliquid de nouo concedendo, sed

explicando Concilium Tridentinum. Miranda 2. tom. *Manual.* q. 48. art. 8. Peirinis tom. 2. *privileg. Minim. in Constit.* 7. Pij V. num. 3. Restat ergo videre quænam ex dictis Privilegijs à Pio V. concessis aut quomodo hoc tempore robur habeant.

17 Et primò facultas concessa Mendicantibus prædicandi in Ecclesijs suorum Ordinum etiam contradicente Episcopo limitanda est iuxta dicta tom. 1. cap. 20. num. 2. & 3. ita scilicet ut non requiratur ad hoc licentia Episcopi, bene tamen ipsius benedictio saltem petita, ut habetur ex Concilio Tridentino *sess.* 5. cap. 2. Favent litteræ in forma Brevis à SS. D. N. Urbano Missæ ad Eminentiss. Cardinalem Sandoual, quas refert Barbosa in *Collectan. Bullar. verb. Episcopus prædicator, & circa prædicatores* 11.

18 Deinde 'facultas concessa' Mendicantibus ab hoc Pontifice ad audiendas confessiones sæcularium solum cum approbatione Generalium, vel Prouincialium cum sit contraria decreto Concilij Trident. *sess.* 23. cap. 15. Nullo modo subsistit, valet tamen quantum ad hoc quod idem Pontifex subiungit quòd scilicet ille qui semel est in vna Diocesi ab Episcopo admittus, amplius præsentari ibidem non debeat aut examinari ab eodem Episcopo, bene tamen à successore, ut declaravit S. Congregatio apud Quarantam in *summa Bullarj verbo confessor.* Vide dicta tom. 1. cap. 19. num. 7. illud autem quod subiungit Pontifex de non exigendo, vel recipiendo aliquid pro examine ad confessiones audiendas (intellige ab Episcopo, vel eius officialibus) manet omnino in sua vi.

19 Illud de Confessoribus Monialium, quæ sub cura Regularium degunt non examinandis ab Ordinario, vacat in Italia, & alijs partibus, ubi Constitutio Gregorij XV. *de exemptor privilegijs* viget, cum in illa præcipiatur quod prædicti Monialium Confessarij approbati ab Episcopo esse debeant, iuxta dicta tom. 1. cap. 25. num. 45. & 46. in partibus autem, seu Regnis Hispaniarum, ubi illa Constitutio suspensa est, iuxta dicta tom. 1. cap. 19. num. 35. valet dicta concessio, vel declaratio Pij V. quòd scilicet Confessarij Monialium non debeant ab Episcopis examinari. Declarationes autem quædam S. Congregat. quas refert Barbosa in *Collectan. Bullar. verb. Confessarius Monialium* 2. & ego dicto cap. 25. num. 46. quæ videntur contrariæ huic doctrinæ; cum sint factæ pro explicatione dictæ Constit. Gregor. XV. solum habent vim sicut ipsa extra Hispaniam. Pariter etiam illud de Fratribus pro Confessionibus aliorum Fratrum audiendis, non examinandis ab Episcopis, ubique

vbique valet iuxta dicta *tom. 1. cap. 18. num. 27.* illud autem de-
lectoribus, seu graduatis non examinandis ab Episcopis, reuo-
catum est ab eodem Pio V. iuxta dicta *to. 1. cap. 19. n. 6.* & ita mo-
do non subsistit.

20 Facultas porro administrandi Sacramentum Eucharistiæ
fidelibus præterquam in festiuitate Paschatis, quam hic Pontifex
concedit Mendicantibus, cum in Concilio Tridentino nihil de
hoc habeatur, manet in sua vi iuxta priuilegia antiquiora ip-
sorum Mendicantium de quo *1. tom. cap. 21. num. 8.* Vide etiam
Nauarrum *in summa cap. 21. num. 52.* Azorium *tom. 1. lib. 7.*
cap. ult. q. 7. Suarez *tom. 3. in 3. p. disp. 72. sect. 2. dub. 2.* Qualiter
verò id non liceat in die Paschatis vide declarationem S. Con-
gregat. in Barbosa *de Collectan. Bullar. verb. Eucharistia.*

21 Similiter facultatem suspendendi interdicta Ecclesiastica
in festiuitatibus SS. Ordinum Mendicantium, ac alijs festiui-
tatibus iuxta eorum priuilegia, cum probabile sit non esse con-
trarium Concilio iuxta dicta *tom. 1. cap. 21. num. 19.* probabile
etiam erit manere in sua vi his temporibus. De quo bene Peiri-
nis *to. 1. priuileg. Minim. in Constit. 2. Sixti IV. à nu. 50.* plures
alios referens. Nec obstat probabilitati huius opinionis de-
claratio quædam S. Congregationis, quam referunt Garzia,
Armendariz, & Barbosa *in Collectan. Bullar. verb. Priuilegium,*
in qua oppositum declaratur. Tum quia de illa mihi authenticè
non constat, tum propter concessionem Clem. VIII. factam
Minoribus, quam referunt Rodriguez *to. 2. quest. Regul. q. 112.*
ar. 2. & Peirinis vt supr. num. 51. Ad minus tamen videtur stan-
dum consuetudini legitimè præscriptæ, & ea vtendum, excluso
scandalo. Nota tamen hanc concessionem Clem. VIII. solùm
esse pro festiuitatibus Sanctorum Ordinis.

22 Id quod etiam habetur in dicta Constitutione Pij V. de li-
centia pro ingrediendo Monasteria Monialium pleno iure
subditarum Mendicantibus in casibus necessarijs, non conce-
denda ab Episcopo, sed à Prælatis Religionum, etiam videtur
in sua vi cum non sit contrarium Concilio Tridentino quia so-
lùm petit *sess. 25. cap. 5.* quòd talis ingressus non fiat *sine Episcopi,*
vel Superioris licentia. Quod debet intelligi cum partitione
accommoda, idest, Episcopi in Monasterijs Episcopo subie-
ctis, vel Superioris, intellige Regularis, in Monasterijs Regula-
ribus subiectis. Neque obstat declaratio S. Congregationis
adducta *tom. 1. cap. 25. num. 25.* vbi habetur, quòd si fuerit con-
suetudo introducta quòd talis licentia concedatur ab Ordina-
rio, vel quòd ipse habeat aliquam superintendentiam super
concel.



concessione ipsius obseruanda sit. Hoc inquam non obstat, quia etsi verum sit, quod ubi fuerit talis consuetudo obseruari debeat, tamen id non erit ex vi Concilij sed ex vi talis consuetudinis quæ habet vim legis. Non stante tamen tali consuetudine privilegium Pij V. videtur subsistere, cum id non sit contrarium, sed potius conforme Concilio Trident. Suarez 4. tom. de Relig. tract. 8. lib. 1. cap. 10. nu. 15. Magis tamen obstare videntur duæ aliæ declarationes S. Congregationis apud Barbosam in Collect. Bullar. verb. *Monialium clausura circa ingressum*, in quibus dicitur, tales licentias obtineri debere non solum à Superioribus Regularium, sed etiam ab Ordinarijs, vel solum ab Episcopis ubi esset talis consuetudo. Quare ijs declarationibus standum videtur, si authenticè de illis constet, aliàs consuetudini legitimè præscriptæ, non obstantibus ijs quæ dixi dicto cap. 25. n. 25. antequam huiusmodi declarationes vidissem.

23 Quoad illud quod Episcopi non possint se intromittere circa administrationem bonorum Monialium, seu aliquod dominium aut iurisdictionem exercere, vide limitationem à Greg. XV. factam in Constitut. de exemptor. *Priuelegijs* de qua dicto tom. 1. cap. 25. num. 45. quam etiam suspensam dixi pro Regnis Hispaniarum eodem to. 1. cap. 19. num. 35. vnde extra Hispaniam obseruari debet.

24 Circa puellarum Deo dicandarum examen faciendum ab Episcopo non nisi infra quindecim dies postquam requisitus fuerit, & illis transactis non se in hoc intromittendum, & alias circumstantias dicti examinis faciendi privilegium adductum Pij V. videtur in suo robore manere cum nullo modo contrarium appareat, sed conforme decreto Concilij Trident. sess. 25. cap. 17. Solum aduertendum S. Congregationem, ut dicitur, declarasse posse Episcopum ob iustam causam, vel suspicionem quod stando puella intra Monasterium non liberè suam voluntatem manifestabit; illam examinare in Ecclesia Monasterij exteriori, vel in alia proxima, præsentibus duabus matronis, ætate grauib, & honestis, non consanguineis, vel coniunctis puellæ. Vide dicta tom. 1. cap. 25. num. 12. Zanolam 1. part. praxis verb. *Monialis*. Peirinis tom. 2. privileg. Minim. in Constitut. 7. Pij V. §. 8. num. 10. & circa illud de examine faciundo ad cratem ferream Gauantum in Man. Episc. verb. *Monialium professio* n. 14. & 15.

25 Privilegium autem illud seu potiùs confirmatio privilegij antiqui Mendicantium quod possent Sacros Ordines suscipere à quolibet Antistite, gratiam, & communionem Apostolicæ Sedis haben-

habente, Ordinarij loci minimè requisita licentia in locis, seu domibus Fratrum omnino vacare videtur, quia contrarium decreto Concilij Trident. *sess. 6. cap. 5. & sess. 23. cap. 8.* ac decreto S. Congregationis sub Clem. VIII. iuxta dicta *tom. 1. cap. 14. nu. 11. & 12.*

26 Id verò quod de Missis, seu Officijs diuinis à Mendicantibus celebrandis, concionibus, lectionibus, & sermonibus pro mortuis in Ecclesijs eorum faciendis, eleemosynis pro Missis, & Officijs diuinis recipiendis, & prædictis Missis, & Officijs diuinis quacumque die, & tempore dicendis, & audiendis à Christi fidelibus subiunxit idem Pontifex Pius V. omnino manet in sua vi, & robore; tum quia nullo modo contrariatur Concilio Trident. tum quia ita usu, & præxi in Ecclesia Dei receptum. Vide dicta *tom. 1. cap. 12. num. 41. cap. 21. nu. 11. & Peirinis to. 1. Priuileg. Minim. in Constit. 21. Leonis 10. num. 1. & in to. 2. super hanc Constitutionem Pij V. §. 10. num. 11.* Hic tamen obiter notandum sæpius declaratum esse à S. Congregat. Episcoporum. & Regular. non posse Regulares exponere Sanctiss. Sacramentum publicè adorandum sine causa ab Ordinario approbata. Barbossa in *Collectan. Bullar. verb. Regulares* 1. Gauantus in *Man. Episcop. verb. Eucharist. num. 53. & 54. & verbo Regular. iura sub Episcop. num. 19. & 20.* Vbi etiam qualis futura sit hæc causa, & qualis modus, quo exponi debeat. Quæ decreta obseruari debent, nisi forsan publicata non sint, & consuetudine legitima oppositum alicubi habeatur.

27 Id etiam quod additur ab eodem Pontifice de controuersijs super præcedentia per Episcopum terminandis, sed non postquam sopitæ sunt, sed quandiu durant cum non aduersetur Concil. Trident. *sess. 25. cap. 13.* Sed potius sit declaratio ipsius omnino subsistit. Pro quo vide Rodriguez *tom. 3. quæst. Regular. q. 37. art. 3.* Peirinis *tom. 1. Priuileg. Minim. in Constit. 2. Sixti IV. num. 58.*

28 Id quoque de Regularibus Mendicantium admittendis ad curam animarum personarum sæcularium in domibus Religiosis virorum, seu mulierum quibus talis cura imminet, manet etiam in suo robore, cum contrarium non sit Concilio Trident. *sess. 25. cap. 11.* vbi de hac re agitur. Obseruari tamen debent, quæ ibi à Concilio præscribuntur iuxta dicta *tom. 1. cap. 11. num. 9.* Quibus adde ex Constitutione Gregorij XV. de exemptor. Priuilegijs, prædictos Regulares, siue animarum curam personarum sæcularium Monasterijs seu domibus Regularibus, aut quibusuis alijs Ecclesijs, vel beneficijs, siue Regularibus, siue

sive secularibus incumbentem exerceant, sive aliàs Ecclesiastica Sacramenta, aut unum ex illis ministrent prauia Episcopi licentia, & approbatione, sive quoquo modo in dicta cura exercitio, aut in eorumdem Sacramentorum, vel alicuius ex illis administratione de facto absque ulla auctoritate se ingerant; in ijs, quæ eiusmodi curam seu administrationem concernunt omnimoda iurisdictioni, visitationi, & correctioni Diocesani Episcopi tanquam Sedis Apostolicæ delegati plene in omnibus subijciantur, & infra. Ita ut Episcopi in suprascriptis casibus, & in prænomatas personas in præmissis omnibus, & singulis, aut circa ea quoquomodo delinquentes quoties, & quando opus fuerit, etiam extra visitationem, per censuras Ecclesiasticas, aliasque pœnas uti eiusdem Sedis Delegati, procedere omnemque iurisdictionem exercere, libere, & licite valeant. Peirinis tom. 1. Priuileg. Minim. in Constitut. 2. Sixti IV. §. 11. nu. 27. Nota etiam id quod sæpius dictum maximè tom. 1. cap. 19. num. 35. quòd scilicet in Regno Hispaniarum huiusmodi Constitutio suspensa est, ac proinde in illis iudicandum secundum ius commune Concil. Trid.

29 Pariter id quod Pontifex decernit de quarta funerali non soluenda à Monasterijs quæ à 40. annis citra fundata existunt, etiam manet in suo robore, cum Concilio Trident. non contradicat. Concilium enim sess. 25. cap. 13. solum iubet illam solui à quibuscumque Monasterijs quæ illam soluere essent solita ante annos 40. Vide dicta tom. 1. cap. 3. num. 13. & Peirinis super hanc Constitutionem in tom. 2. Priuileg. Minim. §. 13. nu. 14. & to. 1. in Conslit. Pyrrhi nu. 54.

30 Idem dico de quarta relictorum pro ornamentis Ecclesiæ, pallijs, planetis, cortinis, pannis, victu Fratrum &c. cum nihil circa hoc in Concilio Trident. reperiatur, & conforme sit Priuilegijs antiquis Mendicantium specialiter Sixti IV. pro Carmelitis, qui in Bulla. Dum attenta, quæ est mare magnum sic habet: *Et si forte per nos aut Sedem Apostolicam de piè legatis dispositis, & relictis in genere vel specie decima, vel alia portio, seu quarta alteri piæ, vel non piæ causæ ex quauis causa hætenus concessa foret, aut in posterum, concedi, & solui aut dari vel mandari contingeret, Fratres prædictos, & illorum domos ac eis legata, & relictæ, aut aliæ in eorum fauorem dispositæ in concessione, & mandatis huiusmodi decernimus, & volumus non includi, nisi de ipsis Fratribus, & præsentis decreto, & voluntate nostra non per generales clausulas, quæ etiam specialem mentionem importare viderentur, sed vera, & specificata mentio fiat in eiusdem.* Declaratum etiam est à S. Congregat. Episcoporum. & Regul. non posse Ordinarium exigere

exigere à Regularibus quartam legatorum piorum, nisi eam soluere essent soliti, aut à quadraginta annis citra eam exegerint. Barboſa in *Collect. Bullar. verb. quarta.*

31 Pariter etiam id quod Pontifex dicit de libera sepultura ſæcularibus in Eccleſijs Mendicantium tribuenda, cum non aduerſetur vilo modo Concilio Trident. etiam manet in ſuo vigore, maximè cum conforme ſit priuilegijs antiquis Mendicantium, ſpecialiter Sixti IV. in mari magno pro Carmelitis, & aliorum Summorum Pontificum apud Rodriguez *tom. 3. quaſt. Regular. q. 58. art. 3.* Circa modum autem quo ſe gerere debeant Regulares cum Parochis circa ſepelienda corpora ſæcularium in ſuis Eccleſijs, & Crucem portandam, omiſſis varijs priuilegijs, extat decretum Sacræ Congregationis Eminentiff. Cardinal negotijs Episcoporum, & Regularium Præpoſit. in quo conformiter ad decretum Lateranenſis Concilij, vbi ſtatutum, & ordinatum erat vt Fratres Ordinum Mendicantium, cateriq; Religioſi Regulares non poſſent intrare Parochias cum Cruce ad leuanda funera eorum, qui apud Eccleſias domorum, & locorum eorundem ſuam elegerint ſepulturam, niſi prius præmonito, & requiſito, ac reſulante Parochiano Presbytero, & tunc ſine eius, & Ordinarij præiudicio obuiare volens quorundam Regularium vſui, quo prætextu cuiuſdam conſuetudinis contendebant, ſibi licere defunctorum funera, proprio eorum Parocho abſente, eoque irrequiſito, afferre, & leuare, maximè cum hoc non leues controuerſias, & altercationes aliquibus in locis non ſine populi ſcandalo, & Dei offenſione excitaffet. Omnem eiufmodi diſſenſionem, & ſcandalorum materiam, & occaſionem præcidere, atque in futurum providere deſiderans, & vt tam Parochi, quàm Fratres ipſi vnanimi inter ſe voluntate, & ea qua par eſt, charitate vltima hæc Chriſtianæ pietatis officia defunctis præſtent, ſtatuit, & declarauit. *Quibus ſuis Regularibus quorumcumque Ordinum, & Congregationum, tam Mendicantium, quàm non Mendicantium exiſtant nullo modo licere, etiam ſpecialis alicuius conſuetudinis prætextu, Parochias cum Cruce proceſſionaliter, aut aliàs ad efferenda, & leuanda Defunctorum funera intrare, vel illa leuare, & efferre, niſi vocato, & expectato proprio Defuncti Parocho, eoque ibidem præſente, ſi tamen ipſe aliſter fieri non conſentiat, & permittat: vel niſi requiſitus veniſſe expreſſè omnino reſuſet.* Atque ita obſeruari mandauit, & diſtrictè præcipit; firmis de cætero, & in ſuo robore permanentibus ijs omnibus, quæ ſuper quarta funerum, & canonica portione, alijsque iuribus ad ſepulturas pertinentibus,

in sacris canonibus, & Conciliorum decretis, Summorumque Pontificum Constitutionibus hætenus sancita, & ordinata erant, vel aliàs ex particulari consuetudine, vel alio iure obseruabantur. Stephanus Quaranta in *Summa Bullarj verb. Priuilegia Regularium*, Peirinis tom. 1. *Priuileg. Minim. in Constit. 26. Leonis X. §. 10. num. 20.* Barbosa de *Officio Parochi cap. 26. num. 66.* Extat etiam alia Congregationis declaratio apud eundem Barbosam in *Collectan. Bullar. verb. cadauer.* in qua dicitur: *Cadauera defunctorum leuare de domo propria nullo modo licet Regularibus, & Presbyteris secularibus, nisi de licentia, & consensu proprij Parochi.*

32 Similiter id quod additur ab eodem Pontifice de Mendicantibus non obligandis ad contributionem quorumcumque onerum etiam manet in sua vi, cum Concilium Tridentinum non contrarietur, & conforme sit multis priuilegijs ipsorum Mendicantium, de quibus Casarubius in *Compend. Priuileg. Mendic. verb. decima.* Rodriguez tom. 2. *quest. Regular. q. 44. art. 4. & 5.* maxime Sixto IV. in Bulla *Dum attentata* pro Carmelitis illis verbis: *Primò litteras Innocentij IV. & Clementis IV. & etiam Innocentij VI. & Alexandri IV. per quas dicti Ordinis B. Dei Genitricis Mariae de Monte Carmeli professoribus conceditur: quòd ad solutionem collectarum, seu exactionum quorùlibet, vel vicesima, cogi à nemine valeant, & in presatis Clem. IV. & Alexand. IV. Roman. Pontificum prefatorum, etiam predecessorum nostrorum litteras prædictas in ea parte in qua concedunt dictis Fratribus, ut de noualibus eorum quæ proprijs manibus, aut sumptibus colunt, ac de hortis virgultis, & piscationibus eorum nullus ab eis decimas exigere præsumat, ad quacumque bonæ dictorum Fratrum, & quacumque opera, quæ etiam sub censuris alterius quotæ, vel subsidij etiam charitatiui, aut datij, vel pedaggi, vel gabelle, seu alio quouis nomine indicerentur etiam per Apostolicæ Sedis Legatos; locorum ordinarios, vel Clerum, aut Populum, vel seculares Principes, & Dominos temporales, & alios quoscumque exigerentur, quamuis etiam Apostolica auctoritate, necnon ad quascumque decimas etiam quas vulgus Papales appellat, & Apostolica Sedes pro Christiana fidei defensione, aut alijs imminuentibus ei per sepe necessitatibus indicit, extendimus, ac decernimus dicti Ordines Professores, etiam si decimæ, & onera huiusmodi per quoscumque exemptos etiam Mendicantium Ordinum professores solui mandarentur cum quibusuis etiam derogatorijs, derogatorijs, ac fortioribus, & efficacioribus clausulis ad decimarum, & onerum huiusmodi solutionem non teneri, & in illorum*
solutio-

soluzione cessando censuras, & pœnas aliquas non incurrere, nisi presentibus, & non per generales, aut alias clausulas speciale mentionem importantes, sed aliàs sit derogatum specificè earum de verbo ad verbum inserto tenore. & intra Innocentij VI. & Clementis IV. Clementis VI. prædecessorum nostrorum indulta de decimis non soluendis de hortis, virgultis, noualibus ad eorum usum pertinentibus, & quæ proprijs manibus, & sumptibus coluntur speciali priuilegio, ut eorum utamur verbis. Ea propter dilecti in Domino filij vestris iustis postulationibus clementer annuimus, & domos vestras, in quibus diuino mancipati estis obsequio sub B. Patri, & nostra protectione suscipimus, & presentis scripti priuilegio communimus, & quæ de nominatis rebus præfati prædecessores priuilegia concesserunt ad singula bona dictorum Fratrum extendimus, videlicet quoscumque hortos, & siluas, & quæcumque alia bona prædictæ domus, & Ordinis quæ in presentiarum iuste, & canonicè possident, aut in futurum concessione Pontificum, largitione Regum, vel Principum oblatione, aut fidelium donatione siue hereditaria successione quam in seculo existentes, tam de iure, quam de consuetudine ad succedendum fuissent habiles, seu alij quibuscumque iustis modis, præstante Domino, poteritis adipisci, firma vobis vestrisque successoribus, & illibata permaneant, in quibus hæc proprijs duximus exprimenda vocabulis. Loca ipsa in quibus præfata domus sitæ sunt cum pertinentijs suis. Videlicet cum Ecclesijs, hortis, pratis, nemoribus, usuagijs, pascuis in bosco, & plano, in aquis, & molendinis in vijs, & semitis, ac omnibus alijs libertatibus, & immunitatibus suis, sane noualium vestrorum quæ proprijs manibus, aut stiptibus colitis, siue de hortis, virgultis, vineis, & piscationibus vestris nullus à vobis decimas exigere, vel extorquere præsumat. Hæc Sixtus IV. Vide dicta to. 1. cap. 3. nu. 14. & 15.

33 Circa id tamen quod ibidem subiunxit Pontifex de exemptione Mendicantium à contributione pro seminario pro beneficijs Monasterijs illorum vnitis notandæ sunt declarationes quædam S. Congregationis apud Barbosam in *Collect. Bullar. verb. Mendicantes*, in quibus oppositum declaratur. Nihilominus dum de illis an sint, vel non authenticæ, aut de sensu, in quo accipiendæ sint non constiterit, standum est consuetudini Religionum.

34 Idem quod dictum est de exemptione Mendicantium ab oneribus realibus ratione suorum bonorum dici debet de oneribus personalibus ratione suarum personarum, cum etiam illæ sint exemptæ. Vnde non possunt obligari ad custodiam Ciuitatis, portarum, aut murorum tempore pestis, nisi quan-

do esset magna penuria virorum, qui id facere possint, Lauretus de Franchis *in Controuers. Episcoporum. & Regular. in quest. q. 94.* Neque ad custodiam murorum Ciuitatis tempore belli, nisi quando adest magna necessitas. Lauretus *ibid. q. 95.* Vtrumque verò elicitur ex *cap. peruenit. de immunit. Eccles.* Multò minus obligari possunt ad pugnandum contra hostes pro defensione Reipublicæ, cum id sit eis prohibitum *cap. petitio tua de homic. volunt. cap. clerici de vit. & honest. cleric.* nisi quando magna necessitas esset ad defendendum Rempublicam, vel consequendam insignem victoriam contra iniuste bellantes. Lauretus *ut supra.* Bonacina *de irregularit. disp. 7. q. 4. punct. 4. nu. 11.* An verò tunc occidentes, vel mutilantes fiant irregulares, tractant prædicti Lauretus, & Bonacina post Molinam *de iustitia tract. 2. disp. 109.*

35 Illud insuper de libera facultate Mendicantium ad elemosynas quærendas manere in sua vi ut potè quia conforme priuilegijs ipsorum, & declarationibus S. Congregationis, nec contrarium Conc. Trid. constat ex dictis in hoc capite *nu. 4.*

36 Quantum ad illud de Ordinarijs non intromittendis in delictis Regularium Mendicantium nisi quando ea fuerint notoria, & scandalosa, & tunc monitis Superioribus ipsorum, & negligentibus illos punire, etiam manet in suo robore, & vigore iuxta dicta *to. 1. cap. 16. num. 26. & 27.* cum limitatione tamen à Clemente VIII. posita, & ibidem relata. Pro quo etiam extat declaratio Sacræ Congregationis apud Quarantam *in summa Bullarj verb. confessor.* Lecto enim memoriali oblato nomine Fratrum Mendicantium Regni Neapolitani conquerentium qualiter ab Ordinarijs grauarentur contra sua priuilegia, & sacros Canones Concil. Trident. Respondit Sacra Congregatio. *Ordinarij in cognitionibus causarum Fratrum Mendicantium tam ciuiliū, quàm criminalium minimè se ingerant, pariter nec in uisitatione eorundem Fratrum, vel Ecclesiarum suarum, nisi quatenus eis per Concilij Tridentini decreta conceditur.*

37 Quod etiam dico de eo quod subiungit idem Pontifex Pius de Episcopis non se intromittendis in gubernatione Mendicantium, illud enim etiam manet in sua vi, iuxta declarationem Sacræ Congregationis adductam, limitandum tamen est propter Constitutionem Gregorij XV. *de exemptor. priuilegijs,* quæ ut dixi *tom. 1. cap. 19. num. 35.* pro Regnis Hispaniarum suspensa est, ita ut in alijs Regnis extra Hispaniam possint Ordinarij cognoscere de delictis eorum, qui curam animarum exercent,

cent, iuxta dicta *supra num. 28.* aut si deliquerint circa personas intra septa degentes, aut circa clausuram, vel administrationem bonorum Monialium, iuxta dicta *tom. 1. cap. 25. num. 45.* & etiam petere rationem ab administrantibus bona prædictarum Monialium adhibitis etiam Superioribus Regularium, eosque, & confessarios amouere si admoniti Superiores id facere neglexerint, iuxta ibidem dicta.

38 Idem pariter dicendum de facultate concessa ab eodem Pio V. Prælati Mendicantium ad castigandum, seu puniendum Fratres, qui ad Ordinarios confugerint, manet enim in suo vigore, cum tam iure communi, quam propter priuilegia Mendicantium illis maximè interdictum sit à correctione suorum Superiorum appellare ad Iudices extraneos, iuxta dicta *tom. 1. cap. 9. à num. 4.*

39 De illo etiam quod subiungitur, videlicet de non recipiendis ab Ordinarijs Fratribus nostris extra claustra degentibus sub eorum protectione, nec eis, inuitis Superioribus, detinendis, clarum est manere etiam in suo vigore. Vide dicta *tom. 1. cap. 16. num. 15.* & multa priuilegia Mendicantium apud Casarubium in *compend. Priuileg. Mendicant. verb. apostata ab Ordine* cum annotationibus Cordubæ, & Sorbi *ibidem*, & præsertim magnum priuilegium Sixti IV. pro Carmelitis, circa quod Sorbus notauit se credere quòd non reperiatur alibi, eo enim pro capiendis, excommunicandis, & incarcerandis nostri Ordinis apostatis Fratres nostri constituuntur Ordinarij etiam in Curia, illis verbis: *Apostatas quoque vestri Ordinis iuxta Alexandri IV. Constitutionem, & nostram præsentem concessionem excommunicare, capere, incarcerare, & alias subdere discipline rigori possitis per vos, ac etiam ab alijs à vobis deputatos in quocumq; habitu, & loco, etiam si in Curia nostra eos contigerit inueniri, in qua sicut extra nos (alibi habetur extra vos) super vestros subditos ratione professionis tam tacitè, quam expressè emissa Ordinarios proprio motu, & scientia similibus auctoritate apostolica deputamus, inuocato ad hoc, si opus fuerit, brachij secularis auxilio.* Ex quo videtur, etiam si apud quoscumque Reuerendiss. Episcopos inueniantur, eadem auctoritate vti posse Prælatos nostros.

40 Id verò quod subiungit Pontifex de bonis Regularium extra claustra decedentium moderatum est à Gregor. XIII. iuxta dicta *tom. 1. cap. 16. num. 20. 21. & 31.* Quatenus autem decernit quòd si ad Religionem reuertantur, bona ipsorum ad Religionem pertineant non video immutatum, & ideo videtur manere in sua vi. Peirinis *tom. 2. Priuileg. Minor. super hanc Consti-*

Constitutionem Pij Quinti §. 22. num. 22.

41 Circa id quod addit Pontifex de vnionibus Ecclesiarum notandum, Concilium Tridentinum *sess. 7. cap. 6.* hæc statuissæ: *Vniones perpetua à quadraginta annis citra factæ examinari ab Ordinarijs, tanquam à Sede Apostolica delegatis possint, & quæ per subreptionem, vel obreptionem obtenta fuerint, irritæ declarantur. Illæ verò quæ à dicto tempore citra concessa nondum in toto, vel in parte sortita sunt effectum, & quæ deinceps ad cuiusvis instantiam fient, nisi eas ex legitimis, aut alijs rationalibus causis eorum loci Ordinario vocatis, quorum interest, verificandis, factas fuisse constituerit, per subreptionem obtenta præsumantur: ac propterea, nisi aliter à Sede Apostolica declaratum fuerit viribus omnino careant.* Et conformiter ad ista *sess. 24. cap. 13.* etiam dicitur de huiusmodi Ecclesijs vnitis, & quæ vnita sunt reuidentur ab Ordinarijs. Quorum decretorum prætextu cum aliqui Domini Ordinarij grauarent Mendicantes qui Ecclesias Parochiales, seu alia beneficia suis Ecclesijs habebant vnita. Propterea Pontifex Pius decernit quòd non possint Episcopi dictas vniones factas, vel faciendas impedire, declarans censuras, & pœnas pro eo latas nullius esse roboris, & momenti. Quod eatenus valere hoc tempore poterit quatenus contrarium non fuerit repertum Concilij decretis.

42 Decernit etiam ibidem Pontifex quòd in prædictis Ecclesijs possint Mendicantes curam animarum exercere, vel per se ipsos, vel per alios sæculares ab ipsis amouibiles, approbatos tamen ab Ordinario, absque eo quòd Episcopi in hoc, aut in salario prædictorum assignando se vllò modo intromittant. Quod etiam eatenus manet in suo vigore, quatenus non contrarietur, vel Concilio Tridentino, vel Constitutioni Gregorij XV. iuxta dicta *supra num. 28.* Vide dicenda *cap. 18. nu. 8. & sequentibus.*

43 Id quoque de non impediendis Mendicantibus à pulsatione Campanæ, celebratione Missarum, mortuorū associatione, sepultura, & Officijs ipsorum faciendis absque præsentia Parochorum, legatorum receptione, & obtentione, etiam manet sua vi, cum nihil, quod sciam, in Concil. Trident. contrarium habeatur, & vlu sit receptum, & vt decernit Pontifex, nullum ius in contrarium sit. Vide dicta *supra nu. 26. 30. & 31.* Nota etiam declarationem Sacræ Congregationis apud Quarantam in *Summa Bullarj verb. confess.* in qua præcipitur quòd Ordinarij non impediant Fratres pulsare Campanas, ad matutinum, ad horas, & ad Missam antequam pulsetur Campana maioris Eccle-

Ecclesię, præterquam in die Sabbati Sancti. Insuper Sacra Congregatio Episcoporum, & Regularium declarasse, dicitur Defunctorum heredes pro defuncto ad sepulturam associando numerum Sacerdotum sibi bene visum conuocare posse, & numerum cerę sibi etiam bene visum ad cadaver sepulturę associandum, quolibet contrario prætextu per Parochum deducto non obstante. Barbosa *de Offic. Paroch. c. 26. d. n. 57.* ubi etiam alia ad intentum.

44 Circa pulsationem tamen Campanarum plures alię extant declarationes S. Congregationis apud Barbosam in *Collect. Bullar. verb. Campana*. Prima est. Campanę in Sabbato Sancto non possunt in aliqua Ecclesia pulsari ante pulsationem in Ecclesia Cathedrali, vel matrice, tam in Ecclesijs sæcularibus, quàm Regularibus etiam S. Ioannis Hierosolymitani etiam prope, & extra muros existentibus, & etiam in Ecclesijs Contrarium, & etiam si ad sit Ecclesia Collegiata, quę habeat omnimodam præcedentiam supra matricem. Secunda est. Campanę in alijs diebus præter Sabbatum Sanctum pulsari possunt ante Salutationem Angelicam indifferenter ante, vel post pulsationem in Ecclesia Cathedrali, vel matrice, nisi fortè adesset consuetudo ut non pulsetur antea.

45 Illud de licentijs pro construendis domibus Regularibus gratis dandis, nec sine legitima causa recusandis non video ullo modo reuocatum, aut contrarium Concil. Tridentino, ac propterea in sua etiam manet vi, iuxta decreta tamen posteriora Clem. VIII. & Gregorij XV. ac SS. Domini Nostri Urbani, de quibus *to. 1. cap. 9. nu. 34. & 35.*

46 Sicut, & illud de associatione corporum Defunctorum, mandato in die Cænę Domini fieri solito, prædicatione ea die, facienda iuxta decretum tamen S. Congregationis de quo supra *num. 31.* Maximè tamen standum est in hoc consuetudini legitimè receptę. Notandum etiam Parochum nullatenus excludendum quamuis ad sepeliendum cadaver soli Fratres à defuncto accersiri iubeantur. Ita enim decretum est à Sacra Congregatione Episcoporum, & Regularium. Barbosa *de Offic. Parochi cap. 26. nu. 62.*

47 Id quoque de Officijs mortuorum non faciendis à Rectoribus Parochialium in Ecclesijs Fratrum contra ipsorum voluntatem, libera sepultura ibidem habenda, & non sepeliendis corporibus defunctorum ad quę associanda vocati Fratres fuerint sine ipsis, cum Concilio contrarium non sit in sua vi, & vigore subsistet, nec video derogatum. Potius declarasse dicitur S. Congregationem, quòd: quoties cadavera ad Ecclesias Fratrum.

Fratrum Mendicantium deferuntur Officia mortuorum, ac reliqua munera quę in huiusmodi Monasterijs fieri solent; non à Canonicis, neque à Clero, sed ab eisdem Fratribus obiri, ac peragi debere. Peregrinus 2. p. *sui Compend. tit. sepultura in scholio §. 3.* Peirinis tom. 1. *Priuil. Minim. in Constit. 2. Iulij II. §. 21. num. 57.* Vide tamen dicta tom. 1. cap. 12. num. 41. qualiter scilicet quando Regulares vocantur ad sepeliendum aliquod cadauer, debent accedere ad Parochialem Ecclesiam ubi Clerus congregari consuevit, iuxta declarationem S. Congreg. ibidem adductam. Cui etiam consonant alię SS. Congregationum declarationes apud Barbosa *de offic. Parochi cap. 26. n. 63. 64. & 65.* Quia tamen sepius video fieri oppositum multis in locis, ideo legitimę consuetudini standum est.

48 Obiter circa huiusmodi funera defunctorum obseruandum, primò, de candelis quę Fratribus dantur nullam deberi portionem Canonicam. Ita enim concessit Sixt. IV. Minoribus. Casarubius in *Compend. priuileg. Mendicant. verb. Canonica portio num. 6.* Secundò, candelas, & intortitia quę per viam deferuntur circa cadauera in quibuscumque priuatis Ecclesijs diuidenda esse pro æquali portione inter Parochos, & ministros aliarum Ecclesiarum, ac propterea quando huiusmodi intortitia, seu candelę in præfatis Ecclesijs pro celebrandis diuinis Officijs præsentate corpore accenduntur, finito officio extinguenda, & cuiquam medietatem consignandam. Ita decisum est à Congregatione RR. Præfectorum Urbis, approbante SS. D. N. Urbano. Barbosa *de Officio Parochi cap. 25. num. 42.* Patrię tamen consuetudo extra Romam consulenda est.

49 Abrogat præterea Pontifex vsum non faciendi testamenta sine Parocho, quia hoc auaritiam redolet, quę procul abesse debet ab Ecclesiasticis; de quo Peirinis tom. 1. *Priuil. Minim. in Constit. 10. Leonis X. §. 2.* licet acrius quàm par est de hoc puncto ibi loquatur.

50 Denum circa id quod disponit Pontifex de accessu Regularium ad Processiones, cum S. Congregatio, vt visum est tom. 1. cap. 9. num. 47. conformiter ad huiusmodi decretum Pontificium loquatur, dicendum est illud manere in suo vigore; imò ex eo quod in præfato decreto Sacrę Congregationis ipse se referat ad huiusmodi Bullam Pij V. aperte constat eam non esse reuocatam à Greg. XIII. vt dictum est supra num. 16. nisi quatenus statuit aliquid quod sit contra Concilium Tridentinum. Peirinis tom. 2. *Priuil. Minim. in Constitut. hac Pij V. §. 29. num. 25.* Declaratum est etiam à S. Congregat. per publicas processiones intel-

intelligi etiam eas, quæ pro bono publico indicuntur. Quæ-
ranta in *Summa Bullar. verb. Præcedentia vers. de præcedentiâ in
processionibus*.

51. Hic obiter notandum nullo iure prohibitum esse Regu-
laribus, præsertim Mendicantibus, processiones facere, seu in-
stituere in suis Ecclesijs, imò id supponitur in declaratione
S. Congregat. quam retuli *tom. 1. cap. 12. num. 41.* & in hac Bulla
Pij V. dum illis conceditur facere, seu celebrare divina Officia,
Processiones enim partes quædam sunt Officij diuini, cum ad
cultum Dei, & Sanctorum ordinentur. Cæterum circa spatium,
per quod fieri debent huiusmodi processiones declaratum dicitur
à S. Congregat. Regularibus habentibus claustra non licere fa-
cere processiones extra illa; claustra verò non habentibus non
nisi intra ambitum, hoc est, prope muros Ecclesiarum, extra
ambitum autem Ecclesiarum, non nisi de licentia, consensu, aut
cum Cruce Parochiali. Barbosa in *Collectan. Bullar. verb. Pro-
cessio, & verb. Regulares 1.* Gaudemus in *Man. Episcop. verb. Pro-
cessio num. 46. 47. & 48.* Vbi etiam animaduertitur id intelligen-
dum seclusis particularibus priuilegijs, qualia Dominicanis
pro processionibus SS. Sacramenti, & Rosarij in quibusdam
locis dicuntur concessa. Festus in *Constit. sui Ordin. p. 1. c. 23.*
Barbosa de *offic. & potest. Parochi cap. 12. num. 14.* Pro præce-
dentia autem, quam debent obseruare Regulares in processio-
nibus cum Regularibus alterius Ordinis, & alijs Monasterijs
eiusdem, vide declarationes S. Congregat. apud dictum Barbo-
sam verbo *Regulares quoad processiones 4. & verb. Regulares quoad
præcedentiam 5.* & Gregorij XIII. Constitutionem 84. *Exposit*
in 2. tom. Bullar. vbi decernit præcedentiam inter Mendicantes
sumendam esse ex quasi possessione, quando verò de illa non
constat, antiquiores in loco debere præcedere. Lauretus de
Franchis in *Controuersijs Episcopor. & Regular. super dict. Constit.*
Gregorij pag. mibi 17. 18. 19. 20. & 21.

52. Gaudent Mendicantes communicatione priuilegiorum,
ita vt priuilegia vni ipsorum Religioni concessa etiam alijs
communia sint. Etenim præter dicta *tom. 1. cap. 3. num. 17.*
Leo X. in *Constit. Dudum per nos* anno 1519. edita quæ habetur
in 1. tom. Bullarj num. 32. inter Bullas huius Pontificis omnia
priuilegia, & indulta Mendicantibus concessa, & concedenda
singulis ipsorum ordinibus communicauit, & Pius V. in Bulla
Romanus Pontifex anno 1567. omnes, & singulos Ordines
Mendicantes omnibus, & singulis priuilegijs Mendicantium
eisdem concessis gaudere posse, & debere declarauit.

E

Rodri-

Rodriguez to. 1. *quæst. Regular. q. 55. ar. 1.* Confettius in *summa priuilegiorum Maris Magni cap. 5.* Non tamen propterea in pœnis, & censuris impositis vni Ordini Mendicantium alij communicant. Non solum quia iuxta Regulam iuris in 6. *odia debent restringi, & fauores ampliari*, sed etiam quia Summi Pontifices communicationem priuilegiorum concedentes, nihil (quod viderim) de pœnis, aut censuris communicandis dixere. Confettius *vt supra.* Sorbus in *additionib. ad Compend. priuileg. Mendicant. verbo communicat. priuileg. §. notandum autem.* Qui etiam bene subiungit, quod in pœnis laicorum est talis communicatio, idest, quod quando priuilegium aliquod conceditur vni Religioni, cum pœnis aliquot contra seculares illud non admittentes, vel reprobantes &c. tale priuilegium alijs Religionibus habentibus cum illa communionem communicetur. Priuilegia autem vni domui vel Conuentui alicuius Religionis concessa, communicari etiam alijs domibus eiusdem Religionis, ac per consequens etiam alijs domibus aliarum Religionum, quæ cum illa communicant in priuilegijs, tenent aliqui auctores, quia quamuis Leo X. declarauerit communicationem priuilegiorum solum intelligendam esse de priuilegijs generaliter concessis Congregationibus, personis, & locis, & non de concessis domibus, vel personis particularibus. Nihilominus Pius IV. ipso Leone posterior ad instantiam Catholici Monarchæ Philippi II. concessit Ordini S. Hieronymi in Hispania, quod concessa vni, aut quibusdam Monasterijs eiusdem Ordinis censeantur concessa alijs eiusdem Ordinis Monasterijs, quod etiam postea Sixtus V. confirmauit. Rodriguez *tom. 1. quæst. Regul. q. 55. art. 9. & 18.* Portellus in *Dub. Regular. verb. communicat. priuileg. num. 6. & verb. priuileg. num. 20.* Nihilominus quia hoc valde exorbitat à iure communi, & ipsius metas maximè excedit, limitandum est, vt solum verum sit quando alijs Conuentibus, siue eiusdem, siue alterius Religionis participantis eadem priuilegia militat eadem ratio, vel saltem similis, vel æquiualens, propter quam Pontifex illud concessit priuilegium. Si enim talis ratio eadem, similis, vel æquiualens non militat, incongruum videtur Pontifices talis priuilegij communicationem intendisse. Quis enim credat quod priuilegium concessum vni Monasterio ratione paupertatis ipsius concessum credatur alijs diuiti, vel opulento? Aut quod priuilegium concessum alicui Monasterio propter numerositatem Fratrum illius, aut magnam populi deuotionem, quæ erga illud est ratione alicuius Imaginis v. g. deuotissimæ in eo existentis, communicatum

catur credatur à Pontifice alij Conuentui paucos Fratres habenti, aut in quo nulla talis, vel similis deuotionis Imago reperitur? Ad quod expendo verba priuilegij Pij IV. adducti, dicit enim se extendere priuilegia vni domui dicti Ordinis Hieronymianorum concessa ad omnia, & singula Monasteria Ordinis quibus in specie concessa non sunt, & in quibus alie cause concessionis, & indultorum predictorum alias, quam, vt profertur, fuerant. Quo sanè denotat aliquam causam, eandem scilicet, similem, vel æquiualem subesse debere in alijs Monasterijs, vt priuilegia vni concessa ad illa extendantur, quo etiam sensu intelligo priuilegium simile Iulij II. & Clem. VII. Minimerum Ordini concessum.

53. Priuilegia quoque vni Fratri Mendicantium vt personæ priuatæ concessa nullo modo alijs communicantur. Tum quia ita declarauit Leo X. supra relatus, tum quia oppositum non solum maximè iuris communis metas excederet, sed multa ex eo absurda sequerentur, & tota Religionum obseruantia funditis euerteretur, vt per se patet. Rodriguez tom. 1. quæst. Regul. q. 55. art. 18. Portellus in Dub. Regularib. verb. priuileg. communicat. num. 21. Dixi vni Fratri, vt persona priuatæ, quia priuilegia concessa alicui Fratri Mendicantium non vt priuata persona, sed ratione officij, Generalatus videlicet, vel Prouincialatus, in ordine scilicet ad suos subditos, videntur communicari alijs in quibus eadem, similis, vel æquiualens ratio procedit. Sic enim priuilegium concessum Priori domus Sancti Stephani Dominicanorum Salmantice circa modum faciendi informationes pro receptione nouitiorum de quo to. 1. cap. 24. nu. 14. dixi, communicari posse videtur alijs, vbi eadem, similis, vel æquiualens causa conspiciatur. Portellus in Dub. Regular. verb. priuileg. communicat. nu. 20. & 21.

54. Quando autem priuilegium vni Fratri concessum inutile esset si alijs non communicaretur, communicari illud posset. Exemplum commune est de eo qui habet priuilegium dicendi Missam tempore interdicti, quam tamen dicere non potest sine ministro. Similiter si alicui concessa esset facultas recitandi matutinum diei sequentis immediatè post meridiem, quod sine socio commodè facere non posset, probabile est tale priuilegium socio communicari quia priuilegium aliquid debet operari, & esse vtile, e. in his de priuileg. l. 1. C. de Thesauris l. 10. l. 1. ff. ad municipalem, & de incolis leg. si quando ff. de legatis, quod non haberent ista priuilegia, si non communicarentur. Suarez de legibus lib. 8. cap. 11. n. 7. & 8. Portellus in Dub. Regul. verb. priuileg. communicat. n. 19.

55 Priuilegiolorum Mendicantium communicatio intelligenda est respectiue ad Religionem cui communicantur, ita scilicet, vt quæ conceduntur pro Generalibus, Prouincialibus, Prioribus, Vicarijs, &c. intelligantur communicata illis, qui etsi non eodem nomine, eodem tamen munere fruuntur. Similiter priuilegia pro festiuitatibus Sanctorum vnius Ordinis concessa censentur etiam concessa pro Festiuitatibus Sanctorum alterius Ordinis. Casarubius in *Compend. priuileg. Mendicant. verb. festiuitas*, num. 14. Rodriguez tom. 1. *quest. Regul. q. 55. art. 20. Portellus in Dub. Regular. verbo communicat priuileg. num. 7.*

56 Quando priuilegium vni Ordini Mendicanti concessum repugnat obseruantia alterius, iste Ordo cui repugnat non potest illo priuilegio vti, neque enim æquum est credere Pontifices concedere Religioni alicui quod in dissipationem, & de structionem illius cederet. Rodriguez tom. 1. *quest. Regul. q. 55. art. 22. Portellus in Dub. Regul. verb. communicat priuileg. num. 8.*

57 Cum per communicationem Priuilegiolorum Mendicantium ad inuicem ita fiant priuilegia propria illius Religionis cui communicantur, ac illius cui primò erant concessa, ideo Religio cui communicantur potest se illis defendere contra eam, cui primò erant concessa. Vnde si aliqua Religio ex Mendicantibus velit fundare Monasterium circa Monasterium alterius Religionis ex eisdem Mendicantibus potest hæc Religio defendere se contra illam, priuilegio concessò à Summis Pontificibus de nõ fundando Monasterio alterius Ordinis iuxta Monasterium ipsius intra spatium tot cannarum, etiam si casus esset, quòd illud priuilegium primò esset concessum illi alteri Religioni, & sibi solùm per communicationem. Ratio est, quia per communicationem fiunt priuilegia propria Religionis cui communicantur, & tam independentia ab alia, ac si ipsi essent specialiter concessa. Corduba in *Annotationib. ad priuileg. Mendic. verb. communicat. priuileg. §. tandem*, Portellus in *Dub. Regularib. verb. priuileg. communicat. num. 24.* Secus autem philosophandum de familiaribus, quia ipsis non communicantur priuilegia Fratrum vt propria, & independentia, sed vt dependentia ab illis, vt dicitur cap. 16. nu. 34. Corduba vt supra. Consectius in *Summ. priuileg. Marismagni cap. 5.*

58 Prædicta, & alia quæcumque priuilegia Mendicantium, reuocata censentur à Concil. Trid. toties quoties in ipso aliquid decernitur cum derogatione saltem generali priuilegiolorum, vt si

vt si dicat *non obstantibus*, &c. vel similia verba. Cuius exempla plura affert Ioannes de Cruce *de statu Relig. lib. 2. c. 3. dub. 6.* Talis autem derogatio priuilegiorum aliquando ponitur in fine capituli, vel decreti, vt patet ex *sess. 5. cap. 2. sess. 23. cap. 12.* & alijs locis, aliquando verò ponitur in fine sessionis in qua multa capita seu decreta comprehenduntur, vt patet ex *sess. 25. de Regularib. cap. 22.* Portellus in *dub. Regular. verb. Concil. Trident.* Quando autem decernitur, seu præcipitur aliquid à Concilio sine derogatione priuilegiorum, tunc etiam si illud sit contrarium dictis priuilegijs, nihilominus probabile est quòd non censeantur propterea reuocata. Exempli gratia in *sess. 22. cap. 4.* præcipitur quòd nullus habeat vocem in Capitulis nisi sit in Subdiaconatus Ordine constitutus, quia ergo ibi non reuocantur priuilegia Regularium, ideo qui hoc priuilegium habuerint, possunt illo uti, prout declaratum dicitur à S. Congregat. Nec obstat quòd in eodem Concilio *sess. 25. cap. ult.* dicatur. *Hæc omnia, & singula in superioribus decretis contenta obseruari S. Synodus præcipit in omnibus Cænobijs, ac Monasterijs, Collegijs, ac domibus quorumcumque Monachorum, ac Regularium, &c. non obstantibus eorum omnium, & singulorum priuilegijs sub quibuscumque &c.* Hæc enim reuocatio priuilegiorum solum cadit supra priuilegia contraria decretis illius sessionis 25. non supra priuilegia contraria decretis aliarum sessionum Concilij. Nec enim sine causa credendum est Concilium dixisse in *superioribus decretis contenta*, non verò in *superioribus sessionibus*. Nec etiam obstat Bulla Pij IV. pro obseruantia eiusdem Concilij, qua etiam reuocantur omnia, & quæcumque priuilegia prædictis decretis Concilij contraria. Hæc enim reuocatio regulanda, & intelligenda est ad terminos decretorum ipsius Concilij, ita scilicet vt intelligatur solum de ijs quæ statuuntur à Concilio cum derogatione priuilegiorum, non de ijs, quæ ab illo ordinantur sine tali derogatione. Tum quia finis prædictæ Bullæ solum est obseruantia decretorum Concilij, iuxta ipsorum qualitatem, tum quia Constitutio quæ fit ad roborandum aliam debet intelligi secundum eam, & concludendam in terminis ipsius, vt habetur ex *Auth. Constitutio quæ in noua S. inde ver. in illis.* Rodriguez *tom. 1. quæst. Regul. q. 8. art. 6. & tom. 3. q. 23. art. 5.* Thomas de Iesu de *procuranda omnium salute lib. 12. cap. 8. tit. sequitur collectio vers. illud tamen referens etiam Nauarrum in Man. cap. 27. num. 190. & Sa in Summa verb. gratia*, etsi non ita clarè loquantur. Ioannes de Cruce *de statu Relig. lib. 2. cap. 3. dub. 6.* Hæc autem solum probabiliter

bistter, & in terminis opinionis probabilis dicta sunt. Oppositum enim videlicet dicto *cap. 22. sess. 25.* reuocata esse omnia privilegia Religionum etiam contraria decretis aliarum sessionum quibus non apponitur derogatio privilegiorum, est etiam satis probabile, & securius, maxime propter dictam Bullam Pij IV. & ita id secutus sum *tom 1. cap. 14. nu. 19.* post Mirandam in *Man. tom. 1. q. 38. art. 4.* & alios.

59 In Regnis ubi publicatur Bulla Cruciatæ non suspenduntur per illam privilegia Mendicantium, & aliorum Regularium, nisi ea solum quæ impedire possent, vel retardare expeditionem ipsius Bullæ, quia scilicet sunt circa easdem materias in ea contentas. v. g. absoluendi à reservatis, commutandi vota, &c. quia intentum Summi Pontificis in tali suspensione privilegiorum id solum videtur esse, ne propter alia privilegia circa easdem materias impediatur finis prætenus ab ipso, qui est contributio certæ pecuniæ pro bello contra infideles. Casarubius in *Compend. privileg. Mendicant. verb. privileg. Fratrum q. 2. & 3.* Miranda in *Man. tom. 2. q. 45. art. 7.* Nec prædicta privilegia concessa Superioribus Mendicantium quantum ad suos Fratres suspenduntur. Ita enim declaratur in ipsa Bulla. Casarubius, & Miranda *ibid.* Sorbus in *Compend. verb. Cruciatæ §. quoad aliud.* Suspendi tamen prædicta privilegia quoad sæculares multorum est opinio, specialiter Nauarri *lib. 5. consil. 16. num. 1. de privileg.* eo quod in dicta Bulla à tali suspensione solum excipiantur concessa Superioribus Mendicantium quoad eorum Fratres tantum, exceptio enim firmat Regulam in contrarium. Sed valde probabile est non suspendi dicta privilegia Mendicantium quoad sæculares. Ratio est non solum quia illa cum sint maxime fauorabilia non debent censi suspensa nisi de illis specifica mentio fiat, sed etiam quia per Bullam non suspenduntur gratiæ aut privilegia Ordinibus concessa, sed solum Monasterijs, Ecclesijs, Hospitalibus, locis pijs, &c. hæc autem privilegia absoluendi à reservatis, commutandi vota &c. concessa sunt Ordinibus ipsis, & Religionibus. Unde exceptio illa de Superioribus Mendicantium quantum ad suos Fratres, intelligitur iuxta subiectam materiam videlicet de concessionibus factis Monasterijs, Ecclesijs, locis pijs, &c. pro visitantibus illa: his enim privilegijs non fruuntur sæculares saltem carentes Bulla. Rodriguez *to. 1. quest. Regular. q. 61. art. 14.* Sanchez *lib. 4. de precept. decalog. c. 54. n. 62.* Diana de *Bulla Cruciatæ resol. 100.*

60 Nec etiã suspendi dicta privilegia in anno Iubilæi centesimi tenent

tenent plures, specialiter Henriquez *lib. 3. de Indulg. c. 28. num. 7.* & *cap. 21. num. 3.* Sanchez *lib. 4. in decalog. cap. 54. num. 62.* Diana de *Bulla Cruciatæ resolut. 100.* contrarium alijs opinantibus. Sed meo videri attendendum ad verba Bullæ Iubilæi, quæ mutari, & alterari possunt voluntate Pontif. Si enim in illa solum sit reuocatio generalis priuilegiorum, nulla facta mentione priuilegiorum Mendicantium, cum illa sint valde fauorabilia, & ad bonum commune fidelium ordinata, & per consequens speciali nota digna, vera erit prima opinio, si autem specialis mentio, & reuocatio fiat priuilegiorum Mendicantium, vera erit secunda.

61 Gaudent etiam Mendicantes priuilegijs quoque aliorum quorumcumque Ordinum etiam non Mendicantium. Ita enim concessit Carmelitæ Clem. VII. in Bulla, quam retuli *tom. 1. cap. 3. num. 17.* quam etiam refert Confettius in *Collectan. Litterar. Apostolicar. in Clem. VII. num. 5.* & Minoribus idem Clemens VII. vt referunt Casarubius in *Compend. priuileg. Mendic. verb. communicat. priuileg. num. 19.* & Miranda *tom. 2. Manual. q. 46. art. 1.* Fauent etiam aliæ concessionēs Gregorij XIII. & Sixti V. pro eisdem Minoribus, quas refert Confettius *vt supra in Gregor. XIII. num. 6. & in Sixto V. num. 5.* Pro Eremitis etiam S. Augustini fauet ad intentum priuilegium Alex. VI. quod referunt Casarubius *vt sup. num. 21.* & Miranda etiam *vt sup. ar. 3.* Vnde hac communicatione priuilegiorum quorumcumque aliarum Religionum gaudent non solum Mendicantes, sed & quicumque etiam alij, quibus Mendicantium priuilegia communicata sunt. Rodriguez *tom. 1. quest. Regul. q. 55. art. 17.*

62 Extenditur id quoque ad priuilegia concedenda etiam Ordinibus quibuscumque non Mendicantibus, illis enim persequuntur ipsi Mendicantes, iuxta dicta *tom. 1. cap. 3. num. 17.* Colligitur id ex priuilegio Clem. VII. pro Minoribus numero præcedenti relato. Maxime tamen, & clarius ex priuilegio eiusdem Clem. VII. pro Carmelitæ etiam num. præcedenti relato. Vide Mirandam in *2. tom. Manual. q. 46. ar. 5. & nota.* pro huiusmodi communicatione priuilegiorum quæ dicta sunt numeris præcedentibus, videlicet 52. 53. 54. 55. 57. & præsertim num. 60. Quod confirmat id quod habetur in priuilegio adducto Clem. VII. pro Minoribus, & Carmelitæ, ubi dum illis communicat priuilegia etiam concedenda quibuscumque aliis Religionibus dicit id intelligi debere de priuilegijs *sue professioni non contrarijs*; neque enim Pontifices Regularis obseruantia maxi-

maximi zelatores concedere volunt Religionibus ea, quæ ipsarum professioni contraria sunt.

63. Tenentur Mendicantes observare decreta generalia pro reformatione Regularium edita à Clem. VIII. anno 1599. & 1604. quæ habentur in 3. tom. Bullar. inter Constit. Clem. VIII. num. 60. & postea fuerunt innouata à S. Congregatione Concilii in decretis de Apostatis, & ceteris sub SS. D. N. Urb. VIII. inter Constitutiones ipsius 4. tom. Bull. num. 26. Etenim titulus illis præfixus est *pro Reformatione Regularium tam Monachorum, quàm Mendicantium cuiuscumque Ordinis &c.*

64. Mendicantes nulla beneficia obtinere posse quidam affirmant, quos sequitur Rodriguez tom. 1. *quest. Regul. q. 34. art. 3.* quia cum emittant votum abdicationis proprietatis incapaces sunt reddituum, & prouentuum annualium. Horum tamen doctrina nullo modo placet, nam vel loquuntur de Beneficijs secularibus, vel de Regularibus; si de prioribus constat ex dictis tom. 1. cap. 2. num. 17. & ex dicendis hoc 2. tom. cap. 2. num. 11. & 12. Religiosos etsi Mendicantes capaces esse illorum, licet de facto sine dispensatione Papæ illa habere non possint. Si verò sermo sit de beneficijs Regularibus ex toto cap. 18. constabit illorum capaces esse omnes Religiosos etiam Mendicantes, & vsu constat plura ab illis obtineri. Nec hoc repugnat voto paupertatis ipsorum, sicut nec Monachorum, Hospitaliariorum, aut Canonicorum Regularium, qui similia beneficia possident, nam licet non possint iure communi annuos redditus, vel prouentus habere in particulari, ex concessione tamen tacita, vel expressa Ecclesiæ, quando tales beneficiati viuunt extra Monasteria, vel Conuentus, ut rectè, & commodè prædictis beneficijs inferuire queant, possunt illos habere non ut sibi proprios, sed quoad usum, & administrationem. Suarez 4. to. de Relig. tract. 8. lib. 3. cap. 19. num. 1. Quomodo autem in Indijs officium Parochorum exercere possint dicemus cap. 18. nu. 32.

65. Limitant aliqui doctrinam de capacitate Mendicantium ad beneficia, ut non procedat in Fratribus Minoribus, sed illis sit prohibitum iure communi beneficia curata habere. Corduba in Regula S. Francisci cap. 2. q. 20. punct. 2. Verumtamen etsi tam Minores, quàm alij quicumque Mendicantes iuxta dicta non possint de facto sine licentia Sedis Apostolicæ prædicta beneficia curata habere, iure tamen communi non est aliqua differentia inter Minores, & alios Regulares, quoad hoc. Clementina enim *exiui*, de verbor. significat. quæ ad hoc intentum adduci solet solum illis prohibet habere redditus annuos,

annuos, quæ prohibitio commodè satis intelligitur dum intra Monasteria viuunt, secus verò si ad beneficia curata promouerentur. Sicut nec propterea illis interdicitur promotio ad Episcopatus, cum tamen Episcopi facti ampliores redditus habeant. Sanchez *lib. 7. in decalog. cap. 29. num. 37.*

66. Melius limitatur prædicta doctrina de capacitate Mendicantium ad beneficia curata, vt non procedat in Mendicantibus transeuntibus ad non Mendicantes. Propterea quòd in Clem. I. de Regularibus talibus transeuntibus, etiam auctoritate Apostolica interdicitur exercere pro se, vel pro alijs, curam seu regimen animarum. Ex quo inferitur interdici illis beneficia curata quæcumque possidere, scum illis annexa sit talis cura. Vide dicta *tom. 1. cap. 22. num. 20. & 21. & dicenda inferius.* Imò generaliter loquendo quicumque Regularis etiam si Canonicus Regularis fuerit ad aliam quamcumque Religionem translatus incapax est ad beneficia secularia etiam curata, iuxta dicta *eo cap. 22. num. 20. ex Concil. Trid. sess. 14. cap. 11.*

67. Mendicantes ergo ad non Mendicantes transeuntes etiam auctoritate Apostolica vocem, & locum in Capitulo non habent etiam si hoc sibi ab alijs liberè concedatur, nec possunt ad Prioratus, administrationes, aut quæcumque Officia etiam tanquam Vicarij, vel ministri, vel locum aliorum tenentes assumi, aut curam, & regimen animarum exercere. Ita enim decernitur in Clement. I. de Regularib. Circa quæ præter dicta *tom. 1. cap. 22. num. 21.* aduertendum primò prædictos Mendicantes transeuntes priuari loco, & voce solùm in Capitulo, non in Choro, aut Refectorio, quia textus solùm loquitur de Capitulo. Rebuffus *Prax. benefic. tit. de dispens. cum Regular. nu. 54.* Bonacina *Tract. de clausura q. 2. punct. 9. §. 5. diff. 1. nu. 3.* Rursus hæc priuatio vocis, & loci videtur intelligenda, tam in Religione, ad quam transeunt, quam extra illam, si contingeret tales habere aliquam administrationem in Ecclesia seculari. Quia textus generaliter loquitur, & interpunctio illius id indicat. Bonacina *ibid. num. 2.* Rursus prædictos transeuntes inhabiles effici ad munerera prædicta non solùm intra Religionem, sed etiam extra illam. Quia textus generaliter loquitur, & utitur particula *quæcumque*, quæ est vniuersalis. Sanchez *lib. 6. in decalogum cap. 7. nu. 126.* Præterea nōmine officiorum, ad quæ inhabiles redduntur, intelligi videri omnia, & quæcumque munia, per Religiosos fieri solita, vt sunt Sacristæ, Oeconomi, Ostiarij, Prædicatores, Lectores theologiæ, vel aliarum facultatum, quia textus interdicit quæcumque officia: hæc verò munia sunt talia.

Nauarr. *Comment. 4. de Regularib. num. 24.* Azor *lib. 12. instit. moral. cap. 14. q. 12. vers. queres.* Idem dicendum videtur de Vicariatu Episcopi (cuius muneris gerendi capaces esse Mendicantes inferius dicitur) quia interdiciuntur illis officia quacunque, etiam vt Vicarijs. Sanchez *vt supra num. 130.* Cum tamen gradus præsentatus, vel Doctoratus non sint officia, seu administraciones, non videntur illis prohiberi, Sanchez *num. 320.* Bonacina *vt supra num. 4.*

68 Mendicantes autem ad alios Mendicantes transeuntes, seu non Mendicantes transeuntes ad Mendicantes non afficiuntur dictis pœnis prædictæ Clement. I. *de Regularib.* quia illa expresse loquitur solum de Mendicantibus ad non Mendicantes transeuntibus. Nauarr. *lib. 3. consil. 57. in prima editione, & consil. 66. in 2.* Azor *lib. 12. institut. moral. cap. 14. q. 12.* imò si mendicans illegitimè professus transeat ad non Mendicantes, aut legitimè professus transeat, & postea reuertatur non videtur affici prædictis pœnis, quia Clement. solum loquitur de transitu legitimi professi, & videtur intelligenda solum pro tempore quo manserit extra suum ordinem Mendicantem. Bonacina *vt supra num. 5.* Incapaces tamen erunt omnes illi beneficiorum secularium, etiam Curatorum, iuxta dicta *num. 66.* ex decreto Concilij.

69 Mendicantes non possunt etiam suorum Prælatorum licentia obrenta consentire electioni, postulationi, vocationi, seu prouisioni de se in discordia factis ad aliquam extra suum ordinem prælaturam. Ita enim deciditur *in cap. quorundam de elect. in 6.* & ratio decisionis est, vt abstineant à litibus quæ possent suboriri ex eligentium discordia. Lambertinus *de iure patronatus lib. 2. p. 1. q. 7. art. 20. num. penult.* Rodríguez *tom. 2. quest. Regular. q. 55. art. 2.* Nomine autem prælaturæ quidam volunt intelligi etiam beneficium Parochiale, forsitan quia Parochi etiam vocantur Prælati. Quia tamen decisio huius capituli exorbitans est à iure antiquiori, ideo non est extendenda vitra verborum proprietatem. Parochi autem solum dicuntur largè, & improprie Prælati, quia Prælati proprie illi dicuntur, qui in vtroque foro iurisdictionem habent, vt docent Angelus, Siluester, & alij Summistæ. Quare non videtur comprehendendi hac decisione munus Parochi. Sanchez *lib. 7. in decalog. cap. 29. num. 56.* Compræhenduntur tamen Episcopatus, Abbatia, & alia Prælaturæ extra Ordinem. Idem Sanchez *num. 49.* Qualiter autem per prædictam electionem, prouisionem, seu vocationem in discordia factam nullum ius adquiratur prædictis Mendicantibus.

Mendicantibus sic habetur ex dicto cap. *Quorumdam*. *Presenti Constitutione sancimus, ut nulli Religioso Predicatorum, Minorum, Eremitarum S. Augustini, aut quorumlibet Mendicantium Ordinum ex electione, postulacione, prouisione, seu uocatione ad aliquam extra administrationem sui Ordinis Prælaturam in discordia de se facta ius de cætero adquiratur, nec eorum aliquis tali electioni, postulacioni, prouisioni, aut uocationi quoquo modo valeat consentire: etiamsi Magistri, aut Ministri, vel Prioris Generalium eorumdem ad id accesserit licentia, vel consensus.*

70 Possunt etiam Mendicantes iure communi esse Vicarij Episcoporum, ut diximus de Religiosis tom. 1. cap. 9. num. 14. Ratio est, quia nullum ius commune extat hoc illis prohibens, etenim Clement. 1. de Regularibus. quæ adduci solet in contrarium solum loquitur de Mendicantibus qui ad non Mendicantes transierunt, quare potius supponit non transcentes posse esse Episcoporum Vicarios, omitto etiam non ita clarè etiam transcentibus hoc interdici. Clement. etiam in plerisque de elect. nihil loquitur ad intentum. Vnde videtur contrarium asseuerantes non bene legisse prædictas Clementinas. Melius eas legit, & intellexit Sanchez lib. 6. in decalog. cap. 13. num. 88. & 93. Cum tamen munus Vicarij sit officium ad iudicia pertinens, & Religiosi non possint talia officia recipere nisi de licentia Superioris, & cum utilitate Conuentus, ut ibidem diximus, ideo has duas conditiones pro Vicariatu exercendo necessarias esse etiam ibidem diximus: sufficit autem licentia immediati Prælati, vel alterius Superioris, cum omnes ij sint verè Prælati, & pro utilitate Monasterij sufficiens ea est quæ Monasterio contingit, ex eo quod aliquis Frater ipsius in tam honesto obsequio Ecclesiæ, & Episcopo inferuiat. Sanchez ut supra num. 91. & 92. Fratres autem Minores nullo modo possunt esse Vicarij Episcoporum, propter abdicationem omnium secularium negotiorum illis commendatam in Clement. exini de verbor. significat. Sbrozius de Vic. Episc. lib. 1. q. 38 nu. 5. Portellus in Dub. Regular. verb. Religiosus nu. 5. Religiosis etiam Societatis Iesu id prohibitum sine licentia Generalis. Sanchez lib. 6. in decalog. cap. 13. num. 95. & 96. 71 Multo magis possunt Mendicantes exercere munus prouisoris Episcopi, quod diuersum esse solet à Vicario, non solum quia nullum extat ius illis hoc prohibens, sed etiam quia hoc officium non est ita licitum, ac forensibus strepitibus expositum, sicut munus Vicarij Episcopi. Vnde multo maiori ratione, licebit Mendicantibus. Portellus in Dub. Regular. verb.

Religiosus, seu Regularis num. 5.

72 Coadiutorias autem Episcoporum, & aliorum Prælatorum eas suscipere possunt quarum munera, vt principales exercere possunt sola licentia Prælatorum: sicut è contra nequeunt absque dispensatione creari Coadiutores in eis prælaturis, vel beneficijs quibus vt principales absque eadem dispensatione præesse nequeunt, iuxta dicenda de Monachis *cap. seq. num. 10. Azor. tom. 2. insit. moral. lib. 3. cap. 2. q. 8.*

73 Pro alijs autem beneficijs, seu pensionibus, seu requisitis pro obtentione beneficiorum, ac capacitate nouitiõrum ad ipsa, vide dicenda *cap. 5. sequenti à num. 11.*

74 Quoad exemptionem Mendicantium à iurisdictione Ordinariorum, præter dicta *tom. 1. cap. 11.* notandum, quod quamuis ibidem *num. 15.* dictum sit, Regularem ab Episcopo citatum vt compareat decens esse vt compareat, & coram eo privilegium exemptionis allegando, postea discedere, nihilominus loquendo de Mendicantibus asserendum est eos non teneri ad comparandum; aut exhibendum coram Ordinarijs privilegium suæ exemptionis. Ratio est, quia licet quando exemptio non est notoria ita debeat fieri, vt colligitur ex *l. cum persona de privilegijs in 6.* quando tamen notoria est non est id necessarium, vt elicitur ex *Clem. Pastoralis desentent. & no audie: §. notorium* quippe. Nauarrus *cap. cum contingat de rescript. caus. 6. nu. 6.* Henriquez *lib. 7. de Indulgent. cap. 25. num. 6.* Quia ergo exemptio Mendicantium clara est, & notoria, cum à multis annis sint in possessione illius, ideo citati ab Episcopis non repentur comparere, nec coram eis exhibere suæ exemptionis privilegium. Siluester in *Summ. verb. exemptio q. 7.* Sanchez *2. tom. consil. mor. lib. 6. cap. 9. dub. 4.* Id etiam declarauit Sixt. IV. in Mari magno Carmelitarum *vers. Exemptionem quoque Ordinis*, & ita id notauit Corduba in *annotat. ad privileg. Mendicant. verb. privileg. Fratrum §. quoad §. 1. et 2.* Quare cum Mendicantes coram Ordinarijs conuenirentur nullatenus debent ostendere privilegium suæ exemptionis coram ipsis, quia hoc esset consuetudine illos iudices, quod intendunt, sed respondere (intelligo humiliter, & modestè) se illos audire, vel se exemptos esse ab ipsorum iurisdictione, & propterea declinare ab illa. Quo facto, statim recurrant ad Conseruatores, vt Ordinarios inhibeant, & illos ab ipsis defendant, iuxta modum præscriptum in Bullis Conseruatorijs, & Conseruatorum auctoritatem, de quo *cap. 10.* Sanchez *ut supra dub. 5.*

SUMMARIVM CAP. II.

- Monachi nomen dupliciter sumitur. num. 1.*
Monachi nomine in iure omnes Religiosi veniunt. num. 2.
Etiā Canonici Regulares. ibid.
Vnde Constitutio aliquid statuens de Monachis ad omnes Religiosos
trahitur, nisi, &c. ibid.
Quoad obligationem votorum, Regula, Constitutionum, tendentia ad
perfectionem, & similia, qualiter de illis philosophandum.
nu. 3.
Possunt ad quamcumque dignitatem supremam promoueri. nu. 4.
Etiā Episcopalem. ibid.
Cum licentia sui Superioris. ibid.
Quid autem si eam negat ibid.
Etiā ad Papatum. num. 5.
An ad id requiratur licentia Abbatis. ibid.
Non possunt promoueri ad dignitates seculares non curatas.
num. 6.
Quid de prefectura alicuius Collegij? num. 7.
Quid de regimine Hospitalis, & in quibus casibus? num. 8.
Possunt exercere munus Vicarij Episcopi. num. 9.
An esse Coadiutores? num. 10.
Possunt iure communi habere beneficia curata. num. 11.
Secus hodie. nu. 12.
An requiratur necessitas, vel utilitas Ecclesie? num. 13.
An requiratur aptitudo ad concionandum? num. 14.
An in loco ubi Monasterium habet populum sibi subiectum?
num. 15.
Requiratur licentia Abbatis, & qualis ea sit? nu. 16.
An possint prastare consensum electionibus, & postulationibus de se
factis? num. 17.
Non sunt capaces Monachi Beneficiorum simplicium iure communi.
num. 18.
Gui subijciantur beneficijs seruientes. num. 19.
Nequeunt habere pensiones sine dispensatione Papae. nu. 20.
Qualis debeat esse hæc dispensatio. ibid.
Quid de Beneficijs Nouitiorum? num. 21.
Tempore Nouitiatus sunt capaces beneficiorum. num. 22.
Per professionem vacant quæcumque Beneficia. num. 23.
Monachi Basiliani quomodo reformati, & quibus priuilegijs ornati.
num. 24.

Bene-

Benedictini plurimis gaudent privilegijs, & quomodo intelligenda.
num. 25.

Cistercienses quoque, quomodo etiam intelligenda. num. 26.

*Quibus Monachis prohibitum est Confessorem eligere virtute
Cruciata, aut aliorum privilegiarum.* num. 27.

Carthusiani quando approbati, & quibus privilegijs gaudent.
num. 28.

Quid de aliarum Monachorum Religionum privilegijs. nu. 29.

Non potest Monachus locum habere in duobus Monasterijs.
num. 30.

*Regula Monachorum legenda, & in vulgari sermone exponenda in
Capitulo.* nu. 31.

*Silentium à Monachis quibus locis obseruandum, & sub quanta ob-
ligatione.* nu. 32.

*Carnes comedere quomodo prohibitum Monachis, maximè Carthu-
sianis.* num. 33.

Tenantur S. Eucharistiam sumere prima Dominica cuiuslibet mensis.
num. 34.

An teneantur accedere ad Processiones. nu. 35.

*Abbatess qui consecrandi, & qui benedicendi, & quid consecratio, seu
benedictio.* num. 36.

Qui, & quando possunt benedicere populum solemniter. ibid.

An possint tonsuram, & minores Ordines conferre. nu. 37.

Christi conficere. ibid.

Iura Episcoporum prescribere, & qualiter. num. 38.

*Aliqui ipsorum vtuntur Mitra, Annulo, & Pontificalibus insignijs,
& quando.* num. 39.

Qui deferunt Episcoporum insignia alios precedunt. num. 40.

An gaudeant nomine Ordinary, seu Dioecesani. num. 41.

An possint benedicere vestes sacras, & ornamenta. nu. 42.

*An comprehendantur decreto Conc. Trid. sess. 24. cap. 20. vers. Ad
hæc.* nu. 43.

An teneantur rationem reddere DD. Episcopis. num. 44.

Carentes cura, & Conuentu non sunt cogendi residere. num. 45.



De specialibus obligationibus, muneribus,
& priuilegijs Monachorum.

Cap. II.



MONACHI nomen quod à voce græca, *μωνος*, idest, vnus, solus, aut solitarius, derivatur, dupliciter sumitur, primò latè pro quocumque Religioso cuiuscumque Ordinis sit; secundò strictè pro illis, qui tribus votis astricti bona stabilia in communi possident, & in vitæ solitariæ studio, quieti, silentio, orationi, & contemplationi incumbunt. Abbas *in cap. ex parte de postulando*. Azorius *tom. 1. instit. moral. lib. 12. cap. 19.* In præsentì loquimur de Monachis in hac secunda acceptione, quales sunt Basiliani, Benedictini, & Carthusienses. Ex Benedictinis autem prodierunt postea Cistercienses, & alij. Suarez *4. tom. de Relig. tract. 9. lib. 2. cap. 3.*

2 Nihilominus nomine Monachi in iure canonico omnes Religiosi veniunt, etiam Canonici Regulares, præsertim in fauorabilibus, nisi aliud ex dispositione manifestè constet, & nisi aliqua specialis ratio diuersitatis appareat. Abbas *in cap. ex parte de postulando*. Glossa *in cap. Canonica de sent. excommunicat.* Peirinis *tom. 1. priuil. Minim. in Const. 12. Iulij II. num. 2.* Ac proinde Constitutio Pontificia, siue canonica aliquid de Monachis statuens ad omnes Religiosos trahitur, nisi aliud ibi exprimatur, vel manifesta diuersitatis ratio conspiciatur. Azorius *tom. 1. instit. moral. lib. 12. cap. 19. §. 10. Quaritur.* Lauretus de Franchis *in controuers. Episcop. & Regular. in quæst. q. 3.*

3 Quoad obligationem votorum, Regulæ, Constitutionum seu statutorum Ordinis, philosophandum de illis est, sicut de alijs Regularibus, iuxta dicta *tom. 1. cap. 4. 5. 6. 7. & 8.* Et quoad obligationem tendendi ad perfectionem, seu procurandi illam, iuxta dicta *ibid. cap. 1.* Quoad obligationem autem obseruandi ea, quæ in iure, vel Concilijs habentur attendendum est ad dicta *ibid. cap. 9.* præsertim cum sæpius in iure sub Monachorum nomine expressè illis aliquid præcipiatur, vel interdicitur, vt patet ex *cap. 2. ne Clerici, vel Monachi, cap. Monachi el 2. 16. q. 1. cap. cum ad Monasterium de stat. Monachor. Clement. ne in agro, & de stat. Monachor. & alijs iuribus dicto cap. 9. relatis.*
Cum

Cum etiam Monachi veri Religiosi sint ob trium votorum essentialium Religionis professionem nomine Religiosorum veniunt, ac per consequens comprehenduntur in iuribus, & decretis Summorum Pontificum, Conciliorum, & S. Congregationum, quæ adducta sunt dicto cap. 9. & 10. Tenentur etiam obseruare decreta generalia Clem. VIII. approbata, & innouata à S. Congregat. Concilij sub SS. D. N. Urbano VIII. de quibus cap. præcedenti num. 63. vt patet ex titulo illis præfixo, scilicet *pro reformatione Regularium tam Monachorum, &c.*

4 Monachi possunt ad quamcumque dignitatem supremam promoueri, siue dignitas illa sit Episcopalis, vt patet 18. q. 1. cap. unico. cap. nullus de elect. lib. 6. Iacobus Grassis in decisionib. p. 2. lib. 3. cap. 20. num. 1. Sanchez lib. 7. in decalog. cap. 29. num. 32. Cum licentia tamen sui Superioris. ex cap. Religiosus in principi. de elect. in 6. & cap. 1. d. 58. quod est D. Gregorij lib. 7. epist. 8. dicentis: *Nullus ad Ecclesiasticum officium ex Monasterio producatur Monachus, nisi quem Abbas loci admonitus propria voluntate obtulit Episcopo.* Et ratio est, quia Monachus non habet velle, aut nolle cap. si Religiosus, vt supra. Sanchez vt supra nu. 57. Vide infra num. 16. Quamvis nollet concedere posset compelli propter bonum publicum ad consentiendum. Ad quod facit cap. nullus de iure patron. Abbas in cap. quod Dei de statu Monach. num. 12. Silvester verb. Religio 7. q. 9. Iacobus Grassis in decision. p. 2. lib. 3. cap. 20. num. 1.

5 Sine etiam dignitas illa sit Papalis, vt notat Glossa c. quam sit 18. q. 2. Iacobus Grassis in decisionib. p. 2. lib. 3. cap. 20. num. 1. Ad quod etiam plures volunt requiri licentiam Superioris, ita vt sine illa nullum ius in Pontificatum acquirere dicant. Quibus non assentior, quia eo ipso quo est in Papam legitime electus nulli superiori creato subest. Silvester in Summ. verb. votum 3. Rosella verbo votum 2. ad finem. Quare bene Glossa relata dicit quod si Monachus factus est Papa renuente Abbate, ipsemet debet se compellere redire, quasi dicat non posse ad id ab alio compelli, cum nullum habeat supra se Superiorem.

6 Non possunt autem promoueri ad dignitates sæculares quæ non sunt curatæ, vt sunt Decanatus, Præposituræ, Canoniciatus. Ratio sumitur, tum ex cap. in nona actione 16. q. 7. vbi præscribitur homines diuersæ professionis in vno officio non esse sociandos. tum ex c. quod Dei timorem de statu Monachorum vbi in curæ animarum fauorem traditur posse regulares ad bene-

beneficium Parochiale assumi, ergo non ad istas dignitates, quæ non sunt beneficia parochialia, tum propter dicenda inferius de beneficijs simplicibus. Sunt etenim huiusmodi dignitates quasi beneficia simplicia, cum non importent curam animarum. Fauet etiam *cap. cum de beneficio de Prabendis in 6. Hostiensis in cap. quod Dei de stat. Monach. Graffius in decisionibus p. 2. lib. 3. cap. 20. num. 4. Sanchez lib. 7. in decalog. cap. 29. num. 72. & 75.*

7 Possunt tamen stando in iure communi promoueri ad præfecturam alicuius Collegij cui non incumbit propriè, sed tantum impropiè animarum cura. Tum à simili de dignitate Episcopali ad quam in omnium sententia promoueri possunt, tum etiam à simili de Ecclesia Parochiali, ad quam etiam, vt dicitur inferius, assumi possunt. Videtur enim suo modo procedere eadem ratio, sicut enim ad Parochiam promoueri Monachi possunt propter utilitatē quæ speratur futura ex ipsis in animabus illius Parochiæ; sic etiam eodem modo in præsentia. Azorius *tom. 1. instit. moral. lib. 12. cap. 19. q. 13. Rodriguez tom. 3. quest. Regular. q. 53. ar. 2.* Dixi stando in iure communi, quia propter declarationem S. Congrégationis sub Gregorio XIII. afferendam infra *num. 12.* aliqui putant esse derogatum. In illa tamen nihil video clarum circa hoc, sed tantum circa beneficia habentia curam animarum. Huiusmodi autem præfecturæ non includunt propriè curam animarum, sed impropiè tantum, scilicet in pertinentibus ad Collegium. Vide Sanchez *lib. 7. in decalog. cap. 29. num. 73.*

8 Possunt etiam Monachi promoueri ad regimen Hospitalium in aliquibus casibus. Primus; quando Hospitalia spectant ad Religionem quæ fundatur super Hospitalitate, vt Cruciferorum. S. Antonij Viennen. & similium. Ex quo enim illa Religio est fundata super Hospitalitate, & hoc est principale studium per quod operibus pietatis ad seruendum Deo se dedicauit, nihil Religiosis ipsis obstat quo minus plura Hospitalia erigant, & in illis Hospitalitatem seruent, & Religiosos suos ibi deputent ad Hospitalitatem ibi seruandam; & ipsa Hospitalia regenda. Secundus, quando Hospitalis est annexum Ecclesiæ Curatæ ita quod Rector vnius sit Rector alterius, iuxta *cap. quod Dei de stat. Monachor. iuncto cap. super eo de prabendis in 6.* Tertius, quando Hospitalis est annexum Religioni, vel quia de mensa Monasterij, vel in proprietatē ipsi concessum, tunc enim possunt poni Monachi ad regendum illud Hospitalis. Si enim pro utilitate Monasterij mitti possunt Religiosi ad litigandum, multo magis ad curandum infirmos. Quartus, quando

Hospitale ipsum est Collegiatum Religiosorum. Iacobus de Graffis in *Decisionibus* p. 2. lib. 3. cap. 20. num. 13.

9 Possunt Monachi exercere munus Vicarij Episcopalis, cum nullibi id interdicitur. Et patet ex eo quod dixi cap. *præced.* num. 70. de Mendicantibus. Si enim Mendicantes admitti possunt ad hoc munus multò magis Monachi cum minor sit in his difficultates. Azor *tom. 2. instit. moral. lib. 3. cap. 43. q. 10.* & alij quos refert, & sequitur Sbrozjus de *Vicario Episcopali lib. 1. q. 38. num. 4.* Qui num. 11. alijs relatis dicit idem esse dicendum de Vicario Capituli Sede vacante, vel locum tenente Vicarij, propter similitudinem rationis.

10 Etiam possunt constitui Coadiutores Episcoporum, sola Abbatis licentia. Cum enim possint Episcopatum assumere veluti principales, multò melius vt Coadiutores. Azorius *tom. 2. instit. moral. lib. 3. cap. 2. q. 8.* Idem dico propter eandem rationem de Coadiutorijs beneficiorum, quæ Monachi recipere possunt, sicut è contra, quod in eis beneficijs, quæ vt principales obtinere non possunt, neque etiam poterunt vt Coadiutores. Sanchez *lib. 7. decalog. cap. 29. num. 84.*

11 De beneficijs autem Curatis secularibus loquendo (nam de beneficijs Regularibus late dicitur cap. 18.) dicendum est, iure communi posse Monachos ad illa promoueri absque vlla dispensatione. Probatur ex *c. quod Dei timorem de stat. Monach.* vbi id expressè habetur illis verbis. *Per antiquos canones etiam Monachi possunt ad Ecclesiarum Parochialium regimen in Presbyteros ordinari.* & colligitur ex cap. in *Parochia* 16. q. 1. Nec obstat Bulla Pauli IV. *Postquam diuina bonitas* anno 1558. qua omnes Regulares priuauit beneficijs secularibus, quia ad ius commune redacta est postea per Pium IV. in Bulla *Sedis Apostolica solertia* anno 1560. Selua de *benefic. 3. p. q. 11. num. 133. & q. 70. num. 6. & 7.* Graffis in *decision. p. 2. lib. 3. cap. 20. num. 6.* Azorius *tom. 1. instit. moral. lib. 12. cap. 19. q. 13. & tom. 2. lib. 3. cap. 2. quest. 8.*

12 Dixi iure communi loquendo, nam hodie nullus Regularis est capax beneficij curati absque Pontificis dispensatione. Tum quia ita praxis obseruat, tum propter declarationem S. Congregationis tempore Gregorij XIII. per hæc verba. *SS. D. N. Gregorius XIII. noluit licere Canonicis Regularibus etiam de licentia sui Generalis absque permissu Summi Pontificis assumere curam animarum etiam ad tempus, multoque minus beneficium curatum ad tempus.* Sanchez *lib. 7. in decalog. cap. 29. num. 71.*

Vide-

13 Videtur tamen requiri necessitas, vel utilitas Ecclesiæ curatæ secularis, ut ipsi Monachi præfici possint. Quia hæc iuris concessio dimanavit favore boni animarum cui prospicere Monachorum munus est, si ergo ad hoc necessarij, vel utiles non fuerint, cessabit concessio. Lessius 2. de iust. cap. 41. dub. 12. num. 99. Azorius tom. 1. instit. moral. lib. 12. cap. 19. quest. 13. ad fin.

14 Hinc plures volunt Monachum ineptum ad prædicandum, ineptum quoque esse, ut assumatur ad beneficium curatum seculari, quia in cap. quod Dei timorem hoc indicari videatur. Rosella verbo Monachus num. 4. Silvester verb. Relig. 7. q. 4. Sed valde probabile est id non requiri, dummodo Monachus aptus sit animarum curæ, & doctrinæ, etiamsi non concionetur. Quia nomine prædicationis in d. cap. quod Dei timorem commodè intelligi potest prædicta cura; & doctrina animarum, Angles in Summ. verb. dispensatio num. 3. Sanchez lib. 7. in decalog. cap. 29. num. 40.

15 Plures quoque volunt Monachum non posse præfici curæ animarum in loco, ubi Monasterium habet populum sibi subiectum. Quia ita expresse habetur in cap. 1. de capellis Monachor. Angelus verb. Monachus num. 5. Silvester verb. Religio 7. q. 7. Rodriguez tom. 1. quest. Regular. q. 34. ar. 4. Verumtamen quia rationi dissonum videtur, ut cum Monasterium non habet populum subiectum ibi possit præfici Monachus, non autem quando ille populus est subiectus Monasterio; ideo videtur dicendum, textum solum prohibere quod Monachus ibi præficiatur si non adsit necessitas, vel sine consensu Episcopi; nam, ut dictum est, sine necessitate non debet Monachus præfici Ecclesiæ seculari, nec sine consensu Episcopi. Abbas cap. dicto de capellis Monachor. Sanchez lib. 7. in decalog. cap. 29. num. 43.

16 Requiritur etiam ad hoc ut Monachus præfici possit Ecclesiæ seculari curatæ Abbatis sui licentia. Id enim constat ex cap. si Religiosus in princip. de elect. in 6. ubi sic: Si Religiosus (cuius arbitrium, non ex sua, cum velle, vel nolle non habeat, sed ex illius quem vice Dei supra caput suum posuit, & cuius imperio se subiecit, voluntate dependet) electioni de se ad prælationem aliquam extra suum Monasterium vel suam Ecclesiam celebrata sui Superioris qui dare ipsam valeat, non petita licentia, & obtenta presumptionis illius electio eadem ipso facto iuribus vacuetur omnino. Quamvis autem textus solum loquatur de

electione ad prælaturam, attamen ratio in ipso explicata, scilicet *quod velle, vel nolle non habeat*, etiam procedit in ordine ad quodcumque beneficium. Rodriguez tom. 1. *quest. Regular. q. 34. ar. 5.* Adeo etiam ut quidam, ut dictum est num. 5. extendant hoc ad casum in quo Monachus ad Papatum assumere-
tur. Nec sufficit licentia generalis concessa per Superiorem, ut consentiat suæ electioni quandocumque electus fuerit, quia licet in prædicto *cap. si Religiosus* nihil de hoc exprimat, attamen in *Clement. 1. de elect.* id habetur expressè ijs verbis. *Cum concessa Religioso à Superiore suo licentia, ut electioni vel prouisioni (si quam de ipso contigerit fieri) suum dare possit assensum, ambitionis vitio viam parat, nullius eam existere volumus firmitatis.* Sanchez lib. 7. in decalog. cap. 29. num. 59. Cum autem in dicto *cap. si Religiosus* nihil dicatur circa Superiorem Religiosi à quo obtinenda est licentia, videtur dicendum, quemcumque Superiorem, videlicet, vel supremum, scilicet Generalem, vel etiam Prouincialem, aut immediatum Prælatum ad hoc sufficere, nisi aliud in Religionis Constitutionibus statuatur, cum quilibet eorum sit verus Superior, & cuilibet etiam subiiciatur Monachus. Ioannes Andreas in *cap. si Religiosus* num. 2. Sanchez ut supra num. 65. Ex privilegio tamen Eugenij IV. pro Monachis Congregationis S. Iustinæ in Bulla *Regularem vitam* apud Rodriguez tom. 1. *Bullarj inter Bullas Eugenij* num. 10. habetur, nullum Monachum eiusdem Congregationis posse beneficium aliquod extra dictam Congregationem impetrare, aut acceptare sine licentia Capituli dictæ Congregationis, vel Præsidentis cum maiori parte visitatorum sub magnis pœnis ibi contentis.

17 Generaliter etiam præcipitur Monachis, & quibuscumque Religiosis non Mendicantibus, ne electionibus, postulationibus, prouisionibus, aut vocationibus à minori parte numero ad praelationes quaslibet de se factis (quæ hoc ipso quod à minori parte processerint, nullum prorsus tribuant ius eisdem) suum audeant præstare consensum, etiamsi super hoc assensus, vel licentia suorum interuenerit Prælatorum. Ita enim deciditur *cap. quorundam de elect. in 6.* Vbi etiam irritum, & inane, quidquid secus factum fuerit, declaratur. Videtur autem loqui textum tam de Prælaturis intra Ordinem, quàm extra, cum dicat ad *Praelationes quaslibet*, per quod denotantur Prælaturæ intra, & extra Ordinem, præsertim, quia in priori parte capituli cum loqueretur de Mendicantibus in alia prohibitione expressit solum prælaturas extra Ordinem. Rodriguez tom. 2. *quest. Regular. q. 55.*

art. 2.

art. 2. Sanchez lib. 7. in decalog. cap. 29. num. 49. Vbi etiam alia ad intentum.

18 Loquendo autem de beneficijs simplicibus sæcularibus inter ea connumerando Canonatum Ecclesiæ sæcularis, verissima sententia est Monachum iure communi esse illorum, incapacem. Primò ex cap. in nona actione 16. q. 7. vbi habetur in uno eodemque officio non debet dispar esse professio, quasi dicatur, quòd in Ecclesia sæculari, vbi sæculares sunt beneficiati non debent esse Monachi qui sunt disparis professionis. Secundò ex cap. super eo de Regularibus vbi de eis dicitur, nec amplius in Ecclesijs sæcularibus debent assumi. Tertiò ex cap. Quod Dei timorem, vbi solum in curæ animarum fauorem statuitur, quòd Monachus assumi possit ad beneficium curatum, sæculare. Fauent etiam cap. cum de beneficio de præbend. in 6. & Clem. unica de supplend. negligent. Prælator. Nauarrus Comment. 4. num. 23. init. de Regularibus. Azorius tom. 1. inslit. moral. lib. 12. cap. 19. q. 13. & tom. 2. lib. 6. cap. 4. q. 22. Nec potest Episcopus in hoc dispensare, quia nullibi id illi conceditur. Rosella verb. Monachus num. 4. Azor. tom. 1. inslit. moral. vt supra in fine q. 13. Sed solus Papa iuxta dicta tom. 1. cap. 2. nu. 17. Sanchez lib. 7. in decalog. c. 29. n. 76.

19 Tam Monachi quàm quicumque alij Regulares beneficijs huiusmodi curam animarum habentibus inseruientes, aut Ecclesiastica Sacramenta, aut vnum ex illis ministrantes, in his quæ huiusmodi curam, seu administrationem concernunt, omnimodè iurisdictioni, visitationi, & correctioni Diocæsani Episcopi, tanquam Sedis Apostolicæ delegati subiiciuntur. Ita enim colligitur ex declaratione S. Congregationis Episcop. & Regular. apud Barbofam in Collectan. Bullar. verbo Regulares 1. & ex Constitutione Gregorij XV. verbis adductis cap. 1. num. 28.

20 Incapax etiam est Monachus pensionis obtinendæ super beneficio sæculari, siue simplici, siue Curato, absque Romani Pontificis dispensatione. Ratio est loquendo de beneficio simplici, quia cum Monachus sit incapax illius, vt dictum est, sic etiam pensionis super illo, quæ est quasi pars, vel accessorium illius. Loquendo verò de beneficio curato, ratio est, quia licet illud concedatur Monacho à iure communi, vt dictum est ex indulgentia, & in fauorem curæ animarum, cum hæc ratio non procedat in pensione non erit capax illius. Ratio autem vtriusque præcipuè sumitur ex eo quòd (quidquid sit de iure antiquo) attento tamen Romani Curæ vsu propriæ, &

vera

veræ pensiones, quibus beneficia onerantur ad certam reddituum partem alteri dandam sola auctoritate Pontificia concedi possunt. Sotus 9. de iust. q. 7. ar. 2. colum. 2. vers. 2. conclusio, Aragon. 2. 2. q. 100. art. 4. Imò etiam si Papa talem pensionem Religioso concederet, si constaret legitimam deesse causam concessionis, tutus non esset in conscientia Religiosus. Ratio est, quia quicquid sit de pensionibus concessis secularibus, de quibus inualidas etiam esse si sine causa concedantur, tenent aliqui, vt Toletus lib. 5. Summ. cap. 83. cum obtinere Religiosum pensionem sit relaxatio quædam voti paupertatis iure diuino, & naturali obligantis, & ad minus sit dispensatio quædam in decretis Concilij Tridentini, & Summorum Pontificum circa paupertatem Religiosam, si sine causa legitima concederetur, nulla esset. Azorius tom. 1. insit. moral. lib. 12. cap. 9. quest. 9. Sanchez lib. 7. in decalog. cap. 29. num. 98. Iusta autem causa huius concessionis erit si Religiosus ille vir sit cuius opera Romanus Pontifex egeat, aut de Ecclesia benemeritus, aut senio confectus, aut graui valetudine grauatus, aut talis indigentie quòd Monasterium illi non subueniret in necessarijs. Azorius ibid. Toletus etiam ibid. An vero Monachus, vel Regularis capax sit pensionis super beneficium Regularare dicetur cap. 18. num. 37.

21 Ex dictis autem sit beneficia Nouitiorum Monachorum, quæ antea in sæculo habebant, & quorum Monachi capaces sunt, iuxta dicta, videlicet beneficium curatum, non vacare probationis anno, non solum quia cum Monachi non sint incapaces illorum, nec Noutij per nouitiatum incapaces erunt, sed etiam quia in cap. beneficium de Regularib. in 6. sic dicitur: Beneficium illius, qui Religionem ingreditur non est intra probationis annum alicui conferendum, nisi ad id ipsius accedat assensus, aut constet quòd vitam voluerit absolute mutare, vel professionem expressam fecerit, seu scienter habitum receperit Professorum. Sed interim eidem beneficio per alium deferri debet, assignata sibi congrua de ipsius prouentibus portione. Sairus in Clauis regia lib. 6. cap. 5. num. 25. vers. possunt etiam, Sanchez lib. 7. in decalog. cap. 4. à num. 2. Imò etiam ea beneficia, quorum, iuxta dicta, Monachi incapaces sunt, vt sunt v. g. Canoniciatus (idem dico de pensionibus propter paritatem rationis) non vacant toto probationis tempore, nisi adsint ea quæ in prædicto cap. Beneficium designantur. Textus enim vniuersaliter loquitur de beneficijs, ac proinde intelligendus de quibuscumque beneficijs siue illorum sint capaces Monachi siue non. Quare Canonici-

Canonicus nouitius habet ius eligendi, quod ceteri Canonici habent. Azorius *tom. 1. instit. moral. lib. 12. cap. 3. q. 1. Sanchez lib. 7. in Decalog. cap. 4. num. 11. & 13.* Non tamen propterea vocari necessario debet ad electionem, sed potest censerī vt legitimē absens. Siluester *verb. Religio 5. q. 11.* Azorius *vt supra.* Fructus autem beneficii nouitij diuidendi sunt, itaut pars illorum assignetur Vicario ministraturo beneficio, iuxta dictum *cap. Beneficium*, pars autem alia cedat ipsi Nouitio, quia est verus Dominus illius, & beneficiarius. Sanchez *vt supra. num. 18.*

22. Tempore etiam Nouitiatus capaces sunt Nouitij Monachorum beneficiorum, iuxta dicta, *tom. 1. cap. 24. num. 37.* Quod non solum intelligo de illis beneficijs, quæ Monachis professis concedi possunt, sed etiam de illis, quæ solis secularibus, cum nouitij sint sui iuris, & simpliciter seculares. Non debent tamen ista illis concedi, ne ansa detur deferendi Religionem ad fruendum beneficijs. Angelus *verbo Nouitius num. 23.* Tabiena *ibi quæst. ult.* An verò sint capaces beneficiorum Regularium dixi *tom. 1. cap. 24. num. 37.* relato, & dicam *cap. 18. num. 4.*

23. Quæcumque autem beneficia, siue pensiones vacant per Professionem, iuxta dicta *tom. 1. cap. 2. num. 17.* ita enim supponitur in *cap. beneficium num. 21.* relato, & ratio decisionis est, quia per professionem Religiosus moritur mundo, & seculo. Vacant ergo illa quæ in mundo, & seculo habebat. An autem idem sit dicendum de professione Equitum militarium S. Ioannis, S. Iacobi, Calatrae, Alcantarae &c. dicetur *cap. 5. num. 42.*

24. Gaudent præterea Monachi varijs, & diuersis priuilegijs & Summis Pontificibus illis concessis quorum aliqua hic adducenda sunt: Primò enim Monachi S. Basilij à Greg. XIII. in Bulla *Benedictus Dominus* in 2. tomo Bullarij Laertij inter Bullas huius Papæ *num. 58.* in vnâ Congregationem, & sub regimine vnius Abbatis redacti certisque Constitutionibus reformati, multis priuilegijs ab ipso decorati sunt, videlicet Congregationis Cassinensis Ordinis S. Benedicti, exemptione à iurisdictione Ordinariorum, & Commendatariorum, ac sub protectione S. Petri immediatè constituti. Idem etiam Greg. XIII. in alia Bulla *Cogit muneris* in eodem tom. 2. Bullarij *num. 46.* Eremitoria del Tardon, & alia in Hispania existentia, in Monasteria S. Basilij erexit, Ordini eidem adiunxit, & aliquibus statutis eis concessis, priuilegia quoque Ordinis S. Basi-

S. Basilij, & Congregationis Cassinensis S. Benedicti illis tribuit. Postea Clemens VIII. in Bulla *Quæ ad restituendos in* 3. tom. Bullar. num. 14. facta à Greg. XIII. approbavit, & in alia quæ est num. 103. unionem à Greg. XIII. factam reuocauit, & duo Monasteria in Hispania, scilicet Eremitæ d. Tardón, & S. Antonij de Galogillos in Monasteria reformationis constituit, & separauit, ac illis nouitios recipiendi facultatem concessit. Ac tandem Paulus V. in Bulla *Iniunctum nobis* 3. tom. Bullarij Laertij num. 17. separationes factas approbans privilegia illis concessa confirmauit. Ante quæ tempora Alexand. III. in Bulla Apostolicæ Sedis in 1. tomo Bullarij Laertij num. 6. Ordinem, & Regulam S. Basilij approbavit, ipsi donata à Rege Siciliæ rata facit; exemptionem à decimis concessit ac facultatem quæcumque bona acquirenda. Insuper Calixtus III. in Bulla *Urget nos* in eodem tomo 1. Bullarij num. 4. Monasterium S. Saluatoris de lingua huius Ordinis pluribus immunitatibus, præsertim à iurisdictione Ordinariorum, collectis, & exactio-nibus decorauit, & sub S. Petri protectione suscepit. Qualiter autem hæc privilegia modò subsistant, ex dictis, tum hoc 2. tomo tum in 1. tum etiam ex inferiùs dicendis constabit.

25 Monachi etiam Benedictini quamplurimis gratijs privilegijs, & immunitatibus à Sede Apostolica concessis gaudent, quorum aliqua relata in Bullario Rodrig. hic referenda sunt. Primò enim Urban. II. anno 1092. in Bulla *cum vniuersis*. Cauense Cænobium Ordinis S. Benedicti multis privilegijs decorauit, & inter alia quòd ab omni tam seculari, quàm Ecclesiasticæ personæ iugò liberum esset decrenit, quod qualiter accipiendum tom. 1. cap. 3. est dictum. Item Gregor. IX. in Bulla *Apostolica Sedis benignitas* Abbati S. Facundi Ordinis S. Benedicti concessit, quòd ipse, & eius successores indumenta Sacerdotalia Monasterij benedicere, ac Monachos, & Clericos seculares Monasterio ipsi pleno iure subiectos vsque ad Acolytatus Ordinem promouere possent. Circa quod vide dicta tom. 1. cap. 14. num. 13. & cap. 18. num. 65. Deinde Nicolaus III. in Bulla *Deuotionis vestra* eidem Abbati S. Facundi concessit, vt possessiones, & alia bona mobilia, & immobilia, quæ essent Religiosorum antequam Religionem professi essent, feudalibus dumtaxat exceptis, possent petere, recipere, & retinere. De qua materia infra cap. 18. Eidem etiam Abbati S. Facundi Benedictus 12. in Bulla *Deuotionis vestra* Celestini III. Bullam confirmando indulget, vt non liceret alicui personæ præter Romanum Pontificem, aut Legatum Cardinalem

cos

eos excommunicare, aut interdicare, & quod tempore interdicti generalis eis liceret in Ecclesijs suis, exclusis excommunicatis, & interdictis, clausis ianuis, non pulsatis campanis, suppressa voce, clericis, & familiaribus ipsorum diuina officia celebrare, & debita peragere sepultura, & quod liberi essent à decimis certis soluendis, nec aliquis edificaret infra Parochias Ecclesiarum ad dictum Monasterium pertinentium absque Abbatis consensu. Item Martinus V. in Bulla *In decore* Conuentui S. Benedicti Vallisoletani concessit exemptionem à cognitione, siue executione quorumcumque negotiorum, seu commissionum, dummodo ad fidem Catholicam non pertinerent. Maxime Eugenius IV. eidem Monasterio S. Benedicti Vallisoletani magna priuilegia concessit circa absolutionem Monachorum, & dispensationem cum eisdem, quæ tamen prætermitto quia solum viuæ vocis oraculo concessa videntur, & concessiones huiusmodi hoc tempore vacant, iuxta dicta tom. 1. cap. 3. num. 21. Item in Bulla *Iniunctum nobis* facultatem tribuit recipiendi reliquias à quibuscumque personis. Item in Bulla *Dispositione diuina* Congregationi S. Iustinae facultatem tribuit recipiendi quascumque donationes, seu legata multa etiam eidem Ordini S. Benedicti idem Pontifex statuta dedit, & priuilegia magna concessit, vt patet ex pluribus eiusdem Pontificis diplomatibus in eodem Bullario Rodriguez in Eugen. IV. item Calixtus III. eidem Conuentui Vallisoletano indulta dedit circa contributiones de bonis ipsius in Bulla *Speciali gratia*. Alexand. VI. Monasterio Montiserrati priuilegium concessit in Bulla *Sane merita &c.* vt in dicto Monasterio immediatè post duas horas post mediàm noctem Missas celebrare possent. Hoc tamen priuilegium vacare videtur hoc tempore propter declarationem S. Congregationis adductam tom. 1. cap. 21. num. 2. Clem. VII. eidem Congregationi Vallisoletanae in Bulla *Deuotionis augmentum* priuilegia indulgit circa contributiones, & partitiones decimarum ipsis Monachis non auditis non faciendas. Paulus III. in Bulla *Exponi nobis* Congregationi eidem magnum etiam priuilegium concessit circa absolutionem, & dispensationem faciendam cum subditis prima die lunæ Quadragesimæ. Pius V. in Bulla *Decet ex benigno &c.* facultatem concessit Congregationi Cassinensi alienandi eius bona. Quod tamen priuilegium hoc tempore vacat, propter dicta tom. 1. cap. 10. à num. 1. Deinde Sixtus V. in Bulla *Iniunctum nobis* amplam communicationem priuilegiorum Congregationum Cassinensis, &

Vallisoletanz, & ordinum S. Hieronymi, & Cisterciensium, Congregationi S. Benedicti in Lusitania concessit, extendit etiam hoc privilegium idem Pontifex ad litteras conservatorias dictarum Congregationum, & Religionum in alia. Bulla. *Alias si quidem*. Pariter Clem. VIII. in Bulla Romanus Pontifex Congregationi S. Benedicti Vallisoleti communicavit privilegia Ordini concessa. Vide etiam alia privilegia Abbatibus horum Monachorum concessa apud Barbosam in *collect. Bullar. verb. Abbas* 3.

26 Pariter etiam pro Ordine Cisterciensi Innocent. IV. in Bulla *Cum à vobis petitur* &c. illis concessit ne quisquam in familiares, servientes, ac benefactores Ordinis illius seu in eos, qui molunt in molendinis Monasteriorum, vel coquunt in furnis illorum, seu alias cum Monachis communicant excommunicationis sententiam promulgaret, & si talis excommunicatio proferatur, irrita sit, & inanis. Loquitur autem Pontifex de illis qui in fraudem privilegiorum dicti Ordini à Sede Apostolica concessorum id faciunt. Vide dicenda cap. 16. de familiaribus Regularium. Item idem Pontifex Innocentius IV. in Bulla *Cum nuper duxerimus*, declarat decretalem ab ipso editam de exemptis ratione delicti, seu contractus, aut rei de qua contra ipsos agitur rite posse coram Ordinarijs conveniri intelligendam esse sine præiudicio libertatum, & immunitatum Ordinis Cisterciensis. De qua materia dictum est tom. 1. cap. 3. num. 8. & cap. 11. à num. 2. præsertim num. 10. Concessit etiam eisdem Cisterciensibus idem Pontifex, & postea id ipsum confirmavit Pius II. ut possessiones, & alia bona mobilia, vel immobilia exceptis feudalibus quæ personas fratrum professionem facientium si remansissent in sæculo ratione successionis, vel quocumque alio iusto titulo contigissent petere, ac retinere libere valerent. De quo etiam cap. 18. dicitur. Postea Alexand. IV. in Bulla *Devotionis vestra*, ipsismet Cisterciensibus concessit, quod in grangijs, & locis, quæ ad eò distant ab Ecclesijs Parochialibus, quod ad eas pro audiendis divinis Officijs non possent commodè habere recursum, liceret illis, dummodo Parochiani earundem Ecclesiarum non interessent divina celebrare sine præiudicio iuris alieni. de quo vide dicta tom. 1. cap. 21. num. 15. Item idem Pontifex in Bulla *Præclara Religionis*, ut nullus ipsorum posset alij alterius Religionis, vel Presbytero sæculari confiteri absque sui Abbatis licentia. De quo tom. 1. cap. 18. num. 26. Præterea ipse Pontifex eisdem Cisterciensibus concessit in Bulla.

Bulla *Circa sacrum*, ne tenerentur quibuscumque Nuncijs, Archiepiscopis, vel Episcopis quascumque procuraciones pecuniarias soluere. Prohibuit etiam iisdem idem Pontifex in Bulla *Virtutum meritis* appellationem extra Ordinem, de quo etiam tom. 1. cap. 9. est dictum. Insuper Urbanus IV. in Bulla *Denotionis augmentum* eisdem Cisterciensibus concessit, quod tempore interdicti possent, excommunicatis, & interdictis exclusis, divina officia etiam alta voce, apertis ianuis, & pulsatis campanis in Monasterijs, quæ à secularium habitationibus remota sunt celebrare. De quo dictum est tom. 1. cap. 21. num. 19. & 20. Item Greg. X. anno 1275. in Bulla *In vestitu deaurato* post egregiam Ordinis Cisterciensium commendationem, eum à decimarum extraordinariarum, & exactio-
 onere liberauit. Vide dicta tom. 1. cap. 3. num. 14. & 15. Præterea Nicolaus III. in Bulla *Honestis desiderijs*, ipsis indul-
 sit, vt possent audire confessiones pauperum infirmorum, qui ad Hospitalia infra septa Monasteriorum deputata confluunt per aliquem, vel aliquos idoneos Monachos deputandos, eis-
 demque Ecclesiastica Sacramenta ministrare. Vide dicenda hoc 2. tom. cap. 6. de Hospitalarijs. Item Bonifac. VIII. in Bulla *Series oblata* inhibuit ne aliqui Prælati cum ipsos in Ec-
 clesijs Monasteriorum Cisterciensium solemnia celebrare contigisset, possent oblationes tempore celebrationis factas à Monasterijs ipsis asportare, sed eas ibi dimittere. Item in Bulla *Ad augmentum*, concessit, vt Prælati ipsorum possent ad correctionem Monialium procedere, rimulis, & apicibus iuris postpositis, appellatione interdicta. vide dicta tom. 1. cap. 18. num. 16. Et in Bulla *In Ecclesie fundamento* eos à decimis, & primitijs soluendis exempt. Item Clem. VI. in Bulla *Militanti Ecclesie*, tres Abbates, Iudices, Conservatores de-
 putauit pro defensione rerum mobilium, & immobilium iurisdictionum, & possessionum eorumdem Cisterciensium: De qua materia infra cap. 10. Urban. V. in Bulla *Sacra vestra* illis indul-
 sit, quod in castris, & fortalitijs, ad quæ tempore belli recurrerent in locis tamen congruis, & honestis, erigere pos-
 sent Altare portatile, & ibi Missas, & diuina Officia celebrare. Vide dicta tom. 1. cap. 21. num. 14. Item Martinus V. in Bulla *Mitilanti Ecclesie* amplum priuilegium illis concessit circa exemptionem à decimis soluendis. Ioannes XXIII. in Bulla *et si quibuslibet*, priuilegia à Summis Pontificibus Prædecessoribus eisdem concessa confirmauit. Eugenius IV. in Bulla *Iniunctum nobis*. Reformatori Ordinis Toletij, & successoribus

magnam etiam facultatem concessit circa absolutionem, & dispensationem dandam Religiosis. Quibus etiam in alijs Bullis magna quoque privilegia indulsit, statutaque dedit. Sixtus IV. in Bulla *Sacrofancta* magnum etiam privilegium eisdem Cisterciensibus, eorumque familiaribus continuis, Procuratoribus &c. concessit circa absolutionem eorum in mortis articulo. Præcipuè Gregorius XIII. in Bulla *Superna dispositione* circa ipsorum reformationem plura statuta fecit, privilegiaque concessit. Item Gregorius XIV. in Bulla *Romanus Pontifex*, amplissimam extensionem privilegiorum aliarum Congregationum Congregationi S. Bernardi Hispaniarum communicavit. Bullarium Rodriguez tom. 1. & 2. in præfatis Pontificibus.

27 Prohibitum tamen illis est in Regnis Castellæ, & Legionis ab Alexandro VI. in Bulla *Romanus Pontifex* in Bullario Rodriguez tom. 1. Bulla 14. inter Bullas huius Pontificis ne prætextu Cruciatæ, aut aliarum quarumcumque litterarum Apostolicarum confessorum eligere absque licentia Superiorum suorum possent. Vnde comprehenduntur in doctrina tradita tom. 1. *nostra summa* cap. 19. num. 29. Idem ordinatum esse videtur à Iulio III. pro Congregatione S. Benedicti Vallisoletani in Bulla *Suadet*, in Bullario Rodriguez tom. 1. num. 5. in Iulio III. Quibus adde decretum S. Congregationis in causa Castellæ, & Portugalæ, ubi id decernitur de Bulla Cruciatæ generaliter pro omnibus Regularibus utriusque sexus quoad casus reservados, apud Barbosa in *collectan. Bullarj verbo Cruciatæ*.

28 Carthusiani ab Alexandro III. in Bulla *Cum vos* in 1. tomo Bullarj Laertij Cherubini num. 7. approbati sunt, sub protectione Sedis Apostolicæ suscepti, & in possessionibus quas habebant confirmati. Prohibuit etiam Pontifex sub anathematis pœna, ne quis intra terminos ipsorum hominem capere, furtum, seu rapinam committere, vel homicidium facere auderet, aut homines ad domos illorum venientes, vel ab eis redeuntes quomodolibet perturbare. Quod privilegium quantum ad capturam hominum, si intelligatur de delinquentibus, correctum à Greg. XV. videtur, iuxta dicta tom. 1. cap. 18. num. 83. concessit etiam eisdem, ut infra dimidiam leucam à terminis possessionum quas habent nullus Religiosus quodlibet ædificium constituere, vel possessiones acquirere posset. Contrarium tamen apparet Romæ ubi multa Cœnobia Regularium intra dictam mediam leucā reperiuntur. Item Honor. III. in Bulla *Cum dilecti*. in eodem tom. 1. Bullarj Laertij num. 3. ne ab

ne ab aliquibus temerè molestantur ad calumniæ iuramentum, vel ferendum testimonium cogere præcepit. Vide dicta tom. 1. cap. 11. num. 24. Greg. IX. in Bulla *quoties à nobis* in eodem 1. tomo Bullarj num. 3. oblatos Carthusiensis Ordinis etiam sub protectione S. Petri. Suscepit, & eisdem libertatibus, & immunitatibus quibus ipsi gaudent gaudere decrevit. Pro quo vide dicenda hoc 2. tom. cap. 8. Item Urbanus V. in Bulla *Sincera* in eodem 1. tom. Bullarj num. 2. facultatem tribuit utendi Altari portatili pro celebratione Missarum in locis ad Ordinem spectantibus. Pro quo indulto, vide dicta tom. 1. cap. 21. num. 14. Præterea Bonifac. IX. in Bulla *Sacro sancta* eodem to. 1. Bullarj num. 3. ipsos exemit à iurisdictione, visitatione, & correctione Episcoporum, & aliorum omnium. Pro quo etiam, vide dicta tom. 1. cap. 3. num. 8. & cap. 11. à num. 2. Martinus V. in Bulla *fons parvulus* in eodem tomo 1. Bullarj num. 4. illos à solutione primitiarum, & decimarum exemit. De quo, vide dicta tomo 1. cap. 3. num. 15. Gregor. XI. concessit eisdem, ut omnia privilegia Domui Carthusiæ Gratianopolitanae, & alijs domibus concessa ad alias domos in posterum ædificandas extenderentur. Quam etiam extensionem, & expressionem concessit illis Pius II. Casarubius in *Compend. privileg. Mendic. verb. communicat. privileg. nu. 36. & 37.*

29. Aliarum Congregationum Monachorum privilegia non refero quia etsi illas magna veneratione dignas æstimem, ipsorum tamen privilegia fere similia sunt ijs, quæ ex Basilianis, Benedictinis, Cisterciensibus, & Carthusianis sunt relata.

30. Non potest Monachus locum habere in duobus Monasterijs. Ita enim deciditur in cap. *ne nimia de Religios. domib.* Tunc autem dicitur habere locum in duobus Monasterijs quando in utroque habet vocem in Capitulo, & sedem in choro. Azorius tom. 1. *instit. moral. lib. 12. cap. 19. §. 12. Queritur.* Nec quando Monachus eligitur in Abbatem alterius Monasterij potest in suo habere vocem, & locum, nisi illa Monasteria sint annexa. Abbas in cap. 1. *de privilegijs.* Azorius *ut supra.*

31. Is qui præst Monachis debet per se, vel per alium vulgari sermone Regulam exponere in Capitulo. Ita enim habetur in Clement. Ne in agro de statu Monachorum illis verbis *Regula quoque cum in Capitulo legitur ab illo qui præst, ipsi Capitulo, vel alio, cui hoc ipse iniunxerit propter iuniores vulgariter exponatur.* Vbi vnum supponitur videlicet Regulam legi in Capitulo, aliud verò præcipitur, scilicet eam exponi debere

debere in vulgari sermone propter iuniores.

32 Tenentur ad silentium seruandum Monachi in Oratorio, Dormitorio, & Refectorio; in clauistro verò ad certas temporum horas. Ita enim habet Innocentius 111. in cap. cum ad Monasterium de statu Monachorum. In Oratorio verò Refectorio, & Dormitorio continuum semper silentium obseruetur, in clauistro quoque certis horis, & locis. Hanc verò obligationem non esse sub mortali certum est cum nunquam tam rigorosè sit recepta. Grassis in 2. par. decis. lib. 3. cap. 22. num. 1. An verò sit sub veniali, licet in rigore. Iuris ita sit dicendum, cum sit præceptum Pontificium, ad communem tamen acceptationem Religionum attendendum est, iuxta dicta tom. 1. cap. 7. à num. 10. Hæc autem obseruantia maiorem obligationem inducere videtur Carthusianis, quam alijs Monachis.

33 Prohibitum est Monachis in iure carnes comedere sine causa rationabili, & assensu Abbatis, ex cap. carnem de consecrat. d. 5. & cap. cum ad Monasterium de statu Monachorum. Grassis 1. par. decisionum lib. 3. cap. 5. non tamen videtur hoc præceptum obligare ad mortale nisi quando quis carnes edit ex contemptu Regulæ, vel contra speciale Superioris præceptum. Siluester verb. Religio. 7. q. 14. Grassis ut supra. secus dicendum de Carthusiensibus propter magnum rigorem, quo hæc obseruantia apud illos habetur. In Monasterijs autem aliorum Monachorum, in quibus consuetudo habet quod comedantur carnes, scientibus Superioribus, & patientibus sine villo peccato id fit. Censetur enim consuetudine immutatam esse iuris dispositionem. Grassis ut supra num. 10. De vsu lineorum. Vide dicta tom. 1. cap. 9. num. 21. Et nota illud præceptum præcipuè dirigi ad Monachos in prædicto cap. cum ad Monasterium. Similiter de obligatione confitendi semel in mense, vide ibid. nu. 22.

34 Tenentur Monachi prima Dominica cuiuslibet mensis in Monasterijs venerabile Sacramentum sumere, nisi ex causa (quam Abbati, aut Priori, aut Pœnitentiarijs Monasteriorum aperiant) abstineant ad eorum arbitrium. Ita enim decernitur in Clem. ne in agro de statu Monachorum, Azor. to. 1. inslit. moral. lib. 12. cap. 19. Aduertens etiam hanc legem cum sit humana, consuetudine abrogari posse. Vbi autem consuetudine abrogata non fuerit, obligat ad culpam cum sit præceptum Papale in illa Clementina. Addit esse mortale Iacobus Grassis in 1. par. decis. l. 2. c. 38. n. 36. Sed non credo cum tanto rigore acceptam esse hanc legem saltem apud omnes. Ipsi tamen viderint.

Teneri

35. Tenēri accedere ad processiones publicas, & generales, imō ad id compelli posse ab Episcopo Monachos quantumvis exemptos, habetur ex declarationibus S. Congregationis apud Barbosa in Collectan. Bullar. verbo Monachus 1. Verumtamen, si de illis, aut earum sensu certō non constat, poterunt Monachi, vti consuetudine legitimē præscripta.

36. Monachorum Abbates non omnes consecrandi, aut benedicendi sed ij tantum qui suæ Ecclesiæ more consecrari, aut benedicī solent. ex cap. alienationes 12. q. 2. Sunt enim Abbates quidam benedicti, alij non benedicti, vt ex vsu constat, & colligitur, ex cap. 1. de supplend. neglig. Pralat. Suarez 4. tom. de Relig. tract. 8. lib. 2. cap. 29. num. 2. Hæc porrō benedictio, seu consecratio, etsi decentius die Dominica dari debeat, alijs tamen diebus in quibus Minores Ordines conferuntur dari potest, cum non sit tanta quanta Episcopi, nec maior quam Ecclesiæ, vel altaris consecratio, quæ tamen alijs diebus quam Dominicis fit, cap. tua de consecrat. Ecclesiæ, vel Altaris. Azorius tom. 1. instit. moral. lib. 12. cap. 20. Non reiteratur hæc benedictio, quia etsi characterem non imprimat, æquiparatur tamen in hoc benedictioni nuptiali, & alijs benedictionibus Ecclesiasticis quæ circa eandem rem permanentem non iterantur. Nauarrus consil. 2. de stat. Monachorum. Suarez vt supra. Vnde à S. Congregatione declaratum est, quod Abbas semel benedictus cum vsu birreti si transferatur ad aliam Abbatiam habentem vsum mitræ, non indiget alia benedictione, sed potest per seipsum mitram capere. Barbosa in collect. Bullar. verb. Abbas 1. Fit hæc benedictio Abbatis post electionem, & confirmationem ipsius, sicut consecratio Episcopi quæ etiam fit post electionem, seu designationem, & confirmationem. Azorius vt supra. Vnde Abbas non constituitur per benedictionem sed per electionem, & confirmationem; benedictio enim se habet, vt quoddam ornamentum, seu consecratio personæ in ea dignitate constitutz. Suarez vt supra. Fit benedictio Abbatis ab Episcopo, duobus assistentibus Abbatibus, vel sine Episcopo à tribus minimū Abbatibus, vti consuetudine habetur. Siluester verbo Abbas q. 1. Layman. in Theolog. moral. lib. 5. tract. 9. cap. 13. §. unico. num. 17. Videō tamen declaratum, dici à S. Congregat. quod solū ab Episcopo recipere debeat benedictionem. Barbosa in collectan. Bullar. verbo Abbas 1. ideo cautē procedendum. Possunt autem illi solēnnem benedictionem impartiri populo in Ecclesijs ad ipsos pleno iure spectantibus post Missarum perfecta sacrificia, post vespertinas preces,

preces, aut matutinas decantatas, non autem alibi publicè, aut per vias, Ciuitates, aut Castella, vel Villas. *ex cap. Abbates de priuileg. in 6.* Pro quo video priuilegium Cælestini V. & Eugenij IV. Cælestinis concessum, vt Abbas de Sulmona, eiusque successores ad Missas in Conuentibus benedictionem solemnem facere possent, dummodo ibi non sit præsens aliquis Episcopus, vel Superioris status persona. Bullarium Rodriguez *to. 1. Bulla 18. in Eugen. 14.* Vide etiam priuilegium Innocent. viii. pro aliquibus Abbatibus Cistercij, de quo infra. Azorius *to. 1. instit. moral. lib. 12. cap. 20.*

37 Possunt etiam aliqui ipsorum, tonsuram, & minores Ordines conferre, iuxta dicta, & cum conditionibus assignatis, præsertim ex decreto Sacre Congregationis *tom. 1. nostra Summa cap. 18. num. 64. & 65.* De quo etiam Suarez *4. tom. de Relig. tract. 8. lib. 2. cap. 29.* Barbosa *in Collectan. Bullarij verb. Abbas 1.* Extat etiam concessio Innocentij viii. pro Abbate Cistercij, & quatuor primis Coabbatibus eius in Bulla *exposit* in Bullario Rodriguez *tom. 1. inter Bullas Innocent. viii. num. 5.* quæ illis concedit facultatem dandi quatuor minores Ordines suis subditis, & quod magis est Subdiaconatus, & Diaconatus ordines. Sed hæc facultas à Concilio Tridentino *sess. 23. cap. 8. & 10.* maximè 12. sublata videtur. Rodriguez *tom. 1. quæst. Regular. q. 18. art. 3. & 4.* Declaratum etiam est à S. Congregat. Concilij Abbatem habentem priuilegium faciendi ea omnia, quæ spectant ad Episcopum non posse chrisma conficere, nec sacros Ordines conferre. Barbosa *in Collectan. Bullar. verb. Abbas 1.*

38 Possunt item Abbates iura Episcoporum præscribere legitima consuetudine quantum ad iurisdictionem, non quantum ad potestatem Ordinis *ex cap. aqua de consecrat. Eccles. Azorius tom. 1. instit. moral. lib. 12. cap. 20.* Non tamen teneri Monachos associare, & reassociare eorum Abbates sicut tenentur facere Canonici cum Episcopis, dum ad Ecclesiam veniunt solemniter celebraturi, habetur ex declaratione S. Congregationis apud Barbosam *in Collectan. Bullar. verb. Monachus 1.*

39 Abbas Cistercij, & quatuor primi Coabbates eiusdem Ordinis habent priuilegium ad vtendum mitra, & annulo, & alijs Pontificalibus insignijs. Ita enim supponitur in Bulla Innocent. viii. *exposit* in Bullario Rodriguez *tom. 1. Bulla 5.* Innocent. viii. quamuis hic Pontifex nihil circa hoc illis concedat. Vnde Abbates alij insulati, alij non insulati dicuntur, de quibus Layman *in Theolog. moral. lib. 5. tract. 9. cap. 13. S. unico num. 14.*

num. 14. Nota tamen ex decisione S. Congregationis a pud Barbosam ut supra, Abbatem licet exemptum, & habentem priuilegium vsus pontificalium, non posse illis vti extra Monasterium nisi de licentia Ordinarij. Insuper, Abbatem in processionibus extra suam Ecclesiam, & Conuentum non posse vti Mitra, & baculo, nec etiam ante se deferri facere. In vsu tandem huius priuilegij attendendum maximè consuetudini legitime.

40 Abbates qui priuilegio, vel consuetudine deferre solent Episcoporum insignia ceteros Abbates eis insignibus carentes præcedere debent. *ex cap. vt Apostolica de priuileg. in 6. Nauarr. consil. 1. num. 5. de maiorat. & obedient.*

41 Abbas cuius abbatiam ad nullam pertinet Diœcesim, & propria Episcoporum habet iura, Ordinarij nomine gaudet. Quia in iure nomen Ordinarij nisi aliud exprimitur non solum Episcopis, sed etiam inferioribus Clericis competit. Glossa in cap. Ordinarij de offic. Ord. 1. in 6. Nauarrus consil. 5. de spons. Nomine autem Diœcesani non venit. Quia hæc vox tantum Episcopos significat. Glossa in Clem. 1. de iure patron. in verb. Diœcesani. Nauarrus ut supra.

42 Possunt etiam Abbates, iuxta dicta tom. 1. cap. 18. num. 57. benedicere vestes Sacras, & ornamenta Altaris in quibus chrisma non interuenit. Suarez tom. 4. de Relig. lib. 2. cap. 30. Barbosa in Collectan. Bullarij verb. Abbas 1. Sed huiusmodi facultas quantum ad paramenta pro extraneis benedicenda ablata est, iuxta dicta præd. nu. 57. Vide etiam Barbosam loco relato.

43 Abbates Regulares habentes iurisdictionem criminalem in Clericos etiam sæculares non comprehenduntur decreto Conc. Trident. sess. 24. cap. 20. versu Ad hæc ubi est sermo de causis criminalibus ab Episcopis tractandis. Ita enim decisum refertur à S. Congreg. Barbosa ut supra.

44 Abbates, Præpositi, & Abbatisz vitam Regularem ducentes non tenentur Episcopo rationem reddere. Ita enim decisum etiam refertur à S. Congregat. teste Armendariz in addit. ad recopilat. leg. Nauarra l. 1. tit. 18. lib. 8. num. 79. Attendenda tamen in hoc est Constitutio Gregor. xv. de exemptor. priuileg. de qua tom. 1. cap. 25. num. 45. quam pro Regnis Hispaniarum, suspensam esse ibidem dixi.

45 Abbates Abbatiz carentis cura, & Conuentu non sunt cogendi residere. Ex declaratione S. Congregat. testibus Garzia de benefic. par. 3. cap. 2. num. 179. in 9. declarat. Armendariz in addit. ad recopilat. leg. Nauarra lib. 2. tit. 23.

SUMMARIVM CAP. III.

Canonici Regulares vnde dicti. num. 1.

Dicuntur etiam à canonis. num. 2.

Habet eorum Religio beneficia Ecclesiastica, simplicia, Canonicatus, Abbacias, Praposturas, Personatus, Prioratus, officia, administrationes &c. nu. 3.

Sunt eiusdem Religionis ij qui Ecclesijs inferuiunt, & qui Monasterijs assislunt. nu. 4.

Sunt verè, & essentialiter Religiosi, propter tria vota, quae emittunt. num. 5.

Eorum tamen Religio laxior habetur quàm Monachorum. ibid.

Nomine Monachorum comprehenduntur in fauorabilibus, non autem in odiosis, & pœnalibus. nu. 6.

Item quoad ea, quae per se solum respiciunt substantiam, vel decetiam status Religiosi. nu. 6.

Institutum eorum per quod à Monachis distinguuntur est vacare officijs, & ministerijs diuinis. num. 7.

Sunt enim verè Clerici. num. ibid.

Monachorum porro institutum est vacare vita solitaria, quieti, silentio &c. ibid.

Monachorum Religio est austerior. ibid.

Canonicorum verò perfectiorem habet finem. ibid.

Quomodo differant à Mendicantibus. ibid.

Quomodo à Clericis Regularibus. ibid.

Licitus est transitus Regulariter loquendo, ex Canonicis ad Monachos. num. 8.

Præcedunt Monachos. num. 9.

Gaudent pluribus privilegijs à Sede Apostolica illis concessis. num. 10.

Prohibentur medicinam, vel leges audire. num. 11.

Prohibentur etiam munus aduocati exercere. nu. 12.

Si non adsint due conditiones, scilicet preceptum Superioris, & utilitas Monasterij. ibid.

Iubentur in una domo habitare, ad mensam communem edere, & sub eodem tecto dormire. n. 13.

An obligentur ad confessionem saltem semel in mense, communionem prima Dominica mensis, legendum, & exponendum vulgari sermone Regulam in Capitulo. num. 14.

Non est illis interdictum comedere carnes sicut Monachis. num. 15.

Possant habere beneficia Regularia, & qualia, aut quomodo. num. 16.

Accipien-

Accipientes, vel retinentes aliquod beneficium requirens residentiam tenentur residere. num. 17.

Canonici Ecclesia Cathedralis Regularis capaces sunt, ut sint delegati ad exequendas litteras Pontificias, quæ à personis in dignitate constitutis exequenda necessario sunt. nu. 18.

Possunt ad eas dignitates extra Ordinem promoueri, ad quas Monachi. num. 19.

Ad beneficia autem curata requiritur Sedis Apostolicae licentia. ibid.

Si sine illa sint poterunt ab Episcopis remoueri. ibid.

Tenantur Canonici Regulares Ecclesiarum Cathedralium professionem fidei facere. num. 20.

Alioquin fructus non faciunt suos. ibid.

Nequeunt esse compatrini. num. 21.

Nec possunt admittere fœminas intra Monasteria. nu. 22.

An verò in priuatis domibus. ibid.

An prohibitio de non assistendo agitationibus taurorum illos tangat. num. 23.

An prohibitio non tenendi arma intra septa Monasterij. nu. 24.

Munus Procuratoris exercere non possunt, nisi duabus conditionibus concurrentibus, scilicet Superioris licentia, & utilitate Monasterij. num. 25.

Nec etiam possunt procuratorem constituere, aut substituere. num. 26.

Subornatio pro electionibus prohibita est Canonicis S. Saluatoris. num. 27.

De qua subornatione id intelligatur. ibid.

An puniantur ab Episcopis seruientes Parochialibus Ecclesijs unitis suis Monasterijs si delictum non concernens curam animarum non committant. num. 28.

An predicti teneantur interesse diuinis officijs, quæ diebus Sanctorum Patronorum Ciuitatis in Ecclesia Cathedrali celebrantur. ibid.

An Episcopus possit Ecclesias Parochiales illis unitas visitare, etiam si Generalis ibi sedem habeat. num. 29.



De Regularium Canonicorum specialibus iuribus,
priuilegijs, & obligationibus.

Cap. III.



CANONICI Regulares sic dicuntur quia non solum Apostolorum Canonem, seu Regulam in commune sua bona conferendo sequuntur, propter quod vocantur Canonici, sed etiam quia instar Monachorum, & aliorum Regularium tria vota emittunt, & se Deo arctius obligant, propter quod Regulares nuncupantur, & coniunctim Canonici Regulares appellantur, vt distinguantur ab alijs Canonicis non Regularibus, sed secularibus. Couarrubias in *Clement. si furiosus de homicidio par. 1. nu. 1.* Azorius *tom. 1. insit. moral. l. 12. c. 22.*

2 Dicuntur etiam Canonici a canonibus, quæ est spirituale ius, ratione cuius aliquis habet stallum in Choro alicuius Ecclesiæ, & locum in Capitulo, vt colligitur ex *cap. dilecto de præbendis. Suarez tom. 4. de Relig. tract. 9. lib. 1. cap. 9. num. 6.*

3 Habet hæc Religio beneficia Ecclesiastica, simplicia, Canonicatus, Abbatias, Præposituras, Personatus, Prioratus, officia adinistrationes &c. Azorius *tom. 1. insit. moral. lib. 12. cap. 22. §. septimo quaritur.* Lauretus de Franchis in *controuers. Episcoporum. & Regular. in quæst. q. 87.* De quibus aliqua dicemus tum in hoc capite, tum in c. 18.

4 Sunt eiusdem Ordinis, & Religionis ij qui Cathedralibus Ecclesijs inseruiunt, ac ij, qui Monasterijs assunt. Cum eundem habitum gerant, & eandem professionem emittant. Augustinus Ticiniensis in *propugnaculo Canonici Ordinis par. 3. cap. 5. Rodriguez tom. 3. quæst. Regul. q. 49. ar. 3.*

5 Sunt verè, propriè, & essentialiter Religiosi, si quidem promittunt tria vota, essentialia Religionis sicut alij Regulares, sub approbata Regula, S. Augustini videlicet, & Constitutionibus, Rodriguez *tom. 1. quæst. Regul. q. 1. art. 3.* Quamuis intra genus Religionis laxior habeatur hæc Religio, quàm Monachorum, vt habetur in *cap. quod Dei timorem de statu Monachorum. Azorius tom. 1. insit. moral. lib. 12. cap. 22.*

6 Quamuis dubium sit an nomine Monachorum comprehendantur, probabilius tamen est, quod in pœnalibus, & odiosis

non

non comprehendantur, cum lex pœnalis, & odiosa stricte sit explicanda, bene tamen in fauorabilibus, propter oppositam rationem. Rodriguez *tom. 1. quæst. Regular. q. 1. art. 3* Azorius *to. 1. instit. moral. lib. 12. cap. 22.* Idem dico de ijs quæ per se solum respiciunt substantiam, vel decentiam status Religiosi, in ijs enim nomen Monachi etiam extenditur ad Canonicos Regulares, vt constat *ex cap. ex parte de postulando.* Nauarrus *comment. 3. de Regularib. num. 4. & 41.* Suarez *4. tom. de Relig. tract. 9. lib. 1. cap. 7. num. 10.*

7. Institutum proprium Canoniconum Regularium per quod à Monachis distinguitur est vacare officijs, & ministerijs diuinis. Sunt enim, iuxta doctrinam S. Augustini, huiusmodi Canonici, Clerici, quorum proprium munus id est: Monachorum, enim institutum est vitæ solitariæ, quieti, silentio, & orationi incumbere, vt dixi *supra cap. 1. num. 10.* Suarez *4. tom. de Relig. tract. 9. lib. 1. cap. 7. à num. 6.* Sanchez *lib. 6. in decalog. cap. 7. nu. 20.* Etsi enim tam Monachi, quàm Canonici vitam contemplatiuam profiteantur, Canonici tamen sunt instituti ad contemplatiuam circa ministeria Ecclesiastica publica, Monachi autem ad contemplatiuam priuatam. Vnde Canonicis Regularibus perse inest Clericatus, Monachis autem quasi per accidens. Nauarrus *comment. 4. de Regularibus, num. 1.* Hinc oritur quòd vita Monachorum regulariter, seu ex suo genere sit austerior, quàm Canoniconum, in his quæ pertinent ad corporis tractationem, vt sunt victus, vestitus, lectus, & similia. Suarez *ibidem num. 9.* licet quoad essentiam, & substantiam suam Religio Canoniconum videatur perfectior quàm Monachorum, ratione perfectioris finis iam assignati. Idem Suarez *4. tom. de Relig. tract. 8. lib. 3. cap. 10. num. 7.* Differt autem illorum institutum, à Mendicantium, quod Mendicantium Ordinum finis, vt dixi *cap. 1. num. 10.* est vacare tam actiuæ, quàm contemplatiuæ vitæ sub exercitijs vtriusque, Canoniconum verò finis non videtur includere aliquid de actiuæ vita, vel si illam includit, solum est secundario, & minus principaliter. Differt autem eorum finis, seu scopus, à scopo, & fine Clericorum Regularium, quia etiamsi isti ad diuinum quoque cultum in diuinis ministerijs, & officijs detineantur, sed id est ad modum simplicium Clericorum, & in simplici Ecclesia, vel simplici Superiori, non ad modum dignitatum, vel quasi dignitatum in Ecclesijs Cathedralibus, & sub Superioribus dignitatem specialem habentibus, prout contingit in Canonicis. Suarez *to. 4. de Relig. tract. 9. lib. 1. c. 8. n. 10.*

Hinc

8 Hinc etiam regulariter loquendo licitus est transitus ex Canonicis Regularibus ad Monachos, seruatis tamen ijs de quibus egimus *tom. 1. cap. 22.* est enim vt diximus Religio Monachorum austerior, & strictior, quàm Canonicorum, vt etiam habetur in *cap. quod Dei timorem ad finem de statu Monach.* Nec obstat quod in *c. mandamus 19. q. 3.* prohibeantur Canonici professi transire ad Monachos. Quoniam vt Glossa explicat id locum habet in ijs Canonicis qui leuitate animi, aut temeritate, aut facultate non petita transire volunt. Azorius *tom. 1. instit. moral. lib. 12. cap. 22. §. sexto queritur.* Sanchez *lib. 6. in decalog. cap. 7. num. 21.* Nisi dicatur cum alijs ideo prohibitum in illo cap. transitum Canonicorum ad Monachos, quia eorum Religio videatur perfectior, & habere perfectiorem finem, qui est ministerijs diuinis vacare, vt diximus, etiam si sit minus stricta, & austerior. Vide Nicolaum à Iesu in sua Apologia proposit. 61. & Layman in *Theolog. mor. lib. 4. tract. 5. cap. 6. n. 11.*

9 Ordo Canonicorum Regularium præcedit Monachis tum quia sunt Clerici, qui Monachis præcedunt, tum ex sententia Romæ à DD. Cardinalib. super hac controuersia data, & à Pio IV. confirmata. Nauarrus in *comment. 4. de Regularibus.* Barbosa in *collect. Bullar. verb. Canonici Regulares 15.*

10 Gaudent pluribus privilegijs à Sede Apostolica illis concessis. Primò enim Sixtus IV. in Bulla *Dum ad vniuersos* in 1. tom. Bullar. num. 10. omnia privilegia illis à prædecessoribus Summis Pontificibus, Imperatoribus, Regibus, & Principibus concessa confirmauit, & approbauit, alijs etiam de nouo concessis, de exemptione à iurisdictione quorumcumque, subsidij, & exactionum præstatione, & alijs immunitatibus. Specialiter eisdem concessit, vt contra bona ipsorum præscribi non possit, nisi spatio 60 annorum. De his, & alijs ipsorum privilegijs Barbosa in *collect. Bullar. verb. Canonici Regulares 15.* Deinde Canonici Regulares Lateranenses à Gregor. XV. in Bulla *in iunctis nobis 4.* tom. Bullar. num. 33. Omnium privilegiorum à prædecessoribus illis concessorum confirmationem obtinuerunt, dummodo tamen &c. & communionem gratiarum, & privilegiorum Congregationis Cassinensis, & Congregationis Canonicorum Regularium S. Saluatoris Bononienfis. Barbosa *vt supra verb. Canonici Regulares Lateranenses 16.* Item Canonici Regulares Præmonstratenses à Ioanne XXII. in Bulla *In Apostolica* in 1. tom. Bullarij Rodriguez inter Bullas Ioann. XXII. num. 4. à solutione decimarum exempti sunt, & à Gregor. XII. in Bulla *Romanus Pontifex* in 2. tom. Bullarij eiusdem

eiusdem Rodriguez Bulla xv. confirmationem priuilegiorum Ordini concessorum obtinuerunt, quatenus tamen &c. In super à Clemen. vi 11. in Bulla *Romanus Pontifex* in 2. tom. Bullarij prædicti Rodriguez num. 20. confirmationem priuilegiorum Ordinis, & communicationem priuilegiorum Ordinis Cisterciensium habuerunt. Præterea Canonici Regulares S. Saluatoris à Gregorio xi 1. in Bulla *Excitat nostra* in 1. tom. Bullarij num. 2. priuilegijs Ordinis Eremitarum S. Augustini, & Canonicorum Regularium decorati sunt. Alia etiam priuilegia habuerunt à Iulio 11. Constitut. xxx. Quibus etiam postmodum à S. Congregatione concessum est uti posse birreto nigro loco albi. Barbosa in *collectan. Bullarij verb. Canonici Regulares S. Saluatoris* num. 18. Demum Canonici Regulares S. Crucis Conimbricensis præter alia priuilegia id specialiter habent, ut veniant appellatione eorum, qui in stricta clausura viuunt ad effectum ne ad publicas processiones accedere cogantur. Ob decretum S. Congregationis Concilij. Armendariz in *additionib. ad recopilat. legum Nauarra lib. 1. tit. 14. lib. 24. §. 31. de procession. num. 6.* Barbosa in *collectan. Bullar. verb. Canonici Regulares S. Crucis Conimbricensis* 19. ubi etiam alia de ipsis.

11 Prohibentur hi Canonici medicinam, vel leges audire, iuxta dicta tom. 1. cap. 9. num. 3. Hoc enim ius, ut testatur Glossa in cap. quod Dei timorem in verbo laxiori, de stat. Monachor. locum habet in Canonicis Regularibus perinde ac in Monachis. Azorius tomo 1. institut. moral. lib. 12. cap. 22. §. quinto queritur.

12 Prohibentur etiam munus aduocati exercere, iuxta dicta tom. 1. cap. 9. num. 12. ex cap. ex parte de postulando. præsertim quia tam indecens hoc apparet respectu Canonicorum Regularium, quam respectu Monachorum. Azorius tom. 1. institut. moral. lib. 12. cap. 22. §. quinto queritur. Hoc tamen intellige, si non adsint duæ conditiones, scilicet, præceptum Superioris, & utilitas Monasterij, illis enim concurrentibus poterunt Canonici munus Aduocati exercere, ut colligitur ex d. cap. ex parte de postulando. Sanchez lib. 6. in decalog. cap. 13. à num. 1. cum sequentibus.

13 Iubentur in vna domo habitare, ad mensam communem edere, & sub eodem tecto dormire. Colligitur ex cap. quoniam de vita, & honestate Clericorum. Glossa ibid. Azorius tom. 1. institut. moral. lib. 12. cap. 22. §. quinto queritur.

14 Obligantur etiam secundum quosdam sicut Monachi ea parte Clementinæ ne in agro de statu Monachorum S. sane singulis

singulis quæ sic habet sanè singulis mensibus tam in Monasterijs, quam extra, sublata occasione quacumque ad confessionem saltem semel accedant omnes, & singuli Monachi, & in prima Dominica mensis cuiuslibet in Monasterijs semper communicent nisi ex causa forte, quam Abbati, Priori, aut Pœnitentiarijs Monasteriorum non differant intimare, eorumque iudicio, vel abstineant, vel accedant. Regula quoque cum in Capitulo legitur ab illo qui præst, vel ab alio cui hoc ipse iniunxerit, propter iuniores vulgariter exponatur. Nouitijs etiam fidelis deputetur instructor, tam in diuinis officijs, quam in obseruantia Regulari. Hæc omnia vim, & locum habere in Canonicis Regularibus ait Oldradus consil. 222. quem sequitur Azorius tom. 1. instit. moral. lib. 12. cap. 22. §. quinto queritur. Non videntur autem ad id maiori obligatione, quam ipsi Monachi altringi, sed æquali, vel simili, ac proinde eodem modo philosophandum de illis, ac cap. præc. n. 34. dictum manet.

15 Non est huiusmodi Canonicis interdictum comedere carnes, neque etiam eo modo, quo de Monachis dixi cap. præced. num. 33. Quia Canonicorum Religio non petit istas austeritates. Azorius tom. 1. instit. moral. lib. 12. cap. 22. §. sexto queritur.

16 Possunt habere, & de facto habent huiusmodi Regulares Canonici beneficia Regularia à Prælati sui Ordinis concessa. De quibus qualiter conferantur, an sint vel non manualia, an in titulum, an duo simul eidem dari possint, & alia huiusmodi, dicimus in cap. 2. loquendo de Monachis, & dicemus cap. 18. Nota tamen prohibitionem S. Congregationis sub Greg. XIII. quam afferro ibidem num. 12. specialiter loqui de Canonicis Regularibus, ita scilicet, vt illis non liceat habere curam animarum, aut beneficium curatum etiam ad tempus sine licentia Papæ. Lauretus de Franchis in controuers. Episcop. & Regul. in quest. q. 86.

17 Accipientes autem, vel tenentes aliquod beneficium requirens residentiam in eo residere tenentur, vt ex multis canonibus elicitur cap. 1. 18. q. 1. cap. licet olim de privilegijs. cap. ne pro cuiuslibet 16. q. 1. cap. si quis iam translatus cap. 25. q. 2. Clement. ne in agro §. sanè de stat. Monach. Rodriguez to. 3. quest. Regular. q. 53. art. 3.

18 Religiosi Canonici Ecclesiæ Cathedralis Regularis capaces sunt vt sint delegati ad exequendas litteras Pontificis, vel eius Legati quæ à personis in dignitate constitutis, vel Canonicis Ecclesiæ Cathedralis sunt necessariò exequendæ,
iuxta

iuxta *cap. statutum in principio de rescriptis in 6.* Ratio est, quia cum ipsi sint veri Canonici, nomine Canonorum veniunt maximè in fauorabilibus, aliàs ratione Religionis eorum conditio deterior esset. Abbas *cap. causam quæ num. 9. de iudic. Sanchez lib. 6. in decalog. cap. 13. num. 83.* Quod etiam intelligit casu quo Monachus ex legitima dispensatione esset Canonicus Ecclesiæ Cathedralis sæcularis, propter eandem rationem.

19. Possunt etiam ad eas dignitates extra Ordinem promoueri, ad quas, & Monachi, iuxta dicta *cap. preced. d. nu. 4.* Id tamen maximè notandum; quod licet iure antiquo *cap. quod Dei timorem* sæcularia beneficia curata obtinere possent, dummodo si commodè fieri posset, socium Regularem secum haberent, Siluester *verb. Religio 7. q. 3. & 4. Lessius lib. 2. cap. 41. num. 98.* propter dicta tamen *cap. precedenti num. 12.* ex decreto S. Congregationis, & praxi Curie Romanæ ad id requiritur Sedis Apostolicæ licentia. Vide pro hac praxi Gonzalez *de mensibus, & alternatiua Episcoporum. gloss. 7. d. num. 53.* Iuxta quæ Episcopus Monachos, & Regulares Canonicos, si absque tali licentia ad Parochias sæculares suo Monasterio non vnitas promoti sint, inde remouere potest. Layman *in Theolog. moral. lib. 4. tract. 2. cap. 3. num. 11.* Possunt tamen isti Canonici sicut, & Monachi, iuxta dicta dicto *cap. precedenti*, de licentia suorum Superiorum, promoueri ad quamcumque dignitatem supræmam siue Episcopalem, siue etiam Papalem, præfecturam Collegij, regimen Hospitalium, munus Vicarij Episcopalis, & Episcopi Coadiutoriam. Neque enim video rationem cur Monachis id liceat non autem Canonicis Regularibus, præsertim cum isti minus austeram vitam profiteantur quam Monachi.

20 Canonici Regulares Ecclesiarum Cathedralium professionem fidei facere debent, iuxta decretum Concilij Tridentini *sess. 24. cap. 12.* alioquin fructus non faciant suos nec illis possessio suffragetur, prout in eodem Concilio ibidem dicitur. Barbosa *de offic. & potest. Episcopi allegat. 61. num. 6.* Forma autem huiusmodi professionis assignata fuit à Pio IV. in Bulla *Iniunctum nobis*, quam affert Sorbus *in fine Compendij priuileg. Mendicant.*

21 Prohibitio illa Compaternitatis, seu compatrinatus de qua *tom. 1. cap. 9. num. 31.* etiam extenditur ad Canonicos Regulares, ita vt illi (sicut nec alij Religiosi) non possint esse compatriini. Et si enim hoc munus solum interdicitur Monachis *cap. non licet, & c. Monachi de consecrat. dist. 4. & c. peruenit 18.*

K

quæst. 2.

quest. 2. tamen quia quoties leges disponentes de Monachis fundantur in Religione, & non continent aliqua verba, quibus excludantur Canonici, comprehenduntur ipsi Canonici, ideo in hac etiam prohibitione comprehenduntur. Nauarrus *comment. 4. de Regularib. num. 65.* Rodrig. *to. 1. quest. Regul. q. 31. art. 2.*

22 Comprehenduntur etiam in communi illa prohibitione Religiosis facta de non admittendo feminas intra Monasteria, de qua *tom. 1. cap. 10. num. 9.* Lex enim, finis, & ratio legis illos comprehendit. Nauarrus *comment. 4. de Regularib. num. 65.* Rodriguez *tom. 1. questionum Regul. quest. 48. art. 4.* Sanchez *lib. 6. in decalog. cap. 17. num. 31.* Si tamen Canonicus aliquis Regularis in domo aliqua priuata etiam Monasterio contigua habitaret, tunc mulier honesta, ac suspicione carens illi posset in ea domo inseruire, quia nullus est textus id interdicens, nec illa domus est verè Monasterium. Nauarrus, Rodrig. & Sanchez relati.

23 Pari etiam ratione comprehendi videntur in prohibitione de non assidendo agitationibus taurorum fieri solitis, maxime in Hispaniarum Regnis, de qua *tom. 1. cap. 10. num. 7.* præsertim propter illa verba Clement. VIII. *Ceterisque cuiuscunque Ordinis, & instituti Regularibus,* quæ etiam tangunt Canonicos. istos, cum verè Regulares sint. Rodriguez *to. 3. quest. Regularium. q. 68. art. 3.*

24 Quamuis autem propter eandem rationem videretur ipsis prohibitum arma tenere sine licentia Abbatis intra septa Monasterij, & incidere in excommunicationem Clement. *ne in agro,* de qua *tom. 1. cap. 9. num. 27.* Nihilominus graues Doctores asserunt ipsos hac prohibitione non comprehendi, forsitan quia non ita illis hoc indecens videtur sicut Monachis. Glossa *in dist. Clement.* Nauarrus *in man. cap. 27. n. 139.* Toletus *in summa lib. 1. cap. 39. n. 6.*

25 Expressius tamen est illis prohibitum munus Procuratoris obire, nisi duabus conditionibus concurrentibus, scilicet Superioris licentia, & vtilitate Monasterij. Cum enim *cap. Monachi el. 2. 16. q. 1.* Monachis id prohibitum esset, & aliqui Canonici Regulares non de illis, sed tantum de Monachis id intelligi debere dicerent, Innocentius III. *in cap. 2. de postulando* expressè determinat idem iudicium habendum esse de Canonicis, ac de Monachis quantum ad præsens. Idem enim constat ex Clement. *Religiosus.* Siluester *verb. aduocatus q. 6.* Sanchez *lib. 6. in decalog. cap. 13. num. 1.* Illis autem conditionibus concurrentibus pote-

poterunt procurare nedum in foro Ecclesiastico, sed etiam in seculari, ut colligitur ex cap. 1. & 2. de postulando. Sanchez ut supra num. 4.

26 Nec tantum non possunt huiusmodi Canonici munus Procuratorum exercere, nisi concurrentibus dictis conditionibus, sed neque possunt Procuratorem constituere, aut substituere, etiam si per constituentem hoc sibi expressè fuerit commissum. Ita enim deciditur in Clement. Religiosus. Fundatur hæc decisio in eo quod Religiosus non habet velle, aut nolle, substituere autem est actus substituentis. Si autem adfit Superioris licentia possunt prædicti Canonici Procuratorem constituere, aut substituere. Ita enim colligitur ex prædicta Clement. Cum autem ibi nihil dicatur de utilitate Monasterij sicut dicitur in prohibitione num. præcedenti adducta de munere Procuratoris non obeundo, videtur non requiri, & ita sine illa solam cum licentia Superioris posse id fieri. Glossa in Clement. Religiosus verbo substituere. Sanchez lib. 6. in decalog. cap. 13. num. 12.

27 Canonicis Congregationis S. Salvatoris præceptum est à Pio v. in sua Constitutione, quam confirmavit Gregor. xiiii. sub pœna excommunicationis latæ sententiæ, ac priuationis perpetuæ vocis actiue, & passivæ ne per sex menses ante electionem aliquis audeat pro se, vel pro aliquo quemquam subornare, ut refert Castellinus de elect. can. Prælat. cap. 6. num. 9. De qua autem subornatione id sit intelligendum, vide dicta tom. 1. cap. 15. num. 24. & dicenda hoc tom. 2. cap. 12. nu. 31. 32. & 35. Quod dixerim, quia si in hac Constitutione solum prohibeatur huiusmodi Canonicis subornatio, potest intelligi de subornatione prava, & iniqua, de qua dictis locis, non autem de bona, & honesta, de qua etiam ibidem. Si autem prohibeatur aliquis alius sermo, tractatus, aut ratiocinatio de electione futura, etiam comprehendetur bona, & honesta subornatio, quia ante prædictos sex menses non credatur conveniens. Mihi autem legere non licuit prædictam Constitutionem, & ideo sub hac distinctione loquor.

28 Declaratum est à S. Congregat. Eminentiss. DD. Cardinalium, Canonicum Regularem iussu sui Superioris degentem in ædibus Parochialis Ecclesiæ Congregationi unitæ, in qua curam animarum exercet, & Sacramenta administrat, si delictum non concernens curam animarum, nec administrationem Sacramentorum commiserit, non posse ab Episcopo puniri vigore decreti Concilij cap. 3. sess. 6. de reformat. quasi extra Monasterium degat. Item, Canonicos Regulares curam

K 2

anima-

animarum exercentes in Ecclesijs vultis eorum Monasterijs, non posse ab Episcopo compelli ad interessendum diuinis Officijs, quæ diebus Sanctorum Patronorum Ciuitatis in Ecclesia Cathedrali celebrantur. Item Canonicos Regulares non teneri associare, & excipere Abbatem ex eius domo, dum ad Ecclesiam venit solemniter celebraturus. Barbofa in *Collectan. Bullar. verb. Canonici Regulares* 15.

29 Præterea declaratum est à S. Congregatione posse Episcopum ex decreto Concilij Trident. *sess. 7. cap. 7. de reformatione* Ecclesias Parochiales vnitas Monasterio Canonico-regularium visitare, tametsi Generalis in eo sedem ordinariam principalem habeat. Armendariz in *additionib. ad recopilat. leg. Nauarr. lib. 1. tit. 6. lib. 7. §. 2. num. 1.* Barbofa in *Collectan. Bullar. verb. visitare Episcopus quando possit Ecclesias, & loca Regularium* 2. Per quod videtur limitata, vel moderata doctrina generalis tradita to. 1. c. 11. n. 9.



SUMMARIVM CAP. IV.

- Clericorum Regularium nomine qui intelligendi . num. 1.
 Plures ipsorum Ordines. *ibid.*
 Sunt verè, & essentialiter Religiosi. nu. 2.
 Eorum institutum quale. *ibid.*
 Qualiter differant à Monachis, & Mendicantibus. *ibid.*
 Eorum Religio ex parte finis perfectior videtur sine Monachorum .
 nu. 3.
 Nihilominus, quia Monachismus auferior est, ideo ad illum tran-
 sire possunt Clerici Regulares iure communi. *ibid.*
 Non comprehenduntur in iure quoad odiosa, & pœnalia, nomine
 Monachi, aut Fratrum, bene tamen nomine Religiosorum, seu
 Regularium, seu Clericorum. num. 4.
 An ea, quæ de Canonicis Regularibus dicuntur eis accommodentur .
ibid.
 Non tenentur iure communi abstinere à lineis indumentis. num. 5.
 Nec etiam à carnibus . num. 6.
 Abstinere tamen debent ab officio aduocandi, & quomodo. num 7.
 A mercatura etiam, & similibus negotiationibus. num. 8.
 Hac obligatio videtur sub mortali. *ibid.*
 Quid de negotiantibus per alios. *ibid.*
 Aliqui illorum obligantur specialibus votis. num. 9.
 Clerici Societatis Iesu sex alia emittunt. *ibid.*
 Clerici Regulares Minores quartum votum emittunt. *ibid.*
 Clerici Regulares ministrantes infirmis alia etiam vota emittunt .
ibid.
 Votum Iesuitarum de obediendo Summo Pontifici qualiter intelli-
 gendum. nu. 10.
 Votum de non permittenda relaxatione paupertatis in Societate
 quomodo accipiendum. num. 11.
 Item votum de non pretendenda pralatione, aut dignitate in Socie-
 tate quomodo obliget. n. 12.
 Similiter de voto non procurandi dignitatem extra Societatem .
 num. 13.
 Votum de denunciando ambientes ad quid extendatur. nu. 14.
 Votum de audiendo Generali etiam extra Societatem . num. 15.
 Votum Clericorum Minorum de non petenda Pralatura quomodo
 sumendum. num. 16.
 Votum Clericorum ministrantium infirmis de perenni ministerio
 egrotorum qualiter intelligendum. num. 17.

De

De alijs votis huius Religionis. num. 18.

Gaudent Clerici Regulares multis priuilegijs. num. 19.

Theatini quibus priuilegijs decorantur. ibid.

Iesuita quibus etiam priuilegijs decorati sint. num. 20.

Quomodo intelligenda. ibid.

Exempti sunt ab aliquibus obligationibus aliorum Regularium. num. 21.

Comprehenduntur tamen in alijs. ibid.

Clericorum Regularium S. Pauli decollati approbatio, & priuilegia. num. 22.

Quomodo ea intelligenda. ibid.

Clericorum Regularium de Somaſcha approbatio, & priuilegia. num. 23.

Clericorum Regularium ministrantium infirmis priuilegia. num. 24.

Clericorum Regularium Minorum priuilegia quae sint. nu. 25.

Clericorum Regularium Matris Dei Luca approbatio, & priuilegia. num. 26.

Clericorum Regularium Scholarum piarum institutum, & priuilegia. num. 27.



De Regularium Clericorum iuribus, privilegijs, & obligationibus.

Cap. IV.



CLERICORVM Regularium nomine intelligimus eos quorum institutum est diuinis ministerijs vacare non solum in communi viuendo, sed etiam tria vota essentialia Religionis emittendo sub habitu tamen clericali. Suarez *tom. 4. de Relig. tract. 9. lib. 1. cap. 7.* Hic dicuntur à tempore Apostolorum instituti, & vsque ad hæc tempora propagati maximè per Canonicos Regulares; qui etiam sunt Clerici Regulares. Ioannes Trullus *lib. 1. de Ordine Canonico. Regular. cap. 2. & 3.* Nauarrus *in comment. 4. de Regularib. num. 3.* Illorum plures species his temporibus magna cum Ecclesiæ vtilitate institutæ, vt sunt, Theatinorum, Iesuitarum, S. Pauli Decollati, Somaschorum, Ministrorum infirmorum, Clericorum minorum, Clericorum Matris Dei Lucæ, & Scholarum piarum.

2. Sunt verè propriè, & essentialiter Religiosi, cum omnes tria vota essentialia Religioso statui emittant, & sub aliqua Regula, vel saltem Constitutionibus ab Ecclesia approbatis. Eorum institutum qua Clerici Regulares sunt est vacare diuinis ministerijs, seu officijs. Per quod differt à Monachismo, cuius scopus solum est, iuxta dicta cap. præcedenti num. 7. vacare quieti, silentio, solitudini, & orationi. Vnde Clericatus per se conuenit huiusmodi instituto, Monachismo autem, non nisi per accidens, iuxta ibidem dicta. S. Thom. 2. 2. *q. 189. art. 8.* Suarez *4. tom. de Relig. tract. 9. lib. 1. cap. 7. à nu. 5.* Mendicantium autem ab instituto differunt, quod Mendicantes ex fine proprio ad vitam contemplatiuam, & actiuam ordinantur, Clerici autem Regulares, qua Clerici sunt, solum ad contemplatiuam, quæ est in vacando diuinis ministerijs, etsi prout de facto contingit, vtramque rationem, seu vitam amplectantur, propter diuersarum instituta particularia, de quibus infra.

3. Eorum Religio licet ex se perfectior videatur Religionem Monachorum, cum illi ad altiore, & diuiniorum finem ordinentur, quam isti, si quidem Clerici Regulares ex vi sui generis ad diuinum cultum, Monachi autem, ad solitudinem, silentiũ &c.

Nihilò-

Nihilominus, austerior, & strictior est Religio Monachorum, quam Regularium Clericorum. Suarez *tom. 4. de Relig. tract. 9. lib. 1. cap. 7.* Vnde si iuxta dicta secundum probabilem sententiam *tom. 4. cap. 22. num. 5.* eo ipso quod vna Religio est strictior alia, est etiam illa perfectior, admitti posset transitus ex Religionibus Clericalibus ad Monachales saltem iure communi, & seclusis privilegijs, & prohibitionibus particularium Ordinum, seruatis tamen conditionibus eo loco assignatis. Vide ibi dicta præsertim *num. 6.* Maxime notandum, quod cum in Religionibus Monachalibus prout hodie sunt in Ecclesia reperiatur etiam Clericatus, & vacare diuinis ministerijs in Choro, & Ecclesia, & ex alia parte etiam maiores austeritates, quam in Clericalibus, certius videtur posse, vt dixi, iure communi, & seclusis privilegijs, & prohibitionibus particularibus, transitum esse ex ijs ad illas.

4 Vnde Clerici Regulares non censentur in iure comprehendendi nomine Monachorum, saltem quantum ad pænalia, & odiosa, imò ab illis distinguuntur, vt patet *16. q. 1. præsertim can. 6.* vt dicitur, *Alia causa est Monachi, alia Clerici.* Idem dico de nomine Fratrum, quia illud Monachus vulgò accommodatur, non Clericis. Suarez *4. tom. de Relig. tract. 9. lib. 1. cap. 7. num. 10.* Comprehenduntur autem nomine Religiosorum, seu Regularium, cum verè Religiosi, & Regulares sint. Imò cum Clerici sint, etsi Regulares, comprehenduntur sub dispositionibus factis in iure pro Clericis, quia esse Regulares non est additum diminuens, sed potius augens obligationes Clericorum. In fauorabilibus autem, & in his quæ respiciunt substantiam, vel decentiam status Religiosi, nomen Monachorum extenditur etiam ad illos, sicut dictum est de Canonicis Regularibus capite præcedenti *num. 6.* S. Thom. *opusc. 19. cap. 2.* Suarez *vt supra.* Ea etiam quæ in iure de Canonicis Regularibus dicuntur non videntur extendenda ad Clericos Regulares, nisi quatenus disponunt de re, quæ solum fundatur in Religioso statu Clericali, quatenus talis est, vel continet fauorem Religionis, vt sic. Suarez *vt supra cap. 9. num. 13.*

5 Hinc huiusmodi Clerici Regulares non tenentur sicut Monachi abstinere à lineis indumentis, etiam si in iure hoc præcipiatur Monachis. *cap. cum ad Monasterium de statu Monachorum.* Etenim huiusmodi austeritas non est ita expediens Clericis sicut Monachis, iuxta dicta *cap. præcedenti num. 7. & 15.* Quod etiam supponit S. Tho. *opusc. 19. cap. 2.* Suarez. *4. tom. de Relig. tract. 9. lib. 1. cap. 7. n. 9.*

Simi-

6 Similiter nec tenentur abstinere à carnibus etiam si hoc quoque præcipiatur Monachis dicto *cap. cum ad Monasterium de statu Monachorum*. Etenim nec huiusmodi austeritas viuendi necessaria est Clericis quantumvis Regularibus. Cuius signum est, quòd nec in Regula S. Augustini, nec in alia Regularium Clericorum (quod sciam) talis abstinentia præcipitur. Suarez 4. tom. de Relig. tract. 9. lib. 1. cap. 7. num. 9. Vide dicta de Canonicis Regularibus cap. præc. n. 15.

7 Abstinere tamen debent ab officio aduocandi, iuxta dicta de eisdem Canonicis Regularibus cap. præcedenti num. 12. & ita id habet expressè de eisdem Canonicis S. Tho. opusc. 19. cap. 2. & ratio esse potest quia huiusmodi prohibitio fundatur in decencia status Religiosi Clericalis, ac proinde etiam si expressè solum detur de Canonicis in cap. ex parte de postulando, extendi etiam debet ad Clericos Regulares. Hac enim ratione hæc eadem prohibitio, quæ solum data erat pro Monachis 16. q. 1. cap. Monachi el. 2. extensa fuit à Papa ad Canonicos Regulares in dicto cap. ex parte. Hoc tamen intellige si non adsint duæ illæ conditiones ibi assignatæ, & to. 1. cap. 9. nu. 12. videlicet utilitas Monasterij, & Abbatis imperium.

8 A mercatura etiam, & similibus negotiationibus omnino abstinere debent, iuxta dicta tom. 1. cap. 9. num. 39. & præter ibi dicta, quòd hæc obligatio sit sub peccato mortali, nisi paruitas materię aliquando excuset, constat ex verbis Gelasij Papæ in cap. consequens dist. 88. vbi postquam aliquos Clericos huic vitio deditos esse narrauit subiunxit. Proinde huiusmodi, aut ab indignis post hac quæstibus nouerint abstinendum, & ab omni cuiuslibet negotiationis ingenio, cupiditateque cessandum, aut in quocumque gradu sint positi, mox à Clericalibus officijs cogantur abstinere, quoniam domus Dei domus orationis, & esse, & dici debet, ne per officia negotiationis potius sit latronum spelunca. Quibus acrilus verbis, & pœna graui depositionis quam imponit, satis insinuat hoc esse peccatum mortale. Quod idem dico de pœna excommunicationis, vel simili, quæ in alijs Canonibus imposita est propter hoc crimen, præcipuè de pœna degradationis quæ imponi videtur propter idem in cap. Clericus dist. 91. huiusmodi enim pœnæ etiam si solum dicantur infligendæ, solum propter peccatum mortale designari solent. Negotiantes autem, seu mercaturam exercentes per alios, excusari poterunt probabiliter cessante scandalo, à peccato mortali, cum lex non videatur esse contra illos. Quo sensu accipiendi sunt aliqui Auctores id docentes apud Dianam tract. 8. de contractib. &

ambijs resol. 72. Licet à veniali peccato, propter indecentiam, distractionem, periculum cupiditatis, & peccandi contra paupertatem, quæ in tali exercitio quasi necessario reperiuntur, excusari vix possint, etiam per alios negotientur.

9 Obligantur præterea quidam illorum specialibus votis, quæ ultra tria communia alijs Religiosis in professione emittunt. Etenim professi Societatis Iesu, sex alia vota emittunt, videlicet obedientiæ specialis erga Summum Pontificem, non permittendæ relaxationis paupertatis, non prætendendi directæ, vel indirectæ dignitatem, vel prælationem in Societate, non procurandi dignitatem extra Societatem, denunciandi ambientes, & audiendi consilium Generalis, vel alterius ad id deputati, si in Episcopos, vel Præsides alicuius Ecclesiæ eligantur. Clerici etiam Regulares minores, quantum votum emittunt, ut dicitur, de non petendo prælaturam extra Religionem. Clerici autem Regulares ministrantes infirmis plura etiam vota, & inter ea vñ præcipuum emittunt, de perenni ministerio ægrotantibus exhibendo. Quorum votorum obligatio, quamvis præcipue ex modo quo in istis Religionibus accipiuntur, & ex eorum Statutis, seu Constitutionibus, pensanda sit, ex generalibus tamen principijs discutienda est.

10 Et primò votum Religiosorum Societatis de obedientia Summo Pontifici intelligitur circa missiones ad partes infidelium, ut habetur in Bullis Pontificijs. Ex Constitutionibus Societatis. Suarez 4. tom. de Relig. tract. 10. lib. 6. cap. 4. num. 4. Sanchez de præcep. decalog. lib. 6. cap. 18. num. 1. Continet autem novam obligationem extensivam ultra communem omnium fidelium, nam reliqui fideles non tenentur obedire Papæ mittenti eos ad seminandum Euangelium inter infideles, & ad partes valde remotas, nisi in casu raro, & speciali, in quo necessitas boni communis id postulare. Sanchez ut supra num. 5. Dato etiam quòd in illo casu tenerentur sæculares obedire Pontifici id præcipienti, hoc non esset ex vi voti obedientiæ quemadmodum Religiosi Societatis, sed ratione iurisdictionis quam Pontifex in illos habet. Suarez ut supra num. 22. Continet etiam hoc votum novam obligationem ultra communem, quam habent alij Religiosi ratione voti obedientiæ ab ipsis emissi, quia etsi omnes Religiosi teneantur ex vi voti obedientiæ quod emittunt in professione obedire Papæ, tamquam supremo Generali omnium Religionum, iuxta dicta tom. 1. cap. 4. num. 31. id tamen intelligitur, ut ibidem dictum est, in ijs, quæ concernunt Regulam, ire autem ad partes Infidelium ad conuer-

conuertendos illos, non concernit, saltem regulariter, Regularum, iuxta dicta eodem *cap. 4. num. 15.* Ludouicus Lopez 1. *par. instructor. cap. 56.* Rodriguez 2. *tom. Summ. cap. 9. num. 5. & 10. 3. quest. Regul. q. 19. art. 7.* Dato etiam quod ad id tenerentur Mendicantes ex vi suæ institutionis quia ex institutione sua ordinantur ad actiones circa proximos, iuxta dicta supra *cap. 1. num. 11.* non tamen eo modo & cum illis circumstantijs quibus Religiosi Societatis, qui id promittunt se facturos, *sine excusatione, non petito viatico, quocumque gentium &c.* Suarez *ut supra à num. 22.* Sanchez *etiam ut supra à num. 5.* apud quos plura alia ad intentum.

11 Deinde votum illud de non permittenda relaxatione paupertatis obligat ad non permittendam relaxationem circa paupertatem in Societate institutam, quia hæc exprimitur in verbis quibus hoc votum emittunt. Sanchez *lib. 6. in decalog. cap. 19. num. 7.* Circa materiam autem illius diffidium video inter Doctores Societatis. Suarez enim 4. *tom. de Relig. tract. 10. lib. 6. cap. 6. num. 18.* eam extendi dicit ad totam materiam paupertatis, prout cadit sub votum in Societate factum etiam circa collegia, & domos probationis. Sanchez verò *ut supra num. 8.* solum dicit intelligi de paupertate quoad redditus, & bona stabilia domorum professorum. Conueniunt autem, quod si casus esset, attentis circumstantijs temporum, & locorum quod esset vtilius Societati talem modum paupertatis relaxare, licite id fieri posset, quia tunc cessaret hoc votum, quia desineret esse melioris boni, imò esset impeditiuū maioris. Suarez *num. 11.* Sanchez *num. 10.* Quando autem Pontifex præciperet dictæ paupertatis relaxationem absdubie admitti deberet, non solum quia tunc vtilior, & conuenientior æstimari deberet. Sed quia Societas non se obligauit ad resistendum Pontifici, sed ad non permittendum quantum est ex parte sua prædictam relaxationem. Sanchez *num. 9.* Si verò Pontifex non præcipiendo, sed indulgendo prædictam relaxationem, inducere vellet motu proprio, probabilis est non posse acceptari à Societate, nam ex vi huius voti videtur se obligasse non solum ad illam non procurandam, sed etiam ad eam vltro oblatam non acceptandam. Sanchez *ibid.* contra Suarez *num. 16.* Apud quos alia circa hoc.

12 Item votum illud non prætendendi prælationem aliquam, aut dignitatem in Societate obligat hos Religiosos ad nihil faciendum, ea intentione vt prælatio, vel dignitas sic facientibus conferatur: hoc enim expriment verba quibus id votum emittunt,

videlicet. *Promitto nunquam me acturum, vel prætensurum, nec indirectè quidem, ut in aliquam prælationem, vel dignitatem in Societate eligar, vel promovear.* Sanchez lib. 6. in decalog. cap. 18. num. 16. Vnde non obligat illos ad non desiderandum prælationes, vel dignitates. Quia votum tantum est de non-agendo, vel procurando, non de non desiderando. Vasquez 1.2. q. 74. art. 8. disp. 115. cap. 13. Suarez 4. tom. de Relig. tract. 10. lib. 6. cap. 7. num. 9. Nec etiam ad non faciendum aliquid quod reddantur capaciores, vel digniores dignitatum, vel prælationum, nisi hoc proueniat ex animo inducendi eum qui possit prælationem dare. Quia nisi hoc animo fiat non videtur ibi esse nec indirecta prætensio dignitatis, vel prælationis. Suarez num. 10. Sanchez num. 19. Nec etiam obligat ad non auferenda impedimenta quæ obuiare possunt collationi dignitatis, vel prælationis nisi fiat modo dicto, propter eandem rationem. Sanchez num. 21. Obligantur tamen ex vi huius voti Religiosi Societatis non solum ad fugiendam prætensionem illicitam, & ambitionem prælationum, seu dignitatum, qualis esset illa quæ prætenderentur propter excellentiam, & potestatem, sed etiam ad licitam, & aliàs honestam, qualis esset illa quæ prætenderentur v. g. propter fructum aliorum. Idenim exprimi videtur ex generalibus verbis quibus votum emittitur, & est conformè intentioni Societatis, ut scilicet ambitioni aditus præcluderetur. Suarez num. 6. Quid verò per dignitates, & prælationes in hoc voto intelligatur constabit ex dicendis cap. 13. n. 2. & de eo Sanchez ut supra num. 25. Suarez etiam ut supra nu. 24.

13 Præterea votum illud de non procurandis prælatione, aut dignitate extra Societatem, imò nec consentiendi in electionem nisi obedientia cogente (ita enim emittitur hoc votum in hac Religione) habet pro materia omnem prælationem, seu dignitatem extra Societatem, idest Episcopatum, Abbatiam, Vicariatum generalem Episcopi, & similia quæ important prælationem, & iurisdictionem in foro externo, Cardinalatum etiam, & similia quæ important dignitatem, vel in tota Ecclesia, vel in aliqua particulari. Suarez 4. tom. de Relig. tract. 10. lib. 6. cap. 8. num. 1. Sanchez lib. 6. in decalog. c. 18. n. 28. apud quos multa circa hoc votum. Vide dicenda c. 13. post nu. 4.

14 Similiter votum illud de denunciando ambientes prælationes, & dignitates habet pro materia omnes ambientes dictas prælationes, & dignitates siue in Societate, siue extra illam. Ita enim docet praxis, & vsus huius Religionis. Suarez 4. tom. de Relig. Tract. 10. lib. 6. cap. 10. num. 2. Sanchez lib. 6. in decalog.

decalog. c. 18. n. 54. Obligat tantum quando est moralis certitudo de ambitione socij : non solum quia in forma voti dicitur , *si quem sciam* , quæ verba certitudinem moralem important , sed etiam quia sine illa iniuria fiet proximo ipsum propalando . Suarez *num. 11.* Sanchez *num. 55.* Etiam si delictum sit occultum . Quia bonum commune præponi debet particulari , ambitio autem est graue Religionis detrimentum . Sanchez *num. 56.* Eo autem casu , quo delictum sit occultum non est deferendum prælatò tanquam Iudici , sed tanquam Patri , iuxta dicta *tom. 1. cap. 27.* Si autem constat Religiosum esse emendatum , ita vt nulum recidui periculum subsit , nõ obligat hoc votum denunciandi , iuxta dicta in simili dicto *cap. 27. num. 2.* Quia tunc cessat finis denunciationis . S. Thomas *quodlib. 11. art. 13.* Siluester *verb. denuntiatio q. 1.* Sotus *de secreto memb. 2. quæst. 4. post Dub. 3. concl. 4.* Multa etiam de hoc , & alijs hoc votum tangentibus apud Suarez , & Sanchez *vt supra.*

15. Vltimum votum in Societate Iesu emissum explicatur his verbis . *Promitto si quando acciderit , vt hac ratione in Præsidentem alicuius Ecclesie promouear , pro cura quam de anima mea salute , ac muneris mihi impositi administratione gerere debeo , me eo numero , ac loco habiturum Præpositum Societatis Generalem , vt nunquam consilium audire detreдем , quod vel ipse per se , vel quiuis alius de Societate quem ad id ipse sibi substituerit dare mihi dignabitur . Consilij vero huiusmodi ita me pariturum semper esse promitto , si ea meliora esse quam qua mihi in mentem venerint , iudicabo.* Sanchez *lib 6. in decalog. c. 18. num. 61.* Intelligitur autem hoc votum non tantum circa administrationem reddituum , & aliarum rerum ad prædictam dignitatem pertinentium , sed etiam circa spiritualem propriæ personæ progressum . Hoc enim totum includi videtur verbis adductis . Sanchez *num. 63.* Non tamen videtur ex vi huius voti necessarium potere tale consilium , sed solum vt in verbis allatis exprimitur , audire illud , & sequi &c. Qualiter autem promoti ad dignitatem extra Religionem non subijciantur Superioribus illius dictum est *to. 1. c. 17. n. 2.*

16. Circa votum Clericorum Regularium minorum , videlicet non petendi Prælaturam extra Religionem id solum videtur notandum pro obligatione ipsius , attendendum esse tum ad verba quibus votum emittitur , tum ad vsum , & praxim Religionis inter probiores , & doctiores , tum ad particulares Constitutiones , & Statuta illius . Forlan etiam ad imitationem Societatis hoc votum emittitur , & ita pari ratione respectiue de ipso loquendum . Vide dicenda *c. 13. post n. 4.*

Demum

17 Demum votum illud Clericorum Regularium ministrantium infirmis, videlicet, de perenni ministerio ægrotantibus exhibendo, explicandum videretur iuxta normam approbatam à Clemente VII. in Bulla *Superna dispositione* anno 1600. inter Bullas huius Pontificis num. 75. vbi ponitur forma professionis ipsorum quæ quoad præsens votum est, *perpetuò inferuendi pauperibus infirmis, quos etiam pestis incesse- rit secundum formam viuendi contentam in litteris Apostolicis Religionis, & eius Constitutionibus*. Cum autem in Constitutionibus ab eodem Pontifice in dicta Bulla approbatis modus inferuendi tam spiritaliter, quam corporaliter illis præscribatur, ad illum obseruandum tenentur sub mortali, vel veniali, iuxta quantitatem materiæ, & communem acceptionem Religionis, iuxta dicta tom. I. cap. 7.

18 Emittunt etiam isti Religiosi quatuor alia vota simplicia, videlicet nunquam agendi, vel assentiendi vt mutetur, vel alteretur modus ipsis præscriptus inferuendi ægrotis, nunquam dandi operam, aut consentiendi, vt administrationem reddituum, aut Nosocomiorum dominium habeant, non procurandi prælaturas in Religione, aut extra, & manifestandi ambientes illas. Quorum tria similia sunt ijs quæ Societatis Religiosi emittunt, de quibus supra dixi. Aliud verò secundum generales regulas metiri debet, attendendo tum ad formalia verba, quibus emittitur, tum ad modum, quo eius obseruantia inter probiores, & doctores sumitur. Pro hac autem obligatione manifestandi ambitiosos deseruire possunt dicta to. I. c. 19. n. 34. & cap. 27. num. 19.

19 Decorati sunt ab Ecclesia multis, varijsque privilegijs huiusmodi Clericorum Regularium Ordines. Primò enim Theatini approbati sunt à Clemente VII. in Bulla *Exponi nobis* anno 1524. cum facultate Præpositum eligendi, alios ad Religionem recipiendi, necnon statuta edendi, & corrigendi, ac privilegijs, exemptionibus, immunitatibus Canoniorum Lateranensium donati. Extat Bulla in I. tom. Bullarij Laertij Cherubini inter Constitutiones Clementis VII. num. 11. Item idem Pontifex in alia Bulla *Dudam pro parte* in eodem tom. I. Bullarij inter Constit. ipsius num. 38. alia privilegia eisdem concessit, videlicet Præpositis ipsorum, vt cum Clericis subditis occupatis prædicationi verbi Dei, audientiæ confessionum, & Theologiae, ac Canonum studijs, aut infirmitate, vel infirmorum curatione impeditis, possent dispensare in officio diuino recitando, certum psalmodum, & orationum numerum solùm dicendo. De

quo

quo privilegio dixi *tom. 1. c. 12. num. 32.* Item super ieiunijs etiam quadragesimalibus, licet in hoc non videam specialem gratiam, propter dicta *tom. 1. cap. 18. num. 55.* Insuper omnia privilegia omnium ordinum Fratrum tam Mendicantium, quam non Mendicantium concessa, & concedenda illis communicavit. Postea Pius v. in Bulla *Ad immarcescibilem* anno 1567. plura ipsorum privilegia confirmans, alia etiam elargitus est, & inter ea quod ad processiones cogi non possent instar aliorum qui in strictiori clausura viuunt. De quo dixi *tom. 1. cap. 9. num. 47.* & in hoc 2. *tom. cap. 1. num. 50.* Declaratum etiam dicitur à S. Congregat. Concilij quod ipsorum Religio quandiu bona stabilia non possidet, non comprehenditur decreto de non alienandis bonis Regularium, de quo *to. 1. cap. 10. num. 2.* Sed cum in illo decreto non solum prohibeatur alienatio bonorum stabilium, sed etiam mobilium pretiosorum, si prædicta declaratio extenditur ad bona mobilia pretiosa specialem gratiam continet, si autem solum ad stabilia, cum illi ipsa non possideant, nihil gratiæ continere videtur. Dicitur etiam à Sacra Congregatione approbatam istorum Patrum consuetudinem de non accipiendo pluuiali à principio Vesperarum, sed solum à Capitulo, sed non illam de non faciendo commemorationem de Patrono Ecclesiæ. De illis Rodriguez *to. 1. quæst. Regul. q. 3. art. 14.* & Barbosa in *collectan. Bullar. verb. Clerici Regulares Theatini.*

20 Clerici Regulares Societatis Iesu, seu Patres Iesuitæ, approbati primum fuerunt à Paulo III. in Constit. *Regimini* anno 1540. in 1. *tom. Bullar. inter Constit. huius Pontificis num. 25.* Deinde à Iulio III. in Constit. *Exposcit debitum.* Amplissimis privilegijs decorati sunt à Paulo III. anno 1545. in Bulla *Cum inter cunctas* in Bullario Rodriguez *tom. 2. inter Bullas huius Pontificis num. 7.* videlicet circa facultatem concionandi in quibusvis Ecclesijs, locis, ac plateis communibus, seu publicis, de qua vide dicta *tom. 1. cap. 20. num. 5.* Sed aduerte hanc facultatem solum concedi deputatis ad id munus per Generalem pro tempore existentem non autem deputatis per alios Prælatos. Circa facultatem audiendi confessiones. De qua eodem *tom. 1. cap. 19. n. 2.* dictum est non subsistere nisi præmissa approbatione Ordinarij, & sic etiam declaratum dicitur à Sacra Congregatione Concilij. Barbosa in *collectan. Bullar. verbo Clerici Regulares Societatis Iesu.* Circa facultatem absoluedi ab omnibus casibus, exceptis contentis in Bulla Cræne Domini. De qua etiam dicto *cap. 19. à num. 15.* dixi, qualiter mode-

moderata sit ijs temporibus. Item circa facultatem commutandi vota, de quo dixi eodem *cap. 19. num. 23.* Præterea circa facultatem dicendi Missas ante diem, circa tamen diurnam lucem, & infra horam post meridiem. De qua etiam *to. 1. cap. 21. num. 2.* dixi, & nunc dico reuocatam propter decretum Sacre Congregationis ibi adductum si tamen aliquid privilegijs continetur, prout dicunt aliqui de simili cōcessione illis à Greg. xii. facta de qua infra, hanc autem concessionem non facit Pontifex Paulus absolutè nisi quando, & quoties stante legitimo impedimento, moderno, & pro tempore existenti *Preposito vestro, id necessarium, vel alias in Domino expedire visum fuerit.* Maximè idem Pontifex Paulus xii. in Bulla *Licet debitum* in 1. tom. Bullar. Laertij inter Bullas huius Pontificis *num. 48.* & in Bullario Rodriguez *tom. 2. Bulla 8.* diuersa priuilegia, & indulta S. Ignatio Loyola eo tempore Generali, suisque successoribus, ac alijs eiusdem Religionis alumnis concessit. Postea Pius v. in Bulla *Dum indefesse* anno 1571. in 2. tom. Bullar. Laertij *num. 131.* & in Bullar. Rodriguez *tom. 2. num. 5.* declarauit Societatem Iesu, seu ipsorum Ordinem vnum ex Mendicantibus esse, eorumque gratijs, & privilegijs concessis, & concedendis perfrui. Item Gregor. xii. præcipuus huius Religionis promotor in Bulla *quæcumque* anno 1576. in 2. tom. Bullar. *num. 36.* ipsos exemit ab onere accedendi ad processiones, & in Bulla *Saluatoris* eodem anno, & in eodem *2. tom. num. 39.* vbique Ecclesias, & domos ædificare permisit, non obstante priuilegio alijs Ordinibus concessio, & concedendo quod propè eorum loca noua Monasteria construi nequeant. A solutione, & præstatione decimarum, & onerum illos etiam exemit idem Pontifex Greg. in Bulla *Pastoralis officij* in 2. tom. Bullar. *num. 51.* Aduertit tamen Barbosa in *collect. Bullar. verb. Clerici Regular. Societatis Iesu.* Leonem xi. modificasse hanc concessionem circa decimas prout de Iure, & Gregor. xv. reduxisse ad terminos Constitutionis Gregor. xiii. ac tandem SS. Dominum Nostrium Urbanum viii. Constitutionem Leonis seruari voluisse nisi quatenus de Iure, vel consuetudine exempti reperirentur. Item idem Greg. xii. in Bulla *Aequum reputamus* inter Constitutiones ipsius *num. 1.* & in 2. tom. Bullar. Rodriguez *num. 18.* amplissimam facultatem illis concessit circa Indices Conservatores, de qua late in hoc *2. tom. cap. 10.* dicitur. Item in Bulla *Vnigeniti Dei &c.* in 2. tom. Bullar. Rodriguez *num. 19.* facultatem illis tribuit medendi citra aduersionem, & incisionem per seipsos faciendam, de suorum Superiorum licentia, quando Medici

Medici seculares commodè haberi non possunt. De quo dixi *tom. 1. cap. 9. num. 15.* Sed aduerte ibi errorem, non enim debes legere *citra aduersionem, & combustionem*, vt ibidem ex Sanchez transcripsi, sed *citra aduersionem, & incisionem*, vt habet Bulla. Item in Bulla *Apostolica Sedis* in 2. tom. Bullar. Rodriguez *nu. 20.* facultatem eisdem concessit alienandi bona ipsorum. Sed tu vide decreta Sacre Congregationis Concilij, & adducta *tom. 1. cap. 10. num. 2.* & sequentibus, & adducenda *hoc 2. tom. cap. 19.* Præterea in Bulla *Quanta in vnica* in 2. tom. Bullar. Rodriguez *num. 22.* facultatem illis tribuit celebrandi per horam ante auroram, & infra horam post meridiem, itineris, vel alterius legitimi impedimenti causa, de licentia Generalis, vel cuiuslibet alterius ad id ab eo deputati. Hoc tamen priuilegium, quoad id quod habet de facultate celebrandi infra horam post meridiem aliqua causa legitima subeunte, parum, aut nihil continere priuilegij habet Rodrig. *tom. 1. quest. Regul. q. 43. art. 2.* Insuper in alia Bulla *Exponi nobis* in Bullario Rodriguez *tom. 2. num. 23.* facultatem aperiendi litteras sacre pœnitentiariæ illis concessit. De quo priuilegio *tom. 1. cap. 19. num. 38.* egi. Præterea in Bulla *Cum alias* in 2. tom. Bullar. Rodriguez *num. 24.* & in alia *Exponi nobis* in eodem tomo 2. *num. 27.* circa transitum ipsorum ad alias Religiones, qualiter, vel quomodo permissum disponit Pontifex. Vide dicta *tom. 1. cap. 22.* Ad hæc in Bulla *Pium, & utile* in dicto Bullario Rodriguez *num. 25.* facultatem eisdem concessit suscipiendi Ordines etiam extra tempora, & non seruatis interstitijs, nec quibusdam alijs. Quam concessionem alijs Religiosis habentibus communicationem in priuilegijs cum illis prohibet communicari. Vide dicta *tom. 1. cap. 14. num. 19.* Nota etiam decretum S. Congregationis *ibid. num. 12.* adductum quatenus videtur contrarium huic Priuilegio. Demum idem Gregorius XII. in Bulla *Vigore priuilegij* in eodem tom. 2. Bullar. Rodriguez *num. 28.* declarauit facultatem concessam à Paulo III. prædicandi verbum Dei illis qui à Generali Præposito deputati fuerint, intelligendam esse, etiamsi illi nondum ad sacros Ordines promoti essent. Hanc tamen concessionem priuilegium non esse aduertit Rodriguez in marg. huius Bullæ eo quod iure communi id licitum sit, vt habet Nauarrus *Consil. lib. 1. consil. 2. de temporib. Ordinandor. num. 1.* & idem Rodriguez *tom. 2. Summa verbo Prædicatores.*

21 Similiter à SS. Congregationib. Eminentiss. DD. Cardinalium exempti sunt ab obligationibus cõmunibus aliorum: etenim

M

excepti

excepti sunt à decreto Concil. Trid. *sess. 25. de Regul. cap. 16.* non solum quoad emittendam professionem, sed etiam quoad obligationes, & renunciaciones, adeo ut hæc etiam ab eorum novitijs quodcumque, & sine cuiusvis licentia factæ nullitati dicti decreti minimè subiaceant. Sic enim dicit à S. Congregatione Concilij declaratum Barbosa in *Collect. Bullar. verb. Clerici Regulares Societatis Iesu*. Quia tamen hanc declarationem, non vidi ideo nequeo circa illam iudicium ferre. Excepti etiam dicuntur à Sacra Congregatione Episcoporum, & Regularium sub die 25. April. 1586. ab obligatione ferendi superpelliceum dum audiunt confessiones. Barbosa *ut supra*. Insuper tam ipsi, quam alij Clerici Regulares Theatini, S. Pauli decollati, Somaschi, & Ministrantes infirmis exempti sunt à Clemente VII. in decretis pro reformatione Regularium ab obligatione non recipiendi novitios nisi in Conventibus à Sede Apostolica designandis. Comprehenduntur tamen in decreto S. Congregationis Concilij sub SS. D. N. Urbano de non recipiendis Conventibus nisi in eis saltem duodecim sustentari commodè possint. Sic enim fuit declaratum ab eadem Sacra Congregatione *super decretis de celebratione Missarum dub. 18.* De his, & alijs Barbosa in *Collectan. Bullar. verbo Clerici Regulares Societatis Iesu*.

22. Clerici Regulares S. Pauli decollati approbati fuerunt à Clemente VII. in Bulla *Vota* inter Constitutiones huius Pontificis tom. 1. Bullar. Laertij, *num. 37.* Quatenus illis concessit facultatem emittendi tria vota, & à Paulo III. in Constit. *Dudum* in eodem tomo 1. Bullar. Laertij *num. 5.* cum aliquibus ordinationibus, & concessione privilegiorum Canonicorum Regularium Lateranensium, & facultate etiam Sacramenta administrandi, ac eorum Superiori ut posset dispensare in officij diuini recitatione cum Socijs infirmitate grauatis, aut circa infirmorum curationem impeditis, cum certis conditionibus in dicta Bulla designatis. Præscriptus est illis modus transcundi ad alias Religiones à Greg. XIII. in Constit. 48. in *Specula* 2. tomo Bullar. Non coguntur accedere ad processiones, ex Sixto V. in Const. 5. *Rationi congruit.* Insuper Paul. V. in Const. *Ecclesia militantis* in 31. to. Bullar. *n. 64.* facultatem illis concessit ubique noua Monasteria recipiendi, seruatis sacrorum canonum, & Conc. Trid. decretis, de sola licentia Ordinariorum, nullo aliarum personarum requisito consensu. Sed hæc concessio vacat his temporibus, propter dicta *to. 1. cap. 9. num. 34.* Barbosa in *Collectan. Bullar. verbo Clerici Regulares S. Pauli*.

Clerici

23 Clerici Regulares de Somascha nuncupati sub Paulo III. sub nomine Societatis ad erigenda Hospitalia pro subuentione pauperum orphanorum, & mulierum conuertitarum approbati, postea sub Pio v. vt patet ex Conſtit. ipſius *tom. 2. Bullar. num. 78.* facultatem emittendi tria vota, & bona etiam ſtabilia recipiendi, & poſſidendi habuerunt. Deinde Sixtus v. in Bulla *Aequum reputauimus* in 2. tom. Bullar. inter Bullas ipſius *num. 4.* litteras Gregor. xiiii. prædeceſſoris, quæ ob eius obitum expeditæ non fuerant confirmans, eis plura priuilegia conceſſit, videlicet exemptionem ab omni iuriſdictione quorumcumque iudicum Eccleſiaſticorum, & ſæcularium, facultatem celebrandi, & audiendi confeſſiones fidelium, & quod die profeſſionis emiſſæ abſolui poſſent ab aliquo diſtæ Congregationis Preſbytero, ab omnibus peccatis, & cenſuris, etiam reſeruatis in Bulla Cœnæ Domini. Videtur tamen hoc priuilegium vacare propter annuam publicationem huius Bullæ, iuxta diſtæ *to. 1. c. 18. n. 38.* Prohibuit etiam illis Pontifex iſte tranſitum ad alium ordinem etiâ arctiorem, Capuccinorum, & Carthuſianorum Ordinibus excepris. Vide diſtæ *to. 1. c. 22.* Poſtea Clem. 8. in Bulla *Decet ex benignitate* in 3. to. Bullar. *nu. 22.* priuilegia à prædeceſſoribus illis conceſſa confirmauit, & vltèrius conceſſit Præpoſito Generali huius Congregationis, vt cum voto conſiliariorum à Capitulo generali deputatorum, poſſet diſpenſare ſuper defectu natal. um cum ſubditis ad Ordines, & officia. Quod eſt magnum priuilegium. Demum Paulus v. in Bulla *Ex quo diuina* in 3. to. Bullar. *num. 36.* magnam priuilegiorum Mendicantium communicationem, cum certis tamen limitationibus illis tribuit, & in alia Bulla *Ex iniuncto nobis* in Appendic. ad 3. to. Bullar. *num. 8. alias 96.* Congregationem Clericorum doctri-næ Chriſtianæ in Ciuitate Auenionis inſtitutam ipſis vniuit. De his, & alijs Barboſa in *Collect. Bullar. verb. Clerici Regulares Somascha.*

24 Clerici Regulares minittrantes inſirmis approbati ſunt à Sixto v. in Conſtit. *Ex omnib.* in 2. to. Bullar. *num. 25.* vbi etiam licentiam illis conceſſit eleemoſynas colligendi. Maximè à Gregor. xiv. in Conſtitutione *Ilius qui* anno 1591. edita approbationem Regulæ obtinuerunt, ſub Sedis Apoſtolicæ proteſtione ſuſcepti ſunt, priuilegijs aliorum Ordinum ipſis communicatis, cum ampla facultate circa abſolutionem ſubditorum Superioribus conceſſa, de qua *tom. 1. cap. 18. num. 35.* dictum manet. Deinde Clemens viii. in Bulla *Superna* anno 1600. edita inter Bullas huius Pontificis *num. 75.* Regulam illorum reſormauit iuxta formam ab ipſis ſtabilitam. Et Paulus v. in Bulla

Romanum anno 1606. nu. 20. ipsis prohibuit transitum ad alias Religiones etiam Carthusiensium sine sedis Apostolicæ licentia. Ac demum Sanctissimus Dominus Noster Urbanus vii. in Bulla *Sacrofancta* anno 1623. in 4. tom. Bullar. num. 10. circa illos statuit, quod professi ad Sacerdotium destinati in domibus Nouitiatuum, vel alijs distinctis ex illarum perpetuis redditibus viuere possent. Ac in alia Bulla *Romanus Pontifex* anno 1628. quæ est num. 85. modum illis præscripsit circa electionem Præfæcti Generalis, Consultorum, & Arbitri Congregationis. *Rodriguez tom. 1. quæst. Regul. q. 3. art. 15. Barbosa in Collect. Bullar. verb. Clerici Regulares ministrantes Infirmis.*

25 Clerici Regulares minores gaudent privilegijs Clericorum Regularium Theatinorum, ex Gregorij xiv. concessione, in Constit. *Romanus* anno 1591. in 2. tom. Bullar. inter Bullas huius Pontificis num. 2. Et ex Sixto v. in Bulla *Sacra Religioni* anno 1588. eodem 2. tom. Bullar. inter Bullas Sixti num. 81. non solum Congregationis approbationem, sed etiam facultatem habuerunt statuta pro eius bono regimine condendi, tria vota emittendi, alios ad Religionem recipiendi, officium secundum Rom. Eccl. vsum recitandi, Sacramenta ministrandi, & domos construendi, quæ qualiter intelligenda sint ex dictis, & dicendis constabit. *Barbosa in Collectan. Bullar. verb. Clerici Regulares minores.* Aduertit etiam Laertius Cherubinus in annotationibus ad prædictam Bullam Sixti v. emittere hos Patres etiam quartum votum de non petendo prælaturam extra Religionem. Pro quo vide c. 13. post n. 4. *Barbosa in Collectan. Bullar. verb. Clerici Regulares Congregationis Matris Dei Lucæ* sub Greg. xv. de consilio S. Congregationis Cardinalium in Religiosos approbati fuere. Varijs etiam primùm a Cle. xvi. gratijs, & privilegijs honestati, sunt. Quæ refert *Barbosa in Collectan. Bullar. verb. Clerici Congregationis Matris Dei Lucæ* Specialiter ab eodem Greg. xv. in Bulla *Ad vberes* sub die 22. Ianuarij 1623. habent omnia, & singula privilegia, immunitates, libertates, facultates, exceptiones, & alias gratias, ac indulta tam spiritualia, quam temporalia concessa alijs Congregationibus Clericorum Regularium Mendicantium (non tamen Societatis Iesu) necnon Ecclesijs, & locis Regularibus quibuscunque, etiam per viam communicationis &c. Huius Religionis fundator fuit Ioannes Leonardus Diœcesis Lucensis multis virtutibus, signisque Sanctitatis clarus, ut propterea Gregor. xv. de ipsius vita confici processum, ut posset in Beatorum numerum adscribi, iusserit.

Tandem

27 Tandem Clerici Regulares Scholarum piarum nuncupati, quorum institutum est, ut colligitur ex Paulo v. in Bulla *Adea*. anno 1617. edita in 4. tom. Bullar. num. 3. gratis, & nullo stipendio, mercede, salario, aut honorario, pueros in primis elementis, grammatica, computo, ac praeipue in fidei Catholicæ rudimentis; erudire, bonis, atque pijs operibus imbuiere; ac Christiano more educare, à Greg. xv. in Bulla *Ad uberius fructus* anno 1622. edita in 4. tom. Bullar. num. 14. priuilegijs Mendicantium decorati fuerunt, & postea à Sanctiss. D. N. Urbano viii. exempti à processionibus, & alijs actibus publicis. Barboza, in *Collectan. Bullar. verb. Clerici pauperes Congregat. Matris Dei Scholarum piarum.*



SUMMARIVM CAP. V.

Militares, seu milites Regulares qui vocentur. num. 1.

Tria hominum genera in eis reperiuntur. ibid.

Clerici professi horum Ordinum sunt veri, & indubitati Religiosi. nu. 2.

Idem de Monialibus Cruciatis. ibid.

Aliquid notabile ab huiusmodi Clericis ludo lucrantes tenentur ad restitutionem. num. 3.

An Conuersi illorum sint verè Religiosi. nu. 4.

Milites S. Ioannis veri Religiosi sunt. num. 5.

Alij etiam Milites, qui tria vota emittunt sunt veri Religiosi. nu. 6.

Per solemne votum Militum S. Ioannis dissoluitur matrimonium ratum. num. 7.

Secus de voto aliorum Militum. ibid.

Per vota Religionis S. Ioannis dissoluitur matrimonium sequens. nu. 8.

Secus per vota aliorum. ibid.

An vota istorum sint simpliciter solemnia. nu. 9.

In quo consistat eorum obedientia, paupertas, & castitas. nu. 10.

Veneres actus exercentes quomodo peccent. nu. 11.

Ratione voti obedientie ad quid obligentur. nu. 12.

Ad quid ratione voti paupertatis. nu. 13.

Sunt persona Ecclesiastica. num. 14.

Status eorum venit in Iure sub nomine Regula, & Religionis approbata. num. 15.

Simonia committitur in venditione, vel emptione habituum Militiarum. num. 16.

Non comprehenduntur decreto Concil. Tridentin. sess. 25. cap. 15. num. 17.

De Militibus tamen S. Ioannis dicitur oppositum declaratum. ibid.

Et quod comprehendantur sub prohibitione de non accedendo ad Monasteria Monialium. ibid.

An comprehendantur decreto eiusdem Concilij sess. 6. cap. 3. num. 18.

Milites S. Ioannis eximuntur à contributione pro seminarijs. num. 19.

Comprehenduntur tamen decreto eiusdem Concilij sess. 25. cap. 19. ibid.

11122

Eximun-

Exiuntur omnes huiusmodi Milites sacris Ordinibus non initiati à Constitutione Pij V. de agitationibus taurorum. ibid.

Secus de Clericis horum Ordinum dicendum. ibid.

Excluduntur Milites isti à Constitutione Clem. VIII. de largitione munerum. num. 20.

Non comprehenduntur Religiosorum nomine quoties in institutione maiorum apponitur clausula exclusiva Religiosorum. num. 21.

Quid dicendum de Militibus S. Ioannis. ibid.

Milites commendatarij non sunt dicendi habere titulum reddituum annuorum. num. 22.

Habent illos in administrationem, & commendam. ibid.

Et quoad usum equiparantur ijs, qui habent dominium, vel quasi. ibid.

Idem dicendum de bonis patrimonialibus. num. 23.

Non sunt domini predicatorum. num. 24.

Iura reddituum, quæ Commendatarijs competunt non sunt beneficia Ecclesiastica. num. 25.

Secus de illis, quæ Clericis ob ministerium Ecclesiasticum conferuntur. ibid.

Sed neque illa sunt simpliciter beneficia Ecclesiastica. ibid.

An commenda sint materia simoniae. num. 26.

Quomodo peccet qui illas vendiderit. ibid.

An ad id requiratur assensus Sedis Apostolicæ. ibid.

An possint fructus, & redditus huiusmodi commendarum tuto conscientia percipi ab ijs, qui actu non militant, sed otiose viuunt. num. 27.

Quomodocumque sit carent dominio istorum. num. 28.

Solum habent usum in ordine ad licita, & honesta. ibid.

Quid si ea ludo, aut alio modo inutili perdant. ibid.

Quantum ludere possint. ibid.

An possint donare concubinis. ibid.

An ipsa teneantur ad restitutionem eorum quæ acceperunt. ibid.

An possint hi Milites instituere maiorem. num. 29.

Peccant aliquid expedientes contra voluntatem suorum Superiorum. num. 30.

Maximè peccabunt contra paupertatem si tempore visitationis infideliter se gesserint. num. 31.

Clerici harum Militiarum, & Moniales ad officium diuinum tenentur. num. 32.

Secus de ipsis Militibus dicendum. ibid.

Tenen-

- Tenantur tamen certas Oraciones recitare. *ibid.*
 Sub qua culpa. *ibid.*
 An possint de bonis quæ habent testari. *num.* 33.
 Quid de Clericis horum Ordinum. *num.* 34.
 Commendatarijs perpetuis ipsorum quamnam competant. *num.* 35.
 Tenantur de redditibus commendarum elemosynas facere. *num.* 36.
 Tenantur etiam habitum suarum Religionum semper portare.
num. 37.
 An sub censura. *ibid.*
 Gaudent privilegio canonis. *nu.* 38.
 Item privilegio fori. *num.* 39.
 Quid verò de Nouitijs, & ys, qui in ordine S. Ioannis portant mediam
 Crucem. *ibid.*
 Item immunitate à gabellis. *nu.* 40.
 An filij Militum S. Ioannis, & militum aliorum Ordinum extra
 Matrimonium sint illegitimi. *nu.* 41.
 Per ipsum professionem non vacant beneficia, aut pensiones.
num. 42.
 An sint capaces eorum beneficiorum, & pensionum, quibus alij Reli-
 giosi capaces non sunt. *num.* 43.
 An emittentes votum ingrediendi Religionem satisfaciant assumpto
 habitu istorum militum, maxime S. Ioannis. *num.* 44.
 Quid de transitu ad hos Ordines. *ibid.*
 An confiteri possint bi milites Confessario non approbato. *num.* 45.
 Apostasia crimen incurrunt Religionem deserendo. *nu.* 46.
 An possint transire ad alias Religiones. *nu.* 47.
 Non peccant accedentes ad Sacramenta penitentia, & communio-
 nis ensæ, & puzione accincti si de hoc sit consuetudo. *num.* 48.
 An quomodo, & à quibus visitari debeant Ecclesie horum Ordinum.
num. 49.
 Quæ munera possint exercere Priores Ecclesiarum illorum. *n.* 50.
 De Monialibus ipsorum quid dicendum, maxime quoad clausuram.
num. 51.
 Milites S. Ioannis quibus privilegijs gaudeant. *num.* 52.
 Quid declaratum sit circa illos. *num.* 53.
 Militel S. Iacobi de Spatba quibus gaudeant privilegijs. *nu.* 54.
 Item Milites S. Iacobi de Alcantara, & S. Maria de Calatrava.
num. 55.
 Item Milites S. Benedicti de Avis. *nu.* 56.
 Item Milites S. Lazari. *num.* 57.
 Item Milites S. Stephani. *num.* 58.
 Quid de Militibus S. Spiritus. *num.* 59.

De Ordine militari B. Mariae de Monte Carmelo. nu. 60.

Quibus priuilegijs, & indulgentijs potiatur. ibid.

De Ordine militiae Conceptionis B. Mariae Virginis, eiusque priuilegijs. nu. 61.

De Regularium Militarium Iuribus, & obligationibus.

Cap. V.



MILITARES Regulares ij vocantur qui tribus Religionis votis adstricti ad militandum contra infideles sunt instituti, & obligati. Quales sunt Ordinum S. Iacobi, S. Ioannis, Calatrae, Alcantarae &c. Inter quos tria hominum genera reperiuntur. Alij sunt viri nobiles qui tanquam quidam Sacri milites instar Machabaeorum pro fide, ac lege Christi cum Turcis, & Sarracenis fortiter dimicant. Alij sunt Clerici, qui ad diuina ministeria obeunda recepti in ipsorum Ordinum Domibus in Choro cantant diuinas laudes, Missas dicunt, Confessiones audiunt, & solent Ecclesijs ipsis Ordinibus subiectis praefici. Alij verò sunt, qui ad modum Conuersorum Religionum Mendicantium, seu Monachalium, tum Clericis, tum Militibus in obsequijs domesticis inseruiunt. Azorius *tom. 1. instit. moral. lib. 13. cap. 3. §. primo quaritur*. Sunt quoque alij Ordines Militares, qui tantum duo vota Religiosa emittere videntur, videlicet, obedientiae, & castitatis coniugalis, quales sunt S. Mauritij, & S. Stephani, de quibus etiam dicendum est.

2 Et quidem loquendo de Clericis Professis horum militarium Ordinum, certum, & indubitatum est, eos esse verè, & simpliciter Religiosos. Eo quòd castitatem simpliciter vna cum paupertate, & obedientia solemniter sub Regula, vel formula ab Ecclesia approbata profitentur. Rodriguez *tom. 1. quest. Regul. q. 1. art. 6.* Azorius *tom. 1. instit. moral. lib. 13. cap. 3. §. sciendum*. Idem dico de Monialibus Cruciatibus horum Ordinum. Propterea eandem rationem. Rodriguez *ut supra*. De nouitijs autem tam virorum quam faeminarum philosophandum eodem modo, ac de nouitijs viris, seu faeminis aliarum Religionum, de quibus *tom. 1. cap. 24. & 25. diximus*.

N

Vnde

3 Vnde male Alcozer. *lib. de ludo cap. 39.* affirmat quod si prædicti extra claustra viuentes aliquid ludo amittant non teneri ad restitutionem id lucrantes. Cum enim isti Clerici sint veri, & indubitati Religiosi non possunt ludo perdere aliquid nisi de licentia suorum Superiorum, quæ non est præsumenda nisi in aliqua re moderata, iuxta harum Religionum vsum. Sanchez *lib. 7. in decalog. cap. 8. nu. 38.*

4 Loquendo etiam de illis qui ad modum Conuersorum, Religionum Mendicantium, & Monachalium, Clericis, & militibus inferiunt, dicendum est, quod si aliqui illorum tria vota, sicut Clerici, vel milites ipsi profiteantur sub Regula approbata, vt veri Religiosi censendi sunt, sicut de ipsis Clericis diximus, & de militibus dicemus. Si autem prædicta vota non emittant, nec sub Regula viuant, nullatenus Religiosi censendi erunt. Huiusmodi videntur esse Fratres Ordinis D. Ioannis portantes mediam Crucem albam, qui vt merè sæculares reputantur, viuunt enim sine Regula, & cum suis bonis, & vxoribus, & propterea isti nec priuilegio fori gaudent, neque à tributis sunt exempti. Rodriguez *tom. 2. quæst. Regul. q. 62. art. 18.* Bobadilla *in politica tom. 1. lib. 2. can. 18. num. 233.* Licet alij putent etiam istos fori priuilegio gaudere, eo quod militant sub Religione, habente hoc priuilegium. Aloysius Riccius *in praxi tom. 4. resolut. 177. nu. 3.* Vide Dianam *Tract. 1. de immunit. Ecclesiast. resolut. 51.*

5 De Militibus verò S. Ioannis pro comperto est veros Religiosos esse ex vi suæ institutionis. Quia habent verum, & totale votum castitatis, verum etiam votum paupertatis, cum sint incapaces dominij, imò & vsus sine Superiorum facultate, & verum votum obedientiæ etiam in re tam ardua, & difficili, qualis est aggredi quæcumque pericula belli propter fidei defensionem. Rodriguez *to. 1. quæst. Regul. q. 1. art. 6.* Suarez *4. to. de Relig. Tract. 9. lib. 1. cap. 4. num. 5.*

6 De alijs porro Militibus horum Militarium Ordinum, quamuis multi negent esse veros Religiosos; nihilominus communior, & probabilior sententia docet oppositum. Supponitur autem eos tria vota Religionis, obedientiam scilicet, castitatem, & paupertatem vouere. Qui enim solùm duo existis, videlicet obedientiam, & castitatem promittunt, quales videntur esse Milites S. Mauritij, & S. Stephani, vt inferius num. 57. & 58. dicetur, absdubiè verè Religiosi non sunt. De alijs autem id probatur. Primò, quia ita supponi videtur in Bullis Pontificijs quas refert Didacus de Motta in speciali opere de hac re, *lib. 1.*

lib. 1. & 2. Secundò, quia emittunt vota obedientiæ, castitatis, & paupertatis quatenus conducunt ad finem qui est vitam exponere pro fidei, & Ecclesiæ defensione. Tertiò, quia status illorum est status perfectionis, cum non sit status vitæ ordinariæ, sed obseruantie consiliorum Euangelij cum traditione perpetua in obsequium Dei, & ad prædictum finem. Nauarrus *consil. 11. de Regularibus quod incipit, quidam eruditissimus*. Suarez *10. 4. de Relig. tract. 9. lib. 1. c. 4. n. 9. & alij*.

7 Hinc per solemne votum Religionis quod faciunt milites S. Ioannis dissoluitur matrimonium ratum non consummatum, præcedens, quia re vera est solemne votum Religionis approbatæ, atque ita gaudere debet privilegijs talis. Nauarrus *consil. 1. de Conuers. coniug. Azorius tom. 1. instit. moral. lib. 13. cap. 6. §. quarto queritur*. Loquendo autem de votis quod alij Equites militarium Ordinum faciunt, non dissoluitur per illa matrimonium ratum. Impossibile enim est, vt matrimonij vinculum dissoluatur per illud votum quod simul stare potest cum matrimonio, quale est horum Equitum. Suarez *4. tom. de Relig. tract. 9. lib. 1. cap. 4. num. 28.*

8 Similiter licet per vota Religionis S. Ioannis dirimatur matrimonium subsequens, cum verè sit votum solemne, & omnimodæ castitatis, per vota tamen aliorum militarium Ordinum non dirimitur. Motta *lib. 2. cap. 2. §. 19. nu. 18. Diana Tract. 2. de Dub. Regul. resolut. 30.*

9 Propterea quidam etsi appellent solemne votum Ordinis S. Ioannis, vota tamen aliorum Ordinum militarium non appellant simpliciter solemnna, sed solum quoad aliqua, videlicet quoad perpetuitatem. Suarez *4. tom. de Relig. tract. 9. lib. 1. cap. 4. num. 29.* De quo non multum curandum, dummodo talia vota sufficientia dicantur ad constituendam veram Religionem, iuxta dicta *num. 6.*

10 Consistit autem generaliter loquendo, & præsciendendo à particularibus obligationibus horum Ordinum, eorum obedientia, in hoc quod debeant obedire Magistris, & Superioribus in ijs, quæ ad externa opera vitæ actiue spectant, & ad militiam ordinantur. Paupertas, quod non habeant dominium, omnino liberum bonorum quæ possident, sed dependens à voluntate, & licentia suæ Religionis. Castitas autem in militibus S. Ioannis in omnimoda abstinentia à venereis etiam per actum coniugalem; in alijs verò militibus in abstinentia ab eisdem venereis extra matrimonium, & etiam in matrimonio quando, & eo modo qui fuerit necessarius ad finem illorum, qui est defensio

fidei, & Ecclesiæ in bello, & ipsis præceptus à Superioribus. Suarez 4. tom. de Relig. tract. 9. lib. 1. cap. 4. num. 16. De varijs modis quibus professionem emittunt milites tractat. Azorius to. 1. lib. 13. cap. 5.

11 Hinc consequenter tam milites S. Ioannis quomodocumque veneros actus exercentes quam aliorum Ordinum Milites extra matrimonium peccantes tenentur confiteri prædictam circumstantiam voti castitatis emissi. Eorum namque peccata carnis duplici constant malitia specie diuersa, scilicet contra castitatem, vel temperantiam, & contra virtutem Religionis, seu votum, quæ est sacrilegij. Ayala in libello Ordinis S. Iacobi. Rodriguez to. 1. quæst. Regular. q. 13. ar. 2. Diana tract. 2. de Dub. Regul. præsol. 30.

12 Ratione etiam voti obedientiæ, quod emittunt, videntur obligari ad non disponendum de suis personis, nisi de licentia expressa, vel saltem implicita suorum Superiorum, Magistrorum videlicet &c. cum ratione talis voti quodammodo non sint sui, sed Religionis. Vnde non licet illis se homagio, confederatione, aut iuramento astringere alicui personæ, obligare se alicui feudo, maximè iuramento præstito, loquendo de feudo per quod obligentur ad aliquod seruitium reale, siue personale, quod dedecet ipsorum personas, implicare se bellis Christianorum, sine Superiorum licentia &c. Rodrig. to. 2. quæst. Regul. quæst. 71. ar. 2.

13 Ad quid autem teneantur ratione voti paupertatis, quod etiam emittunt, & quæ possint facere non obstante prædicto voto, in sequentibus dicitur.

14 Sunt etiam simpliciter dicendi Ecclesiasticæ personæ, cum sint veri Religiosi, vt diximus. Nauarrus in tract. de redditibus Eccles. q. 1. monit. 55. & q. 3. monit. 27. & 29. & consil. 20. & 23. de Regularib. Et esto Religiosi non essent adhuc dici posse videntur esse personas Ecclesiasticas, cum sint speciali modo Deo dicatæ, & sub Regula Religiosa viuentes. Quæ ratio etiam probat idem de illis militibus, qui non tria, sed tantum duo vota emittunt.

15 Item eorum status venit in iure sub nomine Regulæ, & Religionis approbatæ. Tum quia id videntur probare testimonia Pontificum eos approbantium, tum etiam quia professio in his Ordinibus valida est, ergo Religio ipsa approbata in iure, cum ex cap. ult. de Relig. Domib. Omnis professio facta in Religione non approbata non est valida. Suarez tom. 4. de Relig. tract. 9. l. 1. cap. 4. nu. 27.

Vnde

16 Vnde simoniæ peccatum committitur in venditione, vel emptione habituum horum Ordinum. Tum quia sunt veræ Religiones, vt diximus, tum quia esto tales non essent nihilominus habitus ipsi dant ius ad multa priuilegia Ecclesiastica, ac per consequens habent annexionem cum re spirituali. Azor. *tom. 1. insit. moral. lib. 13. cap. 6. §. At verior.* Nihilominus, si pecunia vel aliquid aliud daretur pro prædictorum Ordinum habitui, non vt pretium sed alio titulo non esset illi simoniæ, quæ solum committitur dum datur, vel promittitur temporale pro spirituali tanquam pretium illius. Diana *tract. 2. de Dub. Regular. 64.* Quid verò dicendum de Commendis quæ huiusmodi militibus dari solent, an scilicet sint, vel non materia simoniæ constabit inferius *nu. 26.*

17 Non comprehenduntur in decreto Concil. Trid. *sess. 25. de Regularib. cap. 15.* vbi statuitur, vt in quacumque Religione tam virorum quam mulierum professio non fiat ante 16. annum, nec in minori tempore quam post annum approbationis. Ratio est, quia etsi verba Concilij generalia sint, nihilominus Sacra Congregatio Cardinalium declarauit non comprehendere *Ordines Regulares militares*, absdubie quia respectu illorum talis obseruantia necessaria, aut accomodata non est. Azorius *tom. 1. insit. moral. lib. 13. cap. 4. §. 2. quaritur.* Suarez *tom. 4. de Relig. tract. 9. lib. 1. cap. 4.* Barbosa *in Collectan. Bullar. verb. miles Regularis 2.* Dicitur tamen milites S. Ioannis Hierosolymitani comprehendendi in prædicto decreto ex peculiari ipsorum statuto, & declaratione S. Congregationis. Armendariz *lib. 7. de Relig. num. 16.* Barbosa *in Collectan. Bullar. verb. milites S. Ioannis Hierosolymitani.* Vbi etiam de illis refert idem Barbosa declaratum esse ab eadem S. Congregatione comprehendendi decretis Concilij, etiam vbi de eis non sit expressa mentio, nisi specialiter priuilegijs post Concilium muniantur. De qua declaratione, vel saltem de ipsius intelligentia multum dubito, cum isti milites S. Ioannis valde priuilegiati sint, & exempti, vt colligitur ex Pio 1v. *in Bulla Romani interest*, quæ est 29. inter Bullas huius Pontificis in 2. tom. Bullar. Dicitur etiam declaratum à S. Congregat. Episcop. & Regular. præfatos milites S. Ioannis comprehendendi sub decreto, quo Regularibus prohibetur accessus ad Monasteria Monialium. Barbosa *in Collect. Bullar. verb. Eques Hierosolymitanus.*

18 Nec etiam comprehenduntur in decreto eiusdem Concilij *sess. 6. cap. 3.* vbi habetur, quod nemo secularis Clericus, vel Regularis cuiusuis priuilegij prætextu tutus censetur, quominus

minus si deliquerit extra Monasterium degens, ab Ordinario loci visitari, puniri & corrigi valeat. Quoniam pœnæ, & odia iure, vel statuto contra Religiosos constituta non trahuntur ad eos. Vnde Pontifices sapius illos expressè à communibus statutis odiis excipiendos declararunt, vt constabit inferius de Gregor. xiiii. in statuto de spectatoribus agitationis taurorum, & de Clem. viii. in prohibitione de largitione munerum. Azorius *tom. i. lib. 13. cap. 4.*

19 Specialiter milites S. Ioannis excipiuntur à Concil. Trid. *sess. 23. cap. 18.* ne teneantur contribuere pro seminarijs. Rodriguez *tom. 1. quest. Regul. q. 1. ar. 6.* Comprehenduntur tamen decreto eiusdem Concilij *sess. 25. cap. 19.* vbi agitur de Regularibus prætendentibus se per metum ingressos Religionem, aut per vim, vt refert ex declaratione S. Congregationis Barbosa in *Collectan. Bullar. verb. Eques Hierosolymitanus, & verbo milites S. Ioannis Hierosolymitani*, citans etiam Armendariz. Similiter Gregor. xiiii. exempt omnes huiusmodi milites sacris Ordinibus non initiatos à Constitutione Pij v. & pœnis in ea contentis contra eos qui agitationibus taurorum assunt, vt dictum est *tom. 1. cap. 10. num. 7.* & docet Rodriguez *to. 3. quest. Regul. q. 68. art. 2.* Nec comprehenduntur in Constitutione Clementis viii. de qua *ibid.* Et si enim prædictam Constitutionem Pij v. Monachos, & Fratres, ac cuiuscumque Ordinis, & instituti Regulares comprehendere voluerit, tamen huiusmodi milites, etsi vere Regulares sint, non comprehenduntur huiusmodi odijs, nisi exprimantur. Rodriguez *vt supra art. 2.* Includuntur tamen in hac prohibitione Clerici horum Ordinum, militarum sicut omnes alij Regulares, cum communibus legibus aliorum Regularium comprehendantur. Rodriguez *vt supra.*

20 Excluduntur etiam à Clemente viii. in Constitutione de largitione munerum Regularibus interdicta, vt patet illis verbis (*non tamen militia*) & ita tenet Diana *tract. de paupert. Religios. resolut. 23.* Imò ex eo quod Pontifex in hac Constitutione omnes Religiosos comprehendat, excipiat autem hos milites, colligitur eos esse veros Religiosos, iuxta dicta *supra num. 6.* cum exceptio firmet regulam in contrarium. Diana *ibid.*

21 Nec etiam comprehenduntur Religiosorum nomine, quoties in institutione maioratum apponitur clausula exclusiva Religiosorum. Et si enim Religiosi sint, viuunt tamen sæculari modo, imò splendide, & paupertas, quam profitentur est amplissima, nec in eis procedunt rationes, quæ in alijs Religiosis, & ita

& ita capaces sunt obtinendi maioratus. Molina *tom. 3. de iust. disp. 62.3. num. 5.* Sanchez *lib. 7. in decalog. cap. 15. num. 5. 47. & 49.* Quod intellige nisi Constitutiones Ordinum obstant, & quoad milites S. Ioannis, nisi in institutione maioratus appositum sit aliqua clausula, qua denotetur possessorem illius debere ducere uxorem, quia hoc repugnat his militibus. Maioratum ergo institutores rectè, & prudenter in ipsa institutione adijcere solent clausulas, quibus id explicetur. Molina *de Hispanor. primogen. lib. 1. cap. 13. num. 98. & 99.*

22 Cum autem ratione voti paupertatis quod emittunt dominij incapaces sint, ideo milites Commendatarij reddituum annuorum, quos habent, non sunt dicendi habere titulum propriè loquendo, nam appellatione tituli in hac parte intelligitur dominium, vel quasi dominium. Habent ergo prædicta in administrationem, & commendam. Propter hanc enim causam Commendatarij vocantur. Quoad usum tamen æquiparantur iis, qui dominium, vel quasi dominium, id est, titulum habent, quia scilicet illis bonis fruuntur Superiorum permisso, soluendo aliquam pensionem Religioni, vel saltem aliqua faciendi quo denotetur usum illorum bonorum à voluntate Superiorum pendere. Azorius *to. 1. lib. 13. cap. 4.*

23 Idem, & propter easdem rationes dicendum de bonis patrimonialibus, quæ scilicet hæreditate, aut propria opera, aut donatione acquisierint milites isti, siue ante professionem, siue post illam, eorum scilicet non habere proprietatem, aut dominium, sed solum usum ad voluntatem Superiorum. Nauarrus *comment. 2. de Regularib. num. 56. & apolog. ad lib. de redditib. q. 3. monito 12.* Motta *tract. de confirmat. Ordin. milit. S. Iacobi lib. 2. cap. 2. & in lib. instruct. ut Commendatarij tendant ad perfect. cap. 4. §. 4. num. 49.*

24 Neque audiendi sunt quidam etsi alias docti qui admittunt huiusmodi Commendatarios (eos scilicet quibus permissum est contrahere matrimonium) esse veros dominos prædictorum bonorum. Molina *tom. 1. de iust. disp. 141.* Sanchez *lib. 7. in decalog. cap. 8. num. 28.* Hi enim Theologi dum, mites, & suaves esse volunt in huiusmodi milites, acres tamen, & acerti sunt in illos, eis tollentes veram rationem Religiosorum, impossibile enim est veram rationem Religiosi cum proprietate, & dominio præsertim expedito componere. Vñ ergo de duobus affirmare debent, vel prædictos milites Religiosos non esse, quod non est dicendum, ut constet ex dictis, vel dicendum eos non habere bonorum suorum proprietatem, aut dominium, saltem

sa item liberum, & expeditum, quia hoc est de essentia veri Religiosi. Alias solum Religiosos de nomine, & eorum, quorum vana est, & ludrica Religio eos appellare liceret.

25 Iura etiam annuorum reddituum, quæ huiusmodi equitibus commendata ad vitam, conferuntur, & Commendæ vocantur non sunt verè, & simpliciter beneficia Ecclesiastica. Ratio est, quia etsi ex decimis Ecclesiasticis colligantur, & personis Ecclesiasticis dentur, & à Magistro Ordinis, nihilominus non dantur ob munus aliquod Ecclesiasticum, seu administrationem sacram, sed ob militiam in qua se debent exercere, ac proinde non sunt propriè beneficia Ecclesiastica. Præsertim, quia beneficia Ecclesiastica habent annexam obligationem Officij diuini persoluen-^{di}, tonsuram, & Clerici vestem portandi, quod deficit in huiusmodi Equitibus. Mandosius *comment. super regul. 3 Cancellar. q. 11. num. 3.* Azorius *tom. 1. instit. moral. lib. 13. cap. 3.* Iura autem reddituum qui in huiusmodi Militari-^{bus} Ordinibus Clericis conferuntur ob ministerium Ecclesiasticum, quo ipsi Clerici inserviunt Ordinum Ecclesiasticis sunt vera beneficia Regularia. Cum nihil illis ad rationem beneficij necessarium deficiat. Azorius *ut supra.* Nihilominus adhuc illa non sunt dicenda simpliciter beneficia Ecclesiastica, quia non sunt perpetua, sed amabilia, & dependentia à voluntate Superiorum. Sanchez *lib. 7. in decalog. cap. 29. à num. 104.* Vide dicenda *cap. 18. nu. 6.*

26 Ex quo fit quod etsi Cômendæ Clericales, illæ scilicet, quæ dantur propter spirituales administrationem, vel spirituale ministerium, curam videlicet animarum sint materia simoniæ, ita ut si vendantur, vel emanent simonia committatur. Commendæ verò aliæ quæ huiusmodi militibus dantur non propter spirituales administrationem, aut functionem, sed titulo mere laico, scilicet ob militiam gerendam, ut subsidia videlicet, vel stipendium ipsius, non sunt materia simoniæ, cum sint res temporales. Suarez *tom. 1. de simonia cap. 27.* Bonacina *de simonia q. 4.* Nihilominus si vendantur siue à Rege, Principe, vel Magistro Ordinis, qui illas distribuunt, graue peccatum committitur. Tum quia prædicti non sunt Domini, sed dispensatores illarum, tum quia sic dantur indignis quod est intrinsecè malum, ut potè contra finem institutionis illarum. Suarez, & Bonacina *ut supra.* Cum autem sint bona Ecclesiastica videtur casu quo aliquando vendantur, vendi, aut alienari non posse sine assensu Sedis Apostolicæ, propter Extrauag. *Ambitiosæ*, ubi bonorum Ecclesiasticorum alienationes prohibentur. Couarrub. 2. *var. cap. 16.*

cap. 16. num. 3. Riccius in prax. fori Ecclesiast. decis. 76. & 79. Bonacina de alienat. bonor. Ecclesiast. disp. 2. q. unica punct. 2. num. 13.

27. An verò huiusmodi fructus aut redditus, quos habent isti milites Commendati possint tuta conscientia percipere, actu non militantes, nec arma capientes, sed otiosè, vel vitiosè in Curijs Princip. & vrbibus degentes meritò dubitant plures. Multi volunt eos non posse tales fructus, aut redditus tuta conscientia recipere. Quia ipsis sunt concessi, vt contra Saracenos, & alios Ecclesiæ hostes præliantur, & quod datur ob aliquam causam, ea non subsistente, nihil valet. Alijs autem dicta opinio duriuscula videtur, & fundamentum ipsius infirmum, eo quod licet prædicta bona militibus istis dentur causa militiæ, sed non ea conditione, & lege, vt actu militent. Ad hoc inclinare videtur Azorius tom. 1. instit. moral. lib. 13. cap. 4. §. septimo queritur. Verumtamen mihi videtur huius decisionem pendere, tum ex statutis horum Ordinum, tum ex modo quo ipsis prædicta bona conferuntur. Si enim, vel ex prædictis statutis, vel ex modo quo ipsis dicta bona conceduntur habeatur eos teneri actu militare, vt illis potiantur, sine dubio non possunt actu non militantes, sed otiosè, vel vitiosè sine vllò militiæ exercitio viuentes illis potiri. Si autem ex statutis Ordinum vel modo quo prædicta bona ipsis conceduntur, nihil tale habeatur, etsi non teneantur actu militare, tenentur tamen esse in præparatione animi ad militandum quoties ipsis iniunctum fuerit, vel occasio, aut necessitas postulauerit. Aliàs omnino nugatoriè, & vanè militum nomine, & præmio gaudere possent.

28. Sed siue actu militent, siue non huiusmodi Equites, prædictorum honorum, & quorumcumque aliorum sibi ex patr. merito, vel alio modo competentium dominio carent, ratione vocis paupertatis quod emiserunt, vt dictum est, vnde solùm habent vsum illorum in ordine ad licita, & honesta non tanquam suorum, sed tanquam sibi commissorum, ac commendatorum, nutu, & voluntate Superiorum prout alij Religiosi, quia hoc solum permittit votum paupertatis. Azor. tom. 1. instit. moral. lib. 13. cap. 4. §. octauo queritur, & §. nono queritur. Rodriguez tom. 2. quest. Regul. q. 57. art. 5. Nauarrus lib. de redditibus q. 1. num. 95. & 96. & q. 3. num. 30. & 31. & Apolog. ad lib. de redditibus. nu. 61. Quidquid dicat in contrarium Sanchez lib. 7. in decalog. cap. 8. num. 29. Vnde si fructus, aut redditus huiusmodi ludendo, aut alio vnoq. inutili, seu turpi modo impendendo perdantur,

344

O

non

non solum peccant grauiter, vel leuiter, iuxta capacitatem materię sicut alij Religiosi contra votum paupertatis, sed etiam ij, in quos ipsi prædicta bona transferunt ad restitutionem tenentur, vt docent aliqui apud Azorium *vt supra §. decimo queritur*, quia talia bona non sunt ipsis concessa nisi in ordine ad honestos, & licitos vsus, nec voluntas Superiorum est, aut potest esse, vt in vanos, & inutiles ea expendant. Verum est huiusmodi Equitibus militariis, tum ratione nobilitatis, tum ratione finis Religionis militaris qui non est strictam obseruantiam seruare, sed militiam pro Christo quando opus fuerit sectari, licere sæpius ludere ludis honestis aliquam pecuniam quantitatem, & facere aliquas, & plures expensas quæ alijs Religiosis non licent, quod, iuxta prudentis arbitrium, tum ex vsu inter timoratos, tum ex concessu Prælatorum metiendum est. Donare tamen concubinis non possunt, ita vt illorum donatio etiam iuramento firmata, sit irrita, vt docent multi, quos sequitur Rodriguez *tom. 1. quest. Regular. q. 27. art. 12. in fine*. Cæterum probabiliter, vt credo, excusari possunt à restitutione faciendæ eorum quæ ab illis acceperunt, tam prædictæ concubinæ, quam alij cum quibus illicitè luserunt, eo quod Religiones istæ vsu, & praxi nihil de istis rebus male donatis curare videantur, ita vt eas quasi remittere censendæ sint.

29 Hinc etiam valde probabile est posse hos milites etiam Commendatarios, siue de bonis patrimonialibus, siue de redditibus Commendarum maioratus instituere non secus atque alios sæculares si hoc illis specialiter non sit prohibitum. Non quidem quia prædictorum bonorum dominium habeant, vt malè quidam putant, sed quia Religiones istæ militares, & Prælati supremi ipsarum hoc videntur permittere, Molina *to. 3. de iust. disp. 604. fin.* Sanchez *lib. 7. in decalog. cap. 8. n. 31.*

30 Peccabunt tamen mortaliter contra votum paupertatis, si in his, aut alijs vsibus expendant prædicta bona contra suorum Superiorum beneplacitum. Hoc enim ad minus est necessarium pro voto paupertatis, quod emiserunt. Ista in Confessionario in interrogationibus circa votum. Motta in lib. instructionis vt Commendatarij tendant ad perfectionem, & Sanchez *l. 7. in decalog. cap. 8. nu. 35.*

31 Peccabunt etiam mortaliter contra votum paupertatis, si tempore, & occasione quibus Religiones ipsæ, ipsorum Prælati, vel visitatores, iusserint, non præsentauerint inuentaria rerum, quas possident, aut in eis conficiendis infideliter se gesserint aliqua occultando, quia paupertas ab eis promissa hoc ad minus

minus requirit. *Illa in Regula Commendatariorum D. Iacobi in proemio, & in confessionario in interrogationibus circa votum.* Quod tamen bene intelligit Sanchez *lib. 7. in decalog. cap. 7. num. 34.* Quando notabilis esset rei notabilis, alias solum peccatum veniale committerent, magis, vel minus leue, iuxta maiorem, vel minorem grauitatem materiæ.

32 Ex alumnis horum militarium Ordinum tenentur ad Officium diuinum, seu horas Canonicas Clerici in sacris Constituti, & Moniales, iuxta dicta tom. 1. cap. 12. nu. 2. & 3. & cap. 25. num. 13. De Clericis autem non in Sacris constitutis, sed ad Chori seruitium deputatis philosophandum videtur eodem modo, ac de alijs Religiosis, iuxta dicta eodem cap. 12. num. 3. Milites autem horum Ordinum, non sunt obligati ad Officium diuinum, quia etsi sint Religiosi, iuxta dicta, non tamen sunt ad dicti Choro, cultui diuino, aut Ecclesiasticis ministerijs, sed militiæ. Azorius *tom. 1. instit. moral. lib. 13. cap. 4. §. quinto queritur.* Suarez *tom. 2. de Relig. lib. 4. de bonis canonicis cap. 19.* Quod etiam verum puto de militibus commendatis, seu Commendatarijs horum Ordinum, cum nec ratione Religionis militaris, ad id obligentur, vt dictum est, nec ratione Ordinis sacri, cum illo careant, nec ratione beneficij Ecclesiastici, cum Commenda beneficium Ecclesiasticum non sit, nec consuetudinis, quæ non extat, vt credo. Quod dixerim contra Bonacinam *de bonis canonicis disp. 1. q. 2. punct. 4. num. 3.* Clerici autem horum Ordinum militarium beneficia Regularia quantumuis manualia habentes ad officium diuinum tenentur; tum ratione Ordinis sacri, tum ratione beneficij. Bonacina *ibid. num. 2.* Imò. milites ipsi tenentur recitare eas Orationes, quas loco Horarum Canonicarum Regula ipsis præscribit: *Illa super Regulam Commendat. D. Iacobi cap. 6.* Qui licet dicat hanc obligationem esse sub mortali, alij tamen id negant: Nauarrus *cap. quando cap. 7. n. 23.* Sanchez *2. tom. consil. moral. lib. 7. cap. 2. dub. 5.* Consuenda sunt tum verba Regulæ, tum dicta *to. 1. cap. 7. de obligatione Regularium, ratione Regulæ, sui Ordinis:*

33 Probabile est posse huiusmodi Equites Ordinum militarium de suorum reddituum fructibus, & de alijs bonis ipsorum testari, si vsu, consuetudine, vel Constitutionibus particularibus nõ sit illis hoc interdictum sed permissum. Ratio est, quia etsi ratione voti paupertatis id non ipsis liceret, si tamen talis vsus, consuetudo, aut Constitutio hoc illis prohibens non existat, videtur illis à Religione permitti, ac per consequens licite fieri. Nec obstat

Constitutio Pij v. *Sacrofanctum* anno 1568. edita, quæ est inter Constitutiones huius Pontificis 2. tom. Bullar. 73. quia in ea solùm reuocat omnes, & quascumque licentias, seu facultates testandi his Equitibus concessas, non tamen Ordinis Constitutiones, vel vsum, aut consuetudinem legitimè præscriptas. Azor. tom. 1. *instit. moral. lib. 13. cap. 5.* Adde Gregor. xiii. reuocasse prædictam Constitutionem Pij v. concedendo illis facultatem testandi, iuxta pristinam eorum consuetudinem. Sanchez lib. 7. *in decalog. cap. 8. num. 30.* Vide dicenda infra à num. 54.

34 Clericos etiam horum Ordinum Militarium extra claustra viuentes de licentia Superiorum posse testari cum quibusdam conditionibus, asserunt Ista in *Reg. horum Commendatariorum cap. 20.* Motta in *lib. instruet. vt Commendatarij tendant ad perfectionem cap. 4. §. 4. num. 52.* Cum tamen isti simpliciter veri, & indubitati sint Religiosi, testari autem prohibitum Religiosis sit, iuxta dicta tom. 1. *cap. 9. num. 19.* ideo ad priuilegia, Constitutiones, & legitimas eorum consuetudines attendere oportet. Sanchez lib. 7. *in decalog. cap. 8. nu. 37.*

35 Commendatarijs perpetuis Ordinum Militarium competunt ea quæ veris Prælati competere possunt. Rodriguez tom. 1. *quæst. Regular. q. 27. art. 12.* Quod intellige quantum ad dispositionem reddituum suarum Commendarum, seruato iure Ordinis, & voto paupertatis, non tamen possunt alienare, nec locare nisi seruatis seruandis.

36 Tenentur de redditibus Commendarum eleemosynas elargiri, & suarum Ecclesiarum necessitatibus succurrere, eo quod prædicti redditus sunt bona Ecclesiastica ex decimis, vel primitijs Ecclesiasticis deducta, etsi illis applicata pro bello contra infideles gerendo, atque adeo dum tale bellum non instat, tenentur pauperibus, & Ecclesiarum indigentijs subuenire, alijs defraudatores, & vsurpatores erunt bonorum Ecclesiasticorum. Martinus de Ayala in *Compend. Ordin. milit. D. Iacob. Rodriguez tom. 2. quæst. Regul. q. 75. art. 5.* Specialiter de Commendatoribus quibus commissa sunt, vel commendata Hospitalia, vel Hospitalitas sic scribunt graues Auctores. Notandum est illud quod traditur à Rebuffo, scilicet aduersus Commendatarios. Hospitalitas (inquit) debita non seruatur, sed tota amittitur, nam quoties quisque commendatarius Hospitalem se exhibeat, aliorum sit iudicium, quæ tamen plurimum est commendata vt Glossa, & Doctores scribunt. Hodie quidem Commendatarij tantum absunt ab hac Hospitalitate, vt quæ possunt à pauperibus eripiant;

eripiant; unde quia Hospitalitas decessit, successit indictio fisci, Decimarum, & aliorum onerum præstatio, ut in sacris Canonibus habetur, hoc tollit fiscus quod non accipit Christus. Azor. tom. 1. lib. 2. cap. 22. §. undecimo quaritur. Rodriguez to. 2. quest. Regul. q. 84. ar. 2.

37 Tenentur etiam habitum suarum Religionum semper portare. Tum propter particulares ipsarum Constitutiones, tum etiam quia non est certum comprehensos non esse in lege communi. cap. 2. ne Clerici, vel Monachi in 6. ubi excommunicatione maiori innodantur Religiosi habitum suæ Religionis temere dimittentes, de qua diximus tom. 1. cap. 13. Cum enim sint verè Religiosi debitari iure potest an prædicta lege comprehendantur, etsi ex alia parte cum ipsi quoad quædam, & rigores nomine Religiosorum non veniant, probabile satis sit non comprehendendi. Pro his etiam militibus beneficia Ecclesiastica obtinentibus extant duæ Constitutiones Sixti v. in 2. tom. Bullarj num. 92. circa habitum quem portare debent. Rodriguez tom. 2. quest. Regul. q. 76. art. 2. Declaratum autem est à S. Congregatione Militem Regularem, si fuerit Canonicus non posse supra habitum Canonicalem deferre Crucem Ordinis Militaris. Barbosa in Collectan. Bullar. verb. miles Regularis 2. & verbo Canonicus Protonotarius.

38 Gaudent privilegio canonis, ita ut illos percutiens incidat in excommunicationem latæ sententiæ can. si quis cum sint verè Religiosi, & personæ Ecclesiasticæ. Garzia de Benefic. 1. p. cap. 4. Diana Tract. de immunit. Ecclesiast. resolut. 72. Portellus in Dub. Regular. verbo manus violentæ num. 7. Nec id negari potest nisi ab opinantibus non esse verè Religiosos. Unde etiam videtur extendendum hoc privilegium ad Novitios eorum, cum etiam tempore Novitiatus personæ Ecclesiasticæ sint, & in favorabilibus Novitij æquiparentur professis, iuxta dicta to. 1. cap. 3. nu. 16.

39 Pariter etiam fori privilegio gaudent hi milites, propter easdem rationes, ut post multos Auctores tenet Barbosa de Offic. & potest. Episcop. alleg. 12. num. 45. Quorum aliqui etiam hoc extendunt ad Novitios. Vide Mottam de Confirmat. Ord. D. Iacobi lib. 2. cap. 1. §. nono. Dianam Tract. de immunit. Ecclesiast. resolut. 72. & tract. de paupert. Religios. resolut. 23. Quid verò dicendum de Equite Hierosolymitano, qui percussit aliquem Clericum, qualiter scilicet Episcopus se gerere debeat circa illum, habetur ex declaratione S. Congregat. apud Aldanam in Compend. Canon. resolut. lib. 2. tit. 3. nu. 3. & Barbosam in Collect.

Bullar.

Bullar. verb. Eques Hierosolymitanus. Quid etiam dicendum de ijs qui in Ordine S. Ioannis mediam Crucem portant, constat ex dictis supra nu. 4.

40 Idem etiam affirmandum de immunitate à gabellis, esse scilicet prædictos Milites ab illis immunes. Propter dicta, nempe quia sunt verè Religiosi, vel saltem Ecclesiasticæ personæ. Flores de Mena *lib. 2. q. 21. num. 205*. Diana in *Tract. de immunit. Ecclesiastica resolut. 49*. Barbosa de *Offic. & potest. Episcop. allegat. 14*. qui etiam *num. 15*. id privilegium extendendum dicit ad uxores viduas horum Militum.

41 Eorum filij, videlicet quomodocumque habiti à Militibus S. Ioannis, & ab alijs Militibus Ordinum extra matrimonium, sunt illegitimi, cum sint filij Religiosorum, & ita habetur in *l. 11. Tauri*. Rodriguez *tom. 1. quest. Regular. q. 13. art. 2*. Unde consequenter dicendum filios horum militum ante matrimonium habitos etiam si ex copula cum soluta non esse naturales, cum sint sacrilegi contra votum castitatis, nec legitimari per subsequens matrimonium, propter eandem rationem. Rodrig. *ibidem*, Diana *tract. 2. de Dub. Regul. resolut. 30*.

42 Per ipsorum professionem non vacant beneficia aut pensiones quæ antea habebant. Ratio est, quia *cap. Beneficium de Regularibus in 6*. decernens beneficia (idem dico de pensionibus) vacare per professionem Religiosorum, cum sit odiosum non videtur intelligendum de huiusmodi Militibus, qui etsi ut dictum sit essentialiter Religiosi sint, modum tamen Religiosorum non seruant: propterea enim à similibus odijs, ut dictum est, eximuntur. Sanchez *lib. 7. in decalog. cap. 29. nu. 5. & 9*. aliter tamen loquens de Militibus S. Ioannis, sed mihi videtur æquales esse quoad hoc omnes hos milites, propter rationem allatam, nisi pro ipsis sit aliqua specialis lex.

43 Probabile etiam est, capaces esse eorum beneficiorum, & pensionum quibus alij Religiosi, iuxta dicta *cap. 2*. capaces non sunt. Tum quia non comprehenduntur in odiosis spectantibus ad Regulares, tum quia, etsi Religiosi sint modum tamen Religiosorum non tenent, cum non omnino murent statum, & redditus quasi proprios obtineant. Sanchez *lib. 7. in decalog. cap. 29. num. 103*. & fauet Azorius *tom. 1. instit. moral. lib. 13. cap. 3. q. 2. ad finem*. Vide tamen declarationem S. Congregat. adducendam infra num. 54. Et nota dictis non ob stare quòd sæpius à Sede Apostolica concedatur aliquibus militibus horum Ordinum facultas ad habendum pensiones, ut dicitur infra num. 58. & 60. hoc enim fieri potuit ob maiorem securitatem conscientiarum.

Quam-

44 Quamvis autem veri Religiosi sint, ut dictum manet, nihilominus illi qui votum emisunt ingrediendi Religionem, non determinando Religionem, non satisfaciunt assumpto habitu istorum militum. Nam eorum Religio in genere Religionis adeo laxa est, ut potius modum viuendi sæcularem habeat, illi autem qui Religionem ingredi promittunt, intendunt proficere statum arctiorem, & Cœnobiticum intra claustra, & magis separatum à fastu, & curis sæcularibus. Corduba in *Summ.* q. 148. Sanchez *lib. 4. de præceptis decalog. cap. 16. num. 11. & 12.* Qui etiam bene addunt eos qui emisunt tale votum sufficienter satisfacere ingrediendo Religionem Clericorum horum Ordinum Militarium, sicut & Canonicorum Regularium, cum illi veram vitam Regularem in Cœnobijs instar aliorum Religiosorum ducant. Addo non esse improbabile quod qui votum emisit Religionis nullâ determinando, satisfaciat voto, ingrediendo Religionem S. Ioannis, quia illa inter militares, est strictior, ut potè, cum milites illius votum simpliciter castitatis emittant, & non solum coniugalem, ut alij Ordines Militares. Aragon. 2. 2. q. 88. art. 11. Diana *tract. 16. Miscellan. resolut. 38.* Declaratum autem dicitur à S. Congregatione, per licentias claustralibus concessas ad ingrediendum quamcumque Religionem non licere transire ad non claustrales, quales sunt Militares, & Hospitalarij. Quaranta in *Summ. Bullar. verb. Monasteria, & Conuentus vers. quoad transitum.*

45 Licet aliqui credant hos milites gaudere privilegio aliorum Regularium, de quo *tom. 1. cap. 18. num. 27.* quod scilicet possint confiteri peccata sua Confessario etiam non approbato ab Ordinario (Ioannes Sancius in *selectis disp. 49. num. 10.* cui annuere videtur Diana *tract. 2. de Dub. Regul. resolut. 30.*) Nihilominus quia in hoc attendenda est consuetudo tam ea quæ fuit inter hos milites ante Concilium Tridentinum, quam post illud, & hæc sit in contrarium, ut ipse Diana testatur, nullatenus assentiendum est huic sententiæ, sed ut falsa reiicienda.

46 Apostasia crimen incurrunt si Religionem quam professi sunt derelinquant. Motta *lib. 2. cap. 1. §. 6. nu. 5.* Diana *tract. 2. de Dub. Regular. resolut. 30.* Quando autem sint Apostata dicendi constat ex dictis *to. 1. cap. 16.*

47 Possunt etiam transire de Religione in qua sunt ad aliam, sed dicunt id fieri debere cum licentia magni Magistri Religionis. Motta *lib. 2. cap. 1. §. 6.* Diana *Tract. 2. de Dub. Regular. resolut. 30.* Verumtamen attendenda sunt quoad hoc tum iura, & privilegia particularium Religionum militarium, tum circa

conditiones huius transitus eā quæ dicta sunt *tom. 1. cap. 22.*

48 Non peccant isti Milites accedentes ad Sacramentum Penitentiae, & Communionis ense, & pugione accincti, si hoc sit consuetudine introductum in eorum Religionibus, talis enim consuetudo nihil habet indecentiæ, posito quod status quem profitentur est, præparatos esse ad bellum gerendum pro fide: Catholica quod rectè ense, & pugione denotatur: Ioannes Sancius in *selectis disp. 45. num. 3.* Diana *Tract. 2. de Dub. Regular. resolut. 30.*

49 Quoad visitationem Ecclesiarum Ordinum Militiarum applicanda videtur doctrina tradita *tom. 1. cap. 11. num. 7. & 9.* quod scilicet Episcopi, aut alij locorum Ordinarii nullam habeant facultatem visitandi Ecclesias, aut Monasteria quibus non imminet cura animarum, bene tamen illa, vel illas, quibus talis imminet cura. In eis quæ ad dictam curam, & Sacramentorum administrationem pertinent, propter ibidem adducta ex Concilio Trident. & declarationibus S. Congregationis. Quibus iungitur Constitutio Pij v. pro Ecclesijs Militum S. Ioannis Hierosolymitani. Barbosa *de Offic. & potest. Episcop. allegat. 74. num. 26.* Accedit etiam alia declaratio S. Congregationis apud eundem Barbosa in *Collectan. Bullar. verb. excommunicatio*, in qua declaratur posse Episcopum excommunicare Fratrem Capellanum Religionis Hierosolymitanæ, qui cum administrasset redditus Parochialis secularis, & citatus ab Episcopo ad reddendam rationem, noluit comparere. Vide etiam aliam declarationem S. Congregat. Regular. apud eundem Barbosa *ut supra verb. visitare Episcopus quando possit &c. 2.* Quia tamen aliquæ Ecclesiæ istorum Ordinum dicuntur esse nullius Diocesis, & Magistri illorum in illis habere iurisdictionem non solum Episcopalem, sed etiam temporalem (de quo Rodrig. *tom. 1. quest. Regular. q. 36. art. 3. & 4.*) ac per consequens non includi in decretis Concilij Tridentini, ideo consulenda sunt tum priuilegia illorum, tum usus, & praxis: Constitutio autem Gregorij xv. quæ huiusmodi priuilegijs aduersari videtur pro Hispaniæ Regnis suspensa est, iuxta dicta *tom. 1. cap. 19. num. 35.* De priuilegijs autem ipsorum dicetur infra *a num. 52.*

50 Priores Ecclesiarum Ordinum Militarium dicuntur posse exercere in quacunque Episcopalia, scilicet benedicere ornamenta, & concedere Reuerendas secularibus suorum Prioratuum, Rodrig. *to. 1. q. 36. ar. 6.* Vide tamen dicta *to. 1. c. 14. n. 13. & cap. 18. nu. 57.*

51 De Monialibus horum Ordinum Militarium eodem modo

modo philosophandum, ac de alijs, iuxta dicta tom. 1. cap. 25. Specialiter quoad obligationem obseruandæ clausuræ absque dubio ea ligari (quidquid immerito quidam dubitarint) constat ex Tridenti *sess. 25. cap. 22.* illis verbis: *Quarūcumque sanctimonialium, etiam si illa sub gubernio militiarum, etiam Hierosolymitane viuunt, & quocumque nomine appellentur, & ex Constitutione Circa pastoralis, Pij v. illis verbis, Cuiuscumque Ordinis, vel militiarum, etiam si Hierosolymitane sint:* verbum enim illud etiam Hierosolymitane in utroque decreto positum significat à fortiori comprehendendi Moniales aliarum militiarum. Nauarrus *Comment. 4. nu. 44. vers. 5. nota de Regularibus.* Sanchez *lib. 6. in decalog. cap. 15. num. 10.* Etiam si, dato casu, ante Concilium, & Pium v. consuetudo fuisse clausuram non obseruare. Quia Concilium dicta *sess. 25. cap. 22.* iubet obseruari decreta illius sessionis inter quæ vnum est de huiusmodi clausura, non obstantibus etiam consuetudinibus immemorabilibus, & Pius v. in sua illa Const. Circa pastoralis præscribit eandem clausuram, etiam si nec vnquam in earum Monasterijs, seu Domibus etiam ab immemorabili tempore ea seruata fuerit. Nauarrus *ut supra num. 4. vers. octauo nota, Rodriguez tom. 1. quest. Regular. q. 44. ar. 2. & 3. Sanchez lib. 6. in decalog. c. 15. num. 12.*

52 Gaudent præterea huiusmodi militares Ordines varijs priuilegijs à Sede Apostolica concessis: Specialiter milites S. Ioannis Hierosolymitani ab Anastasio iv. in Bulla *Christiane* in 1. tom Bullar. inter Bullas huius Pontificis *num. 2.* sub Sedis Apostolicæ protectione suscepti priuilegijs quoque bona etiam stabilia possidendi, Hospitalia construendi, Decimas non soluendi, tempore generalis interdicti celebrandi, & alijs, decorati sunt. Deinde Pius iv. in Bulla *Circumspecta* tom. 2. Bullar. *num. 9.* priuilegia ab antiquioribus Pontificibus illis concessa confirmans alia de nouo concessit. Exempti etiam sunt ab eodem Pio iv. in Bulla *Romani interest* *num. 20.* à Constitutione illa de bonis ex illicita negotiatione acquisitis, vt dictum est *to. 1. c. 10. nu. 5.* Item SS. D. N. Urban. vii. in Constitutione *Vniuersalis Ecclesiæ* 4. tom. Bullar. *num. 15.* priuilegia, indulta, facultates, & exemptiones illis concessa à Romanis Pontificibus prædecessoribus confirmauit, & approbavit. A visitatione Episcoporum exemptæ sunt eorum Ecclesiæ ex priuilegio Summorum Pontificum, præterquam si sint curatæ, vt declarauit S. Congregatio Concilij apud Armendariz *in addit. ad recopilat. legum Nauarra lib. 1. tit. 6. de visitat. l. 5. §. 2. num. 6.* & Barbosa in *Collect. Bullar. verb. militis S. Ioannis.* Insuper vbi habent iurisdictionem

spiritualem, & temporalem non possunt Ordinarii se interponere ad visitandum, ex declaratione S. Congregationis, testibus eodem Armendariz l. 2. §. 2. nu. 94. & eodem Barbosa *ut supra verb. Eques Hierosolymitanus*. Insuper ex decreto S. Congregationis Concilij confirmato à SS. D. N. Urbano VIII. in Bulla *Exponi nobis* tom 4. Bullar. nu. 78. Constitutio Greg. xv. de Conservatoribus, de qua latè cap. 10. non afficit hos Equites Hierosolymitanos, nisi quoad Iudices Conservatores, eidemque Religioni adhuc ius eiusmodi Iudices Conservatores eligendi competit. Extat etiam Bulla Pij v. in Bullario Rodriguez to. 2. num. 24. vbi privilegia, & exemptiones huius Religionis confirmantur, & declarantur, & alia Gregorij XII. in eodem to. 2. Bullar. Rodriguez num. 14. circa idem intentum, & alia Sixti v. in eodem Bullario nu. 18. de eadem re.

53 Specialiter ex declarationibus S. Congregationis, quas affert Barbosa in *Collectan. Bullar. verb. Fratres S. Ioannis Hierosolymitani*, huius Religionis Fratres, siue eorum Vicarij in Parochialibus Religioni vnitis, & ab ea dependentibus non tenentur, neque compelli possunt ad contributionem seminarij, solutionem Cathedralitici, Synodatici, siue charitativi subsidij. Tenentur tamen ad processiones accedere, & Capellani ipsorum, qui administrarunt redditus Parochiæ secularis citati ab Episcopo in visitatione ad reddendam rationem, si non compareant possunt ab Episcopo excommunicari. Refertur etiam ab eodem Barbosa ibidem *verbo Vicarius perpetuus Parochialis* 8. & *verbo Vicarius amovibilis* 9. declaratum esse, à S. Congregatione, Vicarios etiam amovibiles Ecclesiarum Parochialium unitarum, & dependentium à Religione Hierosolymitana posse ab Episcopo examinari, & approbari, simpliciter scilicet, non autem ad tempus, nec posse eos pro libito subijcere nouo examini, nisi superueniente rationabili causa, & suspitione ignorantie. Refert etiam idem auctor dicto *verbo Fratres S. Ioannis Hierosolymitani ut supra* Pium v. in Bulla *Circumspecta* anno 1561. concessisse prædictis Patribus Capellanis Hospitalis S. Ioannis Hierosolymitani quod possent à quocumque Catholico Antistite sub Romanæ Sedis obedientia constituto sacros Ordines etiam extra tempora à iure statuta, tribus diebus festiuis suscipere, & in quibuscumque tam secularium, quam Regularium Ecclesijs absque alicuius licentia etiam Altari portatili celebrare. Verumtamen hæc Bulla non est Pij v. sed Pij iv. & cum contineat privilegium contrarium Concilio Trident. & Bullæ ipsius Pij iv. reuocatoriæ privilegiorum Concilio contrarium ideo

ideo cautè procedendum, etiamsi à posterioribus Pontificibus hoc, & alia priuilegia huius Religionis confirmata dicantur, cum Pontifices non confirmare solcant dicta priuilegia, nisi quatenus contraria non fuerint dicto Concilio.

54 Milites S. Iacobi vulgo de Spatha, instante Catholico Monarcha Philippo II. à Gregor. XIII. in Bulla *Romani Pontificis* num. 30. obtinuerunt, vt non obstante Constitutione Pij v. quæ illis sublatæ erant licentiæ, & facultates ad testandum, nihilominus testari possent ex vi prædictarum facultatum. Declaratum etiam dicitur à S. Congregatione non emittentes inter illos omnia tria vota substantialia Religionis minimè incapaces esse Beneficiorum secularium siue simplicium, siue Curatorum, nec etiam pensionum. Garzia in *additionib. ad suum tractatum de benefic. p. 1. cap. 4. num. 22.* Barbosa in *Collect. Bullar. verb. milites S. Iacobi de Spatha*. De alijs etiam, qui prædicta tria vota emittunt idem etiam probabile esse, dictum est supra num. 43.

55 Milites præterea S. Iacobi de Alcantara, & S. Mariæ de Calatraua fruuntur gratijs, & priuilegijs Ordinis Cisterciensis. Illi quidem ex priuilegio Leonis x. Constit. 44. tom. 1. Bullar. isti autem ex Iulio II. Constit. 16. in eodem tom. 1. Bullar. Insuper ex Gregor. XIII. in Constit. *Romani Pontificis* eodem modo, ac milites S. Iacobi de Spatha obtinuerunt posse vti licentijs, & facultatibus ad testandum per Pium v. reuocatas.

56 Milites item S. Benedicti de Auis in Regno Portugallie perfruuntur omnibus priuilegijs concessis, & cõcedendis Militibus S. Iacobi de Spatha, de Calatraua, & Alcantara, ex Greg. 13. in Const. *Ex Apostolica* n. 32. De his Rodrig. to. 1. q. *Regul. in fine*.

57 Milites S. Lazari multis, magnisque priuilegijs, & gratijs decorati sunt à Pio IV. in Bulla *Inter assiduas* nu. 94. quæ tamen postea Pius v. successor declarauit, reformauit, seu reuocauit in Bulla *Sicuti bonus* num. 28. Huic porro militiæ alia sub S. Mauritij nomine vnita est à Gregor. XIII. in Bulla *Pro commissa* num. 7. cui etiam priuilegia quædam concedit in Bulla *Christifidelium populi* num. 6. Ex ea autem habetur hos milites S. Mauritij solum duo vota, castitatis scilicet coniugalis, & obedientiæ emittere, ac perinde veros Religiosos non esse.

58 Ordinis quoque militaris S. Stephani Milites charitatem, castitatem coniugalem, & obedientiam expressè promittunt, vt constat ex Bulla Pij IV. *His quæ* tom. 2. Bullar. num. 60. Cum autem ibi nihil habeatur de voto paupertatis, ideo videtur essentialiter Religiosos non esse, quamuis ob professionem Regulæ S. Benedicti Religiosi in dicta Bulla à Pontifice appel-

lentur. Varijs etiam priuilegijs, videlicet exemptionis à iurisdictione Ordinariorum, disponendi de acquisitionis, dummodo quintam illorum partem Conuentui relinquunt, retinendi, & transferendi pensiones vsque ad certam quantitatem, & alij ab eodem Pio IV. in dicta Bulla decorati sunt.

59 Pro militibus etiam S. Spiritus in Regno Galliarum extant duæ Constitutiones Pauli V. inter Constitutiones ipsius *num. 42. & 44.* in quarum vna Pontifex dispensat in duobus statutis huius Ordinis voto, & iuramento firmatis, altero de Communione S. Eucharistiæ faciendæ die Congregationis generalis dicti Ordinis, & admissionis ad habitum alicuius, altero de exteris non admittendis in milites; in alia verò facultatem Henrico IV. Regi concedit statuta pro illius prospero regimine necessaria, & vtilia edendi, corrigendi, & immutandi. Nihil tamen de priuilegijs huic militari Ordini concessis ibi inuenio.

60 Ordo tamen militaris sub titulo, habitu, & Regula Ordinis nostri B. Mariæ de Monte Carmelo ab eodem Paulo V. in Bulla *Romanus Pontifex num. 41.* institutus postulante eodem Henrico IV. Galliarum Rege, priuilegia plura ab ipso Pontifice habet, videlicet facultatem pensiones habendi, exemptionem ab impositionibus, & grauaminibus, ac superioritate quorumcumque Ordinariorum, & gratiam indulgentiæ plenariæ tam in die, qua in Ordine recepti fuerint Milites, quam singulis annis die 16. Iulij qua festum B. Mariæ Virginis de Monte Carmelo solemniter celebratur, ac in articulo mortis. Quas indulgentias non contineri sub generali reuocatione indulgentiarum ab eodem Paulo V. facta constat, tum quia illa reuocatio facta fuit anno 1606. hæc autem concessio anno 1607. vel 1608. tum quia prædicta reuocatione solum videntur comprehendi indulgentiæ concessæ alijs Ordinibus non militaribus.

61 Demum sub SS. D. N. Urbano VII. Ordo militiæ Christianæ sub titulo Conceptionis B. Mariæ Virginis Immaculatæ, & Regula S. Francisci institutus, plura etiam ab ipso priuilegia concessa habet, videlicet exemptionis ab Ordinariorum iurisdictione, facultatis ad habendum pensiones certæ quantitatis pecuniæ, potestatis condendi statuta, & indulgentiarum. Constant hæc, & alia ad hanc militiam pertinentia ex duabus Constitutionibus eiusdem Urbani in 4. to. Bullar. *nu. 11.*

SUMMARIVM CAP. VI.

- Regulares Hospitalarij qui sint. num. 1.*
Plures Religiones habent, & habuerunt Hospitalia. ibid.
Veri Religiosi sunt omnes si emittant tria vota essentialia. num. 2.
Qui ea emittant. ibid.
Aliqui etiam quartum votum faciunt. num. 3.
Gaudent varijs privilegijs à Sede Apostolica. nu. 4.
Cruciferi quibus gaudent. ibid.
Fratres S. Antony Viennensis. ibid.
S. Spiritus in Saxia. ibid.
Fratres B. Ioannis de Deo. ibid.
Prouident aliqui ipsorum aliqua beneficia. num. 5.
Hospitalia Regularia subire debent conditiones Beneficij Regularis.
nu. 6.
Quæ illis præcipiantur in Concil. Vienn. & à Clem. V. num. 7. & 8.
Quæ à Concil. Trid. num. 9. & 10.
*An Hospitalia Regularia exempta sint ab Ordinariorum iurisdic-
 tione. num. 11.*
Quid circa ipsa declaratum. ibid.
*Quoad regularem obseruantiam eorum qui Hospitalibus assistunt,
 non subiiciuntur Ordinarijs. num. 12.*
Quid determinatum sit pro Fratribus B. Ioannis de Deo. num. 13.
Quid etiam pro habitu ab ipsis deferendo. n. 14.
*An sint vel non materia simoniæ Administrationes, seu Recloria
 Hospitalium. num. 15.*
Bona ipsorum an alienari possint sine solemnitate requisita. nu. 16.
An Recltores Hospitalium gaudeant privilegio fori. n. 17.
Quid de Recltoribus Hospitalium non Regularium. ibid.
An ad illos transire possint alia Religiones. num. 18.



De Regularibus Hospitalarijs, eorumque Iuribus,
priuilegijs, & obligationibus.

Cap. VI.



REGULARES Hospitalarij ij sunt in præ-
senti, quorum Ordines super Hospitalitatem
fundati sunt, vel saltem Hospitalia habent,
& in eis curam infirmorum, vel peregrino-
rum exercent, eos charitatiuè medicando,
vel suscipiendo, quales sunt Cruciferi, Fratres
S. Antonij Viennensis, S. Spiritus in Saxia,
B. Ioannis de Deo &c. de quibus sigillatim hoc capite di-
cendum. Miranda in *man. Pralat. tom. 1. q. 4. art. 14.* Obiter
etiam de alijs, qui etsi inter Mendicantes, Monachales, seu mi-
litares computentur, Hospitalium tamen quorundam curam
habent, hac enim ratione de illis modo agendum. Inter quos
etiam recensentur Fratres Ordinis SS. Trinitatis, quibus Hospi-
talitas competere videtur ex Regula, cum in ea, quam ab Inno-
centio III. acceperunt in Bulla *Operante* anno 1198. in 1. tomo
Bullar. num. 1. bonorum suorum partem operibus misericor-
diæ applicandam præcipiatur. Hinc plura habent Hospitalia.
Ordinis etiam grauissimi Prædicatorum Fratres Hospitalia
habuisse constat ex Bullis Martini v. & Bonifacij VIII. quas
refert Rodriguez *tom. 2. quæst. Regul. q. 63. art. 3.* Aliorum etiam
Ordinum Fratres Hospitalia habere pro comperto est.

2 De ijs id primò certum, & indubitatum, verè, & essentiali-
ter Religiosos esse, si emittant saltem tria vota essentialia Reli-
gionis, videlicet obedientiam, castitatem, & paupertatem,
prout Mendicantes, Monachos, & Canonicos Regulares
emittere superioribus capitibus dictum est. Horum enim
trium votorum emissio statum Religiosum constituit, iuxta
sæpius dicta tam in primò, quam in hoc secundo tomo Summæ.
Illa autem emittere Cruciferos supponit Pius v. in Bulla *Nihil in
Ecclesia* anno 1568. edita, in 2. tomo Bullar. num. 59. Fratres
S. Antonij Viennensis Bonifac. VIII. in Bulla *Sane inter dilectos*
anno 3. sui Pontificatus, & Fratres S. Spiritus in Saxia Innoc.
III. in Bulla *Inter opera* in 1. tomo Bullar. num. 7. Ac demum
Fratres B. Ioannis de Deo Paul. v. in Bulla *Romanus Pontifex*
anno 1611. edita in 3. tomo Bullar. num. 69. ubi tria vota
obedien-

obedientiæ, castitatis, & paupertatis, & quantum serviendi infirmis emittentes, verè, & propriè Religiosos, & Regulares esse, ac pro talibus habendos declaravit.

3. Emittunt etiam aliqui ipsorum videlicet Fratres B. Ioannis de Deo ex Clement. viii. in Bulla *Romani Pontificis* anno 1596. in 3. tom. Bullar. num. 44. & Paulo v. in Bulla superius relata, votum inseruendi infirmis. Siue autem ex voto, siue ex Regula, vel Constitutionibus particularibus, tam hi, quam alij dicto ministerio, vel simili de peregrinorum susceptione incumbant, iuxta regulas generales, de quibus tom. 1. cap. 7. & 8. dictum est, quanta sit obligatio ad id faciendum, pensari debet.

4. Gaudent varijs privilegijs à Sede Apostolica illis concessis, etenim Cruciferi ab Urbano iii. anno 1187. in Bulla *Cum Antecessor* in 1. to Bullar. exemptionem à certis decimis, facultatem recipiendi ad Religionem, & fabricandi Cæmeteria, ac Oratoria habuerunt. Deinde Gregor. xiv. in Bulla *Romanus Pontifex* 2. tom. Bullar. num. 13. privilegia alijs illis concessa confirmavit, ac omnia, & singula privilegia Mendicantium, & non Mendicantium Ordinum concessit. Similiter Fratres S. Antonij Viennensis à Sanctiss. D. N. Urbano vii. anno 1624. omnium Regularium Mendicantium, & non Mendicantium privilegiorum communicatio concessa est, teste Barbosa in *Collectan. Bullar. verb. Fratres S. Antonij Viennen.* Item Fratres S. Spiritus in Saxia à Sixto iv. in Bulla *Religionis zelus* anno 1483. in 2. tom. Bullar. num. 22. sub S. Petri protectione suscepti ab omni Ordinariorum iurisdictione exempti, & privilegijs Monachorum S. Iustinz decorati sunt. Fratres autem B. Ioannis de Deo exempti sunt ab Ordinariorum iurisdictione per Paulum v. Constit. *Romanus* 1619. Barbosa in *Collect. Bullar. verb. Fratres B. Ioannis Dei*.

5. Habent aliqui ipsorum facultatem providendi non solum Hospitalia Religionis, sed etiam beneficia aliqua Regularia illi annexa. Idenim supponitur de Cruciferis à Pio v. in Bulla *Nihil in Ecclesia*, de qua supra num. 2. quibus tamen Pontifex ipse præscribit modum, & formam id faciendi. De Fratribus etiam S. Antonij Viennensis id etiam supponi videtur à Summis Pontificibus Gregor. xv. & Urbano viii. in Constitutionibus relatis à Barbosa in *Collectan. Bullar. verb. Fratres S. Antonij Viennen.* & de Fratribus S. Spiritus in Saxia ex Sixto iv. in Bulla *Essi uniuersis* in 1. tom. Bullar. inter Bullas huius Pontificis nu. 12. & vt dicitur ex Paulo iv. Pio iv. & Pio v. De huiusmodi
autem

autem Regularium beneficiorum natura conditionibus, & alia ad ipsa spectantibus, lege dicenda *cap. 18.*

6 Huiusmodi autem Hospitalia Regularia Regularibus concessa subire debent conditiones beneficij Regularis, maximè quoad amouibilitatem, & inconstantem naturam ipsorum, ita scilicet ut ij quibus conceduntur amoueri possint à Superioribus Religionis, iuxta dicenda *cap. 18.* Hoc enim necessarium est, tum propter vota paupertatis, & obedientiæ quæ emittunt Religiosi, etiam Hospitalarij, tum propter naturam beneficiorum Regularium, quibus assimilantur. *Rodrig. to. 2. quæst. Regul. q. 84. art. 1.*

7 Præ oculis habenda semper est Hospitalarijs Regularibus, Hospitalium præcipue Rectoribus Constitutio Clemen. v. seu Concilij Viennensis quæ incipit *Quia contingit lib. 3. Clement. de Religiosis domibus cap. 2.* ubi sic habetur. Quia contingit interdum quod Xenodochiorum, Leprosariorum, Eleemosynariorum, seu Hospitalium Rectores locorum ipsorum cura postposita, bona, res, & iura ipsorum interdum ab occupatorum, & usurpatorum manibus excutere negligunt, quinimo ea collabi, & deperdi, domos, & ædificia ruinis deformari permittunt, & non attento quod loca ipsa ad hoc fundata, & fidelium erogationibus dotata fuerunt, ut pauperes infestique lepra reciperentur inibi, & ex prouentibus sustentarentur illorum, id renuunt inhumaniter facere: prouentus eisdem in usus suos damnabiliter convertentes: cum tamen ea, quæ ad certum usum largitione sunt destinata fidelium, ad illum debeant non ad alium (salua quidem Sedis Apostolicæ auctoritate) conuerti. Nos autem incuriam, & abusum huiusmodi detestantes hoc Sacro Concilio approbante sancimus, ut ij ad quos id de iure, vel statuto in ipsorum fundatione locorum appposito, aut ex consuetudine præscripta legitimè, vel priuilegio Sedis Apostolicæ pertinet, loca ipsa studeant in prædictis omnibus salubriter reformare, ac occupata, deperdita, & alienata indebite in statum reduci debitum faciant, & ad ipsarum miserabilium personarum receptionem, & sustentationem debitam iuxta facultates, & prouentus locorum ipsorum Rectores prædictos compellere non omittant. In quo si forte commiserint negligentiam, vel defectum, Ordinarijs locorum iniungimus, ut etiam si pia loca prædicta exemptionis priuilegio munita consistant: per se ipsos, vel alios impleant omnia præmissa, & singula, & Rectores eisdem, utique non exemptos propria, exemptos vero, & alios priuilegiatos Apostolica ad id auctoritate cōpellant, contra-

contradictores cuiuscumque status, aut conditionis existant, ac præbentes eisdem circa præmissa consilium, auxilium, vel fauorem, per censuram Ecclesiasticam, & alijs iuris remedijs compescendo, nullum tamen per hoc exemptionibus, seu privilegijs ipsis, quoad alia præiudicium generando. Hæc in dicta Constitutione.

8 Subdit alia Concilium, quæ quia solum pro Hospitalibus sæcularibus dicta videntur, ut notat Glossa in hac Clement. verb. præmissa, & Rodriguez tom. 2. quest. Regul. q. 84. art. 2. ideo prætermittuntur. Sequentia tamen ad Regulares Hospitalarios diriguntur. *Præmissa verò ad Hospitalia militarium Ordinum, aut Religiosorum etiam aliorum extendi minimè volumus: quorum tamen Hospitalium Rectoribus in sancta obedientia virtute mandamus, ut in illis secundum suorum Ordinum instituta, & antiquas observantias providere pauperibus, & Hospitalitatem debitam in illis tenere procurent: ad quod per Superiores eorum, arcta distinctione cogantur, statutis, aut consuetudinibus quibuslibet non obstantibus in præmissis.* Rodriguez ut supra §. notandum est.

9 Notanda etiam sunt verba Concilij Trident. sess. 7. cap. 15. quibus etiam prædicta Clementina innouatur, videlicet: *Curent Ordinarii, ut Hospitalia quæcumque à suis ministratoribus quocumque illi nomine censeantur, etiam quomodolibet exemptis fideliter, & diligenter gubernentur, Constitutionibus Concilij Viennensis, quæ incipit, Quia contingit, forma servata, quam quidem Constitutionem eadem Sancta Synodus innouandam duxit, & innouat cum derogationibus in ea contentis.* Et etiam sess. 22. cap. 8. vbi hæc habentur. *Episcopi etiam tanquam Sedis Apostolicæ delegati, in casibus à Iure concessis, omnium piarum dispositionum tam in vltima voluntate, quam inter vivos, sint executores: habeant Ius visitandi Hospitalia, Collegia quæcumque, ac Confraternitates laicorum etiam, quas scholas, siue quocumque alio nomine vocant, non tamen quæ sub Regum immediata protectione sunt, sine eorum licentia, eleemosinas Montis pietatis, siue Charitatis, & pia loca omnia quomodocumque nuncupentur, etiamsi prædictorum locorum cura ad laicos pertineat, atque eadem pia loca exemptionis privilegio sint munita, ac omnia, quæ ad Dei cultum, aut animarum salutem, seu pauperes sustentandos instituta sunt, ipsi ex officio suo, iuxta sacrorum canonum statuta cognoscant, & exequantur, non obstantibus quacumque consuetudine, etiam immemorabili, privilegio, aut statuto.* Et eadem sess. cap. 9.

Q

vbi

vbi sic. Administratores tam Ecclesiastici quam laici fabricæ cuiusvis Ecclesiæ etiam Cathedralis, Hospitalis, Confraternitatis, elemosinæ Montis pietatis, & quorumcumque piorum locorum, singulis annis teneantur reddere rationem administrationis Ordinario, consuetudinibus, & privilegijs quibuscumque in contrarium sublatis, nisi secus forte in institutione, & ordinatione talis Ecclesiæ, seu fabricæ expressè cautum esset. Quod si ex consuetudine, aut privilegio, aut ex Constitutione aliqua loci, alijs ad id deputatis ratio reddenda esset; tunc cum ijs adhibeatur etiam Ordinarius, & aliter factæ liberationes dictis administratoribus minimè suffragentur. Hæc Concilium.

10 Et similiter *sess. 25. cap. 8.* vbi post commendatam Hospitalitatem omnibus beneficiarijs tam sæcularibus, quam Regularibus subiungit. *Illis verò qui Hospitalia vulgo nuncupata, seu alia pia loca ad peregrinorum, infirmorum, senum, pauperumque usum præcipue instituta in commendam, administrationem, aut quemcumque titulum, aut etiam Ecclesijs suis unita obtinent, vel si Ecclesiæ Parochiales Hospitalibus forte unita, aut in Hospitalia crecta, earumque patronis in administrationem concessa sint; præcipit omnino, ut impositum illis onus, officiumque administrent, atque Hospitalitatem quam debent, ex fructibus ad id deputatis actu exercent, iuxta Constitutionem Concilij Viennensis, alias in hac eadem Synodo sub fel. record. Paulo III. innouatam, qua incipit: Quia contingit. Quod si Hospitalia hæc ad certum peregrinorum, aut infirmorum, aut aliarum personarum genus suscipiendum fuerint instituta; nec in loco vbi sunt dicta Hospitalia, similes personæ, aut perpauca reperiantur, mandat adhuc ut fructus illorum in alium pium usum, qui eorum institutioni proximior sit, ac pro loco, & tempore utilior conuertantur, prout Ordinario cum duobus de Capitulo, qui rerum usu peritiores sunt, per ipsum deligendis, magis expediri visum fuerit, nisi aliter forte, etiam in hunc euentum in eorum fundatione, aut institutione fuerit expressum, quo casu, quod ordinatum fuit, obseruari curet Episcopus, aut si id non possit, ipse, prout supra, utiliter provideat. Itaque si prædicti omnes, & singuli cuiuscumque Ordinis, & Religionis, & dignitatis etiam si laici fuerint qui administrationem Hospitalium habent, non tamen Regularibus subiecti, vbi viget Regularis Observantia ab Ordinario moniti, Hospitalitatis munus, adhibitis omnibus ad quæ tenentur, necessarijs, re ipsa obire cessauerint; non solum per Ecclesiasticas censuras, & alia Iuris remedia ad id compelli possint: sed etiam Hospitalis ipsius administratione,*
curauit

curae perpetuò priuari possint; alijsque eorum loco ab ijs ad quos spectabit substituantur. Et praedicti nihilominus, etiam ad fructuum restitutionem quos contra ipsorum Hospitalium institutionem perceperunt, quae nulla eis remissione, aut compositione indulgeantur, in foro conscientiae teneantur, nec administratio, seu gubernatio huiusmodi locorum uni, & eidem personae ultra triennium deinceps committatur, nisi aliter in fundatione cautum reperiatur, non obstante, quoad omnia supradicta, quacumque unione, & exemptione, & consuetudine in contrarium, etiam immemorabili, seu privilegij, aut indultis quibuscumque. Super quæ Rodriguez, vt supra sic habet: Vnde Praelati Regulares debent curare, vt in Hospitalitate non is habeatur delectus personarum, vt diuites potissimum inuitentur, qui cum scenore reddant quod acceperunt. Sed cum Regularium personarum domus nemini quantum per facultates licuerit clausas esse deceat, profecto illis maxime patere, debent qui Dei voce, Sanctorum Patrum cohortationibus, exemplis, Sacrorum Conciliorum praecepto, & auctoritate nobis commendati sunt. Qua in re ne ulla fraus fieri possit, ineatur aliqua ratio Praelato Regulari probanda, quae ei constare possit, in quas personas, fructus illi erogati fuerint. Quos autem compererit Praelatus, vel iniique distribuendo, vel in suorum commodum conuertendo, vel inutilibus, & superuacaneis sumptibus faciendis male in administratione versari, eos pro modo culpa puniat, & ad restitutionem legitime compellat, & ab officio etiam si ei videbitur amoveat. Hæc ibi.

II Ex quo fit quod quamvis Hospitalia Regularium propter privilegia quorundam ex ipsis exempta essent omnino ab Ordinariorum iurisdictione, sicut & alia loca ipsorum, modo tamen post Concilium Tridentinum standum est praedictis decretis ipsius, pro quo etiam Armendariz *in addit. ad recopilationem legum Nauarrae lib. 1. tit. 6. de visitat.* & Barbosa *in Collectan. Bullar. verbo Hospitalarius*, has referunt declarationes Sacrae Congregationis Concilij. Prima, Hospitalia omnia, & pia loca quocumque nomine nuncupentur, etiam si sint priuata laicorum, potest Episcopus visitare, corrigere, & reformare in casibus à lure concessis, scilicet ob negligentiam, vel ob dilapidationem bonorum, utque testatoris voluntas seruetur. Secunda. Hospitale aliquod visitare volenti si opponatur exceptio quod sub immediata Regum protectione existat, non ad saecularem Iudicem, sed ad ipsum Episcopum talis exceptionis cognitio, & definitio pertinet. Tertia, Hospitalium sub immediata Regum protectione existentium nomine non comprehenduntur,

duntur, nistea quæ expressè reperiuntur sub immediata Regum protectione. Quarta, Hospitalia etiam vnita in quibus Ecclesiæ sunt, vbi assidue diuina Officia celebrantur, & bona eorum non sunt distincta, debent ab Ordinarijs visitari. Quinta, Hospitalia, & cætera loca pia visitat Episcopus vigore Concilij sess. 22. cap. 8. de reform. Sexta, Hospitalis computa, stante consuetudine, Episcopus vnâ cum Magistro prædicti Hospitalis recognoscere tenetur. Aliam etiam eiusdem Sacræ Congregationis declarationem, refert Barbosa super Concil. Trid. sess. 22. cap. 8. quæ constat declaratum fuisse Episcopum Abulensem posse visitare quoddam Hospitale de Olmedo, non obstante quod administratio illius ad Religiosos S. Hieronymi spectabat. Vide etiam alias S. Congregationis declarationes apud eundem Barbosam in *Collectan. Bullar. verb. Administratores* circa obligationem, quam habent administratores Hospitalium ad reddendam rationem Episcopis.

12 Quoad regularem tamen obseruantiam eorum Regularium qui Hospitalibus assunt, non subiiciuntur Ordinarijs. Ideo enim declaratum fuisse videtur ab eadem S. Congregatione Hospitalia administrata à Fratribus B. Ioannis de Deo non esse exempta à iurisdictione Ordinarij, nisi solum quoad regularem obseruantiam. Barbosa in *Collect. Bullar. verbo Hospitalarius*.

13 Pro prædictis autem Fratribus B. Ioannis de Deo extat decretum S. Congreg. Episcop. & Regular. quo decernitur, non posse per Ciuitates, & oppida deferre pallium, sed in itinere, dumtaxat, cum pileo nigro, dummodo pallium huiusmodi sit coloris habitus cum bauaro nigri coloris, & latitudinis sex digitorum, eique sporta semper superferatur. Barbosa in *Collectan. Bullar. verb. Fratres B. Ioannis de Deo*.

14 Pro habitu etiam ab ipsis deferendo extant decreta Summorum Pontificum Pij v. Sixti v. Gregor. xiv. S. Congregat. & executoria quædam in Hispaniâ supremo Consilio Matriti obtentæ, de quibus Rodrig. to. 1. *quæst. Regul. q. 76. art. 4.*

15 Hospitalium administrationes, siue Rectoriæ si habeant spirituales functiones, curam scilicet animarum, Sacramentorum administrationem &c. materia sunt simoniæ, & si vendantur, aut emanent peccatum simoniæ committitur. Quia sunt res spirituales. Si autem tantum habeant temporales functiones, curam videlicet infirmorum, vel gubernationem æconomicam domus, vel familiæ, quamuis non sint materia simoniæ iuris naturalis, aut diuini, cum nullam spirituales functionem includant, vt supponitur, videtur tamen esse materia simoniæ iuris

iuris Ecclesiastici, ex c. *Saluator* 1. q. 3. vbi videtur prohiberi venditio officij administratoris rerum Ecclesiasticarum, qualia sunt bona Hospitalium Religiosorum, de quibus in presenti. Suarez *to 1. de Relig. lib. 4. de Simonia cap. 27. à num. 11.*

16 Bona Hospitalium pertinentium ad Regulares alienari non possunt, nisi loquendo de bonis mobilibus non præiosis, & modo, quo dictum est *tom. 1. cap. 10. à num. 1. & in hoc 2. tom. cap. 19. à num. 54.* Sunt etenim bona Ecclesiastica, & Regularium, vnde de illis eodem modo philosophandum est, ac de alijs bonis Regularium. Imò & bona cuiuscumque Hospitalis auctoritate Episcopi fundari, & erecti alienari nequeunt sine solemnitate à iure requisita. Sunt enim, vel censentur esse bona Ecclesiastica piorum locorum. Quaranta in *Summ. Bullar. verb. Alienatio nu. 28. & 41. Bonacina de contractib. disp. 3. q. 8. punct. 4. num. 21.*

17 Rectores Hospitalium Regularium imò etiam aliorum Hospitalium auctoritate Ordinarij erectorum gaudent privilegio fori, non solum si illi Regulares sint, sed etiam si tales non fuerint, quia censentur personæ Ecclesiasticæ, sicut, & ipsa Hospitalia Ecclesiastica sunt. Barbosa *de offic. & potest. Episcopi allegat. 12. num. 40. Diana Tract. 1. de immunit. Ecclesiast. resol. 66.*

18 Declaratum est à S. Congregatione apud Quarantam in *Summ. Bullar. verb. Monasteria, & Conventus §. quoad transitum,* & Barbosa in *Collectan. Bullar. verb. Clausuales*, non licere Regularibus Clausuralibus transire ad non Clausuales Hospitalarios ex vi licentiarum generalium transeundi ad quamlibet Religionem. Si tamen Hospitalarij fuerint Clausuales, credo non comprehendi hoc decreto, quod solum loqui videtur de non clausuralibus.



SUMMARIUM CAP. VII.

Eremita nomen unde sumptum. num. 1.

Tria personarum genera comprehendit. ibid.

Qui tria vota substantialia Religionis non emittunt, Religiosi non sunt. nu. 2.

Possunt tamen analogice, & aliquo modo Religiosi nuncupari. ibid.

Vnde nec sunt inhabiles ad matrimonium. num. 3.

Nec modus viuendi illorum irritat matrimonium. ibid.

Testamentum condere possunt. ibid.

An sint dicendi persona Ecclesiastica. num. 4.

An gaudeant priuilegio fori num. 5.

An priuilegio Canonis. nu. 6.

An exemptione à gabellis. nu. 7.

Qui sint illi de quibus declaratum est à S. Congregatione non esse tollerandos ab Ordinarijs. nu. 8.

Modus viuendi quorundam istorum expositus est multis periculis. ibid.

Qui votum vite Eremitice promiserunt an validum sit eorum votum. nu. 9.

Qui, & quando tenentur illud adimplere. ibid.

Vita Eremitica commendata est Iure communi. ibid.

Quid ad hoc requiratur. ibid.



De Eremitis , eorumque obligationibus , & privilegijs .

Cap. VII.



REMITARVM nomen quod ab Eremita, seu solitudine sumptum est (idem enim est Eremita, ac Eremiticola) tria personarum genera in præfenti denotare potest. Primum, Religiosorum qui vel propter vitam Eremiticam, quam in prima sui institutione gesserunt, vel quia etiam modo in locis desertis degunt, Eremitæ vocantur, quales sunt non solum Carmelitæ, qui Eremitæ Montis Carmeli ob talis Montis habitationem in Bullis Pontificum nuncupantur, & modo aliqui ipsorum (Patres videlicet Discalceati) magna cum populi Christiani ædificatione in quibusdam Eremitis commorantur, Augustiniani, qui etiam Eremitæ dicuntur, Camaldulenses, Eremitæ S. Hieronymi B. Petri de Pisis, Montis Senarij, & alij huiusmodi. Secundum, eorum qui etsi tria vota substantialia Religionis non emittant, tamen sub speciali obedientia alicuius Superioris Ecclesiastici v. g. Episcopi, ex voto, vel pacto alicui Ecclesiæ, Eremitorio, vel loco sacro deputati deseruiunt, vel in communitate, vel separatim. Tertium, eorum qui neque sub obedientia speciali alicuius Superioris Ecclesiastici, neque ex professione alicuius Regulæ, vel Religionis institutione, sed ex mera voluntate in Eremitis, aut locis desertis morantur. De hoc secundo, & tertio genere Eremitarum loquimur in præfenti, eo quod aliquam speciemus Religiosorum formam seruent, nam de primo cum verè Religiosi sint sub Monachis, vel Mendicantibus comprehensi, satis est dictum in superioribus. Siluester *verb. Eremita*, Suarez 4. *tom. de Relig. tract. 9. lib. 1. cap. 2.*

2 Non sunt prædicti Eremitæ verè, & propriè Religiosi. Cum tria vota Religiosi substantialia non emittant, nec profiteantur aliquam Regulam approbatam, vel dato quod castitatem, aut aliquod genus paupertatis, vel obedientiæ promittant, id est mere priuatè, & non solemniter, sed per modum voti simplicis. Suarez 4. *to. de Relig. tract. 9. lib. 1. cap. 2.* Possunt tamen secundum quid, analogicè, & lato modo Religiosi nuncupari si aliquod,

aliquod, vel aliqua ex votis essentialibus Religionis emittant quatenus imperfectè, & incomplete rationem status Religiosi participant. Idem Suarez *to. 3. de Relig. lib. 2. cap. 2. num. 18.*

3 Vnde etiam nec sunt inhabiles ad matrimonium contrahendum, nec modus ille viuendi irritat matrimonium ratum: cum hæc sint solum priuilegia votorum solemnium, quæ in Religione approbata emittuntur. Si tamen votum simplex castitatis emiserunt, illicitè matrimonium contrahent, sicut generaliter per votum simplex castitatis non dirimitur, sed impeditur matrimonij contractus. Cornexo *tom. 2. in 3. p. tract. 6. de impedim. matrim. dub. 40.* Hinc etiam testamentum condere possunt, seu testari, cum non sint Religiosi, nec tribus substantialibus votis Religionis ligati. Siluester *verb. testament. 1. q. 3.* Molina *tom. 1. de iust. disp. 141. colum. 1.* Sanchez *lib. 7. in decalog. cap. 8. num. 40.*

4 Eremitæ tertij generis assignati non sunt dicendi personæ Ecclesiasticæ, nisi alias sint sacris initiati, cum nec Religiosi, nec Clerici sint, nec specialiter Deo dicati, aut alicui ministerio Ecclesiastico additi. Rodriguez *tom. 2. quest. Regul. q. 62. art. 20. & to. 3. q. 74. ar. 11.* Eremitas autem secundi generis existimo inter personas Ecclesiasticas numerari debere, cum sub obedientia speciali Superioris Ecclesiastici specialiter Deo dicati, & ministerio Ecclesiastico destinati viuant, vt propterea ab aliquibus, infra num. 6. referendis priuilegio etiam Canonis perfrui dicantur. Layman. *in Theolog. mor. lib. 1. tract. 5. par. 2. cap. 5. num. 4.* Lauretus de Franchis *in controuers. Episcop. & Regul. in quest. q. 41.* vbi etiam idem videtur dicere de Eremitis secundi generis.

5 Nec gaudent priuilegio fori, sed subiecti manent potestati sæculari prædicti Eremitæ tertij generis, nisi forsan in sacris constituti sint, propter dicta supra, quia scilicet non sunt personæ Ecclesiasticæ, aut sub obedientia Ecclesiastici Superioris, aut Deo specialiter dicati, vel alicui ministerio Ecclesiastico additi viuant. Rodriguez *tom. 2. quest. Regul. q. 62. art. 20.* Eremitas autem secundi generis probabile est, propter oppositam rationem, priuilegio fori gaudere, sicut etiam priuilegio Canonis, vt infra dicetur. Fauent Barbosa *de offic. & potest. Episc. allegat. 12. num. 43.* Lauretus de Franchis *num. preced. relatus.*

6 Eodem etiam modo de priuilegio Canonis philosophari potest, ita scilicet, vt Eremitæ tertij generis assignati illo non fruantur, nec illos percutientes in sententiam excommunicationis incidant; nisi forsan in sacris constituti fuerint. Eremitas autem

autem secundi generis prædicto privilegio potiri. Ratio est ex dictis, quia isti, & non illi sunt personæ Ecclesiasticæ Deo specialiter dicatæ, & Ecclesiastico obsequio addicti. Suarez tom. 5. in 3. p. disp. 22. sect. 1. num. 22. Nauarrus in man. cap. 22. num. 79. Layman. in Theolog. mor. lib. 1. tract. 5. par. 2. cap. 5. num. 4.

7 Pari modo de exemptione à gabellis, collectis, & tributis videtur dicendum, ita ut Eremitæ secundi generis, sicut privilegio Canonis, & fori potiuntur eò quòd sint personæ Ecclesiasticæ, sic etiã propter eandem rationem, exemptione hac à gabellis, & tributis gaudeant, Eremitæ autem tertij generis, propter oppositam rationem, non fruuntur hac exemptione. Faut Barbofa de offic. & potest. Episcop. alleg. 12. num. 42. & 43.

8 Ex quò fit declarationem Sacræ Congregationis Episcoporum, & Regularium quam affert Barbofa in Collect. Bullar. verb. Eremita qua dicitur, Eremitas tam sæminas quam viros Eremiticam vitam ducentes non esse tollerandos ab Ordinariis, intelligi debere de Eremitis tertij generis, eorum namque modus viuendi multis periculis expositus est, & inter eos multi reperti sunt sceleratè viuentes. Eremitæ autem secundi generis, cum eorum viuendi modus laudabilis sit, & honestus non videntur comprehendi hoc decreto. Vide dicenda nu. sequenti.

9 Ex quo etiã fit quod illi qui voto promiserunt vitam Eremiticam gerere, si de vita quam gerunt Eremitæ secundi generis intelligatur, votum validum est, & obligatorium, cum sit de re honesta, & laudabili. Si autem de vita quam gerunt Eremitæ tertij generis intelligatur, votum videtur nullum, quia est de re non solum periculosissima sed etiã quæ videtur ab Ecclesia reprobata, ut patet ex decreto Sacræ Congregationis Episcoporum, & Regularium adducto. Fateor quidem quod si aliquis in orationis, & aliarum virtutum exercitio satis versatus amore vitæ solitariae, & contemplationis in ipsa exercendæ tale votum emisisset, accedente Ordinarij consensu, teneretur illud adimplere. Quia in tali persona modus ille viuendi melior esset, & accedente consensu Ordinarij videretur permissus. Sanchez lib. 4. operis moral. cap. 16. num. 10. Præsertim quia vita Eremitica commendata videtur iure cõmuni, ut patet 16. q. 1. si quis vere, ubi sic: Qui venit purèque solitariam eligunt vitam, digni sunt cõmuniati honore. Videtur tamen ad hoc requiri viuere sub obedientia Episcopi, vel Ordinarij, ut colligitur ex 11. q. 3. ca. si autem, & dist. 93. ca. nulla ratione. Vide Lauretum de Franchis in Controuers. Episcop. & Regul. in quest. 4. 41.

SYM MARIVM CAP. VIII.

- Conuersi, Laici, Donati, Oblati, seu Commissi quis sint. nu. 1.
 Quae tria vota substantialia emittunt sunt verè Religiosi. num. 2.
 Qui ea non emittunt, etiam si vnum, vel duo, non sunt veri Religiosi. nu. 3.
 Requiritur etiam quod tria vota sub approbata Regula emittant. nu. 4.
 Dicuntur personae Ecclesiasticae simpliciter, vel aliquo modo, iuxta ipsorum conditionem. nu. 5.
 An gaudeant priuilegio canonis. num. 6.
 An priuilegio fori. nu. 7.
 An exemptione à gabellis, & tributis, & quae conditiones ad id requirantur. nu. 8.
 Qui sint illi qui non sunt veri Religiosi. num. 9.
 Vxorati an possint esse oblati. num. 10.
 Quid exigatur ut fruantur priuilegijs fori, & immunitatis à gabellis. num. 11.
 An sint capaces proprij. nu. 12.
 Conditiones ad eos ex Conc. Trident. requisitae. num. 13.
 Cui acquirant. num. 14.
 Qui censentur bona etiam futura Monasterio dedicasse. num. 15.
 An possint testari. nu. 16.
 Ad quem deueniant bona Oblati grauati onere quod transeant ad aliquem tertium si sine filijs decesserit. num. 17.
 An possint ad Pralatias, seu dignitates Ordinem assumi. num. 18.
 Quid si statuta Religionis id permittant. ibid.
 An possint esse socj, aut discreti, habere vocem aeliam. nu. 19.
 Quae officia possunt habere. num. 20.
 An possint ad alias Religiones transire. nu. 21.
 An debeant permitti ad sacros Ordines promoueri. nu. 22.
 Quid si aliquis oppositum fecerit. ibid.
 Tenentur ad certas Orationes recitandas. num. 23.
 Decreta Clem. VIII. & Vrban. VIII. pro ipsorum receptione, educatione, &c. num. 24.
 Quomodo intelligenda. ibid.
 Non possunt Conuersi recipi, aut professionem emittere nisi in Conuentibus approbatis à S. Congregat. nu. 25.
 Quid si aliqui contra formam praedicti decreti fuerint recepti, aut professi. ibid.
 Poena contra transgressores. nu. 26.

Gratia

Gratia concessa per SS.D.N.Vrbanum Carmelitis. num.27.

Quomodo intelligenda prædicta decreta. num.28.

Circa faminas Oblatas, seu Donatas, quid declaratum nu.29.

Quibus privilegijs gaudeant Conuersi. nu. 30.

Quibus gaudeant Oblati, seu Donati maxime Carmelitarum, ibid.

Quid de aliorum Ordinum Oblatis, & Donatis. nu.31.

Quid de feminis, seu Nouitijs. ibid.

Quomodo intelligatur privilegium Gregor. IX. pro Oblatis Carthusiensium, & Sixti IV. pro Oblatis Carmelitarum, & Eremitarum S. Augustini. num. 32.

Concessio Calixti III. pro Conuersis. num. 33.

Item alia Leonis X. ibid.

An valeant hoc tempore. ibid.

Concessio Sixti IV. pro Conuersis Augustinianis. ibid.

An iure communi possint Conuersi tangere sacra vasa, & vestes &c. num.34.

Concessio pro Conuersis Bigamis, aut homicidis. num.35.

Quid de illa sentiendum. ibid.



De Conuersis, Laicis, Oblatis, Donatis, seu Commissis Regularibus, eorumque Iuribus, Obligationibus, & priuilegijs.

Cap. VIII.



CONVERSI siue Laici illi dicuntur, qui se, & sua Religioni obtulerunt, habitu mutato, professione emissa, extra Chorū tamen, & obsequijs humilioribus Monasteriorum sunt addicti. Oblati verò, seu Donati, aut Commissi; quī etiam apud nostros vocantur Semifratres, ij sunt qui se, & sua dicarunt Monasterio, habitu tamen non mutato saltem simpliciter. Abbas in cap. non est de Regul. Rodriguez tom. 3. quest. Regul. q. 21. art. 1. Sanchez lib. 6. in decalog. cap. 7. num. 9. Rursus huiusmodi Oblati, seu Donati in aliquibus Religionibus, seu locis, tria vota essentialia Religionis emittunt, in alijs verò non nisi duo tantum, vnum, vel nullum. Ii etiam, qui professionem emittunt aliquando id faciunt expleto anno Nouitiatus, vt inter nostros in Prouincijs Hispaniarum, aliquando non nisi post multum tempus ad arbitrium Superiorum, vt in Congregatione RR. PP. Discalceatorum Ordinis nostri, inter quos ad professionem solemnem post sex annos, & ad simplicem post duos admittuntur. Ex 2. par. Constit. cap. 3. nu. 2. & 5. De omnibus ijs sigillatim est modo dicendum.

2 Et primò certum tam Conuersos, seu Laicos, quam Oblatos, Donatos, seu Commissos, esse, & forè verè censendos Religiosos, si tria vota Religionis essentialia, obedientiam scilicet castitatem, & paupertatem promittant, horum enim votorum emissio essentiali Religiosi status constituit, vt saepe visum est tam in hoc quam in 1. tomo huius Summæ. Specialiter cum Gregor. xiiii. anno 1575. pro Congregatione S. Benedicti Vallisioletani declarauerit eos qui in præfata Congregatione sub habitu Donatorum tria prædicta vota emittunt esse verè Religiosos. Rodriguez tom. 3. quest. Regul. q. 69. ar. 8. & q. 52. ar. 7.

3 Sic etiam secundò certum eos ex prædictis qui tria prædicta Religionis vota non emittunt, etiam si vnum, aut duo emitant vota, habitum ordinis deferant, & sub obedientia sint Prælatorum

latorum illius, verè Religiosos non esse, cum in eo quod est essentialè statui Religioso deficiant. Id enim constat ex toto operis huius. discursu.

4 Nec sufficit ad hoc quod prædicti Conuersi, Laici, Oblati, Donati, &c. sint, & dicantur verè Religiosi quod prædicta tria, vota emittant, nisi etiam promittant illa sub Regula aliqua, & Religione approbata, iuxta dicta *tom. 1. cap. 2. num. 1.* & colligitur *ex cap. unico de voto, & voti redempt. in 6.* Vnde si aliquis voueret hoc modo: *Promitto obedientiam castitatem, & paupertatem, nisi adderet secundum regulam huius, vel illius Ordinis &c.* non esset verè Religiosus. Nauarrus *lib. 3. consil. tit. de Reg. consil. 49.* Rodriguez *tom. 3. quæst. Regul. q. 21. ar. 1. & q. 78. art. 2. in fine.* Vbi supponit aliquarum Religionum Oblatos ita profiteri, quod mihi incertum est.

5 Nihilominus tam prædicti Conuersi, Laici, Oblati, Donati, seu Commissi veram professionem dicto modo emittentes quam alij qui non eam emittunt, si tamen se, & sua Religioni perpetuo offerant, & in Monasterijs viuunt habitu aliquid mutato sunt dicendi personæ Ecclesiasticæ. Et quidem loquendo de prioribus res est indubitata; cum illi sint verè Religiosi, Religiosi autem Ecclesiasticæ personæ sint. Barbosa *de offic. & potest. Episc. allegat. 12. num. 38.* & alij quos citat. De posterioribus autem id constat quia sunt personæ Deo dicatæ, & deuotæ, habitu, & habitatione Religiosis similes, multaque de ipsis participant. Couarrubias *in cap. Alma mater 2. par. §. 2. num. 8.* Rodriguez *tom. 2. quæst. Regul. q. 123 art. 1. & tom. 3. q. 1. art. 8.* Si autem huiusmodi Oblati in Monasterijs non viuunt, aut habitum aliquo modo non mutant, solum secundum quid, & largo modo personæ Ecclesiasticæ dici poterunt, cum non censantur personæ Deo simpliciter dicatæ. Glossa *verbo mutato habitu*, & alij Canonistæ quos sequitur Rodriguez *ut supra.*

6 Hinc non solum prædicti Conuersi, Laici, Oblati, seu Donati qui veram professionem emittunt (cum sint verè Religiosi) sed etiam ij qui, ut dictum est, se, & sua Monasterio tradiderunt, & in ipso viuunt, habitu aliquo modo mutato gaudent privilegio Canonis. Si quis suadente, ita ut illos percutientes in excommunicationem incidant. Sunt enim, ut dictum est, personæ Ecclesiasticæ. Quod secus videtur dicendum de ijs qui in domo sua manent. Hostiensis *in cap. non est dubium de sent. excommunicat.* Rodriguez *tom. 3. quæst. Regul. q. 21. ar. 4.*

7 Unde medico, & propter eandem rationem, de privilegio fori, ita scilicet ut eo potiantur non solum ij qui verè professionem emit-

emittunt, sed & illi quoque, qui etsi illam non emittant, se tamen & sua Monasterio tradiderunt, & in eo viuunt habitu saltem aliquo modo mutato. Barbosa *de offic. & potest. Episc. alleg.* 12. n. 39. & alij apud ipsum. Vide tamen conditiones à S. Congregatione ad hoc requisitas de quibus infra *num. seq.*

8 Pariter etiam de exemptione à gabellis, & tributis secularibus exempti sunt Conuersi, & Oblati prædicti qui veram professionem trium vororum emittunt, cum sint verè Religiosi, & Ecclesiasticæ personæ. Flores de Mena *variar lib. 2. q. 21. n. 194.* Barbosa *de offic. & potest. Episcop. allegat.* 12. num. 38. Illi etiam Oblati qui etsi veram professionem non emittant, se tamen & sua Monasterio tradiderunt, & in eo degunt habitu aliquo modo mutato vt dictum est, cum sint verè personæ Ecclesiasticæ, iuxta superius dicta, etiam gaudent eodem priuilegio. Vt autem tam ipso, quam priuilegio fori potiantur animaduertendæ sunt declarationes Sacræ Congregationis Concilij circa hoc, quas referunt Aldan. in *Compend. canon. resolut. lib. 1. tit. 10. num. 14. & 15.* Barbosa in *Collect. Bullar. verb. Oblati.* Prima est, Oblati alicuius Religionis priuilegio, ac exemptione ita deum debent potiri, si in forma iuris valida perpetuo, irrevocabiliter, plene, & cum effectu se ipsos, & bona sua omnia præsentia, & futura, nulla prorsus, quamuis minima eorum portione neque in proprietatem, neque in usufructum sibi reservata, Religioni obtulerint, & habitum aliquo modo mutauerint. Quod si omnia prædicta simul non concurrant, neque fori priuilegio, neque immunitate à secularibus exactionibus frui posse, vt in sequentibus casibus. Primò, cum quis obtulit personam cum reservatione bonorum. Secundò, cum obtulit personam nulla bonorum facta mentione, quippe quæ non includuntur in simplici oblatione personæ. Tertiò, cum obtulit personam, & aliquam tantum partem bonorum quamuis maiorem. Quartò, cum obtulit bona omnia præsentia, & personam reservato usu fructu. Quintò, cum obtulit personam, & bona omnia, præsentia tantum. Sextò, cum obtulit personam, & bona omnia, præsentia, & futura, sed postea à Superiore Religionis aliquam eorum partem quamuis minimam, in emphyteusim recepit. Septimò, cum obtulit bona, vel omnia, vel partem eorum absque persona, quo casu persona offerens fori priuilegio non gaudet, sed bona in Religione cum effectu translata sunt, immunita à vectigalibus, dummodo offerens usum fructum eorum sibi non retineat, eo namque casu bona immunita non sunt, etiam quoad proprietatem. His tamen omnibus casibus quibus Oblati à priuile-

privilegio, & exemptione à iure communi excluduntur, seruanda est cuiusque Religionis consuetudo cuius vigore ipsi tale ius privilegij, vel exemptionis acquisiissent. Secunda, Oblati, qui omnia supradicta adimpleuerint fori privilegio, & supradicta exemptione gaudent, siue ante, siue post, de licentia Superioris Religionis matrimonium contraxerint. Tertia, Oblati etiam quoad delicta ante oblationem commissa fori privilegio gaudent, & à iurisdictione Iudicis laici liberati sunt, puniriq; debent à Iudice Ecclesiastico, si modo absque fraude, idest, non animo effugiendi secularis Iudicis punitionem, se, & sua obtulerint; quod si fraus subsit possunt à Iudice laico puniri pœna confiscationis bonorum, & alia pecuniaria, sed non corporalis, illique remanent subiecti, quoad causam, & bona, sed non quoad personam; debet tamen Iudex Ecclesiasticus, si delicti qualitas id exposcat, tradere tales in fraudem Oblatos Iudici seculari corporaliter puniendos. Aldana, & Barbosa, *ut supra*.

9 Ex huiusmodi autem declarationibus habetur primò id quod *supra num. 1.* dictum est, esse scilicet aliquos ex huiusmodi Oblatis, seu Donatis qui non sunt verè Religiosi, nec tria vota essentialia Religionis emittunt, si quidem supponitur à Sacra Congregatione aliquos illorum proprium habere, & vxorem ducere posse, quæ repugnant verè Religioso.

10 Sequitur secundo posse vxoratos admitti in Oblatos Religionum professionem non emittentes, imò post oblationem factam posse de licentia Superioris Religionis matrimonium contrahere. Intellige tamen si forte votum castitatis non emiserunt. Ita enim supponitur in secunda declaratione adducta. De quo Couarrubias in *cap. Alma mater 2. p. 2. nu. 8.* Rodriguez *to. 3. quæst. Regul. q. 1. ar. 8.* & alij apud ipsum.

11 Sequitur tertio quod ad fruendum privilegio fori, & immunitatis à gabelis, & secularibus exactionibus requiritur, vt oblatio prædictorum sit perpetua, & irrevocabilis, prout habetur in prima declaratione adducta. Estque id iuri communi conforme *cap. per exemptionem de privileg. lib. 6. cap. cum plantare 5. ult. ca. tuarum*. Vt ex communi Doctorum assert Rodriguez *to. 3. quæst. Regul. q. 1. ar. 8.*

12 Sequitur quarto, quod licet tam Conuersi quam Oblati veram professionem emittentes capaces non sint proprii cum sint veri Religiosi, quibus repugnat proprium habere, iuxta dictum *tom. 1. cap. 6. Sanchez lib. 7. in decalog. cap. 34. num. 1.* Illi tamen Oblati, seu Donati qui professionem non emittunt, proprii capaces sunt,

sunt, vt supponitur in prima declaratione S. Congregationis supra adducta. Sanchez *et supra*. Priuantur tamen ab eadem S. Congregatione priuilegio fori, & immunitate à gabellis, & exactionibus secularibus, vt in dicta declaratione habetur.

13 Quia verò in Concil. Trident. *sess. 24. cap. 11.* priuilegia, & exemptiones Oblatis concessa, vel concedenda limitantur solum ad eos qui intra septa Monasteriorum, & sub eorum obedientia viuunt, ideo adhuc quod prædicti Oblati his priuilegijs fruuntur prædicta conditio necessaria est.

14 Similiter licet prædicti tam Conuersi, quam Oblati, seu Donati qui professionem trium votorum faciunt non adquirant sibi, sed Religioni, cum quidquid Religiosus acquirit Monasterio adquirit, iuxta dicta *tom. 1. cap. 6.* nihilominus alij Oblati, seu Donati, qui professionem non emittunt sibi adquirere possunt, quando scilicet non tradiderunt Religioni siue Monasterio nisi solum bona præsentia, non futura, & in eorum bona legitimi ipsorum hæredes succedunt, in ea videlicet quæ Monasterio non obtulerunt. Sanchez *lib. 7. in decalog. cap. 34. num. 1.* Priuantur tamen à Sacra Congregatione verbis adductis nu. 8. priuilegio fori, & immunitate à gabellis, & exactionibus secularibus.

15 Oblati qui tantum simpliciter bona sua Monasterio dedicarunt non censentur dedicasse bona futura, quia in simplici dedicatione bonorum non comprehenduntur, nisi præsentia. Tapia *Auth. ingressi verb. sua cap. 10. num. 14.* Sanchez *lib. 7. in decalog. cap. 34. nu. 1.*

16 Quamuis tam Conuersi, quam Oblati, seu Donati qui veram professionem trium votorum faciunt non possint testari, quia isti sunt veri Religiosi, quibus testari est prohibitum, iuxta dicta *tom. 1. cap. 9.* Nauarrus *comment. 2. nu. 45.* Sanchez *lib. 7. in decalog. cap. 8. num. 41.* & communiter omnes. Oblati autem, seu Donati non emittentes professionem, si aliqua bona sibi reseruarunt de illis testari possunt, cum sint veri Domini ipsorum, secus autem si se, & omnia sua præsentia, & futura Monasterio tradiderunt, cum isti nihil habeant proprium, de quo testari possint. Rodriguez *tom. 3. quest. Regul. q. 69. art. 8.* Nec video quomodo Sanchez, vt supra nu. 42. oppositum dicere possit.

17 Si aliquis fiat Oblatus (ex ijs, qui, vt dictum est, veram professionem non emittunt) grauatus eo onere, vt illius bona transeant ad aliquem tertium si sine filiis decesserit, talia bona non veniunt ad Monasterium. Tum quia adhuc facta tali oblatione potest uxorem ducere, & habere filios, tum quia esto id non esset, priuilegium tamen *auth. de Sanctis. Episcop. §. sed & hoc*

hoc præfenti, vbi deciditur, tali grauato proficiente Religionem illa bona pertinere ad Monasterium, solum loquitur de Religiosis. Angelus *verb. heres num. 16. Tabiena q. 12. nu. 13. Sanchez lib. 7. in decalog. cap. 16. num. 28.* Quid autem sit dicendum si talis Oblatus veram professionem emisisset, constabit ex dicendis c. ult. num. 28.

18 Non possunt præfati Conuersi, seu Oblati quamuis professionem in Religionibus emisissent ad Prælatias, seu dignitates illarum assumi, seu eligi. Quia ad hæc munera non possunt assumi nisi in Sacris constituti, iuxta dicta *tom. 1. cap. 18. num. 5. & cap. 1. de atat. & qualit. & Conc. Trident. sess. 24. cap. 12.* Vnde merito Minores, inter quos prædicti ad dicta munera assumebantur hunc usum reliquerunt in Capitulo quodam Generali, præfente, vt dicitur Greg. 1x. Casarubius *in Compend. priuileg. Mendicant. verb. Laici Fratres.* Si tamen casu aliquo, siue in hac, siue in alia Religione ad prælatias aliquis Conuersus assumatur, de illo philosophandum eodem modo, ac de Abbatissis dictum est *tom. 1. cap. 26.* quod scilicet exercere non posset actus veræ iurisdictionis spiritualis cuius capax non est laicus, vt sunt imponere censuras suis subditis, dispensare in votis illorum, aut illa commutare, bene tamen imponere illis præcepta etiam obligantia ad culpam, iuxta grauitatem, vel leuitatem materiz, cogere ad obseruantiam Regulæ, vel Constitutionum, punire illos propter transgressionem, irritare vota &c. quia hæc pertinent ad potestatem dominatiuam cuius capax est laicus & Conuersus. Suarez 4. *tom. de Relig. tract. 8. lib. 2. cap. 3. nu. 20.* Cornexo *tom. 2. in 3. part. tract. 5. de excommunicat. disp. 2. dub. 5.*

19 Nec possunt in Religionibus prædicti Conuersi, Laici, aut Oblati quantumuis professi, esse socij, aut discreti pro Capitulis Generalibus, aut Prouincialibus, seu esse Definidores, aut illa munera exercere, quibus annexum est habere vocem actiuam, aut passiuam pro electionibus Prælatorum, qualia sunt esse socios, seu assistentes Generalium, vel Prouincialium. Ratio fumitur ex *Clement. vt ij qui de atate, & qualitate*, ac ex Concil. Trident. *sess. 22. cap. 4.* vbi habetur, nullum habere vocem in Capitulis nisi in Subdiaconatus Ordine ad minus constitutus sit, etiam si hoc sibi ab alijs libere concedatur. Cum ergo prædicta munera importent facultatem habendi vocem in Capitulis pro electionibus Prælatorum non poterunt competere Laicis Conuersis, seu Oblatis prædictis: Rodriguez *to. 1. quest. Regul. q. 15. ar. 2.* Vide dicta *tom. 1. cap. 15. num. 3. & 4.* Pro electionibus
S
aut era

autem aliorum Officialium Conuentuum facilius tolerari potest consuetudo si legitime præscripta sit in aliquibus Religio-
nibus quod prædicti ad illas vocentur, & in illis habeant
vocem.

20. Possunt nihilominus prædicti Laici, Conuersi, Oblati &c.
habere in Religionibus officia alia manualia quibus nec com-
petit cura animarum, nec est annexum habere vocem actiuam,
vel passiuam pro electionibus Prælatorum, ut sunt esse Procu-
ratores Monasteriorum, Sacristas, Oeconomos &c. Cum enim
hæc nullo iure prohibeatur illis concedi, aut præcipiatur solum
in Sacris constitutis conferri, ideo si particularia statuta Reli-
gionum non contradicant poterunt ipsis concedi. An verò
Laici, vel Conuersi Sacristæ munus gerentes possint tangere sa-
cra vasa, corporalia aut vestes dicetur inferius num. 33. & 34.

21. Conuersi, Laici, seu Oblati, &c. professi possunt ad alias Re-
ligiones transire, sicut, & alij Religiosi, iuxta dicta *tom. 1. cap. 22.*
& cum conditionibus ibidem assignatis. Suarez 4. *tom. de Relig.*
tract. 8. lib. 3. cap. 10. nu. 1. De Oblatis autem, seu Donatis non
emittentibus professionem trium votorum, sed se, & sua Mona-
sterio donantibus aliqui dicunt non posse hunc transitum face-
re, quia sunt quasi serui Monasteriorum quibus se donarunt.
Veruntamen sicut fundamentum eorum, est falsum, sic & do-
ctrina. Nec enim sunt serui Monasteriorum, sed pii, & deuoti
oblatores sui, & suorum bonorum ad pias actiones exercendas,
& quamuis hoc faciant per pactum, seu donationem irreuoca-
bilem, habet tamen illam conditionem tacite imbitam nisi
ad meliorem, seu strictiorem Religionis frugem se recipere vo-
luerint, sicut idem contingere dicitur in quacumque obligatio-
ne cum homine facta. Suarez *ut supra num. 2.* Sanchez *lib. 6. in*
decalog. cap. 7. nu. 9. Addit etiam Suarez posse ad quancumque
Religionem ipsos transire, cum enim verè Religiosi non sint,
quæcumque Religio erit perfectior statu quem habent.

22. Non debent permitti Conuersi, seu Oblati etiam professi
ad sacros Ordines promoueri, tum ut sequantur suam vocatio-
nem, iuxta præscriptum Apostoli 1. *Corinthior. 7.* tum ut aufera-
tur ansa, vel occasio ambitionis quæ ut plurimum ad talem pro-
motionem desiderandam eos solet impellere. Vnde in decre-
tis Clement. VIII. pro institutione Nouitiorum in Monaste-
rijs designatis, vel designandis quæ etiam approbata sunt à Sa-
cra Congregatione Concilij sub Sanctiss. D. N. Urbano, &
habentur simul cum decretis de Apostatis, & eiectis dicitur.
Qui ad Conuersorum habitum recepti fuerint, ad Clericorum statum
transire.

transire; etiam durante tempore probationis, non possint. Credo etiam circa hoc omnes Religiones laudabilia statuta habere. Casu autem quo aliquis Conuersus tonsura Clericali fecerit se tonsurari, aut ad Sacros Ordines sine legitima facultate promoueri, his omnibus iure priuandus est. Tum quia inobediens, & rebellis non debet esse potioris conditionis quam obediens, ac per consequens iste non debet esse potioris conditionis quam alij quieti, & obedientes Conuersi, qui sua professione contenti talia non ambiunt. Tum quia in eo in quo quis deliquit, in eo debet puniri, cum ergo iste peccauerit Ordinibus male susceptis, prædicto modo debet puniri. De quo Casarubius in *Compend. priuileg. Mendicant. verb. Laici Fratres*. Rodriguez *tom. 2. quest. Regular. q. 123. ar. 3.* In eo etiam casu talis Conuersus illegitime ordinatus cui non permittitur tonsura Clericali uti, aut exercere Ordines susceptos non tenetur ad Officium diuinum more Clericorum recitandum, iuxta dicta *tom. 1. cap. 12. num. 4.* cum solum ad illud teneantur Religiosi Choro addicti, aut pro Ordinatis admissi. Casarubius *ut supra.*

23 Tenentur Conuersi, Laici, Oblati, seu Donati ad certas orationes Pater noster, & Aue Maria, iuxta institutum Regulæ, vel Constitutionum suorum Ordinum, iuxta dicta *tom. 1. cap. 12. num. 4.* Quanta autem, aut qualis sit obligatio illas recitandi, qualeue peccatum illas omittere, ex dictis eodem *tom. 1. cap. 7. & 8.* ubi agitur de obligationibus Religiosorum ratione Regulæ & Constitutionum pensari debet.

24 Pro receptione, educatione, seu institutione Conuersorum, Oblatorum, seu Donatorum qui professionem veram triumvotorum emittunt, animaduertendæ sunt Institutiones Clement. VII. approbatæ à Sacra Congregatione Concilij sub SS. D. N. Urbano VII. & habentur cum decretis eiusdem S. Congregationis de *Apostatis & eis*, quæ sunt huiusmodi, præter alias ibi assignatas pro omnibus Nouitijs, siue Clericis, siue Conuersis. Prima, si quis annum 25. excedens ad habitum regularem admitti postulauerit, & talis eruditionis expertus inuentus fuerit, in Conuersorum tantum, quibus litterarum scientia non est necessaria numerum referatur: ipsi autem Conuersi non recipiantur ante 20. ætatis suæ annum; & nisi saltem præcipua doctrinæ Christianæ capita nouerint. Secunda, quia quarundam Religionum mos est nedum Conuersos ad professionem admittendos, verum, & Oblatos, ut vocant, recipere, circa ipsorum Oblatorum receptionem vnaquæque Religio suas peculiare Constitutiones; specialiaque instituta obseruare teneatur.

casarub.

S 2

Tertia,

Tertia, cum autem, licet Clericorum bene instruendorum cura debeat esse præcipua, Conuersorum tamen religiosa instructio non sit prætermittenda, quin potius æquanimiter amplexanda, quandoquidem satis exploratum est istorum etiam, cum Regulam profiteantur eandem, perfectam educationem, tum religioni decorem, & ornamentum, tum alijs Christi fidelibus ædificationem, exemplum, atque utilitatem afferre. Conuersis ipsis à Clericorum nouitiatu separatus ad dormiendum locus (quantum commodè fieri poterit) assignari præcipitur. Illi tamen hac separatione non obstante Magistro Nouitiorum, seu Superioribus Monasteriorum, & Conuentuum, iuxta cuiusque Ordinis statuta, & Constitutiones subditi esse, & obedientiam præstare debebunt, à quo non tantum circa corporalia obsequia probandi, & exercendi, verum etiam, pro eorum capacitate, & commoditate, de spiritualibus, præsertim de modo mentaliter orandi, diligenter instruendi erunt, quod ut commodius fiat ad Capitula, & spirituales conciones, quæ per Magistros Nouitijs fieri solent, accersiri debeant, & in Ecclesijs statutis horis conueniant, nisi tunc in suis officijs actualiter occupati fuerint. Tempore verò probationis elapso, ij tantum qui non solum, religiosa perfectionis capaces, sed ad laborem corporalem apti nouo, ac diligenti examine reperti fuerint (dummodo ætatis suæ annum, quoad Clericos decimum sextum, quo verò ad Conuersos vigesimum primum exceßerint) ad professionem admittantur. Sed qui ad Conuersorum habitum recepti fuerint, ad Clericorum statum transire, etiam durante tempore probationis, non possint. Superior cuiuslibet Conuentus in quo Nouitiatus fuerit constitutus, particularem librum habeat in quo vniuscuiusque Nouitij professio registretur, illamque Nouitius professus propria manu, & duo testes qui præsentès fuerint subscribant. Conuersus verò litterarum ignarus professus in eorumdem testium qui se subscripserint præsentia, propria manu signum Crucis apponat, asserueturque liber, & custodiat in Archiuo, vbi scripturæ ad Monasterium, seu Conuentum pertinentes reponi consueuerunt. Circa quæ decreta, seu Institutiones illud generaliter animaduertendum duxi, illa non videri obligare nisi solum pro Conuentibus designatis, seu designandis à Sede Apostolica pro Nouitiatibus, ut patet, tum ex titulo illis præfixo, tum ex §. 1. & 2. vbi videtur solum sermonem esse de prædictis Conuentibus. Quare cum decretum Clemen. VIII. de non recipiendis Nouitijs nisi solum pro Conuentibus designatis, non obliget nisi in Italia, & in insulis adiacentibus, solum

solum ibi obseruandæ erunt prædictæ Institutiones . Similiter cum ab obseruatione talis decreti Clementis viii. excipiantur Carthusiani, Minores strictioris obseruantia, Capuccini S. Francisci, Reformati S. Dominici, Discalceati Carmelitarum, Fulienfes, Eremitæ Eremitæ Camaldulensis, & Montis Coronæ, Clerici Regulares Theatini, Societatis Iesu, S. Pauli decollati, Somaschi, & Ministri infirmorum, ideo etiam exempti videntur ab obligatione harum Institutionum cum illæ, vt dixi, solum pro Conuentibus à Sede Apostolica designatis, seu designandis pro Nouitiatibus editæ videantur .

25 Non possunt Conuersi, etiam si imperfectum habitum, aut sine capuccio gerant in Religionibus quibuscumque siue Mendicantibus, siue non Mendicantibus (præter assignatas num. præcedenti) in Italia, & Insulis adiacentibus recipi nisi in Conuentibus assignatis pro Nouitiatibus à Sede Apostolica, & receptiones, ac professiones illorum extra dictos Conuentus factæ irritæ sunt, & nullæ, iuxta dicta tom. i. cap. 24. num. 23. Quia tamen vt ibidem num. 24. dictum SS. D. N. Urbanus viii. pro remedio illorum qui illegitimè, & inualidè professionem fecerant non habito Nouitiatu in prædictis locis designatis Motu proprio prouidit, vt de nouo ad professionem admitterentur; & cum huius rei occasione multi professi ad sæculum redire vellent, nouissimè Sacra Congregatio Concilij anno 1636. huic malo prouidere volens statuit. Quod si aliqui contra formam præfatorum decretorum recepti, & professi è Religione infra quinquennium exire, vel Superiores extra eam respectiue illos eijcere voluerint, eadem Sanctitas sua decreuit, vt tam ipsi professi quam Superiores respectiue teneantur iura, quæ sibi fauere visa fuerint, prius deducere coram eadem Sacra Congregatione, quæ ex speciali etiam suæ Sanctitatis facultate super hoc concessa prouidebit . Inhiben. propterea Primatibus, Patriarchis, Archiepiscopis, Episcopis, Abbatibus, & Prælatibus inferioribus iurisdictionem exercentibus, ac quibuscumque Iudicibus Ordinarijs, & delegatis etiam causarum Palatii Apostolici Auditoribus, & Sacræ Romanæ Ecclesiæ Cardinalibus, etiam de latere Legatis, Sedisque Apostolicæ Nuncijs, ne in posterum, in hoc quoquomodo se ingerant absque speciali eiusdem Sanctitatis commissione, sub pœna ipso facto incurrenda, quoad Episcopos, Archiepiscopos, Patriarchas, & Primates interdicti ab ingressu Ecclesiæ, quoad Abbates, Prælatos inferiores, ac alios Iudices prædictos excommunicationis lata sententiæ, quo verò ad Nuncios, & ad Sacræ Romanæ Ecclesiæ Cardi-

Cardinales, etiam de latere Legatos indignationis suæ Sanctitatis, & pœnarum arbitrio eiusdem imponendarum. Hæc ibi.

26 Item ibidem pro maiori cautela contra delinquentes statuit, ac decreuit quòd si iidem, vt supra, recepti, & professi iuribus suis minimè deductis coram Sacra Congregatione Concilij, & sine illius expressa licentia è Religione eicte, vel Superiores Religionis eos eicere ausi fuerint, ipsi recepti, & professi, tanquam Apostata puniantur, & pro talibus habeantur; nec non contra eosdem, iuxta formam decreti de Regularibus Apostatis, & eicctis, eiusdem Sanctitatis suæ iussu ab eadem Sacra Congregatione sub die XXI. Septembris 1634. editi procedatur, & Superiores, qui eiecerint pœnam suspensionis à diuinis; nec non priuationis omnium Officiorum quæ tunc obtinebunt, ac perpetuæ inhabilitatis ad ea in posterum obtinenda, vocisque actiue, & passiue ipso facto absque alia declaratione incurrant. Hæc ibi. Circa quæ decreta id maximè notandum, quod licet stando in rigore illorum verborum *recepti, & professi* per ea non videantur comprehendendi nisi ij solùm, qui in locis, seu Conuentibus non designatis pro Nouitiatus recepti, aut professi fuerint, non verò ij qui etsi recepti, & professi fuerint in dictis locis, seu Conuentibus designatis, nihilominus cursum Nouitiatus peregerunt in alijs locis non designatis (quod idem dico de decretis Clem. VII. adductis tom. I. cap. 24. num. 23. quia in eis, stando in rigore verborum solùm videtur prohiberi admissio ad habitum, receptio seu professio in Conuentibus non designatis, non verò Nouitiatum agere, aut habere, ita vt qui in Conuentu deputato fuit receptus, & professus, etiam si in non deputato Nouitiatum peregerit, validè professus videatur) attendendo tamen ad Motum proprium SS. D. N. Urban. VII. quod dicto cap. 24. num. 24. attulimus, & per quod explicantur dicta decreta Clem. VII. dicendum tam per ipsum, quam per decreta prædicta comprehendendi non solùm eos, qui recepti, & professi fuerint in locis non designatis, sed etiam illos, qui in talibus locis non designatis Nouitiatum peregerunt, etiam si alias in locis designatis recepti, & professi fuerint. Quod constat tum ex illis verbis dicto num. 24. relatis *Annum probationis in Monasterijs, seu domibus Regularium ad id designatis minime fecerunt*, tum ex alijs, quæ sunt in principio illius Motus proprii quibus suam, & Clem. VIII. mentem declarat, quæ sunt huiusmodi. *Cum itaque sicut accepimus quàmplures Ordinum, Congregationum, & Institutorum Regularium professores ad habitum Regularem recepti, probationis annum in Monasterijs, seu domibus*

Regula-

Regularibus ad id designatis, vel ab Apostol. Sede approbatis minime fecerint, proindeque iuxta Conflit. sel. record. Clement. Papa VIII. prædecessoris nostri de super editam professio per eos subinde emissæ inualida existat. Nos Religiosos prædictos &c. Tum denique exitulo præfixo ipsi Morui proprio, qui est, super professionibus per Regulares emissis, non factio in locis designatis Nouitiatu. Quare dicendum, iuxta mentem tum Ss. D. N. Urbani, tum Clem. vii. eos, qui in locis non designatis Nouitiatum peregerunt, etiamsi in eisdem habitum susceperint, aut professionem emisserint, dictis decretis comprehendi.

27 Non obstante etiam tali decreto de non admittendis ad professionem Nouitijs etiã Conuersis, nisi in locis à Sede Apostolica designatis pro nostro Ordine obreantur à Ss. D. N. Urbano per Breue speciale anno 1634. negotio prius commissio S. Congregationi Regulari, & Eminentissimo Cardinali Ginetto, ut alij Conuentus designarentur videlicet. In Prouincia S. Alberti in Sicilia Conuentus Placiz, Melatij, Sicli, Siracusæ, Mazzarini; In Prouincia Romana Conuentus Transpontinæ, S. Martini in Montibus, Præneste, Velitrarum, Roncilionis; In Prouincia Lombardiæ Conuentus Mediolani, Cremonæ, Nouariæ, Montis Calerij, Nouarum; In Prouincia Venetiarum Conuentus Vicentiæ, Roboreti, Dezenfani; In Prouincia Thufciæ, Conuentus Pifarum, Prati, Montis Politiani, Emporij; In Prouincia Romandiolæ, Conuentus Anconæ, Cæsenæ, Arimini, Senogalliz; In Prouincia Neapolis, Capuæ, Nuceriæ, Apuliz, Beneuenti, Salerni, Auerfæ; In Prouincia Apuliæ Conuentus Licij, Bitunti, Neriti, Baruli, Monopolis; In Prouincia S. Angeli in Sicilia, Conuentus Marsalæ, Alcamì, S. Nicolai de Bononia, Calatanixete, Racalbuti; In Prouincia Calabriæ Conuentus Cosentiz, Rhegij, Caroleorum, Catanzarij; In Prouincia Aprutij Conuentus Terami, Ortonæ, Bilantis; In Grancijs Conuentus Neapolis, Conuentus Summæ, Surrenti, & Concordiæ. In quibus possint recipi, & admitti ad habitum, & expleto probationis anno ad professionem Fratres Conuersi, seu Laici, seruata forma decreti Sanctiss. D. N. super receptione, & educatione Nouitiorum vltimo loco editi, nec non felicitis record. Sixti v. ac aliarum Constitutionum Apostolicarum, & decretorum pariter similis memoriæ Clementis viii. Institutionumque generalium super receptione, & educatione eiusdem Clementis, nec non sanct. mem. Pauli v. auctoritate editarum. Hæc ibi.

28 Cum autem in supradictis omnibus decretis solum fiat sermo,

sermo de ijs qui professionem emissuri sunt, ideo quod attinet ad Conuersos, Oblatos, seu Donatos, solum intelligenda erunt de illis qui vt diximus veram professionem trium votorum emittunt, non de Oblatis, seu Donatis qui se, & sua Religioni tradunt nulla facta professione, quare nulla est lex, vel prohibitio quo minus isti Oblati, seu Donati qui professionem non emittunt ad Religionem admitti possint, etiam in Monasterijs, vbi non sunt prædicti Nouitii a Sede Apostolica approbati.

29 De sæminis illis, quæ in Monasterijs Monialium Oblatæ, seu Donatæ nuncupantur eodem modo loquendum videtur, ac de viris Oblatis, seu Donatis, respectiue tamen ad earum sexum. Præter ea autem quæ de ipsis dicta sunt *tom. 1. cap. 25. num. 17.* notandæ sunt aliquæ declarationes Sacræ Congregationis Episcoporum, & Regularium quas refert Barbosa in Collectan. Bullar. verbo *Conuerse*: Prima, Conuersas non habent regulariter Moniales Sanctæ Claræ. Secunda, Conuersæ quæ ad Monasteriorum pauperum subleuamen ad conuersionem eleemosynas mittuntur, 45. ætatis annum excedant, & extra clausuram minimè pernoctent, nisi in casu necessitatis, & tunc hospitio excipiantur in ædibus proximorum consanguineorum, aut aliarum piarum matronarum. Tertia, Conuersæ Moniales ad quæstuum mitti possunt, si aliter Moniales sustentari non possint, dummodo ad minus 40. ætatis annum excedant, non sint pulchræ, nec modo aliquo extra Monasterij clausuram pernoctent, & in illis Monasterijs quæ nisi dictas Conuersas ad quæstuum mittunt, manuteneri non possunt, deinceps puellis Monasticum habitum non tradi, nec educationis causa illæ in eis introduci possunt absque Sedis Apostolicæ speciali licentia. Quarta, Conuersæ non debent permitti vt exeant, aut videri se sinant ad effectum claudendi, vel aperienti ianuam Monasterij sed id munus alteri extra clausuram degenti committatur. Quinta, Conuersæ supernumeraria debet prædita qualitatibus necessarijs capitulariter, votisque secretis Monialium admitti, & dorem duplicatam soluere à Conuersis persolui solitam, ac tempore debito professionem emitte. Barbosa vt supra. Pro istis etiam sæminis Oblatis, seu Conuersis vide Rodriguez *tom. 1. quæst. Regul. q. 44. art. 4.*

30 Gaudent prædicti Conuersi priuilegijs suarum Religionum, iuxta dicta *tom. 1. cap. 3. num. 18.* vbi etiam idem dictum est de Oblatis professionem emittentibus, quia sunt verè Religiosi, specia-

Specialiter tamen Gregor. ix. in Bulla *Quoties à nobis*, quæ habetur in 1. tom. Bullar. Laertij inter Bullas huius Pontificis num. 3. Oblatis Carthusianorum concessit vt eisdem libertatibus, & immunitatibus gauderent quibus ipsi Fratres gaudebant. Deinde Sixtus iv. in Bulla *Dum attempta*, quæ est Mare magnum Carmelitarum eorum Oblatis copiosam concessionem fecit omnium privilegiorum Fratribus concessorum illis verbis. *Et ne Oblati, & Oblata eiusdem Ordinis suorum iure deuotionis ad Ordinem ipsum frustrentur effectum, omnia, & singula circa Fratres, & Sorores, & Mantellatas, seu Pinzocheras nuncupatas personas prædictas in præsentibus litteris statuta, concessa, & ordinata, aut illis, & Fratribus prædictis in eorum commodum, & fauorem, indulta, ad eandem dicto Ordini nunc, & pro tempore Oblatas, & Commissas utriusque sexus personas eisdem scientia, & motu, & auctoritate extendimus, & ampliamus, ac in eis locum habere debere proinde ac si pro eisdem Oblatis, & Commissis personis, & circa illas emanassent, decernimus, volumus, & ordinamus.* Vide pro vsu huius privilegij dicta tom. 1. cap. 21. num. 19. & 20. & in hoc 2. tom. cap. 1. num. 21. vbi constabit an sit vel non reuocatum. Similiter pro tempore interdicti hanc illis concessionem fecit. *Et quia ex concessione continetur dictorum Innocentij IV. Alexandri IV. & Gregor. XI. prædecessorum quod liceat eis cum interdictum generale terra fuerit, dummodo causam non dederint interdicto, clausis ianuis, excommunicatis, & interdictis exclusis, submissa voce Missas, & alia diuina Officia celebrare; eorumdem Fratrum deuotioni non plene consulitur, concessionem eandem extendendo eisdem Fratribus, vt liceat eis habere Altare portatile cum debita reuerentia, & honore, super quo in locis ad hoc conuenientibus, & honestis præterquam in Ecclesijs ab Ordinarij obedientia non exempti, quoties id eis contigerit interdici, possint Missas & alia diuina Officia in quorumcumque præsentia celebrare, & interdicti tempore ad diuina huiusmodi cum eis mantellatas, & Pinzocheras, ac Oblatas Commissasque personas, & ipsorum Fratrum, ac Monasteriorum Monialium Ordinis prædicti Procuratores, Aduocatos prædictos, & negotia gerentes utriusque sexus admittere præfatis scientia, motu, & auctoritate indulgemus.* Pro quo privilegio, seu vsu ipsius, & an sit reuocatum, vide dicta tom. 1. cap. 21. num. 14. 19. & 20. Præterea idem Sixtus iv. in Bulla *Dum fructus vberes*, quæ etiam est Mare magnum Eremitarum S. Augustini, Oblatis eiusdem Ordinis fere similia videtur concessisse. Meminerunt autem vtriusque concessionis Casarubius in *Compend. privilegior. Mendicant.* verbo Oblati Fratrum,

Fratrum, & Rodriguez tom. 3. quæst. Regul. q. 21. art. 3. Meminit etiam vterque alterius concessionis Eugenij 1v. circa absoluti-
onem istorum, quam tamen omitto, quia viuz vocis oraculo fuit
facta, & per consequens ijs temporibus inutilis, vt sæpe dixi, nisi
de nouo concedatur.

31 Quia tamen Leo x. in Constat. *Dudum* quæ est in 1. tom.
Bullar. Laertij num. 32. omnia priuilegia Conuersis, & Oblatis
Ordinum Mendicantium concessa communia esse voluit om-
nibus prædictis cuiuscumque prædictorum Ordinum Conuer-
sis, & Oblatis. Ideo his priuilegijs concessis Oblatis Car-
melitarum, & Eremitarum S. Augustini gaudere possunt ratione
communicationis Priuilegiorum Oblati Prædicatorum, &
Minorum, vt in specie de Oblatis Minorum habet Casarubius
in *Compend. priuileg. Mendicant. verb. Oblati Fratrum, vel Mo-
nialium num. 3.* quod idem credo de Oblatis feminis, cum illæ
etiam nominentur à Sixto in priuilegio pro Carmelitis num.
preced. adducto. Imò etiam idem videtur dicendum de No-
uitijs, tam Oblatorum, quam Oblatarum (professionem vide-
licet trium votorum emittentium) saltem in multis Religioni-
bus, & quoad ea quæ spectant ad bonum spirituale animæ: præ-
sertim cum Nouitij in fauorabilibus pro veris Religiosis ha-
beantur. Vide dicta tom. 1. cap. 24. præsertim nu. 8.

32 Dubitari tamen potest an priuilegia illa Greg. 1x. pro Ob-
latis Carthusiensium, & Sixti 1v. pro Oblatis Carmelitarum,
& Eremitarum S. Augustini intelligantur solum de Oblatis illis,
qui professionem trium votorum emittunt, an verò etiam de
illis, qui sine tali professione se, & sua Monasterijs obtulerunt
modo superius num. 27. dicto. Et quidem cum priuilegium
Gregorij 1x. expresse loquatur solum de Oblatis qui trium
votorum professionem emittunt in Ordine Carthusiensium,
vt patet ex ipsa Bulla, ideo non potest extendi ad eos qui talia
vota non faciunt. Cum autem priuilegia Sixti 1v. indistinctè
loquantur de Oblatis Carmelitarum, & Eremitarum S. Augu-
stini non determinando pro illis qui professionem emittunt,
vel non emittunt, imò comparent illos cum Tertiarijs Fratri-
bus de penitentia, seu Pinzocheris, qui neque tria prædicta vota
emittunt, ideo probabile est ad vtrumque genus Oblatorum
extendi. Verumtamen quia adhuc inter istos qui veram pro-
fessionem trium votorum non faciunt, possunt esse aliqui qui
non seruent condiciones à Sacra Congregatione Concilij su-
pra num. 8. assignatas, quia scilicet non omnino bona sua Mo-
nasterijs obtulerint, alij verò qui illas seruent, ideo prædicta
priui-

priuilegia extendenda solum credo ad hos posteriores, non ad illos. Nam eo ipso quod Sacra Congregatio solum istos potiri vult priuilegio fori, & immunitatis à sæcularibus exactio- nibus, etiam velle videtur eos solum potiri posse alijs priuile- gijs Religionibus concessis, ac eos solum esse verè, & simplici- ter Donatos, seu Oblatos. Etsi hoc non sit omnino certum, cum Sixtus IV. in prædictis priuilegijs vniuersaliter loquatur de Oblatis, seu Donatis, & posset dici Sacram Congregationem solum excludere prædictos à priuilegio fori, & immunitatis ab exactio- nibus sæcularibus, non ab alijs priuilegijs maxime con- cernentibus animæ vtilitatem. Pro vsu tamen horum priuile- giorum, & an sint, vel non reuocata vide, vt dixi, *to. 1. c. 21. nu. 14. 19. & 20. & in hoc 2. to. c. 1. nu. 21.*

33 Concessit Calixtus III. Conuersis Fratrum Minorum, vt possent tangere Calices, & lauare corporalia, & alia Eccle- siastica, cum expedierit. Item Leo X. concessit eisdem Con- uersis socijs Generalium, vel Prouincialium, vt eo tantum tem- pore quo socij sunt, & extra loca, & Conuentus cum inferuiunt Missis prædictis Prælati possint proprijs manibus tractare, vasa sacri ministerij scilicet calices, & corporalia explicando, & plicando post Missam sicut Clerici in sacris constituti. In Conuentibus autem ubi sunt alij Fratres id concedere recu- sauit. Cafarubius in *Compend. priuileg. Mendicant. verb. Laici Fratres num. 1. & 3.* Rodriguez *tom. 2. quest. Regul. q. 127. art. 2.* Portellus in *Dub. Regular. verbo Laici Fratres num. 1.* Verumta- men cum istæ concessiones sint viuz vocis oracula vt Cafaru- bius notat, ijs temporibus post reuocationem similium con- cessionum factam à SS. D. N. Urbano VIII. nullæ sunt, nisi de nouo concedantur, vt sæpe dictum est. Extat tamen alia conces- sio Sixti IV. pro Fratribus professis Conuersis Ordinis S. Au- gustini Congregationis Lombardiæ qua illis concessit quod dum Sacrificiæ curam gererent, scilicet, dum Sacristarum officium exercerent possent tangere Calices, Patenas, & Purificatoria, cum necesse esset. Quæ concessio, quamvis neque per Bullam, neque per Breue facta sit, quia tamen ab ipso Papa videtur sub- scripta, ideo non apparet viuz vocis oraculum, ac per conse- quens hoc tempore subsistere. Eam refert Confettius in *Collect. litter. Apostol. inter priuilegia Sixti IV. nu. 9.*

34 Pro quo notandum quod, secluso priuilegio, sacra vasa, & vestes dum in eis continetur Corpus, vel Sanguis Christi, tan- gi, præterquam à Sacerdote, vel Diacono, graue peccatum est. *Ex cap. non oportet d. 23. Palud. in 4. dist. 13. q. 1. art. 4. Suarez in*

3. par. tom. 3. disp. 81. sect. 8. Tangere autem illa cum in eis non continetur Corpus, aut Sanguis Christi, etiam est illicitum *ex cap. in sancta dist. 1. de Consecrat. cap. sacratas*, alijsque iuribus *dist. 23.* Huius tamen præcepti transgressio, secluse contemptu, solum est venialis, quia pro leui irreuerentia communiter æstimatur. Suarez *ut supra*. Imò si rationabilis causa, vel moralis necessitas adsit, nulla erit culpa id facere. Sotus *in 4. dist. 13. q. 2. ar. 3. ad 3.* Layman. *in Theolog. moral. lib. 5. tract. 5. cap. 6. num. 18. & 19.* Ad tollendos tamen scrupulos solet ad id peti licentia à S. Congregatione Rituum, ut patet ex Barbosa *in Collect. Bullar. verb. licentia*.

35 Affertur etiam alia concessio facta Laicis Fratribus etiam olim homicidis, & bigamis, ut possent ministrare Sacerdotibus celebrantibus, etiam vestiti superpelliceo lineo. Ita Portellus *in Dub. Regul. verbo Laici Fratres nu. 2.* ex Compend. D. Hieron. Hisp. *verb. Laici Fratres §. 2.* Veruntamen scire non potui an hæc concessio sit viuæ vocis oraculum, & per consequens his temporibus inualida, aut non. Deinde dico, cum irregularitas non priuet exercitio Ordinum, nisi ut ordines sunt, id est, eo modo, quo à Clericis exerceri solent, ut habet Cornexo *tom. 2. tract. de irregularit. disp. 5. dub. 4.* idè quicumque irregulares, etsi homicidæ, & bigami possunt ministrare Sacerdotibus celebrantibus non eo modo quo Clerici, sed ut Laici. Quia verò ministrare cum superpelliceo lineo indicare videtur id fieri ad modum Clericorum, ideo forsan obtenta est talis concessio. Cuius tamen qualitatem ut dixi, ignoro.



SVMMARIVM CAP. IX.

Eminentissimorum , DD. Cardinalium prerogativa maxima.
nu. 1.

Ipsorum varia epitheta . ibid.

Prouincijs , Regnis , Nationibus , & Religionibus Protectores assignantur . ibid.

Dati sunt Religionibus ad earum defensionem . num. 2.

Visio S. Francisci circa illos . ibid.

Ipsorum auctoritas varia pro varietate temporum . nu. 3.

An sint iudicandi ut veri Praelati Religiosorum . num. 4.

Quid circa hoc decreuit Gregor. XI. ibid.

Possunt DD. Protectores dici aliquo modo Superiores Ordinum quibus praeficiuntur . num. 5.

Sunt Commissarij Apostolici, Vicarij, Delegati , & Locumtenentes Papa in his qua pertinent ad bonum regimen , & gubernium Religion. ibid.

Maximo bonore, amore , & reuerentia prosequendi à Religiosis quos protegent . num. 6.

Illis iure credendum cum dicunt se habere viuæ vocis oraculum à Papa . nu. 7.

Quando , & quomodo fides adhibenda Cardinalibus in Iure . ibid.

Eorum praprium munus est Superiorum auctoritatem conseruare . nu. 8.

Non debent se immiscere quando Superiores sui Officij debito satisfecerint . ibid.

Possunt suam auctoritatem interponere quando à Superioribus Ordinum requisiti fuerint . num. 9.

Pro conseruatione scilicet auctoritatis Superiorum, coercenda subditorum perniciacia, aut introducenda vita regulari . ibid.

Possunt etiam suam auctoritatem in negotijs Ordinum interponere quando id necessarium fore cognouerint . num. 10.

Ad conseruandum tamen auctoritatem Superiorum, Ordinesque protegendos . ibid.

Monentur adhibere in negotijs Ordinum loco Notarij aliquem ex Regularibus ipsorum . num. 11.

Quibus facultatibus vtantur . num. 12.

Protectores Carmelitarum amplissimam facultatem habet . nu. 13.

Etiā Protectores aliorum Mendicantium ea facultate uti possunt . num. 14.

Sunt

Sunt Protectores Mendicantium conservatores illorum pro omnibus causis quæ contingere possunt. ibid.

Quando, aut quomodo admittere possint appellationes Fratrum. nu. 15.

Facienda sunt huiusmodi appellationes gradatim. nu. 16.

An ex DD. Protectores appellari possit ad Sacram Congregationem Regularium. nu. 17.

An possint licentiam concedere Fratribus veniendi Romam. num. 18.

An Protectores Mendicantium procedere possint contra asserentes confessos Mendicantibus iterum teneri confiteri Rectori Parochiali. num. 19.

An contra illos qui negauerint illis eleemosynam non esse faciendam. ibid.

An hæc potius pertineant ad DD. Inquisitores. ibid.

Auctoritas Protectorum videtur delegabilis in casibus necessitatis quibus ipsi personaliter assistere non possunt. num. 20.

Si autem huiusmodi causæ concernerent visitationem, vel reformationem Religiosorum Religiosis eiusdem Ordinis deleganda sunt. ibid.

Qualiter beneficia à DD. Protectores collata compensari debeant. num. 21.



De Dominis Cardinalibus Regularium Pro-
tectoribus, eorumque facultatibus,
iuribus, & priuilegijs.

Cap. IX.



EMINENTISS. DD. Cardinalium præ-
rogatiua maxima est in Ecclesia Dei, vt potè
qui summæ dignitatis, videlicet Pontificiæ,
Collaterales sunt, & Coadiutores. S. Bernardus
lib. 4. de considerat. Cardines Orbis. Ioann. de
Lignan. *in tract. de bello pag. 9. Pars corporis*.
Papa. *Gigas de pens. q. 7. num. 12. & 13. Prin-*
cipes terræ. Canonistæ in cap. Pastoralis 12. q. 1. Columna Ecclesiæ.
Marcus Mantuan. *lib. de Con. num. 64. Lumina Ecclesiæ*. Idem
Mantua *ibid. Stella Ecclesiæ*. Alban. Cardinal. *lib. de Cardinalatu*
q. 8. Ecclesiæ Senatores. Azor. tom. 2. *instit. moral. lib. 4. cap. 3.*
q. 20. Reges. vel pro Regibus habendi. Paris de Puteo *in tract.*
de Syndic. in S. an si Iudex num. 2. Vnde varijs, & honorificen-
tissimis titulis nuncupati nouissimè à SS. D. N. Urbano titulo
Eminentissimorum decorati sunt. Quemadmodum autem
ex cælesti Hierarchia administratorij illi Spiritus nedum ho-
minibus, sed & Regnis, & Prouincijs Tutelares à Deo conce-
duntur, vt docent S. Basilius *l. 4. contra Eunomium*, Theodoretus
orat. 10. in Daniele, Nazianzenus *orat. 2. de Theologia*, & alij,
sic etiam ex terrestri, & Ecclesiastica Hierarchia Cardinales à
Papa, Prouincijs, Regnis, Nationibus, & Religionibus Prote-
ctores assignantur.

2. Dati ergo sunt Religionibus à Summis Pontificibus ad
earum defensionem, conseruationem, dilatationem, tutelam, &
protectionem, vt vel ex nomine ipso Protectorum conspicitur,
contra aduersantes præcipuè. Perin. *de subdito Religioso to. 1.*
de obedientia q. 1. cap. 18. §. 21. & 3. Quod belle confirmat S. Franci-
scus Minorum Patriarchæ cælestis visio qua monitus à Deo est
petere sui Ordinis Cardinalem Protectorem à Papa Honorio
III. *Vidit enim in somnis gallinam pullos plurimos sub alis congre-*
gere, à super volitantibus miluis defendere volentem, nec tamen om-
nes potuisse, pluresque proinde patuisse rapina, magna vero alterius
volucris sub alis pericula subterfugisse. Expergefactus autem

vir

vir Sanctus dum somnij interpretationem peteret à Domino camita accepit, *et intellexerit se per gallinam, Discipulos per pullos, & Cardinalem in Protectorem assumendum per volucrum magnarum alarum demonstrari*. Sic Lucas Vadingus in *annalib. Minor. ann. 1217. num. 2. ex legenda trium Sociorum*. Hoc autem munus rectè in eodem Ordine Minorum primus obiuit Cardinalis Hugolinus, postea Pontifex Gregor. ix. qui super Minores constitutus factus est, quasi vnus ex eis, nihil tam curans, quam vt à molestijs, & iniurijs vbique terrarum defenderentur, ab Ecclesiarum Prælati s fouerentur, amicè reciperentur, & per vniuersas Orbis Prouincias ad omnium salutem distenderentur. Vadingus *vt supra num. 8.*

3 Ipsorum auctoritas varia pro varietate temporum, iuxta Pontificum decreta, ipsorum DD. Card. affectum, seu conditionem, rerumque indigentiam fuit, aliquando amplior, aliquando strictior. Prædictus enim Cardinalis Hugolinus primus Minorum Protector quasi summam in Ordinem potestatem exercuit tempore Honorij iii. postea tamen Pontifex factus, & Gregorius ix. vocatus eam valdè restrinxit, prout etiam fecit Gregorius xi. in Bulla inferius referenda, quod, & postea approbarunt Sixtus iv. & Iulius ii. Item Urbanus iv. amplissimam auctoritatem Protectoribus concessit, illis immediatè Moniales subiiciens quam etiam postea moderati sunt Martinus v. & Iulius ii. De quo Casarubius in *Compend. priuileg. Mendicant. verbo Protector Ordinis*. Rodriguez *tom. 3. quest. Regular. q. 42. art. 1. & 2.* His autem temporibus standum est tum consuetudini legitimè præscriptæ, tum varijs decretis Summorum Pontificum, & Sacrarum Congregationum, quibus eorum auctoritas aliquando declaratur, tum præcipuè litteris quibus Summus Pontifex hoc munus Protectorum eisdem DD. Cardinalibus tribuit, & secundum illa iudicandum in præsentia.

4 Primò ergo videtur dicendum prædictos DD. Cardinales Ordinum Protectores non esse vocandos Prælatos Religiosorum stricto modo, quales sunt Priores, Prouinciales, & Generales, & alij similibus nominibus vocati. Colligitur ex Bulla Gregorij ix. vbi Cardinali Protectori Ordinis Minorum distinctè inhiibuit ne se intromitteret in rebus pertinentibus ad officia, & gubernationem, seu correctionem Fratrum dicti Ordinis nisi in certis casibus, & quod Fratres prædicti ad Protectorem tanquam ad Prælatum pro licentijs, vel alijs similibus gratijs recurrentes punirentur. Casarubius in *Compend. priuileg.*

privileg. Mendicant. num. 1. Secundò ex Greg. xi. in Bulla *Cum-
Elos Christi*, quæ habetur in 1. tomo Bullarij Cherubini inter
Bullas Gregorij *num. 4.* quam etiam approbavit, & inseruit
Sixtus iv. in alia Bulla *Sacra Minorum* in Bullario Rodriguez
tom. 1. in Sixto iv. *num. 5.* in qua etiam prædictis DD. Prote-
ctoribus prohibuit statuta Ordinis corrigere, dispensare, seu
immutare, Prælatos, seu Officiales ponere, aut deponere, ad
lecturam; vel gradum aliquos promouere, aut ab eisdem remo-
uere, de loco ad locum aliquem Fratrem mutare, aut licentiam
aliquò eundi impartiri, quemquam punire, aut à pœna liberare,
res Ordinis alicui concedere, aut concessas amovere, de re-
bus, aut correctione Fratrum, nisi in quibusdam casibus, se ali-
quatenus intromittere, quæ omnia indicant eos non esse veros
Ordinum Prælatos, stricto modo loquendo, quia si tales essent,
prædicta negari ipsis non deberent. Nec obstat hæc limita-
tiones solum pro Protectoribus Ordinis Minorum factas fuisse
non pro alijs Ordinum Protectoribus. Non solum quia cum
prædictæ limitationes factæ sint à Summis Pontificibus in gra-
tiam, & fauorem Minorum, ut ex ipsis Bullis constat, & Mendi-
cantes omnes communicatione gratiarum, & privilegiorum
potiantur, saltem omnes Mendicantes, & quicumque alij eo-
rum privilegijs fruentes, hac etiam gratia frui debent. Sed
etiam quia, ut bene Laertius Cherubinus 1. tom. Bullarij inter
Bullas Greg. xi. *num. 4.* notavit, aliorum Ordinum Protecto-
res maiores his facultates non habent. Tertiò id etiam con-
stat ex litteris protectionis sub Paulo v. & SS. D. N. Urbano
alijs DD. Protectoribus concessis, de quibus infra, in quibus
non nisi ad determinatos casus eorum auctoritatem, & pote-
statem extendi declaratur. Id denique quartò constat quia isti
solum stricto modo dicitur Prælatus qui habet ordinariam iu-
risdictionem in subditos, ut docet Abbas *cap. decernimus de indi-
c. sum. 16. & cap. tua nos de Cleric. egrotante.*

§. Possunt nihilominus prædicti DD. Protectores dici Superi-
ores Ordinum quibus præficiuntur, & largo modo Prælati
quatenus sunt Commissarii Apostolici, Vicarii delegati, & Locu-
tinentes Papæ in his quæ pertinent ad bonum regimen, &
& gubernium Religionum modo inferius explicando, pro con-
servandâ scilicet Prælatorum auctoritate, & quando ab ipsis re-
quisiti fuerint, vel ipsi Domini Protectores id necesse esse cog-
noverint, iuxta inferius dicenda. Omnis enim habens curam
animarum aliorum, etsi delegatam, dici potest Prælatus. Glossa
in *cap. tua nos, de Cleric. egrotante. Silvester in Summ. verb. Præl. n. 1.*

6 Propterea maximo honore, amore, & reuerentia prosequendi sunt à Religiosis quos protegunt, vtpotè qui ipsorum tutelæ, patrocinio, & conseruationi à Papa destinati sunt. Hinc in litteris protectionis sub SS. D. N. Urbano concessis sic habetur. *Mandantes propterea Priori Generali, ac alijs Superioribus, ne non vniuersis Religiosis personis quibuscumque dicti Ordinis in virtute S. Obedientiæ, vt te in eorum Protectorem iuxta tenorem præsentium recipientes, ea quæ debent reuerentia prosequantur.*

7 Hinc illis iure credendum, & fides adhibenda quando dicunt se habere viuz vocis oraculum à Papa. Hoc enim conueniens est muneri quod gerunt, & eorum dignitati, ac auctoritati. Maximè, quia in causis Cardinalibus committis, & demandatis, eorum dicto fides adhibetur. Cardin. Alban. *tract. de Cardinal. q. 42. ex Lupo, Baldo, Saliceto, Azor. tom. 2. inffit. moral. lib. 4. c. 3. dub. 20.* Præsertim tertio quia alijs etiam Cardinalibus de stylo Curie credendum est, vt tradit Tuschus *verb. Cardinalis conclus. 103. num. 2.* De quo Nauarrus *lib. 1. consil. de offic. Iud. delegat. consil. 9. num. 7.* Farinac. 2 p. *decis. p. 1. decis. 339.* Bellemera *conclus. 635.* Mascard. *de probat. concl. 269.* Peirinis *tom. 2. primileg. Minim. in Consil. 3. Gregor. XIII. num. 4.* Quod limitant plures nisi sit in præiudicium tertij. Abbas *par. 2. consil. 18. num. 2. & cap. quod super de fid. instrum. num. 5. & cap. sicut nobis de sent. excommunic. in 6.* Tuschus *vt supra num. 3.* Glossa *in cap. sicut nobis de sent. excommunicat. verbo alio modo, & alij.* Nec obstant dicta *tom. 1. cap. 3. num. 11.* videlicet, quod quamvis Gregor. xv. per suam Constitutionem *Romanus Pontifex* anno 1621. reuocauerit omnia viuz vocis oracula præterquam à DD. Cardinalibus firmata, nihilominus SS. D. N. Urbanus anno 1631. omnia prædicta viuz vocis oracula etiam à Cardinalibus firmata cassauit, & abrogauit. Nam in primis hæc reuocatio oraculorum viuz vocis solum est de illis quæ priuilegia, facultates, licentias, & gratias continent, non de alijs, vt eodem loco dictum est. Quare respectu aliorum integra manet auctoritas Cardinalium, & illis fides adhibenda. Deinde, in prædictis litteris solum est sermo de gratijs, indultis, & priuilegijs viuz vocis oraculo à Sede Apostolica præteritis temporibus concessis, non de ijs, quæ in posterum, & in futurum à Summis Pontificibus concedi possunt. Quare saltem respectu istorum procedit tradita doctrina, quod videlicet credendum sit DD. Cardinalibus, præsertim Ordinum Protectoribus, cum dixerint se habere viuz vocis oraculum à Sanctissimo.

Eorum

8 Eorum præcipuum munus in eo situm est, vt Superiorum Ordinum auctoritatem conseruare curent, adeo vt in negotijs eorundem Religiosorum se non debeant immiscere, quando Superiores ipsorum sui officij debito satisfecerint, ac gubernio, & regimini subditorum sufficienter incubuerint. Sic enim habetur in litteris protectionis sub Paulo v. quas affert Laertius Cherubinus 3. tom. Bullar. in Paulo v. num. 53. alias 34. & sub SS. D. N. Urbano. *Volumus autem, ac tibi in virtute & Obedientia mandamus, vt Superiorum dicti Ordinis auctoritatem quantum fieri poterit conseruare cures, & propterea cum ipsi Superiores eorum officij debito satisfecerint, ac gubernio, & regimini subditorum sufficienter incubuerint, tu in negotijs eorundem Religiosorum te non immisceas.* Ex quo à contrario elici videtur, quod cum prædictis D. Cardinalibus certò constiterit Ordinum Superiores sui officij debito non satisfacere, aut gubernio, & regimini subditorum sufficienter non incumbere, posse se in negotijs Religiosorum immiscere.

9 Possunt similiter suam auctoritatem interponere quando à Superioribus Ordinum requisiti fuerint. Sic enim habetur in prædictis litteris protectionis sub Paulo v. & SS. D. N. Urbano. Quod intelligo pro conseruatione auctoritatis, & iurisdictionis Prælatorū, iuxta dicta, & pro reprimenda, aut coercenda subditorum perniciacia, aut superbia erga Prælatos, aut pro introducenda in Monasterijs vera vitæ Regularis obseruantia, eradicandisue, aut submouendis abutibus contrarijs reformationi.

10 Item possunt suam auctoritatem in negotijs Ordinum interponere, etiam à Superioribus non requisiti, quando id necessarium fore cognouerint. Sic enim habetur in dictis litteris protectionis sub Paulo v. & SS. D. N. Urbano: quo etsi facultas valde ampla ipsis concedi videatur, limitanda tamen iuxta supradicta, & finem muneris Protectoris, qui est conseruare auctoritatem Superiorum Ordinum, ipsosque Ordines defendere, conseruare, & protegere.

11 Monentur tamen prædicti DD. Protectores, vt quoties in negotijs Ordinum se immiscuerint, siue à Superioribus requisiti, siue quia id viderint ipsi esse necessarium, per seipsos, quoad fieri poterit, id facere curent *adhibito ad scribendum quando opus fuerit in eisdem negotijs, seu causis loco notarij aliquo ex Regularibus dictorum Ordinum.* Sic enim habetur in litteris Protectoris relatis sub Paul. v. & SS. D. N. Urbano. Quod iure præscribunt Summi Pontifices boni nominis Religiosorum zela-

tores, ne si prædicti DD. Protectores in causis, & negotijs Regularium gerendis, aut scribendis familiaribus proprijs, aut alijs sæcularibus pro Notarijs, Secretarijs, aut Scribis vtantur, bona fama Religiosorum denigretur, & Sacri Regulares Ordines apud sæculares vilipendantur.

12 Conceditur etiam prædictis DD. Protectoribus in dictis litteris sub Paulo v. & SS. D. N. Urbano concessis vti omnibus facultatibus, iurisdictionibus, honoribus, & oneribus solitis, & consuetis, ac quibus alij Protectores vsi sunt, ac vti quomodolibet potuerunt, seu etiam debuerunt. Quæ auctoritas, & facultas licet limitanda sit iuxta dicta, & contenta in prædictis litteris, scilicet pro conseruanda auctoritate Superiorum Religionis, & in casu quo ab ipsis requisiti fuerint, vel ipsi Protectores cognouerint id esse necessarium, nihilominus postulat, vt explicemus, ad quæ extendi possit iure, vel consuetudine.

13 Et primò Cardinalis Protector Ordin. Carmelit. amplissimam facultatem habet circa publicationem priuilegiorum eiusdem Ordinis quæ habentur in Mari magno, & defensionem eorundem Fratrum in quibuscumq. causis, & contra quoscumque quantumcumque qualificados, vt patet illis verbis Sixti IV. in Bulla *Dum attenta*, quæ est Mare magnum Carmelitarum, & extat authenticè apud ipsos, & Rodriguez tom. 1. Bullar. inter Bullas Sixti IV. nam. 37. illis verbis: *Et nihilominus dicti Ordinis Protectori qui pro tempore erit, & cuilibet in dignitate Ecclesiastica constituto, & Metropolitanæ, vel alterius Cathedralis Ecclesiæ Canonico, per vniuersum Orbem qui desuper prædicti Ordinis Gloriosissimæ Dei Genitricis semperque Virginis Mariae de Monte Carmeli Priores, & Fratres, ac illorum, seu ad commodum eorum Romana Ecclesiæ syndicos desuper requisitus fuerit, per Apostolica scripta insolidum mandamus quatenus per se, vel alium, seu alios premissa, ubi, & quando opus fuerit solemniter publicantes, ac eisdem Fratrum Gloriosissimæ Dei Genitricis semperque Virginis Mariae de Monte Carmeli Ordini, illiusque domibus, & professorijs in premissis efficacia defensionis præsidio assistentes faciant eos pacifica possessione, vel quasi priuilegiorum, & concessionum huiusmodi gaudere, non permittentes eos, seu testamentorum executores, & hæredes prædictos contra illorum tenorem per Ordinarios, & Rectores prædictos, aut quoscumque alios indebite molestari, aut eia graua mina iniurias, atque damna inferri, seu quomodolibet irrogari, ac etiam summarie, & de plano sine strepitu, & figura iudicij, sola facti veritate inspecta, contra quoscumque cuiuscumque qualitatis, vel conditionis existant, & quacumque Ecclesiastica etiam*

Patriar-

Patriarchalis, Archiepiscopalis, aut Episcopalis, aut mundana forent dignitate, & exemptione muniti in quibuscumque causis per eos mouendis, quacumque ratione, vel causa quæ excogitari posset eis ministrant iustitia complementum: exequentes quod per eos fuerit ordinatum, & illos quos censuras, & poenas prædictas incurrisse contingerit illis irretitos esse declarent, & faciant, & mandent interdictos suspensos, & excommunicatos publice nunciari, & ab omnibus actibus euitari, ac legitimis super his habendis seruatis processibus illos quoties opus fuerit iteratis vicibus aggravare procurent. Contra dictores auctoritate Apostolica, appellatione postposita, compeſcendo; inuocato ad hoc si opus fuerit auxilio brachij secularis. Non obstantibus prædicti Bonifacii VIII. quibus sauetur ne quis extra suam Ciuitatem, & Diocesim nisi in certis exceptis casibus, & in illis ultra unam dietam à fine sue Diocesis ad iudicium euocetur, seu ne Iudices à Sede Apostolica deputati extra Ciuitatem, & Diocesim in quibus deputati fuerint contra quoscumque procedere, aut alij, vel alijs vices suas committere præsumant, & de duabus dietis in Concilio generali, necnon quæ incipit Super Cathedram Bonifacii præfati, & dudum Viennen Concilij, ac recolenda memoria Calixti Papæ III. etiam prædecessoris nostri litteris, alijsque Apostolicis ac etiam in Prouincialibus, & Synodalibus Concilijs editis Specialibus, & generalibus, &c.

14. Circa quæ id primò notandum quod quamuis prædicta facultas solum Protectori Carmelitarum concedatur, nec similis reperiatur in alijs litteris, seu Bullis Mære magnū appellatis aliorum Mendicantium, nihilominus etiam Protectores aliorum Ordinum Mendicantium, propter communicationem priuilegiorum prædicta facultate uti possunt. Secundò in prædicta concessionem Protectores constitui Conseruatores Ordinis pro omnibus causis quæ Ordini contingere possunt, ut patet illis verbis, *in quibuscumque causis per eos mouendis quacumque ratione, vel causa quæ excogitari posset, eis ministrant iustitia complementum.* Et ideo quæ cap. 10. dicuntur de facultatibus Conseruatorum Religionum etiam suo modo applicari debent ad Protectorem. Imò etiam probabile mihi est, quod quamuis auctoritas, & facultas aliorum Iudicum Conseruatorum restricta valde, & limitata sit his temporibus propter decretum S. Congregationis Concilij sub Greg. XIII. & Const. Clem. VIII. & Greg. xv. de quibus cap. 10. auctoritati tamen Protectori concessæ in ijs litteris nullatenus per illa derogetur, ac proinde in sua vi manere. Ratio est, quia per præfatum decretum Sacræ Congregationis, & Constitutiones Clem. VIII. & Greg. xv. solum

solum limitatur facultas, & auctoritas concessa Iudicibus Conservatoribus modo communi, & ordinario à Religiosis designatis, aut deputatis in vim litterarum Conservatoriarum, seu privilegiorum ipsorum, non illa quæ à Papa immediatè sine ulla designatione, deputatione, aut instantia Religionis, Protectori conceditur, qualis est ista in præsentì. Præsertim quia cum Cardinalis Protector persona sit specialissima nota digna, cum agitur de limitanda ipsius auctoritate, specialis de ipso mentio fieri deberet, quæ non sit in prædictis decreto, & Constitutionibus. Imò in Constitutione Gregorij xv. pœna suspensionis ponitur Conservatoribus limites suæ auctoritatis excedentibus, quam tamen non incurrere Cardinales nisi de ipsis specialis mentio fiat tradunt Cardinalis Alban. de Cardinalatu q. 42. ex loan. Andr. Azor. 19. 2. instit. moral. lib. 4. cap. 3. q. 20.

15 Possunt etiam prædicti DD. Protectores admittere appellationes Fratrum, qui à suis Superioribus gravati ad illos recurrunt, iuxta dicta to. 1. c. 9. n. 4. Ratio est, quia à Sede Apostolica concessa est Religiosis huiusmodi appellatio, ac per consequens ipsis DD. Protectoribus conceditur eam admittere. Primò enim Greg. xiii. in Bulla *Quoniam nostro* apud Confettium in Collectan. litter. Apostolic. & privileg. in Gregor. xiii. num. 1. & apud Cherub. in 2. tom. Bullar. Greg. xiii. num. 27. expressè concedit Fratribus Minoribus de Observantia, quod si à Prelatis suis gravari pretendunt ad Generalem Ministrum ipsius Ordinis, seu illius Protectorem, aut viceprotectorem in Romana Curia, vel ad Nos, siue Romanum Pontificem successorem nostrum supremum in Ecclesia Dei Iudicem, sicut antiquitus semper consuetum fuit, recursum habeant. Insuper Sixtus v. in Bulla, seu Constit. Ad Roman. spectat in 2. tom. Bullar. sub num. 71. id supponit dum de Regularib. Romam venientibus sub prætextu gravaminum dicit: *In alma verò Vrbe nostra Religiosi Aduena & peregrini de gravaminibus sibi illatis conquirentes nullibi sine huiusmodi litteris, aut licentia recipiendi erunt nisi prius ad Congregationem dictorum Cardinalium super negotijs Regularium à nobis deputatorum, vel ad suos Protectores remittantur, ubi ipsis auditis pro rerum, & personarum qualitate quid agendum sit statuetur.* Clariùs à Sacra Congregatio, Episcoporum, & Regularium declaratum id est, prout ex Confettio in Summar. privileg. Maris magni tit. 6. de foro competenti his verbis habetur. *Quoniam nonnulli Regulares vagandi studio, siue dum imminet admissorum criminum pœnam ex suis Constitutionibus, aut alias debitam sibi metuunt, falsa, & commentitia gravamina causari non ad immediatè sui Ordinis*

Ordinis Superiores, se à gravamine Prioris ad Provinciale, à Provinciali ad Generalem, à Generali ad Protectorem prout cuiusque Religionis Constitutionibus disponitur, sed ad hanc Romanam Curiam absque licentia sæpius fugiunt, potius quam recurrant, ex quo Ordinum disciplina relaxatur, Prælati contemnuntur, & ipsi in dies audaciores evadunt, placuit Sacre Regularium Congregationi ex ord. Sanctitatis sue statuere, ut si quis Regularium in posterum temerè, leviùs ex causa hanc almam Urbem, seu Curiam absque sui Superioris licentia, & supradicta forma prætermissa adire præsumpserit, ad suos eosdem Superiores seu iurisdic. penam plectendus remittatur. Maximè pro Carmelitis id declaravit Clem. VIII. in Bulla 110. in 3. tom. Bullar. illis verbis. *Si se à Prælati gravari præsumant ad Priorem Generalem ipsius Ordinis, seu illius Protectorem, aut Viceprotectorem in Romana Curia; vel ad Nos siue Romanum Pontificem pro tempore existentem supremum in Ecclesia Dei Iudicem sicut antiquitus semper facere consueverunt, recursum habeant.* Et idem Pontifex in Bulla Quoniam noster anno 1604. edita, & pro Servitis in alia Bulla eiusdem initij anno 1593. eisdem verbis. Sorbus in *Compend. privileg. Mendic. verbo appellare.* Thomàs de Iesu *de iurisdic. Regular. tract. 3. c. 17.* Peirinis *to. 1. de subdito q. 1. de obedientia cap. 20.* Vbi etiam alia ad intentum.

16. Circa quæ illud aduertendum appellationem hanc ad Di. Cardinalem Protectorem faciendam esse gradatam, id est, à Priore, Guardiano, seu immediato Prælato ad Provincialem, à Provinciali ad Generalem, & à Generali ad Protectorem, tum quia id est iuri conforme, tum quia ita colligitur ex declaratione S. Congregationis ex Consuetudine adducta num. precedenti, quod etiam refert Sorbus in *Compend. privileg. Mendicant. verbo appellare*, & Barbosa in *Collectan. Bullar. verbo Religiosus prope finem.* Qualiter autem, aut quomodo permitta sit Regularibus huiusmodi appellatio dicto tom. 1. cap. 9. à num. 4. manet dictum.

17. Dubia autem quæstionis est an ex Protectore appellari possit ad S. Congregationem Regularium, cum enim Protector Iudex sit à Papa constitutus in causis Regularium suæ protectionis, videtur quod ex ipso non admittatur appellatio nisi ad Papam. Verum tamen probabilius apparet contrarium, scilicet à Domino Protectore appellari posse ad S. Congregationem Regularium. Ratio est, non solum quia ita dicitur declaratum à S. Congregatione prout refert Sorbus in *Compend. privileg. Mendic. verbo appellare.* sed etiam quia Tribunal S. Congregationis institutum.

institutum est à Sixto v. ad prædictorum Regularium causas nomine Papæ definiendas, & terminandas. Quare quemadmodum ex Protectore ad Papam appellari potest, sic ad eandem S. Congregationem, quæ eundem Papam repræsentat. Fauet Thomas de Iesu *de visitat. Regular. tract. 3. cap. 17. num. 3. & 7.* & pro eo affert declarationem S. Congreg. Regul. Barbosa in *Collect. Bullar. verb. Religiosus*.

18 Possunt præterea præfati DD. Protectores concedere licentiam veniendi Romam Fratribus suæ protectionis. Ita enim concessit Clem. vii in decretis pro reformatione Regularium in 3. tom. Bullar. num. 60. quæ etiam edita sunt iussu Pauli v. anno 1607. & confirmata à S. Congregatione Concilii sub SS. D. N. Urbano in decretis de Apostatis, & eiectionibus, ibi *Nullos Fratres Romam venire Superiores permittant, nisi prius à Generali, vel Protectore dumtaxat licentiam in scriptis impetrauerint. Si quis autem sint huiusmodi facultate Romam venire præsumpsit, voce actiua, & passiuâ biennio priuatus existat, subiturum etiam alias arbitratus Superiorum inflegendas pœnas, quæ item omnia aduersus eos qui prædicta admiserint, & reosperint sine ulla exceptione locum habent.* Vbi etiam adiungitur postea, *Decretum illud quo Fratres Romam petere cum Generalis, & Protectoris licentia dumtaxat permissum est, Sanctitas sua extendi ad Prouincialem decreuit, ita ut Prouincialis ipse ex causa communis totius Prouinciæ dumtaxat facultatem huiusmodi facere valeat, declarauitque pœnam priuationis vocis actiua, & passiuâ contra facientibus inflictere. Sanctitas sua referuatam esse, interdicta omnino eorum Superioribus singulis, & etiam Generali, ac Protectori facultate illam moderandi, ac relaxandi.* Decet autem DD. Protectores non uti hac facultate nisi in casu raro, & Fratres ab ipsis facultatem Romam veniendi postulantes ad Generales remittere, qui ob noticiam quam de Fratribus suis habent melius discernere poterunt an conueniens sit talem facultatem ipsis elargiri.


19 Item possunt DD. Protectores Carmelitarum, & aliorum Mendicantium procedere contra assentes quod confessi Mendicantibus, iterum eadem peccata Rectori Parochialis Ecclesiæ teneantur confiteri, veluti contra de hæresi suspectos, & contra prædictos Ecclesiarum Rectores, & Ordinarios, qui propter processus, lites, & controuersias inter ipsos, & Fratres Mendicantes exortos, inhibitionem fecerint eleemosynarum illis faciendarum, sicut contra hæreticos. Ita enim habetur ex Sixto iv. in Bulla *Dum attenta*, quæ est Mare magnum Carmelita-

melitarum, & extat in 1. tom. Bullarij Rôdriguez inter Bullas Sixti iv. num. 37. Hæc tamen intelligenda veniunt ex vi prædicti Privilegij Sixti iv. Si enim in commissione Inquisitorum similes causæ illis sint applicatæ cum reuocatione privilegiorum Mendicantium ad Inquisitores prædictos pertinebit de ijs iudicare.

20 Auctoritas quam habent Domini Protectores videtur delegabilis in casibus necessitatis, quibus ipsi personaliter assistere non possunt. Colligitur ex litteris protectionis sub Paulo v. & SS. Domino Nostro Urbano viii. illis verbis: *Quando autem ab ipsis Superioribus requisitus fueris, ut in eisdem negotijs auctoritatem tuam interponas, vel necesse fore cognoveris, ut eandem auctoritatem in eisdem negotijs exerceas, tunc id libere facere possis, sed quoad poteris per te ipsum hoc facere cures.* Expando enim, quoad poteris per teipsum, quo sanè denotatur per alium, vel alios id facere posse. Et ratio est, quia, vel prædicta auctoritas est ordinaria, vel delegata, si ordinaria, delegabilis est, quia omnis iurisdictio ordinaria est delegabilis, si autem sit solum delegata, quia illam habent solum per nominationem, vel delegationem à Papa factam, cum sit non ad causam determinatam, sed ad vniuersitatem causarum, scilicet, toties, quoties fuerint à Superioribus requisiti, vel id cognouerint ipsi esse necessarium, absdubie delegabilis etiam erit, quia delegati ad vniuersitatem causarum subdelegare possunt, ut tradunt Glossa in cap. cum causam de appellat. Silvester verbo delegatus num. 12. In quo id solum aduertendum quod si huiusmodi causæ concernerent visitationem, vel reformationem alicuius Prouinciæ, vel Monasterij tunc non possunt DD. Protectores suas vices delegare, alijs quam eiusdem Ordinis Religiosis. Primò quia visitator, seu reformator a totorum Religiosorum debet esse instructus in Regula ipsorum, ut colligitur ex cap. Officij de elect. Concil. Trident. sess. 25. cap. 21. de reformat. & Clem. 1. de elect. Secundò, quia sic araretur in boue, & asino contra id quod habetur Deuteron. 22. & expendit Glossa in dicto cap. Officij de elect. verbo incontinenti. Tertiò, ex privilegio Innocent. viii. pro Cisterciensibus. Rodriguez tom. 3. quæst. Regular. quæst. 77. art. 9. Peirinis tom. 1. de subdito Religioso q. 1. de obedientia cap. 18. §. 2. ubi plura ad intentum.

21 Quamuis autem in beneficiorum compensationem quæ à DD. Protectoribus Regulares suscipiunt, defensionis scilicet, conseruationis, protectionis, & tutelæ, sacrificia, orationes, & opera satisfactoria pro ipsis offerre Deo debeant, gratitudinis, &

observantiæ debitz causa, vt iure propterea in Ordine nostro quotidie in Oratione quadam quæ post Completorium dicitur pro ipsis totus Ordo Dominum deprecetur. Veruntamē Clem. VIII. in Constitutione de largitione munerum strictè, & sub grauissimis pœnis prohibet Regularibus aliqua ipsis donare, aut pro ipsis excipiendis aliquas pecunias erogare, & illis etiam talia recipere, præcipiens quoque vt quæ receperint, siue ab aliquo Religioso particulari, siue à Prælato, siue à Conuentu, aut toto Ordine sua non faciant, sed ad restitutionem illorum in vtroque foro teneantur, adeo vt restitutione ipsa realiter non facta, neque etiam in foro conscientie absolui possint. Quæ quidem etsi cum grano salis, & epicheia accipienda sint, maxime quia prædicta Constitutio non multum vsu recepta est, laudabilis tamen est modestia plurium prædictorum DD. Protectorum, qui eam quasi ad vnguem observant, & à proprijs familiaribus observari faciunt, vt sic enim Religiosis proprietatis & ambitionis occasio omnino præcluditur.



SUMMARIVM CAP. X.

- Conseruator quis sit, aut dicatur. num. 1.
 Est Iudex delegatus à Papa datus ad defendendum aliquos contra manifestas iniurias iudiciali non utens indagine. ibid.
 Aliquando dantur specialiter contraraptores, & pradones. num. 2.
 In presenti autem ad defensionem Regularium. ibid.
 Habent plurimi Regulares facultatem nominandi, seu designandi illos. num. 3.
 Priuilegium Sixti IV. pro Carmelitis. ibid.
 Priuilegium Pij V. pro Predicatoribus. num. 4.
 An sit reuocatum. ibid.
 Priuilegium Iulij II. & Clem. VII. pro Minimis. num. 5.
 Priuilegium Greg. XIII. pro Iesuitis. ibid.
 Conseruatores Religionum non sunt ablati per Concil. Trident. nu. 6.
 Quid sit Iudex ex Trident. sess. 7. cap. 14. nu. 7.
 Quid de ipsis Conseruatoribus sentiendum. num. 8.
 Possunt ex priuilegijs eligi ad id munus quacumque persone in dignitate Ecclesiastica constituta. nu. 9.
 Qui sunt illi, qui habent talem dignitatem. num. 10.
 Episcopi, & eorum Superiores eligi possent ex vi dictorum priuilegiorum. num. 11.
 Etiam DD. Cardinales. num. 12.
 Maxime Protectores Ordinis Carmelitar. ibid.
 Vicarij Generales Episcoporum quoque. nu. 13.
 Item Prelati, seu Superiores etiam immediati Regularium. num. 14.
 Quid tamen de Guardianis Ordinis Minorum. ibid.
 Quid declaratum à Sacra Congregatione pro Superioribus Regularium. ibid.
 De alijs, qui nomine dignitatis comprehenduntur. nu. 15.
 An Canonici etiam. num. 16.
 An personatus habentes. num. 17.
 Tenentur Conseruatores electi acceptare tale munus. num. 18.
 Designato uno Conseruatore pro una causa non potest alius pro ea nominari. num. 19.
 Quando expiret Conseruatoris officium. nu. 20.
 Nemo potest iure communi esse Conseruator sui Conseruatoris. num. 21.
 Nec habere pro Conseruatore eum qui est sub eius iurisdictione, Regibus,

- Regibus, & Reginis exceptis . num. 21.
 Conseruatores solum possunt iure communi contra manifestas iniurias, & violentias procedere. num. 22.
 Quae dicatur manifesta iniuria, aut violentia. ibid.
 Per priuilegia tamen amplior facultas conceditur Conseruatoribus. ibid.
 An sit hoc tempore id derogatum. ibid.
 An extendatur hoc etiam ad iniurias non solum illatas; sed etiam quae probabiliter inferenda timentur. nu. 23.
 An ad ea, quae iudicalem requirunt indaginem. num. 24.
 An sint ex priuilegijs Iudices Ordinarij. num. 25.
 An possint Subdelegatos creare. num. 26.
 Quo loco possint exercere suam iurisdictionem. num. 27.
 An possint procedere contra Clericos, & laicos. num. 28.
 De quibus causis cognoscere possint. num. 29.
 An quando sunt rei, vel etiam actores. num. 30.
 An possint cogere Apostatas, & subtrahentes si à iugo Ordinis. num. 31.
 Procedantne criminaliter, ciuilitè, vel mixtè. num. 32.
 Possuntne uti censuris. num. 33.
 Conseruatorum auctoritas an impediri possit ab Ordinarijs, Legatis à laterè. num. 34.
 Coarctata est à Sacra Congregatione Concilij iussu Gregorij XIII. facultas Regularium ad eligendum Conseruatores. num. 35.
 A Clem. VII. etiam in Constitutione Sanctissimus num. 36.
 Maxime à Greg. XV. in Const. etiam Sanctissimus. nu. 37. 38. 39. 40. 41. 42. 43. 44. 45. & 46.
 Quomodo declarata est praedicta moderatio à S. Congregatione. num. 47.
 Quid Leo X. in Conc. Lateranensi statuerit. nu. 48.
 Quid tenendum est his temporibus. num. 49.
 Eligendi in Conseruatores debent esse in dignitate Ecclesiastica constituti. num. 50.
 Quid si illam primo habuerunt. ibid.
 Vel personatus obtinentes. num. 51.
 Canonici Ecclesiarum Cathedralium. num. 52.
 Praecipue tamen ad hoc quod eligantur debent esse prius electi in Iudices Synodales in Concilijs Prouincialibus, aut Diocesanis. num. 53. & 54.
 Quas qualitates habere debent hi Iudices. num. 54.
 Quamplures Iudices Synodales designandi. num. 55.
 Quid si aliquis ex illis moriatur. num. 56.

Quous-

Quousque duret Iudicis Synodalis officium. *ibid.*

Quid si absentetur. *ibid.*

An Conseruatores possint suam auctoritatem delegare. num. 57.

Possint facere citationes, & denuntiationes per alios. *ibid.*

Quid tenebantur Regulares facere post editam Const. Greg. XV. n. 58.

An eo tempore elapsi possint etiam Conseruatores eligere. *ibid.*

Non possunt semel legitime electi durante quinquennio amoueri. num. 59.

Nisi ex causa approbata à Sede Apostolica, vel Ordinarijs. *ibid.*

Quomodo auctoritas Conseruatorum hoc tempore sit coarctata. n. 60.

Non possunt hoc tempore procedere cum Regulares sunt actores in causis civilibus. num. 61.

Nec possunt procedere nisi in manifestis iniurijs, seu violentijs. num. 62.

Quare debet apparere primum iniuriam, seu violentiam esse manifestam. *ibid.*

Quid si de hoc dubitent. *ibid.*

Nec possunt procedere iudiciali indagine. num. 64.

Intra quem terminum, seu spatium loci. num. 64.

An procedere possint ad defensionem seruitorum, seu familiarium. num. 65.

Quid de Procuratoribus, & Syndicis Minorum. num. 66.

Quid de defensione bonorum. nu. 67.

Pro defensione priuilegiiorum. num. 68.

Controuersia inter Conseruatores, & Ordinarios quomodo decidenda. num. 69.

Conseruatores excedentes limites sue iurisdictionis qualiter puniantur. nu. 70.

Pars quæ id procurauerit excommunicationem incurrit. num. 71.

Impedientes, vel molestantes Conseruatores quam pœnam incurrant. num. 72.

Non est prohibitum Regularibus petere Iudicem à Principibus secularibus. num. 73.

Concurrentibus quibusdam conditionibus. *ibid.*

Potest Conseruator recusari ut suspectus. num. 74.

Appellari potest ab eius sententia. num. 75.

Quomodo munera ab eis non accipienda, & expensæ vitandæ. nu. 76.

Quid de Assessoribus, Notarijs, & illis personis, quæ vocantur à Conseruatoribus ad testimonium perhibendum. num. 77.

De Conseruatorum priuilegijs. num. 78.

Quid declaratum à S. Congregatione circa electionem Conseruatorum. nu. 79.

De Conseruatoribus Religionum , seu
Regularium personarum.

Cap. X.



CONSERVATOR secundum Ius commune est Iudex delegatus à Papa ad defendendos aliquos contra manifestas iniurias , iudiciali non utens indagine . Ita habetur in *cap. statuimus de offic. Iudic. deleg. in 6. Azor. tom. 2. lib. 5. cap. 35. q. 1. Sorbus in Compend. priuileg. Mendicant. verb. Conseruator vers. sunt autem.*

Dicitur Iudex delegatus, quia Conseruator non est Ordinarius, cum iurisdictio illi concessa non competat ratione officij, sed delegationis. Molina *de iust. tom. 6. disp. 29. num. 1. Barbosa de offic. & potest. Episcopi alleg. 76. num. 2.* Cum quibus aduerte id esse intelligendum nisi in Bulla conseruatoria expressè concedatur, vt Conseruator sit Iudex Ordinarius. Dicitur à Papa datus, quia solum Papæ est hos Iudices Conseruatores designare. Rodriguez *tom. 1. quest. Regular. q. 65. art. 2. Peirinis tom. 2. priuileg. Minim. in Constit. 5. Gregory XV. §. 1. num. 3.* Dicitur ad defendendos aliquos contra manifestas iniurias, quia hic est finis perse intentus à iure communi in institutione Conseruatorum, & propterea Defensores etiam vocantur. Sorbus *vt supra.* Dicitur verò *iudiciali non utens indagine* ad denotandum modum quo debet procedere talis Iudex Conseruator in iure communi stando, de quo dicitur in sequentibus. Peirinis *vt supra §. 6. num. 40.*

2 Quamuis autem secundum Ius commune Conseruator solum sit Iudex, vt dictum est, ad defendendos aliquos contra manifestas iniurias, nihilominus aliquando datur specialiter, vt defendat aliquos contra raptores, & prædones; aliquando etiam specialiter contra eos qui aliquorum priuilegia infringunt. Innocentius *cap. statuimus de offic. delegat. in 6. Erasmus Chokier in tract. de Iurisdict. Ordin. in exempt. p. 1. q. 39. num. 1.* Aliquando autem; vt in præsentī materia, item specialiter ad tuendos Regulares ab iniurijs illis illatis, coram iura, bona, & priuilegia defendendo. Sorbus *vt supra §. tamen Conseruator.* Peirinis *vt supra §. 1. num. 2.* Conseruatores ergo prout in præsentī illi dicentur qui dati sunt Regularibus, vt eorum iura,

iura , bona , & priuilegia ab iniurijs defendant .
 3 - Habent enim plurimi Regulares à Summis Pontificibus facultatem nominandi , & designandi Conseruatores , qui ipsorum priuilegia publicent , ac eisdem efficacia defensionis præsidio assistentes faciant eos pacifica possessione priuilegiarum gaudere , non permittentes per quoscumque indebitè molestari . Sic enim concessit Sixtus IV. quatuor Ordinibus Mendicantium . Casarubius in *Compend. priuileg. Mendicant. verbo Conseruatores Ordin. num. 1.* Rodriguez tom. 1. *quest. Regul. q. 65. art. 3.* Verba autem nostri Maris magni , seu eiusdem Sixti IV. Bullæ quibus etiam quid alijs Mendicantibus concessum sit habetur , post relata priuilegia , & indulta Ordini concessa sunt huiusmodi . Et nihilominus dicti Ordinis Protectori qui pro tempore erit , & cuilibet in dignitate Ecclesiastica constituto , & Metropolitana , vel alterius Cathedralis Ecclesiæ Canonico per vniuersum Orbem qui desuper prædicti Ordinis gloriosissima Dei Genitricis semperque Virginis Mariae de Monte Carmeli Priores , & Fratres , ac illorum , seu ad commodum eorum Romanæ Ecclesiæ Syndicos desuper requisitus fuerit , per Apostolica scripta insolidum mandamus quatenus per se , vel alium , seu alios præmissa ubi , & quando opus fuerit solemniter publicantes , ac eisdem Fratrum Gloriosissima Dei Genitricis semperque Virginis Mariae de Monte Carmeli Ordini , illiusque domibus , & professoribus in præmissis efficacia defensionis præsidio assistentes faciant eos pacifica possessione , vel quasi priuilegiarum , & concessionum huiusmodi gaudere , non permittentes eos , seu testamentorum executores , & heredes prædictos contra illorum tenorem , per Ordinarios , & Reiores prædictos , aut quoscumque alios indebite molestari , aut eis grauamina , iniurias , atque damna inferri , seu quomodolibet irrogari , ac etiam summarie , & de plano sine strepitu , & figura iudicij sola facti veritate inspecta , contra quoscumque cuiuscumque qualitatis , vel conditionis existant , & quacumque Ecclesiastica etiam Patriarchali , Archiepiscopali , aut Episcopali , aut mundana forent dignitate , & exemptione muniti , in quibuscumque causis per eos mouendis quacumque ratione , vel causa quæ ex cogitari possent eis minissent iustitiæ complementum Exequentes quod per eos fuerit ordinatum , & illos quos censuras , & pœnas prædictas incurrisse constiterit illis irretitos esse decarent , ac faciant , & mandent interdictiones suspensos , & excommunicatos publicè nunciari , & ab omnibus actibus citari , ac legitimis super his habendis seruatis processibus illos quoties opus fuerit iteratis vicibus aggauare procurent . Contradiectores auctoritate Apostolica appellatione postposita compefcendo , innocato ad hoc si opus fuerit auxilio brachij
 sacula-

secularis. Non obstantibus prefati Bonifacij VIII. &c.

4 Specialiter etiam Patres Dominicani à Pio v. in Bulla Ad hoc nos Deus, quæ est inter Bullas huius Pontificis sub nu. 41. priuilegium habent, quo Patriarchis, Archiepiscopis, Episcopis, Abbatibus, ac alijs personis in dignitate Ecclesiastica constitutis, necnon Metropolitanarum, & aliarum Ecclesiarum Cathedralium Canonicis, & eorundem Patriarcharum, Archiepiscoporum, & Episcoporum Officialibus, seu Vicarijs hæc scribit. Et ut Fratres, & Moniales à præmissis molestijs, & perturbationibus subleuati, quietius altissimo famulari, & uberiores fructus quotidie in agro Domini, pro Christiana Religionis defensione, & ampliatione perferre possint, tam vos omnes, & singulos supradictos quam quascumque alias personas in dignitate Ecclesiastica ubilibet, & in quibusvis mundi partibus constitutas, & quoscumque locorum Ordinarios, ac eorum Vicarios, & Officiales, necnon Canonicos Metropolitanarum, & aliarum Cathedralium Ecclesiarum per eosdem Fratres, seu Moniales, ac dicti Ordinis Fratrum Predicatorum Superiores, & domorum Priores, ac eorum singulos pro tempore eligendos, in eorum, & dictorum eorundem priuilegiarum, indulgarum concessionum, & gratiarum, & singulorum aliorum præmissorum Conseruatores, & Iudices unicos, qui quamdiu dictum officium exercueritis, & ipsi exercuerint à nemine quo minus illud exerceatis, & exerceant sub aliquo prætextu, ac sub excommunicationis, seu suspensionis à diuinis late sententiæ quam eo ipso incurere volumus, & declaramus respectiue pœna impediri, vel molestari possitis, & possint dicta auctoritate deputamus. Ita quod vos, seu alij quicumq. sic electi sub excommunicationis, seu suspensionis late sententiæ pœna huiusmodi, quam statim quod munus, siue officium Conseruatoris huiusmodi acceptare, & debitè, ac plenariè exequi neglexeritis, & neglexerint alique alterius declarationis ministerio incurere volumus, nec ab aliquo quam à Nobis, & pro tẽpore existẽte Romano Pontifice (præterquam in mortis articulo) absolui posse, eosdem Priores, Superiores, & Fratres, ac Moniales, etiam terrij habitus oblatos, & alios prefatos, ac eorum singulos, aduersus inferentes eis, aut eorum Procuratoribus, Agentibus, Seruitoribus, & familiaribus in præmissis, & eorundem aliquo, molestias, siue perturbationes aliquas, seu iniurias, grauamina, vel damna in personis, rebus, & bonis, seu exigendo ab eis vectigalia, datia, pedagia, gabellas, collectas, aut alia onera defendere, persequere, legendum videtur præseruare, ac omnem eorum iurisdictionem exercere. Necnon sententias, censuras, & pœnas Ecclesiasticas contra rebelles, & inobedientes cum effectu promulgare, ac omnibus facultatibus Conseruatoribus dicti Ordinis

Ordinis Fratrum Predicatorum, illiusque Fratribus, & personis per quascumque litteras Apostolicas, quomodolibet concessas, uti, ac privilegia Superioribus, Prioribus, & Fratribus, ac Monialibus prefatis pro tempore concessa eis observari facere debeatis, & debeant. Circa quam Constitutionem nota, quod licet videatur revocata à Gregorio XIII. in Bulla *Instanta*, quæ est 9. inter Constitutiones Gregorij, ut expressè asserit Lauretus de Francis in *Controversijs Episcop. & Regular. sup. dictam Bullam Gregorij pag. mibi. 14.* cum ibi revocet Pontifex quascumque Constitutiones à Pio V. editas in favorem quorumcumque Regularium etiam Mendicantium, nihilominus quia forsitan hæc revocatio à Gregorio facta, solum est accipienda quoad ea, quæ contra Concilium Tridentinum concesserat Pius, iuxta dicta cap. 1. num. 16. vel saltem non alio modo est recepta, ideo hæc concessionem Pij VI. quoad Iudices Conseruatores non omittendam dixit.

5. Item Julius II. Minimis concessit in Bulla *Alias venerabili*, antio. 1507. edita, quæ est apud Peirinis to. 1. *privileg. Minim. inter Constit. Iulij* 11. num. 4. *Quod Fratres dicti Ordinis Conseruatores Minimorum etiam Canonicos Cathedralium Ecclesiarum, & Officiales, ac Vicarios ipsorum sibi eligere, & quod tales in Conseruatores taliter per eos electi, ex nunc per nos deputati censantur, possintque contradictores quoscumque excommunicare, & censuras iteratis vicibus, aggravare, ac tota quacumque Ecclesiastico subijcere interdicto, ac omnia alia que possint Conseruatores, ab alijs Fratribus aliorum Ordinum Mendicantium, iuxta privilegia eis super hoc concessa, electi.* Et Clemens VII. in Bulla *Conquisitionem*, antio. 1524. edita, apud eundem Peirinis to. 1. *privileg. Minim. inter Constitutiones Clementis VII.* num. 1. magnam etiam concessionem eisdem Minimis fecit. De alijs etiam Privilegijs circa hoc Religionibus concessis, Barboza *de offi. & potestat. Episcopi allegat.* 106. nu. 52. Ac tandem Gregorius XII. in Bulla *Aequum reputantes*, quæ est inter Bullas huius Pontificis in 2. tom. Bullar. num. 1. amplam valde circa hoc Societati Iesu concessionem fecit, de qua minutatim plura in sequentibus dicetur, advertendo Religiones habentes communicationem privilegiorum monialium aliorum Ordinum frui privilegijs Societatis, quamvis tempore posterior ipis sit, iuxta dicta tom. 1. cap. 3. n. 17. Imò specialiter Religiones non habentes Conseruatores possunt illos eligere, si habeant communicationem privilegiorum cum alijs Conseruatores habentibus, declaratum dicitur à S. Congregatione, Barboza in *Collect. Bullar. verb. Conseruator.*

6 Nec Conſervatores Religionum, aut ipſorum privilegia per Conc. Trid. ablata ſunt. Conſtat enim Concilium ſeſſ. 7. c. 14. ſupponere quod Regulares extra Monafteriū degentes, etiamſi in partibus Iudicē habeant, conveniri debeant in civilibus cauſis mercedum, & miſerabilium perſonarum coram Ordinariis; in alijs tamen locis coram Iudice (Conſervatorem intellige ſecundum quosdam) ſi illum habuerint. Clarius ſeſſ. 14. cap. 5. ubi cum magnam limitationem adhibuiſſet circa Conſervatores, & eorum facultatem, poſtea declarat ſe non loqui de locis, aut perſonis Regularibus. Similiter cum ſeſſ. 14. cap. 20. voluiſſet cauſas omnes ad forum Eccleſiaſticum quomodolibet pertinentes in prima inſtantiā coram Ordinarijs locorum cognoscendas, nihilominus Sacra Congregatio Concilij declaravit non propterea ſublatas eſſe Conſervatores. Hoiriis tom. 2. privileg. Minim. in Conſtit. Gregorij XIV. §. 11. num. 40. Barbosa de offic. & poteſtat. Episcop. allegat. 106. num. 42. & 43. & alij impoſuerunt ipſos.

7 Dixi autem per Indicem de quo ſermo eſt in Concil. Trid. ſeſſ. 7. cap. 14. intelligi (ſecundum quosdam) Conſervatorem quia re vera conformis extitit eſt ibi non loqui Concilium de Iudice Conſervatore, ſed de alio Iudice Apoſtolico deſignato pro Religioſis extra clauſtra degentibus, ac proinde ex mente Concilij Regulares extra clauſtra degentes conveniri debent coram Ordinarijs in cauſis ibi deſignatis. Rodriguez tom. 1. quaſt. Regul. q. 65. art. 13 §. ſecundo eſt notandum. Barbosa de offic. & poteſtat. Episcop. allegat. 106. num. 43. Vide dicta tom. 1. cap. 1. num. 10.

8 Ex harum igitur Religionum privilegijs inferri poteſt doctrina circa materiam horum Conſervatorum, eundemque aliarum, quæ cum ipſis communicationem privilegiorum habent. In qua primum dicitur de eo quod iuri communi, tum ex privilegijs Regularium Conſervatoribus ipſis competit. Poſtea verò de eo in quo moderatio facta eſt maxime poſt Greg. xv. Conſtitutionem *Sanctiſſimus* de qua infra. 9 Primum igitur circa qualitatem horum in Iudices Conſervatores eligendorum conſtat ex prædictis privilegijs poſſetate munus exercere quacunque perſona in Eccleſiaſtica dignitate conſtituta. Sic enim habetur in prædicta Bulla Sixti. 1. v. verbis allatis num. 3. & in Bulla Pij v. verbis reſatis num. 4. ad Clement. vii. pro Minimis, ac demum Greg. xi. i. pro leſuitis. Qualiter autem hoc non ſufficiat poſt Conſtit. Greg. xv. edictum inferius dicitur.

Cum

10. Cum autem iuxta dicenda cap. 13. num. 2. dignitas sit administratio (intellige rerum Ecclesiasticarum) cum iurisdictione, in hoc enim distinguitur à Personatu, quod Personatus, ut ibidem dicitur, est præminentia, seu præcedentia sine iurisdictione: Ideo omnes illi qui talem administrationem cum iurisdictione habuerint eligi poterant in Conseruatores. Moneta de Conseruator. cap. 5. q. 7. num. 84. Peirinis tom. 2. priuil. Minim. in Constit. 5. Greg. XV. §. 2. num. 8.

11. Ex quo sequitur Episcopos, & ipsorum Superiores, scilicet Archiepiscopos, Primates, & Patriarchas, & etiam Abbates posse eligi ex vi prædictorum priuilegiorum Religionum in Iudices Conseruatores, non solum quia sunt personæ in dignitate Ecclesiastica constitutæ sed etiam, quia ad illos diriguntur aliquæ ex prædictis litteris Conseruatorijs, videlicet illæ Clem. vii. pro Minimis, & Pij v. pro Dominicanis, in litteris autem Gregorij xiii. pro Iesuitis expressè sit mentio de Episcopis, & Archiepiscopis. Moneta de Conseruatoribus cap. 5. q. 6. num. 79. & 80.

12. Imò etiam DD. Cardinales ex vi prædictorum priuilegiorum in Iudices Conseruatores eligi possunt. Quia etsi expressè non nominentur in illis, cum tamen maximam habeant dignitatem necesse est inter dignitates habentes comprehendere. Moneta de Conseruatoribus cap. 5. q. 3. à num. 33. Peirinis tom. 2. priuileg. Minim. in Constit. 5. Gregorij XV. §. 2. num. 12. Imò Cardinales Protectores Carmelitarum, & eorum, qui cum ipsis communicationem priuilegiorum habent, sunt ipsorum Conseruatores Ordinarij, iuxta dicta cap. præced. num. 13. & 14.

13. Sequitur etiam Vicarios Generales Episcoporum posse esse ex vi iuris communis, & prædictorum priuilegiorum Iudices Conseruatores, cum sint personæ in dignitate constitutæ, & ad illos dirigantur litteræ conseruatoriæ Clem. vii. relata pro Minimis, dum dicitur: *Necnon eorundem Archiepiscoporum, & Episcoporum Officialibus, seu Vicarijs in Spiritualibus Generalibus*, pariter etiam nominentur in litteris Pij v. pro Dominicanis dum dicitur: *Et quoscumque locorum Ordinarios, ac eorum Vicarios, & Officiales*, ac in Bulla Greg. xiii. pro Iesuitis. Rodriguez tom. 1. quæst. Regular. q. 65. art. 3. & alij apud Barbosa de offic. & potest. Episcop. alleg. 106. num. 13. Esto autem hoc non esset verum ex vi iuris communis, ut plures auctores apud ipsam Barbosa relati satis probabiliter defendunt, ex vi tamen priuilegiorum, quæ adducta sunt, id est certum.

14. Similiter ex vi iuris communis, & prædictorum priuilegiorum,

rum, eligi possunt in Conseruatores Regularium Prælati, seu Superiores etiam immediati ipsorum Regularium, v. g. Prior's, Guardiani, &c. Ratio est, quia etiam illi sunt personæ in Ecclesiastica dignitate constitutæ, eorum enim munus est dignitas, iuxta dicenda *cap. 13. num. 2.* Accedit quod prædictæ litteræ Conseruatoriæ Clementis VIII. pro Minimis diriguntur etiam ad Priores, quo etiam videntur denotari Superiores immediati Conuentuum Religiosorum. Rodriguez *tom. 1. quest. Regul. quest. 65. art. 3.* Peirinis *tom. 2. priuileg. Minimor. in Constitut. 5.* Gregorij XV. §. 2. num. 11. Dixi tamen ex vi iuris communis, & prædictorum priuilegiolorum, primò quia forsap Guardianis, seu Prælati Minorum id est prohibitum à Clemente VIII. in Clementi *Exiuit de Paradiso*, vt tractat Rodriguez *ibid.* Secundò quia à Sacra Congregatione Cardinalium negotijs Episcoporum, & Regularium præpositorum Archiepiscopo Turritano interroganti an Regulares vnius Conuentus, Monasterij, vel domus aliquem Priorem, seu Guardianum, vel quemuis alium quauis dignitate Regulari fulgentem in suum Conseruatorem eligere, vel deputare possent, responsum est, non posse. Barbosa *de offic. & potest. Episcop. allegat. 106. nu. 15.* (Vbi nota falsò referri hanc declarationem ab eodem Barbosa in *Collectan. Bullar. verbo Conseruator*, vt credo errore Typographi.) Gauantus in *Man. Episcoporum verbo Conseruatores*, Erasimus Chokier *de Iurisd. Ordinarior. in exempt. par. 1. q. 39. num. 5.* Video tamen Abbati Ordinis Oliuetani concessum esse à S. Congregatione posse eligi in Conseruatorem si Episcopus in Synodo eum deputauit Iudicem Synodalem. Barbosa in *Collect. Bullar. verbo Abbas Oliuetanus 6. & verb. Conseruator.*

15. Inferitur etiam Archidiaconum, Archipresbyterum, Primicerium, Præpositum, & Decanum Ecclesiarum, imò etiam Vicecancellarium Papæ, Camerarium, Summum Pœnitentiarum, Clericos Camere, Auditorem Curie causarum dictæ Camere, Auditores Rotæ, Referendarios, & Protonotarios eligi posse, tum iure communi, tum ratione prædictorum priuilegiolorum, in Conseruatores, si quidem hi omnes habent dignitatem Ecclesiasticam. Moneta *de Conseruatorib. cap. 5. q. 7.* Peirinis *tom. 2. priuileg. Minim. in Constit. Gregor. XV. §. 2. num. 15. & 17.* Barbosa *de offic. & potest. Episcopi allegat. 106. num. 3.*

16. Canonici etiam saltem ex vi prædictorum priuilegiolorum, eligi possunt in Conseruatores, esto Canonici nec dignitas, nec personatus esset, de quo alias. Nam in prædicta Bulla

Sixti

Sixti IV. pro Carmelitis verbis supra num. 3. relatis dicitur: *Et Metropolitana, vel alterius Cathedralis Ecclesiæ Canonico, &c.* & Bulla Clement. VII. pro Minimis dirigitur etiam ad Metropolitanarum, & aliarum Cathedralium Ecclesiarum Canonicos, quod idem habetur in Bullis Pij VI. pro Dominicanis, & Gregorij XIII. pro Iesuitis. Rodriguez tom. 1. *quest. Regular. q. 65. art. 2.* Barbosa *de offic. & potest. Episcopi alleg. 106. num. 11.* De quibus autem Canonicis id sit intelligendum, maxime post Constitutiones Clement. VIII. & Gregor. XV. ex dicendis num. 52. constabit.

17. Quamvis autem in dignitate Ecclesiastica constituti eligi valeant in Conseruatores Religionum, tum iure communi, tum propter privilegia adducta, Personatus autem, seu Personatus habentes non videntur posse eligi in Conseruatores à Regularibus ex privilegijs ipsorum. Ratio est, quia etsi iure communi *exp. ult. de offic. & potest. Iudic. delegat. in 6* id fieri possit, nullum tamen ex privilegijs adductis, nec alia, quæ viderim mentionem de ipsis facit, quo denotari videtur excludi ab hoc munere à Summis Pontificibus, respectu Regularium. Quid tamen dicendum sit post tempora Clement. VIII. & Greg. XV. dicitur inferius.

18. Tenentur Conseruatores electi à Regularibus acceptare tale munus non solum ex charitate ad evitandas iniurias, & violentias illis illatas, seu inferendas, sed etiam ex speciali mandato Summorum Pontificum, qui id ipsis præcipiunt, & aliquando sub grauius pœnis. Etenim Iulius II. id præcipit sub pœna excommunicationis personis requisitis à Fratribus Minoribus. Similiter Leo X. in fauorem Mendicantium districtè id præcipit Conseruatoribus ab ipsis requisitis. Clarius Pius V. in Conseruatoria Dominicanorum relata Conseruatoribus ab ipsis electis, idem præcipit sub excommunicationis, & suspensionis latæ sententiæ pœna, soli Papæ reservata. Quare rei erunt peccati moralis nisi aliqua graui causa excusentur, non acceptantes tales Conseruatorias. Rodriguez tom. 1. *quest. Regular. q. 65. art. 4.* Beirinis tom. 1. *privileg. Minim. in Constit. 4. Iulij 11. num. 30.* Nota tamen Conseruatorias has litteras Pij VI. pro Dominicanis non esse certæ auctoritatis, propter dicta supra num. 4.

19. Designato autem vno Conseruatore pro vna causa non potest pro eadem nominari: quia iam talis persona nominata auctoritatem habet ad illam causam à Sede Apostolica, & propterea non potest illa priuari (intellige sine graui ratione de nouo

nouo

nouo vrge nti.) Rodriguez *tom. 1. quæst. Regul. q. 65. art. 5. Nayar. lib. 1. consil. de offic. Iud. delegati.* 20. Licet aliqui credant Conseruatoris officium extingui, & expirare per obitum concedentis, quoad negotia non cepta; Chokier. *de iurisdic. Ordin. in exempt. p. 1. q. 39. nu. 14. Barbosa de offic. & potest. Episcop. alleg. 106. num. 50.* In Religionibus tamen, ad earum privilegia attendendo, non cessat munus Conseruatorum ob mortem Papæ concedentis, quia eliguntur virtute concessionis factæ Religioni, quæ est perpetua, vnde tale privilegium est reale non personale, & ita vsus obtinuit. Rodriguez *tom. 1. quæst. Regul. q. 65. art. 6.* Miranda *in man. tom. 2. q. 47. art. 61.* Nota tamen etiam quoad hoc derogata videri privilegia Religionum his temporibus post Constitutionem Greg. xv. de qua interius, eo quod per illam inuocetur Constitutio Bonif. viii. quæ incipit, *Hæc Constitutiones, seu cap. fin. de offic. & potest. Iudic. delegati in 6.* vbi habetur officium quorumcunque Conseruatorum quoad non cepta negotia per obitum concedentis, expirare. Nihilominus tamen dici potest in hoc cap. solum esse nomen de Conseruatorijs personalibus concessis priuatis personis, non de realibus concessis Religionibus, hæc enim censentur perpetuæ, (Miranda *ut supra*) ac per consequens non esse hoc reuocatum per dictam Constitutionem Gregorij xv. præsertim quia in illa supponitur Regulares sibi eligere, seu assumere Conseruatores, & præcipitur vt durante quinquennio à die deputationis amoueri, aut mutari non possint, nulla facta mentione de obitu Papæ concedentis privilegia aduales electiones faciendas.

21. Nemo potest iure communi esse Conseruator sui Conseruatoris, nec habere pro Conseruatore eum qui est sub eius iurisdictione, dominio, vel districtu Ecclesiastico, vel temporali, Regibus, & Reginis exceptis. Ita enim deciditur expressè in *dict. cap. ult. de offic. & potest. delegat. in 6.* Erasmus Chokier *iurisdic. Ordin. in exempt. p. 1. q. 39. num. 3.* Barbosa *de offic. & potest. Episc. alleg. 106. num. 14.* Vnde mirum mihi est in Hispania (vbi abique vltius nationis iniuria sapientissimi videntur Doctores) vidisse quosdam Prælatos Regulares qui ad indice nunc munus Conseruatorum exercebant. Est enim privilegia admittant electionem cuiuscunque personæ in dignitate Ecclesiastica constitutæ, intelligi tamen id debet, iuxta conditiones à iure communi requisitas, quarum vna est quod vix non sit Conseruator sui Conseruatoris.

22. Prædicti Conseruatores attento iure communi & seculari particu-

particularibus privilegijs solum possunt procedere contra manifestas iniurias, & violentias. Ita enim deciditur c. 1. *& ult. de offic. & potest. deleg. in 6.* Dicitur autem manifesta iniuria illa, quæ per facti evidentiam ita notoria est, ut examinatione non egeat, vel si egeat, probari tamen potest clare. & certitudinaliter per multos testes, ita ut negari non possit. Tusch. verb. manifestum concl. 71. num. 7. Ioann. Monach. cap. 1. num. 3. de iud. deleg. Violentia verò dicitur, iniuria cum vi, & impetu, personis, vel rebus facta. De qua, & quod quintuplex sit vide Menoch. in prælud. de recuperand. possell. à num. 38. Vide etiam Tuschem verb. vis, & violentia concl. 214. Nihilominus amplior, & extensior facultas conceditur Conseruatoribus Religionum per privilegia adducta. Verbis enim Sixti IV. pro Carmelicis adductis mandatur ipsis Conseruatoribus *ne permittant eos indebitè molestari, aut eis graua mina, iniurias atque damna inferri, seu quomodolibet irrogari.* Similiter in Bulla Conseruatoria Clementis VII. pro Minimis dicitur. *Ne permittatis eosdem super libertatibus, privilegijs, indultis, rebus, & bonis prædictis, ab eisdem, & quibuscumque alys indebitè molestari, vel eis graua mina, vel damna, seu iniurias irrogari, aut coram quibuscumque Iudicibus Ordinarijs, vel delegatis, etiam apostolicis, quauis occasione, vel causa etiam criminali eosdem Fratres trahi, &c.* Item in Bulla Pij V. pro Dominicanis supra etiam relata (etiam certè auctoritatis non esse dictum sit supra num. 4.) prædictis Conseruatoribus præcipitur ut eos defendant aduersus inferentes eis molestias seu perturbationes aliquas, seu iniurias, graua mina, vel damna in personis, rebus, & bonis, &c. In Bulla etiam Greg. XIII. pro Iesuitis relata amplissima facultas eisdem Conseruatoribus conceditur, videlicet *de quibuscumque molestijs, iniurijs, damnis nunc presentibus, & futuris.* Ex quibus habetur eos posse cognoscere de omnibus causis tam manifestis, quam non manifestis. Farinacius 2. p. decis. 616. num. 3. & 4. Peirinis tom. 2. privileg. Minim. in Constit. 5. Greg. XV. §. 6. num. 34. & 48. Constat autem ex dicendis num. 62. qualiter id his temporibus moderatum sit.

23 Extenditur hoc ad iniurias non solum illatas, sed etiam ad illas, quæ probabiliter inferendæ timentur. Quia defensoris munus utraque respicit. Et ita in privilegio illo Sixti IV. pro Carmelitis vniuersaliter, & indefinitè dicitur non permittendum eos indebitè molestari, aut eis graua mina inferri quod tam de futuris, quam de præteritis iniurijs verificatur. Clarius in Conseruatoria Clem. VII. pro Minim. est sermo de damnis præsen-

presentibus, & futuris. Quod idem habetur in *Conseruatoria* Greg. xiii. pro leuitis. Molina *tom. 6. disp. 29. num. 2.* Miranda *tom. 2. Man. Pralat. q. 47. art. 7.* Vnde potest Conseruator si videat aliquos paratos cum armis ad damnificandum aliquod Monasterium in illos excommunicationem ferre, vt desistant. Azor. *to. 2. lib. 5. c. 34. q. 7.* Barbosa *de offic. & potest. Episc. alleg. 106. num. 34.*

24 Similiter quamuis prædicti Conseruatores stando in iure communi non possint cognoscere de ijs quæ iudicalem requirunt indaginem (idest quæ requirunt causæ cognitionem, & examinationem propter eius dubietatem. Glossa in cap. 1. referendo) vt habetur expressè cap. 1. & ult. de offic. & potest. iudic. deleg. in 6. vt propterea dicto cap. ult. pœna suspensionis per annum puniatur, qui oppositum fecerint, & colligitur ex dictis: si enim ius commune solum permittit quod Conseruatores iudicent de manifestis iniurijs, & violentijs, cum manifestum non indigeat iudicali indagine, seu examinatione, ideo consequenter non permittit illos cognoscere de ijs quæ iudicalem requirunt indaginem, quia hæc non sunt manifesta, sed dubia. Nihilominus ex priuilegijs aliquorum regularium maior, & amplior auctoritas aliquibus Conseruatoribus conceditur. Specialiter ex illo Clem. vii. pro Minimis vbi dicitur debere illos facere iustitiæ complementum prædictis Minimis in illis videlicet, *quæ iudicalem requirunt indaginem summarie, simpliter, & de plano sine strepitu, & figura iudicij, in alijs vero prout qualitas eorum exegerit.* Similiaque habentur in Bulla Conseruatoria Iesuitarum à Greg. xiii. data de qua supra num. 5. Vbi manifestè supponit Conseruatores procedere posse iudicali indagine, & quocumque alio modo necessario. Nec incongrue idem etiam elicitur ex illis verbis Sixti iv. pro Carmelitis relatis num. 3. *ac etiam summarie, & de plano, sine strepitu, & figura iudicij.* Verbum enim illud *ac etiam* denotare videtur Conseruatoribus tribui facultatem procedendi in defensione Carmelitarum prout qualitas causæ exegerit, *ac etiam de plano, &c.* Est autem hæc verba alium habere possent sensum, tamen propter communicationem priuilegiorum, quæ gaudent prædicti Carmelita, concessione Clem. vii. & Greg. xiii. vt valerent. Sorbus in compend. priuileg. Mendicant. verbo Conseruatores §. tamen Conseruator. Quomodo autem etiam circa hæc moderata sit Conseruatorum iurisdictio his temporibus infra num. 63. dicetur.

25 Pariter etiam quamuis communi iure Conseruatores sint solum

solum Iudices delegati, iuxta dicta supra num. 1. ex privilegijs tamen aliquorum Regularium sunt Iudices Ordinarij. Primò, quia in repetita Bulla Greg. xi 11. pro Iesuitis tales expresse vocantur. Secundo, quia in predictis privilegijs conceditur Conservatori huius facultas ad delegandum suam auctoritatem, ille autem qui delegare potest Ordinarius vel quasi est. Id verò patet in illis verbis Sixti iv. pro Carmelitis in Bulla sæpius relata *per se vel alium, vel alios*. Et in Bulla Clem. vi 11. pro Minimis illis verbis, *per vos, vel alium seu alios*. At in Conservatoria Greg. xi 11. pro Iesuitis verbis illis *per se, vel alium, seu alios*. Tertiò quia aliqui saltem illorum dantur ad vniuersitatem causarum, Iudex autem ad vniuersitatem causarum designatus Ordinarius est, iuxta dicenda cap. 13. num. 16. At verò Iudices Conservatores aliquorum Regularium ad vniuersitatem causarum designatos esse, constat ex illis verbis Sixti iv. pro Carmelitis *in quibuscumque causis per eos mouendis quacumque ratione, vel causa que excogitari possit eis ministrent iustitie complementum*. Idem etiam colligitur ex Conservatoria cle. vi 11. pro Minimis, & Pij v. pro Dominicanis, ac Greg. xi 11. pro Iesuitis. Moneta de Conservatoribus cap. 1. num. 11. & cap. 7. num. 40. Barbosa de offic. & potest. Episc. alleg. 106. nu. 2. & 3. Vnde non erit necesse quod in citationibus inferant litteras Conservatorias, sed sufficiet instar aliorum Iudicum Ordinariorum, quod de eis constat in actis Notarij Curie Ordinarij. Peirinis to. 2. priuil. Minim. in Constit. 5. Greg. XV. §. 1. num. 2.

26 Præterea, quod ex dictis sequitur, quamuis Conservatores secundum ius commune Subdelegatos creare non possint, Conservatores tamen quorundam Regularium, quorum privilegia, *num præced.* sunt relata, & aliorum, qui cum ipsis communicationem in privilegijs habent, Subconservatores instituere possunt. Tum ex dictis privilegijs, tum ex eo quod, vt ibidem dictum est, sunt Ordinarij. Vnde in cap. fin. de offic. & potest. iudic. delegat. in 6. expresse dicitur. *Vices suas nulli alij committere possint, nisi hoc eis competierit ex beneficio litterarum*. Moneta de Conservatoribus cap. 7. q. 2. num. 58. Rodriguez tom. 1. quest. Regular. q. 65. art. 10. Huiusmodi autem Subconservatores debent habere omnes condiciones pro Conservatoribus requisitas. Ita enim colligitur ex cap. fiatutum §. in nullo de rescript. in 6. Glossa ibidem verbo designatis, & Glossa in cap. fin. de offic. & potest. iudic. delegat. in 6. verbo superius, ubi inquit, *subdelegatus talis esse debet, cui possit delegari*. Peirinis tom. 2. priuil. Minim. in Constit. 5. Greg. XV. §. 2. nu. 5.

Z

Insu-

27 Insuper licet stando in eodem iure communi Conseruator res nequeant suum munus exercere, nisi intra Ciuitates, seu Dioceses in quibus deputati fuerint. Quia ita habetur in cap. ult. de offic. & potest. iudic. delegat. q. 6. nihilominus ex dicta Conseruatoria Greg. xii. pro Iesuitis, & Clem. vii. pro Minimis colligitur posse extra dictas Ciuitates, & Dioceses contra delinquentes procedere. Ponitur autem in eis terminus, dummodo id non sit ultra tres dietas. Sorbus in *Compend. priuileg. Mendicant. verb. Conseruatores Ordinis*. & item *Conseruator: Peirinis tom. 2. priuileg. Minim. in Constit. 5. Greg. XV. §. 6. num. 48.* Est autem vna dieta iter vnus diei, idest, viginti miliaria. Portellus in *Dub. Regular. verb. Conseruatores num. 5.* A quo autem spatio computandæ sunt istæ dietæ, vide Rodriguez tom. i. *quæst. Regul. q. 65. art. 7.* Qualiter etiam hoc limitatum sit Constit. Greg. xv. inferius nu. 64. dicitur.

28 Neque solum possunt in prædictis causis Conseruatores contra Clericos procedere, sed etiam contra laicos. Verba enim illa Sixti iv. *cuiuscumque qualitatibus, & conditionibus, & illa Clementis vii. ab eisdem, & quibuscumque alijs*; ac illa Greg. xii. *à quibuscumque personis tam Regularibus, quam Ecclesiasticis*. valde vniuersalia sunt, etiam laicos comprehendunt. Rodrig. tom. i. *quæst. Regular. quæst. 65. art. 11.* Miranda *ta. 2. q. 47. art. 7. concl. 3.*

29 Item possunt ex vi prædictorum priuilegiarum cognoscere de omnibus causis tam criminalibus, quam mixtis, atque ciuilibus. Propter vniuersalitatem illorum verborum Sixti iv. pro Carmelitis, *In quibuscumque causis per eos mouendis, & quacumque ratione, vel causa*, & illorum Clement. vii. pro Minimis, *de quibuscumque molestijs, iniurijs, &c.* ac illorum Greg. xii. pro Iesuitis, *ut in quibuscumque causis tam ciuilibus, quam criminalibus, ac mixtis*. Rodriguez tom. i. *quæst. Regul. q. 65. art. 12.* Peirinis tom. 2. *priuileg. Minim. in Constit. 5. Greg. XV. §. 6. nu. 48.* An verò hoc limitatum, & coarctatum sit quoad debita ciuilia, dicitur infra num. 61. & de alijs limitationibus num. 60. & sequentibus.

30 Insuper possunt Conseruatores cognoscere de prædictis causis, siue Regulares sint rei, vel actores etiam stando in iure communi. Nam in cap. *fin. de offic. & potest. iudic. delegat. in 6.* expressè præcipitur Conseruatoribus *ne aliquos ultra vnam dietam à sine diocesum eorumdem trahere presumant*, in quo supponitur posse trahere intra vnam dietam. Verbum autem trahere proprium est actoris reum ad iudicium trahentis. Ioannes

Andreas

Andreas *dist. cap. fin. num. 2.* Moneta *de Conseruatorib. cap. 7. q. 6. num. 338.* Posse autem defendere eos quando sunt rei manifestum est apud omnes, & constabit ex dicendis. Ex privilegijs autem posse cognoscere dictos Conseruatores de causis Regularium utroque modo constat ex conseruatoria Greg. xi i. pro Iesuitis (quia concessione tam ipsi, quam alij qui cum ipsis communicantia privilegijs fruuntur) illis verbis, *etiam in eis, in quibus actores, vel conuenti iri forent.* Qualiter autem hæc limitata sint post Constitutionem Greg. xv, infra dicetur à num. 60.

31. Possunt quoque Apostatas, & subrahentes se ab obedientia Ordinis, censuris Ecclesiasticis ad Religionem reuocare, propter Conseruatoriam Clem. vi i. pro dictis Minimis, vbi id habetur. Item articulum ab alijs inchoatum proseguere. Ita enim habetur in conseruatoria Clem. vi i. pro Minimis, & Greg. xi i. pro Iesuitis. Citare per edictum vbi tutus non pater accessus ad personaliter citandum. Ex prædictis Conseruatorijs Clem. vi i. pro Minimis, & Greg. xi i. pro Iesuitis. Peirinis tom. 2. *privileg. Minim. in Constit. 5. Gregorij XV. §. 6. num. 48.* Hæc tamen regulanda iuxta dicenda inferius circa Constitutiones Clem. vi i. & Greg. xv. ac decreta S. Congregationis.

32. Circa modum autem quo Conseruatores procedere debeant, an scilicet criminaliter, ciuilitè, vel mixtè, dicendum videtur iure communi non posse procedere criminaliter, aut mixtè, sed solum ciuilitè. Ratio est, quia procedere criminaliter est cognoscere de delicto propter vtilitatem publicam, & mixtè est cognoscere de illo tum propter vtilitatem publicam, tum propter priuatam, procedere verò ciuilitè est cognoscere de delicto propter priuatam vtilitatem. Nauar. in *Rubric. de iudicijs num. 31.* Moneta *de Conseruatorib. cap. 7. q. 2. à num. 208.* Cum autem Conseruatores instituantur propter priuatam eorum vtilitatem quibus assignantur ad defensionem, ideo solum videtur posse procedere, saltem iure communi, ciuilitè, non criminaliter, aut mixtè. Moneta *ut supra num. 253. & 267.* Peirinis tom. 2. *privileg. Minim. in Constit. 5. Gregorij XV. §. 6. num. 43. & 44.* An verò stando in vi privilegiorum Ordinum possint alio modo procedere, attendendum est ad verba formalia Conseruatoriarum, in eis autem quas mihi videre permissum est nihil reperi, quo colligi possint eos alio modo quam ciuilitè, posse procedere. Verbum enim illud, *innocato ad hoc si opus fuerit auxilio brachij secularis*, quod in multis huiusmodi Conseruatorijs reperitur non cogit, ut dicamus oppositum, cui sufficienter exponi possit de auxilio necessario intra limites modi procedendi ciuilitè.

33 Pro prædictis verò causis etiã ciuilitè tractandis, poterunt censuris Ecclesiasticis uti. Iure quidem communi *ex cap. sane el 2. de potest. iudic. delegat.* & supponitur *in cap. auctoritate de priuileg. in 6.* & etiã, quia quoties mandatur alicui negotium, mandatur etiã id sine quo illud impleri non potest præfertim quia frustra datur iurisdicção, quæ non est cum coactiua coniuncta. Azor. *tom. 2. lib. 5. cap. 35. q. 10.* Moneta *de Conseruatorib. cap. 7. num. 279.* Iure quoque speciali, propter priuilegia Conseruatoria Religionum, ut patet in Bulla Sixti pro Carmelitæ, Clem. vii. pro Minimis, Pij v. pro Dominicanis, & Gregorij xiii. pro Iesuitis. Cum autem contra Episcopos procedent adhibere debent diligentiam, ut modestè, patienter, & reuerenter se gerant ut colligitur *ex dicto cap. sane Peitinis to. 2. priuileg. Minim. in Const. 5. Greg. XV. d. num. 45.*

34 Conseruatorum auctoritas tantã est, ut impediiri non possit ab Ordinarijs, nec à Legatis delatere in eorum iurisdicçãoe, sed in causis eisdem commissis maiores sint prædictis Ordinarijs, & Legatis. Ita enim videtur colligi *ex cap. 2. de potest. iudic. deleg. in 6.* & tradit Sanchez *tom. 2. Consil. moral. lib. 6. cap. 9. dub. 6. num. 4.* post Ancharanum, Ruinum, & Mandosium ab eo relatos. Quare contra prædictos, & etiã Nuncios Apostolicos, tueri se poterunt Regulares per suos Conseruatores, si ad hoc se extenderint eorum Conseruatoria, & iuxta limitationes atterendas.

35 Quamuis autem hæc quæ dicta sunt vera sint spectando, vel ius commune loquens de Conseruatoribus, vel iura particularia Religionum, iuxta priuilegia illis concessa, nihilominus variè postea à Sede Apostolica alterata, immutata, vel reuocata fuerunt. Primum enim Sacra Congregatio Concilij iussu Gregorij xiii. ut dictum est in *tom. 1. cap. 3. num. 11.* declarauit quod Regulares in Ciuitatibus Italia existentes sibi Conseruatores eligere coram quibus conueniuntur, ad semel electos non nisi in Capitulis Prouincialibus mutarent, eorumque nomina intra mensem à die electionis Episcopis locorum Ordinarijs indicarent, alioquin coram ipsis Ordinarijs conueniri possent. Quaranta in Summ. a Bullar. verb. Priuilegia Regular. Quibus limitata est, & coarctata facultas Regularium in Italia existentium ad eligendum Conseruatores, ita scilicet ut semel electos non nisi in Capitulis prædictis mutarent, strictique essent ad indicandum intra mensem nomina ipsorum Ordinarijs, quod si non fecissent, possent coram ipsis Ordinarijs conueniri. Limitata etiã videbatur in hac declaratione auctoritas ipsorum Conseruatorum, quatenus in illa

illa supponitur videtur eos solum eligendos pro causis in quibus Regulares sunt rei, *Coram quibus conuenirentur*, non autem quando sunt actores.

36 Postea tamen Clemens VIII. in Constitutione *Sanctissimus*; anno 1592. quæ habetur in 3. tom. Bullar. inter Constitutiones huius Pontificis num. 3. & apud Erafmum Chokier in *trakt. de iurisdic. Ordinari. in exemp. p. 1. q. 39. num. 5.* & apud Barbosam *de offic. & potest. Episcop. alleg. 106. num. 54.* in primis renocauit, & declarauit nullas, omnes, & quascumque Iudicum Conseruatorum deputationes qui qualitates non haberent requisitas à Bonifacio VIII. in Const. quæ incipit, *Statutum*, & habetur in cap. 11. *de rescript. in 6.* vbi sic habet idem Bonifacius, *Sanctissimus igitur ut nullis nisi dignitate præditis, aut Personatum obtinentibus, seu Ecclesiarum Cathedralium Canonici cause auditoritate litterarum Sedis Apostolicæ, vel legatorum eiusdem de cetero committantur.* Deinde declarauit prædictos Conseruatores debere esse electos, & designatos in Concilijs Prouincialibus, aut Diocesanis, iuxta decretum Concilij Tridentini. Quod est dicere, necessarium esse quod hi qui eliguntur in Cōseruatores, electi prius, & designati sint in prædictis Concilijs. Quo sensu intelligendum est id quod dixi tom. 1. cap. 3. num. 11. Decretum autem Concilij Tridentini de quo hic loquitur Pontifex est *sess. 25. cap. 10. de reformatione*, vbi statuit S. Synodus in *singulis Concilijs Prouincialibus, aut Diocesanis aliquot personas quæ qualitates habeant, iuxta Const. Bonifac VIII. quæ incipit, Statutum, & alioquin ad id aptas designari, ut præter Ordinarios locorum, ijs etiam post hac causæ Ecclesiasticæ, ac spirituales, & ad forum Ecclesiasticum pertinentes in partibus delegandæ committantur.* Hæc Concilium. Pontifex autem vult, ut ex huiusmodi personis eligantur Conseruatores pro Regularibus. Quoad negotia tamen incepta, vel quoad ea, in quibus illæ Conseruatoriæ, seu Conseruatoriarum deputationes suum sortitæ erant effectum, seu executionem, nihil innouauit Pontifex. Voluit tamen ut Conseruatoriæ per Sedem Apostolicam in posterum concedendæ solentur ad Conseruatores, & Iudices qui qualitates à Bonifacio VIII. requisitas habuerint, & in præfatis Concilijs electi, & designati sint, & non alijs dirigantur, aliter vero expeditæ litteræ nullius sint roboris, & momenti. Hæc Clemens VIII. in dicta Constitutione. Per quam quid derogatum sit iuri communi, & priuilegijs Regularium circa Conseruatores inferius videbitur post Greg. xv. Constitutionem.

37 Prædictus enim Greg. xv. in Constitutione *Sanctissimus*;

anno 1621. edita quæ habetur in 4. tom. Bullar. inter Constitutiones huius Pontificis, num. 9. & apud Peirinis tom. 2. *privilegi Minim. inter Constit. huius Papa* nu. 5. & apud Barbosam *de offic. & potest. Episcop.* num. 55. vestigijs Clem. vii. in hârendo in primis reuocauit, ac nullas, & inualidas decreuit omnes Iudicum Conseruatorum electiones vsque ad id tempus factas, illis verbis. Sanctissimus in Christo P. & D. N. D. Gregorius diuina prouidentia Papa xv. ex certis rationabilibus causis animum suum mouen. & de voto venerab. Fratrum suorum S. R. E. Cardinalium Concilij Trident. Interpretum, partim felicitis recordationis Clem. Papæ vii. prædecessoris sui vestigijs inherendo, reuocauit, ac nullas, & inualidas decreuit omnes, & quascumque Iudicum Conseruatorum electiones, nominationes, seu deputationes, tam in vim litterarum Conseruatoriarum, iuxta formam in quinterno Cancellariæ descriptam, quam in vim quorumcumque privilegiorum perpetuò, vel ad tempus nondum elapsum Apostolica auctoritate concessorum, seu alias quocumque iure, vel titulo hætenus factas pro quibuscumque Conuentibus, Capitulis, Militijs, etiam S. Ioannis Hierosolymit. Congregationibus, Collegijs, Ordinibus, Monasterijs, Hospitalibus, aut alijs quibuscumque pijs tam secularibus, quam cuiusvis Ordinis, etiam Mendicantium, seu instituti, vel Societatis Regularibus locis, quantumuis exemptis, etiam de necessitate exprimendis, seu illorum personis cuiusvis qualitatis, seu conditionis existant.

38 Deinde qualitates pro futuris Conseruatoribus sic designauit. In futurum verò Sanctitas sua, hac generali, & perpetuo valitura Constit. statuit, & decreuit, vt Iudices Conseruatores huiusmodi, siue principales, siue subrogati, eligi, nominari, aut deputari non possint, nisi non solum habeant qualitates requisitas, & descriptas in Constit. similis record. Bonif. Papæ vii. etiam prædecessoris sui, quæ incipit *Statutum*, ita vt vel dignitate Ecclesiastica præditi, vel Personatum obtinentes, vel Ecclesiarum Cathedralium Canonici existant, sed etiam in Concilijs Prouincialibus, aut Diocesanis iuxta decretum Concilij prædicti Iudices electi, seu designati sint. Quodque deinceps litteræ Conseruatoriæ per Sedem Apostolicam concedendæ, supra scriptis tantum dirigantur, et si quæ litteræ aliter expediantur, illæ, ac deputationes huiusmodi, omniaque exinde sequenda nullius sint roboris, vel momenti.

39 Postea pœnas contra eligentes Conseruatores secus quam iuxta formam præscriptam sic assignat. Et nihilominus qui
secus

secus quam iuxta formam superius præscriptam Conseruatores huiusmodi cum effectu eligere, nominare, seu deputare, aut electis, nominatis, seu deputatis uti ausi fuerint, Regulares quidem voce actiua, & passiuæ sint ipso iure priuati, adeo ut habilitationem à nemine præterquam à Romano Pontifice consequi valeant. Reliqui verò alijs pœnis arbitrio Sanctitatis suæ coercantur, & prædictorum omnium Conuentus, Monasteria, ac loca huiusmodi, eorumque personæ, ac bona careant Conseruatore ad annum, ita ut illorum causæ interea coram locorum Ordinarijs duntaxat cognosci, ac definiri debeant.

40 Admonitos præterea volens locorum Ordinarios, ut in Synodis eligant quamplures personas aptas ad id munus, de eo, & quid faciendum sit si aliquis interim ex designatis mori contigerit sic definit. Cæterum, ut latius pateat Conseruatorum huiusmodi deligendorum facultas, Sanctitas sua admonitos voluit omnes locorum Ordinarios, ut in Synodis Prouincialibus, aut Diœcesanis, quamplures personas ex habentibus qualitates in prædicta Constit. eiusdem Bonif. prædecessoris contentas, & alioquin ad id aptas designari procurent, & si aliquem interim ex designatis mori contigerit, substituât Ordinarius loci cum consilio Capituli alium in eius locum vsque ad futuram Prouincialem, aut Diœcesanam Synodum.

41 Qualiter autem Regulares se gerere debeant post electos Conseruatores, & quid illis interdicatur, sic describit Pontifex. Insuper Sanctitas sua, inhærendo hac in parte decreto similis recordationis Greg. xii. etiam prædecessoris sui, statuit, & ordinauit, ut Regulares, ac personæ huiusmodi in Italia infra duos, extra Italiam verò infra sex menses à die publicationis in Vrbe præsentis Constit. inchoandos, debeant sibi eligere, seu assumere Conseruatores, iuxta formam superius propositam, eiusque electionis, seu assumptionis documentum, infra tempus huiusmodi penes acta Curie Ordinariorum exhibere, & dimittere teneantur, alioquin eotermine elapso, quandiu Conseruatores secundum formam præsentis Constitutionis non elegerint, coram eisdem Ordinarijs conueniantur. Quodque Conseruatores huiusmodi semel legitime deputati, nisi ex legitima causa à Sede Apostolica, aut locorum Ordinarijs, prout iisdem Regularibus, & alijs supradictis libuerit, approbanda, durante quinquennio à die deputationis amoueri, aut mutari nullatenus possint, aut valeant.

42 Circa auctoritatem verò prædictorum Conseruatorum, & ipsius limitationem, & coarctationem hæc decreuit. Ad hæc statuit

statuit Sanctitas sua, vt coram ipsis Conseruatoribus Regulares, ac personæ suprascriptæ conueniri quidem, aut trahi debeant, sed alios conuenire, aut trahere non possint, ita vt memorati Conseruatores in causis in quibus Regulares, & alij actores fuerint, nullam prorsus iurisdictionem habeant, sed ijs tantum in quibus rei extiterint. Neque extra Ciuitates, seu Dioceses in quibus fuerint deputati contra quoscumque procedere præsumant.

43 Qualiter etiam lites, & controuersie inter Conseruatores, & Ordinarios exoriendæ dirimi debeant sic præscribit. Si quæ verò inter Iudices Conseruatores huiusmodi, & locorum Ordinarios controuersia super competentia iurisdictionis orta fuerit, nequaquam in causa procedatur, donec per arbitros in forma iuris electos super iurisdictionis competentia fuerit iudicatum.

44 Pro pœnis autem Conseruatorum in suo officio excedentium, & inuouatione alterius Constitutionis eiusdem Bonifacii, sic habet. Quod si qui Conseruatores siue in hac parte, siue alias quomodolibet suos limites excesserint, per annum ab officio Conseruatoris huiusmodi suspensi sint, & pars quæ hoc fieri procurauerit sententiæ excommunicationis incurrat, iuxta formam alterius Constitutionis eiusdem Bonifacii prædecessoris, quæ incipit, *Hac Constitutione*, quam Sanctitas sua in his omnibus, quæ præfenti Const. non aduersantur, innouauit, & innouat.

45 Qualiter quoque, & cum quibus Conditionibus possint Regulares à Principibus, seu Magistratibus sæcularibus Iudices alios habere sic decernit. Per hoc tamen non intendit Sanctitas sua prohibere, quominus Regulares, & alij supradicti, in casibus à iure permissis petant Iudicem non suspectum à Principibus, seu Magistratibus sæcularibus, dum tamen hæc tria copulatim concurrant, videlicet, vt Regulares, & alij prædicti sint actores, non autem rei; vtque agant contra laicum, non autem contra Ecclesiasticum, vel alias à iurisdictione sæculari exemptum; atque, vt causa, in qua Iudex deputatur, fuerit profana, non autem Ecclesiastica, & in ea iuxta Sacrorum Canonum dispositionem, laicus, vt præfertur, eligendus, Iudex competens existat.

46 Demum derogat contrarijs, priuilegia omnia in contrarium tollit, & omnes litteras conseruatorias ad formam præfentis Constitutionis reducit, vt videre est locis relatis.

47 Post hæc Constitutionem editam, cum dura videretur maxime

maximè quoad illam clausulam in qua ordinabatur, vt Regulares coram prædictis Conseruatoribus conueniri, aut trahi deberent, ipsi autem non possent alios trahere, aut conuenire, ita vt memorati Conseruatores in causis, in quibus Regulares, & alij actores fuissent, nullam prorsus iurisdictionem haberent, sed in ijs tantum in quibus rei extitissent, ad Sacram Congregationem Concilij recurrerunt, dubitando, *An per hac verba sublata sit facultas quam habent Conseruatores defendendi Regulares, & alios à manifestis iniurijs, & violentijs quæ illis de facto inferuntur, dum à suis possessionibus deiciuntur, & proprijs bonis frui, aut uti impediuntur.* Ad quod eadem Sacra Congregatio anno 1624. respondit. Eiusmodi verbis minimè sublatam esse facultatem quam habent Conseruatores defendendi Regulares à manifestis iniurijs, ac violentijs, dummodo obseruent formam præscriptam Constitutionibus Innocentij iv. & Bonifac. vii. relatis in cap. i. & fin. de offic. delegati in 6. Habetur hæc decisio in 4. tom. Bullar. inter Const. Greg. xv. post nonam, & apud Peirinis, & Barbosam relatos.

48 Prætermitto Leonem x. in Concilio Lateranensi aliquali- ter etiam suorum prædecessorum circa Conseruatores Regularium priuilegia moderasse, dum in Bulla *Dum intra* anno 1516. edita declarauit Conseruatores pro tempore Regularibus à Sede Apostolica deputandos, doctrina, & probitate præstantes, & in Ecclesiastica dignitate constitutos esse debere, & coram eis nullum trahi posse vltra duas dietas à loco suæ solitæ habitationis. Hoc inquam prætermitto, quia totum hoc magis declaratum est in prædictis Clem. viii. Greg. xv. & S. Congregationis decretis, & ideo illis standum.

49 Ex huiusmodi autem tum Summorum Pontificum Clem. viii. & Greg. xv. tum Sacrarum Congregationum decretis elici potest quid his temporibus tenendum sit circa huiusmodi Conseruatores, & qualiter moderanda, vel intelligenda ea quæ superius dicta sunt illis competere iure communi, & propter priuilegia Regularium, ac quomodo faciendæ in posterum electiones talium Conseruatorum, cum antea factæ irritæ, & nullæ declarentur.

50 Primò enim quoad qualitates personæ eligendæ in Iudicem Conseruatorem sicut iure communi, & propter priuilegia Religionum dictum est supra n. 9. posse etiam quamcumque personam in dignitate Ecclesiastica constitutam eligi, sic etiam modo post prædicta decreta est dicendum. Etenim Constitutio Bonifac. viii. quæ incipit, *Statutum* de qua Clemens viii. &

Greg. xv. in prædictis Constitutionibus id exprimunt. Videtur autem requiri, vt prædicti actu habeant ralem dignitatem; si enim illam dimiserint non sunt ad id munus eligibiles. Massobius de Synod. Dioces. cap. 4. dub. 13. Peirinis to. 2. priuileg. Minim. in Constit. 5. Greg. XV. §. 2. num. 20.

51 Quamuis autem supra num. 17. dictum sit obtinentes Personatum non posse eligi in Conseruatores vi priuilegiorum Religionum, ex vi tamen Constitutionum Bonifac. viii. Clem. viii. & Greg. xv. eligi possunt, vt constat ex ipsis, in quibus expressè nominantur *Personatum obtinentes*.

52 Similiter quamuis Canonici Ecclesiarum Collegiarum forsan possent olim propter aliqua Regularium priuilegia in conseruatores eligi, modo tamen post prædictas Constitutiones Clem. viii. & Greg. xv. id fieri non potest, sed necesse est tales Canonicos Ecclesiarum Cathedralium existere, quia ita habetur in dicto cap. *statutum*, & Constitutionibus Clementis, & Gregorij. Vide Monetam de Conseruatoribus cap. 5 §. 8. à num. 118. Peirinis tom. 2. priuileg. Minim. in Constit. 5. Greg. XV. §. 2. nu. 10. Barbosa de offic. & potest. Episc. alleg. 106. n. 12. De quo etiam infra dicetur.

53 Præcipue tamen post Constitutiones prædictas Clem. & Greg. ad hoc quod aliqui eligantur in Conseruatores requiritur quod prius fuerint electi in Iudices (vt vocant) Synodales in Concilijs Prouincialibus, aut Diocesanis. Ita enim decernitur à Clem. viii. & Greg. xv. in prædictis Constitutionibus. Quia verò in illis mentio fit de Concilio Tridentino, notandum hoc Concilium sess. 25. de reformatione cap. 10. hæc statuere. *Quoniam ob malitiosam petentium suggestionem, & quandoque ob locorum longinquitatem personarum notitia quibus causæ mandantur, usque adeo haberi non potest, hincque interdum Iudicibus non vndequeque idoneis, causæ in partibus delegantur: statuit Sancta Synodus, in singulis Concilijs Prouincialibus, aut Diocesanis, aliquot personas, quæ qualitates habeant, iuxta Constitutionem Bonifacij VIII. quæ incipit, Statutum, & alioquin ad id aptas designari; vt præter Ordinarios locorum ipsæ etiam possint causæ Ecclesiasticæ, & spirituales, & ad forum Ecclesiasticum pertinentes in partibus delegande committantur; et si aliquem interim ex designatis mori contigerit; substituat Ordinarius loci cum consilio Capituli alium in eius locum usque ad futuram Prouincialem, aut Diocesanam Synodum: ita vt habeat quæque Diocesis quatuor saltem, aut etiam plures probatas personas, ac vt supra qualificatas; quibus huiusmodi causæ à quolibet legato, vel nuncio, atque etiam à Sede Apost. committantur.*

Huic

54 Huic ergo Concilij decreto innitentes Clemens VIII. & Greg. xv. Pontifices statuerunt in præfatis Constitutionibus, nullum eligi posse in Conseruatorem Regulariũ, nisi aliquem ex prædictis Iudicibus in Concilij Provincialibus, aut Diœcesanis designatis. Voluit autem Conciliũ, vt prædicti habeant qualitates pro Conseruatoribus requisitas à Bonif. 8. in Const. *Statutum*, quæ adduxæ sunt n. 36. & præterea quod sint personæ alioquin aptæ, idest secundum scientiam, ætatem, & mores, iuxta cap. *Cum in cunctis de elect.* Peirinis tom. 2. *priuileg. Minim. in Const.* 5. Gregorij XV. §. 2. num. 18. Cum autem in dicto cap. seu Const. *Statutum* solum admittantur Canonici Ecclesiarum Cathedralium, manifestius fit id quod supra dictum est, quod scilicet Canonici Ecclesiarum Collegiatarum his temporibus eligi non possint in Conseruatores, cum nec possint eligi in Iudices Synodales, prout etiam declaratum dicunt à Sacra Congregatione Massobius de *Synod. diœces. cap. 4.* & Peirinis to. 2. *priuileg. Minim. in Const.* 5. Gregorij XV. §. 2. num. 19.

55 Quia tamen contingens est, vt propter paucitatem Iudicum Synodaliũ in Concilij Provincialibus, aut Diœcesanis designatorum, & multitudinem Religionum in ea Diœcesi consistentium, illi non possint attendere negotijs dictarum religionum, & propterea pati cogantur aliquod detrimentum, seu iacturam, ideo Pontifex verbis relatis num. 40. admonitos esse vult Ordinarios, vt in *Synodis Provincialibus, aut Diœcesanis quamplures personas ex habentibus qualitates in prædicta Constitutione Bonifacij contentas, & alioquin ad id aptas designari procurent*. Nec incongruè dici potest verbum illud *Admonitos* voluit denotare præceptum, tum propter grauitatem negotij, tum quia videtur per illud significari obligationem saltem ex charitate, & vt credo, ex iustitia, ad id faciendum. Peirinis tom. 2. *priuileg. Minim. in Const.* 5. Greg. XV. §. 4. num. 22.

56 Ad maiorem etiam cautelam ordinat Pontifex, vt si aliquem ex designatis Iudicibus mori contingerit, substituat Ordinarius cum consilio Capituli alium in eius locum vsque ad futuram Provinciale, aut Diœcesanam Synodum. Ex quo habetur primò huiusmodi Iudicum Synodaliũ officium vsque ad aliam futuram Synodum durare. Ita enim colligi videtur, tum ex decreto Concilij, tum ex huiusmodi Constitutione. Secundo, quod si Iudex Synodalis non moriatur, sed per longum tempus absenteatur, idem faciendũ esse ac si mortuus esset, prout dicitur declaratum à S. Cong. De quibus, & alijs cõcernentibus Peirinis tom. 2. *priuileg. Minim. in Const.* 5. Greg. XV. §. 4. num. 22.

57 Deinde cum in hac Constitutione Gregorij verbis relatis num. 38. manifestè distinguatur inter Conseruatores principales, & subrogatos, & num. 44. innouetur Constitutio Bonif. vii. quæ incipit, *Hac Constitutione* quæ est cap. fin. de offic. & potest. Iudic. delegat. in 6. vbi expressè habetur, posse eos Conseruatores, quibus hoc eis competierit ex beneficio litterarum, vices suas alijs committere, ideo Conseruatores Regularium quibus ex priuilegijs competit alijs suas vices delegare, id facere etiam possunt post Constitutionem istam Greg. xv. cum in illa nihil quoad hoc derogetur. Quidquid in contrarium dicat Lauretus de Franchis in controuers. Episcop. & Regul. sup. hanc Constit. Greg. pag. mlii 177. Aduerte tamen, iure communi, & secluso quocumque priuilegio licere Conseruatori citationes, & sententiarum denunciationes per alios facere. Ita enim habetur in prædicto cap. fin. de offic. & potest. Iudic. delegat. in 6. Barbosa post alios de offic. & potest. Episc. alleg. 106. nu. 45.

58 Post editam huiusmodi Constitutionem tenebantur Regulares in Italia infra duos menses, extra Italiam verò infra sex eligere sibi Conseruatores, iuxta formam in illa descriptam, eiusque electionis instrumentum infra idem tempus penes acta Curia Ordinarij exhibere, alioquin eo termino elapso, quandiu Conseruatores iuxta prædictam formam non elegerint, coram ipsis Ordinarijs conuenirentur. Ita enim decernitur in prædicta Constitutione verbis relatis num. 41. inhaerendo decreto S. Congregationis sub Greg. xii. de quo nu. 35. Hoc autem absdubiè statutum à Papa fuit, vt certo constare posset de Conseruatore à Regularibus electo, tum ad tollendas fraudes, quæ in hoc possent accidere. Peirinis tom. 2. priuil. Minim. in Constit. 5. Gregorij xv. §. 5. num. 31. Postea nihilominus declaratum est à S. Congreg. Regulares, qui in tempore eis à Greg. xv. præfixo Conseruatores eligere non curauerunt, dicto tempore elapso quandecumque eis libuerit, eos eligere posse. Barbosa in Collect. Bullar. verb. Regulares.

59 Non possunt Regulares semel legitimè deputatos Conseruatores amouere, durante quinquennio à die deputationis, nisi ex causa approbanda à Sede Apostolica, vel Ordinarijs. Ita enim decernitur in prædicta Constitutione verbis relatis num. 41. Dixi legitimè deputatos, quia non legitimè deputatos mutare poterunt. Causa autem amotionis poterit esse negligentia, impotentia, inimicitia, vel similis. Peirinis tom. 2. priuil. Minim. in Constit. 5. Gregorij xv. §. 5. nu. 32.

60 Loquendo autè de auctoritate, seu iurisdictione huiusmodi Iudicium

Iudicum Conseruatorum Regularium in multis videtur coarctata per decreta relata Summorum Pontificum, & SS. Congregationum. Cum enim iuxta dicta supra numeris 22. 23. 24. 29. & 30. possent cognoscere de omnibus causis, tam civilibus, quam criminalibus, seu mixtis, tam in eis, in quibus rei, quam in quibus actores Regulares erant, & de quibuscumque iniurijs, molestijs, aut violentijs, tam manifestis, quam non manifestis sine iudiciali indagine, vel cum illa, prout causa requireret, modo tamen, iuxta præscriptum Constitutionis Greg. xv. solum possunt cognoscere de illis causis in quibus Regulares sunt rei, non actores, & iuxta præscriptum prædictæ S. Congregationis, etiam in his in quibus actores fuerint, quoad iniurias tantum manifestas, & violentias, secundum formam *cap. fin. de offic. & potest. Iud. delegat. in 6.* quod incipit, *Hac Constitutione*, & innouatur à Greg. xv. in eis quæ Constitutioni ipsius non aduersatur.

61 Ex quo sequitur primò non posse procedere hoc tempore Conseruatores Regularium cum ipsi Regulares sunt actores in causis civilibus eorum qui aliquam pecuniæ summam, vel aliquam rem ipsis debent ex locationibus, legatis, testamentis, &c. petentes, ut eam soluant. Ratio est, quia exceptio illa posita à Greg. xv. in prædicta Constitutione, *sed alios conuenire, aut trahere non possunt*, seu illa, ita ut memorati Conseruatores in causis in quibus Regulares actores fuerint nullam prorsus iurisdictionem habeant, nullum alium congruentiorem sensum potest habere præter istum. Cum enim Sacra Congregatio ut visum est decreuerit non esse per hæc verba sublatam facultatem quam habebant Conseruatores defendendi Regulares à manifestis iniurijs, seu violentijs, &c. quo illos posse, ut actores agere coram Conseruatoribus suis permittit, ne dicatur glossam esse contrariam textui, dicendum videtur Gregorium in sua Constitutione, solum negasse Conseruatoribus facultatem procedendi in huiusmodi causis civilibus debitorum quando Regulares sunt actores non tamen in alijs causis. Maxime quia hoc est conforme tum iuri communi quo statuitur, quod *Actor sequatur forum rei*, tum Concilio Trid. *sess. 14. cap. 5.* Moneta de Conseruator. c. 7. q. 6. nu. 343. Peirinis to. 2. priuil. Minim. Const. 5. Greg. XV. §. 6. num. 50.

62 Sequitur secundò nec posse procedere hoc tempore prædictos Conseruatores, siue in civilibus, siue in criminalibus, siue quando Regulares sunt rei, siue quando actores nisi in manifestis iniurijs, & violentijs, ita enim habetur in præfata Constitutione

tione Gregorij adiuncta declaratione S. Congregationis, & similiter Constitutione Bonifacij viii. quæ incipit *Hac Constitutione*, & est *cap. fin. de offic. & potest. iudic. deleg. in 6.* quæ per prædictam Constitutionem Gregorij innouatur, & in qua id expresse habetur. Quare necessarium est ad effectum, vt procedere valeat Conseruator, quod ante omnia appareat, iniuriam seu violentiam fuisse manifestam, & notoriam, vbicumque enim iurisdictioni competit alicui respectu certæ qualitatis, debet ante omnia eidem de illa qualitate constare. Miranda 2. tom. q. 47. art. 8. Barbosa *de offic. & potest. Episc. alleg. 106. num. 18.* Si autem Conseruator dubitet de illa notorij qualitate, vel clare de ea non appareat, poterit ante omnia examinare summarie an violentia, seu iniuria de qua agitur, notoria sit, & super eam probationes recipere ad fundandam suam iurisdictionem, itaut si inueniat eam notoriam procedat, alias se incompetentem pronunciet. Barbosa *ibid. num. 20.* vbi etiam sequentibus numeris alia assert ad intentum. Generaliter etiam Conseruator potest eam adhibere indaginem quæ in notorijs adhiberi solet, & debetur. Quia cum committitur iurisdictioni committitur quoque id sine quo illa exerceri non potest. Moneta *de Conseruatorib. cap. 7. quest. 3. num. 90. & 93.* Molina tom. 6. disp. 29. num. 2.

63 Ex quo etiam sequitur tertio, nec posse hoc tempore Conseruatores in causis Regularium maxime cum ipsi Regulares actores fuerint iudiciali indagine procedere. Ratio est, tum quia in manifestis de quibus solum, vt dictum est, iudicare possunt prædicti Conseruatores, non requiritur, aut admittitur iudicialis indago, tum quia S. Congregatio in decreto adducto num. 47. dum admittit Regulares, vt actores agere posse coram suis Conseruatoribus, subdit, *Dummodo obseruent formam præscriptam Constitutionibus Innoc. IV. & Bonifac. VIII. relatis in cap. 1. & fin. de offic. deleg. in 6.* Constat autem in prædicto c. 1. quod est Constitutio Innoc. IV. prohiberi expresse ne Conseruatores ad illa quæ iudicalem indaginem exigunt, suam possint extendere potestatem.

64 Similiter loquendo de termino, seu spatio intra quod exerceri potest auctoritas Conseruatorum, licet secundum priuilegia aliquarum Religionum, iuxta dicta supra num. 27. exerceri posset extra Ciuitates, & Dioceses, in quibus deputati fuissent, hoc tamen tempore nullatenus extra Ciuitates, seu Dioceses in quibus deputati sunt procedere possunt. Ita enim habetur in dicta Constitutione Greg. xy. verbis relatis num. 42. & in

in altera Constitutione Bonifac. VIII. quæ incipit *Hac Constitutio*, & est *cap. fin. de offic. iudic. deleg. in 6.* quod in nouatur dicta Constitutione Gregorij. Qualiter autem id sit intelligendum, vide Monetam de *Conseruatoribus cap. 7. q. 2. num. 61.* Peirini *tom. 2. priuil. Minim. in Const. 5. Greg. XV. §. 6. num. 57.*

65 Videtur etiam posse procedere Conseruatores ad defensionem seruitorum, seu familiarium aliquorum Religiosorum, in manifestis iniurijs, seu violentijs, modo tamen assignato, seu iuxta præscriptum dictæ Constitutionis Greg. xv. & decreti S. Congregationis. Ita enim sumi videtur ex priuilegio Pij v. pro Dominicanis superius relato num. 4. illis verbis, *aduersus inferentes eis, aut eorum Procuratoribus, agentibus, seruitoribus, & familiaribus in præmissis, & eorundem aliquo molestias, iniurias grauamina &c.* Quod intellige nisi hæc Constitutio Pij v. concedenda sit reuocata à Greg. xii. propter dicta ibidem. Quo casu iuuare potest eiusdem Greg. xii. pro Iesuitis Bulla superius num. 6. relata, vbi etiam fit mentio de familiaribus ipsorum (*Clericali tamen charactere insignitis.*) Limitari videntur hæc priuilegia ex doctrina Conc. Trid. *sess. 24. cap. 11.* ad seruitores qui Monasterijs actus seruiunt, & intra eorum septa, ac domos resident, subque eorum obedientia viuunt, vt ibi dicitur. Rodriguez *tom. 1. quest. Regul. q. 65. art. 17.* Forfan dici possit huiusmodi concessionem, vt pote post Concilium factas ipsi derogare. Vide etiam priuilegium Pij rv. pro Militibus Sancti Ioannis apud eundem Rodriguez, vt supra *art. 12.* & caute procede in re satis incerta, & raro vsitata, maximè quia non video pro illa clarum priuilegium.

66 Specialiter etiam Procuratores, & Syndici Fratrum Minorum habent à Clement. vi. in Bulla *Dum consideramus*, apud Casarubium in *Compend. priuileg. Mendic. verbo Procuratores Fratrum* num. 13. & Rodriguez *tom. 3. quest. Regular. q. 39. art. 4.* priuilegium, vt in quibusuis causis, & rebus ipsos Syndicum, & Procuratorem concernentibus, ciuilibus, criminalibus, & mixtis, non nisi coram Iudicibus Conseruatoribus domorum illarum quam ipse Syndicus, & Procurator fuerit de iustitia respondere teneatur, &c. Inhibendo sub excommunicationis lata sententiæ poena vniuersis, & singulis Iudicibus Commissarijs Ecclesiasticis, & secularibus quacumque auctoritate fulgentibus ne de causis contra dictos Syndicos, & Procuratores, motis, & mouendis, directè, vel indirectè quouis quasito colore, seu pretextu se intrromittere quomodolibet audeant, &c. Videtur tamen hoc intelligendum de causis spectantibus ad istos non vt singulares personæ sunt, sed quatenus Syndici,

Syndici; & Procuratores, & cum ſit magnum privilegium videndum, an ſit, vel non conſuetudine abrogatum. Portellus in *Dub. Regul. verb. Syndicus Minorum num. 5.*

67 Similiter procedere poſſunt Conſervatores Regularium, in manifeſtis tamen iniurijs, & violentijs, ac iuxta præſcriptum, Conſtitut. Greg. xv. & S. Congregationis, ad deſenſionem quorumcumque bonorum mobilium, ſeu immobilium, iurium, ſeu poſſeſſionum Regularium ſibi ad deſenſionem commiſſorum, ex privilegio Eugenij iv. pro Hieronymianis Monasterij S. Mariæ Guadalupæ, quod refert Rodriguez *tom. 1. quaſt. Regular. q. 65. ar. 12.* & dicit extenſum eſſe ad omnia Ordinis D. Hieronymi Monasteria, Clem. vii. pro Minimis, Pij v. pro Dominicanis, & Greg. xii. pro Ieſuitis, de quibus ſupra.

68 Maximè tamen pro deſenſione privilegiorum, ſeu indultorum eorundem, iuxta præſcriptum modum à Greg. xv. & Sacræ Congregat. procedere poſſunt ex privilegijs Sixti iv. pro Carmelitæ, Clem. vii. pro Minimis, & Greg. xii. pro Ieſuitis, de quibus ſupra.

69 Controverſiæ ortæ inter Conſervatores, & Ordinarios ſuper competentia iuriſdictionis per arbitros in forma iuris electos decidendæ, & interim in cauſa non procedendum. Sic enim habetur in præſata Conſtit. Greg. xv. verbis relatis *nu. 43.* idemque ſtatuitur in Conſil. Trident. *ſeſſ. 14. cap. 5.* Peirinis *to. 2. priusl. Minim. in Conſt. 5. Greg. XV. §. 7 num. 58.*

70 Conſervatores limites ſuæ iuriſdictionis excedentes per annum ſunt ſuſpenſi ab officio Conſervatoris. Ita enim habetur in prædicta Conſtitutione Greg. xv. verbis relatis *num. 44.* conformiter ad prædictum *cap. fin. de offic. deleg. in 6.* ubi declarantur ſuſpenſi per vnum annum ab officio. Moneta *de Conſervatorib. cap. 7. q. 12. num. 60.* Miranda *in 2. so. Man. Prælat. q. 47. art. 9.* Denotatur autem in prædicto *cap. fin.* requiri quod *ſcienter* de alijs, quam de manifeſtis iniurijs, & violentijs ſe intromiſerint ad incurrendam talem ſuſpenſionem. Ex quo videtur ſequi illam non incurri ab ijs qui ex ignorantia etiam craſſa id fecerint, iuxta dicta *tom. 1. cap. 10. num. 33.* Licet autem in Conſtitutione Gregorij non apponatur illa particula, cum tamen in eo *ſc.* ſe remittat Pontifex ad formam Conſtitutionis Bonif. vii. dicendum videtur quod iuxta eamdem formam incurratur ſuſpenſio. Cum verò hæc ſuſpenſio ſit temporalis, ſcilicet per vnum annum, eo tranſacto ſtatim abſque alia abſolutione ceſſat, iuxta communia principia de ſuſpenſione. Suar. *to. 5. de cenſuris diſp. 26. ſect. 1. n. 14.* Bonacina *diſp. 3. de ſuſpenſione punct. 3. num. 1.*

Pars

71 Pars quæ procurauerit quod Indices Conseruatores excedant limites suæ auctoritatis excommunicationis sententiam incurrit, à qua non potest absolui, nisi ei, quem sic fatigauit indebite, primo satisfaciat integraliter de expensis. Ita enim habetur in dicto cap. fin. de offic. iudic. delegat. in 6. quod innouat Greg. xv. Constitutione relata. Vbi notandum hanc excommunicationem non incurri nisi à parte procurante, idest ab eo qui est pars in iudicio, reus scilicet, vel actor, non à tertia persona. Quia in textu dicitur, *pars verò quæ hac procurabit*. Nauar. in Man. cap. 27. num. 125. Rodriguez tom. 1. quest. Regular. q. 65. art. ult. Nec incurritur hæc excommunicatio ex sola procuratione, nisi sequatur effectus procuratus. Cum solum propter illum prohibeatur, & illo non posito non censeatur consummata. Suarez 5. tom. in 3. par. disp. 23. sect. 4. num. 10. Barbosa de offic. & potest. Episcop. alleg. 106. nu. 49. Ab ea autem ante compensationem expensarum nemo potest absolvere nisi solus Papa, post compensationem verò Episcopus poterit. Moneta de Conseruator. cap. 7. nu. 591. Barbosa ut sup.

72 Impedientes, vel molestantes Conseruatores Regularium ne suum officium exerceant incidere videntur in excommunicationem, seu suspensionem à diuinis larg. sententiæ, ex concessione Pij v. pro Dominicanis verbis relatis nu. 4. Sed quia hæc Bulla dubiæ auctoritatis est propter dicta supra ibidem, ideo ad alia priuilegia Religionum, si quæ fuerint, attendendum est.

73 Non est prohibitum Regularibus in casibus à iure permissis petere iudicem non suspectum à Principibus, seu Magistratibus sæcularibus, dum tamen hæc tria copulatiuè concurrant, videlicet, vt ipsi sint actores, non rei, vtque agant contra laicum non contra Ecclesiasticum, aut alias à iurisdictione sæculari exemptum, & vt causa sit profana, non Ecclesiastica, & in ea iuxta Sacrorum Canonum dispositionem laicus eligendus iudex competens existat. Ita enim decernitur in prædicta Const. Greg. xv.

74 Potest Conseruator recusari vt suspectus, si causa de qua agitur talis sit, in qua ipse valeat reum grauare, nam in his terminis, & similibus recusatio admittitur, etiam in notorijs, vt si v. g. maiorem pœnam imponat delicto quam iure mereatur. Panorm. in cap. si quis contra Clerum de foro competenti num. 11. Farinac. 1. par. prax. crimin. q. 21. num. 130. Per arbitros autem in forma iuris electos super suspitione iudicandum est, iuxta doctrinam Concil. Trident. sess. 14. cap. 5. Barbosa de offic. & potest. Episcop. alleg. 106. nu. 32.

Bb

Potest

75 Potest etiam ab eiusdem sententia appellari. Tum quia ita praxi receptum est, tum quia etsi in notorijs non admittatur appellatio, quia tamen in infligenda pena potest Conseruator excedere, & procedere in causa dubia, ideo admittitur appellatio. *Farinac. in prax. crim. q. 21. num. 118. usque ad 128. Barbosa de offic. & potest. Episc. alleg. 106. num. 33.* Apellandum autem est ad solum Papam, quia Conseruator est iudex à Papa delegatus. *Tuscus verbo Conseruatores concl. 760. nu. 6. Ancharan. consil. 72. num. 1* *Barbosa de offic. & potest. Episc. alleg. 106. num. 4.* Quando autem ab ipsis appellari potest, aut debet, vide *Monetam de Conseruatorib. cap. 9. nu. 180.*

76 Circa munera ab huiusmodi Conseruatoribus non accipienda, & expensas euitandas *Bonifac. viii. in Constit. quæ incipit Hac Constitutione*, quæ est *cap. fin. de offic. & potest. iudic. deleg. in 6.* & innouatur in prædicta Constitutione *Greg. xv. præcipit obseruandum*, quod ipse alias præceperat in alia Constitutione de iudicib. *deleg. quæ habetur in cap. statutum de rescriptis in 6. §. insuper, vbi sic. Insuper ut gratis, & cum omni puritate iudicium coram ipso procedat nullum munus, vel quicquid aliud nisi forsan esculentum, vel poculentum mera liberalitate oblatum, quod paucis consumi possit diebus, vel nisi cum ipsum propter causam sibi commissam contigerit extra suum domicilium proficisci, moderatas expensas recipere ab eisdem partibus qualitercumque præsumat. Prouisurus attente quod in ipsis expensis modum nequaquam excedat, nec plus ab una parte, quam ab alia exigat, cum commune gerat negotium utriusque: quandoque (ubi cause sibi commissæ utilitas, vel necessitas non exegerit) occasionem propter habendas expensas proficiscendi extra domicilium non assumat: sed, & ubi notabiliter fuerint pauperes litigantes etiam nil prorsus exigat ab eisdem.*


77 Circa assessores autem, & notarios prædictorum Conseruatorum, & illas personas, quæ testimonijs causa vocantur ab eis idem *Bonifac. viii. in dicto cap. fin.* quod innouatur per Constitutionem *Greg. xv. præcipit obseruandum* id quod ipse alias præceperat de iudicibus delegatis in illa Constitutione, seu *cap. statutum de rescriptis in 6. vbi sic habetur. Assessorem autem, ut quandoque faciunt aliqui fraudulenter, nisi eo indigeat, quod conscientia relinquatur eiusdem, sibi nequaquam adiungat: alioqui de suo proprio providere teneatur eidem. Si autem indigeat, ipsum neutri parti suspectum assumens, ei de competenti salario, prouide moderando ab eo faciat à partibus communiter provideri. Notarium verò, vel Notarios in causa sibi commissâ scribentes qui*

qui ut plurimum in exigendo salario, metas rationis excedunt, (ut ad ipsius spectat officium) providenter refrenat. Nec cum ipsis, aut cum assessore prefato lucrum participet ullo modo. Si quid autem contra Constitutionem presentem receperit ad ipsius restitutionem integram teneatur, nulla eorum quibus restitutio facienda fuerit, remissione ullatenus profutura eidem. Proferendo quoque testimonio, (pretexu cuius, aliqui alios fraudulentè interdum à Iudicibus vocari procurant, ut eos laboribus, & expensis fatigent, aut retorqueant aliquid ab eisdem) nullum ullatenus conuocet, nisi quando conditio, & status causa requirent. Sed nec tunc (nisi à producente) competentes vocato pro testimonio veniendo, stando, & redeundo faciat ministrari expensas. Quicquid autem contra premissa, vel eorum aliquod contigerit attentari, sit ipso iure irritum, & inane.

78 Horum Conseruatorum priuilegia sunt primum, quod omnium ieiuniorum, orationum, ac sacrificiorum, ac quorumcumque aliorum bonorum, in Religione faciendorum, & recitandorum participes sint, & illis communicata sunt, & esse debent, sic enim concessit Iulius 11. Conseruatoribus Minimorum in Bulla *Alias venerabilem* apud Peirinis tom. 1. priuileg. *Minimor. in Iulio II. Constitut. 4.* Sorbus in *Compend. priuileg. Mendicant. verbo Conseruatores Ordin. S. Clemens VII.* Secundum, quod Conseruatores per prædictos Minimos capitulariter pro tempore electi semel in vita, & in morte plenariam omnium peccatorum Indulgentiam consequuntur. Ac quinque orationem Dominicam, & toties salutationem Angelicam recitando, omnes, ac singulas Indulgentias quas diebus Indulgentiarum omnium Ecclesiarum dicte Vrbs, & extra illius muros pro stationibus deputatarum consequuntur Ecclesias Vrbs, & extra muros huiusmodi visitantes planè, ac integrè consequantur, & consequi possint, ac si indulgentiarum huiusmodi diebus Ecclesias Vrbs, & extra muros huiusmodi, & earum quamlibet personaliter visitarent. Sic enim concessit idem Iulius 11. in alia Bulla apud eundem Peirinis tom. 1. priuileg. *Minim. in Iulio II. num. 1.* Similiter Clem. vii. concessit moderno, & pro tempore Generali Minimorum, ut Conseruatoribus plenariam omnium suorum peccatorum Indulgentiam semel dumtaxat singulo quoque triennio elargiri posset, ipsisque Conseruatoribus, ut de licentia dicti Generalis eligere possent Confessarium idoneum eiusdem Ordinis qui eos ab omnibus casibus etiam Episcopalibus, & censuris Ecclesiasticis absolueret, & penitentia salutari iniuncta. Ita habetur inter priuilegia Minimorum apud Peirinis

¹em. 1. inter Constitutiones Clem. VII. nu. 9. Sed quia hæc concessio nõ fuit nisi per viuæ vocis oraculum facta, ideo hoc tempore quo omnes tales concessionibus reuocata sunt à SS. D. N. Urbano, nihil valet. Si autem innouetur ab aliquo Pontifice Confessarius ille approbatus debet esse ab Ordinario, iuxta doctrinam Concilij *sess. 23. cap. 15.* Rursus quantum ad absolutionem à casibus Episcopalibus cauenda est transgressio decreti S. Congregationis sub Clemente VII. & SS. D. N. Urbano, de quo tom. 1. cap. 19. nu. 17. Vide Peirinis *to. 1. priuil. Minim. in Const. 9. Clem. VII. §. 2.*

79 Extat tandem decretum S. Congregationis Concilij; vel declaratio ab ipsa facta apud Barbosam in *Collect. Bullar. verbo Conseruator*, vbi habetur debere Regulares Conseruatores eligere in singulis Diocesibus, in quibus Monasteria, Conuentus, seu domos Regulares habent. Cum autem hæc decisio S. Congregationis facta fuerit anno 1628. & 1633. videtur inferri per illam (si cepta est) declarari Constitutionem Greg. xv. & quod non sufficiat vnus Conseruator pro multis Diocesibus.



SUMMARIVM CAP. XI.

- Ius patronatus est potestas alicui concessa presentandi ad beneficium in aliqua Ecclesia . num. 1.*
Patronus est ille qui habet tale ius . ibid.
Duplex est ius patronatus, Ecclesiasticum, & laicum . ibid.
Quid utrumque . ibid.
Vt aliquis sit Patronus aliquot conditiones sunt necessariae . num. 2.
Interueniente etiam auctoritate, & consensu Ordinarij . num. 3.
Quid autem si Ordinarius non consenserit . ibid.
Potest ius patronatus prescriptione acquiri . num. 4.
Non sic respectu electionis Prælatorum . ibid.
Est honorificum, utile, & onerosum . num. 5.
Ecclesia que est Iuris patronatus uniri non potest sine consensu Patroni . num. 6.
An sit materia simonia, & quomodo . nu. 7.
Quid de actu istius iuris, scilicet presentatione ad beneficia . ibid.
Transire tamen potest cum re vendita . num. 8.
Dummodo ratione illius res carius non vendatur . ibid.
Non potest Patronus ius patronatus in alios transferre, nisi modo, & casibus à iure expressis . nu. 9.
Tribus modis potest ex uno ad alium transire . num. 10.
An transeat in Monasterium si Patronus fiat Religiosus . num. 11.
Que Monasteria sint capacia . ibid.
Antunc debeat presentare Religiosus, vel potius Monasterium, vel Superior . ibid.
Novitius Patronus per se ipsum debet id facere . num. 12.
Quid si Monachus fundaret, construeret, vel dotaret Ecclesiam . nu. 13.
Quis debeat presentare, Superior, vel Monasterium . num. 14.
Presentatio beneficij facta à Religioso sine licentia Prælati an sit irrita . nu. 15.
Quid quando Religiosus presentat ut procurator . num. 16.
Catholici Reges Hispaniarum Patroni sunt in illis partibus . nu. 17.
Propterea in illis presentant . ibid.
An debeant presentare digniores . ibid.
An possit quis de bonis incertis fundare Ecclesiam reseruando sibi ius patronatus . num. 18.
Quid dicendum de fundatoribus Capellarum . nu. 19.
An habentes facultatem nominandi Capellanos sint Patroni . ibid.

Tenentur

Tenentur Patroni ad beneficia presentare digniores. num.20.
An idem de Patronis laicis. ibid.

Presentare indignum semper est peccatum mortale. num.21.

Quas pœnas incurrat sic faciens. ibid.

Patroni an possint variare. nu.22.

Conditiones appositæ à fundatore Iurispatronatus. qualiter obseruanda. num.23.

Insignia non auferenda. ibid.

Quid de alijs benefactoribus, qui solum ius sepultura habent. ibid.

Conditiones appositæ contra ius naturale, vel diuinum non obseruanda. num.24.

Quid si ea sint contra ius positium. ibid.

Num possint Patroni se ipsos presentare. num.25.

An pater filium. ibid.

An quando plures sunt compatroni. ibid.

An possint exigere aliquod seruitium, vel tributum. num.26.

Quid si consuetudo sit in contrarium. ibid.

An requiratur quod concordent omnes Patroni in presentando. num.27.

Quid si dissentiant. ibid.

Presentantes aliquem Apostatam quam pœnam incurrunt. num.28.

Quando faciendus est concursus inter presentatos. nu.29.

Quæ declarata sint circa Patronos. nu.30.



De Patronis Monasteriorum, seu Ecclesiarum
Regularium, eorumque facultatibus.

Cap. XI.



IVS patronatus est potestas alicui concessa, præsentandi instituendum ad beneficium Ecclesiasticum in Ecclesia pro eo quod eam fundauit, construxit, vel dotauit Rodriguez tom. 2. *quæst. Regul. q. 122. art. 1.* Vnde Patronus erit ille qui habuerit tale ius, & Patronus Monasteriorum Regularium, ille qui habuerit tale ius in Monasterijs; seu Ecclesijs Regularium, de quo in præsentis. Non enim loquimur de iure patronatus ciuili, scilicet, quod iure ciuili introductum fuit, & conuenit Patrono respectu liberti, seu bonorum eius, sed de iure patronatus Canonico. Hoc autem ius patronatus est duplex, Ecclesiasticum scilicet, & laicum. Ius patronatus Ecclesiasticum est, quod competit personæ Ecclesiasticæ, vel ratione dignitatis, aut beneficij sui, puta, quia est Episcopus, Præpositus, Decanus, vel ratione foundationis, constructionis, vel dotationis à se factæ ex bonis Ecclesiasticis. Laicum est, quod conuenit alicui, seu laicæ, seu Ecclesiasticæ personæ, ratione foundationis, constructionis, vel dotationis ex bonis proprijs, siue patrimonialibus. Couarrubias cap. 36. *præf. qq. nu. 2.* Layman. in *Theolog. mor. lib. 4. tract. 2. cap. 13. num. 4.*

2 Ad hoc quod aliquis sit Patronus, seu, ut habeat prædictum ius Patronatus in prædictis Monasterijs, seu Ecclesijs Regularium requiritur primò quod illud acquisierit vno ex tribus modis supra assignatis, scilicet fundacione, constructione, vel dotatione. Franciscus Leo in *thesaur. fori Ecclesiæ. par. 2. cap. 6. n. 25.* Barbosa de *offic. & potest. Episc. alleg. 70. num. 1.* Fundacione quidem quando assignauit fundum ubi construui deberet, cap. *nobis de iure patronatus.* Iulianus Viuianus in *praxi iuris patronatus par. 1. lib. 1. cap. 1. à num. 32.* Barbosa *ut supra num. 2.* Constructione, quando fecit expensas pro construenda de nouo Ecclesia. Azorius *instit. moral. par. 2. lib. 6. cap. 11. q. 10.* Zerola in *praxi Episc. verbo Ius patronatus pag. 179.* Dotatione autem, quando eam fundatam, & constructam dotauit sufficienter arbitrio Ordinarij. Viuianus *dict. part. 1. lib. 1. cap. 1. à num. 51.*

num. 51. Barbosa *ut supra* à num. 9. Hinc versus

Patronum faciunt dos, edificatio, fundus.

Rodriguez *tom. 2. quest Regular. q. 49. art. 7.* Layman. *in Theolog. mor. lib. 4. tract. 2. cap. 13. num. 1.* Dotans autem insufficienter ad arbitrium Ordinarij non acquirit ius patronatus, sed dicitur benefactor. Declaratio S. Congregat. apud Garziam *de Benefic. p. 5. cap. 9. num. 52.*

3 Ex prædictis tribus causis acquiritur Ius patronatus, interueniente tamen auctoritate, & consensu Ordinarij, & non aliter, *ex cap. nobis de Iure patronatus.* Iulianus Viuianus *par. 1. lib. 1. cap. 1. num. 24.* Barbosa *ut supra num. 20.* Ordinarij videlicet illius loci, in quo fundatur Ecclesia. Viuianus *num. 30.* Barbosa *num. 23.* Si autem suum consensum præstare noluerit, potest ad eum præstandum compelli à Superiori, Archiepiscopo scilicet, vel Primate. Viuianus *in praxi Iuris patronatus lib. 2. cap. 1. num. 19. & 20. alias 22. in 2. edit.* Azorius *instit. moral. par. 2. lib. 9. cap. 3. q. 10.*

4 Potest item Ius patronatus etiam à laicis præscriptione, vel consuetudine acquiri. *ex cap. querelam de elect. & ex cap. generali 13.* Barbosa *ut supra num. 17.* post alios. Quod tamen limitandum videtur ut non verificetur respectu electionis Prælatorum, ita ut nulla consuetudine, aut præscriptione iuuari possit Patronus ad habendum suffragium in aliqua electione Prælati Regularis. Ratio est, nam id est expressè contra Canones Ecclesiasticos, Ecclesiasticam vtilitatem, & disciplinam. Nauar. *comment. 3. de Regularib. num. 60.* Suarez *4. tom. de Relig. tract. 8. lib. 2. cap. 6. num. 19.* Quod sic confirmatur, nam Ius eligendi Prælatum Regularem competit solum eis qui sunt de Collegio, *cap. Quia propter de elect. & cap. ex eo, siue ergo secularis sit, siue etiam Clericus patronus non potest hoc ius habere.* Suarez *ut supra num. 9.* Barbosa etiam *ut sup. num. 19.*

5 Hoc Ius patronatus habet multa ex iure Canonico ratione quorum honorificum, vtile, & onerosum dicitur. Honorificum quidem, quia Patrono conuenientia obsequia præstari debent, & præsertim illi conceditur honorificus locus in sua Ecclesia. Vtile, quia si Patronus ad egestatem deueniat, Ecclesia debet ei succurrere maiori cura, & obligatione quam alijs pauperibus, *cap. Quicumque, cum sequentibus.* Cui adiungitur saltem ex consuetudine Religionum, quod pro huiusmodi Patronis tum viuis, tum defunctis Orationes, suffragia, & sacrificia fieri soleant, prout debent fieri adminus titulo gratitudinis, cum sint insignes benefactores Monasteriorum. Onerosum autem, quia

qua Patronus licite potest defendere suam Ecclesiam ne bona eius dilapidentur, modo præscripto in cap. *filij* 16. q. 7. Quæ omnia veluti ex natura rei sequuntur ex beneficio quod Patronus fecit Ecclesiæ eam fundando, construendo, vel dotando. Innoc. in cap. *præterea* 2. de *Iure patronat.* Suarez tom. 1. de *Relig. lib. 4. de Simonia cap. 28. nu. 1.* Layman. in *Theolog. mor. lib. 4. tract. 2. c. 13. num. 8.*

6 Insuper Ecclesia quæ est Iuris patronatus vniri non potest alij Ecclesiæ sine consensu Patroni. Quippe præiudicium fit iuri præsentandi quod habet in illa, cum vel tollitur omnino, vel minuitur, vel saltem notabiliter mutatur. Et ideo vt rata sit talis vnio requiritur consensus Patroni. Constat ex cap. *suggestum* de *Iure patronatus.* Nauar. lib. 3. *consil. in v. edit. tit. de Iure patronatus cons. 3. num. 2.* Azor. tom. 2. *instit. moral. lib. 6. cap. 28. q. 12.* Quod est verum siue Patronus sit secularis, siue Ecclesiasticus. Sanchez lib. 7. in *decalog. cap. 29. nu. 168.*

7 Quamuis autem Ius patronatus ratione horum fauorum, scilicet, honoris, vtilitatis, & defensionis non sit materia Simoniz, cum sint res temporales. Suarez tom. 1. de *Relig. lib. 4. de Simonia cap. 28. num. 3.* Nihilominus sumptum quatenus est ius præsentandi ad Ecclesiastica beneficia in Ecclesia fundata, constructa, vel dotata, materia Simoniz est, ac subinde peccatum, Simoniz illud vendere. ex cap. *de iure*, & ex cap. *præterea*, vbi id habetur expressè: est enim aliquid spirituale sicut beneficium ad quod conferendum ordinatur. Suarez vt *supra num. 5.* Bonacina de *Simonia q. 4. §. 11. num. 3.* Qui etiam satis probabiliter dicunt non solum committi Simoniam iure humano introductam in venditione Iuris patronatus, propter prædicta iura, sed etiam iuris diuini. Nam posita institutione Ecclesiæ ius hoc est aliquid spirituale. Specificatur enim ad modum potentiz à suo obiecto, quod est beneficium Ecclesiasticum, quod etiam est quid spirituale. Idem dicendum de actu illius iuris, scilicet præsentationem ad beneficium, materiam esse Simoniz. Est enim spirituale, quia per ipsum res spiritualis, scilicet beneficium, confertur, & procedit à principio spirituali, scilicet Iure patronatus. Redoanus de *Simonia 3. par. cap. 13. à num. 22. & cap. 14. per totum.* Suarez vt *supra num. 11.* Vnde præsentans non potest ob præsentationem imponere aliquod onus præsentato ad quod alias non teneretur, vt si obliget illum ad tuendum ius præsentantis, & ad litem pro ipso prosequendam. Cum enim præsentatio sit res spiritualis gratis debet dari, non ob mercedem. Vgolinus Tab. 1. cap. 49. Suarez vt *supra num. 14.*

Cc

Sed

8 Sed. quamvis Ius patronatus vendi non possit, transire tamen potest cum re vendita, dummodo ratione illius res illa carius non vendatur. Ratio primæ partis est, quia Ius Canonici quod hanc gratiam Patrono fecit, ut præstaret beneficia in Ecclesia propter fundationem, constructionem, aut donationem ipsius, similiter illam concessit pro hæredibus, & successoribus, *cap. ex litteris, cap. cum seculum de iure Patron.* Ratio verò secundæ est; quia alias iam venderetur illo maiori pretio ipsum Ius patronatus. Tabiena verbo *Ius patronat. à nu. 7.* Suarez *to. 1. de Relig. lib. 4. de Simon. cap. 28. num. 12. & 13.*

9 Non potest Patronus Ius patronatus in alios transferre, nisi modo, & casibus à iure expressis. Ratio est, non solum quia in spiritualibus non possunt laici nisi quod eis à iure permittitur, sed etiam quia ipsa natura Iuris patronatus pendet ab institutione Iuris Canonici, & ita ad nihil extendi potest, nisi quod illi à iure conceditur. Menochius *conf. 90. nu. 79.* Suarez *to. 1. de Relig. lib. 4. de Simon. cap. 28. nu. 15.*

10 Hinc tantum tribus modis, aut casibus potest Ius patronatus ex vno ad alium transire. Quia in his tantum hæc facultas Patrono conceditur à iure. Primus est, hæreditario ad hæredes, siue necessarios, siue voluntarios, *cap. considerandum, & cap. si plures 16. q. 7.* Secundus est, per liberalem donationem, quia unusquisque potest in alium transferre Ius suum, *c. Circa de iure patronat.* Requiritur autem ad hoc Episcopi consensus, nisi in casu quo donatio fiat loco Religioso, ut colligitur *ex cap. unico de iure patronat. in 6. & cap. illud.* Tertius est, quando transferatur Ius patronatus cum re vendita, iuxta *cap. ex litteris, & cap. Cum seculum, de iure patronat.* De quibus, & alijs ad intentum Suarez *tom. 1. de Relig. lib. 4. de Simon. cap. 28. à num. 15. & deinceps.*

11 Si Ius patronatus conveniat alicui iure personæ, si fiat Religiosus transit in Monasterium, quia Monasterium succedit in omnia iura Religiosi. Rodriguez *tom. 2. quaest. Regul. q. 122. ar. 2. §. At contrarium.* Sanchez *lib. 7. in decalog. cap. 14. num. 2.* Si autem Ius patronatus conveniat alicui non ratione personæ, sed ratione bonorum suorum quibus est annexum, tunc si fiat Religiosus tale Ius pertinebit ad quem pertinent bona, scilicet vel ad Monasterium, si est capax succedendi, vel ad illum ad quem bona illa transferuntur. Accessorium enim sequitur principale. Rodriguez *ut supra §. quantum ad primum.* Sanchez etiam *ut supra num. 5.* Quæ autem Monasteria capacia sint succedendi in bona Religiosi, maxime in Ius patronatus dicitur *cap. ultimo num. 11.*

num. 11. & 22. Si verò Ius patronatus conveniat alicui, ita ut industria personæ sit electa ad tale munus, tunc si fiat Religiosus, etsi secundum decentiam, & æquitatem, Monasterium, seu Superior non debeant præsentare saltem sine consilio talis Religiosi, ut de se patet, tamen ius præsentandi non Religioso sed Monasterio, vel Superiori competit, quia Religiosus non habet velle, neque nolle, ut habetur in Iure. Adeo ut si fundator Iuris patronatus dixisset tale ius competere debere Petro v.g. ita ut si fiat Religiosus nominet inuito Prælato, talis conditio reiici debeat, ac si non fuisset adiecta, quia scilicet est contra ius commune, ut Religiosus aliquid agat inuito Prælato, ut in simili dictum est to. 1. cap. 6. nu. 34. Rodriguez vt supra § *Quintum ad tertium*. Vide infra num. 15.

12. Novitius autem Patronus habens Ius præsentandi ad aliud quoddam beneficium per se ipsum debet id facere, cum simpliciter non sit Religiosus, nec suum ius in Monasterium transtulerit. Glossa in cap. *Beneficium verbo conferendum in fin.* Silvester verbo *Religio* §. 9. 11. Sanchez lib. 7. in decalog. cap. 4. num. 12.

13. Si Monachus fundaret, construeret, vel dotaret Ecclesiam Ius patronatus quod inde resultaret Monasterio suo acquireret. Ex generali regula, quod quicquid Monachus acquirit Monasterio acquirit. Lambertinus de Iure Patronatus lib. 1. par. 1. quest. 8. art. 9. num. 7. Sanchez lib. 7. in decalog. cap. 14. num. 4.

14. Quoties Ius patronatus transit in Monasteriū, neque solus Abbas, seu Superior præsentare potest, nisi hoc habeat ex præscripta consuetudine, vel privilegio, sed id est totius Conventus, cuius maior pars consentire debet, ut præsentatio legitima sit. Habetur ex cap. *Novit.* & cap. *Quanto*, & cap. *ea noscitur de his que fiunt à Prælato*. Lambertinus de Iure patron. lib. 2. par. 1. q. 2. art. 12. num. 2. & 3. Sanchez lib. 7. in decalog. cap. 14. num. 7. Quod si præsentatio fiat à solo Prælato absque maioris partis consensu, probabilius est irritam esse. Quia etsi in cap. *ea noscitur* solum dicatur, *Institutiones huiusmodi convenit evacuari*, quod solum denotat præsentationem esse irritandam, attamen in cap. *Novit. de his que fiunt à Prælat.* absolute decernitur *carere robore firmitatis*. Lambertin. vt supra n. 6. Sanchez etiam vt supra num. 8.

15. Præsentatio beneficii facta à Religioso ratione Iuris patronatus, quod illi competit dum esset secularis non solum est illicita, si fiat sine licentia Prælati, quia ut dictum est Religiosus non habet velle, vel nolle, sed etiam est invalida, quia

per professionem Ius patronatus iam non est suum, sed Monasterij. Lambert. *de Iure patronat. l. 2. p. 1. q. 2. ar. 11. n. ult.* Sanchez *7. in decal. cap. 14. num. 10.*

16 Quando autem presentatio, vel electio non competit Religioso ratione Iuris patronatus, sed ex eo quod constitutus est à verò Patrono, aut veris electoribus procurator ad presentandum, aut eligendum, tunc, etsi presentatio, aut electio ab ipso facta sine licentia Prælati illicita sit, quia Religiosus, ut dictum manet, non habet velle, aut nolle, probabile tamen est validam esse, non solum quia nullo iure irritatur, sed etiam, quia cum tunc non faciat Religiosus nomine suo, sed ut Procurator nomine alterius non consideratur ad validitatem actus persona ipsius Religiosi, sed illius qui illi suas vices commisit. Sanchez *7. in decal. cap. 14. à num. 11.*

17 Catholici Reges Hispaniarum Patroni sunt in illis partibus Ecclesiarum Collegiatarum secularium, & Regularium, multarum scilicet, & ita in illis presentant Abbates, & alios Præpositos, ex concessione Adriani VI. Nauar. *in cap. Nullam d. 18. q. 2.* Rodriguez *tom. 2. quest. Regul. q. 122. art. 4.* Presentare tamen debent suæ Regiæ Maiestates dignos, iuxta *cap. Monasterium 16. q. 1.* Nauarrus, & Rodriguez *ibid.* An verò digniores debeant esse ij, qui presentandi sunt, constabit ex num. 20.

18 Posse aliquem de bonis incertis, quæ pauperibus suis restituenda fundare Ecclesiam reservando sibi, suisque successoribus Ius patronatus, etsi aliqui negent, alij probabiliter affirmant. Quia etsi illa bona non sint simpliciter ipsorum, cum possint tamen illa in pia opera distribuere, si ex eis fundent, vel dotent aliquam Ecclesiam sibi, & successoribus prædictum Ius patronatus reservando, nulli faciunt iniuriam. Henriquez *1. p. lib. 7. de Indulgentijs 33. num. 5.* Rodriguez *to. 2. quest. Regul. q. 122. ar. 5.*

19 Præter dictos Patronos, habentes scilicet facultatem presentandi in Ecclesijs à se fundatis, constructis, vel dotatis ad beneficia, sunt alij qui Patroni etiam vocantur eo quod etiam aliquam Ecclesiam, Conuentum, vel Capellam Regularium fundarunt, construxerunt, vel dotarunt, & tamen prædictam facultatem presentandi non habent, sed à principio foundationis, constructionis, vel dotationis, Missarum aliquarum, vel officiorum diuinorum solemnium in dictis locis quotannis celebrari instituerunt. Et hi non propriè, prout in presenti Patroni dicuntur. Illi autem, qui facultatem habent nominandi Capellanos in aliqua Ecclesia, vel Capella, ratione foundationis, constru-

constructionis, vel dotationis proprius merentur nomen Patronorum, maximè cum Capellanix Episcopi auctoritate iustitute sint. Tales namque Capellanix, etsi amovibiles sint ad autum Episcopi, vel Patroni, hoc tamen non obstat quominus beneficia Ecclesiastica, vel quasi beneficia dicantur, ad instar beneficiorum Regularium, quæ etiam, ut dictum sæpius est, reuocabilia, & manualia sunt. De hoc Azorius *tom. 1. instit. moral. lib. 10. cap. 4. q. 2.* Suarez *tom. 2. de Relig. lib. 4. de orat. cap. 22. num. 11.* Layman. *in Theol. moral. lib. 4. tract. 2. cap. 4. nu. 6.*

20 Tenentur Patroni quicumque illi sint ad beneficia præsentare digniores. Colligitur ex Concil. Trid. *sess. 24. cap. 18.* illis verbis: *Si verò Jurispatronatus Ecclesiastici erit, ac institutio ad Episcopum, & non ad aliam pertineat, is, quem Patronus digniorem inter probatos ab examinatore iudicabit, Episcopo præsentare teneatur.* Et ratio est, quia licet beneficia primò, & per se instituta sint in utilitatem Ecclesiæ, nihilominus sunt etiam præmia illorum, qui in Ecclesia virtute, & doctrina proficiunt, sicut ergo propter hanc rationem electores ad beneficia tenentur eligere digniores, sic etiam Patroni præsentantes, qui succedunt prædictis electoribus. Molina *lib. 2. de primog. cap. 5. num. 69.* Aragon. *2. 2. q. 63. art. 2. & q. 62. ar. 2.* Sanchez *lib. 2. consil. moral. cap. 1. dub. 5.* Sunt autem aliqui, qui probabiliter credunt Patronos laicos, eos scilicet, quibus competit ius patronatus ratione foundationis, constructionis, vel dotationis factæ ex bonis proprijs, seu patrimonialibus satisfacere plerumque obligationi suæ, si habere præsentandi iure præditi, solum dignos, & idoneos, non autem digniores præsentent. Si quidem hac gratia, vel favore ab Ecclesia decorati videntur ob obsequia præstita ipsi fundacione, constructione, vel dotacione, ut possint quos voluerint præsentare, dummodo possint cognoscant eos dignos, & idoneos esse, & periculum nullum Ecclesiam futuram ex illorum provisione. Ita etiam videtur colligi ex loco Tridentini adducto ubi solum est sermo de Patrono Ecclesiastico non de laico. Imò postea sermonem faciens de Patrono laico dicit: *Si ius patronatus laicorum fuerit, debeat, qui a Patrono præsentatus erit, ab eisdem deputatis ut supra, examinari, & non nisi idoneus repertus fuerit, admitti.* Quo denotare videtur Concilium posse Patronum laicum præsentare solummodo dignum, & idoneum. Garzias *lib. 7. cap. 16. num. 19.* Rodriguez *tom. 1. Summ. cap. 106. concl. 6.* Layman. *in Theol. moral. lib. 4. tract. 2. cap. 15. num. 7.* Addens bene aliam rationem esse de Prælati, & Patronis Ecclesiasticis, nam illis ex officio incumbit Ecclē-

Ecclesiæ meliori modo prospicere, ac per consequens beneficia ex bonis Ecclesiasticis fundata, sine vlla personarum acceptione dignioribus conferre.

21 Præsentare autem indignum, si dignus haberi potest, semper est mortale peccatum. Tum ex grauitate pœnarum, quæ Canonico iure indigni electioni, & collationi decretæ sunt *cap. cum in cunctis de elect. cap. graue nimis de prebend.* Tum ex incommodis, quæ exinde Ecclesiæ accidere solent. Petrus Nauar. *lib. 2. cap. 2. nu. 119.* Layman. *in Theolog. mor. lib. 4. tract. 2. cap. 15. num. 1.* Pro pœnis autem quas incurrunt Patroni indignos præsentantes, vide Siluestrum *in Summ. verb. Ius patronatus q. 7.* & Sanchez *tom. 1. consil. moral. lib. 2. cap. 1. dub. 6. à nu. 15.*

22 Patroni Iuris patronatus laici possunt variare, id est, postquam vnum præsentarunt, præsentare etiam alterum, quo casu iudicio Episcopi relinquitur, vter eorum tamquam magis idoneus præferri debeat. Ita enim supponitur *in cap. quod autem de Iure patronatus.* In Patronatu autem Ecclesiastico qui primò præsentatus est, si idoneus sit, institui debet. Propter decisionem *cap. cum autem eodem tit.* Layman. *in Theol. mor. lib. 4. tract. 2. c. 13. num. 6.*

23 Conditiones appositæ à fundatore Iuris patronatus, ob cultum scilicet diuinum, sui memoriam, commodum, vel honorem suæ familiæ nullatenus mutari possunt. Tum quia pia, & honestæ voluntates defunctorum obseruari debent *L. 1. C. de SS. Eccles. cap. vltima voluntas 13. q. 2.* Tum etiam quia fundatorem erexisse Ius patronatus illis conditionibus arguit inter ipsum, & præfectos Ecclesiæ illas admittentes intercessisse pactum de illis non alterandis, ac perinde contra iustitiam peccare aliter facientes. Vnde insignia fundatoris posita in Ecclesia, vel Capella, quam fundauit, construxit, vel dotauit, sepulchrum pro se, & descendentibus, seu hæredibus in ea positum, & similia nullatenus auferri possunt, etiam si familia extincta sit, ad conseruandam memoriam fundatoris, & ne alij pij homines ab huiusmodi pijs operibus arceantur. Lambertin. *de Iure patronat. q. 5. principali ar. 4.* Layman. *in Theolog. mor. lib. 4. tract. 2. cap. 13. num. 14. & 15.* Secus videtur dicendum de alijs benefactoribus, qui Ecclesiam, vel Capellam non fundarunt, construxerunt, aut dotarunt, sed solum ibi ius sepulturæ sibi compararunt, & suis hæredibus. Et si enim illis, & eorum hæredibus inuitis alios ibi sepelire non liceat, quia talia sepulchra instar hospitia, & fundi ipsorum censentur; postquam tamen tota ipsorum progenies est extincta, probabile est posse ibi sepulturam alijs concedi.

Tum

Tum quia sicuti morte usufructuarij eiusque descendendum, redit usufructus ad proprietarium, iuxta *L. corruptionem C. de usufructu*, ita etiam ius sepulturæ, mortuo benefactore, & eius hæredibus, redeat ad Ecclesiam. Tum etiam, quia aliquin impedirentur alij quominus Ecclesiam ornare, & beneficijs augere possint. Angelus in *Summ. verb. sepultura nu. 41. Armilla num. 24. Rodriguez tom. 3. quest. Regular. q. 58. art. 10.* Declaratum tamen dicitur à S. Congregatione in causa RR. PP. Discalceatorum nostri Ordinis, fundatorem alicuius Monasterij non posse hanc legem imponere Fratribus, ut in Collecta quæ pro Rege dicitur etiam ipsius fundatoris nomen exprimeretur. Barbosa in *Collect. Bullar. verb. fundatio.*

24 Conditiones autem aliæ assignatæ à fundatore Iuris patronatus, quæ fuerint contra ius naturale, aut diuinum, inualidæ sunt, nec obseruandæ: cum ius naturale, & diuinum indispenabilia sint, nec villo modo contra ea aliquid effici possit. Maior in *4.d. 24 q. 9. & q. 3. ad 4. Lambertinus de Iure patronatus lib. 1. p. 1. q. 9. princip. ar. 1. num. 37. & 38.* Hinc si fundator poneret pro conditione quod ad beneficium admittatur indignus, talis conditio obseruanda non est, ut pote contra ius diuinum, & & naturale. Aragon. 2.2. q. 63. art. 2. Sotus 3. de iust. q. 6. art. 2. ante 10. conclus. Si autem pro conditione poneret quod posset præsentari dignus, omisso digniori, valida esset, & obseruanda, quia talis conditio non est contra ius naturale, aut diuinum in casu, quo beneficium fundatum est non ex bonis communibus Ecclesiæ (quia ut sic digniori dari deberet) sed ex bonis ipsius Patroni, seu fundatoris. Maior in *4.d. 24 q. 3. ad 4. Sanchez to. 1. consil. moral. lib. 2. cap. 1. dub. 10. num. 18.* Similiter si appositæ conditio sit de non præsentando nisi de sua familia, aut progenie, valida etiam erit, & obseruanda, cum non sit contra ius naturale, aut diuinum, eo quod fundatio talis beneficij non est ex bonis communibus Ecclesiæ, quæ omnibus debentur, sed de bonis particularibus, quæ potest quisque dare cui voluerit. Couarrubias *Reg. peccatum 2. p. §. 7. num. 5.* Sanchez *ut supra num. 14.* Semper tamen supponenda est dignitas personæ præsentandæ, & ideo indignus quantumvis de illa familia præsentari non potest, nec conditio de illo præsentando valida erit, iuxta dicta, & præsertim, quia indignus semper est, aut præsumitur Ecclesiæ nocius. Nauar. *Miscellam. 43. num. 76. Ledefina. 2. par. 4. q. 18. art. 2.* Si autem conditiones appositæ à fundatore Iuris patronatus solum sint contra ius positium, pensandum est an Ordinarius, de cuius consensu fundatur, iuxta dicta supra

num. 3.

num. 3. possit in prædictis conditionibus dispensare, vel non, si enim dispensare potest, censetur dispensasse, & ita validæ erunt, si autem non potest in eis dispensare, nec censetur dispensasse, nec ipsæ conditiones valere possunt. Vide Sanchez *ut supra*. a num. 4.

25 Non possunt Patroni seipsos præsentare ad beneficia curata. Ratio sumitur ex decisione *cap. per nostras de Iure patron.* ubi quamvis solum sit sermo de personatibus, tamen quia ratio textus, scilicet, *quod nullus se ingerere debeat Ecclesiastica prælationis officijs* etiam se extendit ad prædicta beneficia, ideo ad illa non se poterunt præsentare Patroni, etsi alias idonei sint. Silvester in *Summ. verb. Ius patronatus quest. 7.* Angelus etiam in *Summ. eodem verb. num. 19.* Potest tamen pater Patronus præsentare filium aliàs idoneum, nullo enim iure id prohibetur. Lambertinus *de Iure patronat. lib. 2. p. 1. q. 8. art. 12.* plures referens, Sanchez *tom. 1. consil. moral. lib. 2. cap. 3. dub. 74. num. 4.* Ad beneficia tamen simplicia potest se Patronus præsentare, quia textus dicti *cap. per nostras* non loquitur de simplicibus beneficiis, nec ratio ipsius ad ea se extendit. Lambertinus *ut supra art. 2. dicta quest. 8.* Sanchez etiam *ut supra num. 16.* Imo etiam quando plures fuerint compatroni potest vnus ipsorum ab alijs præsentari ad beneficia etiam curata, quia iam cessat ratio dicti *cap. per nostras* cum talis non se ingerat. Lambertinus *dicta q. 8. ar. 5.* Molina *lib. 2. de primogen. cap. 4. num. 61.*

26 Nec possunt Patroni ultra alimenta illis debita, si ad egestatem deueniant, iuxta dicta, *supra num. 5.* exigere aliquod seruitium, vel aliquid temporale, censum scilicet, vel tributum, nisi concurrant duæ conditiones, altera, quod in limine foundationis id sit appositum, & altera, ut interuenerit licentia Diocesani. Constat hoc ex *cap. præterea el 2. de Iure patron.* Lambertinus *de Iure patron. lib. 1. p. 1. q. 9. art. 1. num. 81. usque ad 85.* Silvester in *Summ. verb. Ius patronat. q. 3.* Angelus *ibid. num. 23.* Limitatur tamen ab aliquibus, si consuetudo sit immemorabilis in contrarium. Tum quia consuetudo immemoralis arguit quod in ipsa foundatione sit factum legitime. Tum quia Concil. Trident. *sess. 25. cap. 9.* ubi id prohibet, solum reprobatur consuetudinem non immemorabilem, & *sess. 24. cap. 14.* ubi id etiam reprobatur, solum loquitur cum Episcopis, ipsis præcipiens ut consuetudines in hoc non laudabiles reiiciant, & aboleant. Lambertinus *de Iure patronat. lib. 3. q. 3. ar. 16.* Sanchez *tom. 1. consil. moral. lib. 2. cap. 3. dub. 52. nu. 6. & 7.*

27 Quando sunt plures Patroni eiusdem Iuris patronatus, vel quia

quia omnes simul fundarunt construxerunt, vel dotarunt Ecclesiam, vel quia ad omnes æque peruenit ius præsentandi ad beneficia, non requiritur quòd omnes concordent in vnum præsentandum. Sed eligi debet præsentatus à maiori parte ipsorum. Ita enim habetur *ex cap. quoniam in de Iure patronat.* Lambertini. *de Iure patron. lib. 2. p. 3. q. 4. ar. 1.* Siluester verbo *Ius patronatus* q. 12. Quod sic est accipiendum. Si illi plures Patroni præsentant non per modum Collegij, aut Communitatis, sed vt dicitur, vt singuli, satis est quod maior pars ipsorum non simpliciter, sed respectu alterius compartis præsentent, id est, si sunt septem, & tres præsentarunt Petrum, duo Ioannem, & alij duo Franciscum; sufficiunt illi tres, quia licet non sint maior pars illius numeri absolutè, sunt tamen maior pars respectu aliorum. Si autem præsentant per modum Collegij, vel Vniuersitatis tunc requiritur maior pars absolutè. Lambertinus *vt supra art. 2.* Siluester *etiam vt supra q. 13.* Si verò Patroni diuidant vota sua æqualiter, ita vt si sint quatuor, duo præsentent vnum, & duo alterum; datur optio infituenti, Episcopo scilicet, vel Prælato. Lambertinus *vt supra q. 5. ar. 1.* Sanchez *tom. 1. consil. moral. lib. 2. cap. 3. dub. 101.* 28 Patroni Beneficiorum Ecclesiasticorum, siue laici, siue Clerici, qui aliquem apostatam ad beneficium de eorum Iure patronatus existens tunc vacans præsentauerint, iure præsentandi alios ad eadem beneficia pro ea vice priuantur, & præsentationes sunt eo ipso irritæ, & inanes. Ex Paulo IV. in Bulla *Postquam* in tom. 1. Bullar. nu. 14.

29 Patroni laici si plures Clericos præsentauerint, concursus fieri debet inter ipsos præsentatos tantùm, & ex idoneis ab examinadoribus approbatis idoneor ab Episcopo est eligendus. Ex declaratione S. Congreg. apud Gonzalez *ad regul. 8. Cancell. gloss. 6. nu. 138.* Barbosa in *Collect. Bullar. verb. Patronus.* Idem dicendum respectiue de Prælato Regulari si ad ipsum quemadmodum ad Episcopum spectauerit eligere ad beneficia ex præsentatis à Patronis laicis Monasterij.

30 Pro varijs declarationibus S. Congregationis circa Ius patronatus videndi inter alios Garzia *de benefic. p. 5. cap. 9. & p. 12. cap. 2.* Gonzalez *ad Regul. 8. Cancell. gloss. 18. num. 46.* & Barbosa in *Collect. Bullar. verb. Ius patronatus per totum verb. Patronus ac verb. Præsentatus.*

SVMMARIVM CAP. XII.

Capitulum, Dieta, seu Congregatio Regularium quid sit. nu. 1.

Quotuplex sit. ibid.

Cuiuscumque auctoritas consistit in maiori, & saniori parte. num. 2.

Quæ vocetur maior, & sanior pars. ibid.

Non possunt Capitula statuere aliquid contra ius commune. nu. 3.

Possunt tamen ea omnia facere respectu, quæ tota Religio, tota Provincia, vel totus Conuentus. nu. 4.

Debent celebrari tempore, & loco statutis. num. 5.

Qua hora ibid.

Capitulum Generale omnimodam habet auctoritatem. num. 6.

Condere potest leges obligantes totam Religionem. ibid.

Quomodo comparetur cum Præsidente, vel Generali. ibid.

Non potest statuere aliquid contra ius commune. ibid.

An possit illud declarare. ibid.

Potest Generalem deponere, eligere, punire, & eius auctoritatem immutare. num. 7.

An exercere omnes actus iurisdictionis quos Generalis. ibid.

Pertinet ad ipsum sex Patres eligere pro eiciendis incorrigibilibus. nu. 8.

An sine illis fieri possit cœclio. ibid.

Non potest noua statuta supra Regulam imponere. nu. 9.

Potest tamen Regulam collapsam restituere ad eam obligando subditos. nu. 10.

Restringere, limitare, & tollere privilegia. num. 11.

Reservare casus aliquos, iuxta decretum Clem. VIII. num. 12.

Debent Capitula Generalia sæpius celebrari. nu. 13.

Si tamen in eis agatur de reformatione Ordinum, non de alijs negotijs. ibid.

Quid de Congregationibus intermedijs dicendum. num. 14.

Intimari debent in quocumque Capitulo, seu Congregatione litteræ

Apostolicæ ad S. Officium Inquisitionis spectantes. num. 15.

Sub pœnis. ibid.

Gremiales Capitulorum quas debent habere conditiones. nu. 16.

Specialiter Socj quibus qualitatibus ornati esse debeant. nu. 17.

Capitula Prouincialia, seu Congregationes Prouinciales quando celebranda. nu. 18.

Quæ facere possint. ibid.

Am

- An ejcere incorrigibiles. num. 19.*
Quam auctoritatem habent in Indijs. num. 20.
An in Capitulis Prouincialibus, vel saltem Generalibus dispensari possit cum illegitimis. nu. 21.
Qualiter, aut quibus conditionibus. ibid.
De Congregationibus Prouincialibus intermedys. nu. 22.
De intimatione litterarum Apostolicarum ad S. Inquisitionem pertinentium facienda in singulis Capitulis, seu Congregationibus sub pœnis, &c. num. 23.
De Capitulo Conuentuali, & eius auctoritate. n. 24.
De alijs ad ipsum spectantibus. ibid.
De electionibus quæ fieri solent in Capitulis. nu. 25.
Textus cap. Quia propter de elect. num. 26.
Quot conditiones requirantur ad electionem Prælatorum, iuxta dictum. cap. Quia propter. nu. 27.
Notanda circa illas. num. 28.
De habilitate eligentium, seu suffragatorum. nu. 29.
Quid si inhabiles aliqui admittantur. ibid.
An inhabilis ejci debeat antequam talis sententialiter sit declaratus. num. 30.
Quid faciendum dum tempore electionis ad interrogationem Præsidis opponitur alicui electori aliqua inhabilitas. ibid.
Peccat inhabilis in electione dans suffragium. ibid.
Speculat ad Præsidem Capituli dirigere ad electiones faciendas iuxta decreta Summorum Pontific. num. 31.
An possit suadere electores de eligenda certa persona. num. 32.
In electionibus quæ obseruanda iuxta decreta Summor. Pontificum. num. 33.
Debent esse secreta sine publicatione votorum etiam post electiones. num. 34.
Omnino libera à coactione, pactis, seu promissionibus. num. 35.
An illis debeant assistere Præsides magnæ auctoritatis. num. 36.
Non decet Præsides eligi ad aliquod Officium. num. 37.
Quid debeant facere circa fugitivos, aut electos ab Ordine. num. 38.
De Confirmatore, & eius munere. nu. 39.
Electio non legitime facta confirmari non debet nec potest. num. 40.
Privilegium Ordinis Prædicatorum circa hoc. num. 41.
Intra quod spatium temporis debeat electio confirmari. nu. 42.
Electio illius qui requisitus ante electionem consensit illi antequam fieret, cassanda est. num. 43.
Quid de electione per sortes an irrita, vel irritanda. num. 44.
Quid quando sortes ipsam electionem præcesserunt. ibid.

212 *De Capitulis, seu Congreg. Regul.*

Electio ex vi renunciationis facta antequam renunciatio acceptata fuisset à Superiore irrita est, nec confirmanda. num. 45.

Electio in qua est electus qui causam scandali præbiturus est annullari debet. nu. 46.

Electio usurarij, aut publici aleatoris irrita dicitur. ibid.

Electio facta per abusum secularis potestatis irrita est, & nulla. num. 47.

Quæ electio dicitur facta per talem abusum ibid.

Potest electus sine nota ambitionis petere confirmationem. num. 48.

Quid si importunè, & affectuosè petat. ibid.

Decretum electionis mittendum ad Confirmatorem. num. 49.

Quid sit postulatio, & quomodo differat ab electione. nu. 50.

Quid ad illam requiratur. ibid.

Qui sunt habiles ut postulentur. ibid.

Qui effectus nascentur ex postulatione. nu. 51.

An licitus sit modus creandi Prælatos per postulationem. num. 52.

Quid sit nominatio, & qualiter differat ab alijs modis creandi Prælatos. num. 53.

De praxi celebrandi Capitula. num. 54.

Formula celebrandi Capitula Prouincialia in Ordine Carmelitarum. nu. 55.



De Capitulis, Dietis, seu Congregationibus personarum Regularium, eorumque obligationibus, & priuilegijs.

Cap. XII.



CAPITVLVM, Dieta, seu Congregatio Regularium prout ad præsens attinet est aduatio ipsorum Regularium pro aliqua re, seu negotio ad Religionis ipsorum statum pertinenti. Diuiditur in Generale, Prouinciale, & Conuentuale. Generale Capitulum est pro negotijs totius Ordinis, Prouinciale

pro negotijs Prouinciæ, & Conuentuale pro negotijs Conuentuum. Quibus accedunt Congregationes intermediae quæ aliquando sunt Generales pro negotijs totius Religionis, & aliquando Prouinciales solum pro negotijs vnius Prouinciæ. De his sigillatim dicendum, primò scilicet de ijs quæ competunt Capitulo etiam Regularium in communi, deinde de ijs quæ Capitulo Generali, tertio de ijs quæ Capitulo prouinciali, ac quarto de ijs quæ Capitulo Conuentuali conueniunt.

2 Cuiuscumque Capituli auctoritas, & potestas consistit in maiori, & saniori parte, ita quod totum Capitulum facere dicatur quod maior, & sanior ipsius pars fecerit. *ex cap. Cum in cunctis de his quæ fiunt, &c.* Siluester in *Summa verbo Capitulum num. 1.* Rodriguez *to. 1. quæst. Regul. q. 41. ar. 1.* afferens circa hoc in *art. 2.* priuilegia Clementis 111. & Celestini 111. pro Carthusiensibus. Quæ regula in eo, quod ad Regulares attinet, deficit, quod quando maior pars Capituli delinquit, & propterea est sua auctoritate priuata, tunc tota Capituli potestas residet in minori parte, quæ non delinquit, prout notat Panormitanus in *cap. 1. de his quæ fiunt*, Siluester, & Rodriguez, vt supra, iuxta id etiam quod diximus *tom. 1. cap. 15. num. 6.* Maior, & sanior pars ea vocatur quæ innititur maiori rationi, & pietati. Siluester *loco citato §. 1. quaritur.* Rodriguez *to. 1. quæst. Regul. q. 13. art. 9.* Vnde videtur ad disquirendum quæ sit maior, vel sanior pars, inquirere rationes, & motiua quæ habuerunt suffragatores ad aliquid faciendum. Hoc tamen solum verum in gestis publicis Capituli, in occultis tamen prout sunt electiones, cum

Conci-

ex Privilegijs Summorum Pontificum diuersis Religionibus concessis, præsertim Innocentij vii. Cisterciensibus, Martini v. Eugenij iv. & Leonis x. Camaldulensibus. Rodriguez *tom. 1. quæst. Regul. q. 41. ar. 2.* Suarez 4. *to. de Relig. tract. 10. lib. 19. cap. 1.* Hinc primò condere potest leges, seu Constitutiones totam Religionem obligantes, iuxta dicta *tom. 1. cap. 18. num. 90.* Cum enim hæc potestas sit in Religionibus absdubie erit in Capitulis, Dietis, seu Congregationibus generalibus, quæ vt dixi, ipsas Religiones repræsentant. Residet etiam hæc auctoritas in Capitulo generali etiam ante electionem Generalis, vt eo *cap. 18. num. 90.* diximus, quia regulariter supponitur Capitulum cum Præside, vel Vicario Generali, ac per consequens cum Capite. Si autem casus esset quod Capitulum acephalum, seu sine capite esset, Præside scilicet, aut Vicario, tunc nec totam Religionem repræsentaret, nec leges condere posset. Suarez 4. *tom. de Relig. tract. 8. lib. 2. cap. 8. num. 8.* Quando autem Capitulum cum Generali præsentis sit, si maior pars Capituli concordet in lege ferenda, quamuis Generalis dissentiat, præualet sententia Capituli, & lex tenet, quia potestas adæquata est in Capitulo, seu maiori illius parte, & Generalis solùm est vnus ex habentibus suffragium. In quo differt Capitulum Generale comparatum cum suo Generali à Concilio generali comparato ad Papam, nam cum Generalis sit subditus Capitulo, etiam si ipse nolit tenebit lex à Capitulo facta, at verò cum Papa non sit subditus Concilio generali, sed supra illud, non tenebit lex à Concilio facta, Papa renuente. Suarez 4. *tom. de Relig. tract. 8. lib. 2. cap. 8. num. 4.* Legibus autem, siue statutis factis in Capitulis generalibus parere debent omnes, etiam ipsi Generales, non solùm propter dicta *tom. 1. cap. 8. num. 21.* sed etiam quia vt modo dictum est Generales sunt subditi Capituli generalis, & ita ipsi obedire tenentur. Suarez 4. *tom. de Relig. tract. 8. lib. 2. cap. 8. num. 18.* Non tamen possunt Capitula generalia statuere aliquid contra ius commune, iuxta dicta de Capitulis in communi supra *num. 3.* cum ius commune sit à Papa; & Capitula omnia Regularium inferiora Papæ sint. Rodriguez *tom. 3. quæst. Regul. q. 17. ar. 20. §. nec contra hoc obstat.* Peirinis *tom. 1. privileg. Minimor. in Constit. Pyrrhi §. 4.* Possunt tamen Constitutiones iuris communis declarare, & innouare, & vbi pœna deficit apponere, vel augere. Quia hoc potius est adiuuare ius commune quod licitum esse dicitur in *cap. v. de nou. oper. nunciat.* Peirinis *vt supra.*

7. Potest item Capitulum generale eligere Generalem, ipsum.

ipsum deponere, punire, illius auctoritatem minuire, & angere. Hoc enim colligitur ex summa auctoritate Capituli, & ex subiectione Generalis erga ipsum. Suarez *4. to. tract. 10. lib. 10. cap. 4.* Hinc etiam valde probabile mihi est posse tempore quo durat, omnes actus iurisdictionis exercere quos Generalis efficere potest, quod plane sequitur ex suprema potestate generalis Capituli, & de Congregatione generali Societatis Iesu docet idem Suarez *4. tom. de Relig. tract. 10. lib. 10. cap. 4. num. 15.* licet ut idem Suarez *ibid. num. 16.* in usu huius potestatis debeat Capitulum conformare se Constitutionibus Ordinum. Idem etiam mihi probabile est de quacumque etiam facultate, seu auctoritate Generalibus, ex priuilegijs competentis, posse scilicet illam exercere, Capitulum, cum sit superius ipso Generali, & ut dixi *to. 1. cap. 18. nu. 3.* si priuilegium conceditur Praelato inferiori censetur etiam concessum Superiori.

8. Pertinet etiam ad Capitulum, seu Congregationem generalem eligere sex Patres ex grauioribus Religionis, de quorum consilio, & assensu eiici possint professi eiiciendi à Religione, ita enim decernitur à Sacra Congregatione Concilij in decretis de Apostatis, & eiectionibus sub SS. D. N. Urbano VIII. anno 1624. editis, quæ habentur *4. tom. Bullar. inter Constitutiones Urbani num. 26.* & de quibus diximus *tom. 1. cap. 23. num. 3.* Neque enim licet Generali se solo professos incorrigibiles eiicere, ut habetur in prædictis decretis cum reuocatione quorumcumque priuilegijs. Aduertit tamen Peirinis *tom. 2. priuileg. Minimæ. in Constit. 10. Urban. VIII. §. 4. num. 1.* quod cum difficile valde existimatum fuisset Generalem secum ducere semper prædictos sex Patres pro expulsionem faciendam quando casus occurrisset supplicatum esse S. Congregationi pro remedio, ipsamque respondisse, posse Generalem, vel Visitatorem generalem in qualibet Prouincia in qua id opus fuerit assumere sibi sex ex Diffinitoribus illius, de quorum consilio, & assensu posset prædictos incorrigibiles eiicere, ita etiam nos idem diximus *tom. 1. cap. 23. num. 5.* Verumtamen cum ipse non afferat huiusmodi decretum declaratorium sed solum dicat id audiuisse à Religiosis fide dignis qui tamen falli possent, non videtur ipsi credendum, præsertim quia anno 1635. proximè præcedenti cum Constitutiones quædam cuiusdam grauis Religionis SS. D. N. pro approbatione Apostolica oblatæ essent, Eminentiss. quidam Cardinalis, & Reuer. abij Praelati quibus cura eas examinandi à sua Sanctit. commissæ fuit, noluerunt similem explicationem admittere, aut approbare, quo suspecta valde redditur declaratio illa S. Congreg. à Peirinis

Peirinis relata, & quæ habetur in nostris Constitutionibus *par. 4. cap. 21 §. 14.* nec ea uti nos posse credo, dum clarius de ea non constiterit. Rectè ergo in Congregatione nostrorum PP. Discalceatorum Hispaniæ cautum est, ut huiusmodi expulsi non fiat nisi à Generali cum sex Diffinitoribus. Const. PP. Discalceat. *par. 3. cap. 7. num. 11. & 13. adiuncto num. 1.*

9 Non potest Capitulum etiam generale noua statuta arctiora quæ simpliciter sint supra Regulam Ordinis imponere. Quia ut dictum est *tom. 1. cap. 4. num. 13.* votum Obedientiæ Religiosorum solum obligat illos ad ea quæ concernunt Regulam, siue explicitè, siue implicitè, quare ea quæ sunt simpliciter supra Regulam, cum illam non concernant (hoc enim est esse supra illam, nam si illam concernunt non sunt supra illam) non possunt præcipi à Prælati Religionum. Angelus *verb. Religiosus num. 29.* Siluester *verb. Religio 6. q. 6.* Peirinis *tom. 1. de subdito Religioso q. 1. de obedientia §. 1.* Excipe quando Regula præcipiat (ut dicitur de Regula Minorum, & Constit. Societatis Iesu) obediendum esse Superioribus. etiam si supra Regulam aliqua præcipiant. Eo enim casu id quod præcipitur est conforme Regulæ, iuxta dicta præd. *tom. 1. cap. 4. num. 13.*

10 Potest tamen Generale Capitulum Regulam iam collapsam, & relaxatam ad pristinum statum restituere obligando subditos ad obseruantiam illius sic restituta. Ratio est, quia hæc restitutio, seu redintegratio Regulæ concernit ipsam, nec est supra ipsam, imò maximè concernens ipsam, iuxta dicta *tom. 1. cap. 7. num. 19. & 20.* Siluester *verbo Religio 6. q. 6.* Corduba *in exposit. Regule S. Francisci cap. 10. q. 2. punct. 6.* Peirinis *tom. 1. de Religioso subdito q. 1. de obedientia §. 3.*

11 Auctoritatem etiam habet Capitulum generale restringendi, & limitandi, imò etiam omnino tollendi in Religione usum quorumcumque priuilegiorum Apostolicorum. Si enim, iuxta dicta *tom. 1. cap. 18. num. 56.* Prælati ipsi, Generales maximè, id possunt facere, multò melius id etiam facere poterit Capitulum generale quod est supra omnes Prælatos, præcipuè, quia horum priuilegiorum restrictio, moderatio, & ablatio conducere valde potest ad Ordinis reformationem. Rodriguez *tom. 1. quæst. Regul. q. 17. ar. 5.*

12 Possunt etiam Capitula generalia matura discussione præmissa reservare in Religionibus casus aliquos graues pro Religionis conseruatione, aut conscientiarum puritate. Ratio est, quia et si Clemens VIII. in decreto pro reformatione casuum anno 1593. prohibuerit ne Superiores Religionum possent alios

E c

casus

casus referuare præter quosdam specialiter relatos *to. 1. cap. 18. num. 20.* tamen ipsemet Pontifex in eodem decreto permittit hanc facultatem referuandi alios præter dictos Capitulis generalibus, & Prouincialibus, non quidem dando nouam potestatem Capitulis ad id faciendum, sed non auferendo eam quam iure communi, vel iuxta sua priuilegia habebant. Suarez 4. *to. de Relig. tract. 8. lib. 2. cap. 18. num. 15.*

13 Debent Capitula generalia sæpius celebrari, & licet in hoc seruari debeant Constitutiones Ordinum maximè auctoritate Apostolica confirmatæ, stando tamen in iure communi videtur dicendum, generalia Capitula celebrari debere de triennio in triennium, tum à simili de Concilijs Prouincialibus, quæ à Concilio Lateranensi *sess. 10. cap. 10.* & Trident. *sess. 24. cap. 2.* quolibet triennio præcipiuntur celebrari, tum ut crebrius quam fieri posset agatur de reformatione Ordinis, Regulæ obseruantia, morum correctione, & controuersiarum decisione, hic enim præcipuus est finis celebrandorum Generalium Comitiorum. Rodriguez *tom. 3. quest. Regul. q. 47. ar. 2. & 3.* Vbi pie deplorat quod in Capitulis generalibus, & prouincialibus omne tempus in electionibus, & prouisionibus Prælatorum, & Officialium expendatur, & parum in ijs quæ pertinent ad morum reformationem. Affirmans vltèrius Generales, & Prouinciales in hoc negligentes, non liberari à peccato mortali. Capitula autem generalia, in quibus parum, aut nihil de Ordinis reformatione agitur, sed alijs negotijs, prætensionibus scilicet officiorum, graduum, & dignitatum, vix deberent celebrari. Neque enim pro eiusmodi rebus graues expensas fieri, aut longa itinera peragi conuenit Religiosis.

14 Ad generalia Capitula accedunt Congregationes aliquæ intermediae, quæ aliquo modo generales dici possunt, vel quia constant ex eisdem Gremialibus, vel saltem ex Definitoribus, seu Assistentibus generalibus. De ijs autem nihil particulare dici potest, nisi quod, cum secundum Ordinum statuta habeant dictæ Congregationes eandem auctoritatem, ac generalia Capitula, eodem modo de illis philosophandum est, si autem habeant minorem auctoritatem (quia maiorem habere non possunt) ex prædictis statutis pendet notitia eorum ad quæ se possunt extendere.

15 Debent in quocunque generali Capitulo, Congregatione, Dieta, seu Conuentu Prælati Religionum monere suos subditos de iniuncta omnibus obseruantia, & executione litterarum Apostolicarum Constitutionum, & decretorum ad Sanctum

Offi-

Officium Inquisitionis pertinentium, prout habetur ex decreto SS. D. N. Urbani VIII. in generali Congregatione S. R. Inquisitionis 24. Aprilis 1633. Vbi prædictæ litteræ Apostolicæ, Constitutiones, & decreta continentur. Quod præcipitur ipsis Superioribus sub pœna priuationis Officij ac vocis actiui, & passiuæ ipso facto incurrendæ, ac alijs arbitrio S. suæ infligendis pœnis. Vide *tom. 1. cap. 18. num. 100.*

16 Gremiales seu Capitulares Patres Capitulorum, seu Congregationum generalium, qui vt in plurimum solent esse capita Prouinciarum, Prouinciales scilicet, Procuratores, vel alij similibus nominibus vocati, eorumque Socij, seu Discreti debent habere conditiones assignatas *to. 1. cap. 15. num. 4. & 5.* videlicet quod sint Clerici in sacris constituti, liberi à censura, impedimento canonico, priuatione vocis, aut inhabilitate ad munus eligendi, non excommunicati maiori excommunicatione, suspensi ab officio, interdicti, aut irregulares. Nota tamen declaratum dici à S. Congregat. pro Minimis Regularem suspensionem à diuinis posse eligere, quia electio non pendet ab ordine, sed à regularitate. Barbosa in *Collectan. Bullar. verbo Regulares* 1. Item eligentes indignum priuantur potestate eligendi, *cap. cum in cunctis de elect.* Præterea illi, qui per abusum potestatis sæcularis aliquem elegerunt priuati sunt ea etiam vice potestate eligendi. *cap. quisquis de elect.* Siluester in *summa verbo electio* 1. *quest. 4.* Qui autem dicantur elegisse per abusum sæcularis potestatis inferius declarabitur *num. 47.* dum de electionibus quæ confirmandæ non veniunt sermo erit.

17 Specialiter Socij, seu Discreti qui simul cum Prouincialibus, aut Prouinciarum Superioribus Capitulorum generalium gremiales sunt debent etiam prædictas conditiones habere. Item cum habere dignitates, vel personatus quibus animarum cura non subest ad minus requirat ætatem 22. annorum, vt docet Concilium Trident. *sess. 24. cap. 12.* huiusmodi autem Socij, seu Discreti personatus quidam sint, ideo prædicta ætas pro ipsis ad minus necessaria, maximè cum habeant vocem actiuam in electionibus, quæ ex eodem Trident. *sess. 22. cap. 4.* Ordinem Subdiaconatus requirit qui ante prædictam ætatem non conceditur. Rodriguez *tom. 1. quest. Regul. q. 15. ar. 2.* Non possunt illegitimi non habita prius dispensatione eligi in Socios, seu Discretos pro Capitulis generalibus. Ratio est non solum quia sunt personatus, qui illegitimis concedi non possunt, iuxta *cap. fin. de filiis Presbyterorum*, sed etiam quia prædicti Socij, vel Discreti etiam debent habere vocem passiuam ad prælaturas, dignitates, &

Ec 2 perso-

personatus Ordinis, quorum sunt incapaces illegitimi, iuxta cap. 1. & fin. de filiis Presbyterorum Rodriguez tom. 1. quest. Regular. q. 13. art. 19. Peirinis tom. 1. privileg. Minim. in Const. 2. Julij §. 29. num. 91 Generaliter etiam prædicti Socij, seu Discreti eas habere debent conditiones ad id munus, quas singulorum Ordinum statuta requirunt, quæ cum sint diuersæ nequeunt omnes dilucidari, sufficiant ergo conditiones iure communi pro illis designatas recensere.

18 Capitula provincialia, seu Congregationes provinciales, eodem modo celebranda sæpius sunt pro Ordinis reformatione, Regulæ, ac Regularium obseruantiarum perfectiori custodia, morum reformatione, ac controuersiarum decisione, sicut diximus de generalibus Capitulis, iure quidem communi de triennio in triennium, iure tamen particularium Religionum, iuxta earum statuta, & Constitutiones. Vnde pari modo de illis respectiuè, ac de Capitulis, seu Congregationibus generalibus philosophandum est. Possunt ergo condere leges, statuta, & decreta perpetuò duratura pro Prouincia, obligantia Fratres omnes Prouinciæ, Prouincialem quoque: ipsum Prouincialem eligere, deponere, punire, ipsius auctoritatem minuere, & augere, omniaque facere, quæ ipse Prouincialis facere possit. Quæcumque privilegia etiam Apostolica Fratribus concessa, limitare, restringere, & etiam omnino tollere, reseruare casus aliquos propter grauius crimina. Non tamen imponere noua statuta, arctiora, quæ simpliciter sint supra Regulam. Nec præcipere, aut ordinare aliquid contra ius commune, bene tamen illud declarare, & innouare, ac pœnas adiungere. Quæ omnia à simili constant ex dictis de auctoritate Capitulorum generalium.

19 Ejicere autem professos etiam incorrigibiles, aut designare Patres de quorum consilio ejiciantur non est munus Prouincialis Capituli, nec ad hoc pertingit eius auctoritas. Etsi enim propter varia Religionum privilegia id olim facere posset, modo tamen omnia prædicta privilegia reuocata, & annullata sunt à S. Congregatione Concilij in decretis de Apostatis, & eiectis supra relatis, ubi totum hoc negotium remittitur soli Generali de consilio, & assensu sex Patrum ex grauioribus Religionis eligendis in singulis Capitulis, vel Congregationibus generalibus, iuxta dicta supra num. 8.

20 Habent item Capitula Prouincialia Religionum in Indijs auctoritatem dandi licentiam suis Fratribus, ut officium Parochi exerceant, Sacramenta ministrando &c. in quo etiam includitur facultas

facultas prædicandi, sepeliendi Indos, asportandi eorum corpora cruce alta, & habendi scholas puerorum. Sic enim concessit Pius v. ad instantiam Philippi 11. Hispaniarum Regis. Rodrig. tom. 1. *quest. Regul. q. 35. art. 1. & q. 41. ar. 1.* Vbi etiam de alijs privilegijs Capitulorum Prouincialium Mendicantium in illis Indiarum partibus, quæ non refero, quia dubium mihi est, an ea sint viæ vocis oraculo concessa, quia si talia sint nihil hoc tempore valent.

21 Possunt etiam Generalis, & Prouincialis cum Capitulis Generalibus, Prouinciaibus, seu intermedijs iuxta tenores privilegiorum suis Ordinibus concessorum, si talia illis fuerint ante tempora Greg. xiv. concessa, vsu recepta, nec renocata, cum illegitimis dispensare ad honores, gradus, & dignitates obtinendas, cum illis tamen quos suffragantibus meritis dignos indicauerint. Ita enim concessit ipse Greg. xiv. anno 1591. in Bulla *Circumspecta* in 2. tom. Bullar. inter Bullas huius Pontificis num. 3. Cum enim Sixtus v. Constitutione *Cum de omnibus* anno 1587. edita quam aliquatenus moderatus est sequenti anno alia Cõstitutione *Ad Romanum* illegitimos ad gradus, honores, & dignitates inhabiles declarauerit, nec posse cum eis dispensari nisi à sola Sede Apostolica non obstantibus quibuscumque privilegijs Religionibus concessis, postea Greg. xiv. has Sixti Constitutiones modo dicto moderatus est, vt etiam dictum manet tom. 1. cap. 18. num. 60. Rodriguez tom. 1. *quest. Regular. q. 13. ar. 6. & 9.* Nomine autem Capituli Generalis, Prouincialis, seu intermedij Capituli probabile est non intelligi totum Capituli corpus, seu omnes Gremiales, sed solum Definitorium, tum quia quod Definitorium agit à toto Capitulo adum dicitur, tum quia cum dispensatio cum illegitimis negotium sit requirens secretum, cum eius reuelatio aliquando infamiam, & scandalum parturire soleat, credi oportet nomine Capituli cum quo Generalis, vel Prouincialem dispensare posse cum illegitimis vult Pontifex, intelligi posse solum Definitorium. Rodriguez tom. 1. *quest. Regul. q. 13. ar. 9.* Electio autem aliquo illegitimo in Prælatum, vel simile officium in aliquo Capitulo generali, Prouinciali, vel intermedio, si ibi sit Generalis, vel Prouinciales potentes illum habilitare, habilis, & dispensatus saltem in foro conscientie debet reputari ipsa electione, si eligentes sciant eum esse illegitimum. Ratio est, quia cum eligere illegitimum in Prælatum non præmissa dispensatione sit peccatum mortale, credendum est electores cum illum eligunt, cum ipso dispensare in tali impedimento, ne dicamus ipsos peccasse mortaliter.

Rodrig.

Rodrig. *tom. 1. quæst. Regul. q. 13. ar. 6.* Portellus in *dubijs Regul. verb. illegitimus num. 7.* In foro autem externo nec illegitimum, itum manere dispensatum, nec electionem validam esse, tenent plures, propter differentiam quæ est inter Papam, & Prælatos inferiores, nam Papa præbens aliquid ei quem scit iure humano ad id inhabilem ipso facto sine expressione dispensationis censetur habilis, non sic Prælati inferiores. Nauarrus in *man. cap. 25. num. 74.* Rodrig. *tom. 1. quæst. Regul. q. 13. ar. 16.* Rem tamen aliorum iudicio relinquo, inclinor enim valde ad credendum prædictum illegitimum etiam in foro externo mansisse dispensatum tacita, & virtuali dispensatione, alias dicere cogemur in foro externo peccasse mortaliter electores qui cum scientes esse illegitimum in Prælatum elegerunt. Quomodo, cumque autè dispensatio fiat cum illegitimo requiritur causa rationabilis, puta, quod sit nobilis, litteratus, bonus Religiosus, utilis Religioni &c. Tum ex verbis Greg. xiv. adductis *suffragantibus meritis*, quo denotat sine meritis cum eo dispensari non posse, tum ex generali regula, quod ad dispensationem semper requiritur causa, ut dictum est *tom. 1.* Videtur etiam requiri quod ipse illegitimus explicet qualitatem illegitimitatis, si videlicet sit spurius, naturalis, sacrilegus, incestuosus, quia istæ conditiones possunt faciliorem, & difficiliorem reddere dispensationem. Rodriguez *tom. 1. quæst. Regul. q. 13. art. 17.* Portellus in *Dub. Regul. verbo illegitimus num. 11.* referens etiam Mirandam. An, verò ipsi Prælati sine Capitulis prædictis possint cum illegitimis dispensare, vide dicta *to. 1. c. 18. n. 60.* & nota Portellum in *Dub. Regul. verb. illegitimus n. 9. et 10.* afferre aliqua privilegia pro parte affirmatiua, Sed de illis parum curandum, tum quia forsitan sunt viuz vocis oracula quæ his temporibus nihil valent, tum quia esto non essent talia, reuocata sunt à Sixto v. in prædictis Constitutionibus, & moderata à Greg. xiv. in Constitutione allata, quatenus solum permittit vsum illorum in Capitulis, & cum Capitulis, ut dictum est. Vide Rodrig. *tom. 1. quæst. Regular. q. 13. art. 6.*

22 De Congregationibus Prouincialibus intermedijs iudicandum est, ac de Congregationibus generalibus etiam intermedijs, & habent eandem, similem, maiorem, vel minorem auctoritatem cum Prouincialibus Capitulis, iuxta diuersorum Ordinum diuersa statuta, & Constitutiones.

23 Debent in quocumque Capitulo Prouinciali, Congregatione, Dieta, vel Conuentu Prælati Religionum monere suos subditos de obseruantia, & executione litterarum Apostolicarum, & Consi-

Constitutionum, seu Decretorum ad S. Officium Inquisitionis pertinentium, sub pœnis supra num. 15. assignatis, prout habetur ex decreto SS. D.N. Urbani ibidem relato.

24 Capitulum etiam Conuentuale, illud scilicet quod celebratur ab immediato Prælato Monasteriorum cum Fratribus illius eam auctoritatem, & potestatem habet, quam ipsi concedunt Constitutiones, & consuetudines Religionum. Iure tamen communi loquendo hæc competunt illi. Primò, confunditur cum nomine Conuentus, ita ut quandoque promiscue nominentur, quamuis rigorè loquendo Conuentus dicatur Religiosorum, Capitulum verò secularium. Cardin. *de rebus Eccles. non alien. & in Clem. 1. §. 1.* Ioannes Bertachinus 1. p. *Reperit. verb. Conuentus*. Ex quo inferitur posse id totum facere Capitulum Conuentuale quod facit Conuentus, præsertim cum constet ex nobiliori parte Monasterij. Deinde, Capitulum hoc congregare pertinet ad Superiorem, Priorem scilicet, vel digniorem, aut antiquiorem. Bertachinus *ut sup. verb. Capitulum*. Potest fieri ex duobus vel tribus tantum Fratribus. Glossa 10. q. 1. cap. 1. *verb. Congregatio*, Bertachinus *ut supra verb. Collegium num. 70.* Sine Prioris sui consensu contrahere, vel aliud facere non potest. Ioan. Andr. *in cap. cum omnes de Const.* Paulus de Castro *in l. 1. §. in filij ff. ad Trebel.* Succedit Prælato in administratione, & est illius successor. Ioannes de Imola *super Clem. de procuratoribus num. 12.* Spectat ad Præsidentem Capituli Conuentualis legere, & exponere Regulam Ordinis etiam vulgari sermone propter iuniores. Ita enim supponitur in *Clement. ne in agro de statu Monachor.* verbis adductis cap. 2. num. 31. De alijs autem circumstantijs, loco scilicet, vel tempore celebrandi Capitulum hoc Conuentuale, qui possint vel non eidem interesse, culpis Fratrum in ipso disquirendis, & animaduertendis, tum ex dictis, & dicendis de Capitulis Generali, & Prouinciali, tum ex particularibus Religionum Regulis, Statutis, & Constitutionibus, seu etiam legitimis consuetudinibus ipsorum desumi potest quid dicendum.

25 Pro electionibus quæ regulariter fieri solent in Capitulis, seu Congregationibus Generalibus, Prouincialibus, seu localibus, attendenda sunt quæ to. 1. cap. 15. dicta manent, quia tamen electiones per scrutinium quasi communes sunt in omnibus Religionibus maxime post Concil. Trident. & huiusmodi electionum conditiones assignatæ sunt in cap. *Quia propter de elect. ideo accuratius illas lubet expendere, & quæ ex illis substantiales sint enucleare.* Maxime quia, quæ iure Pontificio decernuntur in Titulo de electione, & electi potestate circa electionem Canoniam

nicam Prælatorum Ecclesiasticorum veniunt obseruanda in electionibus Prælatorum Regularium. Suarez tom. 4. de Relig. traët. 8. lib. 2. cap. 5. nu. 1. Castellinus de elect. Canon. Prælat. cap. 1. num. 1.

26 Textus autem dicti cap. quia propter de elect. sic se habet: *Quia propter diuersas electionum formas, quas quidam inuenire conantur, & multa impedimenta proueniunt, & magna pericula imminet Ecclesijs viduatis, statuimus, vt cum electio fuerit celebranda presentibus omnibus qui debent, & volunt, & possunt commodè interesse assumantur tres de Collegio fide digni, qui secreto, & sigillatim vota cunctorum diligenter exquirant, & in scriptis redacta mox publicent in communi, nullo prorsus appellationis obstaculo interiecto, vt is collatione habita eligatur in quem omnes, vel maior, & sanior pars Capituli consenserit.*

27 Ex quo habetur ad electionem per Scrutinium de qua in præd. cap. *Quia propter multa esse necessaria.* Primum, quod fiat per congregatos in vnum, neque enim sufficit, vt quolibet in sua camera existente fiat electio. Colligitur ex illis verbis *presentibus omnibus.* Secundum, quod Scrutatores assumantur per Collegium, non enim debent se ingerere, quia sic redderentur suspecti. Colligitur ex illis verbis *Assumantur tres de Collegio.* Tertium, quod Scrutatores assumantur tres, & non pauciores. Quia in textu dicitur *Assumantur tres.* Quartum, vt dicti Scrutatores sint de Collegio. Id enim exprimitur in textu de Collegio. Quintum, vt singulorum electorum vota exquirantur secreto. Id etenim etiam exprimitur illis verbis *Qui secreto, & sigillatim vota cunctorum diligenter exquirant.* Sextum, vt inquisitio fiat sigillatim, ita scilicet vt non accedant suffragatores bini, aut terni, sed sigillatim, quia hoc verbum sigillatim habetur in textu. Septimum, vt vota omnium exquirantur. Id enim denotat verbum illud textus *vota cunctorum.* Octauum, vt vota exquisita redigantur in scriptis publicis, aut priuatis. Hoc enim denotatur illis verbis, *& in scriptis redacta.* Nonum, vt vota scripta in communi, id est, in Capitulo publicentur. Sic enim dicitur in textu, *mox publicent in communi.* Decimum, vt ista publicatio votorum fiat mox, id est, in continenti, nullo actu contrario interueniente post scripturam, & postquam vota fuerint redacta in scriptis, si quidem illa particula *mox* habetur in textu. Vndecimum, quod facta votorum, & suffragiorum publicatione statim fiat collatio suffragiorum respectu numeri, meriti, & zeli, ad inquirendum quisnam haberet maiorem atque saniores suffragiorum partem, quia dicitur in textu, *vt is collatione habita.*

habita. Duodécimum, vt dicta collatio fiat mox post suffragiorum publicationem, nullo actu extraneo intermisso, vt vult Glossa in d. cap. *Quia propter*. Tertium decimum, vt collatione facta fiat electio per vnum nomine Capituli. Hoc enim indicatur in textu dum dicitur, *vt is collatione facta eligatur*. Quartum decimum, vt electio supradicta statim post collationem fiat nullo actu extraneo interueniente. Sic enim videntur intelligi verba illa *is collatione facta eligatur*. Quintum decimum, vt electio fiat de eo, in quem maior, & sanior pars totius Capituli consenserit, vt exprimitur in textu. Decimum sextum, vt electio sit verbalis, neque enim alio modo videtur posse intelligi textus. Decimum septimum, vt dicta electio solemniter publicetur. Hoc enim etiam insinuant verba textus. Decimum octauum, vt seruetur ordo prædictorum successiue per ordinem vt numerata sunt, alias non valeat electio. Neque enim sine causa textus prædicta omnia modo prædicto describit. Ita habet Panormitanus in dicto cap. *Quia propter*, quem sequitur Siluester in *Summ. verb. electio* 3. num. 12. & recentiores, præsertim Miranda tom. 2. *manual. Prælator.* q. 23. ar. 29. Qui omnes, Panormitanus præsertim, & Siluester, volunt has omnes condiciones substantiales esse, etsi assignent alias non substantiales, scilicet primam, quod electioni præfigatur dies, 2. quod Scrutatores sint fide digni, 3. quod electio fiat in Ecclesia de cuius Prælati sit electio, quarto, quod fiat post sepulturam prædecessoris.

28. Circa quæ aliqua animaduertenda sunt, primum, dispositionem huius capituli comprehendere etiam electionem omnium Prælatorum Regularium, vt dictum est, eis enim mortuis, vel deficientibus Ecclesiæ illorum dicuntur viduatz, & sine pastore cap. *ne pro defectu de elect.* Deinde circa illam conditionem de assumptione trium, sufficienter saluari si tribus antiquioribus Capituli hoc munus committatur, vsu, & consuetudine Religionis, non designatione, aut nominatione, prout in nostra Religione in praxi seruetur. Item circa illa de tribus tantum Scrutatoribus assumendis, non videri de substantia electionis quod sint tantum tres, sed posse esse quatuor, cum per hoc nihil fiat contra finem legis, cui sententiæ fauent dux declarationes S. Congregationis Cardinalium quas affert Suarez 4. tom. de *Relig. tract. 8. lib. 2. cap. 5. num. 10.* Item circa illas condiciones de votis singulorum secretè exquirendis, & scribendis, notandum duobus modis accipi posse, primò, vt electores coram Scrutatoribus voce proferant, quem eligunt, & ipsi Scrutatores, vel aliquis illorum id scribat, secundo, vt vnusquisque eligentium

secreto scribat, vel scriptum deferat suum votū ad Scrutatores. Licet autem prior modus conformior sit decisioni *cap. Quia propter*, verba enim illa, *vota omnium diligentur exquirant, & in scriptis redacta mox publicentur* cum denotare videntur, & per consequens in praxi observari possit, nihilominus posterior modus conformior est decreto Concil. Trid. *sess. 25. cap. 6. ubi electionem Prælatorum dicit fieri debere per vota secreta, ita ut singulorum eligentium nomina nunquam publicentur*, magis enim secretè, & minus publicationis periculo exposita erunt vota, si unusquisque suum votum scribat caractere aliquantulum immutato. Vnde iste modus etiam in praxi observari potest, prout in aliquibus Religionibus fit. Præterea circa publicationem votorum, debere fieri ab ipsis Scrutoribus, vel ab vno alijs consentientibus. Circa conditionem de collatione ad sciendum, quæ sit maior, vel sanior pars, notandum quod cum Conc. Trid. ut supra requirat, *ut nomina eligentium nunquam publicentur*, & collatio de saniori parte non possit fieri sine publicatione eligentium, ideo semper maiorem partem præsumendam sanio-rem. Circa 13. de electione faciendâ per vnum nomine Capituli, cum non exprimitur quis debeat esse ille vnus, quidam dicunt, esse scribam, alij vñ de Scrutoribus, alij verò quod probabilius est, Capituli Præsidentem, vel primam vocem habentem, etenim veluti ex natura rei ad illum videtur hoc munus spectare. Debet autem is dicere: *Ego nomine omnium eligentium, eligo te N. in Prouincialem, Priorem, &c.* hoc enim est conformius textui, & ita præceptum observari in Capitulis Prouincialibus Ordinis nostri à Reuerendis. Generali Theodoro Stratio. Vbi autem legitima consuetudine id non fuerit in vsu, licet ratione talis legitimæ consuetudinis permitti possit, introduci tamen debet propter decisionem prædicti capituli *quia propter*, & etiam *cap. sicut de elect.* De his omnibus Suarez 4. tom. de Relig. tract. 8. lib. 2. cap. 15. Quibus addendum quod cum in prædicto cap. *Quia propter* nihil dicatur de modo, quo Scrutatores debeant ferre suffragia, credendum est eodem modo, ac alios suffragatores id faciuros, ita tamen, ut ad inuicem munus Scrutorum exerceant. 29. Ideo autem in prædicto capite mentio non fit de habilitate, seu capacitate eorum qui suffragia habent in Capitulo, quia ex alijs iuribus constat eos debere esse habiles, & liberos ab omni impedimento, censura, vel inhabilitate, de quo tom. 1. cap. 15. Pro cuius maiori luce, & quia circa hoc sæpius controuersia, & contentiones in electionibus oriri solent, notandum primo, quod quando

quando siue vnus, siue plures inhabiles ad electiones admittuntur ignoranter, val da est electio, etiamsi post illam constet de eorum inhabilitate, in hoc enim tenet regula illa *utile per vtile non vitiat*, & altera, *factū legitimè retractari non debet*, huc c. *sius possea eueniat à quo non potuit inchoari* de Regul. iuris Regul. 73. præsertim quia cum in negotijs vniuersitatis tota potestas resideat in his qui habiles sunt, ideo quamuis alij inhabiles ignoranter admisceantur, ij qui habiles sunt totum Capitulum, & legitimū representare poterunt. Innocentius in cap. illa num. 2. de elect. Imola num. 5. Hostiens. col. 1. Suarez 4. to. de Relig. tract. 8. l. 2. c. 4. n. 9. Similiter quando admittuntur prædicti inhabiles maiori parte Capituli illorum inhabilitatem sciente, sed est potestas in Capitulo ad dispensandum cum illis, etiam est valida electio, quia censendi sunt virtualiter dispensati ab ipso Capitulo, ac per consequens valide elegisse. Ad quod deseruit doctrina tradita tom. 1. cap. 18. num. 63. de Præfato conferente alicui illegitimo aliquod officium; sciens enim subditum habere tale impedimentum, & conferens officium, censetur super illo dispensare, si potest. Sic enim videtur dicendum in præsentī. Quando verò à maiori parte Capituli inhabilitatem sciente nec potente ipso Capitulo super inhabilitate dispensare admittuntur isti inhabiles tunc irrita est electio, quia tunc habiles non censentur voluisse eligere sine dictis inhabilibus. Innocentius, Imola, Hostiensis allati, Siluester verbo *electio* 1. num. 17. in fine. Scio aliquos velle hoc solum verificari in casibus à iure expressis, scilicet de excommunicato in cap. fin. de procur. & de laico in cap. Massana de electionibus. Sed verior, & communior sententia est, quod in omni casu electio in qua scienter admittuntur inhabiles modo dicto est irrita, & nulla.

30 Nullus tamen elector potest, aut debet excludi ab electione sub prætextu alicuius inhabilitatis, delicti, aut censuræ, etiam causa pendente, nisi prius fuerit sententialiter condemnatus. Ante sententiam enim in foro externo pro habili habetur. Hostiensis, Ioannes Andreas, & Felinus cap. minime de accusat. Castellinus de elect. canon. Prælator. cap. 5. num. 1. Peccabit tamen elector qui inhabilitate aliqua quantumuis occulta affectus accedit ad electionem ab illa inhabilitate non dispensatus, iuxta dicta tom. 1. cap. 15. num. 5. Quare, si dum tempore faciendæ electionis, interrogante Præsidente electores an sciant al quem ex illis habere aliquem defectum, vel impedimentum, propter quod nequeat esse de gremio Capituli, aiquis opponat alij aliquam inhabilitatem, debet, quantum tempus permiserit, fieri inquisitio

de ea, & si confessione, vel euidenti probatione constaret veram esse oppositionem, statim debet ei ei a Capitulo talis inhabilis, si sine scanalo fieri potest. Si autem constaret certò inhabilitatem illi electori oppositam, falsam, vel nullam esse, retinendus est in gremio sic accusatus. Quando verò res est dubia, cum in dubijs iuuat possessio, & fauendum potius sit reo, quam actori, admitti potest, & debet cum protestatione tamen facta illi, quod scilicet admittitur ad eligendum si, & in quantum appareat postmodum eum debuisse admitti. Panormitanus *in cap. Cumana de elect. Siluester in Summ. verb. electio* 1. q. 15. Peirinis 10. 1. de subdito q. 1. de Obedientia cap. 31. §. 6. concl. 2. plures alios referens. Idem dicendum quando inhabilitas obiecta est certa, sed est scandalum si eiiciatur talis inhabilis, tunc enim admitti potest cum simili protestatione, vt habent præfati auctores; non tamen sine illa, ne videatur scienter admissus, & sic corruat tota electio. Siluester *ibidem*. Vide dicta tom. 1. cap. 15. nu. 7.

31 De Præsidente tam Capitulorum quam electionum quæ in ipsis fieri solent præter dicta tom. 1. cap. 15. illud addendum, ad ipsum tanquam caput, & Superiorem in Capitulo spectare dirigere Gremiales ad electiones legitimè faciendas maximè iuxta decreta Clementis VIII. confirmata à S. Congregatione Concilij sub SS. D. N. Urbano VIII. quæ sunt huiusmodi. *Vt omnis officiorum ambitus occasio præcludatur caueant omnes à directa, vel indirecta vocum, seu suffragiorum procuracione tam pro se ipsis, quam pro alijs, cum in Capitulis locorum tum in cæteris præsertim Generalibus Capitulis, aut Congregationibus, seu alibi. Quicumque secus fecerint præter alias penas, & censuras hactenus contra huiusmodi ambientes inflicta, quas in suo robore permanere volumus in pœnam priuationis officiorum quæ obtinent eo ipso incidant, & ad futura quæcumque pariter inhabiles habeantur, super quo cum eis dispensari à nemine possit nisi a nobis, vel successoribus nostris, pro qualitate culparum grauius etiam plectantur. Porro supradictas omnes pœnas ad complices, ac simpliciter scientes, & non reuelantes extendimus.*

32 Hoc tamen decreto, & alijs similibus non obstantibus, iuxta dicta dicto cap. 15. num. 24. expediens erit, & sæpius necessarium pro bona directione electionis, ad quam procurandam Præsides præcipuè tenentur, vt electores instruant, moneant, & hortentur, modestè, charitatine, & religiosè, eos etiam suauiter suadendo, & inducendo ad eligendum personam digniorem Capitulì, ipsius virtutes veras, & regimini necessarias ostendendo, hoc enim facientes rem Deo gratam, & valde utilem

Religio-

Religionibus nec contrariam predictis decretis, aut alijs similibus, facient. Castellinus *de elect. canon. cap. 3. num. 6.*

33 Item ibidem in Superiorum, & officialium omnium electionibus forma præscripta à Sacro Concilio Tridentino, & Ordinis Constitutionibus inuolabiliter seruetur, iurentq. electores secundum veritatem cuiusque conscientia probiores, ac magis idoneas se electuros, ac propterea priusquam ad electionem deueniatur, in primis, & ante omnia prælegantur Constitutiones de qualitate, & requisitis eligendorum. Ad officia, gradus, & prælaturas illi præcipue eligantur qui possint, & consueuerint Regulas Ordinis, & Constitutiones obseruare, præsertim, quæ pertinent ad seruitium Chori, ac vestitum, & victum commune. Eligantur in Capitula generali, vel provinciali aliquot graues, & periti ex Fratribus cuiuslibet Prouinciæ saltem tres qui admittendos ad prædicationem verbi Dei, vel ad audiendas confessiones etiam ipsorum Fratrum, ac lectores publicos diligenter simul examinent, priusquam probentur, & ad huiusmodi ministeria admittantur. Horum etiam cura sit examinare, & probare tum quoad doctrinam quam quoad mores promouendos ad quoscunque Ordines, in quo seruetur decretum Congregationis interpretum Sacri Concilij Tridentini hac de causa nuper editum, & promulgatum.

34 Similiter quia iuxta Concil. Trid. decretum sess. 25. cap. 6. electiones fieri debent per vota secreta ita vt singulorum eligentium nomina nunquam publicentur, Præsidis munus est curare vt electio omnino secretè fiat. Vtenim præd. tom. 1. cap. 15. num. 17. dictum manet, ipsi suffragatores astringuntur præcepto nunquam publicandi sua vota etiam electione finita, et, si consentiente Capitulo, vel vnus electorum publicè suum votum manifestaret, electio irrita redderetur. Vnde prudenter in aliquibus Religionibus, vt in nostra (præcipiente Reuerendissimo Theodoro Stratio Generali) cautum est, vt electione finita, schedula votorum statim comburantur, ne ex charactere cognosci possit ille qui votum dedit: imò etiam conditio hac comburendi schedulas post factum scrutinium videtur esse tam necessariò requisita, vt defectus illius irritet electionem, propter delectionem Pij v. apud Rodriguez tom. 2. Bullar. post Bullas Pij V. inter viua vocis oracula ipsius num. 4. Castellinus *de elect. canon. Prælator. cap. 4. num. 62.*

35 Præcipue tamen Præsidis munus est curare, vt electiones omnino libere fiant, de quo tom. 1. cap. 15. num. 21. Vnde Præses qui post vota recepta credens electum esse aliquem qui sibi non placet, iubet, vt ad aliam electionem procedatur, peccat grauiter mortaliter, contra decisionem cap. Quia propter relati, vbi

praci-

præcipitur, ut facta collatione suffragiorum fiat electio, idest, ut statim post suffragiorum collationem vnus nomine Capituli eligat illum in quem omnes, vel maior pars suffragatorum conuenerunt. Nauar. *lib. 1. consil. tit. de elect. consil. 5.* Portellus in *responsionibus moralib. par. 2. cas. 16.* Imò in tali casu tenetur Præses ad restitutionem damni illati electo, cum ratione suffragiorum haberet ius ad illam dignitatem, seu officium, de quo habebat electio. Rebullus *de oblig. iustit. 1. p. lib. 3. q. 2.* Portellus *ut supra.* Similiter grauiter peccabit Præses qui ante electionem dixerit ne dentur suffragia tali Religioso quia non esset electio confirmaturus. Hoc enim manifestè est contra libertatem electionis. Portellus *etiam ut supra.* Pariter Præses qui in electione aliqua utitur præcibus importunis, promissionibus, aut verbis asperis, ut eligatur v.g. Petrus, grauiter peccabit, & electio nulla erit. Quia præces importunæ maximè Superioris, promissiones, & similia causant inuoluntariam electionem. Sanchez *lib. 4. de matrimonio disp. 10. num. 2. & disp. 7. num. 5. 6. & sequentibus.* Portellus *etiam ut supra.* Item si paciscatur cum electoribus quod si eligatur Petrus v.g. ipse Præses condonabit, & non puniet culpas quorundam qui puniri debebant, peccatum simoniæ committet, quia est promissio rei temporalis, scilicet remissionis pœnæ, pro re spirituali, scilicet, voto, vel suffragio. Suarez *to. 1. de Relig. lib. 4. cap. 37.* Lessius *de iust. lib. 2. cap. 35. dub. 21. num. 19.* Portellus *ut supra.* Præterea si faciat pactum cum aliquo dicendo, da tu huic suffragium, & ego illud tibi dabo, simoniam committit: fit enim clara pactio, seu conventio in materia beneficiorum, seu quasi beneficiorum, qualia sunt Prælati in Religionibus, quod iure Canonico veluti simoniacum est prohibitum, iuxta dicta *tom. 1. cap. 15. num. 29.* Excusari tamen potest si illa solùm dicatur non per modum pacti, sed per modum demonstrationis rei futuræ faciendæ gratiosè, & non ex conuentione. Rodriguez *tom. 3. quæst. Regul. q. 63. art. 4.* Portellus in *Dub. Regul. verbo simonia, num. 1.* Quo sensu, & non alio intelligi potest id quod docent aliqui in contrarium. Quos tacito nomine refert, & sequitur Sanchez *to. 1. consil. moral. lib. 2. cap. 3. dub. 44.* Sed neque huiusmodi oblationes rei futuræ admitti debent, tum quia simoniam sapiunt, tum quia subornationis speciem præferunt, illis enim alliciuntur Religiosi ad dandum suffragium alijs, quod alias non facerent. Villalobos in *Summ. tom. 1. tract. 37. diff. 24. n. 1.* Diana *tract. 2. de Dub. Regul. resol. 125.* Facilius tamen permitti possunt in Præsidentibus Capitulorum, si fiant non per modum pacti, ut dictum est, nec per modum suborna-

subornationis, sed ad sedandos animos quorundam, & procurandum quiete, & pacifice dignorum electiones. Ut si prædicti Præsides ad quos spectat dirigere electores ad dignorum electionem alicui renuenti dare suffragium digniori dicant, dant huius votum pro hoc officio, quia in alia occasione tibi providebitur, vel tui cura habebitur, &c.

36 Propter prædictam causam, videlicet conservandæ omnimodæ libertatis in electionibus dubitant aliqui an licita sit consuetudo quarundam Religionum, quod scilicet Generales, vel eorum Commissarii assistant electionibus Prælatorum inferiorum. Nam electores ob timorem reuerentialem Generalium, vel Commissariorum ipsius suffragia dabunt non ad suam, sed ad prædictorum supremorum Prælatorum voluntatem. Castellinus de elect. can. c. 14. n. 61. Veruntamen si prædicti Præsidentes sinant electores libere omnino suffragia dare prout debent facere iuxta dicta, conueniens satis est, ut sint ex grauioribus Patribus Religionum, ut auctoritate qua pollent dirigant dictos electores ad faciendum electiones canonicè, pacificè, & iuxta Ordinum statuta.

37 Non decet Præsidentem Capituli in eo eligi ad aliquod officium. Tum quia ob timorem, & reuerentiam ipsius electio non erit omnino libera. Tum quia præsumeretur fraus, & dolus. Miranda in man. tom. 2. q. 22. ar. 7. Castellinus de elect. canon. c. 13. n. 30.

38 Tenentur Præsides Capitulorum Regularium quærere annuatim suos Religiosos fugitiuos, aut eiectos. Ita enim deciditur in cap. fin. de Regularib. quod esto vsu receptum non fuerit prius, quia tamen à S. Congregatione Concilij sub SS. D. N. Urbano VI. innouatum est in decreto de Apostatis, & eiectis, ideo obligat ad sui obseruantiam, iuxta dicta tom. 1. cap. 23. nu. 7. Imò in iure naturali stando, & secluso quocumque positiuo, tenentur tam prædicti Præsides in Capitulis cum in illis præcipuè agendum sit de profectu spirituali Religiosorum quam alij Prælati præfatos fugitiuos quærere, & iuxta Regulæ, & Constitutionum præscriptum corrigere, & punire, & reuocare eiectos si spes emendationis in illis subsit. Vide Sanchez l. 6. in decal. c. 9. nu. 18.

39 Circa Confirmatorem etiam electionum id notandum, præter dicta tom. 1. cap. 15. num. 35. & 36. quod etiam quando electores iurauerunt se electuros digniorem (prout debent iurare, iuxta dicta eodem cap. 15. num. 15.) sit tamen dignum, et si minus dignum, elegerunt, tenetur Cõfirmator illum confirmare,

Ratio

Ratio est, quia talis electio in foro externo valida est (esto electores fuerint peccatores in illa) ergo confirmanda, quia confirmatio cum sit actus externus electioni in foro externo valide conformari debet. Couarrubias *Reg. peccatum* 2. par. §. 7. num. 4. Sanchez *tom. 1. consil. moral. lib. 2. cap. 1. dub. 6. num. 3.* Quod intellige secundum ius commune, si enim iura particularia Religionum statuunt Confirmatorem posse cassare electionem digni, si viderit dimissum esse digniorem, prout dicitur esse in Ordine Prædicatorum, poterit id fieri. *Salon. 2. 2. q. 3. art. 2. ad 3. controuers. 3.* Sanchez *ut supra num. 4.* Hoc tamen intelligo si euidenter constaret relictum esse digniorem, alias enim ad euitandas lites, & contentiones melius esset confirmare electionem digni, sicut iure communi est licitum, & conformare se Confirmatorem electoribus. Confirmare autem indignum nullo pacto licet Confirmatori, iuxta dicta eodem *cap. 15. num. 36.* & videtur à simili de Episcopo confirmante indignum incidere in pœnas *cap. cum in cunctis de elect. §. fin. Sanchez ut supra num. 27.*

40 Electio quæ non fuit ritè, & legitimè facta confirmari nequit, quia ut habetur *ex cap. inter dilectos de fide instrument. §. cum ergo*, cum principale non tenet nec accessorium tenet, confirmatio autem est iuris prius habiti per electionem corroboratio, unde est quasi accessorium. Peirinis *tom. 1. de subdito q. 1. de obedientia cap. 31. §. 11. in 2. probat. 8. conclus.* Castellinus *de elect. Canonica Prælator cap. 14. num. 5.* Unde talis confirmatio irrita est, sicut & ipsa electio, propter eandem rationem. Peirinis *ibid. conclus. 8.* Quare Confirmatoris munus est considerare processum siue formam electionis, & modum in ea seruatum, ac disquirere an aliquis defectus in electione fuerit ratione cuius irrita sit, & nulla, ac per consequens non confirmanda. Castellinus *ut supra nu. 6.*

41 Extat tamen quoad hoc notabile priuilegium Ordini Prædicatorum concessum ab Alexandro 4. & Sixto 4. quod scilicet quando electio facta de Prouinciali, aut Priore ex aliqua causa non contingeret confirmari, posset Superior ad quam confirmatio talis electionis pertinebat, idest Confirmator eligere aliquem de illis Fratribus quos ipsi electores, vel maior pars eorum per litteras suas ab eo petierint quando ad ipsum pro electi confirmatione transmitterent. Castellinus *de elect. Canonice. Prælator. cap. 2. num. 6. & 12.* Quo priuilegio tam Prædicatores quam alij Mendicantes, & ceteri, qui cum ipsi scommunicationem priuilegiorum habeat potiri poterunt. Nisi obstant Constitutio-

Constitutiones, & statuta particularia illorum, aut tali privilegio scienter renunciauerint, aut eo vñ non sint illius habita scientia, iuxta dicenda *cap. 15. num. 17.*

42 Tempus trium mensium conceditur iure communi Confirmatori ad disquirendum de validitate electionis *cap. quam sit de elect. & electi potest. in 6.* Castellinus *de elect. canon. Prelator. cap. 14. num. 11.* Quando autem interponitur in forma debita appellatio, ne ordinarius Confirmator procedat ad confirmationem iam secutæ electionis, ad Papam, nequit ordinarius Confirmator confirmare durante præd. appellatione *c. si postquam eodem tit.* Castellinus *ut supra nu. 4.*

43 Electio illius qui requisitus ante electionem consentit electioni de sua persona facienda priusquam fiat, est cassanda. Ita enim colligitur ex *cap. cum post petitam de elect. & elect. potestate, & ratio decisionis est quia talis præsumitur enormiter ambitiosus.* Silvester *in Summ. verb. electio 1. nu. 11.* Castellinus *de elect. canon. Prelator. cap. 4. nu. 6.* post alios.

44 Similiter electio facta per sortes confirmari non potest. Quia est irrita, & nulla. Tum ex *cap. finali de sortilegijs*, vbi dicitur *Sertis usum in electionibus perpetua prohibitione dammant.* Tum quia esto quod ex vi prædicti *capitis fin.* electio non sit irrita prout aliqui probabiliter tenent, tamen quia est contra formam *cap. Quia propter de elect.* vbi assignatis duobus modis electionis, scilicet per scrutinium, & per compromissum de quibus *tom. 1. cap. 15. num. 11.* dictum manet, subiungitur, *Aliter electio facta non valeat.* Tum denique quia ita credo esse receptum in omnibus Religionibus maximè post decretum Concil. Trid. *sess. 25. cap. 6.* Suarez *to. 1. de Relig. lib. 2. de superst. cap. 12. num. 9.* Castellinus *de elect. canon. Prelator. cap. 4. num. 7.* An autem quando electio non fuit facta per sortes, sed per suffragia secreta, nihilominus electores ante ipsam conuenerunt vt is postea eligeretur, in quem sors ceciderit, & missis sortibus illum elegerunt super quem sors cecidit, an inquam hæc electio sit irrita, vel irritanda, vel non confirmanda maius dubium est. In quo credo dicendum talem electionem in se irritam nõ esse. Ratio est quia ipsa in se formaliter, vt ita dicam, sine sortibus facta est, sortes enim antecesserunt illam, si ergo alias nullo alio defectu vitata fuit, irrita non erit. Confirmatur, quia Pontifex in dicto *cap. fin. de sortileg.* dicit se confirmare electionem pariter factam per sortes antecedentes ipsam, quod autem confirmatur supponitur non esse irritum, aut nullum. Fauet Suarez *ut supra n. 10.* dum inquit non omnem actionem ordinatam ad electionem

factam per sortes esse irritam. Nihilominus puto irritandam prædictam electionem, nec à Confirmatore confirmandam. Tum quia esto in se libera fuerit, & sine sortibus, ab illis tamen dependens fuit, & illis innixa. Tum quia fuit ex pacto, & cōventionē hac facta inter electores, si fors ceciderit super te, dabo tibi suffragium meum, si super me dabis mihi suffragium tuum, quæ aliquo saltem modo simoniam redolent, iuxta dicta *tom. 1. cap. 15. num. 29.* Fauet ad intentum glossa in *d. cap. fin. de sortileg. verbo ad gratiam*, ubi inquit electionem de qua in præd. cap. quæ ut dixi facta est sortibus antecederet missis, debere cassari, & propterea Pontificem dixisse *electionem factam de ipso ad gratiam confirmationis admittimus*. Maxime tamen fauet Castellinus ut supra dum asserit quancumque electionem Prælatorum in qua, siue ante, siue post, siue in ipso actu electionis admittitur vsus sortis esse ipso iure nullam. Adminus tamen prædicti electores sunt grauiter puniendi, tum propter dicta, tum quia faciunt electionem ut minimum dubiam, tum quia sorti committunt quod ipsi magna discretione deberent facere.

45 Electio facta ex vi renunciationis alicuius Prælatuæ antequam fuerit acceptata à Superiore illius qui renunciauit, nulla est atque irrita, ac per consequens nullatenus confirmandam. Ratio est, quia Prælatuæ non vacat ex vi solius renunciationis antequam acceptetur. Riccius in *praxi rer. quotidianarum. tom. 3. resol. 399.* Castellinus de *elect. canon. Prælat. c. 4 n. 60.* post multos alios.

46 Electio in qua est electus qui causam scandali præbiturus est in populo illius loci cui præficiendus est in Prælatum venit annullanda, & cassanda. Ex decisionibus Sacræ Rotæ quas refert Castellinus de *elect. canon. cap. 4. num. 67.* Qui etiam *num. 58.* asserit electionem vsurarii, seu publici aleatoris esse ipso iure nullam. Vnde talium electio confirmari non debet.

47 Electio facta per abusum sæcularis potestatis irrita est, & nulla, ac per consequens non confirmanda, & consentiens tali electioni ineligibilis est, nec absque dispensatione ad aliquam dignitatem eligi valet. Electores quoque ab officijs, & beneficijs suspenduntur per triennium, eligendi potestate priuati. Ita enim habetur *cap. quisquis de elect.* Ea porro electio dicitur per abusum sæcularis potestatis facta, quæ fuit facta per interuentum Principis, seu potestatis sæcularis, siue ad instantiam sæcularis potestatis. Bellemera 1. *par. p. lib. decretal. sup. hoc capite.* Castellinus de *elect. canon. c. 5 num. 33. & 34.*

48 Potest electus canonicè in Prælatum confirmationem à
Confirm-

Confirmatore petere sine nota ambitionis. Quia habet ius ad Prælatiam ad quā est legitimè electus. Io: Andr. in c. publicato de elect. Mandagor. 2. p. sui tract. de elect. c. 59. Si tamen importunè, & affectuose insiet pro confirmatione non effugiet saltē apud homines ambiciosi notam, cum onus humeris Angelicis impar subire tam obnixè procuret. Castellinus de elect. canon. Prælator. cap. 14. num. 65.

49 Decretum electionis, quod ab aliquibus vocatur scrutinium, ab alijs verò acta Capituli, & est scriptum continens seriem, siue formam electionis celebratæ cum expressione nominis electi, & numeri eligentium, mittendum est ad Confirmatorem, si sit absens, ut videat an electio confirmanda sit necne. Est enim ad minus de solemnitate electionis. Mandagottus de elect. 1. p. cap. 38. Castellinus de elect. canon. Prælat. cap. 12. num. 30. Prædictum autem decretum siue testimonium authenticum, litteræ testimoniales, aut fide digni testes de prædictis dici possunt de necessitate electionis prout confirmandæ. Quomodo enim Confirmator confirmare potest electionem absens, nisi aliquo ex prædictis modis illi constet fuisse ritè, & legitimè factam? Quando autem Confirmator præsens est, neutrum illorum est de substantia electionis, aut confirmationis, cum sine illorum aliquo possit Confirmatori constare electionem esse legitimè factam. Silvester in Summ. verb. electio 1. num. 21.

50 In gratiam quorundam Regularium, in quorum Capitulis aliquando creantur Prælati solum per postulationem, notandum ex Abbate in Rubr. de postulatione, quod postulatio est quædam gratia petitio facta Superiori de promouendo aliquem ad Prælaturam, ad quam iure communi propter defectum aliquem eligi, seu promoueri non poterat. Vnde licet electio latè sumpta comprehendat postulationem, ut colligitur ex cap. unico de postulat. Prælat. in 6. & sub nomine electionis generaliter sumpta cadat postulatio (Panormit. in cap. in causis de elect. num. 2.) nihilominus differunt primò quod per postulationem potest postulari aliquis qui per electionem eligi non potest, v. g. illegitimus. Constat hoc ex cap. innotuit nobis de elect. & electi potest. Castellinus de elect. canon. Prælator. cap. 1. num. 12. Differunt secundo quod per electionem canonicè factam consentiunt electores in electum, tamquam in sponsum Ecclesiæ, ad quam eligitur, per postulationem verò solum dirigunt vota sua ad Superiorem, ut ex gratia postulatam admittat. Panormit. in tit. de postulat. Prælat. in princ. Silvester in Summ. verb. electio 2. num. 3. Tertiò differunt quod postulatus ex vi postulationis nullum ius acquirit ad

Prælaturam, bene tamen electus. Panormitan. *cap. postulationem de postulat.* Castellinus *ut sup. num. 16. & 17.* Requiritur ad postulationem multa. Primum, quod fiat ab ijs, qui postulare possunt. Secundum, ut porrigatur illi, qui eam admittere potest. Tertium, quod fiat de eo, qui promoueri potest. Quartum, quod sit concors, id est, ab omnibus gremialibus Capituli, vel saltem à duabus partibus. Silvester *in Summ. verb. postulatio Pralat. num. 2.* Angelus *in Summ. eodem. verb.* Illi postulare possunt, qui possunt eligere. Silvester *ibid. num. 4.* Angelus *ibid. num. 2.* post Hostiensem. Cui postulatio fieri potest est ille, qui potest dispensare in defectu, vel impedimento, quod habet postulatus, ut si is est illegitimus, vel carens perfecta ætate ab eo porrigi debet postulatio pro ipso, qui potuerit in huiusmodi defectibus dispensare. Silvester *num. 5.* Angelus *num. 1.* Illi autem promoueri, seu postulari possunt, qui non habent aliquem defectum indispensabilem ab eo cui porrigitur supplicatio. Quare indigni postulari non possunt. Mandagotus *in tract. de elect. Prælator. 1. p. cap. 53.* Castellinus *de elect. canon. Pralat. cap. 1. num. 9.* Nec irregulares, aut homicide, nisi pœnitentiam egerint. Mandagotus *ibid.* Idem dico de criminosis, puta periuris, & inobedientibus. Silvester *num. 3.* Angelus *dicto verb. postulatio.* Postulari etiam non possunt, qui non fuerint in Religione professi, nisi necessitate cogente, & casu quo essent instructi in Regula Ordinis. Silvester *ut supra* Tabiena *in Summ. verb. postulatio num. 3.* Apud quos etiam de alijs, qui postulari nequeunt.

51 Ex postulatione autem ij effectus nascuntur. Primus, quod postulatus admissa postulatione ab eo cui porrigitur cum conditionibus assignatis, statim consequitur ius ad Prælatiam, ac si fuisset electus, & confirmatus. Panormit. *in cap. 1. de postulat.* Angelus *in Summ. verb. postulatio nu. 4.* Tabiena *in Summ. eodem verb. num. 6.* Vnde non indiget alia electione, vel confirmatione. Angelus, & Tabiena *ibid.* Silvester *in Summ. verb. postulatio nu. 6.* Secundus effectus est, quod casu quo postulatio cum electione concurrat, licet ceteris paribus electio præponenda sit postulationi, si tamen postulatio habet duas tertias, seu duas partes ex tribus Capituli, electio autem non nisi maiorem partem, tunc postulatio præponitur. Ita enim colligitur *ex cap. scriptum est de elect.* Glossa *ibid. verb. maiorem*, Tabiena *in Summ. ut supra nu. 2.* Similiter postulatio facta concorditer ab omnibus, vel saltem à duabus partibus ex tribus non potest reijci à Superiore, nulla legitima electione existente. Panor. *tit. de postul. cap. postulationem 2. 2.* Castellinus *de elect. canonic. Prælator. cap. 2. num. 3.*

Cum

52 Cum autem, ut dictum est, iure communi permissus, & licitus sit modus creandi Prælatos per postulationem, ideo non solum in Religionibus ubi is usus introductus est, sed etiam in alijs ubi non est introductus, recipi potest, nisi obstant Constitutiones à Sede Apostolica approbatæ, quæ hunc modum instituendi Prælatos reprobent.

53 Est etiam alius modus creandi, seu instituendi Prælatos, qui vocatur Nominatio, quæ etiam largo modo potest dici electio, quia qui nominat alium prius ipsum mente elegit. Panorm. in cap. quod sicut de elect. in primo notab. Tabiena in Summ. verb. postulatio num. 7. Quamvis autem triplex vocetur huiusmodi Nominatio, illa tamen quæ dicitur solemnis, & est propriè Nominatio, est quando duo, vel plures nominantur Principi, ut ex eis eligatur vnus. Tabiena ibid. Similiter est Nominatio quando omnes concordant in aliquo eligibili assumendo, & vadunt ad eum, à quo petendus est consensus, scilicet ad Superiorem, & requirunt eius consensum, ut cum ipso dispenset. Glossa in cap. bona memoria de postulat. Prælator. Castellinus de elect. canon. Prælator. cap. 2. nu. 14. Sed Siluester in Summ. verb. Nominatio, eam esse dicit, quando duo, vel tres, qui sunt solemniores in Capitulo, vel alibi, nominantur Superiori, & petitur, ut de aliquo eorum provideat. De hac autem Nominatione loquendo videtur aliquod ius per illam adquiri nominatis. Siluester ibid. Vel ad minus non posse nominantes variare postquam Superiori est præsentata Nominatio. Tabiena, & Siluester ut supra. Qualiter differat, vel conueniat is modus creandi Prælatos cum electione, vel Postulatione ex dictis facile conijcitur. Similiter an possit, vel non esse in usu Religionum, constat etiam ex dictis, cum iure communi sit permissus, & in usu aliquorum Regularium.

54 Pro praxi autem celebrandi Capitula Prouincialia in nostro Ordine Reuerendiss. Generalis Theodorus Stratus formam hanc breuem ex Sacris Canonibus, & Ordinis Constitutionibus compilatam fecit, quam etiam Præsentibus Capitulum obseruandam transmissit, & in posterum transmittendam curabit. Hanc ergo hic placuit adiungere, etsi enim pro nostris solum edita sit, alijs tamen Religionibus inutilis non erit.

Modus celebrandi Capitulum Prouinciale in Ordine Carmelitarum.

55 **P**rimo loco sciendum, quòd ad Patrem Prouincialem, pertinet tertio suæ functionis anno conuocare Capitulum Prouinciale Dominica 3. post Pascha Resurrectionis celebrandum, nisi P. Ordinis disposuerit de Præsidente, cum expressa facultate conuocandi Capitulum. Celebrandum est autem Capitulum ex Prioribus, & Vicarijs Conuentuum electis, vel legitimè institutis, & eorum Socijs ritè à Conuentibus electis, cum Prouinciali officium deposituro, & suo Socio visitationis, nec non cū Præsidente, & Socio per eum eligendo, qui vnus tantum esse potest, quamuis Præsides à Patre Generali fuerit institutus etiã cum Compræsidente. Quod pariter intelligi debet de Præside auctoritate Apostolica in forma communi confirmato, quia confirmatio in forma communi nullum ius nouum tribuit, cum non sit ampliatio, sed corroboratio iuris quæsit, faciatque rem confirmatam auctoritatis maioris, & quòd magis timeatur.

Possunt etiam interesse Capitulo Prouinciali Magistri in S. Theolog. qui promotionē tenuerunt per Ordinem sibi factā, complendo cursus suos secundum statuta Ordinis in Prouincia, in qua collocati fuerint. Socij quoque Prouincialis, qui electi fuerint pro Comitij generalibus celebrandis locum habent, & vocem in Capitulo Prouinciali ipsa Comitia generalia sequenti, esto, quòd illis non interfuerint, modo ostendant, quòd legitimo impedimento non valuerint interesse. Et similiter P. Prouincialis, aut Vicarius Prouincialis absolutus in Comitij generalibus immediatè præcedentibus, nec non Vicarius electus in custodiam Prouinciæ pro absentia Prouincialis ituri ad Comitia generalia, quamuis ipse Prouincialis non accesserit, sed Prouinciam custodierit. Est etiam de gremio Capituli Prouincialis electus quoad ea, quæ post eius legitimam, & canonicam electionem fieri contigerit.

Et quia in Congregationibus, in quibus non est ordo, plerumque multa tumultuosè fiunt, & dissensiones suboriuntur, ne in Capitulis Prouincialibus sit inter Gremiales vlla confusio, & contentio, primum in sessionibus locum tenebit P. Præsides, secundum Prouincialis ab officio absoluendus, etiam postquam absolutus fuerit, & Prouincialis electus post publicatam eius election-

electionem, qui Prouincialem ab officio absolutum præcedet: tertium Diffinitores, & si admissi fuerint aliqui ex gratia in Diffinitorio, vel ob longam consuetudinem, vel ob aliquod statutum particulare Prouinciæ, isti cedent locum Diffinitoribus ordinarijs: quartum magistri in Theologia: quintum Priores locales non magistri: sextum Socius Præsidentis, & post eum Socius Prouincialis officium deponituri, nisi fuerint magistri, & vltimum locum Socij Priorum, si similiter non fuerint magistri.

Vigilia vigiliæ, scilicet die Veneris, si nondum constiterit de Præsidente cum facultate conuocandi, & celebrandi Capitulum à Patre Ordinis constituto, de mandato Prouincialis statim post decantatas vespervas per sonum campanellæ ter pulsatæ, fiet signum congregandi Capitulum, quo audito omnes Fratres conuenient ad locum deputatum, & eis consedentibus, Prouincialis verbum habebit opportunum, quo expleto, præsentabuntur, & publicabuntur litteræ Patris Ordinis, si quæ datæ fuerint, virtute quarum aliquis sit institutus Præses, qui statim pro tali ab omnibus est habendus, illique debita præstanda obedientia, primo à Prouinciali, deinde ab alijs successiue. Qui Præsidentis deinceps suo fungetur officio. Ante publicationem autem litterarum Generalis, nullo modo rebus ad Capitulum pertinentibus se immiscere, vel vllam præminentiam prætereendere poterit. Quod si nullæ fuerint litteræ Patris Ordinis præsentatæ Prouincialis pronuntiabit, & declarabit Præsidentem primum, & maiorem ex Diffinitoribus præcedentis Capituli si fuerit Magister; nullo Diffinitore existente magistro, antiquiorem magistrum in Prouincia.

Post hæc P. Præsidentis eligit sibi Socium, quem maluerit, non habentem canonicum impedimentum; qui tamen prius non dederit suffragium in electione Socij alicuius Prioris ituri ad idem Capitulum. Qui Socius poterit etiam deferuire pro Secretario Capituli, licet P. Præsidentis facultatem habeat nominandi alium Secretarium, quem magis idoneum ad tale munus iudicauerit. Qui tamen, nisi aliàs fuerit de gremio, non habebit locum, & vocem in Capitulo; cum enim eius officium sit nudum ministerium, potest esse extraneus, & etiam laicus. Præstabit iuramentum Secretarius de officio suo fideliter peragendo. Deinde P. Præsidentis notificabit gremio nouæ electionis Prouincialis die crastina futuræ causam, vel ex completo officio, vel ex assumptione, vel ex morte, vel ex priuatione, vel ex renunciatione, vel ex quacumque alia, & quod ad implorandum diuinum auxilium pro negotio tam graui ritè peragendo pernecessariū, præcan-

præcantanda est Missa de Spiritu Sancto, omnesque Gremiales debent, & tenentur Sacrum facere, vel saltem Sanctissimo Eucharistiæ Sacramento refici.

Deinde cum consilio Diffinitorum faciet officialium Capituli tabulam, instituendo scilicet & nominando Priorem ipsius Capituli, Subpriorem, seu moderatorem chori, Concionatores, publicarum conclusionum defensores, causarum criminalium, & ciuiliū Auditores, admittendorum ad confessiones, & ad studia, promouendorum ad gradus, & ad Ordines, & recipiendorum ad habitum Religionis examinatores, librorum reuifores, & cursorem Capituli. Quæ coram gremialibus lecta, vnumquemque officialem ad munus sibi impositum perficiendum adhortabitur, eamque in loco publico affigi curabit.

Poterit etiam eadem die, si gremio placuerit, pro prima sessione, & actione capitulari, vna cum Diffinitoribus examinare litteras Sociorum Priorum, necnon eorundem Priorum culpas audire, atque accusationes, & informationes contra eos captas, & præsentatas recipere, & si quæ ab eis culpæ fuerint confessæ, vel per tam sufficientem testium depositionem probatæ, quod eis nulla competat apparens defensio, propter quas culpas secundum statuta Ordinis, seu sacros Canones, aut Pontificias Constitutiones, vocem amiserint, statim, nulla alia assignata pœna, excludentur à Capitulo.

Quod si culpæ non fuerint cōfessæ, nec sufficienter probatæ, vel contra aliquos alios Gremiales facta fuerit oppositio de aliquo impedimento canonico, propter quod admittendi non sint in Capitulo, de quo tamen non sufficiens exhibebitur probatio, quia tunc non datur tempus faciendi defensiones, nec sumendi nouas informationes, Gremiales contra quos factæ fuerint tales oppositiones, non poterunt excludi à Capitulo; sed erunt admittendi cum protestatione, quod admittantur si, & quatenus de iure admitti poterunt.

Antequam Gremiales procedant ad aliquam electionem, præparetur in loco pro electionibus faciendis deputato Altare cum Crucifixo, & vna, in qua recipienda sint suffragia, necnon tot schedulæ de eadem charta, eiusdemque longitudinis, & latitudinis, & sine vlllo puncto, vlloue signo notatæ, quot erunt necessariae pro omnibus electionibus, in quibus ex vna parte sit eadem manu scriptum iuramentum de eligendo meliore, de mandato Clementis viii. præstandum, sub hac forma. Ego N. testem inuoco IESVM Christum, qui me iudicaturus est, quod eligo, quem secundum dictamen meæ conscientiæ cenfeo probio-

probiorem, & magis idoneum. Ex altera verò parte scripta sint hæc verba: *Ego eligo in N. Patrem N.* ita vt nihil desit scribendum, nisi nomen electi.

Aduertendum etiam est, quòd de mandato eiusdem Clementis VIII. prius quàm deueniatur ad aliquam electionem, prælegendæ sunt Constitutiones de qualitatibus, & requisitis eligendorum; & quòd ad Prælaturas illi præcipuè sunt eligendi, qui possint, & consueuerint Regulas, & Constitutiones Ordinis obseruare, præsertim, quæ pertinent ad seruitium Chori, ad vestitum, & ad vitam communem.

Die Sabbati, non obstante cuiuscumque absentia, valde manè, cantata Missa solemni de Spiritu Sancto, habito sermone, & commendatis Fratribus, benefactoribus, familiaribus, patronis, ac litteras Confraternitatis habentibus, defunctis singulorum Conuentuum citra Capitulum Prouinciale vltimò celebratum, accedent ad locum pro electionibus faciendis præparatum omnes Gremiales, cum alijs Fratribus, cantando Hymnum, *Veni creator Spiritus*. Quòd vbi peruenerint, exclusis omnibus, qui non habent locum in Capitulo, consententibus Præsidente, Prouinciali, Diffinitoribus, & alijs de Gremio, Pater Secretarius Capituli surgens dicat. Hi sunt Reuerendi Patres, qui in electionibus huius Capituli vocem, & locum habebunt. Ad R.P.M. Fr.N. Præsides Capituli, Ad R.P. Mag. Fr.N. Prouincialis. P. M. Fr. N. primus Diffinitor, nominando singulos electores per ordinem, quibus ex commissione Patris Præsidentis præcipiet, ne vllus in virtute sanctæ Obedientiæ antequàm completas omnes sessiones, & actiones Capitulares, & absolutas gratiarum actiones, è loco Capituli, absque expressa eiusdem Præsidentis licentia, discedat.

Pronunciatis per Secretarium, & publicatis Patribus vocalibus, ter eos alta voce interrogabit P. Præsides, an sciant in aliquo esse defectum, vel impedimentum, propter quod non debeat esse de gremio, & si in aliquo repertum fuerit aliquod impedimentum, confessum, vel sufficienter probatum, iste eiicietur statim antequàm vltra procedatur.

Deinde pro maiori electionum, quæ in Capitulo faciendæ sunt, firmitate, & conscientie gremialium tranquillitate, esto nihil fuerit oppositum, eos absoluet, & cum eis dispensabit, in hunc modum. Omnes gremiales genuflexi dicent; *Confiteor &c.* & Pater Præsides subiungit; *Miserere vestri &c. Indulgentiam &c.* Ego N. in quantum Regularium priuilegia se extendunt, absoluo vos à quauis sententia excommunicationis, su-

Hh

spensio.

spensionis, & interdicti, & à quibuscumque alijs sententijs, pœnis, & quatenus opus sit dispenso vobiscum super quavis irregularitate (exceptis censuris, sententijs, pœnis, & irregularitatibus quibus defectus ad electiones faciendas in isto Capitulo pertinentes contractis, vel ad forum contentiosum deductis) ad effectum legitime electionis, vosque legitimos vocales declaro. In Nomine Patris, &c.

Sic absolutis, dispensatis, & legitimatis vocalibus, procedendum est primò ad electionem quatuor Diffinitorum. Quare unusquisque gremialis de manu Præsidis, vel Secretarij Capituli accipiet vnam ex præparatis schedulis, & in ea propria manu scribet nomina quatuor Patrum de gremio, quos eligit in Diffinitores; immutato quantum fieri poterit caractere, ne agnoscat à Patribus, qui visuri sunt, & lecturi suffragia.

Et licet secundum nostras Constitutiones, omnes simplices sacerdotes, qui habent quinque annos expletos professionis, & sunt in ætate triginta annorum, esse possint Diffinitores; nihilominus non omnes ad tantum munus apti sunt; ad eos enim spectat, vna cum P. Præsidente, singulis Prouinciæ Conuentibus de idoneis prælatis providere, de delictis, & excessibus Patris etiam Prouincialis cognoscere, illumque cogere ad reddendam rationem de receptis, & datis pro Prouincia: statuta facere pro regimine Prouinciæ, & in toto triennio, futuro Prouinciali in grauioribus negotijs assistere. Quare curabunt Patres Gremiales eligere in Diffinitores Patres magis insignes prudentia, vsque rerum spectabiles, & quod præsertim sint in sacra Theologia graduati, vel, quòd saltem in aliquibus Conuentibus Superioris munus laudabiliter gesserint.

Cum autem de iure communi in electionibus per scrutinium faciendis, tres sint assumendi Scrutatores de Collegio, tot ex electoribus Capituli P. Præsidents de assensu veterum Diffinitorum contra quos nihil opponat aliquis ex gremialibus assumet, & si quis recusatus fuerit, P. Præsidents, de assensu pariter Diffinitorum illius loco alium nemini suspectum assumet. Horum Scrutatorum munus (vbi genuflexi ante Præsidentem iurauerint, se fideliter accepturos, & publicaturos suffragia, & quæ ad officium suum pertinent, sincera cum mente præstituros, ad mensamque præparatam accesserint) erit, singula vota eligentium, complicata in vna recipere, eadem extrahere, enumerare, aperire, legere, & publicare.

Declaratis igitur scrutatoribus, P. Secretarius Capituli surgens dicat; R. A. Patres in nomine Domini ad danda suffragia accedi-

accedere. Et in continenti primus omnium Pater Præfidentis accedens ad Altare, genuflectat coram Crucifixo, & genuflexus signans se Cruce in nomine Patris, &c. legat iuramentum à tergo schedulæ scriptum, deinde surgens, & duobus digitis clausum suum suffragium ostendens in urnam mittet, factaque inclinatione Altari, ad suum locum redibit. Quod idem faciant successivè alij Gremiales. Et hic modus, hæcve forma dandi suffragia in omnibus alijs electionibus servanda est.

Cum autem secundum nostras Constitutiones, & secundum ius commune, non possit fieri electio, nisi per præfentes; sciendum, quod si aliquis ex gremialibus tempore electionis fuerit in Conventu, vel in oppido, aut in Civitate, in qua celebrabitur electio; sed ita ægrotans, ut non valeat personaliter ad locum electionis accedere, pro præfenti nihilominus habendus est, & Patres Scrutatores ad eum pro recipiendo eius suffragio se conferre debent.

Receptis omnibus suffragijs in urna, unus ex Scrutoribus illa extrahet, numerabit, & enuolvet, eaque visa, & alijs duobus ostensa leget, & publicabit, & interim dum schedulæ perlegendur, Secretarius Capituli unumquodque suffragium in scriptis excipiet, electorum nomina prænotando, quod etiam à dispersis alijs gremialibus, saltem tribus à Præfidente designandis, pariter fiet.

Post singulorum publicationem suffragiorum, si plures quàm quatuor nominati fuerint Diffinitores, facienda est à Scrutoribus collatio numeri ad numerum, ut appareat, quinam iuxta nostras Constitutiones remanserint legitime electi, illi scilicet, in quos plures quàm in alios consenserint gremiales; quamvis non solum isti; sed etiam omnes alij, qui pauciora habuerint vota adnotandi sint in libro Prouinciæ per ordinem, secundum numerum maiorem suffragiorum, ut ex eis possit suppleri numerus Diffinitorum, si casus euenierit faciendi supplementum.

Publicatis suffragijs Diffinitorum, P. Præfidentis ter altæ voce interrogabit Gremiales, ut moris est in Religione; An habeant illam electionem pro legitima, & canonica. Licet enim supposita præfata absolute, & legitimatione vocalium, & dispensatione, nihil (saluis exceptionibus, de quibus supra) possit illis obijci, propter quod non sint habendi legitimi vocales; potest tamen opponi contra ipsam electionem, quod non fuerit Canonice facta, & propterea nulla, vel annullanda. Hic autem est advertendum, quod qui interrogati à Præfidente nihil dixerint

contra electionem; sed in eam, vel expressè, vel tacitè consenserint, illam postea secundum sacros Canones impugnare nequeunt, nisi ex noua causa, vel veteri, sed nouiter eis manifestata.

Si aliquid igitur oppositum fuerit contra electionem Diffinitorum, P. Præsidentis oppositionem cum antiquis Diffinitoribus statim summarie examinabit, determinabitque, an electio sit firmanda, vel infirmanda, & ad aliam procedendum. Si autem nulla fiet oppositio, dicet; Ego. N. nomine meo, & nomine omnium istorum Gremialium eligo in Diffinitores præsentis Capituli nostræ Prouinciæ N. RR. Patres, Fra. N. & Fra. N. &c. Et incontinenti, hi quatuor Patres electi accedent ad Patrem Præsidentem, & coram illo genua flectent, & ipse eos confirmabit, dicens; Ego N. auctoritate qua fungor, confirmo vos in Diffinitores præsentis Capituli dans vobis omnem auctoritatem, & potestatem, quam cæteri Diffinitores huiusmodi Capitulorum secundum statuta nostri Ordinis habere solent. In nomine Patris &c. Qui sic confirmati, deosculata manu Præsidentis, sedebunt iuxta Prouincialem, ordinem inter seipsos consuetum seruantes. Antiqui autem Diffinitores recedant tunc à Capitulo, nisi alio titulo sint de gremio.

Sic electis, & confirmatis nouis Diffinitoribus, & in suo loco consedentibus ad dexteram, & sinistram Præsidentis, Prouincialis officium depositurus coram Præsidente, & toto Gremio dicet culpas suas, & humiliter, ac mansuete audiet reprehensiones, correctiones, & accusationes Fratrum, & si compertus fuerit reus talis culpæ, propter quam secundum statuta Ordinis amiserit vocem, expellendus erit; nulla tamen ei iniungenda pœnitentia, donec fuerint eius culpæ in Diffinitorio visæ, & diligenter discussæ.

Et quia extat decretum in multis Capitulis Generalibus nostri Ordinis, factum videlicet in Capitulo Patavi celebrato anno 1532. in celebrato Vincentiæ 1539. in celebrato Romæ anno 1564. in celebrato Placentiæ anno 1575. & in celebrato Romæ anno 1580. vt videre est in libro Ordinis, in vsuque positum in tota Religione, quod nullus possit eligi in Prouincialem, qui non sit ex nominatis, & præsentatis à Patre Ordinis; procurabit Præsidentis legi, & publicari Gremialibus litteras Patris Generalis de ab eo nominatis, & præsentatis, vt vnum ex eis eligant in Prouincialem.

Deinde prælectis Constitutionibus de requisitis eligendi in Prouincialem, procedent Patres Gremiales ad eius electionem per secreta suffragia, seruata forma, de qua supra in electione Diffini-

Diffinitorū, & eos aduertet P. Præsident, ne in scribendo nomine electi addant aliquod verbū; alioquin eorum suffragium erit nullum, & nullius valoris, & si lectis, publicatisque per Scrutatores suffragijs, & facta, (si plures fuerint nominati) collatione numeri ad numerum, constiterit aliquem habuisse plura vota, quàm omnes alij simul, iste, si ad interrogationem Præsidentis contra electionem nulla facta fuerit obiectio, erit Prouincialis. Si verò in primo scrutinio nullus habuerit plura vota quàm omnes alij simul, tentandum erit secundum scrutinium, & si neque in isto creabitur Prouincialis, tertium erit tentandum, & hac tertia vice, etiamsi nullus plura habuerit suffragia quàm omnes alij simul; qui tamen plura habuerint quàm alij singulatim, Prouincialis erit, & si plures in suffragijs æquales fuerint, ille præponetur, qui primum locum tenebit in Ordine, attenta tamen antiquitate professionis, vel gradus.

Et quia in electione Prouincialis omnia sunt seruanda, quæ pro electione Generalis nostræ Constitutiones disponunt, & in electione Generalis, facta votorum publicatione, & collatione, & constituto in quem maior pars consenserit, habens primam vocem, suo, & omnium eligentium nomine, decretum electionis interponit, quod utique Sacris Canonibus consonum est, sic etiam statim ac in electione Prouincialis publicata fuerint vota, & facta eorum collatione apparuerit in quem maior pars consenserit, & ad interrogationem Præsidentis iteratam nulla fiet obiectio, P. Præsident interponet decretum electionis, in hanc formam. Ego N. nomine meo, & nomine omnium eligentium eligo, & denuncio Patrem Magistrum N. Prouincialem huius Prouinciz.

Et istud decretum nullatenus est omittendum, quia DD. dicunt, in eo essentialiter consistere electionem. Quamobrem referunt, quòd in electione Petri Barbi Veneti in Pontificem, qui vocatus fuit Paulus secundus, Cardinalis Bessarion Tusculanus Episcopus primum in Collegio locum habens vnumquemque ordine interrogans: Num ea placeret electio? Et cum ab omnibus prona assensione placere responsum esset, conuersus ad Petrum dixit. Patres hi te in Pontificem elegerunt, & ego omnium nominibus te eligo. Idque fecit, ut quæ sunt necessaria ad electionem legitimam viderentur in ea conuenisse. Quamobrem electio, quæ sit per secreta vocalium suffragia, videtur solum esse quoddam electionis præambulum necessarium ad inuestigandam Gremialium voluntatem, & ad cognoscendum in quem ipsi consenserint. Quare illud decretum descri-

describendum est inter acta Capituli.

Pronunciato prædicto decreto, absoluta est utique, & completa Prouincialis electio. Aduertendum tamen, quod quamuis Prouinciales extra Italiam, dum in ea commoratur Generalis, statim ac sunt electi, suum officium exercere possint, licet cum obligatione obtinendi à Generali confirmationem infra quatuor, vel sex menses ad summum. Prouinciales tamen Italiæ nequeunt exercere suum officium, nisi habita prius confirmatione à Generali. Quare interim Prouincia regenda est per Priorem Conuentus, ubi celebratum fuerit Capitulum, si erit Magister. Sin minus, per antiquiorem Magistrum, qui tanquam Vicarius Prouinciam administrabit. Nisi Pater Generalis fuerit extra Italiam, tunc enim Prouinciales electi in Italia poterunt exercere officium cum eadem obligatione obtinendi confirmationem à Generali infra quatuor, vel sex menses: Quod si electus in natione, in qua fuerit Generalis, ante confirmationem per se, vel per alium, in totum, vel in partem, ea, quæ sunt sui officij exercuerit, secundum ius commune eo ipso priuatus est, vel priuandus iure, quod ei per electionem quasitum fuerat. At si Prouincialis electus fuerit extra Europam, cum ob nimiam distantiam, itinerisque difficultatem, ac incertitudinem nequeat illi præscribi determinatum tempus ad procurandum confirmationem officij à Generali, poterit, seruatis seruandis, confirmari à Præsidente Capituli; obligatus tamen erit obtinere quam primum poterit aliam confirmationem à Generali.

Prouinciali electo, statim Præsident, etsi infra futurum proximum triennium non sit celebrandum Capitulum Generale, procedet ad electionem Sociorum Prouincialis, & Diffinitoris pro ipso Capitulo Generali, ac etiam Vicarij Prouinciæ pro absentia Prouincialis ituri ad Capitulum Generale, & omnes istæ electiones fieri debent per vota secreta, & seruata forma, de qua supra. Electo Prouinciæ Vicario, alium ad custodiam Prouinciæ pro casibus fortuitis sua auctoritate substituet Prouincialis electus, qui primi per mortem, vel aliter deficientis, vel à Prouincia absentis, vices suppleat, & auctoritatem habeat ad quæcumque.

Circa electionem Sociorum duo sunt aduertenda. Alterum, quod nullus Gremialis, siue Generalis, siue Prouincialis, siue quisquis alius habiturus vocem in Capitulo Generali, in electione Sociorum vocem habet actiuam, & si in ea suffragium dederit, vocem actiuam amittet in Capitulo Generali. Alterum, quod

quòd cum omnes quatuor Diffinitores accedere teneantur ad Congregationem intermediam faciendam in Dominica 3. post Pascha Resurrectionis, & contingere possit, vt tunc temporis Socij accedant ad Capitulum Generale, & ita non valeant interuenire dictæ Congregationi, nullus Diffinitor potest eligere Socium Prouincialis pro Capitulo Generali.

Electus Prouincialis tenetur in ipso Capitulo vnum Socium Prouinciæ eligere, quem semel electum, sine iusta causa, mutare non potest, & Socius electus in eodem Capitulo debet Prouinciali fidelitatem iurare. Quamuis autem sit in Prouincialis potestate eligere Socium, quem ipse maluerit, nihilominus quia talis Socius debet semper supradictæ Congregationi intermedix cum quatuor Diffinitoribus interesse etiamsi Prouincialis cum suis Socijs accesserit ad Capitulum Generale, consequens est vt Socius Prouinciæ non possit eligi aliquis, qui fuerit electus Socius Prouincialis pro Capitulo Generali, vel qui sit vnus ex quatuor Diffinitoribus. Debet etiam Prouincialis cauere, ne sibi in Socium visitationis eligat Magistrum aliquem de quo probabilem habeat suspicionem, quod post eum ad Prouincialatus officium aspiret, quia Socius talem habens prætensionem, tempore visitationis facillè, per fas, & nefas, studebit Priores sibi reddere beneuolos, minulque sincerè tractabit negotia Prouinciæ.

Absolutis præfatis electionibus coram toto gremio, comburendæ sunt schedulæ suffragiorum, deinde intonato per Præsidentem hymno *Te Deum laudamus*, illum altisonè prosequentes, Gremiales ducent Prouincialem electum ad Ecclesiam, vbi ante Altare maius tapetis appositis se prosternet, & prosternatus manebit, donec præfatus Hymnus percantetur, & dicantur à Præsidente consuetæ Orationes. Quibus absolutis, cum Pius quartus in quadam sua Constitutione decreuerit, vt per quoscumque quibus de Monasterijs, Conuentibus, Domibus, & alijs quibuscumque locis Regularium quorumcumque Ordinum, quocumque nomine, vel titulo, prouidebitur, publicæ Orthodoxæ fidei professio fiat; etsi quoad Prælatos Regulares ista fidei professio non sit in vsu, nihilominus censemus illam à Prælati nostri Ordinis faciendam esse, Quare Prouincialis electus, statim ambabus manibus super Missale extensis, in manibus Præsidentis Capituli professionem fidei genuflexus, cum iuramento, alta, & intelligibili voce sequenti forma emittet.

Ego F. N. Prouincialis electus Prouinciæ N. Ordinis
B. Mariæ

B. Mariæ Virg. de Monte Carmeli Regularis obseruantiz firma fide credo, & profiteor omnia, & singula, quæ continentur in Symbolo fidei, quo Sancta Romana Ecclesia vtitur, videlicet: Credo in vnum Deum, Patrem omnipotentem, factorem cæli, & terræ: visibilium omnium, & invisibilium. Et in vnum Dominum Iesum Christum Filium Dei vnigenitum. Et ex Patre natum ante omnia sæcula: Deum de Deo: lumen de lumine: Deum verum de Deo vero. Genitum non factum, consubstantialem Patri: per quem omnia facta sunt. Qui propter nos homines, & propter nostram salutem descendit de cælis. Et incarnatus est de Spiritu Sancto ex Maria Virgine, & homo factus est. Crucifixus etiam pro nobis sub Pontio Pilato, passus, & sepultus est. Et resurrexit tertia die secundum scripturas. Et ascendit in cælum, sedet ad dextram Patris. Et iterum venturus est cum gloria iudicare viuos, & mortuos, cuius regni non erit finis. Et in Spiritum Sanctum Dominum, & viuificantem, qui ex Patre, Filioque procedit. Qui cum Patre, & Filio simul adoratur, & conglorificatur, qui loquutus est per Prophetas, Et vnā Sanctam Catholicam, & Apostolicam Ecclesiam. Confiteor vnum Baptisma in remissionem peccatorum. Et expecto resurrectionem mortuorum. Et vitam venturi sæculi. Amen. Apostolicas, & Ecclesiasticas traditiones, reliquasque eiusdem Ecclesiæ obseruationes, & Constitutiones firmissimè admitto, & amplector. Item Sacram Scripturam iuxta eum sensum, quem tenuit, & tenet Sancta Mater Ecclesia, cuius est iudicare de verò sensu, & interpretatione Sacrarum Scripturarum admitto, nec eam vnquam, nisi iuxta vnam animam consensum Patrum accipiam, & interpretabor.

Profteor quoque septem esse verè, & propriè Sacramenta nouæ legis à Iesu Christo Domino nostro instituta, atque ad salutem humani generis, licet non omnia singulis necessaria, Baptismum, Confirmationem, Eucharistiam, Pœnitentiam, Extremam vñtionem, Ordinem, & Matrimonium, illaque gratiam conferre, & ex his Baptismum, Confirmationem, & Ordinem, sine sacrilegio reiterari non posse. Receptos quoque, & approbatos Catholicæ Ecclesiæ ritus in supradictorum omnium Sacramentorum administratione recipio, & admitto. Omnia, & singula, quæ de peccato originali, & de iustificatione in sacrosancta Tridentina Synodo definita fuerunt, amplector, & recipio. Profteor pariter in Missa offerri Deo verum, proprium, & propitiatorium Sacrificium pro viuis, atque defunctis, atque in Sanctissimo Eucharistiæ Sacramento esse verè, realiter, & substan-

substantialiter corpus, & sanguinem vna cum anima, & diuinitate Domini nostri Iesu Christi, fierique conuersionem totius substantiæ panis in corpus, & totius substantiæ vini in sanguinem, quam conuersionem Catholica Ecclesia transubstantiationem appellat. Fateor etiam sub altera tantum specie totum, atque integrum Christum, verumque Sacramentum sumi. Constanter teneo Purgatorium esse, animasque ibi detentas fidelium suffragijs iuari. Similiter, & Sanctos vna cum Christo regnantes venerandos, atque inuocandos esse, eosque Orationes Deo pro nobis offerre, atque eorum reliquias esse venerandas firmissimè assero.

Imagines Christi, & Deiparæ semper Virginis, necnon aliorum Sanctorum habendas, & retinendas esse, atque eis debitum honorem, & venerationem impertiendam. Indulgentiarum etiam potestatem à Christo in Ecclesia relictam fuisse, illarumque vsum Christiano populo maximè salutarem esse affirmo. Sanctam Catholicam Apostolicam Romanam Ecclesiam omnium Ecclesiarum Matrem, & magistram agnosco, Romanoq. Pontifici B. Petri Apostolorum Principis Successori, ac Iesu Christi Vicario, veram obedientiam spondeo, & iuro. Cætera item omnia à Sacris Canonibus, Oecumenicis Concilijs, ac præcipuè à Sacrosancta Tridentina Synodo tradita, definita, & declarata, indubitanter recipio, atque profiteor, simulque contraria omnia, atque hæreses quascumque ab Ecclesia damnatas, reiectas, & anathematizatas, ego pariter damno, rejicio, & anathematizo. Hanc veram Catholicam fidem extra quam nemo saluus esse potest, quam in præsentī sponte profiteor, & veraciter teneo, eandem integram, & inuiolatam vsque ad extremum vitæ spiritum constantissimè Deo dante, retinere, & confiteri, atque à meis subditis, vel illis, quorum cura ad me in munere meo spectabit, teneri, doceri, & prædicari quantum in me erit, curaturum.

Ita ego Fr. N. spondeo, voueo, & iuro. Sic me Deus adiuuet, & hæc sancta Dei Euangelia.

Emissa hac fidei professione, surgens Prouincialis, accedet ad Altare, illudque osculabitur reuerenter. Postmodum præsentato ei aspersorio, ipse primo se, deinde alios Fratres asperget, & facta aspersione, in loco sibi ante Altare præparato sedebit ad manum sinistram Præsidentis, & singuli Fratres ad eum accedent, & flexis genibus manus eius humiliter, & reuerenter in obedientiæ signum osculabuntur.

Præstita obedientia Prouinciali electo, P. Præsidentis incipiet

cum Diffinitorio tractare de regimine Prouinciæ.

Sunt autem, si respiciamus id, quod habemus expressum in nostris Constitutionibus, quinque tantum Patres de corpore Diffinitorij cum voto decisiuo; uidelicet P. Præsidens, & quatuor Diffinitores, & vnus cum voto consultiui, Prouincialis scilicet absolutus; nihilominus vsu receptum etiam in Religione, quod cum voto decisiuo ingrediantur Diffinitorium Socius P. Præfidentis, & Prouincialis electus, etiam ante confirmationem, & in nonnullis Prouincijs, etiam Socius uisitationis electus in Capitulo à Prouinciali electo.

Locus pro Diffinitorio deputatus, decens sit, & secretus, & in eo paratum Altariolum cum Crucifixo, vrna, & tot schedulis, quot sufficiant pro electionibus omnium Priorum, scriptis cum iuramento, & electione, modo quo supra, ita vt solum consideretur nomen eligendi, licet sufficiet semel tantum præstare iuramentum in principio de eligendis omnibus, & singulis Prioribus probioribus, & magis idoneis.

Dictum locum ingressus P. Præsidens cum cæteris de corpore Diffinitorij, omnibus genuflexis ante Altare ad inuocandum Spiritus sancti adiutorium, incipiet sine nota *Veni creator spiritus*, & alternatim totum recitabunt. Præsidens. *Emitte spiritum tuum, &c. Domine exaudi, &c. Dominus vobiscum, &c. Oremus. Deus, qui corda fidelium, &c.* Deinde surgentes accedant ad mensam ibi paratam, super qua commodè scribere possint, & in qua sint omnia pro actionibus Diffinitorij necessaria, & per ordinem consedebunt.

Omnibus consedentibus, singuli iurabunt, quod absque licentia totius Diffinitorij nihil in eo tractatum, vel prolatum, alicui extraneo reuelabunt, & primus omnium iurabit P. Præsidens, et si prædictum silentium non seruauerint priuationem, vniuersæ vocis ad sexennium incurrant. Deinde prælectis Constitutionibus de requisitis eligendorum procedent in nomine Domini ad electiones per vota secreta faciendas.

Et quia Prioribus incumbit cura animarum, quæ est ars artium, & scientia scientiarum, & nihil magis officit Religioni, quam ad regimen animarum indignos, vel minus idoneos assumi, antequam aggrediantur electiones Priorum, patres de Diffinitorio serio discurrent, et tractabunt de singulis Conuentibus, quibus de Superioribus fuerit providendum, et de Patribus ad regimen magis idoneis. Quare examinabunt inuentaria status Conuentuum, quæ secum deferre debent Priores ad Capitulum præsentibus Socijs, vt ex eorû inspectione aliquo modo cõiungere possint

possint Diffinitores, quinam Priores benè, & malè se gesserint in suorum Conuentuum regimine, & quinam digni sint, vt in eodem Conuentu confirmentur, vel in alijs instituantur.

Curabit P. Præfident, ne vllus eligatur in Priorem, qui non habeat omnia secundum statuta Ordinis requisita, & præsertim, qui ob aliquam infirmitatem habituales nequeat in diebus per nostras Constitutiones prohibitis à carnibus abstinere, ieiunia Ordinis seruare, vitam communem in Refectorio sequi, & Officio diuino de die, & de nocte in Choro interesse. Per habituales autem infirmitatem, non debemus intelligere senectutē, imò cum senes, vt plurimū iudicio, prudentia, & dexteritate polleant, magis quam iuuenes, si in aliquo peculiaris obseruatiōis, & reformationis zelus effulserit, ei poterit alicuius Conuentus regimen cōmitti, modò non sit adeo confectus senio, quod ad tale munus prorsus inhabilis reddatur. Cæterum si Diffinitores censuerint aliquem habituali infirmitate affectum esse valde præstantem, in administratione, & Conuentibus proficuum, poterunt illum à Patre Ordinis postulare, illi causas notificando, propter quas cum illo supra Constitutionibus fuerit dispensandum.

Cætera, quæ facere debent Diffinitores videri possunt in nostris Constitutionibus p. 4. cap. 19. à num. 4. Sed de vno præsertim eos admonitos esse volumus, vt scilicet non obstante, quacumque consuetudine in contrarium cogant Prouinciales absolutum ab officio ad reddendam rationem de receptis à Prouincia, & de expensis tempore sui Prouincialatus tam ordinarijs, quam extraordinarijs.

Debent etiam de mandato Clementis vii. eligere tres saltem Patres graues, & peritos, qui admittendos ad prædicationem verbi Dei, vel ad audiendas confessiones etiam ipsorum Fratrum, ac lectores publicos diligenter simul examinent, priusquam probentur, & ad huiusmodi ministeria admittantur. Horum etiam cura erit examinare, & probare, tam quoad doctrinam, quam quoad mores promouendos ad quoscumque Ordines, in quo seruandum erit decretum Congregationis Interpretum Sac. Conc. Trid. hac de causa editum, & promulgatum.

Dispositis omnibus per Diffinitorium, finaliter acta Capituli conscribentur in libro Prouinciæ, & ad pulsus nolæ Capitularis congregabuntur omnes Fratres in vnum locum, & ibi auctoritate Præfidis, ac Diffinitorum absoluentur omnes Priores, qui statim sigilla officiorum suorum Præsidenti, & Diffinitoribus reddent. Deinde Præfident vocabit sigillatim per Secretarium nominibus proprijs omnes Priores instituendos, qui

vocati coram eo genuaflectent, & ipse singulis tradendo sigillum Prioratus dicat. Auctoritate nostra, & de vnanimi consensu Diffinitorum præsentis Capituli facimus, & ordinamus te N. Priorem nostri Conuentus N. dantes tibi curam animarum, &c. Et Prior institutus cum humilitate, & reuerentia sigillum recipiet, manum Præsidentis osculando, & dicendo. Deo gratias. Et si ille fuerit absens, dicet Præsident in tertia persona. Facimus, & ordinamus Patrem N. Priorem Conuentus N. Deinde dandæ erunt unicuique litteræ testimoniales de iniuncto illi officio, Præsidentis sigillo munitæ.

Vbi Priores sic fuerint instituti, omnes genuflexi in manu Præsidis facient professionem fidei, vnus quidem alta, alij submissa voce in hanc formam. Ego Fr. N. Ordinis Carmelitarum Prior institutus Conuentus N. firma fide credo, & profiteor omnia, &c. vt habetur supra in professione emitrendæ Prouinciali. Deinde vnusquisque alta voce, vnus post alterum iuramentum præstabit his verbis. Ego idem Fr. N. spondeo, voueo, & iuro. Sic me Deus adiuuet, & hæc sancta Dei Euangelia. Et finaliter conscribantur acta Capituli in libro Prouinciæ.

Vnum aliud etiam in Capitulo prouinciali tanquam necessarium pro legitima receptione Nouitiorum aduertendum est, quod scilicet quando nostræ Constitutiones tribuunt soli Generali, vel Prouinciali posse sine consensu cuiuscunque iuuenes ex sæculo ad Nouitiatum, & ad professionem recipere, sunt intelligendæ de minoribus sexdecim annis, maioris enim extra Capitulum Generale, vel Prouinciale, siue Clerici sint, siue Laici, non sunt recipiendi, nisi fiat, iuxta duas Constitutiones Sixti v. diligens inquisitio de eorum patre, patria, & antea acta vita, & ex accurata informatione, & fide digna relatione constiterit, eos non esse aliquorum criminum, &c. reos, nec suspectos, neque grauatos ære alieno, &c. nec reddendis ratiocinijs obnoxios, &c. quodque non humana aliqua ratione, &c. Religionem eligunt. Deinde notificata ista informatione duorum, vel trium, vel plurium, si commodè fieri poterit, Monasteriorum, quæ deputata fuerint in Prouincia, Superioribus, ab eis approbentur, et recipiantur ad habitum regularem. Quare P. Præsident curabit in ipso Capitulo deputari duo, vel tria, vel plura, si commodè fieri poterit, Monasteria, quorum Superiores, saltem semel in anno ad dictam approbationem, et admissionem faciendam simul congregentur.

Vbi autem Congregatio intermedia Diffinitorialis Dominica 3. post Pascha Resurrectionis, iuxta dispositionem nostram

nostrarum Constitutionum, pro alijs negotijs celebrabitur, in ea etiam à P. Prouinciali cum consensu Diffinitorum, et sui Socij, prædicta nouitiorum approbatio, et admissio fieri poterit, perinde enim erit, ac si in Capitulo prouinciali fieret.

Quòd si paucitas Monasteriorum, aut nimia eorum distantia in aliqua Prouincia, vel Vicaria, vt in Brasìlica, tot Monasteria deputari non patiatur, Capitulum Prouinciale saltem tribus ex antiquioribus Patribus vnus Monasterij dictam facultatem approbandi, et admittendi ad habitum præfatos Nouitios demandare poterit.

Cæterum exteri ex longinquis partibus, vel ex locis hæreticorum, seu infidelium aduenientes, etiamsi de præfatis omnibus liquidò non constiterit; tamen si diligentia adhibita nihil apparuerit, quod eos impediatur, ex declaratione eiusdem Sixti v. habiles reputandi sunt ad Religionem.

Professionem autem eorum, qui non seruata dicta forma recepi fuerint, Sixt. v. irritam, et nullam declarauit, et Superioribus inobedientibus inhabiles recipientibus nonnullas pœnas imposuit in prima Constitutione, quã tamen quoad nullitatem professionis Clemens viii. in alia sua Constit. moderatus est, et ad terminos iuris communis reduxit, saluis pœnis contra Superiores inobedientes.

Post hæc facienda est commemoratio Fratrum, familiarum, Patronorum, et litteras Confraternitatis habentium virorum, et mulierum per singulos Conuentus, et specialiter illorum qui Capitulum Prouinciale eleemosyna notabili adiuuerint, et illis recommendatis, recitabitur Psalmus *Ad te leuaui oculos meos*, cum alijs precibus consuetis. Post quas P. Præfatus incipiet alta voce *Te Deum laudamus*, quem prosequentes Fratres accedent ad Chorum, vbi terminato dicto hymno, P. Præfatus solitas Orationes recitabit. Deinde coram toto gremio publicabuntur acta Capituli, quorum copiam P. Præfatus ex papiro Prouinciæ de verbo ad verbum fideliter extractam, et ab ipso Præfide, Prouinciali electo, et Diffinitoribus subscriptam, curabit transmitti ad Patrem Ordinis pro confirmatione.

Publicatis aut s Capituli, omnes Fratres coram Præfidente prostrati dicent *Confiteor Deo, &c.* et ipse subiunget *Misereatur vestri, &c. Indulgentiam, &c.* eosque absoluet, et dispensabit pro vt in Breuiario, et in fine dicet *Benedictio Dei omnipotentis Patris, &c.*

Vnum tantum aduertendum est, quod scilicet in quouis Capitulo Prouinciali debet publicari tum Constitutio Cle. viii.

de largitione munerum Regularibus interdicta, tum decretum Congregationis generalis Sanctæ Romanæ, et vniuersalis Inquisitionis habitæ in Palatio Apostolico coram Sanctiss. D. N. Urbano VI. ac Eminentissimis, et Reuerendis. Dominis Sacræ Romanæ Ecclesiæ Cardinalibus aduersus hæreticam prauitatem Inquisitoribus Generalibus à Sancta Sede Apostolica specialiter deputatis, et commonendi sunt omnes de obseruantia, et executione Apostolicarum Constitutionum, et decretorum, ad sanctum Officium Inquisitionis aduersus hæreticam prauitatem pertinentium, & præsertim Constitutionum Apostolicarum, quæ in prædicto decreto referuntur.

Vt sciant Fratres nostri, ad quid absolutio, & dispensatio vocalium à P. Præsidente Capituli ante electiones facta, proffit. Notandum est, quod plures Prælati Regulares virtute diuersorū priuilegiorum, quæ sibi à Sede Apostolica sunt concessa, & præsertim indulti cuiusdam Pij v. qui eis, quoad suos Fratres eandem absoluendi, & dispensandi facultatem impartitus est, quam Episcopis dedit in quoscumque sibi subditos in foro conscientiæ Concil. Trid. sess. 24. cap. 6. de reform. possunt absolvere Fratres, & alias quascumque personas ratione professionis, & habitus eis subditas, à quibusuis maioris excommunicationis, suspensionis, & interdicti, alijsque Ecclesiasticis sententijs, censuris, & pœnis à iure, vel ab homine quauis occasione latis, etiam Sedi Apost. reseruatis, exceptis contentis in Bulla Cænæ Domini, ac etiam cum eis dispensare super quibuscumque irregularitatibus, ex quauis occasione prouenientibus, præterquam ex homicidio voluntario, & bigamia, & membrorum mutilatione.

Et hæc facultas extendi potest, nedum ad censuras, sententias, & pœnas ante dicta priuilegia reseruatas; sed etiam ad reseruatas post, dummodo reseruatio non fuerit facta cum expressa priuilegiorum Regularium derogatione, sicut reseruata fuit à Sixto v. absolutio ab excommunicatione contra simoniacos in susceptione Ordinum lata.

Licet autem præfata facultas absoluendi, & dispensandi, si respiciamus priuilegium Pij v. & nonnulla alia, sit limitata ad forum conscientiæ; nihilominus, quia in nonnullis alijs priuilegijs conceditur, nulla addita limitatione, & nullo expresso foro, est valde probabilis sententia multorum DD. qui affirmant Superiores prædictos Regulares ea in vtroque foro vti posse.


Est etiam aduertendū, quod etsi Prælati prædicti Regulares facultatem absoluendi, & dispensandi à Pio v. concessam alijs committere, & delegare non valeant, quia dictus Pontifex expressè

conce-

concedit eis, ut per seipſos absoluant, & dispensent; quia tamen per alia privilegia eadem facultas eiſdem abſolutè conſeſſa eſt, & eſt cõmunis DD. ſententia, quod Cõmiſſarius perpetuus poteſt alteri vices ſuas committere, hæc autè poteſtas data eſt Prælatiſ per privilegia perpetua, eiſque propriè dicitur competere ex officio, quia ratione officij, & dignitatis convenit, poſſunt eam alijs committere, & delegare, nec deſunt privilegia, quæ illiſ hanc delegandi poteſtatem concedunt, idque eſt in uſu apud Religioneſ.

Cæterum Religioſi omneſ ſuã debent reſpicere Regulam, & ſuaſ Conſtitutioneſ, an per eaſ dicta facultas in aliquo fuerit pro bono regimine ſuæ Religioniſ limitata, & coarctata. Poteſt namque vnaquæque Religio privilegia in ſui fauorem conſeſſa non recipere, vel limitare, & coarctare, ſecundum quod magiſ ſibi expedire iudicaverit. Quare in noſtriſ Conſtitutionibuſ ſublata eſt Prioribuſ localibuſ facultas abſolvendi in foro fori ſuoſ ſubditoſ incurrenteſ in excommunicationem Canoniſ Si quiſ ſuadente diabolo, etiam ob percuſſionem leuem.

Quoniam autem in forma abſolutioniſ vocalium, extra iſta clauſula, Exceptiſ cenſuriſ, ſententijs, pœniſ, & irregularitati- buſ ob defectuſ ad electioneſ faciendeſ in iſto Capitulo perti- nenteſ contraſtiſ. Pro illiuſ intelligentia ſciendum, quod ſi quiſ in Ordine ad aliquam electionem in Capitulo faciendam, obtinuiffet litteraſ cõmendatitiãſ extra Religionem, vel ſubor- naſſet, aliquid dediſſet, aut promiſiſſet, vel quid aliud feciſſet, pro- pter quæ in aliquam cenſuram, ſententiamque &c. incurriſſet, nequaquam abſolutuſ eſſet.



S V M M A R I V M C A P . X I I I .

- Prædicta ut distincta nominantur sæpius in Constitutionibus Summorum Pontificum . num . 1 .*
- Dignitas est administratio cum Iurisdictione . nu . 2 .*
- Personatus est præ eminentia , seu præcedentia sine iurisdictione . ibid .*
- Officium est administratio sine præ eminentia , aut iurisdictione . ibid .*
- Præpositura secundum alios est munus præcedendi , sed communius accipitur pro Prælatione . num . 3 .*
- Prælatura coincidit cum dignitate , esseque munus habendi administrationem cum iurisdictione . num . 4 .*
- Quid decreuerit SS. D. N. Urbanus circa Religiosos promittentes non procurare &c. huiusmodi dignitates . ibid .*
- Prelati possunt esse delegati ad litteras Pontificias exequendas . ibid .*
- Honorum nomine quid intelligatur . num . 5 .*
- Graduum nomine quæ intelligenda . nu . 6 .*
- Officia, administrationes, & functiones pro eodem sumuntur , & important munus sine præ eminentia , aut iurisdictione . num . 7 .*
- Confundi solent cum Prelatijs , seu dignitatibus . ibid .*
- Hierarchia Religiosa assimilatur Ecclesiastica . num . 8 .*
- Constat ex quasi similibus personis . ibid .*
- Ex Prelatis alij sunt habentes iurisdictionem ordinariam , alij delegatam . num . 9 .*
- Generalis dignitas quæ aliquo modo correspondet Patriarchali per legitimam electionem creatur . num . 10 .*
- Nisi inconmoda , & inconuenientia oppositum suadeant . ibid .*
- Quæ atas requiratur pro Generali eligendo . num . 11 .*
- Requiritur quod sit professus professione expressa in ipsa Religione . ibid .*
- Requiritur etiam conditio Sacerdotij . ibid .*
- Non videtur necessaria iure communi aliqua antiquitas in Ordine . ibid .*
- Habent Generales in Religionibus supremam auctoritatem . num . 12 .*
- An dicenda sit hæc potestas immediatè pendens à Papa , an verò à Capitulo generali . ibid .*
- Habent auctoritatem providendi officia , seu beneficia Religionum iuxta Regulam tamen , & Constitutiones illarum . num . 13 .*
- Debent*

Debent eligere digniores. ibid.

Quid de electione digni reiecto digniori. ibid.

An Generalibus competat facultas condendi leges, aut Constitutiones perpetuo duraturas. nu. 14.

Possunt condere decreta, seu statuta duratura tempore Generalatus. ibid.

Declarare Leges, & Constitutiones Ordinis. ibid.

An mortaliter peccantes saltem publice teneantur explicare circumstantias Generalatus. num. 15.

Commissarij Generales Ordinum regulariter loquendo solum habent auctoritatem delegatam. num. 16.

Quando sunt per electionem Constitutionem, aut iura Ordinaria, habent auctoritatem ordinariam. ibid.

Qui ex illis, & quomodo ammoueri possint. ibid.

Qui etiam possint delegare suam iurisdictionem. ibid.

Pari modo de Vicarijs Generalibus philosophandum est. num. 17.

Quando expirat eorum auctoritas morte Generalis. num. 18.

De Visitationibus quid disendum. ibid. & num. 19.

Affluentium, Consiliarium, Diffinitorum, & Sociorum auctoritas quanta sit. num. 20.

Quidam habent solum votum consultium, alij etiam decisium. num. 21.

Quid sit habere votum consultium, seu decisium. ibid.

Conuenientius est ut iuniores prius loquantur. num. 22.

An teneantur detegere defectus promouendorum. ibid.

Quando maior pars illorum aliquid decreuerit tenentur omnes subscribere. ibid.

An reuelare possint secreta Diffinitorij. ibid.

An Generales possint sine illis negotia graua decidere. num. 23.

Tenentur iuxta eorum conscientiam respondere. num. 24.

Quid quando hoc sciunt esse contra voluntatem Generalis, vel nihil effecturos. ibid.

Procuratoris Generalis munus magna praeceminetia est. num. 25.

Aliquando fit per electionem, aliquando sine illa, aliquando habet munus praelatie adiunctum, aliquando non. ibid.

Prouinciales sunt Praefecti Prouinciarum habentes supremam iurisdictionem in illis. nu. 26.

Eorum munus dignitas est. ibid.

Quomodo creentur. ibid.

Habent iurisdictionem quasi Episcopalem. ibid.

Possunt suam auctoritatem delegare. ibid.

Quid de Commissarijs, seu Vicarijs Prouincialibus dicendum. nu. 27.

Kk

Quid

Quid de Visitatoribus Generalibus, vel Prouincialibus. nu. 28.

Tempore actualis visitationis ad quem pertineat regimen Conuentus, vel Prouincie. ibid.

Duplex est iurisdiclio, alia contentiosa, alia voluntaria. ibid.

Apostata, vel excommunicati à quo absoluendi tempore visitationis. num. 29.

Auctoritas Visitatorum pendet ex litteris patentibus commissionis. num. 30.

Quando dantur cum clausula plenitudinis potestatis, quid possint facere. ibid.

Quando possunt delegare suam iurisdictionem. num. 31.

Rebellates cōtra illos, aut illis cōtradictōes quas pœnas incurrūt. n. 32.

Gestā à Visitatoribus quanto tempore durare debeant. num. 33.

Non debēt formare processus cōtra Prælatos in rebus minimis. n. 34.

Secus in Religionibus arctioribus. ibid.

Quando procedere debeant via inquisitionis generalis, aut specialis. num. 35.

De Assistentibus, Diffinitoribus, Consiliarijs, seu Secijs Prouincialium quid dicendum. num. 36.

Superiores immediati Conuentuum sunt verè Prælati habentes iurisdictionem quasi Episcopalem. nu. 37.

Eorum munus dignitas appellari potest. ibid.

Habent iurisdictionem ordinariam delegabilem. ibid.

Quæ conditiones ad illos requirantur. ibid.

Quam etiam facultatem habeant. ibid.

An seculares præfici possint Monasterijs Regularium. num. 34.

Quid de Vicarijs in Capite Conuentuum. nu. 39.

Quid de Vicarijs, seu Supprioribus qui in ipsis Conuentibus Superiorem agnoscunt. nu. 40.

An eorum munus dicendum sit personatus, vel officium. ibid.

Quæ possint facere in absentia Prælatorum à Conuentibus. nu. 41.

An gradus possint conferri Religiosis. num. 42.

Teneriur graduati sequi Chorum non obstante quocumq. priuilegio. ibid.

Non possunt uti aliquo priuilegio sui gradus nisi actu legant, vel predicent. ibid.

Quid intelligatur pro actu legere. ibid.

Inepti, & idiota peccant grauiter gradus prædictos petentes, aut retinentes. ibid.

Procuratoris munus quid sit. num. 43.

Spectat ad illum bona Monasterij solum exigere, non autem conferre, aut expendere. ibid.

Ad

Ad quos id spectat .ibid.

Administratores honorum Monasterij amouibiles sunt. nu. 44.

Sacriste unus, seu officium in quo versetur. num. 45.

Quas obligationes habeat. ibid.

De Sacristis Conuersis. nu. 46.

De Magistro Nouitiorum, & eius obligationibus. nu. 47.

Quid circa illum decreuerit Clem. VIII. ibid.

Quomodo id intelligendum veniat. nu. 48.

Non possunt Pralati, aut officiales Religionum excusari ignorantia in ijs quae pertinent ad eorum munera. num. 49.

Illegitimi quas dignitates, personatus, beneficia, seu officia habere non possint. num. 50.

Quae officia habere possint. ibid.

Quid faciendum cum alicui constet se esse electum ab uno qui erat inhabilis ad eligendum. num. 51.

Quid quando electo constet se fuisse inhabilem ut eligeretur pro tempore quo electus fuit. nu. 52.

Pralato intruso qualiter sit, vel non obediendum. nu. 53.

Pralatis prohibitum est testari. num. 54.

Professio fidei facienda est à prouisis de Pralaturis. nu. 55.

Quid de Pralaturis non electiuis dicendum. nu. 56.

Sintne manuales, & amouibiles. ibid.



De Prælaturis, gradibus, honoribus, dignitatibus, personatibus, præposituris, officijs, & administrationibus Regularium personarum, illorumque obligationibus.

Cap. XII I.



CONTINGIT sæpius ut in Constitutionibus Summorum Pontificum, et specialibus Religionum, prædicta omnia etiam ut distincta nominentur, ideo de singulis agendum in hoc capite, etsi enim sæpius confundantur, cum tamen in Bullis Pontificum sigillatim censeantur, valde probabile est ea distingui, et accipienda esse in propria, et primæ significatione. Portellus in *Dub. Regul. verb. Officia Ordin. in addit. num. 2.*

2. Hæc tria *Dignitas, Personatus, Officium* sic distinguuntur. *Dignitas* propriè est administratio cum iurisdictione, cuiusmodi sunt omnes Prælatiæ Religionum, v.g. Generalatus, Prouincialatus, Prioratus, Abbatia, Guardianatus etc. Omnes enim Prælati habent administrationem cum iurisdictione tam in foro interno, quam externo, iuxta dicta *tom. 1. cap. 18. Personatus* est præminentia, seu præcedentia sine iurisdictione, qualis est ea, quæ reperitur in aliquibus Clericis qui præcedunt Canonicos in Ecclesijs Cathedralibus, seu Collegialibus, et in Religionibus in Diffinitoribus, et alijs huiusmodi. *Officium* autem propriè est administratio sine præminentia, aut iurisdictione, qualis reperitur in Sacrista, Procuratore, Vicario Conuentus, seu Suppore in præsentia Prælati. Siluester *verb. Dignitas. Rodrig. to. 1. quest. Regul. q. 23. art. 9. & q. 13. art. 18.*

3. *Præpositura* secundum aliquos est munus præcedendi. Ita Rodrig. *tom. 1. quest. Regular. q. 23. art. 9.* Sed communi vsu potius videtur importare munus prælationis, iuxta illud ad Hebr. 13. *Obedite Præpositis vestris.* Si autem solum munus præcedendi denotat coincidit cum personatu.

4. *Prælatura*, ut diximus, coincidit cum dignitate, et est munus habendi administrationem cum iurisdictione, qualis competit in Religionibus omnibus Superioribus, Generalibus scilicet, Prouincialibus, Prioribus, Guardianis, Abbatibus, et similibus diuersis

diuerſis nominibus vocatis: omnes enim huiusmodi ſunt in dignitate conſtituti. Sanchez *lib. 6. in decalog. cap. 3. num. 78.* Hinc huiusmodi Prælati poſſunt eſſe delegati ad litteras Pontificis, vel eius Legati exequendas, quod munus conuenire non poteſt niſi perſonis in dignitate conſtitutis, iuxta *cap. ſtatutum in principio de reſcriptis in 6.* Sanchez *ibidem* poſt alios. An verò id liceat Prælatiſ Ordinis Minorum tractant Rodrig. *to. 1. queſt. Regular. q. 65. art. 3. in fine.* & Sanchez *lib. 6. in decalog. cap. 13. num. 81.*

Hic notandum S. S. D. N. Vrbanum viii. Motu proprio edito 21. Maij 1635. publicato tamen 20. Nouemb. 1636. declaraffe quofcumque Regulares cuiuſvis Ordinis, Congregationis, & inſtituti, etiam Societatis Ieſu per quamcumque translationem, ad aliam Religionem, etiam hætenus factam, & per quamcumque expulſionem, ſeu habitus Regularis diſmiſſionem, non eſſe liberos à voto, promiſſione, ſeu iuramento ab eis emiſſo, de non petenda, nec procuranda, minusue acceptanda aliqua dignitate, aut ſuperioritate extra eorum Religionem, ſed eos hætenus, & pro tempore, vt præfertur, tranſlatos, expulſos, ac à delatione, habitu Regularis abſolutos, vel priuatos, quarumcumque dignitatum huiusmodi proinde incapaces, & ad illas peſendas, acceptandas, & obtinendas, inhabiles remanere in omnibus, & per omnia, perinde, ac ſi trãſlati, expulſi, ſeu à delatione habitus liberati non fuiſſent. Quæ placuit hic animaduerrere (etſi non in proprio loco, quia huius Motus proprii notitia non niſi poſtquam typis mandabatur hæc ſecunda pars Summæ ad me peruenit) propter aliquot Regulares tale, vel ſimile verum emittentes, quorum aliquos retuli ſupra *cap. 4. num. 13. 16. & 25.*

5 *Honorum* nomine, vix aliud poteſt intelligi quam perſonatus, qui vt diximus, important honorifica in Religionibus. Vnde leges priuantes honoribus intelligendæ videntur de iſtis. *Portellus in dubijs Regul. verb. officia Ordinis num. 2.*

6 *Gradus* ſunt tituli honorarij, in vniuerſitatibus, vel Collegijs ſtudioſorum cauſa conceſſi, cuiuſmodi ſunt Doctōratus, Magiſterium, Baccalaureatus, &c. Vnde vel coincidunt cum Perſonatibus, & honoribus, vel pro iſdem communiter accipiuntur.

7 *Officia* etiam, adminiſtrationes, & ſunſiones pro eodem ſumuntur, & important, vt diximus, munus ſine præminentiã, aut iurisdictione. Maxime autem confunduntur cum Prælatijs, ſeu Dignitatibus, adeo vt comuni vſu plurimum Religionum, & etiam aliquarum Conſtitutionum, ſeu decretorum Summorum Pontificum illorum nomine, officiorum præſertim, veniant etiam Prælatiz, ſeu dignitates, dum ponitur pœna priuationis officio.

officiorum, &c. Portellus *in dubijs Regul. verb. officia Ordinis* *in addit. num. 2.*

8 Pro Prælatibus autem notandum, Hierarchiam Religiosam assimilari Ecclesiasticam, quemadmodum enim Hierarchia Ecclesiastica constat ex Parochis, Episcopis, Archiepiscopis, Patriarchis, & Primatibus, qui omnes Summo Pontifici subduntur, sic Hierarchia Religiosa constat Confessoribus qui sunt veluti Parochi habentes solum iurisdictionem in foro interno conscientiarum, Prioribus, Guardianis, Rectoribus, &c. qui sunt quasi Episcopi, quia habent iurisdictionem etiam externam quasi Episcopalem, iuxta dicta *to. 1. cap. 18. nu. 2.* Prouincialibus, qui sunt veluti Archiepiscopi habentes sub se Superiores immediatos Monasteriorum, qui ut diximus quasi Episcopalem auctoritatem habent, & Generalibus qui sunt veluti Primates, & Patriarchæ, cum sub se contineant Prouinciales, & hi omnes sub Summo Pontifice tanquam Pastore vniuersali, Rodriguez *to. 1. quest. Regular. q. 12. ar. 5.*

9 Item pro eisdem Prælatibus, dignitatibus, seu Præpositis Religionum notandum, quod alij sunt habentes iurisdictionem Ordinariam, ut sunt Generales, Prouinciales, Priores, Abbates, & alij similes, et si diuersis nominibus vocati, alij verò delegatam, ut sunt Commissarii, vel Visitatores Generales, vel Prouinciales, Rodrig. *tom. 1. quest. Regul. q. 13. art. 20.* Vicarij autem istorum aliquando habent iurisdictionem Ordinariam, aliquando delegatam, Ordinariam quidem quando non ex delegatione, sed vel electione, vel Constitutione, consuetudine, aut iure Ordinis eis competit Vicariatus, delegatam verò quando à prædictis nominantur, & delegantur. Vide dicta *tom. 1. cap. 18. num. 3.*

10 Supremum caput intra Religionem qui regulariter Generalis nuncupatur, cuius dignitas, ut dictum est Patriarchali, seu Primatiali in Hierarchia Ecclesiastica correspondet, per legitimam electionem creandum est, hoc enim probat usus, & institutio Religionum, & est consentaneum tum iuri Canonico dum de huiusmodi Prælatorum electionibus agit, tum iuri naturali ut Religio in Pastore sibi eligendo consensum præbens majori cum amore ipsum suscipiat, & ei obediat de cuius sufficientia publicum dedit per electionem testimonium. Suarez *4. tom. de Relig. tract. 8. lib. 2. cap. 3. num. 2.* Quo non obstante, quando incommoda, vel inconuenientia cernuntur ex Capituli celebratione propter bella, pestem, vel similia mala, & ad euitandas Ordinis expensas, prudenter à maioribus Ordinis suppli-

supplicari debet Papa pro digniori, & magis benemerito Religioso in Generalem ab ipso instituendo, & ipse Pontifex annuere, prout fecit Sanctiss. D. N. Urbanus VIII. anno 1632. Reuerendiss. Mag. Theodorum Stratum in Generalem nostri Ordinis creando, quem digniorem, & probatiorem à grauioribus Ordinis Patribus nouerat.

11 Probabile etiam est, iuxta dicta *tom. 1. cap. 18. nu. 5.* requiri pro Generali eligendo ætatem 30 annorum, cum hæc ætas requiratur pro Episcopis *cap. Cum in cunctis de elect.* Dignitas autem Generalis sit quasi Episcopalis, imò sapius maioris oneris, & laboris propter subditos diuersarum nationum, & regionum. Requiritur etiam quod sit professus ex *cap. cum ad nostram de elect. cap. cum causa & cap. cum in magistrum eodem titulo.* Professione expressa ex *cap. nullus de elect. in 6. & in ipsa Religione, in qua eligitur in Generalem, ex Clemen. I. de elect. & Concil. Trid. sess. 14. cap. 10. & sess. 25. cap. 21.* Requiritur item ex vi iuris communis conditio Sacerdotij ad Generalem ex *cap. 1. de atate, & qualitate.* Non tamen videtur necessaria ex eodem iure communi aliqua antiquitas in Ordine pro prædicta Generalatus prælatione. De quibus, & alijs conditionibus egimus dicto *tom. 1. cap. 18. num. 5. & 9.* Suarez 4. to. de Reug. tract. 8. lib. 2. c. 3. Qualiter etiam ille legitimus, irregularis, excommunicatus, & similibus censuris, aut pœnis obstricti non possint in Prælatos eligi, quod maxime procedit de Generalatus officio, bene tamen saltem iure communi ex radice, aut genere in seipsis orti, dictum est eodem *tom. 1. cap. 15. nu. 25.*

12 Habent prædicti Generales in Religionibus supremam auctoritatem, & iurisdictionem Ordinariam, tum internam in foro conscientiarum, tum externam in foro contentioso, iuxta Regulam tamen, & Ordinum Constitutiones, & iuxta dicta *tom. 1. cap. 18. sermo per totum.* An autem dicenda sit hæc potestas immediate pendens à Papa ita ut Capitulum Generale solum designet personam, an verò immediate ab ipso Capitulo, probabilius videtur dicendum regulariter loquendo hanc potestatem immediate esse à Capitulis generalibus, quæ illam à Papa acceperunt. Ratio est, quia regulariter loquendo Capitula generalia superiora sunt Generalibus, cum Generales à Capitulis eligantur, & deonantur, & decretis ipsorum obedire teneantur, imò possit eorum auctoritas ab ipsis restringi, & limitari, ergo medijs ipsis Capitulis hæc auctoritas à Papa communicatur Generalibus. Idemque suadetur ex differentia quæ est inter Papam, & Concilium generale ex vna parte, ac Generalem, & Capitulum.

Capitulum Generale. ex alia, quod Papa. est supra Concilium Generale, & ita ab ipso nihil accipit, sed solum immediatè à Christo, Generalis autem est subditus Capituli, & ita ab ipso potest immediatè auctoritatem recipere. Suárez 4. tom. de Relig. tract. 10. lib. 10. cap. 4.

13 Habent etiam prædicti Generales auctoritatem officia, seu etiam beneficia Religionum, iuxta earum tamen statuta, & leges providendi. In quo id maximè notandum iuxta communem sententiam, teneri prædictos eligere ad præfata officia, seu beneficia digniores, & meliores attentis circumstantijs. Tum propter dicta tom. 1. cap. 15. à num. 12. tum etiam quia cum sint dispensatores, & non domini bonorum Religionum tenentur de ipsis disponere, prout melius, & utilius eisdem Religionibus fore iudicaverint, alias iniqui dispensatores erunt, & contra iustitiam graviter peccabunt. Rebellus p. 1. lib. 3. q. 4. concl. 5. Turrianus tom. 2. in 2.2. disp. 22. dub. 4. num. 1. Portellus in Dub. Regul. verb. electio num. 6. Electio autem digni, relicto digniori bona solum est in foro externo quoad homines, non in interno, & quoad Deum, iuxta dicta 10 cap. 15. num. 12. Diana tract. 15. resol. 61.

14 Quamvis leges, aut Constitutiones perpetuo duraturas condere pro Ordinibus non competat iure communi Generalibus, iuxta dicta tom. 1. cap. 18. num. 90. iure tamen particulari Religionum id habent aliqui illorum, iuxta ibidem dicta de Generali Carmelitarum, quod etiam de Generali Patrum Iesuitarum affirmat Suárez 4. tom. de Relig. tract. 10. lib. 10. cap. 14. num. 14. Possunt etiam condere Decreta, seu Statuta duratura tempore Generalatus. Cum id pertineat ad munus Prælatorum quod gerunt, & ad obedientiam à subditis illis promissam. Suárez 4. tom. de Relig. tract. 8. lib. 2. cap. 8. num. 4. Insuper possunt iure communi leges, & Constitutiones Ordinis, & Capitulorum generalium, ac dubia circa ipsas interpretari, & declarare. Quia hoc etiam spectat, & est necessarium ad eorum munus pro bono Ordinum regimine. Portellus in Dub. Regul. verb. Generalis Ordinis.

15 Sunt qui credant Generales Ordinum mortaliter peccantes teneri in confessione explicare hanc circumstantiam Generalatus. Eo quod ipsi præcipuè sint quasi Episcopi, qui cum ratione status specialiter vitæ perfectionem sequi teneantur, tenentur Episcopatus circumstantiam in omni peccato mortali confiteri. Fagundez præcept. 2. lib. 4. cap. 3. num. 8. Nugnus in add. ad 3. p. tom. 2. q. 9. art. 2. dub. 3. concl. 2. & 3. Hoc tamen solum verum puto in peccatis publicis, propter circumstantiam scandalii,

scandali, & obligationem quam prædicti Episcopi, & Generales habent pascendi subditos verbo, & exemplo. Filliucci in *tract. 30. tom. 2. cap. 7. num. 125.* Diana post alios, quos refert, in *tract. de circumstant. aggravantib. resol. 6.* Idem respectuè, & suo modo dicendum est de alijs Prælatiis, propter eandem, vel similem rationem.

16. Commissarij Generales Ordinum regulariter loquendo solum habent auctoritatem delegatam circa ea quæ illis committuntur, cum solum illam habeant per delegationem, vel nominationem factam à Generalibus, iuxta dicta supra. Quando autem Commissarij fuerint tales per electionem, Constitutionem, aut iura Ordinum, ut contingit in Ordine Minorum, qui auctoritate Apostolica quando Generalis est ex familia cismontana eligunt ex ultramontanis unum in Commissarium, vel è contra quando Generalis ultramontanus eligunt ipsum ex Cismontanis, tunc tales habebunt auctoritatem Ordinariam, iuxta dicta etiam supra. Hinc priores amoveri possunt à Generalibus, cum ipsorum auctoritas ab illis pendeat in esse, fieri, & conservari. Posteriores verò non nisi ex culpa, quia ipsa non existente, iniuria illis fiet si spolientur à Generali Commissariatu, quem iure Ordinis, vel per electionem possident. Similiter priores non possunt subdelegare, cum habentes iurisdictionem delegatam subdelegare non possint. Nisi quando in commissione id eis committeretur, quia tunc nomine Generalis subdelegarent, vel ipsi essent Delegati ad vniuersitatem causarum, & non pro causa aliqua determinata; quia Delegatus ad vniuersitatem causarum subdelegare potest, ut tradunt Glossa in *cap. cum causam de appellat.* Silvester verbo *delegat. num. 12.* Rodrig. *tom. 1. quest. Regular. q. 51. art. 3. & 4.* Posteriores verò, cum sint verè Ordinarij suam auctoritatem delegare possunt.

17. Pari etiam modo de Vicarijs Generalibus philosophandum est, si enim solum per nominationem à Generali factam, solum habebunt iurisdictionem delegatam amouibilem à Generalibus, nec poterunt illam subdelegare nisi in casibus assignatis pro Commissarijs, si autem iure Ordinis, vel electione facti fuerint, ut contingit in Vicario Generali Congregationis Mantuanæ Ordinis nostri, tales iurisdictionem habent Ordinariam, alijs subdelegabilem, nec amouibilem nisi propter culpas, iuxta dicta de Commissarijs.

18. Prædictorum autem Commissariorum, seu Vicariorum Generalium auctoritas, quando ipsi iurisdictionem ordinariam habent non expirat morte Generalis. Ordinaria enim iurisdic-
Li non

non expirat morte siue concedentis, siue alius cuiusquam. Quando tamen isti solum delegatam iurisdictionem habent, expirat morte Generalis concedentis. Rodriguez post alios *to. 1. quest. Regular. q. 9. art. 1.* Portellus *in dubijs Regularibus verbo Generalis*. Subiungens quod si Visitatores inceperunt suum munus exercere debent illud finire etiam Generali mortuo. Hoc tamen potius videtur ius particulare Ordinis Minorum quam commune.

19 De Visitatoribus Generalibus inferius dicetur loquendo de Visitatoribus Provincialibus.

20 Generalibus proximè accedere videntur ij qui ipsis assistunt pro regimine Religionum, varijs nominibus nuncupati, videlicet, Assistentes, Consiliarij, Diffinitores, Socij, &c. eumque quibus prædicti Generales grauiores Religionis causas decidere debent. Et quamuis eorum auctoritas iuxta Religionum diuersitatem diuersa etiam sit, aliqua tamen, quæ magis communia videntur tangemus.

21 Eorum ergo quidam cum Generalibus in prædictis causis habent votum decisiuum, alij verò solum consultiuum. Assistentes enim Patrum Societatis solum votum consultiuum habent (nisi casu aliquo.) Suarez *tom. 4. de Relig. tract. 10. lib. 10. cap. 1. num. 6.* Alij verò etiam decisiuum, vt nostrorum PP. Discalceatorum Diffinitores ex Bulla *Pastoralis officij* Clement. VIII. anno 1593. quæ habetur inter privilegia ipsorum, & 3. to. Bullar. inter Bullas huius Pontif. foli. mihi 32. Habere votum consultiuum cum Generali, est quod tota rei decisio, & iudicium à Generali fiat, consultis tamen, & auditis assistentibus, habere autem votum decisiuum, quod rei decisio pendeat etiam à sententia, & assensu Assistentium. Assistentes porro, siue consultiuum, siue decisiuum suffragium habentes non sunt dicendi assessores, quia assessorum munus solum est assistere Iudici ipsum instruendo pro decisione causæ, hi autem assistentes non instruunt Iudicem, sed vel cum ipso causam decidunt, vel consilium præbent pro decisione.

22 Hi Assistentes, Diffinitores, vel Socij, si voce tenus suffragium, vel consilium præbeant, licet vsus Religionis obseruari debeat, conuenientius est, vt à minoribus, seu iunioribus incipiat, quemadmodum fit in multis Tribunalibus, nam maioribus, vel senioribus incipientibus, periculum est, vt illorum auctoritate minores moti loquantur, non secundum propriam sententiam, sed iuxta maiorum, & seniorum placitum. Rodriguez *tom. 2. quest. Regul. q. 45. art. 3.* Portellus *in Dubijs Regul.*

Regul. verb. Diffinitores, seu Consiliarij num. 1. Tenentur detegere Prædici, seu Generali defectus publicos, si eos ignoret, eorum qui proponuntur ad dignitates, & officia Ordinum, ne indigni admittantur. Bonum enim publicum Religionis id requirit. D. Thom. 2. 2. q. 69. art. 2. Palud. in 4. d. 29. q. ult. Imò etiam defectus occultos non emendatos. Quia bonum publicum Religionis præponderare debet bono priuato famæ Religiosi. Quod intellige quando aliter obuiari non posset illius defectuosi electio, & talis defectus nocuius esset communitati. Ludouicus Beia in respons. moral. par. 3. casu 38. Portellus in Dub. Regular. verb. Diffinitores, seu Consiliarij num. 2. & 3. Licet autem non teneantur subscribere nisi propriæ sententiæ, quando tamen maior pars illorum aliquid decreuit, possunt, & debent ij, qui dissenserunt cum illis subscribere. Tum ne pax Religiosa turbetur, tum quia humilitas præscribit, ut eo casu vnus alij se submittat, tum quia quod maior pars decernit, à toto corpore dicitur decisum, ac per consequens omnes tunc debent subscribere. Rodriguez tom. 2. quæst. Regul. q. 45. art. 10. Portellus in Dub. Regular. verbo Diffinitores, seu Consiliarij num. 4. Reuelantes secreta Diffinitorij contra præceptum Prædis, & etiam præcepto non existente, cum res ipsa id postulat, grauiter puniendi. Quia peccant contra bonum commune Ordinis. Rodrig. to. 2. quæst. Regul. q. 36. ar. 3.

23 In Religionibus vbi hi Assistentes, Diffinitores, Consiliarij, vel Socij habent votum decisuum ad res graues decidendas non possunt Generales sententiam aliquam grauem contra delinquentes Regulares ferre sine consensu illorum, & sententia ab eis lata sine maioris partis consensu nullius est valoris, & momenti. Sunt enim prædicti Assistentes coniudices cum Generali in prædictis causis grauib, & ita sine ipsis nihil sit. Rodriguez tom. 2. quæst. Regular. q. 45. art. 2. In Religionibus autem vbi prædicti solum habent votum consultiuum licet peccent Generales sine illorum consilio graui aliqua decernentes, quia operantur contra finem intentum ab illis Religionibus in institutione talium Assistentium, reuera tamen sententia illorum valida erit, quia non petitio consilij non videtur esse contra formam substantialem sententiæ. Rodriguez ut supra. Consultenda nihilominus sunt particularia iura Religionum, quæ si non fuerint, prædicta obseruanda sunt.

24 Tenentur prædicti Assistentes, &c. iuxta eorum conscientiam respondere, alias infideles erunt muneri quod gerunt, etiamsi existiment Generales velle eos consentaneè ipsorum

voluntati assentiri, aut tacere, aut nihil effecturos suam sententiam proferendo, vel solum ceremoniæ causa interrogari; propter eamdem rationem. *Rodriguez tom. 2. quasi Regular. q. 45. art. 4. & 6.* Si iungit teneri tacere, si eis à Generalibus ita præcipiatur. Sed hoc est verum in dubijs, & probabilibus, tunc enim præcepto Superiorum standum. Quando tamen certum, & evidens fuerit illos posse, & debere circa rem propositam suum sensum aperire, tunc non tenentur Superiorum præcepto stare, quia tale præceptum iniquum est, & non obligat, iuxta dicta *tom. 1. cap. 4. à num. 2.* Si verò Generalis diceret se habere iustas causas ad aliquid faciendum, vel illis silentium imponendum, cum res sit dubia, & incomperta credendum illi est.

25 Procuratoris Generalis munus magnæ præminentie est in Religionibus, Mendicantibus præsertim, in quibus ad eum pertinet orare in Capella Domini Papæ, & eidem Capellæ debito tempore interesse, quasi totius Ordinis, vel Generalis personam representando, *Rodrig. tom. 1. quasi Regular. q. 53. art. 2.* Instituitur, vel per electionem, vel per nominationem à Generalibus factam. Aliquando habet adiunctum munus Prælatiæ, vel Superioritatis respectu aliquorum, hospitem scilicet, vel aliorum, & tales nominari possunt inter dignitates, quia ut diximus in principio huius capituli, dignitas est administratio cum iurisdictione, quando autem tale munus Prælatiæ, vel Superioritatis non habuerit, ut contingit in Ordine nostro; munus Procuratoris Generalis erit solum personatus, non dignitas, iuxta dicta ibidem. An illegitimi possint hoc munus subire inferius dicemus.

26 Prouinciales sunt Præfati Prouinciæ Religionum habentes in illis supremam iurisdictionem, & potestatem iuxta Regulam, & Constitutionum statuta. Eorum munus dignitas appellanda est, cum sit administratio cum iurisdictione, iuxta dicta supra *num. 2.* Fiunt, vel per electionem Prouinciæ, ut in nostra, & alijs pluribus Religionibus, vel per nominationem à Generali, ut in Societate Iesu, qui posterior modus instituendi illos commodior satis est ad euitanda incommoda, quæ ambitio parturire solet. *Suarez 4. tom. de Relig. tract. 10. lib. 10. cap. 3.* Quomodocumque autem fiant, scilicet, vel per electionem, vel per nominationem à supremo Prælato Ordinis habent iurisdictionem ordinariam, & non tantum delegatam. Quia sunt Ordinarii Pastores, & veri Prælati Prouinciæ, & Regularium in eis existentium. *Suarez 4. tom. de Relig. tract. 10. lib. 10. cap. 5.* Habent iurisdictionem quasi Episcopalem in subditos, iuxta dicta *tom. 1. cap. 18. num. 2. S. Thom. 2. 2. q. 33. art. 7.* Portellus in

Dub.

Dub. Regular. verbo Prælati iurisdictione. Imò assimilantur Archiepiscopis, iuxta dicta supra num. 8. cum habeant sub se Superiores immediatos Conuentuum qui habent etiam quasi Episcopalem iurisdictionem. Rodriguez tom. 1. *quæst. Regular. q. 12. art. 5.* Possunt suam auctoritatem delegare iuxta instituta tamen suorum Ordinum, omnis enim qui habet iurisdictionem Ordinariam eam delegare potest, cum eo ipso quod habeat illam ordinariam, habeat ut propriam, ac per consequens alijs eam dare possit. Portellus in *Dub. Regul. verbo Prælati potestas in addit. num. 6.*

27 De Commissarijs, seu Vicarijs Prouincialibus eodem modo philosophandum est respectuè, ac de Commissarijs, & Vicarijs Generalibus, de quibus supra.

28 Circa Visitatores tam Generales, illos scilicet qui ad visitandas Prouincias veniunt, quam Prouinciales, eos videlicet qui intra eandem Prouinciā Conuentus visitant, dicendum est eos esse Iudices Ordinarios, vel Delegatos, amouibiles, vel inamouibiles censendos, iuxta dicta de Commissarijs, & Vicarijs Generalibus, & Prouincialibus. Similiter de eorum auctoritate, an sit vel non sit delegabilis, expiret, vel non expiret morte concedentis, eodem modo, ac de prædictis Commissarijs, & Vicarijs philosophandum, cum re ipsa Visitatores isti Commissarij quidam, & Vicarij sint. Addendum quod tempore actualis Visitationis, stando in iure communi, & præscindendo à particularibus statutis Religionum, totum regimen externum contentiosum Prouinciæ, vel Conuentus pertinet ad Visitatorem, non ad Prouincialem, aut Prælatum Conuentus. Ratio est, quia Visitatori committuntur omnes causæ, & lites Prouinciæ, vel Conuentus, ergo pro illo tempore non pertinent ad Superiorem prædictæ Prouinciæ, vel Conuentus, alias esset inordinata confusio inter Religiosos dū vnus vni, Prouinciali scilicet, vel Priori, obedire veller, alius Visitatori. Portel. in *Dub. Regul. verb. Prouincialis in addit. ad addit.* Pro quo notandum, duplicem esse iurisdictionem, aliam contentiosam, aliam voluntariam, contentiosa est, quæ inter contradictores, actorem scilicet, & reum exercetur: voluntaria est quæ exercetur in volentes, & non contententes cum aliquo. Exemplum prioris est. facere processus, examinare testes, proferre sententiam, &c. Posterioris autem, absolutio Sacramentalis, dispensatio voti, irregularitatis, &c. Dico ergo, tempore actualis Visitationis possunt Prouinciales, vel Priores, quorum Prouincia, vel Conuentus visitantur exercere actus iurisdictionis voluntariæ, non autem contentiosæ.

Ratio

Ratio primæ partis est, non solum quia per visitationem non priuantur Prouincialis, aut Prior, v. g. suis officijs, cum adhuc manent Prouincialis, & Prior, & habeant sigilla illorum, sed etiam, quia per exercitium talis iurisdictionis voluntariæ non impeditur, aut turbatur officium Visitatoris, potest ergo illam exercere. Ratio verò secundæ, quia alias iniuria fieret Visitatori intromittendo se in pertinentibus ad ipsius officium, quod est vt diximus, causas, & lites iudicare. Vide Sanchez *lib. 3. de Matrimonio disp. 8.* Portellum *in Dub. Regular. verb. Prouincialis in additione ad additionem.*

29 Hinc possunt Prelati prædicti tempore quo Prouinciæ, vel Conuentus ipsorum à Visitatoribus visitantur absoluerè apostatas, vel excommunicatos etiam in foro externo, dummodo non sit hoc in causa litigiosa, quia per hoc non fiet iniuria Visitatori. Non tamen poterunt facere aliqua quibus impediatur Visitatoris auctoritas, videlicet transferre, vel mutare aliquem Fratrem de vno loco ad alium, ne ad sit visitationi, aut ne profereat testimonium, &c. Portellus *vt supra.*

30 Auctoritas horum Visitorum pendet maximè ex litteris patentibus Commissionis, si enim in illis sit restricta, & limitata non possunt ultra illam aliquid agere, si autem sit cum plenâ potestate poterunt facere quidquid iure, vel consuetudine Religionis receptum est. Vnde facere non poterunt etiam posita prædicta clausula plenitudinis potestatis, ea, quæ vel iure, vel consuetudine Ordinum solis Generalibus, vel Prouincialibus personaliter competunt. Hæc enim cum sint speciali nota digna in concessione generali non veniunt, iuxta communem iuris regulam inter regulas iuris *num. 81.* Vnde nec poterunt facere quæ ad solum Generale, vel Prouinciale Capitulum spectant, propter easdem rationes. Rodriguez *tom. 1. quest. Regul. q. 54. ar. 1. & 4.*

31 Cum mittuntur ad visitandam totam vnâ Prouinciâ, cum plenitudine potestatis, possunt subdelegare, quia etsi sint Delegati, cum tamen sint Delegati ad vniuersitatem causarum maximè cum plenitudine potestatis, videtur ipsis concessa potestas ad subdelegandum, iuxta dicta *supra.* Rodriguez *to. 2. quest. Regul. q. 4. art. 3.* Subiungens id non procedere quando committitur facultas, vt personaliter visitent aliquod Monasterium. Tunc enim videtur electa industria personæ, ac perinde eorum auctoritas alijs delegari non potest. Felinus *in c. quoniam §. is autem de offic. delegati.*

32 Rebellantes in Visitatores, aut illis contradicentes, ipso iure

ire sunt excommunicati in Ordine Minorum, excommunicatione Papæ reservata, & privati officiis quæ actu habent, voce actiua, & passiva, & inhabiles ad officia, &c. prout ordinavit Gregorius XI. *Rodriguez tom. 1. quest. Regul. q. 54. art. 4.* Quo privilegio etiam frui possunt aliæ Religionēs communicantes cum Minoribus in privilegijs. Non tamen incident in prædictas pœnas qui Visitatoribus contradixerint in ijs, in quibus excedunt auctoritatem quam habent. *Rodrig. ut supra ar. 4.*

33. Gesta à Visitatoribus rescindi, mutari, aut alterari non possunt ab inferioribus finita visitatione, nam licet potestas eorum extinguatur tempore visitationis completo, durat tamen auctoritas eorum à quibus missi, & quorum virtute sunt facta. Unde saltem ijs perseverantibus in officijs suis, gesta à Visitatoribus debent permanere. *Rodriguez to. 1. quest. Regul. q. 54. ar. 4.* asserens ad hoc Bullam Gregorij XI. pro Minoribus. Non tamen debent perpetuò durare, nisi ipsi, vel ij à quibus missi sunt potestatem haberent condendi leges, quia tunc decreta, & gesta ab ipsis vim legis habere possent, & per consequens perpetuò durare.

34. Non debent prædicti Visitatores formare processus, seu quærelas contra Prælatos pro rebus minimis. Alias auctoritas Prælatorum valde minueretur, & contemneretur. *Portellus in Dub. Regular. verbo Provincialis in addit. ad addit. num. 7.* In Religionibus autem arctioribus de leuioribus culpis potest formari processus, quia si in talibus Religionibus hæc culpæ dissimularentur, perfectus rigor, & observantia illarum paulatim decideret. *Portellus ibid.* Nec etiam debent prædicti Prælati puniri propter culpas sine dolo, aut malitia commissas, ne fiat odiosum, & contemptibile munus Prælatorum. *Rodrig. in addit. ad Summ. verb. delictos cap. 103.* *Portellus ut supra num. 7.*

35. Quando autem debeant procedere via inquisitionis generalis, aut specialis, & de alijs observandis à Iudice Regulari in Regularium causis. Vide dicta *tom. 1. cap. 27.*

36. De Assistentibus, Diffinitoribus, Consiliarijs, seu Socijs Provincialium videtur eodem modo philosophandum respectuè, ac de Assistentibus, Diffinitoribus, Consiliarijs, seu Socijs Generalium de quibus supra diximus à num. 20. Vide dicta eo numero, & sequentibus.

37. Superiores immediati Conuentuum, vel Monasteriorum qui Abbates, Priores, Guardiani, Rectores, vel similibus nominibus nominantur sunt vere Prælati. Angelus, & Silvester *verb. Prælati. Suarez 4. tom. de Relig. tract. 8. lib. 2. cap. 2. nu. 2.* Habent iuris.

iurisdictionem quasi Episcopalem, iuxta dicta *tom. 1. cap. 18. num. 2.* de quo etiam Suarez relatus *præd. cap. 2. num. 9.* Forum munus dignitas appellari potest, cum sit administratio cum iurisdictione, iuxta dicta in hoc capite num. 2. Angelus *tit. delegatus §. 3.* Habent iurisdictionem ordinariam delegabilem, iuxta dicta *num. 9.* Eo quod habeant iurisdictionem ex officio, seu lege Canonica. Nauarrus *in cap. non dicatis num. 95.* Portellus *in Dub. Regular verbo Prælati potestas in addit. num. 2.* Vnde quando siue in Regulis, siue in Constitutionibus Ordinum, siue in Bullis, aut Priuilegijs Summorum Pontificum nominantur indistinctè Prælati, etiam illi intelliguntur. Portellus *in Dub. Regul. verbo Guardianus num. 1.* Requiritur ad minus ætas 25. annorum pro illis: etenim ex Concilio Trident. *sess. 24. cap. 12.* nemo ad dignitates quascumque quibus animarum cura subest promoueri debet nisi qui saltem prædictum 25. annum attigerit. Colligitur etiam ex eo quod debent esse Sacerdotes qui etiam talem ætatem exigunt. Rodriguez *tom. 1. quæst. Regul. q. 15. ar. 2.* Circa potestatem quam illi habent absoluendi etiam à casibus reservatis, dispensandi, irritandi vota, &c. Vide dicta *tom. 1. cap. 18.* Maximè quam habent isti Prælati immediati Dominicanorum, & aliorum Ordinum qui cum ipsis communicant in priuilegijs ex Pio v. Possunt enim circa suos subditos per seipsos omnem auctoritatem exercere quam Episcopi habent à Concilio erga suos, quantum ad absoluendi, & dispensandi facultatem, vt diximus præd. *c. 18. n. 31.* Cū autem ex Conc. Trid. *sess. 24. c. 6.* concedatur Episcopis facultas dispensandi in irregularitatibus, & suspensionibus ex delicto occulto prouenientibus poterunt prædicti Prælati uti hac facultate, quæ vere magna est, per seipsos tamen solos, & in casibus occultis, vt diximus dicto *cap. 18. num. 31.* Vide Portellum *in dub. Regul. verb. Abbas num. 6. & in additionibus num. 3.* Possunt etiam seipsos licentiaré, seu uti omnibus illis licentijs, seu quasi dispensationibus, quas possunt concedere subditis, non enim sunt peioris conditionis illis. Miranda *to. 2. Manual. Prælat. q. 19 art. 7.* ex Corduba, Caietano, & Sanchez *lib. 8. de Matrim. disp. 3. concl. 4.* Portellus *in Dub. Regul. verb. Abbas nu. 9.*

38 Possunt præfici Conuentibus Regularibus, Papæ auctoritate intercedente, etiam Clerici saculares ob Summam Pontificis auctoritatem. Id tamen prohibitum est fieri à Conc. Trid. *sess. 25. c. 21.* & merito sane, non solum quia alias iniuria quodammodo fieret Religiosis, sed etiam quia vix possent talia Monasteria prudenter & pacifice gubernari. Rodrig. *to. 2. q. Regul. q. 52. ar. 7. & 9.*

39 Inter Superiores immediatos Conuentuum iure veniunt connume-

connumerandi ij qui Vicarij Conuentuum, & Vicarij in Capite appellari solent, illi scilicet, qui in Conuentibus ipsis non habent Superiorem. Sunt enim vere Prælati, *vt tom. 1. cap. 18. n. 3.* diximus. Rodriguez *tom. 1. quæst. Regul. q. 12. ar. 6.* Vnde etiam sunt dicendi habere dignitatem Ecclesiasticam. Rodrig. *ibid.* Cum autem sint vere Prælati omnia illa poterunt facere, quæ alij Prælati immediati Conuentus, Priores, Abbates, Guardiani, &c. nuncupati facere possunt. Portellus *in Dub. Regul. verbo Vicarius in capite.*

40 Illi autem Vicarij Conuentuum qui in ipsis Conuentibus Superiorem agnoscunt, qui inter nostros Carmelitas Supprieores vocantur, non sunt vere Prælati, sed solum instituti vt Prælatos adiuvant in eorum munere, vt diximus dicto *cap. 18. num. 3.* Vnde nec sunt dicendi habere dignitatem Ecclesiasticam, cum nullam habeant iurisdictionem, nec possint facere quæ alij Prælati Ordinis facere possunt. Dubitari tamen potest an huiusmodi Vicariatus, vel Supprioratus dicendi sint personatus, an verò officia, seu administrationes, & quia hoc valde pendet ex diuersis statutis Religionum, dicendum mihi videtur, quod si tales iuxta suarum Religionum statuta præter administrationem qua funguntur habeant aliquam præminentiam, vel præcedentiam ultra eam, quæ ipsis competit ratione suæ professionis, dicendi erunt personatus, vt enim vidimus supra *num. 2.* personatus est præminentia, seu præcedentia sine iurisdictione. Si autem non habeant illam, eorum munus dici debet officium, seu administratio, propter ibidem dicta. Credo tamen prædictos in Ordine nostro dicendos esse personatus, quia scilicet habent præminentiam, seu præcedentiã sine iurisdictione, præcedunt enim omnes simplices Sacerdotes etiam ipsis in Ordine antiquiores, regunt Monasteria Priore extra Conuentum in Ciuitate, vel Oppido existente, & iure Ordinis tempore Capituli Prouincialis, si non eligantur pro Socijs, manent Vicarij Conuentuum. Quæ omnia præminentiam denotant.

41 Circa ea autem, quæ possunt facere isti Vicarij Conuentuum, vel Supprieores tempore absentię à Conuentibus Priorum, Guardianorum, &c. quando scilicet sunt in Ciuitate, vel Oppidis, licet in hoc attendendum sit ad particularia statuta, & consuetudines Religionum, mihi videtur dicendum saluo doctorum iudicio, posse ea facere in casibus occurrentibus quæ ipsi Priores, Guardiani, &c. si essent præsentibus facere possent. Ratio mihi est, quia eo tempore prædicti Præsidentes Monasteriorum, vel sunt Prælati, vel quasi Prælati, vel gerentes munus

Mm

Prælati,

Prælati, non enim pro tempore illo Monasteria siq̃e capite sunt, ergo omnia quæ facere possent Prælati facere possunt ipsi. V. de Sixtus 1v. in Bulla *Dum attenta*, quæ est Mare magnum Ordinis nostri dum facultatem concedit absoluedi venientes ad Ordinem à censuris ipsam tribuit §. 6. Generalibus, Prouincialibus, & Prioribus, ac vices eorum gerentibus, & similis concessio quoad absolutionem Fratrum à censuris reperitur in Marimagno Prædicatorum pro Prioribus, & vices eorum gerentibus in Conuentibus, vt habet Casarubius in *Compend. priuileg. Mendicant. verb. absolut. Ordinar. quoad Fratres §. aduertendum*. Ex hoc autem videtur sequi supponere Pontifices huiusmodi Vices gerentes Prælatorum Conuentuum in eorum absentia auctoritate Prælatorum fulgere. Sed vt dixi, obseruandæ sunt Constitutiones, & consuetudines Religionum.

42 Pro graduatis Religiosis, Magistris, Baccalaureis, vel similibus dicendum falsò asseruisse Rebuffum *tit. dispens. cum irregular. num. 27.* titulum doctoratus in Theologia, vel iure Canonico non debere tribui Religiosis, contrarium enim praxi, & vsu Ecclesiæ, & plurium Religionum constat. Rodriguez *to. 2. quest. Regular. q. 74. art. 1.* Pro quo extant priuilegia Bonifac. 1x. & Innoc. viii. pro Prædicatoribus. Rodriguez *ibid.* Tenentur sequi Chorum non obstante quocumque priuilegio eis concess. fo, iuxta dicta *tom. 1. cap. 18. num. 70. & cap. 10. num. 20.* Non possunt vti aliquo gradus sui priuilegio nisi actu legant, vel prædicent, propter decretum Clementis viii. & SS. D. N. Urbani, de quo *tom. 1. cap. 8. num. 25.* Vbi etiam quid intelligatur per actu legere. Ex quo videtur dicendum quod. Magistri in Religionibus non possunt habere vocem actiuam, vel passiuam in Capitulis nisi actu legant, vel prædicent, habere enim talem vocem est priuilegium quoddam, non ius commune, cum non sint Prælati. Excusari tamen poterunt à legendo, vel prædicando si valde senes, infirmi, vel impediti sint, iuxta dicta eodem *cap. 10. num. 20.* Similiter illud actu legere, vel prædicare trahi potest ad similes casus quales sunt libros edere, casus conscientia resolueri, & similia. Dictio enim taxatiua in decretis non excludit casus similes, vel vrgentiores, vt diximus *to. 1. cap. 25. nu. 20.* Maximè cum intentum Pontificum in illo decreto videatur esse quod Magistri, & graduati Religionum exerceantur semper in aliquo litterario exercitio si volunt vti graduum suorum priuilegijs. Notandum præterea id quod dicto *c. 8. n. 25.* videlicet ineptos, & idiotas peccare mortaliter gradus prædictos petentes, aut retinentes. Contrarij enim sunt intentioni Ecclesiæ, & Religio-

Religionum in huiusmodi gradu institutione, quæ est ut illi declarant, & defendant mysteria fidei contra infideles, & dubijs inter fideles emergentes satisfacere possint, quod nequeunt facere prædicti inhabiles. Silvester *verb. Doctor. q. 4.* Emanuel Sa. in *Summ. verbo docere num. 2.* Sanchez *to. 1. consil. moral. lib. 2. c. 2. dub. 57.*

43 Procuratoris munus officium est, non dignitas, aut personatus, cum meram administrationem sine iurisdictione, aut præminencia importet, in quo ratio officij consistit, ut supra, num. 2. & 7. diximus. Ad Procuratorem spectat solum bonorum, ac reddituum Monasteriorum exigendorum cura. Unde ipse pecunias, aut res collectas conseruare, aut expendere non potest. Sic enim statuit Clement. viii. in decretis *pro reformat. Regular.* quæ habentur inter Bullas huius Pontificis 3. to. Bullar. num. 60. & postea confirmata sunt à S. Congregatione Concilij iussu SS. D. N. Urbani in decreto de Regularibus Apostatis, & eiectionis ubi sic habetur. *Nullus ex Superioribus locorum administrationem bonorum, aut aliarum rerum, dispensationemq. pecuniarum, & reddituum sui Conuentus, etiam nomine Conuentus, per se ipsum habere siue exercere possit, sed vniuersum id onus tribus Fratribus eiusdem Conuentus à Generali ita demandetur, ut vnus rerum, & bonorum reddituumque colligendorum, ac exigendorum curam habeat, alter tanquam Depositarius pecunias, ac cætera ab illo collecta, & exacta fideliter asseruet; alius de pecunijs, & rebus à Depositario acceptis, Priori, & Fratribus, ac Conuentui vniuerso de necessarijs, mandante tamen ipso Priore, non secundum proprium affectum, sed iuxta charitatis Regulam veluti bonus dispensator provideat, officiorum huiusmodi confusione penitus interdicta.* Ex quo habetur nullum ex Superioribus locorum posse exercere munus Procuratoris, aut habere per se ipsum administrationem bonorum Monasterij, quia hoc spectat ad ipsum Procuratorem. In Ordine autem Minorum non possunt Fratres esse Procuratores Monialium suarum. Id enim est illis prohibitum. Portellus in *Dub. Regul. verb. Procurator Monialium.*

44 Huiusmodi autem administratores bonorum Monasteriorum amoueri possunt ad nutum Superiorum. Tum ex Concil. sess. 25. cap. 2. tum ex declarat. S. Congregat. apud Barbosa in *Collectan. Bullar. verb. officiales.* Illorum electio spectat ad Superiores Monasterij, etiam in casu, quo Monasterium subiectum sit Episcopo. Sic colligo ex declaratione S. Congregat. apud Lauretium de Franchis in *Controuers. Episc. & Regul. pag. mibi 164.*

45 Sacristæ munus (quod etiā officium dici debet, non dignitas aut personatus, cum non importet iurisdictionem, aut præminentiam) consistit in attendendo rebus pertinentibus ad cultum diuinum, & celebrationem Missarum iuxta varias Ordinum Regularium Constitutiones. Videtur ad ipsum spectare, vt decreta S. Congregationis Rituum edita die 8. Aprilis 1628. de quibus *tom. 1. cap. 12. num. 33. & cap. 21. num. 21.* diximus, affixa habeantur, & conseruentur in Sacristia, præcipitur enim à S. Congregatione ibidem, vt affigantur in Sacristijs omnium Ecclesiarum, tam Regularium, quam sæcularium, ibique perpetuo affixa asseruentur. Adiuncta sunt postea prædicta decreta Missali, ac Breuiario Romano, quo sufficienter adimpleta videtur intentio S. Congregat. respectu talibus Missali, & Breuiario vtentium, non tamen respectu illarum Religionum, seu Ecclesiarum, quæ proprijs Breuarijs, & Missalibus vtuntur, vt sunt Carmelitæ, & ita istis videtur necessarium prædicta decreta in Sacristijs perpetuo conseruare. Præcipitur etiam à Pio v. in Bulla *Cum primum* anno 1566. edita quæ est in 2. tom. Bullar. *num. 5.* vt vidimus *tom. 1. cap. 10. num. 6.* in virtute S. Obedientiæ Religiosis (quod spectare videtur ad Sacristas) vt in Ecclesijs deputent aliquem qui pauperes mendicantes siue eleemosynam petentes tempore Missarum, prædicationum, aliorumque diuinorum Officiorum foras eijciant. Peirinis *to. 1. priuileg. Minim. in Const. 4. Iulij 11. §. 1. num. 2.*

46 Habent Sacristæ Conuersi professi facultatem tangendi Calices, Patenas, & Purificatoria in necessitate à Sixto iv. vt refert Confettiùs in Collectan. litterar. Apostol. Mendic. in Sixto iv. *num. 9.* id priuilegium concedente Fratribus Augustinianis Prouincie Lombardie pro tempore quo Sacristiæ gerunt curam. Vide dicta *cap. 8. num. 33. & 34.*

47 Magistri Nouitiorum officium (neque enim dignitas, aut personatus appellari potest propter dicta in Superioribus) valde necessarium in Religionibus est propter nouitiorum instructionem, & educationem iuxta decreta Clem. vii. approbata, & confirmata à S. Congregat. Concil. sub SS. D. N. Papa Urbano. Debet talis Magister Nouitiorum habere Socium, & cum ipis in Nouitiatu commorari. Nouitios instruere, docere, & curare, ne cum Nouitijs vllam alij Fratres communicationem habeant aut ad locum vbi sunt ingrediantur, loci clauem habere, eorum confessiones audire, ipsis semper assistere, & alia facere quæ in prædictis decretis continentur specialiter sequentia, quæ tam ad ipsum Magistrum Nouitiorum quam ad eius Socium spectant.

Nouitio-

Nouitiorum Magistro Socius si per Nouitiorum instruendorum multitudinem necessarius fuerit, vita, & moribus quoad fieri poterit consimilis deputetur, qui in his, quæ ad Nouitiatus regimen spectant dicto Magistro immediate subiectus existat, eliganturque tam Magister quam Socius, per Prouinciale Capitulum per triennium ad minus onus huiusmodi subituri. Quod si aliquo casu extra tempus capitulare noua loca Nouitiatus concedi contingat, tunc electionem Magistri Nouitiorum, & Socij huiusmodi in his nouis locis per Generalem, vel Prouincialem, seu Ministrum, aut eorum Visitatores, seu Vicarios, de Diffinitorum tamen, vel grauiorum aliorum Patrum consensu fieri permittatur; idemque seruetur, si intra triennium, alterum, vel vtrumque vrgenti aliqua de causa ex illis locis amoueri, vel mori contigerit, in cuius, vel quorum locum alij consimiles subrogari debeant. Tam Nouitiorum Magister quam Socius ab ijs omnibus officijs, oneribusque vacationem habeant, quæ Nouitiorum curam, & regimen impedire valeant. Ipse Magister Sacerdotali Ordine sit initiatus, ac in quinto saltem supra trigessimum ætatis suæ anno constitutus, & per decennium à professione emissa in Religione perstiterit. Socius verò trigessimum annum excedat, sintque ambo doctrina, & quantum per Superiorum diligentiam, & vires fieri poterit, vitæ etiam antea exemplo præstantes, orationis præterea, & mortificationis operibus additi, prudentia, charitateque refferri, non sine assiduitate graues, zelum Dei cum mansuetudine præferentes, ab omni cordis, ac animi perturbatione, ira præsertim, & indignatione quæ in se, & erga alios charitatem impedire consueuerunt, quam longissime alieni; & tales demum, qui in omnibus se ipsos bonorum operum exemplum præbeant, vt ij qui eorum curæ subsunt, illos non tam metuant, quam reuerantur. Nec illis vnquam detrudere quicquam possint. Habeat etiam Magister plenam, & absolutam potestatem circa Nouitiorum institutionem, ac Nouitiatus regimen, ita vt in illis nemini (Visitatoribus, ac Superioribus maioribus, vel etiam localibus exceptis) quouis colore se ingerere liceat. Curam adhibeat diligentem, vt Nouitij omnes in Regulari disciplina sedulo exerceantur, agnoscantque præcipue diuinæ qua digni facti sunt vocationis præstantiam, & excellentiam, quæ vera sit, atque perfecta vötorum sollemnium, & quam necessaria cuiusque Ordinis Constitutionum obseruantia, modum in Oratione, tum vocali, tum mentali fructuosè persistendi, illicitas passionés, & vitia, (ad quæ natura per peccatum labefactata omni tempore propa-

est atque proclius) per sensuum custodiam, & mortificationem cohibendi, austeritatem, ieiunia, cilicia, disciplinas, conscientie puritatem, crebram illius discussionem, Sacramentorum frequentiam, confessionis præsertim, quæ bis saltem singulis mensibus fiat per aperitionem quotidianam motuum interiorum cordis, & tentationum manifestationem, per exercitium humilitatis circa viliora ministeria, per modestiam in omnibus actionibus, diuturnamque silentium. Hæc ibi.

48 Circa illa tamen verba. *Habeat etiam Magister plenam, & absolutam potestatem circa Novitiorum institutionem, &c.* aduertendum hic non concedi ipsis potestatem aliquam iurisdictionis in foro externo, hæc enim solum competit veris Prælati. Vnde nec possunt censuras Novitijs imponere cum hoc sit actus iurisdictionis. Habent tamen in illos iurisdictionem in foro interno conscientie, cum iuxta prædicta decreta illorum confessiones audire debeant. Neque ad hoc munus Confessarii Novitiorum requiritur, ut puto, approbatio Ordinarii, aut Episcopi, sed sufficit approbatio Superioris Ordinis, sicut ad audiendas confessiones aliorum Religiosorum, iuxta dicta *tom. 1. cap. 18. nu. 27.* Cum enim Novitij tempore Novitiatus maneant sub cura, & iurisdictione Prælatorum Religionis, iuxta dicta eodem *tom. 1. cap. 24. num. 4 & 5.* sicut Prælati Religionum possunt concedere facultatem simplici Sacerdoti ad audiendas Confessiones Professorum, sic & Novitiorum. Nullatenus tamen admittendum est id quod aliqui (Portellus in *Dub. Regul. verb. Novitij annus num. 35.*) dicunt, videlicet, Magistrum Novitiorum negare posse suffragium Novitio indigno ob defectum solum cognitum in confessione. Hoc enim absdubie est contra reuerentiam, & sigillum Sacramenti, si enim semel admittatur uti posse confessarium scientia habita in confessione quantumvis occulte in damnum pœnitentis, retrahentur multi à confessione integra suorum peccatorum facienda. Vide in simili dicta *to. 1. cap. 15. nu. 14.*

49 Non possunt prædicti de quibus in præsentī capite loquuti sumus, siue Prælati, siue officia, vel administrationes in Religionibus habentes sint, excusari ignorantia in ijs, quæ spectant ad eorum officia rectè gerenda. Tenentur (inquit Rodriguez *tom. 2. quæst. Regular. q. 72. art. 2.*) in his quæ suam gubernationem, officium, & regimen, & administrationem respiciunt diligentissime se informare de omnibus decretis, & Constitutionibus, & reformationibus quæ in diem à Sede Apostolica manabunt, alioquin ignorantia non excusaret eos. Portellus in *Dub. Regul. verb. Prælati num. 17.*

Quod

Quod maximè procedit in foro externo, nam quoad internum, ratione tum humanæ infirmitatis, tum multitudinis legum, & Decretorum, ipsorumque confusione quandoque excusari poterunt. Portellus *ibid.*

50 Illegitimi non possunt habere sine dispensatione in Religionibus Prælatias, dignitates, aut personatus, aut beneficia curam animarum habentia. Ita enim habetur *cap. 1. & fin. de filijs Presbyterorum*. Etenim præd. *cap. 1.* est sermo de Prælatijs in *cap. autem finali* est sermo de dignitatibus, personatibus, & alijs beneficijs curam animarum habentibus. Vnde nec possunt esse Generales, Prouinciales, Priores, Guardiani, aut similes Superiores etiam locorum curam animarum habentes, quia ista sunt Prælatiæ, & dignitates à quibus arcentur in prædictis capitibus. Nec Commissarij, Vicarij, aut Visitatores Generales, vel Prouinciales, quia isti etiam sunt Prælati tempore quo durant, & esto non habeant aliqui illorum nisi iurisdictionem delegatam, ea tamen est Superior iurisdictione ordinaria Prouincialium, vel Prælatorum Conuentualium. Nec etiam possunt esse Procuratores Generales, Diffinitores, Assistentes, Socij, vel Consultores Generalium, vel Prouincialium, quia isti sunt personatus cum eorum munus importet præminentiam, seu præcedentiam sine iurisdictione. Item nec possunt esse Supplices saltem in Ordine nostro, aut Vicarij Conuentuum in illis Religionibus in quibus habent aliquam præminentiam, quia tunc erunt personatus, & etiamsi nullam habeant præminentiam, quando in absentia Prælatorum Conuentuum ipsi sunt præfidentes, quia hoc est esse Prælatos. Possunt tamen illegitimi esse Procuratores Conuentuum, Magistri Nouitiorum, Sacristæ, & habere alia officia manualia, illa scilicet, quæ nec prælatiam, nec dignitatem, personatum, aut curam animarum important, hoc enim modo intelligendum est id quod diximus *tom. 1. cap. 18. num. 62.* Pro quo etiam, vide Siluestrum *Summ. verb. Prælator. num. 3.* Rodriguez *tom. 1. quæst. Regular. q. 13. ar. 18. 19. & 20.* Portellum in *Dub. Regular. verb. illegitimi*. Qualiter hi illegitimi dispensari possint, vide *tom. 1. cap. 18. à num. 60.* An illegitimi possint esse Socij, seu discreti pro Capitulis diximus *cap. 12. num. 17.* Nota etiam declaratum esse à S. Congregat. Regularem illegitimum, sed ad instantiam Patris legitimatum in infantia per legitimationem amplissimam vigore facultatum Dominorum de Campegijs non posse eligi Generalem in sua Religione. Barbosa in *Collectan. Bullar. verb. Regulares 1.*

51 Quando alicui Prælato constat se esse electum ab yno qui erat

erat inhabilis, & priuatus voce actiua, si sciente maiori parte Capituli illum defectum admissus est, tenetur renunciare, quia electio illa fuit nulla, iuxta dicta *cap. 12. num. 29.* Si verò admissus est ignoranter, ignorante scilicet maiori parte Capituli illum defectum non tenetur renunciare quia illa electio valida fuit iuxta *ibid.* dicta. Maximè quia ille elector tollerandus erat, ac per consequens gesta ab ipso valida. *L. Barbarius ff. de officio Prætoris.* Suarez *to de legib. lib. 5. c. 9. n. 5.* Portellus in *Dub. Regul. verb. electio nu. 17.*

52 Quando autem alicui Prælato constat se tempore electionis non habuisse vocem passiuam, quia scilicet erat excommunicatus excommunicatione maiori quamuis occulta, tenetur quamprimum petere absolutionem ab excommunicatione, qua est irretitus, & postea curare, ut officium sibi de nouo conferatur ab eo, qui potest illud conferre. Ratio est quia prior collatio fuit inualida, & perinde ac si facta non fuisset. Nauar. *cap. 27. num. 21.* & alij apud Bonacinam *disp. 2. de excommunicat. q. 2. punct. 4. §. 1. num. 11.* Quod tenet verum etiamsi ignoraret inuincibiliter se esse excommunicatum, quia quamuis illa ignorantia eum excusare possit à culpa, non potest tamen facere illum habilem ad id ad quod inhabilis erat. Lessius *lib. 2. de iust. cap. 34 dub. 22. num. 127.* & alij quos sequitur Bonacina, ut *supra num. 2.* Quamuis tamen hæc sententia probabilior, & securior sit, contraria tamen probabiliter praticari potest, quod scilicet sufficiat auferre impedimentum, & secrete acceptare officium absque alia noua collatione, sed ex vi præteritæ conualescens, ita tamen ut impedimentum sit omnino occultum, & ut id in nullius cedat præiudicium (prout contingeret in casu quo illud officium alteri tribui deberet qui in electione illius habuit pauciora vota) & quod impetretur dispensatio non solum illius impedimenti, sed etiam intrusionis per quod etiam fuit inhabilis ad idem officium. Sanchez *lib. 8. de Matrimon. disp. 7. nu. 12.* Portell. in *responsion. cas. moral. par. 1. cas. 1.*

53 Prælato intruso, & non canonicè electo si res sit dubia obediendum est, quia in dubijs possessio illi fauet, iuxta dicta *tom. 1. cap. 4. num. 25.* Sanchez *lib. 6. in decalog. cap. 3. num. 4. 29. & 30.* Prælato tamen prædicto cum certò, & publice constat ille defectus, non est obediendum, cum careat iurisdictione, iuxta dicta etiam eodem *tom. 1. cap. 4. num. 38.* Si autem defectus ille sit occultus, & subito constat certo de prædicto defectu tenetur in publico obedire illi propter vitandum scandalum, in secreto tamen non tenetur ipsius mandatis obtemperare, quia vere caret

eraret auctoritate præcipiendi. Siluefter *verbo beneficium* 3. *post principium*. Portel. *in responsionibus cas. mor. p. 2. cas. 16. num. 7.* 54 Prohibitum est Prælati Regularibus, sicut & alijs Religiosis testari, seu testamentum condere. Quia prohibitio generalis testandi omnes Religiosos comprehendit, & ratio quæ particulares in hac prohibitione comprehenduntur procedit etiam in Prælati, nempe quia non habent dominium, aut proprium. Graffius *1. p. decision. lib. 3. cap. 5. num. 59.* Lessius *2. de iust. cap. 19. dub. 4. num. 40. & cap. 41. dub. 8. num. 73.* Vide dicta *tom. 1. cap. 9. nu. 19.*

55 Professio fidei facienda est à quibuscumque prouisis de Prælaturis quorumcumque Monasteriorum, seu domorum Regularium etiam militiarum, ex Pio 1. v. in Bulla *Iniunctum nobis*, quæ habetur in 2. tom. Bullar. inter Bullas ipsius num. 89. vbi decretum Concil. Trident. *sess. 24. cap. 12.* etiam ad Prælatos Regulares extendit. Quia tamen hoc non est vsu receptum, in multis Religionibus, ideo in illis non est obligatio ad id faciendum. Vt habent Sorbus *in annotat. ad compend. priuileg. Mendicant. verbo professio fidei §. & est primò notandum*, vbi etiam refert Cardinales, & alios doctissimos ita consuluisse. Tamburinus *de iure Abbatum tom. 1. disp. 8. q. 3. num. 3.* Portellus *in Dub. Regular. verbo professio fidei*, & alij apud Dianam *tract. 2. de dub. Regular. resolut. 78.* Nihilominus de mandato Reuerendiss. Generalis Ord. nostri Theodori Stratij introducta est obseruantia prædictæ Bullæ, cum qua etiam est modus faciendi talem professionem, qui habetur cap. præced. in formula celebrandi Capitula in Ordine nostro.

56 Prælaturæ non electiuz, quæ scilicet non dantur per electionem, sed per nominationem Superioris, Generalis scilicet, vel Prouincialis, sunt manuales, ita vt mutari possint, etiam sine causa, quando Superioribus bene visum fuerit. Ita enim colligitur ex cap. *cum ad Monasterium de statu Monachorum*. Nec ipsi Prælati amoti conqueri iure possunt siue agere quidquam contra spoliatores Superiores. Cum isti nullam illis iniuriam faciant eos amouendo à dictis Prælaturis, sed vtantur iure suo. Riccius *in praxi tom. 4. resolut. 51. num. 4.* Sigismundus de Bononia *in tract. de elect. p. 1. cap. 7. dub. 49. num. 7. & 14.* Diana *tract. 2. de dub. Regul. resolut. 117.* Consulendum tamen est sam̃ tum Religionis, tum Religiosi amoti, alias iniusta esset talis remotio. Diana *ibid.* Dixi loquendo de Prælaturis non electiuis, quia in alijs Prælaturis obseruanda sunt statuta Religionum, earumque legitime consuetudines.

SUMMARIVM CAP. XIV.

- Tertiariorum quotuplex genus? num. 1.*
Alij sunt in Religione viuentes cum tribus votis essentialibus. ibid.
Alij etsi tria vota facerent, sed non in Religione, aut sub Regula approbata. num. 2.
Alij neque in Religione viuunt, neque tria vota emittunt, sed Regulam aliquam approbatam obseruant. nu. 3.
Sunt inter eos viri, & femina diuersis nominibus appellati. num. 4.
Tertiarij primi generis sunt verè, & propriè Religiosi. num. 5.
Gaudentque multis priuilegijs. ibid.
Tertiarij secundi generis non sunt verè Religiosi. num. 6.
An debeant tolerari. ibid.
Tertiarij quoque tertij generis non sunt verè Religiosi. num. 7.
Nec modus viuendi ipsorum potest appellari Religio. ibid.
Bene tamen Ordo approbatus. ibid.
An latè, & analogicè Religio. ibid.
Habent facultatem recipiendi suos Tertiarios Minores S. Francisci. num. 8.
Dominicani. nu. 9.
Augustiniani. num. 10.
Carmelitani. num. 11.
Seruite. num. 12.
Minimi. num. 13.
Possunt huiusmodi Tertiarij Fratres, aut Sorores tertij Ordinis dici. num. 14.
Profitemur Tertiarij aliquam Regulam approbatam. num. 15.
Gestant habitum Ordinum, quorum sunt Tertiarij. num. 16.
Qualis sit futurus talis habitus. ibid.
Proprium etiam modum profitendi habent. num. 17.
Qualis is sit. ibid.
An emittant aliqua vota. num. 18.
Qualiter peccent transgressores sue professionis. num. 19.
An peccent transgredientes Regulam. num. 20.
Quomodo facienda sit illorum professio. nu. 21.
Ante illam debet precedere aliquod tempus probationis. nu. 22.
An sint Apostatae recedentes ab hoc statu. num. 23.
Differt valde hoc institutum Tertiariorum à Confraternitatibus. num. 24.
An sint dicendi persona Ecclesiastica. num. 25.
Concessa illis sunt multa priuilegia. num. 26.

Moderata

Moderata tamen à Leone X. in Conc. Lateranen. nu. 27.
Qualiter hæc moderatio accipienda. num. 28.
Quomodo id declaratum à S. Congreg. Episc. & Regul. num. 29.
Tertiarij tripliciter viuere possunt. num. 30.
Diuersimode sentiendum de viris, ac sceminis nu. 31.
Maritati, & maritata excluduntur à Tertiarijs. nu. 32.
An possint sepulturam ubi voluerint eligere. nu. 33.
Qualiter, & de quibus id sit intelligendum. ibid.
Quo priuilegio circa Sacramenta potiantur. nu. 34.
Quid de Eucharistia, penitentia, & extrema unctione. ibid.
Quid dicendum de exemptione à foro seculari. num. 35.
Quid de facultate audiendi diuina tempore interdicti. num. 36.
Qua priuilegia ipsorum censentur abrogata. num. 37.
Quid de mulieribus collegialiter viuentibus. num. 38.
An Tertiarij gaudeant priuilegio Canonis. num. 39.
Quæ conditiones requirantur pro illis. num. 40.
Maximè pro habitu Pinzocherapum. ibid.
Quomodo subijciantur directioni Superiorum Ordinum. num. 41.
An possint habere aliquos Superiores ex se ipsis. num. 42.
De indulgentijs Tertiariorum. num. 43.
*Ad quem spectet cognoscere de qualitatibus, seu conditionibus pro
 Tertiarijs requisitis. nu. 44.*



De Tertiarijs Regularium, eorumque obligationibus, & Priuilegijs.

Cap. XIV.



TERTIARIJ fuerunt, & sunt in multiplici differentia, licet ad triplex genus reduci possint. Aliqui enim sunt Tertiarij in Religione viuentes, & tria vota Religionis essentialia emittentes sub Prælatorum obedientia. Hi sunt illi quibus Leo x. anno 1521. Bulla *Inter cætera*, quæ in 1. tomo Bullar. inter Bullas huius Pontificis est 42. Regulam S. Francisci aptauit, & accommodauit, & quos postea Pius v. anno 1568. in Bulla *Ea est officij*, quæ est in 2. tom. Bullar. inter Bullas huius Pontificis 63. reformauit, ac Generali, & Prouincialibus Minorum de obseruantia subiecit, licet postea hanc Pij v. Constitutionem moderatus fuerit Sixtus v. in Constit. *Roman Pontificis* anno 1586. in eodem 2. tom. Bullar. inter Constitutiones Sixti num. 28. Casarubius in *Compend. priuileg. Mendicant. verbo Tertiarij* num. 24. Peirinis tom. 1. *priuileg. Minor. in Constitution. 4. Sixti IV. §. 7. num. 31.*

2. Alij erant, & forsân modo sunt Tertiarij qui etsi tria vota essentialia facerent, aut fecerint, sed non emiserunt illa sub aliqua Religione, aut determinata Regula à Sede Apostolica approbata, quorum aliqui in Congregatione viuunt, seu vivebant, alij verò non in Congregatione, aut Communitate, sed in Eremitarijs, & separatim cum habitu tamen Religioso ab aliquo Regulari accepto, vel quem ipsi propria auctoritate acceperunt. Casarubius *vt supra §. Tertius insuper. Sola in tract. de Profess. Tertiarij* pag. 201. Miranda in *man. Prælatorum* to. 1. q. 36. ar. 3.

3. Alij sunt Tertiarij qui neque tria vota essentialia Religionis emittunt, nec in Communitate, aut Collegialiter viuunt, sed Regulam Carmelitarum, S. Dominici, S. Francisci, vel alterius Religionis approbatæ seruant in proprijs domibus, & quandoque, maximè faminz, in communi aliqua domo habitantes, quorum aliqui emittunt votum simplex castitatis, vel obedientiæ alij nullum nisi forsân obedientiæ. Casarubius *vt supra §. ex prædictis omnibus*. Peirinis etiam *vt supra num. 33.*

4. Sunt autem inter istos Tertiarios maximè primi, & tertij gener-

generis, viri, & fæminæ, & sicut viri vocantur Fratres Tertiarij de pœnitentia, Mantellati, Corrigiati, sic fæminæ vocantur Sorores Tertiariæ, de Pœnitentia, Mantellatæ, Corrigiatæ, Pinzocheræ, Beatæ, &c. Casarubius *vt supra* à §. *Aliter breuius*, & §. *sciendum est ulterius*. Peirinis etiam *vt supra* num. 35. & 36. De quibus sigillatim dicendum est, maximè quod hæc materia intricatè factis, & confusè à quibusdam tractetur.

5 Et primò, loquendo de Tertiarijs primi generis, seu de quibus primò loco dixi, illi sunt verè, & propriè Religiosi, cum tria vota essentialia Religionis emittant, & sub obedientia, & iurisdictione Prælatorum viuant. Ita etiam declarasse videtur Leo x. in Bulla relata dum illis Regulam, modum profitendi, & recipiendi Nouitios, seu Nouitias, ieiunia, orationes, & similia præscribit, & Pius v. etiam in prædicta Bulla vbi illorum statum Religionem appellat, ac Sixtus v. in Bulla quoque relata. Vnde illi vt vere personæ Ecclesiasticæ, & Religiosæ exempti sunt ab omni iurisdictione Sæculari, & Ecclesiastica Episcoporum, & gaudent priuilegio Canonis, & fori, habentque multa priuilegia, quæ Clemens vii. in Bulla *Ratio Pastoralis* anno 1597. edita, in 3. tom. Bullar. inter Bullas huius Pontificis num. 51. innouat, & confirmat. Casarubius in *Compend. priuileg. Mendicant. verb. Tertiarij* num. 24. §. *Quoad secundum gradum Tertiariorum*. Peirinis to. 1. priuileg. *Minim. in Constit. 4. Sixti IV. §. 7. n. 31. Portel. in Dub. Regul. verb. Tertiarij* num. 1.

6 Tertiarij autem secundi generis tria vota essentialia Religionis emittentes, sed non sub aliqua Regula, aut Religione approbata, siue in Communitate, siue prinatim, aut seorsum in Eremitarijs, non sunt verè Religiosi, nec vnquam tales fuerunt. Ratio est, quia ad hoc, quod tria vota essentialia Religionis constituent aliquem Religiosum requiritur quod illa fiant secundum certam, & determinatam Regulam, & sub Religione aliqua à Sede Apostolica approbata, vt colligitur *ex cap. unico de voto, & voti Redemptione* in 6. vt dictum est tom. 1. cap. 2. nu. 1. Cum ergo illi non emiserint prædicta vota sub aliqua Regula, aut Religione approbata nullo pacto erunt veri Religiosi. Nauarrus *Comment. 1. de Regular. super cap. Cui portio* num. 18. & in *Consilijs lib. 3. de Regular. consil. mihi* 12. Miranda in *man. Prælator. tom. 1. q. 36. ar. 3. prima conclus.* Quod etiam est verum quamuis isti emisissent prædicta vota in manibus Episcopi. Quia essentialiter requiritur ad professionem veræ Religionis, quod sub determinata Regula, & Religione approbata fiat. Sanchez *lib. 5. in decalog. cap. 4. num. 74. Portellus in respons. cas. mor. p. 1. cas. 16. num. 8.*

num. 8. Addunt aliqui hos esse sublato à Leone x. in Bulla *Dum intra mentis*, Peirinis num. 32. Sed nihil tale in dicta Bulla inuenire potui. Alij volunt non esse huiusmodi homines permittendos. Casarub. in *Compend. priuileg. Mendic. verb. Tertiarij* num. 24. S. *Tertius insuper*. Rodriguez tom. 3. *quæst. Regul. q. 72. art. 1. §. 2. conclusio*. Verumtamen nisi scandalosè uiuant, aut habitum alicuius Religionis portent, cum tria illa vota quæ emiserunt pia sint, & honesta, & illos obligent, etsi non vt solemnia, saltem vt simplicia, non video cur permitti non possint. Fatendum tamen esse post tempora Pij v. huiusmodi Congregationes viro- rum Regularium formam præferentium sine solemnī profes- sione sub aliqua ex Regulis approbatis abolitas, & sublatas esse, vt patet ex Bulla *Lubricum vita* anno 1568. edita quæ est in 2. tom. Bullar. inter Bullas huius Pontificis num. 76. Portellus in *Dub. Regul. verb. Tertiarij in addit. num. 4.* aduertens bene hanc Pij v. Constitutionem solum de Congregationibus viro- rum, non de Congregationibus fæminarum loqui.

7 Tertiarij autem tertij generis (de quibus principaliter hic est sermo) non sunt veri Religiosi, tam de viris, quam de fæmi- nis loquendo. Ratio euidens est quia non promittunt tria vota essentialia Religionis, & sine quibus Religio non stat, iuxta dicta tom. 1. cap. 2. num. 1. Casarubius in *Compend. verb. Tertiarij*. Rodriguez tom. 3. *quæst. Regul. q. 72. art. 2.* Glossa in *Clement. de sent. excommunicat. cap. ex eo* & Glossa in *Clement. de Religiosis domibus in 6. verb. obedientia*, & alij. Et ita sibi, & non Congre- gationibus, in quibus sunt, acquirere possunt. Angelus *verb. Religiosus* num. 53. Siluester *verb. Religio 6. q. 1. dist. 2.* Vnde nec modus iste viuendi potest appellari Religio, quia Religio deno- tat religionem per tria vota. Potest tamen appellari Ordo, quia Ordo prout in præsentī solum significat modum viuendi ordina- tum sub certis Regula, & ceremonijs, quæ huic modo viuendi competunt, cum sit sub Regula, & Ceremonijs Religionis, & ita nomine Ordinis à pluribus Summis Pontificibus appella- tur, vt videre est in aliquibus ex referēdis. Carrillus *lib. 3. de Ter- tiarijs cap. 5.* Portellus in *Dub. Regular. verbo Tertiarij num. 4.* Ioannes Silueira in *tract. de Tertiarijs Carmelitarum*. Imò talis viuendi modus appellari potest Ordo approbatus ab Ecclesia. Est enim approbatus à Summis Pontificibus, præsertim Nicolao 1v. pro Tertiarijs Ordinis Minorum, Innocent. vii. pro Tertia- rijs Dominicanorum, Martino v. pro Seruitis, Eugenio 1v. & Martino v. pro Tertiarijs Augustinianis, Sixto 1v. pro Tertiarijs Carmelitarum, & Iulio 11. pro Tertiarijs Minimorum. Portellus

vt

ut supra. Addere etiam possumus modum viuendi illorum Tertiariorum, qui vnum vel duo vota emittunt, de quibus infra, quamuis simpliciter status Religiosus dici non possit, aliquo tamen modo, lata scilicet significatione, & analogicè Religiosum dici posse, quatenus imperfecitè, & incompletè rationem status Religiosi participant. Suarez 3. tom. de Relig. lib. 2. cap. 2. num. 17. & 18. vbi specialiter loquitur de illis mulieribus Tertiarijs quæ in Hispania Beatæ vocantur. Ioannes Silueira in tract. de Tertiarijs Carmelitarum. Vide dicta tom. 1. cap. 3. num. 22. & nota eos Tertiarios, quos eo loco dixi esse veros Religiosos si tria vota essentialia sub obedientia Prælatorum emittant, esse illos de quibus supra num. 1. & 5. est dictum.

8 Habent facultatem admittendi, seu recipiendi huiusmodi Tertiarios Ordines Mendicantes, & primo Minores. Nam S. Franciscus huius Sacri Ordinis Patriarcha instituit Fratres, & Sorores tertij Ordinis, eisque Regulam præscripsit Nicolaus 1v. Pontificatus sui anno 2. in Bulla *Super montem*. quam refert Casarubius in fine *Compend. priuileg. Mendicant. fol. mibi 563.* & habetur in 1. tom. Bullar. inter Bullas huius Pontificis num. 2. Et quamuis ipse Casarubius in *Compend. verb. Tertiarij num. 24. §. sciendum est ulterius* dicat quod solus S. Pater Franciscus Fratres, & Sorores tertij Ordinis, seu de pænitentia instituerit, vt propterea de eo canat Ecclesia *Tres Ordines hic ordinat, &c.* alij tamen etiam hoc tribuunt S. Dominico, vt dicetur inferius, & dicunt eò solum illa de B. Francisco dici ab Ecclesia quia ipse primus omnium fuit, & S. Dominicus ad ipsius imitationem. Corduba in *annotationib. ad Compend. priuileg. Mendic. §. Quoad vltimum notabile*. Hæc autem Regula à S. Francisco tradita Tertiarijs sæcularibus, est, quam postea Leo x. anno 1521. Bulla *Inter cetera* alijs Tertiarijs S. Francisci, qui verè Religiosi sunt, aptauit, & accommodauit, vt dixi num. 1. Possè autem Religiosos Minores tales Tertiarios recipere, seu admittere supponunt communiter Summi Pontifices in suis Bullis, specialiter inferius afferendi, videlicet Bonifac. vii. Eugenius 1v. Martinus v. & Sixtus 1v. Quibus iunge Greg. 1x. Innocent. vii. Iulium 11. Alexand. vi. & Leonem x. apud Casarubium in *Compend. priuileg. Mendicant verbo Tertiarij Fratres*, licet forsan aliqui horum solum loquantur de Tertiarijs verè Religiosis Ordinis Minorum, de quibus num. 1. dictum est.

9 Patres etiam Dominicani Tertiarios vtriusque sexus Fratres, & Sorores de pænitentia nuncupatos habent, ac facultatem eos recipiendi, ac admittendi, imò vt dicitur, S. Dominicus ipso-

Ipſorum Patriarcha etiam tertium Ordinem Tertiariorum inſtituit. S. Antonin. 3. p. *hiſtor. tit. 23. cap. 14. §. 2. Corduba in Annot. ad Compend. priuileg. Mendicant. §. Quoad vltimum notabile*. Rodriguez tom. 3. *quaſt. Regular. q. 72. art. 2.* Vnde de Tertiarijs Ordinis Prædicatorum loquuntur Bonifac. viii. Eugen. iv. Martinus v. Nicolaus v. & Sixtus iv. referendi inferius, ſpecialiter Sixtus iv. in Bulla *Sacro ſancta* anno 1475. & in Bulla *Inium-Elum nobis* anno 1478. apud Conſettium in *Colleſt. litter. Apoſtol. Mendicant. in Sixto IV. num. 8. & 10.* ſupponit in dicto Ordine eſſe Tertiarios vtriuſque ſexus. Maxime Innocent. vii. in Bulla *Sedis Apoſtolice* quæ eſt vnica in Bullario Laertij tom. i. vbi Regulam pro Fratribus, & Sororibus 3. Ordinis S. Dominici approbat.

10 Auguſtiniani etiam Patres Tertiarias habent, ac facultatem illas admittendi, & recipiendi ad inſtar Mantellatarum, ſeu Pinzocherarum Ordinum Minorum, & Prædicatorum, ex Bonifacio ix. Eugenio iv. & Martino v. Rodriguez tom. 3. *quaſt. Regular. q. 72. art. 3.* quorum Bullæ habentur in noſtro Mari magno Bulla 41. 42. & 43. Idem colligitur ex Iulio ii. in Bulla *Præ cæteris* apud Laurentium Empoli in *Bullar. Eremitar. S. Auguſtini in Iulio II. Conſtit. 7.* Maximè ex Sixto iv. in Mari magno ipſorum in *predicto Bullario in Sixto IV. Conſtit. 5.* Aduertit tamen ipſe Rodriguez ibidem ſe non inuenire in priuilegijs Eremitarum D. Auguſtini, aut Carmelitarum, habere Tertiarios vtriuſque ſexus, ſed ſolum fæminas. Verum tamen quod ad Carmelitas attinet valde decipitur, conſtat enim ex Sixto iv. in Bulla *Dum attenta* anno 1476. cuius verba relata ſunt tom. i. cap. 3. num. 22. & iterum poſtea referentur, poſſe recipere quacumque mulieres, & vtriuſque ſexus perſonas. Quod attinet autem ad Patres Auguſtinianos, licet aliud non extaret, quam quod in dicta Bulla Sixti iv. conceditur Carmelitæ priuilegium ſcilicet recipiendi perſonas vtriuſque ſexus, cum hoc dicat Pontifex ſe concedere *ad inſtar Mantellatarum, ſeu Pinzocherarum, aut Fratrum de penitentia tertij Ordinis Ordinum Fratrum Minorum, & Prædicatorum, necnon Eremitarum S. Auguſtini*, ſupponere videtur etiam Auguſtinianos Patres habere Fratres de penitentia, & vtriuſque ſexus Tertiarios. Video tamen pro illis clarius priuilegium extare Pauli ii. anno 1470. qui Generali, Provincialibus, ac Prioribus Congregationis Lombardiæ eiſdem Ordinis in Bulla *Expoſcit veſtra* conceſſit facultatem exhibendi viris Mantellum, ſeu habitum mantellatum nigri coloris, & habitui Fratrum eiſdem Ordinis in colore conformem,

ad instar aliorum Mantellatorum aliorum Ordinum. Ioannes Baptista Confettius in *Collectan. litterarum Apostolicarum in Paulo II.* vbi etiam refertur Innocent. VII. viuz vocis oraculo concessisse Fr. Benigno de Ianua Vicario Generali eiusdem Congregationis, vt huiusmodi Mantellati, seu Mantellatæ sola latatione Corrigæ priuilegij eiusdem instituti potirentur. Id etiam colligitur ex Mari magno eorumdem Patrum apud Confettium in *Collect. Litterar. Apostolic. Mendicant. in Sixto IV. num. 20.* & in Bullario Empoli relato vbi vtens hac voce *Mantellatæ persone coniugata*, quæ etiam ad viros extenditur innuere videtur de Tertiarijs vtriusque sexus loqui.

II Carmelitani etiam nostri facultatem eandem habent admittendi, & recipiendi ad habitum Ordinis prædictos Tertiarios Fratres, & Sorores, vtriusque sexus. Nam quod attinet ad mulieres, id constat ex Nicolao v. in Bulla *Cum nulla fidelium*, quam refert Ioannes Baptista Confettius in *Collect. Litterarum Apostolicar. & priuileg. Regular. Mendicant. in Nicolao V. Bulla I.* vbi sic ad intentum. *Ne Conuentus Religiosarum Virginum, Viduarum, Biguinarum, Mantellatarum, aut aliqua particulares ex ijs sub habitu, & protectione Ordinis Beatissime Dei Genitricis, semperque Virginis Mariæ de Monte Carmeli degentium, aut qua in posterum offerentur absque Apostolica auctoritate munimine viuere videantur: harum tenore præsentium decernimus, vt Ordo præfatus, ac eiusdem Ordinis Magister Generalis, & Priores Prouinciales circa præfatarum receptionem, vitæ modum, admissionem, & protectionem illis eisdem, & prorsus similibus priuilegijs gaudeant, quibus Ordines Prædicatorum, & Eremitarum S. Augustini gaudent, & vtuntur. Dummodo Virgines, Viduæ, Biguina, Mantellatæ prædictæ continenter, & honestè viuant, ieiunentque ac omnia alia faciant, & obseruent.* Hæc ibi. Quod verò attinet non solum ad mulieres sed etiam ad personas vtriusque sexus id constat ex Bulla Sixti IV. *Dum attenta*, superius relata vbi sic ad intentum. Et vt Virgines, & Viduæ, & Coniugatæ personæ, Mantellatæ, seu Pynzocheræ dicti Ordinis nuncupatæ prædictæ tanto feruentius iuxta earum viuendi ritum, & morem sub cura, & secundum instituta dicti Ordinis, ac ordinata per Bonifacium IX. in sua obedientia nuncupatum, & Martinum V. ac Eugenium IV. prædecessores prædictos confirmata quoad Moniales Virgines, & Viduas, coniugatas, & Mantellatas, Pynzocheras Ordinis Eremitarum S. Augustini, & per præfatum Nicolaum V. etiam prædecessorem nostrum quoad omnia, & singula indulta priuilegia, & Indulgentias Ordinum Prædicatorum, & Eremitarum ad Virgines,

Viduas, Coningatas personas, Mantellatas, Pinzocheras Ordinis Beatiss. Dei Genitricis semperque Virginis Mariæ de Monte Carmeli extensa, & ad quas Virgines, Mantellatas, Pinzocheras dicti Ordinis Beatissimæ Dei Genitricis Mariæ de Monte Carmeli singula priuilegia, & Indulgentias Ordini Minorum concessa, & indulta motu, & scientia similibus quoad omnia extendimus, & extensa volumus, & mandamus. Vt eo attentius diuinis studeant vacare beneficijs quanto maioribus priuilegijs, & fauoribus prædictæ Sedis cognouerint se fore resectas motu, scientia, & auctoritate prædictis volumus, & eisdem personis concedimus quod omnibus, & singulis priuilegijs immunitatibus, fauoribus, gratijs, & indultis in spiritualibus, & temporalibus prædictis Ordinibus, videlicet, Prædicatorum, Minorum, & Eremitarum S. Augustini, & eorum Fratribus, & pro Fratribus Beatissimæ Dei Genitricis semperque Virginis Mariæ de Monte Carmeli concessis, & concedendis, & quibus illi in genere quomodolibet potiuntur, & gaudent, tam in vita, quam in mortis articulo etiam circa peccatorum remissionem, & iniuriarum penitentiarum relaxationem uti, potiri, & gaudere, ac participes esse possint, & debeant. Liceatq. Fratribus prædictis eisdem Pinzocheris, & Mantellatis personis in earum etiam domibus quoties opus fuerit confessionibus diligenter auditis de absolutionis beneficio providere, & Eucharistiæ, ac extremæ vnctionis Sacramenta ministrare, & dum eos, vel eas decedere contigerit, illarum cadauera ad eorundem Fratrum Ecclesias tumulanda deferre, etiam Ecclesiarum Parochialium personarum eorundem Rectorum licentia desuper minimè requisita, & contradictione quacumque non obstante. Et ne oblatis, & oblatæ eiusdem Ordinis suorum iure deuotionis ad Ordinem ipsum frustentur effectum, omnia, & singula circa Fratres, & Sorores, & Mantellatas, seu Pinzocheras nuncupatas personas prædictas in præsentibus litteris statuta, concessa, & ordinata, aut illis, & Fratribus prædictis in eorum commodum, & fauorem indulta ad eandem dicti Ordinis nunc, & pro tempore oblatas, & commissas vtriusque sexus personas, eisdem scientia, & motu, & auctoritate extendimus, & ampliamus, ac in eis locum habere debere perinde ac si pro eisdem oblatas, & commissis personis, & circa illas emanasset decernimus, volumus, & ordinamus. Hæc ibi. In quibus si expendantur verba illa *coniugata persona*, & iterum *coniugatas personas*, & postea *Mantellatis personis*, quæ vtriusque sexus personas indicant, maximè cum postea subiungatur, & *dum eos, vel eas decedere contigerit*, sufficienter denotat se loqui de Tertiarijs vtrius-

utriusque sexus. Ad tollendum tamen omne dubium, & scrupulum in sequentibus verbis eiusdem Bullæ clarius exprimit se loqui de Tertiarijs tam viris, quam feminis. Statuentes præterea Apostolica auctoritate, & presentium tenore concedentes volumus, & ordinamus quod de cætero perpetuis futuris temporibus tam Magistro Generali quam cuilibet dicti Ordinis Officiali, Prioribus dicti Ordinis secundum morem, & instituta eiusdem Ordinis in quibuscumque Prouincijs constitutis tam presentibus, quam futuris sit licitum, ac permissum quascumque mulieres, & utriusque sexus personas si alias sint idoneæ, & aliud Canonicum non obstat, quæ habitum Regularem prædicti Ordinis ad instar Mantellatarum, seu Pinzocherarum, aut Fratrum de penitentia tertij Ordinis Fratrum Minorum, & Prædicatorum, necnon Eremitarum S. Augustini habere voluerint, & gestare tam Virgines, ac Matronas, quàm Viduas ac Mantellatas, seu Pinzocheras, & utriusq. sexus personas dicti Ordinis Carmelitarum recipere, & admittere ac earum singulis habitum regularem, ac Regulam eiusdem Ordinis Carmelitarum ad instar huiusmodi Mantellatarum, seu Pinzocherarum utriusque sexus Ordinum, & utriusque sexus personarum Ordinum Fratrum Minorum, & Prædicatorum, necnon, & Eremitarum S. Augustini præfatorum, prout secundum Deum saluti animarum earundem personarum salubrius visum fuerit expedire etiam exhibere: quæ sic receptæ, & in posterum recipienda auctoritate præfata gaudeant, & gaudere possint, & debeant, tam exemptionis priuilegio quam omnibus immunitatibus libertatibus, Indulgentijs, & alijs priuilegijs quibuscumque præfato Ordini Beatæ Dei Genitricis Maria de Monte Carmeli eiusque Fratribus, ac personis per Sedem Apostolicam iam concessis, & quæ in posterum concedentur. quatenus huiusmodi exemptionis priuilegium, immunitates, libertates, Indulgentiæ, ac quacumque alia priuilegia ipsis Prioribus, & Fratribus Ordinis de Monte Carmeli competunt, vel competere possunt, seu poterunt, & Priores, & Fratres, ac loca ipsa esse capacia, eorundem Constitutionibus Apostolicis, ac statutis, & consuetudinibus tam vestri, quam aliorum Ordinum quorumcumque, & alijs contrarijs non obstantibus quibuscumque. Habetur hæc Bulla in Mari magno Ordinis (imò ipsa est Mare magnum) & in Bullario Rodriguez num. 37. ita vt mirum sit ipsum loco superius relato dixisse se non inuenisse in priuilegijs Carmelitarum habere Tertiarios utriusque sexus, cum constet hoc ex eadem Bulla Sixti IV. quam ipse affert. Vnde propterea sic nouissimè causa utrinque agitata, & sententia data pronuntiaturum est anno 1635. die 13. Aprilis Vliſſipone ab Illustriſſ. Laurentio Tramallo Colloſore

Generali Lusitaniz decernente sub panis excommunicationis, & suspensionis, ac alijs pecuniarijs, ne quis auderet publice negare Carmelitarum Ordinem Tertiarios habere, aut facere posse.

12 Habent etiam Servitarum Ordinis Patres Tertiarios, seu Sorores, vt colligitur ex Paulo 11. in Bulla *Exposcit vestra*; Augustinianis Congregationis Lombardiz concessa, de qua supra num. 10. i. i enim id supponitur. Similiter id colligitur de Tertiarijs vtriusque sexus ex Leone x. in Bulla *Dudum per nos*. anno 1519. edita, vbi Fratres omnes Mendicantes inter quos Seruitas recenset, etiam quoad personas vtriusque sexus de penitentia aequales esse in privilegijs concedit. Confettius in *Collect. Litterarum Apostolicarum Mendic.* in Leone X. Bulla 18. Maxime id constat ex Martino v. in Bulla *Sedis Apostolica, quae est in Appendic. ad Bullarium inter Constitutiones huius Pontificis num. 1.* Vbi approbat Regulam pro Fratribus, & Sororibus tertij Ordinis Seruorum B. Marię Virginis. De qua plura in sequentibus afferentur Vide Bullam loco relato.

13 Item Minimorum S. Francisci de Paula Religio suos Tertiarios vtriusque sexus habet, vt constat ex Iulio 11. in Bulla *Dudum ad sacrum*. anno 1506. edita quae habetur apud Peirinis tom. 1. priuil. Minim. & ex forma professionis eorundem viuz vocis oraculo ab eodem Iulio comprobata, etiam apud eundem Peirinis *ibidem*. Item ex Leone x. in Bulla *Ea quae* anno 1513. edita apud eundem etiam Peirinis vt supra *inter Bullas Leonis X. num. 1.* Miranda in *man. to. 1. q. 36. ar. 2.*

14 Possunt etiam huiusmodi Tertiarij Religionum Fratres, aut Sorores tertij Ordinis nuncupari. Tum propter dicta *to. 1. c. 3. num. 22.* Tum specialiter, quoad Minimorum Ordinem quia in Bulla Iulij 11. relata expresse nominatur hac Congregatio Tertiariorum tertius Ordo Minimorum, tum denique quoad nostros Carmelitanos, Eremitas S. Augustini, & alios habentes Tertiarios, non solum propter communicationem privilegiorum, sed etiam quia tota ratio, quare in Ordine Minorum, Praedicatorum, & Minimorum reperitur tertius Ordo est quia in illis est Ordo virorum, seu Fratrum Religiosorum, Ordo feminarum Religiosarum, seu Monialium, & Ordo Laicorum qui Regulam dicti Ordinis suo modo obseruant, quae omnia etiam procedunt in Ordinibus Carmelitarum, & Eremitarum Sancti Augustini.

15 Profitentur huiusmodi Tertiarij aliquam Regulam ab Ecclesia approbatam. Nam Tertiarij Minorum profitentur
Regu-

Regulam à Nicolao iv. illis concessam, de qua supra num. 8. Tertiarij Prædicatorum Regulam ab Innoc. vi i. approbatam in Bulla supra num. 9. relata. Tertiarij Eremitarum S. Augustini, Regulam, vt puto S. Augustini illis accomodatam, & applicatam. Tertiarij Carmelitarum Regulam ipsorum à B. Alberto Hierosolymitano Patriarcha traditam, & ab Innocent. iv. Eugenio iv. & alijs Pontificibus confirmatam: hoc enim concessit Sixtus iv. in verbis relatis num. 11. illis scilicet, ac Regulam eiusdem Ordinis Carmelitarum, &c. exhibere. Tertiarij Minimorum Regulam S. Francisci de Paula à Leone x. in Bulla *Dudum ad Sacrum* de qua supra nu. 13. confirmatam. Ac tandem Tertiarij Ordinis Seruiturum Regulam à Martino v. pro illis approbatam, quæ habetur, vt dixi in Appendic. Bullarij Laertij Cherubini inter Constitutiones ipsius num. 1. Quibus Regulis etiam adiunguntur particularia statuta, & ordinationes à Prælati Religio-num pro prædictis Tertiarijs facta, quæ statui sæcularium, & Ordini aliquo modo Religioso, vel quasi Religioso, quem profitentur apta, & accomodata censentur.

16 Habent etiam prædicti Tertiarij habitum Ordinum quorum sunt Tertiarij, non quidem eundem omnino, sed similem, ad denotandum eos etsi sæculares, illorum tamen Ordinum Tertiarios esse. Primò enim Tertiarij Minorum habent habitum à Nicolao iv. in Bulla *Super montem* relata vbi cap. 3. sic habetur. *Fratres insuper ipsius fraternitatis, de humili panno in pretio, & colore, non prorsus albo, vel nigro cõmuniter vestiantur, nisi fuerit ad tempus in pretio per visitatores de consilio Ministri ob causam legitimam, & apertam, cum aliquo dispensatam: Chlamydes quæque ac pelles absque scolaturis, scissas, vel integras, affibulatas tamen vel patulas, vt congruit honestati, clausasque manicas Fratres habeant supradicti. Sorores etiam chlamyde induantur, & tunica de huiusmodi humili panno factis, vel saltem cum chlamyde habeant guarnellum seu placentinum coloris albi, vel nigri, aut paludellum amplum de canabo, siue lino absque vlla crispatura consutum. Circa humilitatem verò panni, & pellitones Sororum ipsarum, iuxta conditionem cuiuslibet eorumdem, ac loci consuetudinem poterit dispensari. Bindis, & ligaturis sericis non vtantur, pelles dumtaxat agninas, bursas de corio, & corrigias simpliciter absque serico villo factas, & non alias, tam Fratres habeant, quam Sorores, depositis cæteris (iuxta B. Petri Apostolorum Principis salubre consiliū) vanis huius sæculi ornamentis. Aduertit tamen Calarubius in Compend priuil. Mendicant. verb. Tertiarij S. Quoad primum, admodum, consuetudinem, vel potius corruptelam interpreta-*

in

in diuersis Prouincijs, & Regnis diuersas formas habituum. Vide Rodriguez *tom. 3. quest. Regul. q. 72. art. 4.* Dominicanorum etiam Tertiarij habitum habent præscriptum ab Innocent. vii. in Bulla relata *num. 9.* Seruitarum à Martino v. in Bulla *num. 12.* relata. Minimorum autem Tertiarij habitum gestant aliquo modo scilicet quoad materiam, & colorem ipsi Fratribus similem. Augustinianorum Tertiarijs concessit Paulus ii. relatus *supra num. 10.* vt Mantellum, seu habitum mantellarum nigri coloris, & habitui Fratrum eiusdem Ordinis in colore conformem deferre, & accipere possent, & Innocent. vii. etiam ibidem relatus declarauit, sola delatione, & retentione corrigæ, licet habitum Mantellatorum, siue Mantellatarum quem susceperunt, cum licentia Prioris non retineant, neque continuè deferant, potfſi priuilegijs, &c. ex quo videtur hunc esse proprium habitum horum Tertiariorum Ordinis S. Augustini. Quia tamen hoc videtur fuisse viuz vocis oraculum, vt notat Casarubius in *Compend. verb. Tertiarij num. 29.* ideo his temporibus quando omnia viuz vocis oracula à SS. D. N. Vrbano reuocata sunt, parum videtur iuuare. De nostris quoque Carmelitarum Tertiarijs, cum iuxta Sixti iv. in Bulla *Dum attenta* verbis relatis *num. 11. habitum Regularem* Ordinis nostri suscipere debeant, ideo ipſo induuntur, accomodato tamen pro ipsis. Vnde proprius ipſorum habitus, meo iudicio, est ille, qui quoad formam similis est sæcularium habitui, quoad materiam tamen, & colorem similis est habitui (non dico Cappæ) Fratrum nostrorum. Quod idem censeo dicendum de Tertiarijs aliorum Ordinum. Rodrig. *to. 3. q. Regul. q. 72. ar. 4. §. Quantum autem.* Pro habitu Pynzocherarum vide *infra nu. 40.*

17 Proprium etiam modum profitendi habent Tertiarij. Nam Minorum Tertiarij iuxta prædictam Nicolai iv. Regulam promittere debent se diuina præcepta seruatuſuros, ac etiam satisfacturos, vt conuenit, de transgressionibus, quas contra hunc viuendi modum commiserint, cum interpellati fuerint, & ad visitatoris voluntatem. Dominicanorum Generali Thomæ de Vio Caierano concessit Iulius ii. anno 1509. in Bulla *Considerantes* apud Peirinis *to. 1. priuileg. Minimor. inter Constit. Iulij II. nu. 13.* quod mulieres prædicti Ordinis, quæ Sorores de pænitentia nuncupantur, & collegialiter viuunt, si ipsi placuerit, & illæ id cuperent, tria vota Religionis in manus ipsius, aut illorum, quos ad hoc duxerit deputandos emittere licitè valerent. At ex Bulla Innocent. vii. relata peculiarem modum profitendi habent illorum Tertiarij, quo profitentur de cætero viuere secundum formam,

formam, & Regulam Ordinis de pœnitentia B. Dominici. Similiter Seruitarum Tertiarij suum, & particulare modum profitendi habent à Martino v. in Bulla relata illis præscriptum. Carmelitarum verò Tertiarij Regulam Ordinis profitentur sicut alij Fratres, & Moniales, eo excepto quòd votum paupertatis non emittunt, sed solum castitatis iuxta eorum statum, & obedientiæ ad Superiores Religionis, eos scilicet, quibus prædictorum Tertiariorum cura commissæ est. Tertiarij tandem Minimorum sequi debent formam professionis, quam pro ipsis approbavit viuz vocis oraculo Iulius II. testante Bernardino Cardinali istius Ordinis Protectore, prout constat ex litteris datis anno 1507. apud Peirinis tom. 1. priuileg. *Minim. inter Constit. Iulij II. nu. 18.* & est huiusmodi: *Ego N. promitto Deo omnipotenti, totique Curie Cælesti, & tibi Patri, mores meos, ac vitam melius emendare, & Ordinis Minimorum utriusque sexus fidelium Regule per S. D. N. Iulium Papam II. confirmata salutifera præcepta pro posse obseruare, & F. Francisco de Paula, suisque successoribus eiusdem Ordinis Minorum Generalibus Corredtoribus pro tempore existentibus obedire; necnon prædictæ Regule salubribus consilijs, ac monitis me conformare, & prædicti Ordinis honorem, & utilitatem fideliter procurare.*

18 Ex quo inferitur Tertiarios quosdam vota aliqua simplicia emittere in sua professione, alios non. Vota enim emittunt Tertiarij Carmelitæ (saltem in aliquibus locis) votum scilicet castitatis iuxta eorum statum, & obedientiæ, vt dictum est, & refert Ioannes Silueria in tract. de Tertiarijs Carmelitarum. Aliorum verò Ordinum Tertiarij nullum votum propriè, quod sciam, emittunt, sed vel promittunt diuina præcepta seruare, & satisfacere pro transgressionibus, vt faciunt Tertiarij Minorum, quod non est propriè votum, vt Portellus in Dub. Regul. verb. Tertiarij num. 5. post alios docet, vel promittunt mores, ac vitam in melius emendare, prout Minimorum Tertiarij, quod etiam proprium votum non inducit, vt testatur Peirinis num. præced. relatus, vel denique promittunt de cætero viuere secundum Regulam Religionum, prout faciunt Tertiarij Dominicanorum, & Seruitarum, quod similiter propriè votum non est, vt num. seq. dicetur. Non videtur autem necessarium simpliciter, nisi solum ex usu Ordinis nostri, quòd Tertiarij nostri prædicta duo vota emittant, cum nec alij Tertiarij Prædicatorum, & Minorum id faciant, præsertim cum ita sit declaratum à S. Congregatione, vt infra à num. 27. dicetur. Qualiter autem ad fruendum priuilegijs Religionum ex nouo iure Concil. Lateranensis, & decreto

creto S. Congregat. requiratur in fæminis Tertiarijs voti castitatis emissio, sicut in viris quod collegialiter viuant, aut cum claustralibus habitent, dicitur etiam ibidem.

19 Hinc sequitur qualiter peccent Tertiarij transgressores suæ professionis. Qui enim vota emittunt si contra ea delinquant peccant peccato Sacrilegij, & contra virtutem Religionis, ac tenentur in confessione illam circumstantiam, vt potè nouam speciem malitiæ continentem, confiteri. Hoc enim commune est cuicumque peccato, quod est transgressio voti cuiuslibet. Tertiarij autem, qui nullum votum emittunt in professione si transgrediantur ea quæ promittunt, nullum peccatum committunt. Ratio est, quia etsi vtantur verbo *promitto* illud tamen, tum ex parte intentionis Pontificum hunc modum viuendi approbantium, tum ex parte Prælatorum Ordinum in quorum manibus fit hæc professio non inducit obligationem ad culpam. Quare illud *promitto*, vel idem valet ac *propono*, vel si aliquo modo promissionem indicat, solum est promissio quædam communis, & generalis similis illi, quam in Baptismo omnes faciunt non peccandi, quæ non inducit specialem obligationem. Portel. in *Dub. Regul. verb. Tertiarij* n. 5. Peirinis to. 1. *priuil. Minim. in Const.* 18. *Iulij* II. §. 2.

20 Vnde quamuis obligatio Regulæ respectu Religiosorum aliquam culpam saltem venialem inducat, iuxta dicta to. 1. *cap. 7.* respectu tamen Tertiariorum nullam culpam inducere videtur. Propter dictam *num. preced.* Et ideo Regula Nicolai 1v. pro Tertiarijs Minorum nec etiam ad veniale obligat illos. Nam etsi Pontifex in ea declaret non obligare ad mortale, & nihil dicat de veniali, credo tamen ita fuisse receptam, vt nec ad veniale obliget, prout indicat Portellus *num. precedenti* relatus, & Barbosa in *Collectan. Bullar. verbo Fratres, & Sorores tertiorum Ordinum*. Idem exprimitur clarè ab Innocent. vii. in Regula pro Tertiarijs Dominicanorum, & à Martino v. in Regula pro Tertiarijs Seruitarum. Idem dico De Tertiariis nostri Ordinis, eo quod ad instar Tertiariorum Prædicatorum, & Minorum approbentur à Sixto 1v. De Tertiariis Minimorum hoc etiam dicit Peirinus *num. precedenti* adductus. De Tertiariis quoque Augustinianorum etsi id mihi non constet, puto idem esse dicendum. Declarant tamen Innocent. vii. & Martin. v. in Regulis relatis, imò & Nicolaus 1v. etiam in Regula adducta obligari Tertiarios ad sustinendam pœnam illis infligendam à Superioribus, propter transgressiones Regulæ, quod idem dicendum de aliis Tertiariis.

Facienda

21. Facienda est huiusmodi Tertiariorum, siue virorum siue, feminarum professio in manibus alicuius Superioris eorum, Ordinum, vel habentis à Superiore aliquo auctoritatem. Vnde in Regula Nicolai IV. pro Tertiarijs Minorum cap. 2. hoc munus dicitur pertinere ad Ministros ad receptionem talium deputatos, in Bulla etiam Sixti IV. vbi de nostris Tertiarijs verbis adductis supra num. 11. manifeste supponitur id munus pertinere ad Superiores Ordinis, quod idem dicendum de Tertiarijs Prædicatorum, Augustinianorum, & Seruitarum, ac ita exprimitur in Bullis Innocent. VI. & Martini V. relatis. Fauet etiam decretum S. Congregationis Episcoporum, & Regular. afferendum infra vbi dicitur de Tertiarijs. *Ad habitum admittantur à Superioribus Regularibus (Capuccinis exceptis) ad id priuilegium habentibus.* Et si enim expresse in his locis non fiat sermo de professione, sed de admissione, quia tamen principalior admissio fit in professione, ideo de illa videntur intelligenda.

22. Præcedere etiam debet professionem Tertiariorum aliquod tempus probationis ad modum Nouitatus. Sic enim decernitur in præd. Regula Nicolai IV. pro Tertiarijs Minorum *post unius anni spatium cum aliquorum Fratrum consilio recipiatur, &c.* & colligitur idem esse dicendum de Tertiarijs aliorum Ordinum, tum quia illi sunt ad instar Tertiariorum Ordinis Minorum, tum quia cum in Bullis Pontificijs quibus conceditur Prælati facultas recipiendi Tertiarios dicitur, vel supponitur illos debere esse personas idoneas, & pro talibus habitas, videtur quasi iure naturæ necessarium aliquod tempus ad iudicandum de idoneitate illorum. Inter huiusmodi qualitates pro Tertiarijs requisitas computandæ sunt illæ quas S. Congregatio Episcoporum, & Regularium designauit anno 1616. de quibus infra num. 29.

23. Infertur autem ex dictis huiusmodi Tertiarios, siue Tertiarias, de quibus in præfenti, si ab eo statu recedunt etiam in perpetuum, siue habitum deserentes, siue matrimonio se copulantes non esse Apostatas. Quia apostasia est recessus à statu verè Religioso, horum autem status Religio non est, nec vt talis ab Ecclesia approbatus. Banez 2. 2. q. 12. art. 1. dub. 1. concl. 1. Sanchez lib. 6. in decalog. cap. 8. num. 6. Peccabunt tamen tum contra votum simplex castitatis si illo emisso matrimonium contraxerunt, tum in dimissione habitus, si illum in professione facta semper gestare promiserunt.

24. Infertur etiam ex dictis valde multumque differre hoc incutitum Tertiariorum à Congregationibus, seu Confraternita-

tibus de quibus *cap. sequenti*. Nam Tertiiorum institutum est Ordo sub certis Regula, & ceremonijs ab Ecclesia approbatus, Confraternitatum autem, seu Congregationum institutum, Ordo non est, cum non sit sub certa Regula, aut Ceremonijs ab Ecclesia approbatus, licet enim ex facultate à Pontificibus emanante instituantur, & aliquæ conditiones pro earum institutione, & conseruatione à Pontificibus etiam assignentur, vt *cap. seq.* dicitur, illæ autem non sunt Regula aliqua ex approbatus ab Ecclesia, sed mera statuta. Differunt etiam in professione, nam Tertiarij veram professionem, vel aliquorum votorum, vel saltem seruandi communia præcepta, vt dictum est, emittunt, non sic Confratres. Tertio differunt ex parte habitus nam regulariter loquendo (vt omittamus abusus qui in hoc casu sæpius videntur) habitus Tertiiorum est quasi ipsemet habitus illius Ordinis, cuius sunt Tertiarij, accommodatus, & aptatus modo sæculari, habitus verò Confratrum non est tam habitus, quam signum habitus illius Ordinis. Confratres enim Confraternitatis Carmelitarum solum habent pro habitu paruulum scapulare Ordinis occultum, Tertiarij autem habitum, seu scapulare publicè gestant oblongum, imò tota ipsorum vestis similis esse debet habitui Religiosorum, saltem in colore, & materia. Vnde de Tertiarijs, ac Confratribus loquuntur Pontifices, ac de hominibus diuersorum institutorum, vt patet ex *Julio 11. in Bulla supra num. 10. relata*, vbi de Ordine S. Augustini loquens dicit in eo esse quatuor gradus, videlicet, Fratrum, Monialium, Mantellatarum, & sola zona præcinctorum, per Mantellatas Tertiarias intelligens, per zona præcinctos absque dubio Confratres. Idem habet *Leo x. in alia Bulla in prædicto Bullario Eremit. S. Augustini in Leone X. num. 1.* Idem etiam supponunt communiter auctores de Tertiarijs, ac Confratribus, tanquam de diuersis hominum generibus loquentes, vt patet inter alios in *Ioanne Baptista Confettio in Summ. declarat. priuileg. Maris magni cap. 15. & 16.*

25 Nihilominus simpliciter, & absolutè dicendi sunt Tertiarij personæ sæculares non Ecclesiasticæ, sic enim supponunt Pontifices dum eorum Congregationem, seu Ordinem, sæcularium, vel Laicorum appellant. Vt sunt *Paulus 11. in Bulla Exposit vestra num. 10. relata*, & *Leo x. in Concilio Lateranensi ex Bulla inferius num. 27. referenda*, vbi eos ad onera quæ Laicis incumbunt perferenda teneri, & in foro sæculari coram iudicibus sæcularibus conueniri posse declarauit, quod non fecisset, si eos personas Ecclesiasticas dici posse iudicaret. Imò hoc videtur fuisse

fuisse intentum SS. Francisci, & Dominici qui hoc institutum, saltem sub nomine Tertiariorum primi erexerunt, vt scilicet esset Congregatio quædam Laicorum, quæ suo etiam modo ad perfectionem tenderet, sicut tendunt Religiosi. Cafarubius in *Compend. priuileg. Mendicant. verbo Tertiarij num. 24. §. quoad primum gradum*. Quo tamen non obstante inconueniens non est dicere Tertiarios posse appellari personas Ecclesiasticas secundum quid, & aliquo modo, tum quia annexæ sunt Ordinibus à Sede Apostolica approbatis. Tum quia eorum institutum est Ordo, vt dictum est supra num. 7. imò & Ordo approbatus, vt ibidem etiam dictum manet, tum quia mutant habitum, & statum, ac traditam sibi Regulam approbatam obseruant, ac aliqua, & multa participant de statu Religioso. (Rodrig. 10. 2. q. 65. art. 5.) ad modum quo supra eodem num. 17. dictum est Pinzocheras, seu Beatas vnum, vel duo vota emittentes in lata significatione, & analogicè Religiosas dici posse, vt habet Suarez loco citato, tum quia illòs appellare videtur Ecclesiasticas personas Sixt. 1v. in Bulla *Sacrofancta* pro Tertiarijs Dominicanorum edita apud Ioann. Baptist. Confettium in *Collect. Litter. Apost. & priuileg. Regul. in Sixto 1v. nu. 8.*

26. Quamuis autem plura ipsis ab Ecclesia, & Summis Pontificibus antiquitus concessa sint, priuilegia, & immunitates, nam Sixt. 1v. verbis adductis supra num. 11. nostris Tertiarijs concessit, vt gaudere possint, & debeant tam exemptionis priuilegio quam omnibus immunitatibus, libertatibus, Indulgentijs, & alijs priuilegijs quibuscumque præfato Ordini B. Dei Genitricis Mariæ de Monte Carmeli, eiusque Fratribus, ac personis per Sedem Apostolicam iam concessis, & quæ in posterum concedentur, quatenus huiusmodi exemptionis priuilegium, immunitates, libertates, Indulgentia, & quæcumque alia priuilegia ipsis Prioribus, & Fratribus Ordinis de Monte Carmeli competunt, vel competere possunt, seu poterunt, & Priores, & Fratres, ac loca ipsa esse capacia. Idemque fere pro Augustinianorum Tertiarijs conceditur à Paulo 11. in Bulla *Exposcit vestra* supra num. 10. relata, & à Sixto 1v. in Bulla *Dum vberis* anno 1474. edita apud Confettium in *Collect. Litterar. Apostolicar. & priuileg. Mendicant. in Sixto 1v. num. 20.* & ante illos à Bonifac. 1x. Martino v. Eugenio 1v. vt habetur in nostro Mari magno Bulla 41. 42. & 43. licet solum loquantur de Tertiarijs feminis: & pro Fratribus, & Sororibus tertij Ordinis Prædicatorum à Sixto 1v. in Bulla *Sacrofancta* de qua supra num. *preced.* idem videatur concedi quoad priuilegia, & immunitates tam fori, quam personarum, & rerum. Pro Minorum

etiam, & eorundem Prædicatorum Tertiarijs variusque sexus extat concessio in Bulla aurea, ut gaudeant eisdem privilegijs concessis, & concedendis ipsismet Ordinibus. Vide Casarubium in *Compend. privileg. Mendicant. verbo Tertiarij num. 9.* & Cor-
dubam in *annotationib. ad Compend. verb. Tertiarij.* Quod etiam extendi videtur ad Minimos cum ipsi ex Iulio 11. in Bulla *Dudum ad sacrum* anno 1506. edita amplissimam communica-
tionem Privilegiorum Mendicantium habeant.

27 Nihilominus Leo x. in Concilio Lateranensi, & Sacra Congregatio Concilij anno 1608. & S. Congregatio Episcoporum, & Regularium anno 1616. prædicta privilegia moderati sunt. Etenim dictus Leo x. in Bulla *Dum intra mentis* data in publica sessione in Lateranensi Ecclesia celebrata die 19. Decembris anno 1516. quæ habetur in 1. tom. Bullar. inter Bullas Leonis x. num. 22. dum privilegia Mendicantium moderatur sic de Tertiarijs loquitur. *Fratres autem, & Sorores tertij Ordinis, necnon Mantellati, Corrigiati, Pinzocore, Cordellati, & alij quocumque nomine nuncupati in proprijs domibus habitantes, sepulturam ubi voluerint eligere valeant. Sed die Paschæ tantum, Eucharistiam, necnon extremam unctionem, ceteraque Ecclesiastica Sacramenta (penitentia Sacramento dumtaxat excepto) à proprio Sacerdote recipere, & ad onera, quæ Laicis incumbunt, perferenda teneantur, ac in foro seculari coram Iudicibus secularibus conveniri possint. Et ne celsura vilescat Ecclesiastica, & minaris auctoritatis interdicti sententia reputetur, ydem dicti tertij Ordinis, ad divina audienda, in Ecclesijs suorum Ordinis tempore interdicti nullatenus admittantur, si causam dederint interdicti, vel causam ipsam nutriant, seu foveant, aut dantibus, auxilium, consilium, vel favorem quoquo modo prasterint. Collegialiter autem viuentes, seu cum Clausralibus habitantes, ac mulierem virginalem, seu calibem, aut castam vidualem, expresso voto, & sub dicto habitu vitam ducentes, privilegijs quibus Fratres Ordinis cuius tertie Regule habitum gerant, gaudere debeant.*

28 Quale autem futurum sit illud votum mulierum de quo locutus fuerat, videlicet, an solemne, an verò simplex, quia de hoc dubium emergebat, declarat in alia Bulla *Nuper in sacro* in eodem loco Bullar. registrata, & an. 1518. edita. *Quod de vota solenni Religionis minime intelligi debeat, ita ut mulieres virginalem, aut Calibem vitam simpliciter viuentes, etiam in consanguineorum, & affinium suorum, aut proprijs domibus, vel seorsum habitantes, privilegijs, & immunitatibus prædictis in omnibus, & per omnia fruantur, & gaudere debeant.* Sed quia nõ obstante tali declaratione adhuc

adhuc vertebatur in dubium, an sub illo voto simplici castitatis includerentur alia duo scilicet obedientiæ, & paupertatis, & dato quod non includerentur, an reuocatum esset priuilegium illud exemptionis à Leone x. concessum per Bullas Pij v. *Et est officij nostri*, in 2. tomo Bullar. in Pio v. num. 63. vbi Fratrum, & Sororum tertij Ordinis reformatio habetur, & Greg. xiii. quæ incipit *ex benigna*, quam refert Confettius in *Collect. Litter. Apost. & priuil. Mendicant. inter Constitutiones Gregorij num. 7.* ideo ad Papam negotium deductum est, & eius solutio remissa Sacræ Congregationi Concilij, quæ respondit sub anno 1608. Fratres Tertiarios, Mantellatos, Corrigiatis, aliosque similes ita demum Ordinis, cuius tertiz Regulæ habitum assumpserunt, priuilegijs potiri, & ab Ordinarij iurisdictione exemptos esse si viri collegialiter viuant, seu cum claustralibus habitent, & mulieres virginalem, seu celibem, aut castam vidualem expresso voto, sub dicto habitu vitam traduxerint. Quemadmodum caueretur Constit. Concil. Lateranen. sub Leone x. quæ habetur sess. 11. in fine. Hoc autem mulierum voto alia duo scilicet paupertatis, & obedientiæ nequaquam includi. Quinimo huiusmodi mulieres si vitam Virginalem, aut celibem simpliciter expresseque voverint, etiam in consanguineorum, & affinium suorum, aut proprijs domibus, vel seorsum habitantes, supradictis priuilegijs Ordinis, cuius tertiz Regulæ habitum deferunt, exemptioneque ab Ordinarij iurisdictione frui debere quemadmodum idem Leo postea declarauit Constitutione edita 1. Martij anni 1518. Quod si Fratres, Sororesue tertij Ordinis quid amplius prætendunt vigore consuetudinis posse ius suum prosequi in iudicio ordinario. Hæc ibi. Sossa in *tract. profess. Tertiariar. pag. 202.* Peirinis *to. 1. priuil. Minim. in Const. 4. Sixti IV. §. 7. nu. 37. & 38.*

29 Cum tamen adhuc nouæ difficultates orirentur circa prædictorum Tertiariorum priuilegia S. Congregatio Cardinalium negotijs Episcoporum, & Regulariû Præpositorum octo annis post supradictum decretum, anno videlicet 1616. statuit, iuxta multas eiusdem Congregationis responsiones, non posse Sacerdotes Regulares audire Confessiones Sacramentales mulierum tertij Ordinis quæ de pœnitentia dicuntur, nisi ab Ordinario approbati fuerint ad confessiones secularium audiendas, neque posse illas communicare in Paschate. Quoad sepulturam autem, & alia priuilegia, Fratres Tertiarios, & similes ita demum Ordinis cuius tertiz Regulæ habitum assumpserunt, priuilegijs potiri, & ab Ordinarij iurisdictione exemptos esse si viri collegialiter

gialiter viuant, seu cum claustralibus habitent, & mulieres virginalem, seu celibem, aut castam vidualem expresso voto, & sub dicto habitu vitam traduxerint, prout cauetur Constitutione Concilii Lateranen. sub Leone x. quæ habetur sess. 11. in fine. Hoc autem mulierum voto, alia duo scilicet paupertatis, & obedientiæ non contineri, & decedentes sine electione sepultura ita demum in Ecclesiis Ordinum sui habitus sepeliantur, si communis sepultura pro ipsis in eis reperiatur, alias in Parochialibus sepeliantur. Ad habitum admittantur à Superioribus Regularibus, exceptis Capuccinis, ad id priuilegium habentibus. Ad illum autem non admittantur nisi spectata vitæ fuerint, & annorum saltem 40. quæ de proprio habeant, vt inde sufficienter viuere possint, & non cum aliis viris, quam cum consanguineis, vel affinibus in primo tantum gradu sibi coniunctis cohabitent, & ab Ordinario loci licentia prius impetrata, qui non aliter eam concedat quam si ei de prædictis qualitatibus diligenti prælo examine, constiterit. In habitu verò deferendo omnino abstineant à velo supra caput, quod superiutum vocant, à pectorali, vulgo sotto gola, et à patientia. Supradictis verò decretis mulieres tertiij Ordinis, quæ Collegialiter viuunt, non comprehenduntur, quinimo eas dispositioni Constitutionis Pii v. quæ incipit. *Circa pastoralis* penitus subiacere expressè declarat. Erasmus Chochier in tract. de Iurisdic. Ordinar. in exempt. to. 1. par. 1. q. 17. Peirinis tom. 1. priuileg. Minim. in Constit. 4. Sixti IV. §. 7. nu. 39. Barboza in Collect. Bullar. verb. *Tertiariæ, & Tertiarij*.

30 Ex quibus decretis, ac Bulla Leonis x. in Concilio Lateranensi edita plura sequuntur notatu digna his temporibus pro huiusmodi Tertiariis. Primum, tam Papam, Concilium, et SS. Congregationes supponere hos Tertiarios, de quibus loquimur, tripliciter viuere posse, videlicet primo *Collegialiter*, secundo cum *Claustralibus*, tertio *in proprijs domibus*. Hi dicuntur *Collegialiter* viuere qui in aliqua communi domo, aut Collegio sub habitu, et Regula Tertiiorum, non tamen vt Religiosi vixerint. Quare hi Tertiarii *Collegialiter* viuentes de quibus Papa, Concilium, et Sacra Congregationes in præsentia nec sunt illi de quibus num. 1. & 5. dictum est esse verè, et propriè Religiosos, nec sunt illi de quibus num. 6. è contrario dictum est non esse verè, et propriè Religiosos etiam si tria vota essentialia Religionis emittant, eo quod illa non emittant sub aliqua Regula, aut Religione approbata, ac proinde huiusmodi virorum Congregationes abolitas esse à Pio v. Quod dixerim ne credatur Collegia, seu domos communes Tertiiorum sub Regula, et habitu

habitu Tertiariorum degentes prohibita à Pio v. cum potius permiffa videantur à Leone Papa, Concilio Lateranenfi, et Sacris Congregationibus adductis. Hi autem dicentur cum *Clauftralibus* viuere qui fub Regula, et habitu Tertiariorum tantum, cum Religiofis tamen morantur. De quibus multi (inquit Peirinis tom. 1. *priuileg. Minim. fupra*) in Religione Minimorum reperiuntur. Illi verò dicentur *in proprijs domibus* habitare, qui fuae in proprijs, fuae alienis domibus, figillatim tamen, feorfim, et feperatim ab alijs Tertiarijs viuunt, quales funt multi praefertim in Hispania, et Italia.

31 Secundum, in praedicta Bulla Leonis, et decretis Sacrarum Congregationum diuerfimodè decerni, de viris, ac fæminis Tertiarijs. Vt enim viri Tertiarii priuilegijs quibus Fratres Ordinis cuius funt Tertiarii fruuntur, requiritur quod *Collegialiter* viuant, aut cum *Clauftralibus* habitent, vt dictum eft, ita vt fi feperatim, feorfim, aut fingulatim viuant non poffunt praedictis priuilegijs frui, aut gaudere. Ita enim clarè decernitur in dicta Bulla Leonis, & decretis Sacrorum Congregationum. At verò ad hoc quòd fæminæ Tertiariae, Pinzocherae, Beatae, vel fimilibus nominibus cognominatae, praedictis priuilegijs fruuntur, feu vtantur, non requiritur, quod Collegialiter viuant, aut cum *Clauftralibus* habitent, fed quod *Virginalem, calibem, aut caftam vidualem vitam* ducant, voto fimplici folius eiuſdem Virginalis, calibis, aut caſtae Vidualis vitae factò, & fub habitu illius Ordinis etiamſi in confanguineorum, aut affinium, aut proprijs domibus, vel feorfim habitent. Ita enim etiam decernitur in praedicta Bulla, & decretis. Declaratum etiam dicitur à S. Congregat. non debere Epifcopum explorare voluntates Tertiariarum fi domi degunt, & ibi votum calibatus emittunt. Barboſa in *Collect. Bullar. verb. Tertiaria, & Tertiarij*. Quod obiter animaduerto ne credatur huiusmodi Tertiarias eſſe veluti Moniales interrogandas ab Epifcopis an coactae, vel ſeducatae ſint, ſicut de Monialibus dictum manet to. 1. cap. 25. nu. 12.

32 Tertium, quod viri vxorati, aut fæminæ maritatae à praedictis priuilegijs Ordinum quorum funt Tertiarij excludantur, eo quod ſolum admittantur ad illa viri *Collegialiter* viuentes, aut cum *Clauftralibus* habitantes, qui, vt maniſeſtum eſt, vxores habere non poffunt dum taliter viuunt, & fæminæ quae *Virginalem calibem, aut caſtam vidualem vitam* ex voto ducunt, id eſt virgines, ſolutae, aut viduae, quo denotatur maritatas excludi.

33 Quartum, quod huiusmodi Tertiarij, mares, aut fæminæ in proprijs domibus habitantes, ſepulturam vbi *voluerint eligere* valent,

valent, ut habetur in Bulla Leonis, & Concil. Lateranen. Quod videtur positum à Papa, & Concilio, ne crederetur prædictos necessario sepeliendos esse in domibus Ordinum quorum sunt Tertiarij. Videtur etiam id intelligendum quoad feminas solum de illis quæ nec *virginalem, calibem, aut castam vidualem vitam* ducunt ex voto, nam de huiusmodi quæ talem vitam gerunt videtur permitti sepeliri posse in Ecclesijs suis: ù Ordinum. Casarubius in *Compend. priuileg. Mendicant. verbo mulieres*, nu. 6. & 7. Quod tamen limitat S. Congregatio Episcoporum, & Regularium adducta de decedentibus sine electione sepulturæ, & quando communis sepultura pro ipsis in eis reperitur. Ita ut etiam si sine electione sepulturæ decederent, si tamen communis sepultura pro ipsis in Ecclesijs Ordinum, quorum sunt Tertiariæ non reperiatur, sepeliri debeant in Parochijs, ut in dicto decreto habetur. Gauantus in *man. verb. Tertiarij* n. 11. & 12. ubi etiam aliam declarationem S. Congregationis refert. Declaratum etiam est à S. Congregat. apud Barbosam in *Collectan. Bullar. verbo Regulares quoad sepulturam* 8. posse Regulares in eorum Ecclesijs sepelire absque Parochi interuentu Tertiarios collegialiter viuentes, aut cum Claustralibus habitantes, nec non mulieres virginalem, aut cælibem, aut castam vidualem, expresso voto, & sub dicto habitu vitam ducentes. Quod si Tertiarij, vel Tertiariæ his careant qualitatibus non esse sepeliendos in Ecclesia Regularium, nisi ipsi dum vixerint in ea elegerint sepulturam, & tunc Parochum etiam esse adhibendum. Vide eundem Barbosam *ibid. verb. Tertiaria, & Tertiarij*.

34 Quintum, quod quoad Sacramenta recipienda, licet viri Collegialiter viuentes, aut cum Claustralibus habitantes, & feminæ *Virginalem, calibem, aut castam vidualem vitam* ex voto ducentes, possint uti priuilegijs suorum Ordinum, tamen viri separatim viuentes, aut feminæ prædictam vitam non gerentes, quales sunt maritatæ, aut aliæ, quæ non habent prædictum votum, Eucharistiam in die Paschatis, extremam vnctionem, & alia Ecclesiastica Sacramenta (Sacramento pœnitentiæ dumtaxat excepto) à proprio Sacerdote suscipere tenentur. Ita enim decernitur in prædicta Bulla Leonis x. & Concilio Lateranensi. Casarubius in *Compend. priuileg. Mendicant. verb. Mulieres* num. 6. & 7. Rodriguez tom. 1. *quest. Regular. q. 56. art. 10.* Gauantus in *man. Episcop. verb. Regular. iura sub Episcop. num. 53.* Ex quo sequitur quod Eucharistiam vltra diem Paschatis, & Sacramentum pœnitentiæ semper possint recipere ab alio quam à proprio Sacerdote iuxta sua priuilegia. Declarauit autem prædicta

Sacra

Sacra Congregatio Episcoporum, & Regularium, vt supra visum est. Non posse Sacerdotes Regulares audire *Confessiones Sacramentales mulierum tertij Ordinis, qua de poenitentia dicuntur, nisi ab Ordinario approbati fuerint ad Confessiones secularium audientes, neque posse illas communicare in Paschate.* Gauantus in *Man. Episc. verb. Regular. iura circa Tertiarias num. 1.* Ex quo videtur dicendum sub aliorum censura posse Sacerdotes Regulares audire confessiones Sacramentales virorum tertij Ordinis Collegialiter, aut cum Claustralibus viuientium, etiam si ab Ordinario approbati non fuerint (intellige, si ex vi priuilegiorum sui Ordinis id facere poterant) eo quod S. Congregatio solum requirat huiusmodi approbationem Ordinarij pro confessorijs audientibus Confessiones mulierum, non autem Virorum Tertij Ordinis. Neque obstat quod in Concilio Tridentino *sess. 23. cap. 15.* decernatur nullum Confessarium etiam Regularem posse audire Confessiones secularium, nisi vel habeat beneficium Parochiale, vel approbationem ab Episcopis. Hoc enim videtur intelligendum de communibus secularibus non de Tertiarijs Religionum, quia licet simpliciter seculares sint, sunt tamen aliquo modo personæ Ecclesiasticæ, & eiusdem Ordinis cum Regularibus eiusdem Ordinum. Sed vt dixi, aliorum sententiæ me submitto. Declaratum etiam est à S. Congregatione apud Barbosam in *Collect. Bullar. verb. Regulares 1.* Regulares non debere extra Conuentum ministrare Sacramenta suis Tertiarijs, præter Sacramentum Poenitentiae.

35 Sextum, quod licet quoad exemptionem à foro seculari, Ordinario, & oneribus quæ laicis incumbunt immunes non sint Tertiarij viri in proprijs domibus habitantes, & feminae prædictam vitam *Virginalem calibem, aut castam vidualem*, ex voto non ducentes, viri tamen Collegialiter viuentes, aut cum Claustralibus commorantes, & feminae prædictam vitam &c. ex voto ducentes, ab eis liberi, & immunes sunt, si priuilegijs suarum Religionum, vt dictum est, potiuntur. Ita enim supponitur in prædicta Bulla Leonis x. & decretis Sacrarum Congregationum adductis. Extat etiam pro Tertiarijs viris habitantibus in domibus proprijs alia declaratio S. Congregationis Episcop. & Regul. apud Gauantum in *Man. Episcop. verb. Tertiarij n. 1.* Alia autem declaratio eiusdem S. Congreg. quam ibidem *n. 2.* affert idem Gauantus, qua decernitur, quod Tertiariæ non viuentes simul Ordinario subiectæ sint, intelligenda est iuxta sensum alterius declarationis superius allatæ, scilicet de Tertiarijs feminis non habentibus virginalem calibem, aut castam vidualem

vitam, ex voto. Vide eundem *ibid.* num. 8. 9. & 10.

36 Septimum, quod licet prædicti viri *Collegialiter viuentes*, aut *cum Claustralibus* commorantes, & feminae prædictam vitam ut dictum est, ex voto gerentes, possint uti priuilegijs suarum Religionum etiam quoad diuina audienda tempore interdicti in Ecclesijs illarum, illi tamen viri Tertiarij qui in domibus proprijs habitant, & mulieres Tertiariæ vitam illam *Virginalem &c.* ex voto non ducentes *ad diuina audienda in Ecclesijs suorum Ordinum tempore interdicti nullatenus admittantur, si causam dederint interdicto, vel causam ipsam nutriant, seu foueant, aut dantibus, auxilium, consilium, vel fauorem quoquomodo presterint.* Ita in præd. Bulla Leonis x. Quod videtur denotari quod si prædicta non fecerint, admitti possint, saltem ex vi istius Bullæ.

37 Octauum, (quod generaliter aduertendum est pro priuilegijs Tertiariorum) quod cum in dicta Bulla Leonis, & decretis adductis prædicta obseruari præcipiuntur *non obstantibus &c.* ideo Tertiariorum priuilegia quatenus contraria fuerint prædictæ Bullæ, & decretis omnino irrita, cassa, & nulla cêsenda erunt.

38 Nonum, circa vltima verba prædicti decreti, ideo à S. Congregatione dictum esse *prædictis decretis mulieres tertij Ordinis, quæ Collegialiter viuunt, non comprehendunt, quinimo eas dispositioni Constitutionis Pij V. quæ incipit Circa pastoralis penitus subiacere*, quia in prædicta Constitutione Pij v. quæ habetur in 2. tom. Bullarij num. 8. inter Bullas huius Pontificis, decernitur, quod mulieres Tertiariæ in Congregatione viuentes moneantur ab Ordinarijs, & Superioribus, ut votum solemne emittant, quod si non emiserint, non possint vllam aliam in futurum admittere. Quo videtur intentum Pontificis fuisse omnino extinguere Congregationes istas mulierum votum solemne non emittentium, & ita declaratum dicitur à S. Congregatione anno 1596. Piafecus *in sua Praxi p. 2. cap. 3. num. 57.* Peirinis *to. 1. priuileg. Minim. in Constit. 4. Sixti IV. §. 7. num. 35.* & propterea forsan à S. Congregatione Episcoporum, & Regularium ordinatum est ut in Ecclesijs Tertiariarum, quæ professionem solemnem non emittunt trium votorum, nec in clausura viuunt, non permittatur Eucharistia. Gauantus *in Man. Episcoporum verb. Eucharistia num. 3.*

39 Quoad priuilegium Canonis *Si quis suadente*, cum nihil dicatur in prædictis Bulla, & decretis, iudicandum est secundum Regulas iuris communis. Atque adeo dicendum Tertiarios viros *Collegialiter viuentes*, aut *cum Claustralibus* commorantes, aut Tertiarias, quæ Virginalem, cœlibem, aut castam vidualem vitam

vitam ducunt ex voto, & cum habitu gaudere hoc priuilegio. cum etiam gaudeant alijs priuilegijs Ordinum suorum, iuxta dicta. Præsertim quia hoc non tam est priuilegium quam ius commune competens cunctis personis Deo dicatis. De alijs autem Tertiarijs vtriusque sexus, viris quidem separatim viuuntibus, aut mulieribus sine tali uoto vitam ducunt ut diffici-
 est responsio. Nihilominus probabile est etiam gaudere priuilegio dicto Canonis, cum sint personæ etsi non simpliciter Religiosæ, aut Ecclesiasticæ, aliquo tamen modo, & secundum quid tales, & Deo dicatæ, ac habentes modum viuendi approbatum à Sede Apostolica. Casarubius in *Compend. priuileg. Mendicant. verb. Tertiarij num. 24. S. aliter breuius*. Si tamen habitum proprium Tertiariorum, seu tertij Ordinis portent. Portellus in *Dub. Regul. verb. Tertiarij num. 3.*

40 Inter qualitates requisitas ut Tertiarij siue mares, siue fæminæ ad habitum admittantur, computandæ etiam sunt illæ quas S. Congregatio Episcop. & Regul. circa fæminas obseruari præcipit, ut dictum est *num. 29.* ex autem sunt sex. Prima, quod non recipiantur ad habitum nisi *speclata vita fuerint*, idest, bonis moribus, seu uirtutibus ornatæ. Secunda, quoad ætatem, quod sint *annorum saltem 40.* Tertia, quod habeant *de proprio vbi inde sufficienter viuere possint*. Quarta, quod non habitent *cum alijs viris, quam cum consanguineis, vel affinibus in primo tantum gradu*. Quinta, quod *ab Ordinario loci licentia prius impetrata* (intellige recipiantur) *qui non aliter eam concedat, quam si ei de prædictis qualitatibus, diligenti præuio examine, constiterit*. Sexta, quod in habitu deferendo omnino abstineant à velo supra caput, quod *superiutum* vocant, & à *pectoralis*, vulgo *sotto gola*, & à *patientia*. Cum autem in huiusmodi decretis non apponatur clausula irritatoria, nec utatur S. Congregatio uerbo *non possint admitti*, aut simili, sed solum, *non admittantur*, uidetur, defectum huiusmodi qualitatium, aut aliquarum ex ipsis non irritare professionem, seu receptionem prædictarum mulierum, licet peccatum committant transgressores horum decretorum. Quoad id tamen de patientia quæ prohibetur deferri à mulieribus Tertiarijs, quod attinet ad Pinzocheras, seu Beatas nostri Ordinis uidetur limitandum, ut scilicet non illam deferant eo modo quo Fratres, ac Moniales Ordinis, sed breuiores, & strictiores. Cum enim prædicta patientia sit proprius habitus Ordinis nostri, & ex concessione Summorum Pontificum prædictis Pinzocheris, seu Beatis habitum Ordinis communicare possimus, credendum est S. Congregationem non uoluisse ut abstinerent omnino à

tali patientia, sed solum modo dicto. Vnde Gauantus in Man. Episcoporum uerbo Tertiarij notat ideo appositam esse hanc legem à S. Congregatione circa mulieres Tertiarias, *ne videantur esse Moniales*. Consonat alia declaratio S. Congregationis apud Barbosa in *Collectan. Bullar. verbo Confratres*, ubi asseritur posse Confratribus sæcularibus concedi habitum patientiæ, quæ solis Religiosis propriè conuenit. Si enim Confratribus id conceditur multo potiori ratione Tertiarijs concedi debet, qui magis accedunt ad statum Religiosum.

41 Subiiciuntur prædicti Tertiarij, viri scilicet non collegialiter viuentes, & sæminæ non ducentes vitam cælibem, virginalem & castam modo dicto, directioni, & gubernationi Superiorum Ordinum quorum sunt Tertiarij, nõ quidem propter iurisdictionem quam supra ipsos habeant, cum sint personæ simpliciter sæculares, sed propter curam spiritualem, & specialem diligentiam, quam de salute spirituali ipsorum tenentur habere, cum sint aliquo modo membra Religionum, quarum sunt Tertiarij. Casarub. in *Compend. priuileg. Mendicant. verb. Tertiarij num. 24. §. Quoad primum gradum*. Miranda in *Man. tom. 1. q. 36. art. 6*. Vnde illos punire non possunt, nec illi peccant non obediendo Superioribus. Portellus in *Dub. Regular. verbo Tertiarij num. 6*. Loquendo autem de alijs Tertiarijs viris quidem collegialiter viuentibus, aut cum Claustralibus habitantibus, & mulieribus prædictam vitam cælibem &c. ex voto ducentibus, cum exempti sint à iurisdictione Ordinarij, & sæculari, videntur subijci iurisdictioni Prælatorum Ordinum, atque ita posse illos corrigere, punire, &c. sicut alios subditos Religiosos, ne dicamus eos sub nullius iurisdictione esse. Vnde propter hanc causam possunt illos priuare habitu Ordinis, vt docet Portellus *vt supra num. 10*.

42 Possunt nihilominus omnes isti Tertiarij ad instar modi, qui obseruatur communiter in Confraternitatibus habere veluti Superiores aliquos ex se ipsis, vt eorum curam habeant ad conuocandum eos, corrigendum, &c. Id enim rationi, & intentioni Summorum Pontificum hunc modum viuendi approbantium, conueniens videtur. Casarub. in *Comp. verb. Tertiarij vt supra*. Hi autem vocantur ab Innoc. vii. in Bulla sæpius relata pro Tertiarijs Dominicanorum Magistri, siue Directores, respectu virorum. Priorissæ, seu Suppriorissæ respectu sæminarum. Et à Martino v. in Bulla etiam sæpius relata pro Tertiarijs Seruitarum, Correctores, Subcorrectores, seu Vicarij respectu virorum, & Priorissæ respectu sæminarum. Qui Superiores ab ipsis Tertiarijs eligi, vel nominari debent, vel saltem à Superioribus Religio-

Religionum cum consilio tamen ipsorum Tertiariorum, prout rationi, & æquitati congruum est, & supponunt Innocent. vii. & Martinus v. in Bullis relatis.

43 Quoad indulgentias concessas huiusmodi Tertiarijs, constat Clem. vii. concessisse moderno, & pro tempore Generali Minimorum, vt Tertiarijs plenariam omnium suorum peccatorum indulgentiam semel dumtaxat singulo quoque triennio elargiri posset, ipsisque Tertiarijs vt de licentia dicti Generalis eligere possent vnum Confessorem idoneum eiusdem Ordinis qui eos ab omnibus casibus, etiam Episcopalibus, & censuris Ecclesiasticis absolvere posset, pœnitentia salutari iniuncta. Ita habetur inter priuilegia Minimorum apud Peirinis *tom. 1. inter Constitutiones Clem. VII. num. 9.* Sed quia hæc concessio non fuit nisi viuæ vocis oraculo facta, ideo hoc tempore quo omnes huiusmodi concessiones vocis oraculo factæ à SS. D. N. Urbano reuocatz sunt, nihil valet. Si autem innouetur ab aliquo Pontifice Confessarius ille approbatus debet esse ab Ordinario nisi forsan pro Tertiarijs viris, vt dixi supra *nu. 34.* Rursus quantum ad absolutionem à casibus Episcopalibus cauenda est transgressio decreti S. Congregationis sub Clem. vii. & Urbano vii. de quo *tom. 1. cap. 19. num. 17.* nisi forte dici posset huiusmodi Tertiarios prædicto decreto non comprehendi, eo quod quamuis simpliciter seculares sint, sunt tamen aliquo modo personæ Ecclesiasticæ, & eiusdem Ordinis, cuius sunt Tertiarij. Vide Peirinis *tom. 1. priuil. Minim. in Const. 9. Clem. VII. §. 2.* Hæc autem intellige secundum moderationem factam à Leone x. & S. Congregatione de quibus supra, scilicet de Tertiarijs, de quibus ibi dicitur gaudere posse priuilegijs Religionum.

44 An Tertiarijs conueniant qualitates, quas supra dictum est esse necessarias ad fruendum priuilegijs Tertiariorum, Ordinarij loci iudicium spectandum est. Ex S. Congreg. Episcop. & Regul. apud Barbosam in *Coll. Et. Bullar. verb. Tertiaria, & Tertiarij.*



SYMMARIUM CAP. XV.

Nomen Confrater, vel Confraternitas, alijs Confratria unde sumptum. nu. 1.

Quid significet. ibid.

Quid sint huiusmodi Confraternitates. num. 2.

Quae sint dicenda pia, Ecclesiastica, & Religiosa. num. 3.

An gaudeant privilegio fori. num. 4.

An earum bona alienari possint sine solemnitate. ibid.

An sint immunes à solutione gabellarum. nu. 5.

An gaudeant beneficio restitutionis. ibid.

An ad praescribendum contra ipsarum bona requiratur tempus 40. annorum. nu. 6.

Quid antiquiores Pontifices circa earum institutionem decreuerint. nu. 7.

Quid verò Clem. VIII. ibid.

Vna tantum Confraternitas in vno loco instituenda. num. 8.

Quomodo id intelligendum. ibid.

De Ordinarij consensu. num. 9.

Cum litteris testimonialibus eiusdem. ibid.

Quae privilegia, & indulgentiae, & quomodo eis communicanda. num. 10.

An alijs potiri possint. num. 11.

Qualiter possint pro eisdem fieri statuta. nu. 12.

Quomodo subiaceant correctioni Episcopi. ibid.

Formula praescripta à Clem. VIII. obseruanda. num. 13.

Quomodo gratia, & indulgentia promulganda. num. 14.

Quomodo Eleemosynas possint petere. num. 15.

In qua opera eroganda. ibid.

Facultas Confessorum Confraternitatum. num. 16.

Quae privilegia dicantur esse in usu. num. 17.

Quae censeantur contraria Concilio Trident. nu. 18.

Omnes Confraternitates ante Clem. VIII. instituta renouanda sunt. num. 19.

Alioquin nullius sunt roboris, & momenti. ibid.

Quid tamen circa hoc declaratum sit à S. Congreg. ibid.

Litterae pro institutione Confraternitatum omnino gratis danda. num. 20.

Pæna contra transgressores praedictorum decretorum. num. 21.

Confraternitates contra praefatam formam instituta nulla sunt, & irrita. ibid.

Quae

- Quæ circa Confraternitates declarata sint à Sacra Congregatione*
num. 22.
- Quid circa earum præcedentiam.* num. 23.
- Num possint cogi accedere ad processiones.* num. 24.
- Processiones Confraternitatum per quas vias extendende.* num. 25.
- Qualiter accedere debeant ad funerals mortuorum.* num. 26.
- Quid de Confraternitate Rosarij.* ibid.
- An possint aliquid recipere pro accessu.* ibid.
- Quod ius habeant DD. Episcopi visitandi Confraternitates.* num. 27.
- Altaria, & Cappellas illarum in Ecclesiis Regularium constructa.*
ibid.
- Contribuere debent pro Seminario puerorum.* num. 28.
- De Capellanis Confraternitatum.* num. 29.
- An possit dari aliquid pro receptione alicuius Confratriæ.* num. 30.
- An possit fieri statutum de hoc.* ibid.
- Confraternitates ditionis Mediolanensis quæ statuta obseruent.*
num. 31.
- De Confraternitate Beatiss. Virg. Mariæ de Monte Carmelo.* num. 32.
- Quæ gratiæ eidem concessæ sint ab antiquioribus Pontificibus.* num. 33.
- Quid ei concesserit Urban. IV.* num. 34.
- An maneat in sua vi.* ibid.
- Quid Clem. VII.* num. 35. & 36.
- Ex ijs quædam sublata sunt, alia moderata, alia manent in sua vi.*
num. 37.
- Quid de illis Indulgentijs pro quibus manus adiutrices requiruntur.*
num. 38.
- Gregorij XIII. concessiones.* num. 39.
- Pauli V. concessiones antiquioribus reuocatis.* num. 40.
- Indulgentia pro processione.* num. 41.
- Quæ notanda circa prædicta.* num. 42.
- Habitus, seu scapularis gestatio.* num. 43.
- Descriptio in libro Confraternitatis.* num. 44.
- Seruanda castitas.* num. 45.
- Recitandum Officium Canonicum, vel ieiunandum, &c.* num. 46.
- Quis instituere possit hanc Confraternitatem.* num. 47.
- An hæc facultas sit delegabilis.* num. 48.
- Concordia inter nostros, & RR. PP. Discalceatos.* num. 49.
- Quæ conditione concedenda sit facultas instituendi Confraternitates*
in alienis Ecclesiis. num. 50.
- De grauissima Rosarij Confraternitate.* num. 51.
- Indulgentiæ illi concessæ.* ibid.
- Sixti IV. approbatio pro usu recitandi Rosarium.* num. 52.

Leonis X. concessio .ibid.

Innocent.VIII. concessio. num.53.

Raimundi Cardinalis Legati concessio .nu. 54.

Leonis X. approbatio, & concessio priuilegiarum. nu. 55.

An pro receptione in Confratres sit aliquid accipiendum. nam. 56.

Predicta Confraternitas à S Dominico instituta. nu. 57.

Quid concesserit ei Clem.VII. num.58.

Decreta, statuta, & concessiones à Pio V. pro hac Confraternitate
facta. num. 59.

Sixti V. confirmatio. num. 60.

Notanda circa predicta . num. 61.

Circa processionem huius Confraternitatis declaratio. num. 62.

De Confraternitate Chorda Scraphici P.S Francisci. num. 63.

A Sixto V. instituta. ibid.

Gratia, & indulgentia eidem concessa . ibid.

Conditiones ab hoc Pontifice pro ea designata. num. 64.

De Confraternitate Corrigatorum S. Augustini. num. 65.

Quid concesserit Eugen. IV. pro illa. ibid.

Quid Gregor. XIII. ibid.

Nihil debet solui pro aggregatione. ibid.

Vnio Confraternitatum Castella Archiconfraternitati B. Mariae de

Consolatione Conuentus Bononiensis. num. 66.

Cum certis gratijs, & priuilegijs. ibid.

Concessiones Greg. XIV. & Greg. XV. nu. 67.



De Confratribus, & Confraternitatibus Regularium
personarum, eorumque obligatio-
nibus, & Priuilegijs.

Cap. XV.



NOMEN Confrater, vel Confraternitas, alijs Confratria, à *con*, &, *Frater*, vel *Fraternitas* compositum, significat coniunctionem, vel communionem in Fraternitate, sicut consanguineus, vel consanguinitas, Compater, vel Compaternitas significant coniunctionem, vel communionem in sanguine, vel paternitate, eo scilicet quod Confratres, vel Confraternitates coniunctionem, vel communionem aliquam habeant.

2 Sunt autem huiusmodi Confraternitates Congregationes quædam fidelium Laicorum ad pias, & deuotas exercendas actiones. Illæ enim Congregationes merè prophanz quæ neque auctoritate Episcopi, neque ad pias actiones exercendas sunt institutz, quales sunt aliquæ Congregationes Mercatorum, Artificum, Scholasticorum, &c. inter Confraternitates prout in præsentì non numerantur. Huiusmodi autem Confraternitates ad pias, & deuotas actiones exercendas ordinatz, aliæ sunt à Regularibus institutz, aliæ à Laicis; rursus aliæ Episcopi auctoritate, seu consensu institutz sunt; aliæ verò solum priuatarum personarum consensu. Item aliæ proprias Ecclesias, seu Oratoria habent; aliæ non nisi Capellas, aut Altaria in alijs Ecclesijs. De quibus omnibus agendum.

3 Quamuis Confraternitates Episcopi auctoritate institutz piz, Ecclesiasticæ, & Religiosæ sint dicendæ, vt colligitur *ex cap. de Xenodochijs tit. de Religiosis domibus, & cap. Ad hac eodem titulo.* Illæ tamen quæ absque Episcopi auctoritate institutz fuerint, minimè Ecclesiasticæ, aut Religiosæ sunt censendæ: ex eo quod qualitatem hanc vt Ecclesiasticæ, seu Religiosæ fiant secundum lus canonicum tribuere non possunt priuati absque Prælati auctoritate, ex dicto *cap. Ad hac de Religios. domib.* Barbosa *de offic. & potest. Episcop. allegat. 75. à num. 25.* Possunt tamen dici piz cum in eis opera pietatis exerceantur, & ad illa exercenda ordinatz sint. Barbosa *ibid. num. 27.* Personæ autem ipsæ Confratrum non

Rr. sunt

sunt dicendæ Ecclesiasticæ, cum nec habitum, nec statum mutant, nec se ita specialiter Deo deuoueant sicut requiritur ad Ecclesiasticæ personæ rationem. Capistranus *apud* Rodrig *to. 3. quest. Regul. q. 21. ar. 4. in fine.*

4 Hinc prædictæ Confraternitates Episcopi auctoritate institutæ gaudent priuilegio fori, itaut si ipsarû corpora conueniantur ad forum Ecclesiæ pertineat cognitio, quia verè sunt Religiosæ, & Ecclesiasticæ, similiter earum bona alienari non possint sine solemnitatibus requisitis in rerum Ecclesiasticarum alienationibus, quia verè sunt bona Ecclesiastica. Bonacina *de Contractibus disp. 3. q. 8. punct. 4. num. 21.* Barbosa *dicta allegat. 75. num. 31.* Quod secus dicendum de alijs Confraternitatibus sine consensu Episcopi institutis. Personæ autem Confratrum non gaudent hoc priuilegio, cum non sint Ecclesiasticæ, iuxta dicta *supra.*

5 A solutione etiam Gabellarum immunia sunt si vendantur bona prædictarum Confraternitatum Episcopi auctoritate institutarum, cum sint Ecclesiastica, & ad pios vsus ordinata. Molina *tom. 3. de iust. disp. 671. in princip.* Barbosa *de offic. & potest. Episcopi allegat. 75. num. 35.* Quod etiam extendit ad bona illarum Confraternitatum quæ Episcopi auctoritate institutæ non fuerint, eo quod in Authent. *Item nulla communitas Cod. de Episc. & Cleric.* exemptio à gabellis, & alijs tributis omnibus pijs locis, & causis concedatur, & huiusmodi Confraternitatum bona ad pios vsus destinentur. An autem gaudeant beneficio restitutionis in integrum idem Barbosa *ut supra num. 36.* An ex ijs quæ ipsis relinquuntur quarta canonica debeatur à *num. 43.* & an ex illis relictis quarta falcidia deduci possit *num. 50.*

6 Hinc etiam ad præscriptionem rerum pertinentium ad Confraternitates, quæ Episcopi auctoritate institutæ sunt, tempus quadraginta annorum necessariò requiritur, cum bona Ecclesiastica sint, & per consequens talium priuilegijs gaudere debeant. Constat enim res Ecclesiarum minori spatio quam 40. annorum præscribi non posse. *Cap. ad aures, c. Illud, c. De quarta,* cum multis similibus de præscriptionibus. Nec improbable, hoc etiam priuilegium extendi ad bona quoque Confraternitatum quæ ad pios vsus institutæ sunt, siue cum Episcopi auctoritate, siue sine illa. Molina *de iustitia tract 2. disp. 72. versu Hoc verò priuilegium.* Barbosa *dicta alleg. 75. num. 55.*

7 Quamuis à pluribus Romanis Pontificibus nonnullis Regularibus Ordinibus, Sæcularibusque Congregationi us, eorumque Superioribus concessæ fuerint variæ facultates erigendi, vel instituendi Confraternitates, vel etiam eas sibi aggregandi, cisque

eisque priuilegia, & indulgentias communicandi; cum nulla forma certa, vel ratio præscripta esset qua id fieri deberet, nonnullæ prauæ consuetudines irreperunt, multaque incommoda inde prouenerunt, siue negligentia Superiorum, siue aliorum officialium instituentium, erigentium, seu aggregantium prædictas Confraternitates. Propterea Clemens VIII. anno 1604. in Constitutione *Quacumque à Sede* die 7. Decembris eiusdem anni edita, quæ habetur in 3. tom. Bullar. inter Constitutiones Clement. VIII. num. 115. & apud Quarantam in *Summa Bullar. verb. Confraternitates*, quam postea confirmauit, & ad Canonicos, & Capitulum Ecclesiæ Lateranensis de Vrbe extendit Paulus v. in Bulla *Quæ salubriter* anno 1610. inter Bullas ipsius 3. to. Bullar. nu. 68. sequentia decreuit.

8 Primò, prædictos omnes facultatem habentes instituendi, erigendi, seu aggregandi Confraternitates, vnam tantum Confraternitatem in eorum, & alijs Ecclesijs, & locis instituere, & aggregare posse. Gauantus in *Man. Episcop. verbo Confraternitas num. 1.* Tamen à S. Congregatione super Indulgentijs declaratum, Superiores Regulares, quibus à Paul. v. concessa est facultas noua instituendi Confraternitates (qualis est Generalis Carmelit. vt dicemus) posse super huiusmodi distantia inter Confraternitates, tam quoad antiquas confirmandas, quam ad alias de nouo instituendas dispensare, ob iustam causam ab Ordinario loci approbandam in scriptis. Ita indicatur in nostris Constitutionibus *par. 4. cap. 28. §. 2.* Declarationem autem ipsam refert Lauretus de Franchis in *Controuers. Episcop. & Regular. fol. mibi 66.* Vbi simul habetur eandem S. Congregationem declarasse posse confirmari à Superioribus Regularium plures Confraternitates ab antiquo institutas Canonicè in Ecclesijs Regularibus Collegiatis duodecim Fratrum, & in eodem loco, etiamsi sint eiusdem nominis, & instituti, iuxta formam tamen huius Constitutionis. Confraternitatem tamen SS. Sacramenti conceditur erigi posse in omnibus Ecclesijs parochialibus. *Lau- retus vt supra.*

9 Secundò, huiusmodi Confraternitates institui, aut aggregari non posse à prædictis nisi consensu Ordinarij loci, & cum litteris eius testimonialibus, quibus Confraternitatis erigendæ, seu aggregandæ pietas, seu institutum, & Christianæ charitatis officia, quæ exercere cupit, vel consuevit, commendentur. Ita scilicet vt cum Confraternitas de nouo erigenda est, id non fieri possit sine consensu Ordinarij loci, *Et cum litteris eius testimonialibus quibus Confraternitatis erigenda, & instituenda pietas, & Christiana*

charitatis officia qua exercere cupit apud eos commendetur. Cum verò Confraternitas non erigitur, aut fundatur, sed alij Archiconfraternitati aggregatur id non possit fieri nisi, *prævio similiter loci Ordinarij consensu, & cum eius litteris testimonialibus quibus eiusdem Confraternitatis, & Congregationis aggreganda institutum, pietas, & Christiana charitatis officia qua exercere consuevit, apud eos commendentur.* Gauantus *ut supra num. 3.* Vide autem circa huiusmodi consensum Ordinarij dicenda *infra num. 19.* Cum verò ipsemet Pontifex institutiones, & aggregationes Confraternitatum alio modo factas nullius roboris, & momenti esse declarauerit, ut inferius videbitur, iam Congregationes istæ sine consensu Ordinarij loci erectæ, aut erigendæ non erunt vocandæ Confraternitates, nec priuilegijs, aut indulgentijs veris Confraternitatibus concessis, de quibus etiam postea, gaudere, aut frui poterunt. Poterunt tamen vocari Congregationes piæ, seu pia loca, si ad pias actiones gerendas ordinantur, ut dictum est superius. Declaratum etiam à S. Congregatione Episcoporum, Regularium, non licere Clericis Societatis Iesu; nec Regularibus Ordinis S. Dominici instituere Confraternitates nouas secularium sine Ordinarij licentia. Barbosa *in Collect. Bullar. verb. Confraternitas.* An verò ad confirmandas antiquas Confraternitates requiratur etiam consensus Ordinarij, vide dicenda *infra nu. 19.* & Lauretum de Franchis ibi afferendum.

10 Tertiò, decernit Pontifex in prædicta Constitutione quod Prælati, seu Superiores Confraternitates instituentes, vel aggregantes, illis ea tantum priuilegia, indulgentias, facultates, aliasque spirituales gratias, & indulta, quæ ipsi Ordini, Religioni, instituto, erigenti, instituenti, ac communicanti, seu Archiconfraternitati, & Congregationi aggreganti nominatim, & in specie, non autem quæ per extensionem, vel communicationem sibi quouis modo concessæ sunt, & illa quidem non sub generali forma verborum, vel ad instar, sed expresse, & in specie communicare valeant. Gauantus *in Man. Episcopor. verbo Confraternitates num. 4.* Vnde prædicti institutores, vel aggregatores Confraternitatum non possunt dicere, *Communicamus huic Confraternitati omnes gratias, & priuilegia indulgentias, &c. quæ tali Ordini, aut Confraternitati sunt concessæ, aut quibus per communicationem potitur.* Sed debent dicere, *Communicamus tales, & tales gratias Ordini, vel Confraternitati nostris concessas, quæ sunt istæ, & istæ, &c.*

11 Hic tamen dubitari potest, esto non possint ab institutoribus Confraternitatum communicari ipsis nisi solum gratiæ ipsis Ordini, vel Archiconfraternitati concessæ, non verò, eæ quæ per commu-

communicationem priuilegiorum ipsis competunt, an saltem ipsæ confraternitates institutæ illis potiantur. Ex vna enim parte videtur quod non, cum nulla alia ratione videatur prohibitum à Pontifice vt non fiat communicatio gratiarum, quæ solum per communicationem priuilegiorum competunt institutorum Ordinibus, vel Archiconfraternitatibus, nisi quia non vult quod illis potiantur Confraternitates institutæ, vel aggregatæ. Ex alia verò parte cum Pontifex non declaret se abrogare, aut cassare prædictas gratias quæ per communicationem priuilegiorum Confraternitatibus competunt, videtur illis posse, vt prædictas Confraternitates institutas. Quæ posterior pars cum sit in materia fauorabili mihi probabilis videtur, & quod solum prohibuit Pontifex prædictam communicationem gratiarum solum per communicationem competentium Ordinibus, vel Archiconfraternitatibus instituentibus, vel aggregantibus Confraternitates, tum propter tollendam confusionem quæ in communicatione gratiarum hoc modo facta reperitur, tum propter incertitudinem, quæ sæpius esse solet in tali communicatione priuilegiorum, seu gratiarum. Aliorum tamen iudicio rem relinquo.

12. Quartò, præcipit Pontifex, vt statuta talium Confraternitatum instituendarum, seu aggregandarum sint prius ab Episcopo Diocesano examinata, & pro ratione loci approbata, & eiusdem Episcopi decretis, ac moderationi, & correctioni in omnibus semper subiecta remaneant. Loqui autem videtur solum Pontifex de illis statutis, quæ edita sunt ab instituentibus, seu aggregantibus dictas Confraternitates, & quæ illis impartiuntur, vt patet ex textu Bullæ, non de illis statutis, quæ ipsæ Confraternitates institutæ pro suo bono regimine fecerint. Atque ita ex vi huius decreti non requiri prædictum Episcopi examen vel approbationem ad ea statuta, quæ Confraternitates ipsæ institutæ postea fecerint.

13. Quintò, ordinat vt prædicti Confraternitatum institutores, seu aggregatores, in institutione, seu aggregatione ipsarum seruent formulam ab ipso Pontifice, nouissime approbatam, & secundum ipsam priuilegia, & indulgentias ipsis communicent nominatim, & expresse, vt supra dictum est. Quæ autem, & qualis sit ista formula de qua Pontifex hic loquitur, scire non potui. Verumtamen Flavius Cherubinus in *Compend. Bullar. super prædicta Bulla Clementis VIII. num. 115.* formulam quamdam refert quam dicit esse in usu. Ea autem solum pro aggregatione Confraternitatum, non pro institutione facta videtur, etsi ex illa

illa quoque qualis futura sit ea, qua pro institutione Confraternitatum vti debent institutores dignosci potest.

14 Sextò, decernit vt prædictæ gratiæ, & indulgentiæ communicatæ præuia tamen recognitione Ordinarij loci (qui adhibitis duobus de eiusdem Ecclesiæ Capitulo illa iuxta Sacri Concilij Tridenti decretum promulganda decernat) promulgari valeant. Gauantus vt *supra num. 4.* Vbi aduertendum non præcipi à Pontifice, vt Confraternitates non possent vti prædictis gratijs, & indulgentijs sine prædicta recognitione Ordinarij, &c. duorum de Capitulo, sed quod non possint illas promulgare sine hac recognitione.

15 Præcipit septimò, vt licet Officialibus, & Ministris Confraternitatum potestas sit excipiendi eleemosynas iuxta modum, & formam per Ordinarium loci præscribendam, hoc tamen sit, *remotis mensis, peluibus, & capsis, quæ in Ecclesijs, & Oratorijs dictarum Confraternitatum, & Congregationum publicè ad hoc exponi consueuerunt.* Prædictas autem eleemosynas erogandas, & expendendas vult in reparationem, & ornatum Ecclesiarum dictarum Confraternitatum, tam instituentium, & aggregantium, quam institutarum, & aggregatarum, aut in alios earum pios vsus arbitrio Vicarij S. suæ in Vrbe, & Ordinariorum locorum respectiue.

16 Declarat octauò, Confessarios qui virtute priuilegiorum dictarum Confraternitatum eligi possunt, si fuerint sæculares debere esse approbatos à Vicario Urbis in ipsa Vrbe, & extra illam à locorum Ordinarijs. Si verò fuerint Regulares, non solum à prædicto Vicario Urbis, & Ordinarijs locorum respectiue, sed etiam à suis Superiorioribus. Insuper quod prædicti Confessarij Confratres confitentes absolueri valeant à criminibus, casibus, & censuris, iuxta formam dumtaxat dictorum priuilegiorum, *quatenus tamen (inquit Pontifex) sint in usu, & Sacris Concilij Trident. decretis, ac Romanorum Pontificum prædecessorum nostrorum, & nostris Constitutionibus non aduersentur, nec reuocata, aut sub aliquibus renocationibus comprehensa sint, formam, & tenorem dumtaxat absolueri valeant.* Decernimus insuper, vt ijdem confessarij prædictos Confratres cuiuscumque gradus, status, conditionis, & præeminentia, etiamsi speciali nota digna fuerint, à casibus contentis in litteris quæ die Cæne Domini legi consueuerunt, nec non violationis immunitatis, & libertatis Ecclesiasticae, & clausura Monasteriorum Monialium, si videlicet sine necessaria, & urgente causa, ac sine Superiorum licentia, vel etiamsi causa, & licentia concessa abutentes, prædicta Monasteria ingressi fuerint, nec nõ violenta

manus

manus iniectionis in Clericum, & singularis certaminis, seu duelli, ac ab alijs etiam casibus tam à nobis quam à prædicto nostro in Vrbe Vicario, & locorum Ordinarijs respectiue reseruatis, & pro tempore reseruandis, & etiam à quauis excommunicatione ab homine lata absolueri, & super irregularitatibus, tum ex aliquo defectu proueniuntibus quam occasione delicti contractis cum aliquo dispensare prætextu dictorum priuilegiorum nullo modo possint.

17 Circa quæ valde vtile erit cognoscere quando priuilegia dicantur esse in vsu Religionum, vel Confraternitatum, quod non modo pro hac materia, sed pro alijs etiam deseruire potest. Primo ergo illa priuilegia dicuntur esse in vsu Religionum, vel Confraternitatum, quæ sunt in viridi obseruantia, & quibus Religio vel Confraternitas actualiter vtitur, hoc enim certum est apud omnes. Secundo etiam dicuntur esse in vsu Religionis, vel Confraternitatis, quando etsi illis non vtantur illorum tamen scientiam, aut cognitionem non habent, aut si habent, non est oblata occasio illis vtendi, aut fuit impedimentum ad vtendum illis, tunc enim quasi habitualiter dicuntur esse in vsu. Tertio etiam dicuntur esse vsu, quando etsi Religio, aut Confraternitas illis actualiter non vtatur, etiam data occasione, & potentia ad illud, & cum illorum notitia, contra illa tamen non est præscriptum tempore legitimo: cum enim priuilegia Religionum sint quædam bona ipsarum, & contra bona ipsarum, vt potè Ecclesiastica non detur præscriptio iure communi nisi spatio 40. annorum, *cap. accedenti de priuileg. de quo etiam supra num. 6. ideo contra priuilegia Regularium non datur præscriptio nisi dicto spatio, dum autem non est præscriptum contra illa, dicuntur esse in vsu saltem habitualiter, quatenus potest esse vsus illorum, sic sentio probabile sub doctiorum censura. Ita enim colligo ex Corduba in Compend priuileg. verb. Absolutio quoad seculares 1. §. quoad §. 19. Rodrig. tom. 1. quæst. Regul. q. 8 art. 3. 4. 5. Porcellus in Dub. Regular. verbo priuilegij cessatio per non usum num. 57. & 58. Peirinis tom. 1. priuileg. Minimor. in Constitut. 15. Iulij II §. 3.*

18 Similiter circa illud quod in Constitutione Clementis dicitur de huiusmodi priuilegijs Religionum, & Confraternitatum, quod scilicet possint illis vti Confessarij dum modo non aduersentur decretis Concil. Trident. dubitari potest tam pro hac, quam pro alijs materijs, quæ decreta sint ista, quibus aduersantia priuilegia tolluntur. Pro quo notandum, quod inter decreta Concilij alia sunt quibus ita aliquid decernitur, vt tamen priuilegia contraria non reuocentur, alia verò quibus etiam priuilegia contraria reuocantur. Quando ergo Papa confirmat priuilegia,

legia, quatenus decretis Concil. Tridentini non aduersantur, intelligendus est de illis decretis quibus privilegia reuocantur, non de illis quibus etsi aliquid decernatur id non est cum reuocatione privilegiorum. Cum enim privilegia non reuocet, videtur relinquere illa in sua vi, & quod dicta decreta solum pro non privilegiatis locum habeant. Sic sentiunt probabiliter. Rodriguez *tom. 1. quæst. Regul. q. 8. art. 6.* Portellus in *Dub. Regul. verbo privilegij confirmationum. 61.* & fauet Suarez *lib. 8. de legibus cap. 8. ad finem.* Stando ergo in hac sententia probabile est privilegia circa absolutionem Confratrum quibus non vti permittit Pontifex Confessarijs ipsorum in hac Constitutione, intelligi illa quæ aduersantur decretis Concil. Trident. habentibus derogationem privilegiorum in contrarium, non autem de illis quæ aduersantur alijs decretis non habentibus prædictam derogationem privilegiorum. Vide dicta *cap. 1. nu. 58.*

19 Præterea non decernit Pontifex, vt omnes Confraternitates quæ vsque ad illud tempus institutæ, & aggregatæ erant, nouas institutionum, & aggregationum litteras iuxta formam ab ipso præscriptam infra annum si in Europa sint, & infra biennium si extra Europam à die publicationis prædictæ Constitutionis impetrare tenerentur, *alioquin (inquit) dicto tempore elapso, erectiones, institutiones, & quæcumque communicationes privilegiorum, facultatum, indulgentiarum, aliarumque spiritualium gratiarum, & indultorum, & aggregations illarum vigore ipsi concessa nullius sint roboris, & momenti, ac reuocata, & abolita censeantur eo ipso.* Ex quo inferitur Confraternitates quaslibet ante huius Constitutionis promulgationem erectas, seu aggregatas si in prædicto spatio temporis vnus, vel duorum annorum respectiue innouatæ non fuerunt iuxta formulam ab ipso Pontifice præfixam, nullius momenti, aut valoris esse saltem in ratione Confraternitatum, & quantum ad indulgentias, & privilegia titulo Confraternitatum concessa. Vnde à Reuerendis. Generali Theodoro Stratio pro Ordine nostro prouisum est, vt prædictæ Confraternitates de nouo instituerentur, iuxta prædictam Clement. vi i i. formulam, litteris super hoc ad Prouinciales missis. Extat tamen declaratio S. Congregationis super indulgentijs, quam refert Lauretus de Franchis in *Controuers. Episcoporum. & Regular. pag. mihi 65.* in qua decernitur, Superiores Regulares, quibus concessa est à Papa facultas noua instituendi Confraternitates secundum formam huius Constitutionis posse confirmare sine Ordinarij consensu Confraternitates iam pridem ante publicationem illius canonicè erectas in proprijs Ecclesijs Regula-

Regularibus Collegiatis ubi adminus essent duodecim Religiosi de familia; ad instituendum autem nouas Confraternitates in Ecclesijs siue secularibus, siue Regularibus, & confirmandum, antiquas in Ecclesijs ubi non sunt prædicti duodecim Religiosi, requiri prædictum consensum Ordinarij cum alijs requisitis. Circa quam declarationem notandum eam editam fuisse anno 1607. sub Paulo v. Cum autem ipse Paulus in Bulla afferenda, infra num. 40. facultatem nouam concefferit sub anno 1606. Generali nostro, & eo absente Vicario generali instituendi Confraternitates iuxta præscriptum Constitutionis Clem. viii. ideo gratia concessa in hac declaratione uti possunt nostri Generales.

20 Decimò statuit Pontifex in dicta Constitutione, vt litteræ pro institutione, seu aggregatione dictarum Confraternitatum, & communicatione gratiarum *gratis omnino, ac nulla prorsus mercede etiam à sponte dantibus accepta expediri, & concedi debeant.* Gauentus in *Manuali Episcoporum verbo Confraternitates num. 5.*

21 Ac demum vndecimò contrauenientes quoslibet Ministros, Superiores, & Officiales Ordinum, seu Archiconfraternitatum, aut Confraternitatum, priuationem officiorum quæ obtinent, & inhabilitatem ad illa, & alia in posterum obtinenda, solum à Summo Pontifice relaxanda declarat incurrisse eo facto, ac institutiones Confraternitatum, & communicationes gratiarum, & priuilegiorum aliter factas nullius esse roboris, & momenti. Quomodo autem huiusmodi pænæ priuationis, & inhabilitatis intelligendæ sint, & à quibus dispensari possent constat ex dictis *tom. i. cap. 10. num. 30. 31. 35.* Pro Confraternitatibus autem institutis, aut aggregatis contra formam huius Constitutionis cum nullæ, & irritæ declarentur, nullum aliud remedium superest, nisi quod de nouo instituantur, & aggregentur iuxta prædictam formam, vt superius dictum est, vel confirmentur, si adsint conditiones requisitæ à S. Congregatione in declaratione allata *num. precedent.* alias in malo statu conscientiarum Superiores ad quos id spectat versantur tum quia contra Pontificiam intentionem Confraternitates ab ipso reprobatae fouent, tum quia falsò eis communicatas esse indulgentias, & gratias prædicant.

22 Præterea circa Confraternitates sunt multa, & diuersa statuta, & decreta à S. Congregatione Episcoporum, & Regularium edita. Primum, quod non licet Regularibus instituere Confraternitates cum vsu saccorum sine Ordinario loci. S. Con-

gregatio 6. *Decembris* 1616. Gauantus in *Manuali Episcoporum verbo Confraternitas num. 2.* Secundum, quod Officiales quot annis eligantur, & cum secretis suffragijs. Eadem S. Congregatio 18. *Iulij* 1594. Gauantus *ut supra num. 10.* Tertium, quod electio Officialium ad Confratres, confirmatio autem ad Episcopum spectat, exceptis ijs, quæ sub immediata Regum potestate existunt. Eadem S. Congregatio 11. *Augusti* 1617. Barbosa in *Collectan. Bullar. verb. Electio.* Gauantus *ut supra num. 11.* Quartum, quod nihil inde emolumenti accipiatur neque Officiales ipsi eligant successores. Eadem S. Congregatio 24. *April.* 1585. Gauantus *ibid. num. 13.* Quintum, quod in Oratorijs Confratrum non retineatur Eucharistiæ Sacramentum. Eadem S. Congregatio 21. *Martij* 1594. Gauantus *ibid. num. 21.* Additur in alia S. Congregationis decisione apud Barbosam in *Collectan. Bullar. verb. Confraternitas*, non posse id fieri à Confraternitatibus Laicorum, nisi ex causa, & licentia Ordinarij. Sextum, quod neque exponatur Oratio quadraginta horarum sine licentia Episcopi. Eadem S. Congregatio 20. *Augusti* 1601. Gauantus etiam *ibid. num. 23.* Septimum, quod Parochus intra cuius fines est Ecclesia Confraternitatis debet adesse funeribus quæ sunt in dicta Ecclesia, & idem debet cantare Missas solemnes, alioquin cantet Capellanus. Eadem S. Congregatio 20. *Aug.* 1601. Gauantus *ut supra num. 41.* Cui consonat alia S. Congregationis declaratio 18. *Maij* 1602. de qua idem Gauantus *verb. Parochorum munera num. 21.* Octauum, quod non instituatur Confraternitas in Ecclesia Monialium. Eadem S. Congregatio Episcoporum, & Regularium 6. *Nouembris* 1595. Gauantus in *prædicto Manuali Episcoporum verbo Monialium clausura num. 15.*

23 Circa earum præcedentiam Gregor. XI 11. anno 1583. decrevit eas præcedere debere, quæ sunt in possessione, & ubi de huiusmodi possessione non constat, eas quæ prius saccis usæ sunt. Gauantus in *Man. Episcoporum. verb. præcedentia num. 2. & 3.* Si autem contingeret quod Confraternitas quæ prius quam altera saccis usæ est, ad processionem accederet sine sacco, non gauderet prærogativa præcedentiz. Siquidem præcedentiam obtinere volens habitum suo gradui convenientem gestare debet. Butr. in *cap. 1. per illum tex. de auth. & usu pallij num. 7.* quem citat ad hoc Præposit. in *cap. Concilia 7. §. Episcopos dist. 17. nu. 3.* & alios allegat Gratian. in *Disceptat. forens. cap. 298. sub num. 65.* Ita Flavius Cherub. in *Comp. Bullar. in Bulla 84. Greg. XIII.*

24 Non possunt Confraternitates cogi ab Episcopo accedere ad Processiones. Sic enim fuit rescriptum à S. Congregatione Conci-

Concilij ad Episcopum Scalensem, vt refert Quaranta verbo *precedentia in fine*, & Gauantus verbo *processio num. 13*. Nisi adsit consuetudo, vt colligitur ex quadam declaratione S. Congregat. apud Barbosam in *Collectan. Bullar. verbo Confratres*. Possunt tamen ab ipsis inuitari prout etiam declaratum refert Franciscus Leo in *thesaur. par. 1. cap. 8. num. 18*. & Barbosa de *offic. & potest. Episcopi allegat. 78. num. 24*. Quando autem accedunt ad processiones publicas incedunt ante Regulares, vt declaratum refert idem Barbosa in *Collect. Bullar. verb. Confraternitas*.

25 Processiones Confraternitatum non debent extendi per vias, sed circa muros Regularium, quic eas regunt. Ita enim dicitur decisum à S. Congregationibus. Gauantus in *Manual. Episcoporum. verb. Processio num. 49*. Quo tamen non obstante video hic Romæ insignem Confraternitatem B. Mariæ Virg. de Monte Carmelo in S. Martini de Montibus Cœnobio sitam extendere processionem quæ sit à prædicta Confraternitate in mense Iulij vsque ad Basilicam S. Mariæ Maioris, & per vicinas plateas. Vnde vel speciali concessione, vel consuetudine id haberi credendum. Declaratum etiam dicitur à S. Congregatione posse Confraternitates Laicorum, & eorum Capellanos facere solitas processiones, quando non sunt in parochiali, & primaria Ecclesia; & in eorum Ecclesia prædicare facere à Prædicatore approbato ab Ordinario, & benedicere palmas, ignem, & aquam. Barbosa in *Collect. Bullar. verb. Confraternitas*.

26 Non possunt eadem Confraternitates accedere ad funeralia mortuorum, nisi specialiter, & expressè vocentur, & quando accedunt in actu associationis cadauerum nullo modo possunt erigere Crucem. Ita enim decisum dicitur à S. Congregatione. Barbosa de *offic. & potest. Parochi c. 26. nu. 61*. Video tamen Pium v. in Bulla anno 1569. edita quæ habetur in 2. to. Bull. inter Bullas huius Pontificis n. 86. decreuisse posse Confratres Confraternitatis Rosarii B. V. Mariæ ad quascumq. processiones accedere, & in quibus corpora defunctorum ad sepeliendum deferuntur cum eorum insignijs, cuiusvis etiam Superioris licentia minimè requisita. Quando autem accedunt non debent soluere Parocho quartam funeralem de candelis. Sic enim decisum est à S. Congregatione Episcop. & Regular. apud Barbosam de *offic. Parochi cap. 25. num. 40*. Similiter cum accedunt ad prædicta funeralia mortuorum possunt recipere aliquid non per modum pretij, quia hoc esset simoniacum, cum esset vendere rem spiritualem, scilicet orationes, vel suffragia pro pecunia, sed per modum congruæ sustentationis, vel elemosynæ.

Suarez tom. 1. de Religion. lib. 4. de simonia cap. 15. num. 7.

27 Habent Episcopi ius visitandi Confraternitates laicorum ijs exceptis quæ sub Regum immediata protectione sunt. Ita enim habetur in Concil. Trident. *sess. 22. cap. 8.* Barbosa de offic. & potest. Episcopi alleg. 75. nu. 2. 16. & 19. Item Confraternitates laicorum erectas in Ecclesijs Regularium non obstante quacumque contraria consuetudine. Ita enim decrevit S. Congregat. Episcop. & Regular. 17. Iulij 1615. Altaria tamen, & Capellas in Regularium Ecclesijs etiam per sæcularium Confraternitates constructas visitare non potest Episcopus. Ex declaratione S. Congregationis Episcop. & Regul. Barbosa in Collect. Bullar. verb. Altare. Quod intellige quatenus spectant ad Regulares ipsos, etenim prout spectant ad Confratres Capellæ ipsorum possunt ab Episcopo visitari. Ex alia declaratione eiusdem S. Congregat. apud eundem Barbosam ut supra verb. Confraternitas.

28 Tenentur Confraternitates habentes redditus Ecclesiasticos etiam intra Regularium Ecclesias existentes contribuere, pro seminario puerorum, de quo Concil. Trident. *sess. 23. cap. 18.* Ita enim dicitur decisum à S. Congregatione. Barbosa de offic. & potest. Episcopi allegat. 77. num. 10. & in Collectan. Bullar. verbo Confraternitas, ubi etiam aliam decisionem S. Congregationis assert quæ id magis explicatur. Gauantus in Man. verb. Seminarium Clericorum num. 33.

29 Pro Capellanis Confraternitatum declaratum est à S. Congregatione. Primò, Capellanos Societatum, qui habent curam celebrandi Missas per totum annum non debere prohiberi ab Archypresbiteris Ecclesiarum, ubi sunt fundatæ Societates, quin ipsi etiam celebrent in diebus festis ipsarum Societatum. Secundò, Capellanos Confraternitatum non posse suo arbitrio sine expressa licentia Episcopi processiones facere. Barbosa in Collect. Bull. verb. Capellanus. Tertiò, nō posse prædictas Confraternitates per suos Capellanos in Ecclesijs, quas habent facere solemniter celebrare, confessiones audire, sepelire, Sacramenta ministrare, & similia, quæ ad solum Parochum spectant, absque expressa licentia Ordinarij, & Parochi. Barbosa ut supra verb. Confraternitas.

30 Pro receptione alicuius Confratris videtur dari non posse aliquid tanquam pretium, quia hoc olet simoniam, cum simoniacum sit dare pretium pro re spirituali. Esse autem Confratrem multa iura spiritualia inuoluat, videlicet ad privilegia, indulgentias, & gratias Confraternitatis. Vnde non placet quod

in contrarium docet Sanchez tom. 1. *Consil. moral. lib. 2. cap. 3. dub. 23. nu. 8.* Eo ductus fundamento quod Confraternitas non est Religio, sed Congregatio ad benefaciendum. Etsi enim ita sit, nihilominus, quia Cōfraternitatibus adiuncta sunt prædicta iura spiritualia, ideo materia simoniæ reputanda sunt. Potest tamen dari aliquid pro dicta receptione per modum eleemosynæ, vel alio simili titulo, quia id nullo modo est illicitum. Nauar. de *Oratione in miscellaneo mihi 6. de Psalterio, & Rosario nu. 1.* An autem licitum sit statutum Confratriæ, quo præcipitur ne quis intret eam nisi certum quid soluat. Nauar. in *dicto Miscellaneo num. 4.* respondet negatiuè. Mihi tamen placet speculatiuè loquendo licitum esse tale statutum, dummodo illud quod datur non detur vt pretium receptionis, vt dictum est, sed pro pia aliqua causa, videlicet pro alendis pauperibus, aut simili, & quod tale statutum non intelligatur nisi solum pro ijs qui facultatem habent soluendi illam quantitatem, ne excludantur pauperes à pijs operibus, quæ in Confraternitatibus fiunt. Siluester *verbo Confraternitas num. 2.* In praxi autem si tale statutum approbatum fuerit ab Episcopo, vel legitima consuetudine introductum seruari debet. Sanchez *vt supra.* Vide Lauretum de Franchis in *controuerf. Episcop. & Regul. pag. mihi 70.*

31 Pro Confraternitatibus ditionis Mediolanensis edita sunt multa decreta, & statuta à Concilijs Prouincialibus Mediolanensibus quæ hic placuit inserere, quia etsi in alijs locis obligationem non inducant, pia tamen documenta omnibus præbent. Primò ergo decernitur, vt electio officialiû fiat præsentem Parocho, vel alio Sacerdote deputato ab Episcopo, nisi aliud videatur Episcopo. Secundò, quod electione officialium prorogata sine Ordinarij licentia, acta omnia sint deinceps nulla. Tertiò, quod non admittantur in Confraternitatibus, qui doctrinam ignorant Christianam. Quartò, neque homines facinorosi. Quintò, neque turpis vitæ, aut infamiæ labe notati. Sextò, qui adscripti, & moniti non se emendarint, amoueantur. Septimò, amictus ne detur alicui nisi præsentem Parocho, vel alio Sacerdote, qui amictum fiata prece benedicat. Octauò, neque amictum domi, aut alibi quam in schola asseruet, & Confratriæ dimittatur, quocumque casu ille recedat. Nonò, arma ne quis gerat vnà cum sacro amictu. Decimò, si concedatur in Oratorijs seruari Eucharistiam, Sacerdos ibi ab Ordinario approbatus resideat. Vndecimò, prohibetur item processio Sanctissimi Sacramenti. Duodecimò, in Dominicis, & festis diebus Missæ sacrificium ne fiat ibi nisi tempore, & hora ab Ordinario præscribenda. Decimo tertio,

tertio, feria quinta, & Sabbato sancto nec ibi Missa celebratur neque cuiquam, ne ipsis quidem Confratribus à Dominica Palmarum vsque ad Dominicam in Albis inclusivè, Eucharistiam ministrare liceat. Quarto decimò, neque in Natali Domini. Ascensione, Pentecoste, Assumptione B. Virginis, & omnium Sanctorum festo. Quinto decimò, nullæ benedictiones ibi fiant candelarum, ramorum, ovorum, & frugum sub pœna Sacerdoti benedicenti suspensionis à divinis eo ipso, Confratribus autem arbitrio Episcopi. Sexto decimò, officium B. V. tantum, & submissa voce recitent, non autem cantent. Decimo septimò, Vesperas eodem modo. Decimo octavò, officia recitent, vel ante, vel post officia Cathedralis, & Parochialis Ecclesiæ, neque impediant Doctrinam Christianam. Decimo nonò, non benedictionem, neque thurificationem sibi inuicem, vel alijs impartiantur. Vigestimò, neque liceat sine licentia Episcopi quærere eleemosynam. Vigesimo primò, oneribus satisfaciant, aut in propria Parochiali, aut in Ecclesijs intra eius Parochiæ fines ab Episcopo designatis, nisi testatores aliud statuerint. Vigesimo secundò, anniversaria, & quæ septimo, vel trigesimo die fiunt officia in Parochialibus fiant, nisi habeant ius sepulturæ. Vigesimo tertio, & tum Parocho quoque præsentè, qui officium peragat, & quando scilicet ibi cadaver est sepultum. Vigesimo quartò, duplicata eo casu detur Parocho eleemosyna. Vigesimo quinto, ne inuicem Confratrem, tacitè, vel expressè, ut sibi eligat sepulturam in eorum Ecclesijs in quibus est ius sepulturæ sub pœna excommunicationis latæ sententiæ. Vigesimo sexto, & quicquid inde detrimenti ceperit Ecclesia Parochialis, seu alia cui sepeliendi ius competeat, totum resarciant. Vigesimo septimò neque possint associare funus ullum nisi qui obiit vnus sit ex ipsis, vel facultatem in scriptis obtinuerint ab Ordinario, quibus casibus nihil consequantur. Vigesimo octavò, Plalmodia ad mortuorum corpora, thurificatio, atque aspersio laicis Confratribus ne permittatur. Vigesimo nonò, sepultura nemini in eorum Oratorijs Ecclesijs concedatur, nisi Episcopo constet id eis licere, vbi verò ius sepulturæ concessum est Confratribus, nemini ali, neque iure electionis, sed neque ipsis quidem Confratribus nisi per sex menses ante obitum sint adscripti. Trigesimo, ad solemnes Cleri processiones accedant. Trigesimo primò, fiat processio quotannis ab omnibus simul Confratribus in Ciuitate, in Diocesi verò in propriis locis, sumpta ab iisdem Sacra communione, in gratiarum actionem de dono indulgentiæ concessa à Sede Apostolica. Trigesimo secundò, dignior

gnior locus detur antiquiori Confratriæ quæ habitum prius assumpserit de Episcopi, aut Papæ facultate, & solita fuerit ante obire supplicationes, licet tempore sit inferior, & minoribus gaudeat priuilegiis. Trigesimo tertio, cum processiones agunt, Sacerdotem secum habeant. Trigesimo quarto, neque Crucem quæ per Clericos præferri solet, deferant, sed imaginem Crucifixi, & Sanctorum. Trigesimo quinto, noctu ne obeant ipsi processiones sine licentia Episcopi, & cum certis regulis. Trigesimo sexto, à laicis Confratribus non celebrentur exequiæ. De quibus, & aliis ad intentum Gauantus in *Man. Episcop. verbo Confraternitates*.

32 Loquendo autem specialiter de Confraternitatibus Ordinum Mendicantium, ea quæ sub Vexillo B. V. Mariæ de Monte Carmelo militat, antiqua valde in Ecclesia Dei est, cum constet Gregorium decimum tertium in Bulla *Vt laudes* anno 1577. editam retulisse, & confirmasse indulgentias eidem Confraternitati concessas ab Hadriano II. Stephano v. Sergio III. Ioanne x. & II. Sergio IV. & Innocentio IV. Maxime ipse Innocentius IV. qui anno 1243. Pontificatum ascendit Confratriam dictam ingredientibus tertiam partem suorum peccatorum in Domino relaxauit, vt refertur à Greg. XIII. in præd. Bulla, & Sixto v. in Bulla *Dum attenta* anno 1477. Insuper Urb. IV. qui sub anno 1261. Pontifex factus est concessit Fratribus nostris anno I. sui Pontificatus, vt Confratrum possent audire Confessiones, vt refertur ab eodem Sixto IV. in alia Bulla etiam sub titulo *Dum attenta*, anno 1476. Vt enim in nostris Annalibus to. 2. dicimus hæc Confraternitas propagari cepit tempore B. Simonis Stoch Ordinis Generalis, qui priuilegium scapularis, & adiutorium Fratrum, & Confratrum post mortem à B. Virgine impetrauit. Huius enim singularis priuilegii occasione magnopere euulgata est B. Virginis deuotio, & Confraternitas. Cui etiam plures Summi Pontifices magna priuilegia concesserunt.

33 Primò enim Innocentius IV. vt dictum est, & ante ipsum Hadrianus II. Stephanus v. Sergius III. Ioannes x. & II. & Sergius IV. vt refertur in prædicta Bulla Greg. XIII. omnibus Christi fidelibus verè pœnitentibus contritis, & confessis qui Confratriam Ordinis assumerent, & eam intrarent, tertiam partem omnium peccatorum in Domino relaxarunt. Quia tamen Paulus v. anno 1606. vt infra videbitur omnes indulgentias Confratrum antiquas cassauit, nouis aliis adiunctis, & concessis, ideo hæc remissio peccatorum quæ verè indulgentia est, pro

vt

vt concessa ab hoc Pontifice nullius est momenti. Maiorem tamen indulgentiam Paulus Pontifex concessit, videlicet plenariam, ingredientibus prædictam Confraternitatem, vt ex dicendis constabit.

34 Deinde Vrbanus iv. anno i. sui Pontificatus magnam Fratribus, & Confratribus nostris concessionem fecit, videlicet quod Sacerdotes Ordinis nostri possent Confratrum nostrorum ad se recurrentium confessiones audire, de suorum (idest ipsorum Confratrum) Prælatorum licentia, nisi ea forte talia commisissent propter quæ Sedes Apostolica esset consulenda. Huic concessionem (inquit Casarubius in *Compend. priuileg. Mendicant. verbo absolutio, quoad seculares* i.) non reperitur similis in priuilegijs Mendicantium. Ea enim conceditur vt sine vlla approbatione Ordinarij possint Fratres nostri sæcularium confessiones audire, & à casibus etiam Episcopalibus absoluere. Sed quoad primum derogatum est per Concil. Trident. vt dictum est tom. i. cap. 19. à num. 2. Quoad secundum verò etiam est omnino sublatum propter decreta SS. Congregationum adducta eodem cap. 19. num. 17.

35 Præterea Clemens vii. anno 1530. pridie Idus Augusti in Bulla *Ex Clementi* euz habetur in i. tom. Laertij Cherubini inter Bullas huius Pontificis num. 31. plures gratias, & indulgentias Confraternitatibus nostris concessit. Primò etenim singulare illud priuilegium de adiutorio à B. Virgine præstando animabus Fratrum, & Confratrum post eorum mortem approbavit, & innouauit. Id autem priuilegium illis verbis à Pontifice in Bulla relatis continetur. Sane pro parte dilectorum filiorum Nicolai Audeth Generalis, ac Prouincialium, & Priorum domorum Ordinis B. Mariæ Virginis de Monte Carmelo, necnon Confratrum vtriusque sexus Confraternitatum in Ecclesijs domorum eiusdem Ordinis institutarum, nobis nuper exhibitæ, petitiõ continebat, quod alias felic. record. Ioannes xxi. & Alexand. v. Roman. Pont. prædecessores nostri vniuersis, & singulis Christi fidelibus qui Confraternitatem de Monte Carmelo ingredi, seu Confratrum Confraternitatum huiusmodi numero ascribi, ipsiusque Ordinis statuta obseruare, ac habitum dicti Ordinis deferre, seque Fratres, & Sorores dicti Ordinis appellare, ita quodsi mulier Virgo castitatem, vidua verò continentiam, coniugata tamen matrimonij iura prout Sancta Ecclesia præcipit tempore earum ingressus inuiolabiliter seruare velle promitterent, & obseruarent, tertiam partem suorum peccatorum in Domino relaxarunt, ac ipsa gloriosissima Dei Genitrix

Genetrix semper Virgo Maria; ipsorum Confratrum, seu Religiosorum, ac Sororum animas, post eorum transitum, suis intercessionibus continuis, pijs suffragijs, & speciali protectione adiuuabit. Quodque Fratres ipsi gratiarum earumdem predecessorum participes fieri volentes, horas Canonicas, iuxta formam ab Alberto Patriarcha dicto Ordini concessam, & ordinatam recitare, ignari verò litterarum, diebus quibus S. Ecclesia ieiunare præcipit, ieiunare, necnon quarta feria, & Sabbato toto tempore vitæ eorum præterquam die qua aliquarum ex ferijs prædictis natiuitatem Domini Nostri Iesu Christi occurrere contigerit, à carnibus abstinere deberent. Hæc ibi.

36. Inferius etiam amplissima hæc priuilegia eisdem Confratribus concessit. Omnibusque, & singulis vtriusque sexus Confratribus, & cuilibet eorum, aliquem Presbyterum idoneum sæcularem, vel cuiusvis Ordinis etiam Mendicantium, & de obseruantia regularem in suum possint eligere Confessorem, qui vita eis comite, eos, & eorum quemlibet à quibuscumque etiam maioris excommunicationis, suspensionis, & interdicti, aliisque Ecclesiasticis sententijs, censuris, & pœnis, à iure, vel ab homine quauis occasione, vel causa pro tempore latis, & quibus etiam pro tempore irretiti fuerint, etiam si illorum absolutio Sedi prædictæ specialiter, vel generaliter (præterquam per litteras in Cœna Domini legi solitas) reservata foret, ac quorumcumque votorum, & iuramentorum, necnon Ecclesiæ præceptorum, transgressionibus, periuriorum, simoniæ, & homicidij, mentalis, vel casualis reatus, manuum violètarum in quas vis personas Ecclesiasticas, non tamen Episcopos, vel eorum Superiores de præterito iniectionibus, ieiuniorum, horarum Canonicarum, diuinorum officiorum, ac pœnitentiarum iniunctarum, in toto, vel in parte omissionibus, omnibusque alijs eorum peccatis, criminibus, excessibus, & delictis quantumcumque grauib, & enormibus, etiam talibus propter quæ Sedes prædicta merito consulenda foret, in casibus dictæ Sedi qualitercumque reservatis (exceptis contentis in dictis litteris Cœnæ Domini) semel in vita, & in mortis articulo, de alijs verò dictæ Sedi non reservatis casibus totiens quotiens opportunum fuerit, eorum confessionibus diligenter auditis absolvere, illisque pro commissis pœnitentiam salutarem iniungere. Vota verò visitationis quæcumque ultra marina (liminum Beatorum Petri, & Pauli Apostolorum de Vrbe, ac S. Iacobi in Compollælla, necnon Religionis, & castitatis votis dumtaxat exceptis) in alia pietatis opera commutare, & iuramenta quæcumque sine tertij præiudicio relaxare,

T t

ac

ac omnium eorum peccatorum semel in vita, & in mortis articulo, vt præfertur, etiam si tunc non subsequatur, plenariam remissionem, & absolutionem auctoritate Apostolica impendere possit. Liceatque omnibus, & singulis vtriusque sexus Confratribus prædictis, & cuilibet eorum, habere Altare portatile cum debitis reuerentia, & honore, super quo in locis ad hoc congruentibus, & honestis, etiam non sacris, & quauis etiam Apostolica auctoritate interdictis, seu tempore cessationis à diuinis, dummodo causam non dederint huiusmodi interdicto, seu cessationi, & per eos non stet quominus pareatur Apostolico interdicto, etiam antequam illucescat dies, circa tamen diurnam lucem, seu circa meridiem, cum qualitas negotiorum pro tempore inguentium id exegerit, in eorum præsentia, clausis ianuis, excommunicatis, & interdictis exclusis, non pulsatis campanis, & submissa voce Missas, & alia diuina officia per Sacerdotes sæculares, vel Regulares huiusmodi celebrare, ac quocumque tempore Eucharistiam, & alia Sacramenta Ecclesiastica à quocumque maluerint Presbytero idoneo, & vbicumque sine Rectoris Parochialis Ecclesiæ præiudicio, recipere, & administrare libere, & licite valeant, et si contingat, eos, vel eorum aliquem, tempore interdicti huiusmodi ab humanis decedere, corpora eorum Ecclesiasticæ cum aliqua honesta tamen funerali pompa, tradi possint sepulturæ. Quodque singulis quadragesimalibus, & alijs cuiuslibet anni temporibus, & diebus Stationum Basilicarum, & Ecclesiarum Almæ Urbis Romæ, & extra illius muros, vnam, vel duas Ecclesias, aut vnum, duo, vel plura Altaria in partibus illis, vbicquid eos, seu eorum aliquem residere, seu quo declinare contigerit, quas, vel quæ ipsi, vel quilibet eorum duxerint eligendas, vel eligenda deuotè visitando, tot, & singulas, ac similes indulgentias, & peccatorum remissiones consequantur quas consequerentur, si singulis diebus easdem singulas dictæ Urbis, & extra eam Ecclesias pro Stationibus huiusmodi deputatas personaliter visitarent. Hæc ibi.

37 Circa quæ notandum aliqua ex istis omnino sublata esse, alia moderata, alia verò in sua vi, & robore permanere. Primum enim illud de eligendo Confessore, intelligendum est dummodo ille sit approbatus ab Ordinario iuxta decretum Concil. Trid. sess. 23. cap. 15. & Bullam Clementis VII. prout supra num. 16. dictum manet. Similiter quoad censuras, & casus reſeruatos à quibus absolui posse à prædicto confessorio Confratres concedit hic Pontifex, vide limitationem Clementis VII. loco citato, quoad hoc enim priuilegia hæc Clementis VII. etiam moderata sunt.

sunt. Vide etiam dicta tom. 1. cap. 19. num. 20. Quoad illud de facultate commutandi vota, & iuramenta exceptis illis de quibus ibi est sermo, non video vllam reuocationem, & ita manet, vt credo, in sua vi. Notandus tamen error qui in prædicta Bulla quoad hoc punctum videtur esse. Cum enim dicitur. *Vota verò visitationis quacumque ultramarina (liminum Beatorum Petri &c. exceptis)* errore Scriptoris ita factum esse videtur, ita vt dici deberet: *Vota verò quacumque (visitationis ultramarina, liminum Beatorum Petri, &c. exceptis)*. Intentum enim Pontificis illud videtur esse, vt quacumque vota exceptis visitationis ultra marinæ, liminum Apostolorum, S. Iacobi in Compostella, Religionis, & castitatis possent commutari in alia pietatis opera. Hic enim est communis modus concedendi hanc facultatem. Alias enim si prout in prædicta Bulla iacet esset legendum sequeretur posse prædictos Confratres commutare Confratrum vota visitandi S. Sepulchrum, non autem recitandi semel coronam Virginis quod est absurdum. Circa illud priuilegium pro tempore interdicti modo ibi assignato non videtur fuisse reuocatum à Concil. sed in suo vigore permanere. Etsi enim Concilium Tridentinum sess. 25. cap. 12. iusserit interdicta omnia à Regularibus obseruari debere, tamen nec ibi nec in cap. 22. vbi reuocantur priuilegia contraria, loquitur de Confratribus, aut Confratribus, sed solum de Religiosis. Illud verò de Altari portatili ea parte qua dicitur etiam in locis non sacris posse esse vsui illius, videtur reuocatum à Concil. sess. 22. in decret. de obseruand. & vitand. in celebrat. Missarum, quatenus ibi ordinatur ne in priuatis domibus, atque omnino extra Ecclesiam, & ad diuinum tantum cultum dedicata oratoria, Sanctum Sacrificium peragatur cum reuocatione priuilegiorum in fine. Quamuis hoc non sit ita certum vt oppositum probabiliter dici non possit, asserendo Concilium solum loqui contra eos, qui regulariter, aut continuo vtuntur prædicto Altari portatili extra Ecclesiam, non de ijs qui in casu particulati, & raro contingenti, scilicet, in casu interdicti, eo vtuntur. Illud de sepultura tempore interdicti non video esse reuocatum. Fauet Gauantus in *Man. Episcoporum verbo interdictum* nu. 50. Reuocatz tamen sunt illæ Indulgentiæ pro diebus Stationum Romæ à Paulo v. vt inferius dicitur.

38 Demum idem Pontifex concedit in dicta Bulla omnibus alijs, qui gratijs eorumdem Confratrum gaudere voluerint, vt aliquam elemosynam, siue charitatem prout eis, ac præsidentibus Confraternitatibus huiusmodi visum fuerit, dando, & lar-

giendo gratiarum huiusmodi participes fiant. Quia tamen Pius v. anno 1567. in Bulla *Etsi Dominici*, quæ habetur in 2. tom. Bullar. inter Bullas ipsius num. 30. omnes indulgentiis pro quibus porrigenda sunt manus adiutrices cassauerit, & annullauerit, ideo prædicta concessio, saltem quoad Indulgentias nullius est roboris, & momenti, nisi forsitan ea faciant in quæ Greg. xii. infra referendus huiusmodi Indulgentias propter eleemosynas, & manus adiutrices lucrandas, commutauit. Et hoc non quoad Indulgentias personales, quia istæ sunt postea à Paulo v. reuocatae, & coarctatae, sed quoad locales, v. g. pro Ecclesiis nostras visitantibus. Quoad alia verò priuilegia, non video tam manifestam derogationem in dicta Bulla Pij v. & propterea nihil audeo decernere aliorum iudicium expectans.

39. Postea Greg. xii. anno 1577. in Bulla *Ut laudes* referens gratias, & priuilegia Ordini, ac Confraternitatibus nostris concessa, quæ approbat, & confirmat sic dicit. *Idemq. Ioannes XXII. pro animabus quæ in Purgatorio existunt; & habitum huius Religionis gesserunt, vel eorum Confraternitatem ingressi fuerint, vel Confratrum numero ascripti in honorem eiusdem B. Mariae Matris Dei, die Sabbati post eorum transitum, intercessionibus continuis pijs suffragiis, & meritis, ac speciali protectione adiuuandis publicauit, corroborauit, & confirmauit.* Inferius etiam quæ Clemens vi. post Ioannem xxiii. & Alexand. v. Fratribus, & Confratribus concessit referens, ea etiam oppr. obtulit, & confirmauit, clausula tamen porrigendi eleemosynas, & manus adiutrices, dempta, & in alia opera commutata. Videlicet, *quod hi Christi fideles, qui illas consequi voluerint, Ecclesias visitando sint contriti, & confessi, ac loca eleemosynæ prædictæ iuxta prædecessorum prædictorum uoluntatem rogande septies orationem Bonificii am. & idem qui salutationem Angelicam recitent, vel habitum dicti Ordinis, seu alia litteris Apostolicis pie memorie Ioannis Papa XXI. ac Alexandri. nec non Pij V. prædecessorum nostrorum continetur gestas, vel exspectas pro defunctis recitent, aut ante SS. Domini Nostri Iesu Christi Corpus terram excusculentur, ac pro hæresum extirpatione sum. Et aq. Matris Ecclesie tranquillitate, Christianorumque Principum, & populi in unione pia ad Deum precibus assendant, & alias iuxta dictorum prædecessorum nostrorum litterarum seriem orent, aliaq. peragant.* Hac Greg. xii. in præd. Bulla. & c. ubi membra &c.

40. Tandem Paulus v. Romæ apud S. Petrum die 30. Octob. anno 1606. in Bulla *Cum certas*, reuocatis, cassatis, omnibus, ac singulis indulgentiis, peccatorum remissionibus, ac poenitentiarum

tiarum relaxationibus concessis Confraternitati nostri Ordinis, nouas has indulgentias ipsi concessit, his verbis. Omnibus vtriusque sexus Christi fidelibus, dictam Confraternitatem ubiq. locorum, tam hactenus canonicè (vt præfertur) institutam, quam deinceps vt infra instituendam de cætero ingredientur, & habitum receperint, die primo eorum ingressus si verè pœnitentes, & confessi Sanctissimum Eucharistiæ Sacramentum sumpserint plenariam. Ac tam ipsis pro tempore describendis quam iam descriptis in dicta Confraternitate Confratribus, & Confororibus, etiam verè pœnitentibus, & confessis, ac Sacra Communionem refectis, qui in festo principali Commemorationis eiusdem B. Mariæ, die 16. mensis Iulij, aut iuxta ritum nonnullorum locorum die Dominica immediate sequenti celebrari solito Sanctissimum Eucharistiæ Sacramentum sumpserint, ac pro Christianorum Principum concordia, hæresum extirpatione, ac Sanctæ Matris Ecclesiæ exaltatione, pias ad Deum preces effuderint, etiam plenariam. In mortis quoque articulo eisdem vtriusque sexus Confratribus, qui pœnitentes, & confessi, ac Sanctissima Communionem refecti, nomen Iesu ore, si potuerint, sinu autem corde deuotè inuocauerint, plenariam similiter omnium peccatorum suorum Indulgentiam, & remissionem misericorditer in Domino concedimus, necnon ipsis Confratribus, & Confororibus qui similiter pœnitentes, & confessi, ac Sacra Communionem refecti Processioni in vna Dominica cuiuslibet mensis per dictam Confraternitatem, de Ordinarij licentia, faciendæ deuotè interfuerint, & ibi (vt præfertur) orauerint, septem annos, & totidem quadragenas. Ipsis verò, qui ab esu carnis his diebus quibus Confratres dictæ Confraternitatis ex illius instituto vesci non solent, abstinebunt, tercentum dies. Qui autem qualibet die septies orationem Dominicam, & toties Salutationem Angelicam ad honorem septem gaudiorum eiusdem B. Mariæ Virginis recitauerint quadraginta dies, nec non etiam qui cum habitu eiusdem Confraternitatis pœnitentes, & Confessi semel in mense Sanctissimum Eucharistiæ Sacramentum sumpserint, & vt præfertur, orauerint, quinque annos, & totidem quadragenas. Ijs verò Confratribus, & Confororibus qui pœnitentes, & confessi in qualibet ex festiuitatibus eiusdem B. Mariæ Virginis dictum Sanctissimum Eucharistiæ Sacramentum in Ecclesia, vel Capella dictæ Confraternitatis deuotè sumpserint, & vt supradictum est, orauerint, tres annos, & totidem quadragenas, qui autem cum lumine dictum Sanctissimum Eucharistiæ Sacramentum quando ad infirmos deferunt comi-

comitati fuerint, & pro eisdem infirmis pias ad Deum preces effuderint, quinque annos, & totidem quadragenas. Qui verò corpora defunctorum, tam Confratrum, & Confororum quam aliorum ad sepulturam associauerint, & pro eorum animabus ad Deum orauerint, centum dies. Quoties verò prædicti Confratres, & Conforores officium eiusdem B. Mariæ Virginis deuotè recitauerint centum dies. Qui verò Missis, & alijs diuinis officijs in Ecclesia, vel Capella, aut Oratorio dictæ Confraternitatis pro tempore celebrandis, & recitandis, siue Congregationibus, publicis, vel priuatis eiusdem Confraternitatis vbiuis faciendis interfuerint, aut pauperes hospitio susceperint, aut eis in eorum necessitatibus, vel in periculo peccandi existentibus auxiliati fuerint, aut eleemosynas temporales, vel spirituales eis dederint, vel pacem cum inimicis proprijs, vel alienis composuerint, seu componi fecerint, vel procurauerint, aut deuum aliquem ad viam salutis reduxerint, & ignorantes Dei præcepta, & ea quæ ad salutem sunt docuerint, aut quodcumque aliud pietatis, vel charitatis opus exercuerint, toties pro quolibet prædictorum piorum operum centum dies de iniunctis eis, seu alias quomodolibet debitis pœnitentijs in forma Ecclesia consueta relaxamus. Ac dilecto filio nunc, & pro tempore existenti Priori Generali dicti Ordinis Carmelitarum, vel illo absente eius Vicario Generali, vt huiusmodi Confraternitatem B. Mariæ de Monte Carmelo vbiuis locorum extra Urbem erigere, & instituere, illique omnes supradictas Indulgentias, & gratias spirituales (seruata tamen forma præscripta in Constitutione, felic. record. Clementis prædecessoris super dictarum Confraternitatum aggregationibus, & institutionibus edita) communicare similiter liberè, & licitè possit, & valeat auctoritate Apostolica tenore præsentium facultatem concedimus, & impartimur.

41 Quia tamen in hac Bulla ipsis Confratribus, & Confororibus assistentibus Processioni in vna Dominica cuiuslibet mensis per dictam Confraternitatem faciendæ septem annos, & totidem quadragenas concesserat, vt præmissum est, postea sub anno 1609. plenariam Indulgentiam eisdem concessit, verè tamen pœnitentibus, confessis, & Sacra Communione refectis, & orantibus pro Christianorum Principum concordia, hæresum extirpatione, ac S. Matris Ecclesiæ exaltatione. Item anno 1614. supplicante Theodoro Stratio eo temporis Procuratore Generali, nunc verò Priore Generali Ordinis, extendit prædictam Indulgentiam ad Confraternitates omnes sub inuocatione
B. Mariæ

B. Mariæ Virginis de Monte Carmelo in quacumque mundi parte de cætero canonicè erigendas.

42 Circa prædictas autem Pauli v. Indulgentias aliqua notanda. Primum, quod per huiusmodi reuocationem Indulgentiarum non sunt reuocata, aut cassata illæ quæ concessæ erant Ecclesijs Ordinis nostri, iuxta dicta *tom. 1. cap. 3. num. 19.* Pro quo vide Gauantum in *Man. Episcop. verb. Indulgentia num. 25.* Secundum, probabile forsan esse, nec etiam reuocatas esse Indulgentias concessas Confratribus defunctis, aut in articulo mortis constitutis, propter ea quæ dicta sunt citato loco, in hoc tamen aliorum iudicio me remitto. Tertium, quod licet ad lucrandas prædictas Indulgentias, sufficiat facere ea quæ à prædicto Pontifice designantur, ad fruendum tamen singulari priuilegio, quod vulgo Bullæ Sabbathinæ nuncupatur, videlicet, de auxilio, & patrocinio à B. Virgine præstando animabus Confratrum in Purgatorio existentibus post ipsorum mortem, præcipue die Sabbathi requiruntur sequentes conditiones.

43 Prima est, habitum, seu scapulare B. Virginis in vita gestare. Ita enim habetur in Bullis Ioannis xxii. Alexand. v. Clem. vii. Greg. xii. ac in decreto S. Inquisitionis Romanæ, anno 1613. qui habitus, seu scapulare coloris grisei debet esse, & saltem pro prima vice ab aliquo Prælato Ordinis, seu ab ipso auctoritatem habente benedictum. Declaratur autem in nostris Constitutionibus *par. 4. cap. 28. num. 6.* Superiorem qui potest habitum benedicere, & hanc facultatem delegare esse Generalem Ordinis pro tota Ecclesia, Prouinciales pro suis Prouincijs, Priores verò locales posse quidem id facere per se ipsos non, tamen alijs delegare hanc facultatem. Debere autem dari tale scapulare, vel habitum à Superioribus Ordinis colligitur à simili de chorda D. Francisci, quam debere similiter à Superioribus eiusdem Ordinis dari Confratribus eius Confratriæ expressit Sixtus v. in Bulla *Diuina charitatis*, anno 1587. apud Rodrig. *tom. 1. quasi. Regul. q. 58. art. 1.* Vbi etiam de benedictione talis chordæ à Superioribus faciendâ. Hic autem notandum à S. Congregatione declaratum esse, prout refert Barbosa in *Collect. Bullar. verb. Confratres*, posse concedi Confratribus sæcularibus habitum patientiæ, quæ solis Religiosis propriè conuenit. Quod intelligo quoad formam, & materiam, non quoad longitudinem, seu latitudinem.

44 Secunda, saltem ex consuetudine, & conformiter ad nostras Constitutiones *par. 4. cap. 28. num. 7.* imò conformiter ad Bullam Pauli v. supra *num. 40.* describi in libro Confraternitatis. Quia tamen

tamen in Bulla Greg. xi i i. & verbis adductis *num. 39.* sub dis-
 functione ponitur, vel ingredi Confraternitatem, vel Confra-
 trum numero ascribi, non videtur prædicta conditio essentialis,
 licet sine dubio obseruanda pro maiori cautela, maximè quia,
 similis conditio pro Confraternitate choræ S. Francisci videtur
 necessaria, vt aſſert Rodriguez *tom. 1. quæſt. Regul. q. 58. art. 1.*
 & pro omnibus Confraternitatibus id habet Flauius Cherubius
in Compend. Bullar. in Sixto V. num. 13. ſcholio 2.

45 Tertia, ſeruare caſtitem reſpectiue ad ſtatum in quo ſunt
 Conſratres, & Conſorores. Hæc enim conditio à Summis Pon-
 tificibus relatis designatur. Quæ non ſic eſt intelligenda, vt
 Confraternitatem ingredientes, teneantur votum caſtita-
 tis emittere, que madmodum Fratres in profeſſione, ſed quod caſti-
 tatem pro ſuo ſtatu colant. Nec ita eſt intelligenda quod ſta-
 tum mutare nequeant. Conſratres enim ſoluti, & Conſorores
 Virgines ad nuptias tranſire poſſunt, & tunc ad coniugalem ca-
 ſtitem, non ad Virginalem tenebuntur. Vnum etiam aliud pro
 hac (idem dico pro ſequenti) conditione aduertendum eſt, quod
 ſcilicet quamuis aliquis humana fragilitate ductus ſemel, bis,
 aut pluries contra caſtitem peccauerit, ſi tamen peniteat, fir-
 miterque proponat iterum eam ſeruare, vt huius priuilegij par-
 ticeps efficiatur, non propterea incapax ipſius efficietur.

46 Quarta conditio eſt, recitare officium Canonicum, ſi illud
 recitare nouerint, ſin autem non nouerint, loco officij, Eccleſiæ
 ieiunia obſeruare, & feria 4. & Sabbatho à carnibus abſtinerere,
 niſi ubi in his diebus Natiuitatis Domini feſtum inciderit. Sic
 enim habetur in prædicta Bulla Clem. vii. referentis Ioan-
 nem xxi i. & Alexand. v. & in decreto adducto S. Inquiſitionis
 Romanæ anno 1613. & indicatur in lectionibus officij Comme-
 morat. ſolemnis B. Virg. Mariæ de Monte Carmelo à S. Congre-
 gatione Rituum approbatis. Licet autem in prædicta Clem. vii.
 Bulla ex Ioanne xxi i. & Alexand. v. dicatur hoc officium debere
 eſſe *horas Canonicas iuxta formam ab Alberto Patriarcha diſto*
Ordini conceſſam, & ordinatam, quia tamen in prædicto decreto
 S. Inquiſitionis Romanæ dicitur, *Officiumq. paruum recitauerint*,
 denotari videtur, Eccleſiam auctoritate qua pollet explicare
 officium illud canonicum ad lucrandum hanc gratiam requiſi-
 tum ſufficienter ſuppleri per officium paruum B. Virginis, ita vt
 non recitantibus magnum officium, ſufficiat paruum B. Virginis
 recitare. Probabile etiam Confeſſarios poſſe cum legitime im-
 peditis prædicta requiſita in alia opera pia æquiualentia com-
 mutare. Id enim de benigniſſima Virgine Maria hanc gratiam
 conce-

concedente, & de Summis Pontificibus etiam approbantibus credi debet.

47 Solus Pater Generalis Ordinis pro tempore existens, & in sua absentia eius Vicarius Generalis, ex indulto Pauli V. potest ubique locorum extra Urbem seruata forma præscripta à Clemente VIII. de qua infra, Confraternitates habitus erigere, & instituere, illisque Indulgentias, & gratias Spirituales auctoritate Apostolica libere, & licite communicare. Vicarius autem Generalis Congregationis Mantuanæ, ut pluries declarauit Sacra Congregatio super Indulgentijs, solum in Ecclesijs ipsius Congregationis ex indulto eiusdem Pauli V. Quoniam autem in Ordine nostro duo alij sunt supremi Generales præter nostrum Discalceatorum primitiuam Regulam profitentium, unus Congregationis Hispania, alter Congregationis S. Elia, eadem Sacra Congregatio super Indulgentijs declarauit unum quemque eorum liberam habere facultatem instituendi ubique locorum Confraternitatem nostram. Ita in nostris Constitutionibus p. 5. cap. 28. n. 1. Quæ placuit hic transcribere pro maiori luce dicendorum.

48 Dubitari tamen potest an Pater Generalis (idem dico de PP. Generalibus PP. Discalceatorum, & Vicario Generali Congregationis Mantuanæ respectiuè) possint Confraternitates nostras instituendi facultatem alijs delegare. Videtur enim probabile quod sic, quia iuxta dicta tom. 1. cap. 18. num. 4. Commissarius ex priuilegio perpetuo potest alijs suas vices delegare, facultas autem hæc instituendi Confraternitates est priuilegium perpetuum, præsertim quia Paulus III. concessit Generali Societatis, ut omnis gratias, concessiones, & indulta sibi concessa à Sede Apostolica exerceere possit per Vicarios, aut personas ad id sibi bene visas. Suarez 4. tom. de Relig. tract. 8. lib. 2. cap. 22. num. 8. Similiter Sixtus v. in Bulla Dum ineffabilia anno 1586. edita quæ est in 2. tom. Bullar. inter Bullas Sixti v. num. 21. facultatem concessit omnibus Fratribus Ordinis Prædicatorum designandis à Generali, vel Vicario Generali eiusdem Ordinis instituendi Confraternitates Rosarij vbique. His enim priuilegijs videtur uti posse Generales Ordinis nostri. Nihilominus Reuerendis. Theodorus Stratus Generalis Ordinis cautius, & prudentius per se solum instituit etiam absens Confraternitates, in illis scilicet locis, quos Prouinciales designant, committendo tamen ipsis ut loca designent cum conditionibus à Clemente VIII. requisitis.

49 Item cum vnica tantum instituti nostri Confraternitas erigi possit in eodem loco, iuxta dicta supra ex Clem. VIII. num. 8.

V v

ideo

- ideo ad conseruandam bonam pacem inter nostros, & Patres nostros Discalceatos an. 1616. die 24. Aug. Romæ Reuerendiss. Magister Sebastianus Fantonus Prior Generalis Ordinis, Reuerendiss. P. Fr. Ferdinandus à S. Maria Præpositus Generalis nostrorum PP. Discalceatorum Congregat. S. Eliæ ac admod. R. P. Franciscus à Sanctiss. Sacramento Procurator Generalis Congregationis Hispaniarum eorundem PP. Discalceatorum, in hac deuenerunt concordiam his verbis descriptam in Bulla Pauli v. *Ad ea per quæ* anno 1617. die 24. Aprilis qua prædicta concordia ab hoc Pontifice approbatur, & confirmatur. Ideo prædicti Patres Reuerendiss. P. Magister Generalis, & Reuerendiss. P. Præpositus Generalis, & Procurator Generalis Hispaniæ sub vna Beatissimæ Virginis tutela militantes, vt charitas mutua sine vllius offensione loueatur; sponte &c. & omni &c. nominibus prædictis conueniunt, & paciscuntur hoc proposito medio, videlicet, vt vbi Fratres Carmelitani erectam iam habeant Confraternitatem possint Discalceati sanctum Scapulare petentibus concedere, sodalesque ita admittere, vt eo ipso Confraternitati Patrum Carmelitarum adscripti censeantur, & sint, & easdem indulgentias, priuilegia, facultates, aliasque spirituales gratias, & indulta consequantur modo quo supra. Item quoad processiones tam præcipuam mensis Iulij ad Sanctissimæ Virginis Commemorationem solemnem fieri solitam, quam alias, quæ in aliqua Dominica singulorum mensium fiunt, quibus assistentibus Confratribus, & Conсорoribus plenaria Indulgentia per SS. D. N. Paulum Papam v. sub die 3. Augusti 1609. in perpetuum concessa est, & postea ab eodem sub die 19. Iulij 1614. ad omnes in posterum erigendas in quauis mundi parte Confraternitates extensa, ita pariter conueniunt, & paciscuntur, vt vbi Confraternitas in domibus Patrum Discalceatorum fuerit erecta, nolintque ipsi dictam processionem, seu processiones facere, possint PP. Carmelitani eam, vel eas celebrare, illique vel illis assistentes Confratres lucrentur Indulgentiam, ac si in eorū domo esset Confraternitas; & è conuerso si in domibus PP. Carmelitarum fuerit erecta Confraternitas, nolintque ipsi processionem celebrare, possint PP. Discalceati eam facere, Confratresq. assistentes consequantur Indulgentiam prædictam, quia sic inter eos actum &c. Hæc ibi. Habetur hæc Bulla in lib. cui titulus est *Priuilegia Ordinis Fratrum Carmelitarum Discalceatorum à* pag. 126.

50 Statuta etiam sunt hæc pro institutione prædictarum Confraternitatum in nostris Constitutionibus p. 4. cap. 28. num. 3. Et
nc,

ne, quod in fauorem nostræ Religionis à Summis Pontificibus concessum fuit aliquando in illius detrimentum vergat Reuerendiss. Pater in posterum Confraternitatem nostram in exteris Ecclesijs præsertim aliorum Regularium non instituat, nisi sub hac expressa conditione, quod si temporis successu nostra Religio domum in eodem loco fundauerit, institutio Confraternitatis in aliena Ecclesia facta eo ipso penitus expiret, nulliusque reddatur valoris, & momenti, & valeat P. Generalis nouam erectionem in nostra Ecclesia seruatis seruandis facere: & nisi etiam sub iuramento promittant tum Superiores exterarum Ecclesiarum in quibus instituenda fuerit Confraternitas, tum Confratres, quod nec directè, nec indirectè, nec per se, nec per alios vllò vnquam tempore impediunt, quominus possimus nos, si se obtulerit occasio, nouum ibi Monasterium acquirere, imò expressè protestentur se ad id quatenus opus fuerit, ex nunc pro tunc suum præbere consensum. Hæc ibi.

51 Grauißima Rosarij B. Virginis Marię Confraternitas, quam clarissima Dominicanorum Patrum familia habet, iuxta Nauarrum in *Miscellaneis de Psalterio, & Rosario Virginis Matris Miscellaneis* 4. capit anno 1476. à quodam egregio Doctore Provinciali eiusdem Ordinis nomine Iacobo Spenger, qui simul vocatur Prior Monasterij Prædicatorum Coloniz, quibusdam Statutis super ingressu, & obligatione Confratrum adiectis, quam Alexander Legatus ad instantiam Imperatoris Friderici III. & eius vxoris Augustę confirmauit, & indulgentias auxit. Hæc autem indulgentiæ, prout constat ex Bulla Leonis X. inferius referendæ, sunt, Confratribus, seu Confororibus in singulis quinque B. Virginis Marię festiuitatibus, scilicet Annunciatione, Visitatione, Assumptione, Natiuitate, & Purificatione, centum dies Indulgentiæ, & quoties Rosarium per se, vel per alium legerent, vel legi facerent, seu Sabbatis, & festiuis diebus decantationi *Salue Regina* quod in dicta Ecclesia cantabatur, interessent, 40. dies.

52 Deinde Sixtus IV. in Bulla *Ea qua ex fidelium*, anno 1479. in 1. tom. Bullar. inter Bullas eiusdem Sixti num. 18. ad instantiam Ducis, & Ducissę Brittaniz approbauit antiquum vsum orandi qui dicitur Psalterium, seu Rosarium B. Virginis, quo scilicet toties Angelica Salutatio *Aue Maria* dicitur, quot sunt Psalmi in Psalterio Davidico scilicet 150. singulis decem Salutationibus orationem Dominicam semel præponendo, concedens insuper pro qualibet quinquagena prædicti Psalterij quinque annos, & totidem quadragenas Indulgentiæ. Constat

etiam ex Leone x. in Bulla *Pastoris aeterni* anno 1520. edita in *Appendic. ad Bullarium num. 2. inter Bullas Leonis* eundem *Sixt. i. v.* voluisse, & ordinasse quod omnes, & singuli Confratres vtriusque sexus Confraternitatem prædictam seruantes tam in dicta Ciuitate Colonienſi, quam vbicumque locorum verè pœnitentes, & confelsi, qui orationē Dominicam, & Salutationem Angelicam prædictam modo præmiſſo dicerent in singulis Natiuitatis, Annunciationis, Assumptionis eiusdem B. V. Mariæ festiuitatibus Indulgentiam septem annorum, & totidem quadragenarum consequerentur.

53 Successiue Innocentius viii. cum anno 1483. vel 1484. Bartholomæus de Comatijs Generalis eorumdem Patrum Dominicanorum Capitulum Generale Romæ celebraret, vt constat ex prædicta Bulla Leonis x. Bartholomæo Generali viuz vocis oraculo, omnibus qui tunc erant, & in futurum essent de dicta Confraternitate, & per hebdomadam dicerent Psalterium B. Mariæ Virginis huiusmodi plenariam omnium peccatorum suorum remissionem, semel in vita, & semel in mortis articulo, ac etiam receptis per litteras ad beneſicia dicti Ordinis, non autem quæstu, sed deuotionis causa, concessit, de qua concessione per litteras testimoniales ipsius Bartholomæi sui secreti sigilli seu signati vsualis impressione munitas constat.

54 Insuper, vt etiam ex eiusdem Leonis Bulla constat *Raymundus tit. S. Mariæ noua Presbyter Cardinalis tunc per Germaniam dictæ Sedis Legatus, eisdem Confratribus, & Conſororibus, pro quolibet Rosario centum dies Indulgentiarum perpetuò, & similiter plures, ac diuersi locorum Ordinarij singuli Indulgentiam 40. dierum concesserunt, prout etiam in Raymundi Cardinalis Legati, necnon Alexandri Episcopi, & Nuncij, & Ordinariorum huiusmodi singulis desuper confectis litteris dicitur plenius contineri.*

55 Post quæ idē Leo x. in Bulla relata Confraternitatē, ritum, seu modum orandi, & prædictas Indulgentias per Sixtum, Innocentium, Legatum, & Ordinarios prædictos concessas approbauit, aliasque Indulgentias, & priuilegia his verbis concessit. De omnipotentis Dei misericordia, ac Beatorum Petri, & Pauli Apostolorum eius auctoritate confisi, Ioanni Duci, Mariæ Ducissæ, Sibillæ Marchionissæ, Ioanni Præposito, Priori, ac Fratribus Prædicatoribus, & eorum singulis, ac vniuersis, alijsq. vtriusque sexus Christi fidelibus dictæ Confraternitatis Confratribus, & Conſororibus, vbilibet existentibus, tam præsentibus, quam futuris, vere pœnitentibus, & confelsis, seu confitendi propositum habentibus, qui ter in hebdomada dictum Rosarium deuotè

denotè orauerint, vt præfertur pro qualibet vice alios decem, annos, & totidem quadragenas de iniunctis eis pœnitentijs misericorditer in Domino relaxamus. Ac quod omnes prædicti eorum singuli in Pascha Resurrectionis, & festiuitatibus prædictis, ac tribus diebus singulis festiuitatum earumdem præcedentibus, cuicumque Presbytero domus Ordinis Prædicatorum Fratrum professorum per eorum singulos pro tempore eligendos peccata sua confiteri valeant, ipseque Presbyter eorum confessionibus diligenter auditis, ipsos, & eorum singulos ab omnibus, & singulis excommunicationibus, alijsque Ecclesiasticis sententijs, censuris, & pœnis à iure, vel ab homine, quauis occasione, vel causa latis, & promulgatis, necnon sacrilegijs, incestibus, adulterijs, pœnitentiarum iniunctarum, & diuinorum officiorum, & ieiuniorum omissionibus, alijsque eorum peccatis, criminibus, excessibus, delictis, quantumcumque grauibus, & enormibus, in singulis etiam Sedi Apostolicæ reservatis casibus (contentis in Bulla singulis annis die Cœnæ Domini legi consueta, dumtaxat exceptis) absoluerè, & eis pro commissis pœnitentiam salutarem iniungere, ac iuramenta quæcumque sine alicuius præiudicio relaxare, & vota quæcumque (vltra marina, visitationis liminum Beatorum Petri, & Pauli, præfatorum, ac S. Iacobi in Compostella, necnon Religionis, & castitatis votis dumtaxat exceptis) in alia pietatis opera commutare liberè possit, Ordinarij, & Archidiaconi loci, ac Rectorum parochialium, & cuiusuis alterius licentia desuper minimè requisita. Qualiter autem hæc priuilegia absoluendi Confratres moderata, vel ablata iam sint vide dicta supra nu. 37.

56 Ordinauit insuper, ac statuit, pro receptione, & conscriptione aliquorum Confratrum, siue Confororum in dicta Confraternitate, nihil omnino temporale exigi debere, sed sponte oblata dumtaxat recipi posse. Vide dicta supra nu. 30.

57 Refert etiam idem Pontifex prædictam Confraternitatem iam olim prout in historijs legitur à S. Dominico institutam fuisse, & in diuersis mundi partibus prædicatam sequentibus signis. Quod etiam corroborant, quæ de hac historia referunt Dominicani Patres, specialiter Abrahamus Bzouius tom. 13. *Annal. circa ann. 1213. num. 9. & sequentibus*, vbi de quadam victoria meritis B. Virginis Dei Matris accepta, alijsque miraculis Rosarij institutum comprobantibus, ex varijs auctoribus agit.

58 Postea Clemens vi. in Bulla *Et si temporalium*, anno 1334. edita, in tom. 1. Bullar. inter Bullas huius Pontificis num. 40. dictam Confraternitatem, Indulgentias, et priuilegia illi à Prædecessoribus

cessoribus concessa approbavit, et confirmavit. Declaravit etiam satis esse Rosarium in hebdomadæ cursu recitari, et quia Leo x. concesserat visitantibus quinque Altaria cuiuscumque Ecclesiæ, vel vnum, aut duo quinquies si quinque defuissent, Indulgentias Stationum Almar Vrbis, idem approbavit, et confirmavit. Item auxit Indulgentias concessas à Sixto iv. recitantibus Rosarium B. Virginis. Animaduertit autem Laertius Cherubinus Collector Bullarum in hac Bulla Clem. vii. eam approbatam fuisse à Paulo iii. et Iulio iii.

59 Item sub anno 1569. Pius v. duas edidit Bullas, seu Constitutiones circa huiusmodi Confraternitatem. Priorem 28. Iunij, et posteriorem die 17. Septembris; quæ habetur in 2. tom. Bullar. huius Pontificis num. 86. In priori decernit solum Priorem Generalem, aut ab eo deputatos, & Ambrosium Saluum Prouincialem Prouinciæ Neapolitanæ posse Confraternitatem prædictam in quibuscumque Ecclesijs erigere, nullum Confratrem pro ingressu in Confratriam aliquid soluturum, posse Confratres ad quascumque processiones accedere, & in quibus corpora Defunctorum ad sepeliendum deferuntur, cum eorum insignijs, cuiusvis etiam Superioris licentia minimè requisita, prohibens ne dictis Generali, seu deputatis, & Ambrosio prædicto, aut ipsis Confratribus in præmissis aliquid molestiæ inferatur, ac illis concedens Indulgentias à prædecessoribus, præsertim Leone x. concessas. In posteriori autem prædictum Psalterium, seu Rosarium B. Virginis omniaque indulta Indulgentias, & priuilegia per quoscumque Summos Pontifices, seu Legatos concessa confirmavit, & approbavit, facultatem percipiendi legata concessit, ac sequentes Indulgentias concessit his verbis. Et insuper quo quisque ad se numero Confratrum præfatorum aggregandum, promptior, & alacrior fiat. De omnipotentis Dei misericordia, ac Beatorum Petri, & Pauli Apostolorum eius auctoritate. confisi, omnibus, & singulis Confratribus prædictis per deputatos prædictos descriptis, verè pœnitentibus, & confessis qui primâ vice qua descripti fuerint, Sanctissimum Eucharistiæ Sacramentum in aliqua Ecclesia, aut Capella dictæ Confraternitatis perceperint, & vnam saltem quinquagenam Rosarij recitauerint, & pro tranquillitate Sanctæ Matris Ecclesiæ orauerint, necnon qui in mortis articulo constituti salutaris pœnitentiæ, & viatici Sacramento muniti fuerint plenariam omnium, & singulorum peccatorum suorum Indulgentiam, & remissionem misericorditer in Domino concedimus, & elargimur. Qui verò in Resurrectionis Domini Nostri Iesu Christi

Christi, Annunciationis, & Assumptionis Beatæ Mariæ præfatum Eucharistiæ Sacramentum sumpserint, & partem Rosarij, vt præfertur, recitauerint, decem annos, & totidem quadragenas. Eisdem autem Confratribus qui in reliquis Domini Nostri IESV Christi, & Beatæ MARIÆ Virginis præfatorum festis diebus in quibus Sacra ipsius Rosarij mysteria recensentur, vnâ altem Rosarij quinquagenam recitauerint, necnon alijs omnibus, & singulis vtriusque sexus Christi fidelibus, etiam non Confratribus qui in eiusdem Rosarij Processione, quæ mense quolibet fieri consuevit deuotè interfuerint, & pariter Confratribus præfatis qui ipsum Rosarium integrum qualibet hebdomada deuotè recitauerint, septem annos, & totidem quadragenas de iniunctis sibi prænitentijs, etiam misericorditer in Domino relaxamus. Hæc ibi.

60 Præterea Sixtus v. in Bulla *Dum ineffabilia* anno 1586. edita quæ est in 2. to. Bullarij inter Bullas Sixti nu. 21. confirmauit, & approbavit Indulgentias, priuilegia, & indulta dictæ Confraternitati à suis Prædecessoribus concessa, & pro potiori cautela ea de nouo concessit, & innouauit. Facultatem item concessit Fratribus dicti Ordinis Prædicatorum per Magistrum, & Vicarium Generales pro tempore deputandis instituendi prædictas Confraternitates Rosarij eisquæ erectis omnes gratias, & indulta elargiendi. Insuper sequentes eisdem Confratribus Indulgentias concessit, ijs verbis. De omnipotentis Dei misericordia, ac Beatorum Petri, & Pauli Apostolorum eius auctoritate confisi, omnibus, & singulis vtriusque sexus Confratribus singularum Confraternitatum Rosarij huiusmodi, tam hætenus erectarum, quam in posterum erigendarum, vt præfertur, ubicumque, nunc, & pro tempore existentibus, & in dictis Confraternitatibus pro tempore descriptis, & describendis, itinerantibus, vel nauigantibus, ac seruientibus, totum Rosarium, infirmis verò, aut alias legitimè impeditis, tertiam eius partem deuotè recitantibus, necnon temporibus debitis, & ab Ecclesia statutis, confitendi, & communicandi firmum propositum habentibus, qui Capellam Beatæ MARIÆ Rosarij in Ecclesia ipsius Beatæ MARIÆ supra Mineruam de Vrbe eiusdem Ordinis Prædicatorum institutam, vel alias Ecclesias, seu Capellas ubicumque, dicta Confraternitas canonicè fundata fuerit ijs diebus quibus festa mysteriorum eiusdem Rosarij celebrantur visitare, & processioni, quæ prima Dominica cuiuslibet mensis fieri solet, interesse non poterint, plenariam omnium peccatorum suorum Indulgentiam, & remissionem auctoritate, & tenore prædictis, conce-

concedimus, & elargimur. Illisque omnes, & singulas Indulgentias, & peccatorum remissiones etiam plenarias alijs Confratribus, & Sororibus, Capellas, seu Ecclesias Rosarii huiusmodi dictis diebus visitantibus, ac dictæ Processioni interessentibus, specialiter, vel generaliter concessas, & in futurum concedendas, in omnibus, et per omnia, perinde, ac si dictas Capellas, seu Ecclesias dictis diebus personaliter visitarent, et processionibus huiusmodi interessent auctoritate, et tenore prædictis communicamus, ac communicatas esse specialiter, vel generaliter decernimus, et declaramus. Hæc ibi.

61 Circa prædicta notandum primò S. Congregationem Episcoporum declarasse 13. Maij 1603. facultates concessas PP. Dominicanis pro Societate Rosarii locum non habere in Societatibus eiusdem extra eorum Ecclesias. Gaudent in *Man. Episcoporum. verb. Confraternitates. num. 8.* Notandum 2. Ioannem XXI II. concessisse Fratribus Ordinis Prædicatorum, quod Confratres ipsorum possent sepelire tempore interdicti in Ecclesia, vel Cæmeterio eorumdem Fratrum nisi fuerint excommunicati publicè, vel nominatim, ibique divina celebrare, seu audire. Ita Casarubius in *Compend. priuileg. Mendicant. verb. Interdictum 3. num. 5.* iungens, quod cum prædicti Prædicatores hac gràtia frui vellent, re discussa in insigni vniuersitate Salmantina declaratum fuit solum debere ista concessione vti iuxta cap. *Vt priuilegia de priuilegijs, & excessibus*, eos Confratres, qui adhuc manentes in sæculo eorum Ordini sunt oblati, mutato habitu sæculari, et qui bona sua dederunt inter viuos, retento sibi usufructu, sic enim deciditur in dicto cap. *Vt priuilegia*. Verumtamen cum concessio Ioannis XXI II. posterior fuerit hac decisione iuris communis non video cur iuxta illam debeat intelligi. Dubium tamen mihi ingerit an hi Confratres Fratrum Prædicatorum sint iidem, ac Confratres Rosarii. Hoc tamen scire spectat ad prædictos Patres. Tertiò notandum, quod quamuis Paulus v. omnes, et singulas Indulgentias tam Confraternitati Rosarii, quam alijs Confraternitatibus à suis prædecessoribus concessas reuocauerit, nouas indulgentias, et priuilegia concedens, postea tamen ad instantiam Ordinis Prædicatorum dictam reuocationem ad terminos iuris reduxit, concedens, et indulgens, vt Rosarii confraternitas vti posset, et gaudere Indulgentijs alijs eidem à Summis Pontificibus concessis, prout antea utebantur, et non alias. Hoc patet ex Bulla eiusdem Paul. v. *Cum olim* anno 1608. edita.

62 Circa processionem autem huius Cōfraternitatis notandū quod

quod licet, iuxta dicta tom. 1. cap. 12. num. 41. à S. Congregatione declaratum sit non licere Regularibus facere processiones sui Ordinis extra Ecclesias suas, & ambitum illius, circa processionem tamen Rosarii, refert Festus in *Constit. sui Ordinis* p. 1. c. 23. declarasse S. Congregationem posse dictam processionem fieri per totam Ciuitatem si ita habeat consuetudo à 10. retro annis seruata, in quatuor festiuitatibus B. V. Mariæ, nimirum, Natiuitatis, Annunciationis, Purificationis, & Assumptionis.

63 Circa Confraternitatem chordæ Seraphici Patris S. Francisci constat ex Sixto v. in Bulla *Diuine charitatis altitudo* anno 1587. edita quæ habetur apud Rodrig. tom. 1. *quæst. Regular.* q. 58. ar. 1. & in Bullario eiusdem Auctoris to. 2. Bulla 8. in Sixto V. eam institutam fuisse ab eodem Sixto v. in Ecclesia S. Francisci Aulisenfis, in qua sub Altari maiori corpus eiusdem S. Francisci requiescit, concessisseque facultatem Clementi Bontadesio Generali Minorum prædictam Confraternitatem instituendi in quibuscumque Ecclesijs eorumdem Minorum tam Conuentualium, quam de obseruantia, & Capuccinorum cum varijs Indulgentijs, & peccatorum remissionibus. Sequentes autem exprimit idem Pontifex in dicta Bulla ijs verbis: *Necnon de omnipotentis Dei misericordia, ac Beatorum Petri, & Pauli Apostolorum eius auctoritate confisi vtriusque sexus Confratribus Chordigerorum huiusmodi præter Indulgentias Religioni præfate concessas in mortis articulo, necnon quoties processionibus Archiconfraternitatis Chordigerorum huiusmodi singulis mensibus fieri solitis interfuerint iisdem quidem Confratribus plenariam omnium peccatorum suorum Indulgentiam, & remissionem perpetuam concesserimus.* Bulla autem eiusdem Sixti, qua prædictam Confraternitatem erexit habetur in 2. tom. Bullar. inter Bullas Sixti num. 13. vbi etiam varias Indulgentias eidem Confraternitati concedit præfertim eas, quæ Archiconfraternitati Consalonis concessæ erant, nec reuocatz.

64 Declarat autem idem Pontifex chordam debere esse ciuitatam, & susceptam à Superioribus Ordinis. Deinde vult esse benedictam ab eisdem Superioribus, Guardianos etiam atque Præsidentes intelligendo. Requiritur etiam vt ipsi Confratres in Confratriam ingrediantur, & in libris ipsius scribantur. Rodriguez, vt supra to. 1. *quæst. Regul.* q. 58. ar. 1. Flauius Cherubinus in *Comp. Bullar. in Sixto V.* num. 13. *scholio* 2.

65 Circa Confraternitatem Confratriæ Corrigiatorum S. Augustini, notandum quod Eugenius iv. Romæ anno Domini millesimo quadringentesimo trigésimo, confirmauit licentiam,

Xx

datam

datam à Fratre Gerardo de Ariminio Generali Ordinis Eremitarum Diui Augustini Fratri Cesario de Roma eiusdem Ordinis Professori, vt Corrigiatorū posset instituere Confratrias. Postea auctoritate Greg. xiii. Prior Generalis Ordinis Fratrum Eremitarum D. Augustini Confraternitatem vtriusq. sexus fidelium Cincturatum, & Cincturatarum S. Augustini, & S. Monicæ nuncupatam in Ecclesia S. Iacobi Ciuitatis Bononiensis fundatam auctoritate Eugenij. v. vniuit simili Confraternitati sub inuocatione B. Mariæ Virg. de Consolatione nuncupatæ, in eadem Ecclesia canonicè institutæ. Quam vnionem, & incorporationem Greg. xiii. Romæ apud Diuum Petrum sub annulo Piscatoris die 10. Iunij anno Incarnationis Dominicæ 1575. Pontificatus sui Anno 4. motu proprio, & ex certa scientia confirmauit, & idem Greg. xiii. in quadam Bulla data Romæ apud D. Petrum sub annulo Piscatoris die 12. Nouemb. anno Domini 1578. Pontificatus sui anno 8. præcepit in virtute sanctæ Obedientiæ omnibus ad quos spectat, ne dictæ Confraternitates sic vt præfertur pro tempore aggregatæ, ad quidquam soluendum dictæ Confraternitati S. Iacobi ratione aggregationis huiusmodi soluere teneantur. Hæc ad litteram Rodrig *tom. i. q. 58. ar. 2.*

66. Postea verò Gregorius Petrechinus Cardinalis auctoritate Apostolica sibi concessa, rescriptum in forma Brevis edidit. Quo in omnibus Ecclesijs Domorum, & Conuentuum Fratrum Ordinis Eremitarum S. Augustini in Prouincia Castellæ iam erectis, seu de cætero erigendis, ac earum singulis vnâ Confraternitatem vtriusque sexus Christi fidelium Corrigiatorum, seu Cincturiorum D. Augustini, eiusque D. Matris Monicæ in Capella, seu Altari à Priori, & Conuentu specialiter ibi eligendo de nouo perpetuo, & ad perpetuam rei memoriam gratis, vbique, & alias seruata forma dictarum litterarum Papæ Greg. xiii. erexit, & instituit, & fundauit, ac erectam, fundatam, & institutam censerit, & omnino esse voluit, illasque, & earum singulas sic vt præfertur erectas, & fundatas Archiepiscopatu B. Mariæ Virg. de Consolatione Corrigiatorum, seu Cincturiorum S. Augustini, & eius Matris S. Monicæ, in Ecclesia Domus, seu Conuentus Fratrum S. Iacobi dicti Ordinis Bononiensis, vt præfertur, institutæ specialiter, & expressè etiam gratis, & perpetuò aggregauit, vniuit, & incorporauit. Ac singularum Confraternitatum sub dictâ inuocatione erectarum huiusmodi vtriusque sexus Confratribus, & eorū quibuslibet omnia, & singula priuilegia, concessionem, & indulta tam spiritualia, quam temporalia, ac etiam peccatorum remissiones, & Indulgentias etiam plenarias, & perpetuas, vel qual-

quascumque alias qualitercumque, & quomodolibet qualifica-
tas, & nuncupatas per quoscumque Summos Pontifices litteris
Apostolicis varijs temporibus singulis Archiconfraternitatis
prædictæ Confratribus quomodolibet, & ex quavis causa con-
cessas, & elargitas perpetuò etiam communicauit, & ad singulas
ex nunc dicta auctoritate Apostolica extendit, & amplauit, illis-
que omnibus, & singulis eorum quemlibet gaudere debere, &
de illis alijsque spiritualibus subsidij, operibus meritorijs dictæ
Archiconfraternitati, & illius vtriusq.exus Confratribus con-
cessis, & per eos, aliosq. totius Ordinis Eremitarum D. Augustini
Fratres vbilibet pro tempore quomodolibet participes fecit, &
participare debere dicta auctoritate Apostolica declarauit. Hæc
etiam idem Rodrig. dicto ar. 2.

67 Postea etiam Greg. xiv. in Bulla quæ incipit *Cum sicut acce-*
pimus declarauit posse Confratres, vtriusqueexus Corrigiato-
rum D. Augustini vti, frui, et gaudere indulgentijs, et gratijs spi-
ritualibus Ordini eiusdem S. Augustini concessis, omniumque
bonorum, quæ sunt in dicto Ordine participes esse, dummodo
inter alia tenerentur quotidie recitare tredecim *Pater noster*, et
totidem *Aue Maria*, et vnum *Salue Regina* pro salute Romani
Pontificis, ac felici statu S. Matris Ecclesie, vel nescientes dicere
ipsum *Salue Regina* loco ipsius quinque *Aue Maria*. Ampliorem
quoque gratiam quarundam Indulgentiarum in alia Bulla
concessit idem Pontifex eidem Confraternitati, prout refert
Rodriguez *ut supra* art. 2. Omnium tandem gratiarum, et priui-
legiorum huius Confraternitatis approbatio, et confirmatio ha-
betur ex Greg. xv. in Bulla *Iniuncti nobis* in Bullar. Eremitar.
S. Augustini Laurentij Empoli in eodem Greg. num. 2.



SVMMARIVM CAP. XVI.

Familiares, seu Seruitores Regularium qui dicantur num. 1.

Quid ad illos requiratur . ibid.

Non sunt persona Regulares. nu. 2.

An sint persona Ecclesiastica. ibid.

Varia priuilegia eisdem à Summis Pontificibus sunt concessa num. 3.

Quid concesserit Alexand. IV. Seruatoribus Hospitalis S. Ioannis. num. 4.

Quid idem Alexander pro Seruatoribus Fratrum Minorum. num. 5.

Quid Urbanus IV. pro familiaribus Carmelitarum . num. 6.

Quid Clem. IV. pro Seruatoribus Minorum. num. 7.

Quid Martinus V. pro Familiaribus Monachorum S. Benedicti. num. 8.

Qua Sixtus IV. pro Carmelitarum Seruatoribus. num. 9.

Quid Iulius II. pro Minimorum Famulis. num. 10.

Quid Leo X. pro eisdem . num. 11.

Specialiter pro tempore interdicti ab Alex. IV. Clem. IV. Six. IV. num. 12.

Innocentij VI. concessio pro Familiaribus Carthusiensium. ibid.

Urbani V. pro eisdem. ibid.

Concessio pro Familiaribus Fratrum Predicatorum . ibid.

Qualiter ea moderata sint à Leone X. in Conc. Lateran. nu. 13.

A Concil. Trid. sess. 24. cap. 11. num. 14.

Quomodo ea intelligenda. ibid.

Qua ex dictis priuilegijs modo subsistant. num. 15.

Possunt Familiares dictas conditiones habentes à Regularibus recipere Sacramenta. ibid.

Vt recipiant Sacramentum penitentia necessaria est in Confessario approbatio Ordinarij. num. 16.

An oppositum sit probabile. ibid.

An Confessarij possint eos absoluerè à casibus Ordinario reseruatis. num. 17.

Quid de Sacramento Matrimonij. nu. 18.

Quid de Sacra Eucharistia tempore Paschatis. num. 19.

Quid de Sacramento extremae vnctionis. num. 20.

An pro administratione Sacramentorum Eucharistia, & extrema vnctionis Familiaribus requiratur Episcopi approbatio. num. 21.

An sepultura possit illis concedi. num. 22.

An

- An possint excommunicari, aut interdici ab Episcopo, quando, & quomodo. num. 23.*
Quibus priuilegijs frui possint præsertim in mortis articulo. num. 24.
Quid de Indulgentijs dicendum num. 25.
An possint in illegitimitate dispensari. num. 26.
Quid possint facere tempore interdicti. num. 27.
An ea veniant intelligenda etiam de Seruitricibus Monialium. num. 28.
Impedianturne ista per Bullam Cruciatam in locis ubi publicatur. num. 29.
Secluso omni priuilegio an possint Missis inseruire tempore interdicti. num. 30.
Qui assumpti sunt in fraudem legis ut potiantur dictis priuilegijs, non potiuntur illis. num. 31.
Nec etiam qui seruiunt particularibus Religiosis non designatis à Prælati. num. 32.
An gaudeant familiares Regularium facultate habendi Conseruatores. num. 33.
Non possunt Familiæ Fratrum ubi suis priuilegijs contra ipsos Fratres. nu. 34.
Secus esset si talia priuilegia essent illis æquè principaliter concessa. ibid.
Quid si Fratres perdiderint talia priuilegia. num. 35.



De Familiaribus, seu Seruatoribus Regularium personarum, eorumque priuilegijs.

Cap. XVI.



FAMILIARES, seu Seruatores Regularium in præfenti appellantur illi qui ipsis inferuiunt, et cum illis cohabitant, ita vt sint ipsorum quasi commensales. Ita enim colligitur *ex cap. ult. de verb. significat. in 6. Rota Roman. diuers. par. 2. decr. 303. num. 2. Suarez 4. tom. de Relig. tract. 10. lib. 9. c. 4. n. 14. Barbosa de offic. & potest. Episcopi alleg. 5. num. 2.* Non tamen videtur simpliciter necessarium, vt aliquis familiaris censeatur, quod propter stipendium, vel mercedem inferuiat. Nam si aliquis gratis seruire velit Monasterio familiaris vtique erit. Felinus *cap. in litteris*, Suarez *vt supra*. Requiritur tamen videtur ad familiaris rationem in præfenti, quod continuò, vel quasi continuò in Regularium domibus cohabitaret. Quia alias non vocabitur de familia, ac per consequens nec familiaris. Prout in simili de familiari Episcopi locuntur Bonacina *de Sacrament. disp. 8. q. unica punct. 4. num. 18.* Barbosa *vt supra num. 6.* Sed ægrotus, & qui pro aliquo tempore ad propria negotia, vel Monasterij pertractanda absens est familiaris nomen non perdit. Glossa *in cap. ult. de verbor. significat. in 6. & Suarez vt supra*.

2. Constat huiusmodi familiares Regularium personas Regulares non esse, cum vota solemnia, vt supponimus non emittant. An autem Ecclesiasticæ personæ dicendæ sint, dubium esse potest, cum pertineant ad personas Ecclesiasticas, et sint quasi bona ipsarum. Nihilominus esto quod secundum quid Ecclesiastici iuris dici possint, propter rationem allatam, absolute tamen, et simpliciter dicendi sunt seculares, seu laici, quemadmodum etiam familiares Episcoporum, qui alias clerici non sunt, vt supponitur in declaratione S. Congreg. Episcop. et Regul. apud Barbosam *in Collect. Bullar. verb. familia*, in qua dicitur, familiares Episcopi etiam laicos fori priuilegio gaudere, quo supponitur Episcoporum familiares, si alias clerici non fuerint, pro laicis personis haberi.

Nihilominus

3 Nihilominus varia, ac plurima eisdem feruitoribus, seu familiaribus Regularium, seu potius ipsis Regularibus in ordine ad prædictos Summi Pontifices concessere privilegia, quæ placuit primum referre, ut postmodum, quænam ex illis, aut quomodo reuocata sint, dici possit. Alexand. ergo iv. Generali, Prouincialibus, Prioribus, et Fratribus Carmelitis concessit facultatem eis ministrandi Ecclesiastica Sacramenta, ac tradendi eos Ecclesiasticæ sepulturæ sine alieni iuris præiudicio. Habetur Bulla in Mari magno Ordinis num. 18. et illius meminit Casarubius in *Compend. privileg. Mendicant. verbo familiares, seu famuli Fratrum num. 2. Rodriguez tom. 2. quest. Regular. q. 67. art. 1.*

4 Idem Alexand. iv. confirmavit litteras Honorij, et Innocentij Prædecessorum, quibus auctoritate Apostolica interdixerunt ut nemini liceret sine speciali mandato Romani Pontificis seruientes Fratribus Hospitalis S. Ioannis siue Clericos, siue laicos, donec in seruitio domus fuerint, excommunicationi, vel interdicto subijcere, et si qua sententia in præfatos aliter lata fuerit, eam irritam esse, et inanem censuit. Casarubius in *Compend. privileg. Mendic. verb. familiares num. 10.*

5 Idem etiam Alexander concessit quod si quando in personas, vel terras, ubi residere Fratres Minores excommunicationis, seu interdicti sententias contigerit promulgari, pueri Fratrum seruitijs deputati, negotiorumque suorum gestores, seu Procuratores, et operarij qui in locis Fratrum huiusmodi operibus eorum personaliter constituti insisterint, prædictis sententijs excommunicationis, vel interdicti obnoxij nullatenus habeantur, ibique possint audire diuina iuxta formam quæ à Sede Apostolica est concessa eo casu, scilicet tempore interdicti, nisi prædictæ personæ causam dederint, vel excommunicari, seu interdicti contingat. Casarubius in *Compend. privileg. Mendic. verb. interdictum 3. num. 1.*

6 Similiter Vrb. iv. concessit Presbyteris Ordinis nostri, ut familiarium nostrorum audire possent confessiones de suorum licentia Prælatorum, et eis pro commissis pœnitentiam salutarem iniungere, nisi forte talia commississent propter quæ Sedes Apostolica esset merito consulenda. Habetur Bulla in eodem Mari magno Ordinis num. 19. Illius etiam meminit idem Casarubius in *Compend. privileg. Mendic. verbo absolutio quoad seculares 1. num. 19.*

7 Item Clemens iv. concessit Fratribus Minoribus, ut his qui in eorum morantur obsequijs cuncta libere ministrare possent Sacra-

Sacramenta, & ipsos cum decesserint in suis cœmeterijs sepelire. Item quod si quando in terras, in quibus resident Fratres Minores, vel in earum personas, excommunicationis, seu interdicti sententias contigerit promulgari, pueri servitijs Fratrum deputati, negotiorum quoque gestores, & operarii, qui in locis Fratrum pro eorum operibus personaliter continuo extiterint, huiusmodi sententijs obnoxij minimè habeantur, ibique possint audire diuina, iuxta formam quæ ipsis in locis in eo casu à Sede Apostolica est concessa, nisi iidem causam dederint, vel contingeret eosdem excommunicari specialiter, seu interdicti. Casarubius in *Compend priuileg. Mendicant. verb. familiares, seu famuli Fratrum num. 3. & 4.* adiungens etiam num. 5. Greg. xi. fecisse similem concessionem familiaribus Ordinis Prædicatorum, et si non explicet an extendatur ad utramque concessionem Cle. iv. Sorbus in *Anotationibus ad Comp. verb. familiares.*

8. Item Martinus v. concessit Monachis S. Benedicti obseruantiz Hispan. vt confessiones quorumcumque familiarium suorum, tam laicorum, quam Regularium, & sæcularium intra, & extra septa suorum Monasteriorum commorantium audire, necnon dictis familiaribus tam intra, quam extra septa præfata commorantibus, Ecclesiastica Sacramenta quoties fuerit opportunum ministrare valerent. Casarub. in *Comp. priuileg. Mendic. verb. familiares num. 10.*

9. Maximè tamen Sixtus iv. in Bulla *Dum attenta*, quæ est: Mare magnum Carmelitarum ipsis pro suis servitoribus, & familiaribus hæc concessit. His verò qui vestris immorantur obsequijs eundæ libere ministrare possitis Ecclesiastica sacramenta, & ipsos eum decedunt in vestris cœmeterijs sepelire. Si quando autem in terras in quibus residetis, vel in earum personas excommunicationis, seu interdicti sententias contigerit promulgari, pueri vestris servitijs deputati, negotiorum vestrorum Procuratores, & operarii qui in vestris locis eorum operibus personaliter continuo insisterint huiusmodi sententijs obnoxij minimè habeantur, ibique possint quemadmodum Fratres diuina audire, iuxta formam quæ locis ipsis, & eorum vtriusque sexus personis in eo casu à Sede Apostolica est concessa, nisi eidem interdicto, causam dederint, vel excommunicari specialiter, vel interdicti contingat eosdem. Hæc ibi.

10. Postea Iulius ii. in Bulla *Dudum* concessit, quod famuli domorum Ordinis Minimorum, & ceteri eiusdem Ordinis, habitum portantes, & in articulo mortis in dictis domibus sepulturæ eligentes omnibus, & singulis priuilegijs Ordini illi concessis gaudere

gaudere possent. Casarub. in *Compend priuileg. Mendicant. verbo familiares num. 7.* & Peirinis tom. 1. priuileg. Minim. in *Iulio II. Const. 1.*

11. Eisdem quoq. Minimis Leo x. in Bulla *His qua* anno 1513. edita apud Peirinis. tom. 1. priuileg. Minim. inter *Constitutiones Leonis X. num. 4.* hanc amplam concessionem fecit. *Vt Fratres Ordinis Minimorum huiusmodi dictarum domorum famulorum, pro tempore in habitu seculari eis deseruientium, quoties opus fuerit, etiam Paschatis tempore, & in mortis articulo in eorum domibus, & Ecclesijs huiusmodi confessiones audire, ipsisque, & eorum cuilibet Eucharistia, & extrema unctionis Sacramenta ministrare; ac illis, & cuilibet eorum inhumationis, & sepultura beneficia, cuiusvis licentia super hoc minimè requisita impendere licitè valeant. Ita quod singule persone huiusmodi, & prout dicti Fratres, priuilegijs, & indultis huiusmodi in eorum mortis articulo frui, & gaudere valeant, ac si eis expresse concessa fuissent, eisdem auctoritate, & tenore presentium extendimus, & ampliamus.*

12. Specialiter pro tempore interdicti non pauca Summi Pontifices ijs Regularium familiaribus priuilegia concesserunt. Etenim præter Alexandrum iv. num. 5. relatum, Clem. iv. nu. 7. & Sixtum iv. num. 9. Eugenius iv. concessit Monachis S. Benedicti Congregationis Hispaniæ, quod tempore interdicti generalis, vel specialis à iure vel ab homine quomodocumque lati, libere, & licitè in suis Monasterijs, siue Ecclesijs, aut Capellis eorumdem possent recipere ad audiendam Missam, & alia diuina officia omnes, & singulos Familiares, Officiales, & Seruitores quorumlibet Monasteriorum huiusmodi, ac eis Eucharistiam, & alia Ecclesiastica Sacramenta ministrare, eorumque corpora tumulare, seu tumulari facere, dum tamen nullus istorum dederit causam interdicto, secreto tamen modo, ianuis clausis, & campanis non pulsatis. Item Innocentius vi. concessit Carthusiensibus, vt tempore generalis interdicti liceret eis recipere ad diuina familiaris suos, & alios sæculares infra septa Prioratum, & domorum suarum habitantes. Similiter Vrbanus v. concessit præfatis Carthusiensibus, vt personas dicti Ordinis cum seruatoribus suis aliunde venientibus, & mercenarios ingrangijs, & cellarijs suis residentes possent tempore interdicti recipere ad diuina, dummodo huiusmodi interdicti causam non dederint, nec id eis contingat specialiter interdicti. Casarubius in *Compend. priuileg. Mendicant. verbo interdictum 3. num. 11. 12. & 13.* Similiter Alexand. iv. vel vi. in Bulla *Vt in vestris* apud Peirinis to. 1. priuileg. Minim. inter *Constitut. Alexandri VI. num. 4.*

Fratribus Ordinis Prædicatorum concessit, quod si quando in personas, vel terras ubi residerent, excommunicationis, vel interdicti sententia contingeret promulgari, pueri illorum seruitijs deputati, & operarij qui in locis ipsorum eorum operibus personaliter constituti institissent, huiusmodi sententijs obnoxij non haberentur, ibiq. possent audire diuina iuxta formã quæ in locis ipsis eo casu à Sede Apostolica esset concessa, nisi eidẽ causam dedissent, vel excommunicati specialiter, seu interdicti essent.

13 Moderata postea sunt huiusmodi prædicta priuilegia pro Regularium familiaribus ipsis concessa. Primò enim Leo x. in Concilio Lateranensi anno 1516. Bulla *Dum intra mentis*, apud Peirinis tom. 1. priuileg. *Minim. inter Constit. Leonis X. num. 26.* declarauit Regulares non posse ministrare Sacramenta eorum obsequio insistentibus, nisi illorum durante obsequio, & quod operarij eorum seruitijs insistentes sententijs excommunicationis promulgatis illaqueati essent, & esse censerentur, si illis causam dedissent, aut dantibus, consilium, auxilium, vel fauorem præstitissent.

14 Maximè tamen moderata sunt à Concilio Trident. sess. 24. cap. 11. his verbis. *Quoniam priuilegia, & exemptiones quæ varijs titulis plerisque conceduntur hodie perturbationem in Episcoporum iurisdictione excitare, & exemptis occasionem laxioris vite præbere cognoscuntur, decernit Sancta Synodus, ut si quando iustis, grauius, & sere necessarijs suadentibus causis aliquos bonorarijs titulis Protonotariatus, Acolitatus, Comitatus Palatini, Capellani Regij, aut alijs huiusmodi in Rom. Curia, vel extra insignibus decernendos esse placuerit; necnon alios, cuicumque Monasterio oblatos, vel quomodocumque addictos, aut sub nomine seruiuentium militijs, aut Monasterijs, Hospitalibus, Collegijs, aut quocumque alio titulo assumi; nihil ex ijs priuilegijs detractum esse Ordinarijs intelligatur, quo minus ijs, quibus etiam concessa sunt, vel in posterum concedi contigerit ipsis Ordinarijs tanquam Apostolica Sedis delegatis plenè in omnibus, & quoad Capellanos Regios iuxta Constit. Innoc. III. quæ incipit Cum Capella, subiecti existant, exceptis tamen ijs qui prædictis locis, aut militijs actu seruiunt, & intra eorum septa, ac domos resident, subque eorum obedientia viuunt, siue ijs qui legitime, & secundum Regulam earundem militiarum professionem fecerint, de qua Ordinario constare debeat; non obstantibus &c.* Circa quæ Conci ij verba notandum primo, tres illas condiciones requisitas à Concilio scilicet, actu seruire Religiosis, & intra eorum septa, ac domos residere, ac sub eorum obedientia viuere requiri coniunctim, seu copulatiuè, vtitur enim

enim Concilium particulis *&*, & *quæ*, quæ coniunctionem significant. Peirinis *to. 1. priuil. Minim. in Const. I. Iulij II. §. 15.* Secundò, verba illa, subque *eorum obedientia*, &c. non intelligi de obedientia religiosa, sed de obedientia seruili qualem habent serui respectu Dominorum suorum. Alias prædicti familiares non sæculares, sed Fratres essent, constat autem ex sequentibus verbis Concilium distinguere illos ab eis qui veram professionem fecerint. Suarez *4. tom. de Relig. tract. 10. lib. 9. cap. 4. nu. 11.* Tertiò, probabile esse Concilium non loqui de quibuscumque priuilegijs, sed de illis tantum quæ *perturbationem in Episcoporum iurisdictione excitare*, & *exemptis occasionem laxioris vitæ præbere cognoscuntur*, vt idem Concilium in principio illius capituli dicit. Quare illa priuilegia familiarium Regularium quæ nihil horum parturire possint, qualia erunt Indulgentiæ, & similes remissiones peccatorum non videntur modificatæ à Concilio, sed derelicta in sua vi iuxta tenorem ipsorum. Rodrig. *tom. 1. quæst. Regul. q. 55. ar. 21.*

15 Ex his ergo colligi potest quibus priuilegijs gaudeant, aut gaudere possint huiusmodi familiares, seu seruitores Regularium habentium dicta priuilegia, vel communicationem cum illis in priuilegijs. Primò enim familiares, seu seruitores prædicti qui iuxta moderationem Leonis *x. num. 13.* allatam actualiter prædictis Regularibus inseruiunt, & qui iuxta moderationem etiam Concilij Tridentini *num. 14.* adductam actu illis seruiunt, & intra eorum septa, ac domos resident, subque eorum obedientia viuunt possunt à prædictis Regularibus Sacramenta recipere. Sic enim concesserunt Alexand. *iv. Carmelitis*, vt visum est *num. 3.* Clemens *iv. Minoribus*, vt supra *num. 7.* est dictum, Sixtus *iv. Carmelitis*, vt ex *num. 9.* constat, Martinus *v. Benedictinis nu. 8.* & Leo *x. Minimis num. 11.* Est etiam id conforme iuri communi in Clementina *Religiosi de priuilegijs, & excessibus priuilegiator. cap. 1.* vbi cum interdictum fuisset Religiosis Sacramenta fidelibus ministrare sine licentia Parochi subditur *§. fin. Sane Religiosis illis quibus est ab Apostolica Sede concessum, vt familiaribus suis domesticis, aut pauperibus in hospitalibus suis degentibus Sacramenta possint Ecclesiastica ministrare, nullum ex præmissis volumus quoad hoc præiudicium generari.* Rodriguez *tom. 2. quæst. Regular. q. 67. art. 1.* Peirinis *tom. 1. priuil. Minim. in Const. Iulij II. §. 15. nu. 1.* Portellus in *Dub. Regul. verb. famuli num. 1.*

16 Vt autem Sacramentum pœnitentiæ familiaribus prædictis dictorum Regularium ministraretur necessaria est in Confessario

approbatio ab Ordinario. Constat enim ex Concil. Trident. *sess. 23. cap. 15. nullum etiam Regularem posse Confessiones secularium, etiam Sacerdotum audire, nec ad id idoneum reputari, nisi aut Parochiale beneficium, aut ab Episcopis per examen, &c. idoneus iudicetur.* Rodrig. *tom. 2. quest. Regular. q. 67. art. 1.* Suarez *4. to. de Relig. tract. 10. lib. 9. cap. 4. num. 18.* Nihilominus non caret probabilitate asserere prædictos Regulares approbatos à Prælati Ordinis solum, absque eo quod approbationem ab Ordinarijs habuerint, posse audire confessiones prædictorum suorum familiarium. Nam cum non solum ex privilegijs, sed etiam ex iure communi *Clement. Religiosi §. sane, ut num. 15.* dictum est: id possint facere, videtur non derogatum à Concil. Tridentin. quod ut quidam volunt nihil innouavit quoad hoc, sed ius antiquum explicauit. Cruz *lib. 2. de statu Relig. cap. 6. dub. 1. concl. 1.* Peirinis *tom. 1. priuil. Minim. in Constit. 1. Iulij 11. §. 15. num. 12.* Hoc autem præcipue est verum loquendo de familiaribus, qui sunt verè de familia Regularium, & commensales. Ita enim decisum dicitur à S. Congregatione. Bullarium Rodriguez *to. 2. in Gregor. XIII. in fine.* Peirinis *ut supra*, Barbosa *de offic. & potest. Episcop. alleg. 25. num. 65. & in Collect. Bullarj verb. Confessarij primo*, ubi hanc declarationem S. Congregationis assert. *Confessarij Regulares in Monasterijs, & Collegijs Regularium, ubi Regularia instituta seruantur, possunt absque licentia Episcopi audire confessiones eorum secularium, qui sunt verè de familia, & communes commensales, non tamen illorum, qui tantum deseruiunt in Monasterijs.* Vide Armendariz locis ab eodem Barbosa relatis.

17 Volunt aliqui dictos Confessarios absoluerè posse prædictos familiares à casibus locorum Ordinarijs reseruatis. Peirinis *tom. 1. priuil. Minim. in Constit. 1. Iulij 11. §. 15. num. 14.* Sed in primis non video circa hoc speciale priuilegium à Summis Pontificibus antiquioribus concessum. Etsi enim Urbanus 14. *num. 6.* adductus facultatem dederit Carmelitjs nostris absoluendi familiares suos, ni forte talia commisissent propter quæ Sedes Apostolica esset consulenda. Hæc tamen concessio reuocata videtur per decreta S. Congregationis de quibus *tom. 1. cap. 19. num. 15.* dictum est. Deinde esto quod Clemens 11. id concesserit Carthusiensibus, ut habet Peregrinus 1. *par. sui Compend. tit. absolutio quoad seculares §. 3.* nihilominus decreto S. Congregationis Regularium sub SS. Domino nostro Urbano de quo *tom. 1. cap. 19. num. 17.* dixi, talis concessio videtur reuocata.

18 Quamuis autem generaliter ex vi dictorum priuilegiorum conce-

concedatur prædictis Regularibus facultas administrandi Sacramenta suis familiaribus cum conditionibus tamen assignatis, nihilominus quoad Sacramentū matrimonij vacat hæc concessio. Ratio est, tum quia Concil. Trident. *sess. 24. cap. 1.* ad hoc Sacramētum requirit præsentiam Parochi, tum quia hoc Sacramētū propriè non ministratur à Sacerdotibus, sed ipsi contrahentes sunt ministri ipsius, tū quia, ut puto, cum hac limitatione intellecta semper sunt prædicta privilegia. Et ita ubi Regulares Parochi officium non exercent, nec suorum familiarium Matrimonij assistere poterunt. Suarez *4. tom. de Relig. tract. 10. lib. 9. cap. 4. num. 19. 20. 21.*

19 Cum autem in privilegio illo Leonis x. pro Minimis de quo *num. 11.* dicatur eos posse suis familiaribus etiam Paschatis tempore Eucharistiam, & alia Sacramenta ministrare, dicendum videtur tam prædictos Minimos quam quoscumque alios Regulares cum ipsis communicationem privilegiorum habentes id posse facere. Cum nullam videam huius privilegij renocationem, & conforme sit iuri communi in *Clement. Religiosi §. sane.*

20 Similiter, quoad extremæ unctionis Sacramētum illud possunt ministrare prædicti Regulares ad id privilegium habentes iuxta dicta superius, vel qui cum ipsis communicant in privilegijs præfatis, suis familiaribus præfatas condiciones habentibus. Ex prædictis privilegijs Alexand. iv. pro Carmelitis Clementis iv. pro Minoribus, Martini v. pro Benedictinis, & Leonis x. pro Minimis. Rodriguez *tom. 2. quæst. Regul. q. 67. ar. 1.* Vnde privilegium quoddam Nicolai Franci Nuncij Apostolici cum potestate legati à latere concessum Benedictinis Hispaniæ ad ministrandum Sacramentum extremæ unctionis illis qui intra septa Monasteriorum infirmati fuerint, non tam videtur intelligi de familiaribus habentibus prædictas condiciones à Leone x. & Concil. Trident. assignatas, quia pro istis iure communi est id concessum, quam de alijs sæcularibus quos intra dicta Monasteria infirmari contigerit. Rodriguez *ut supra, & tom. 3. q. 79. ar. 1.* Dubitari tamen potest an inter viuz vocis oracula recensendum, & per consequens his temporibus inutile.

21 Pro administratione autem prædictorum Sacramentorum Eucharistiæ, & extremæ unctionis familiaribus nulla requiritur approbatio ab Episcopo, cum iure communi pro illis non requiratur, sed solum potestas Ordinis, quæ est in omnibus Sacerdotibus, & iurisdictionis quam Summi Pontifices concedunt dictis privilegijs. Suar. *4. to. de Relig. tract. 10. lib. 9. cap. 4. num. 17.*

Pariter

22 Pariter etiam quoad sepulturam poterunt Regulares habentes præfata priuilegia, vel cum ipsis communicantes in priuilegijs ipsam concedere prædictis familiaribus, qui præfatas condiciones habuerint. Ita enim habetur ex concessionibus Alexan. iv. & Sixti iv. pro Carmel. Clem. iv. pro Minoribus, & Leonis x. pro Minimis. Rodrig. to. 2. q. Regul. q. 67. art. 2. Portell. in *Dub. Regul. verb. sepultura* num. 2.

23 Non possunt prædicti familiares, seu seruitores eorum durante obsequio iuxta limitationem Leonis x. adductam, & actu inferuentes, & intra Regularium septa, seu domos residentes, ac sub eorum obedientia viuentes, iuxta limitationem Concil. Trident. adductam, ab Episcopis excommunicari, aut interdici nisi causam dederint excommunicationi, aut dantibus, consilium, auxilium, vel fauorem præstiterint, iuxta limitationem Leonis x. etiam adductam, aut nisi specialiter excommunicari, aut interdici contingeret. Ita enim habetur ex concessionibus adductis Alexand. iv. pro Fratribus Hospitalis S. Ioannis Hierosolymitani, Minoribus, & Dominicanis, Clementis iv. pro Minoribus, Sixti iv. pro Carmelitis, eisque gaudere possunt tam illi, quam qui cum ipsis communicant in priuilegijs. Rodriguez tom. 2. quæst. Regular. q. 67. art. 3. Peirinis tom. 1. priuileg. Minim. in *Const. I. Iulij II. §. 15. nu. 13.* Portellus in *Dub. Regul. verb. famuli* num. 4.

24 Insuper prædicti familiares Minimorum, & aliorum Regularium habentium communicationem in priuilegijs cum ipsis præfatas condiciones habentes frui possunt in eorum mortis articulo priuilegijs, & indultis Fratribus concessis. Ita enim concessit Iulius II. in Bulla *Dudum* num. 10. relata: estque magnum priuilegium, etsi illud non extendendum credo nisi solum ad ea quæ pertinent ad animarum ipsorum salutem: extenditur tamen id priuilegium ad ceteros sæculares habitum Ordinis portantes, & in articulo mortis in domibus Fratrum sepulturam eligentes, propter concessionem eiusdem Iulij II. in dicta Bulla Rodrig. to. 2. q. Regul. q. 67. ar. 2. Peirinis to. 1. priuileg. Minim. in *præd. Bulla Iulij II. §. 15. nu. 18.*

25 Pro Indulgentijs tamen eisdem familiaribus concessis consule Rodriguez to. 2. q. Regul. q. 67. ar. 3. Cauendum tamen est an illæ concessionibus quas ibi refert viuz vocis oracula sint, quia si talia fuerint nullius momenti erunt hoc tempore quod SS. D. N. Urbano VIII. reuocata sunt, iuxta dicta to. 1. cap. 3. num. 21.

26 Volunt quidam posse Regulares quosdam dispensare cum prædictis familiaribus (quod intellige de habentibus condi-

nes

nes assignatas superius) in illegitimitate, seu natalium defectu proveniente etiam ex incestuoso, vel alio quouis damnato, sacrilego, atque illicito coitu, ad hoc quod possent qualecumque beneficium regulare cum cura, & sine cura quorumcumque Monasteriorum, vel Prioratum obtinere dummodo beneficium perpetuum non sit. Ex privilegio Pauli 111. Hieronymianis concessio. Rodriguez *tom. 1. quest. Regular q. 13. art. 23.* Portellus in *Dub. Regular. verb. illegitimus num. 13.* Sed tamen cauendum est an hoc privilegium sit solum viue vocis oraculo concessum, quod mihi constare non potuit. Si enim tale fuerit nullius est momenti his temporibus propter dicta, sicut etiam nullius est momenti aliud Sixti 1v. Privilegium, quod refert idem Rodriguez *tom. 1. q. 62. ar. 6.* quo conceditur Fratribus Minoribus facultas absolendi familiares à quibuscumque peccatis, & censuris &c. ac dispensandi in irregularitatibus, quia hæc concessio est viue vocis oraculo facta ut habet Casarubius in *Compend. privileg. Mendicant. verb. Absolutio extraordinaria quoad Fratres*, propterea enim notat illam litteram O, quæ apud ipsum denotat viue vocis oraculum. Placet tamen quod ipse Rodrig. subiungit dicto *tom. 1. quest. 13. art. 24.* scilicet quod prædicta dispensatio (casu quo fieri posset ex vi talis privilegij) dari posset extra Capitulum, cum talis concessio nihil tale dicat de Capitulo, & limitatio Greg. xlv. circa legitimationem, seu dispensationem illegitimorum in Capitulo facienda solum loquatur de Fratribus non de familiaribus. Vide alia apud eundem *ibid.*

27 Maximè tamen præfati familiares Regularium conditiones sapius assignatas habentes possunt tempore interdicti generalis in Ecclesijs Regularium; quorum sunt familiares audire Missam, & alia diuina Officia iuxta formam, qua ipsi Regulares id facere possunt, nisi interdicto causam dederint, aut ipsi essent specialiter excommunicati, aut interdicti. Id enim constat ex privilegijs superius adductis videlicet Alexand. 1v. pro Dominicanis, Clem. 1v. pro Minoribus, Sixti 1v. pro Carmelitibus, Innocentij vi. & Urbani v. pro Carthusiensibus, ac Eugenij 1v. pro Benedictinis Hispaniæ. Qualiter autem eo tempore, aut quo modo liceat Regularibus diuina Officia celebrare dictum est *tom. 1. cap. 21. num. 19. & 20.* Eo etiam tempore possunt dictis familiaribus administrari Sacramenta, et si mori contingerit concedi sepultura. Ita enim habetur in prædicta concessione Eugenij 1v. & in alia Clement. 1v. pro Minoribus. His autem privilegijs gaudere possunt tam nominati Regulares, quam alij, qui cum ipsis habent communicationem privilegiorum. Calarub.

in

in *Compend. priuileg. Mendicant. verb. interdictum* 3. Rodriguez tom. 2. *quest. Regul. q. 114. ar. 1.* Corduba in *Annotationibus ad Compendium verb. interdictum* 3. Sorbus *ibid. §. 5. Tertiarij.*

28 Ea porro quæ dicta sunt de familiaribus Religiosorum tempore interdicti, intelligenda etiam videntur respectiue de seruitricibus Monialium dictorum Ordinum eisdem conditionibus suppositis. Ratio est quia Moniales regulariter gaudent priuilegijs Religiosorum sui Ordinis respectiue, ac per consequens etiam ipsarum seruitrices. Sorbus in *Addit. ad comp. priuileg. Mendicant. verb. interdicti* 3. §. 5. *Tertiarij, & §. & notandum.* Pro quo etiam extant aliqua priuilegia præsertim Leonis x. apud Casarubium in *Compend. priuileg. Mendicant. verb. interdictum*. 1. nu 25. & *interdictam* 2. num. 11.

29 Similiter ea quæ dicta sunt de priuilegijs horum familiarium tempore interdicti intelligi debere pro illis locis in quibus non publicatur Bulla Cruciatæ, in locis enim ubi publicatur, cum per illam suspendantur priuilegia Mendicantium quoad seculares non possunt illis uti, volunt aliqui, specialiter Sorbus in *Additionib. ad Compend. priuileg. Mendicant. verb. interdictum* 3. §. 2. *conclusio.* Rodriguez in *explicat. Bullæ Cruciatæ* §. 5. à nu. 39. Sed tu vide dicta *cap. 1. num. 59.*

30 Secluso autem omni priuilegio, & stando in iure communi, cum Religiosi iuxta dicta tom 1. *cap. 21. num. 19. & 20.* possint tempore interdicti modo ibi assignato Missas celebrare, possunt pro inseruiendis Missis uti eisdem famulis, vel pueris secularibus qui necessarij ad id fuerint. Iuxta doctrinam Nauar. in *Man. cap. 27. num. 181.* Sorbus in *Compend. priuileg. Mendicant. verb. interdicti* 3. §. *Tertia conclusio.*

31 Generaliter etiam aduertendum illos seruitores, vel familiares Regularium, qui etsi actu inseruiunt, & cum alijs assignatis conditionibus, assumpti tamen sunt in fraudem legis, ut potiantur dictis priuilegijs, non potiri illis, quia fraus nulli prodesse debet. Nauar. in *Man. cap. 27. num. 180.* Rodriguez to. 2. *quest. Regul. q. 67. ar. 1.*

32 Neque etiam videntur posse frui dictis priuilegijs familiares, seu famulos dictorum Regularium, qui seruiunt particularibus Religiosis ex eorum libito assumptos, & non à Prælatis designatos, sed tantum illos qui, vel inseruiunt toti communitati, vel Conuentui, vel etiam particularibus Religiosis designati tamen à Prælatis, vel Superioribus. Hos enim solum approbat Religio, & ita solum pro illis intelligenda sunt Summorû Pontif. priuilegia. [Rodrig. to. 2. *quest. Regul. q. 67. art. 1.*

Gaude-

33 Gaudere etiam videntur aliqui familiares quorundam Regularium, & aliorum qui cum illis communicationem habent priuilegiorum facultate habendi Cōseruatores, qui eos defendant in manifestis iniurijs, seu violentijs, iuxta limitationes factas, tum à Summis Pontificibus Clem. vii. & Greg. xv. tum à S. Congregatione: propter priuilegia Pij v. pro Dominicanis, & quia illud dubiæ auctoritatis est, saltem propter priuilegium Greg. xiii. pro Iesuitis. Rodriguez tom. 1. *quest. Regular. q. 65. ar. 17.* Portellus in *Dub. Regul. verb. Conseruatores num. 10.* Videnda in cap. 10. num. 65. & cautè procede, vt ibi dixi.

34 Circa hæc tamen & alia similia priuilegia notandum non posse familiares fratrum vti suis priuilegijs contra ipsos Fratres. Quia quod in fauorem ipsorum Fratrum principaliter concessum est (quod scilicet ipsorum familiares vtantur ipsorum priuilegijs) non debet contra ipsos, seu in eorum dispendium retorqueri, iuxta Regulam Iuris. Corduba in *Additionib. ad Comp. priuileg. Mendicant. verb. Communicatio priuilegij §. Tandem quoad hanc.* Consettius in *Summar. priuileg. Maris magni cap. 5.* Rodrig. tom. 1. *quest. Regul. q. 55. ar. 21.* Secus dicendum esset si huiusmodi priuilegia esse primo, principaliter, & independenter à Regularibus essent concessa familiaribus prædictis. Tunc enim æqualiter, & ex æquo essent participabilia tam à familiaribus, quam à Fratribus, & ita vti possent illis etiam contra prædictos Fratres. Corduba, & Rodríguez *ibid.*

35 Similiter si Fratres perdiderint talia priuilegia per nō vsum, reuocationem, aut alio modo etiam familiares illa perdent. Quia ea communicantur familiaribus dependenter à Fratribus, & accessorium sequitur principale. Corduba in *Additionibus ad Compend priuileg. Mendicant. verb. communicatio priuilegij §. Tandem quoad hanc.* Rodrig. tom. 1. *quest. Regul. q. 55. art. 21.*



SUMMARIVM CAP. XVII.

- Etiā pro Procuratoribus Regularium Summi Pontifices privilegia concesserunt. num. 1.*
Qui sint tales Procuratores. ibid.
Qua privilegia concesserit Clem. IV. Procuratoribus Fratrum Minorum. num. 2.
Quid Innocentius VI. Augustiniensibus pro suis Procuratoribus. ibid.
Quid Sixtus IV. pro Procuratoribus Carmelitarum. ibid.
Quid idem Sixtus IV. pro Procuratoribus Minorum tempore interdicti. num. 3.
Quid Alexand. IV. Fratribus Predicatoribus pro suis Procuratorib. ibid.
Quid Iulius II. pro Procuratoribus Ordinis Minimorum. nu. 4.
Quid Martinus IV. pro Procuratoribus Minorum in Curijs Ecclesiasticis. ibid.
Qualiter hac moderata sint à Leone X. in Concil. Lateranen. n. 5.
An etiam moderata sint à Concil. Trid. ibid.
Quid possint predicti Procuratores tempore interdicti. nam. 6.
An eo tempore possint illis administrari omnia Sacramenta, & concedi Ecclesiastica sepultura. num. 7.
Quid si lata fuerit sententia excommunicationis, vel interdicti, an ea comprehendantur dicti Procuratores. nu. 8.
Quibus gratijs fruuntur Procuratores Minimorum. num. 9.
Quibus Aduocati Carmelitarum. nu. 10.
An Medici Fratrum Minorum aliqua gratia perfruantur. nu. 11.
Syndici Fratrum Minorum sub Procuratoribus videntur comprehendendi. num. 12.
Qua auctoritate potiantur. ibid.
Quibus privilegij. num. 13.
Qualiter ea intelligenda. ibid.
An suspendantur per Bullam Cruciatā. num. 14.

De Regularium Procuratoribus, seu negotiorum
ipsorum gestoribus, ipsorumque priuilegijs.

Cap. XVII.



SOLLICITE, & accuratè Summi Pontifices vetustiores, Regulares, præsertim Mendicantes, propensiori charitate, & paterno affectu amplectentes, attendentes insuper illos suis sanctis studijs, honestisque laboribus salutem animarum procurare, plura, variaque priuilegia ne dum ipsis, sed ipsorum Tertiarijs, Confratribus, Conseruatoribus, & familiaribus contulerunt, ut ex dictis constare poterit. *Iustus enim, & honestus labor præmijs, ac splendore decoratur*, ut dicebat Cicero 1. *de Orat.* Propterea etiam Procuratoribus secularibus, seu gestoribus negotiorum ipsorum, aliqua etiam priuilegia dederunt, quæ in hoc capite discutienda sunt, & videndum quænam illorum, aut qualiter reuocata, vel non fuerint. Sunt autem Procuratores illi qui aliena negotia mandato sibi à Domino facto gerenda suscipiunt. *cap. saluator 1. q. 3. in l. 1. ff. de Procuratorib. Rodrig. to. 3. quæst. Regul. q. 40. vel 41. ar. 1.*

2. Primo enim Clem. 1v. concessit Minoribus, quod si quando in terras in quibus resident ipsi Fratres, vel in earum personas, excommunicationis, seu interdicti sententias contigerit promulgari, negotiorum gestores huiusmodi sententijs obnoxij minimè habeantur. Casarubius in *Comp. priuileg. Mendicant. verbo familiares nu. 4.* Eandem etiam concessionem fecit Alexand. 1v. eisdem negotiorum gestoribus, seu Procuratoribus Fratrum Minorum. Casarub. in *Compend. verb. interdictum 3. num. 1.* Similiter idem Clem. 1v. concessit quod Procuratores negotiorum Fratrum Minorum possint tempore interdicti in locis prædictorum Fratrum audire diuina, nisi ipsi Procuratores causam dederint interdicto, vel excommunicari specialiter, seu interdicti contigerit eisdem. Casarubius in *Compend. priuileg. Mendicant. verb. Procuratores num. 2.* Item Innocentius vi. concessit Fratribus Augustinienfisbus quod tempore interdicti possint Procuratores iurati negotiorum Conuentuum, & locorum dicti Ordinis etiam si seculares, & laici existant, interesse diuinis Officijs vna cum

Z z 2

prædi-

prædictis Fratribus, dummodo ipsi non dederint causam interdicti, nec sint specialiter interdicti. Idem Casarubius *num. 6.* Præterea Sixtus IV. in Bulla *Dum attenta*, quæ est Mare magnum Carmelitarum, pro tempore etiam interdicti concessionem Innocentij IV. Alexand. IV. & Greg. XI. extendendo ad Procuratores, & Aduocatos, ac negotia gerentes sic habet. Et quia ex concessione continetur dictorum Innocentij IV. Alexand. IV. & Greg. XI. prædecessorum quod liceat eis cum interdictum generale terræ fuerit; dummodo causam non dederint interdicti, clausis ianuis, excommunicatis, & interdictis exclusis, submissa voce, Missas, & alia diuina Officia celebrare: eorundem Fratrum deuotioni non plene consulitur, concessionem eamdem extendendo, eisdem Fratribus, ut liceat eis habere Altare portatile cum debita reuerentia, & honore, super quo in locis ad hoc conuenientibus, & honestis, præterquam in Ecclesijs ab Ordinarij obedientia non exemptis, quoties id eis contigerit interdicti, possint Missas, & alia diuina Officia in quorumcumque præsentia celebrare, & interdicti tempore ad diuina huiusmodi cum eis mantellatas, & pinzocheras, ac oblatas, commissasque personas, & ipsorum Fratrum, ac Monasteriorum Monialium Ordinis prædicti Procuratores, Aduocatos prædictos, & negotia gerentes vtriusque sexus admittere, præfatis scientia, motu, & auctoritate indulgemus. Hæc ibi.

3 Item idem Sixtus IV. Fratribus Minoribus concessit posse tempore interdicti admittere ad diuina Procuratores ipsorum. Casarub. *ut supra num. 7.* Præterea Alexand. IV. in Bulla *Vt in vestris* apud Peirinis *tom. 1. priuileg. Minim. inter Constitutiones Alexand. VI. num. 4.* concessit Fratribus Ordinis Prædicatorum quod si quando in personas, vel terras in quibus residerent excommunicationis, seu interdicti sententia contigerit promulgari, Procuratores negotiorum ipsorum huiusmodi sententijs obnoxij nullatenus haberentur, & in ipsorum locis audire possint diuina iuxta formam quæ in locis ipsis in eo casu à Sede Apostolica est concessa, nisi eidem causam dedissent, vel excommunicari specialiter, aut interdicti contigeret.

4 Item Iulius II. in Bulla *Alias venerabilem* apud Peirinis *tom. 1. priuileg. Minim. inter Constit. Iulij II. num. 4.* decreuit quod Procuratores, & Procuratrices, Tutores, & Tutrices domorum Ordinis Minimorum, omnium, & singulorum ipsorum ieiuniorum, orationum, & sacrificiorum, ac quorumcumque aliorum bonorum in toto Ordine faciendorum, & recitandorum partitipes forent, & illis communicata esse deberent. Item Martin. 4. concessit

concessit Procuratoribus Fratrum Minorum in curijs Ecclesiasticis, & ciuilibus laborantes pro defensione Ordinis prædictorum Fratrum, Ecclesiarumque suarum, singulis annis indulgentiam centum annorum. *Casarubius in Compend. priuileg. Mendicant. verb. Procuratores num. 4.* quod etiam *num. 5.* refert fecisse Nicolaum *iv.*

5 Aliquatenus moderata hæc sunt à Leone *x.* in Concilio Lateranensi, & Bulla *Dum intra mentis*, vbi statuit Procuratores, & negotiorum gestores Regularium Mendicantium sententijs excommunicationis promulgatis illaqueatos censendos, si illis causam dedissent, aut dantibus, consilium, auxilium, vel fauorem præstitissent. Moderata etiam videntur decreto Concil. *Trid. sess. 24. cap. 11.* adducto *cap. præcedenti nu. 14.* quatenus dicit omnes quomocumque Monasterijs addictos Ordinarijs subiectos esse debere, exceptis ijs qui actu seruiunt Monasterijs, & intra eorum septa, ac domos resident, subque eorum obedientia viuunt. Sed in hoc loco non videtur loqui Concilium nisi de illis qui seruiunt, aut addicti sunt tanquam famuli, aut seruitores, non de Procuratoribus, aut negotiorum gestoribus, qui regulariter loquendo maioris notæ, & æstimationis sunt quam prædicti famuli, aut seruitores, & ideo ipsorum priuilegia non videntur à Concilio modificata, aut coarctata saltè in foro conscientie, solum ad eos qui actu seruiunt Monasterijs, & intra eorum septa, aut domos resident, & sub obedientia ipsorum viuunt.

6 Possunt ergo in foro conscientie prædicti Procuratores Regularium habentium dicta priuilegia, vel communionem priuilegiorum cū ipsis, tempore interdicti generalis ad diuina Officia cum ipsis Regularibus adesse, ex cōcessionibus adductis *Alex. 4. pro Dominicanis, Sixti iv. pro Minoribus, & Carmelitis, & Innocentij vi. pro Procuratoribus iuratis Augustinianorum, ac Clem. iv. etiam pro Minoribus.* Si tamen causam interdicto non dederint, aut non sint specialiter interdicti, aut excommunicati. Sorbus in *Annotationibus ad Compend. priuileg. Mendic. verb. interdictum 3. §. 5. Tertiarij.* Quomodo autem Regularibus liceat celebrare Officia diuina eo tempore dictum est *to. i. c. 21. num. 19.*

7 Posse etiam prædictis Procuratoribus Regularium tempore interdicti administrari omnia Sacramenta, & concedi Ecclesiasticam sepulturam, si decesserint è vita, tenet Sorbus in *Annotationib. ad Compend. priuileg. Mendicant. verb. interdictum 3. §. 5. Tertiarij.* Verum tamen non video expressum priuilegium, quoad hoc pro prædictis Procuratoribus, & ita non est id faciendum

dum, nisi constet de illo, & quod non sit viuz vocis oraculum. Neque sequitur ex doctrina tradita cap. præcedenti pro familiaribus quia isti Procuratores, & negotiorum gestores non sunt propriè famuli, aut familiares Monasteriorum, neque etiam sequitur ex eo quod ipsis concedatur, vt dictum est, posse assistere diuinis, quia vt bene Portellus in *Dub. Regular. verb. interdictum num. 72.* tria ista per interdictum prohibita, scilicet Sacramenta, diuina, & sepultura, sunt diuersa, & vno concesso non conceditur aliud.

8 Si tamen in terris vbi Fratres degunt generaliter lata fuerit sententia excommunicationis, vel interdicti, non comprehenduntur dicti Procuratores, seu negotiorum gestores in foro concientie nisi causam dedissent, aut excommunicarentur, vel interdicerentur specialiter. Ita enim habetur ex concessionibus Alex. iv. pro Dominicanis, Cle. 4. pro Minoribus, & Sixti 4. pro Carmelitis, quibus etiam fruuntur alie Religiones quibus communicata sunt priuilegia Mendicantium.

9 Fruuntur etiam Procuratores domorum Minimorum, & alij aliorum Regularium habentium communicationem in priuilegijs cum illis illa gratia à Iulio 11. ipsis concessa, quod scilicet omnium, & singulorum ieiuniorum, orationum, & Sacrificiorum, ac quorumcumque aliorum bonorum operum, quæ in Religionibus quarum sunt Procuratores fiunt participes reddantur.

10 Ex speciali etiam illo priuilegio Sixti iv. adducto *num. 2.* etiam Aduocati Carmelitarum (idem dico de alijs Religiosis cum ipsis communicationem priuilegiorum habentibus) possunt admitti modo dicto tēpore interdicti ad diuina. Sorbus in *Annot. ad Comp. priuileg. Mendicant. verb. interdictum 3. §. 5. Tertiarij*, Portellus in *Dub. Regul. verb. interdictum nu. 70.*

11 Pro Medicis etiam ordinarijs Fratrum Minorum refertur priuilegium Alexand. vi. quo illis dicitur concessisse priuilegia, & gratias quibus gaudent Syndici, & Procuratores. Quia tamen mihi non constat an priuilegium hoc sit necne viuz vocis oraculum (quia si tale fuerit nullius est momenti hoc tempore) ideo nihil affirmare, vel negare possum in hac difficultate. Vide Rodriguez *tom. 2. quæst. Regul. q. 114. art. 3.*

12 De Syndicis autem Fratrum Minorum (qui sunt Procuratores Sedis Apostolicæ ipsius nomine constituti ad Fratrum negotia expedienda) loquendo, videntur sub Procuratoribus constitui, ita vt quæ de Procuratoribus dicta sunt illis applicari possint. Vnde Rodriguez *tom. 3. quæst. Regul. q. 40. vel 41. art. 1* eos

vocat

vocat propriè Procuratores . Quod confirmat priuilegium Sixti iv. in Bulla aurea , vbi concedit quod Procuratores , & Syndici Monialium S. Claræ , & Tertij Ordin. Fratrum , & Sororum S. Francisci eisdem priuilegijs , gratijs , fauoribus , concessionibus , indultis , spiritualibus , & temporalibus Procuratoribus , & Syndicis Fratrum Minorum , & Prædicatorum , concessis , & concedendis gauderent . Casarubius in *Compend. priuileg. Mendicant. verb. Procuratores Fratrum num. 10. & verbo Communicatio priuileg. num. 2.* Ex quo videtur haberi eos vt veros Procuratores iudicandos . Nihilominus peculiaria quædam ipsis competunt tam quoad eorum auctoritatem quam quoad priuilegia illis concessa quæ breuiter expedienda sunt , cum de hoc Patres ipsi Minores multa , & doctissimè scripserint . Quo ad auctoritatem enim ex Bullis Summorum Pontificum illis competit recipere , vendere , dispensare , alienare , iudicialiter repetere &c. nomine Papæ , & Ecclesiæ bona pertinentia ad ipsos Fratres . Sorbus in *Annotationib. & Compend. priuileg. Mendicant. verbo Procuratores Fratrum S. ita quod Syndicus Portellus in dubijs Regular. verbo Syndicus, & in additione ad idem verbum.*

13 Quoad priuilegia autem Sixtus iv. in Bulla Aurea , concessit , vt dictum est , Syndicis Monialium S. Claræ quod eisdem priuilegijs , immunitatibus , gratijs , fauoribus , concessionibus , indultis , spiritualibus , & temporalibus concessis , & concedendis Procuratoribus , & Syndicis Fratrum Minorum , & Prædicatorum gauderent . Casarubius in *Compend. priuileg. Mendicant. verb. Procuratores Fratrum num. 10.* Rodriguez tom. 3. *quest. Regul. q. 39. ar. 3.* Similiter Clem. vii. in Bulla *Dum consideramus* anno 1526. edita apud eundem Rodriguez *ibid. art. 4.* concessit vni Syndico , & Procuratori Ordinis Minorum cum illius vxore , & liberis , quod de cætero omnibus , & singulis indulgentijs , & peccatorum remissionibus , fauoribus , & gratijs quibus Fratres Ordinis Obseruantie prædictorum vtuntur , potiuntur , & gaudent , seu vti , potiri , & gaudere poterunt , fruuntur . Casarubius *vt supra num. 12.* Rodriguez *ibid.* Insuper idem Clem. vii. in eadem Bulla magnam concessionem illis fecit , quod scilicet in quibusuis causis , & rebus ipsos concernentibus , ciuilibus , criminalibus , & mixtis , non nisi coram Iudicibus Conseruatoribus domorum illorum , quarum Syndici fuerint de iustitia respondere teneantur , præcipiens sub excommunicationis lætæ sententiæ pœna , vniuersis , & singulis iudicibus Commissarijs Ecclesiasticis , & secularibus quacumque auctoritate fungentibus ne de causis

causis contra dictos Syndicos motis , & mouendis directè , vel indirectè se intrittere audeant . *Casarub. ibid. num. 17. Rodriguez etiam ibid.* Hoc tamen priuilegium non videtur intelligendum nisi de causis prædictos Syndicos tangentibus , quatenus Syndici sunt , non quatenus tales personæ sunt , vel ad minus standum est consuetudini cum sit magnum priuilegium , & valde exorbitans à iure communi. *Portellus in Dub. Regul. verb. Syndicus Minorum num. 5.*

14 Notandum priuilegia horum sæcularium videri solum intelligenda pro locis in quibus non publicatur Bulla Cruciatæ , in locis enim vbi publicatur , cum per illam suspendantur priuilegia Mendicantium quoad sæculares , videtur non posse Procuratores istos illis vti , vt volunt plures , specialiter Sorbus in *Addition. ad Compend. priuileg. Mendicant. verbo interdictum 3. §. 2. conclus.* Rodriguez in *explicat. Bulla Cruciatæ §. 5. & num. 39.* Verumtamen vide dicta *cap. 1. num. 59.* & iuxta ea intelliges quænam , aut qualia ex istis priuilegijs suspendantur , vel non in dictis locis , in quibus publicatur Bulla Cruciatæ , pro huiusmodi Procuratoribus .



SUMMARIVM CAP. XVIII.

- Duo sunt genera beneficiorum, secularium, & Regularium. nu. 1.
 Quæ sunt beneficia secularia, & quæ Regularia. ibid.
 Cur Regulares non debeant habere beneficia secularia. ibid.
 Quid sit utrumque beneficium. ibid.
 Regulares capaces sunt beneficiorum Regularium. num. 2.
 Debent prouideri Regularibus eiusdem Ordinis cuius sunt. num. 3.
 Non possunt duo Religiosi diuersorum Ordinum permutare beneficia. ibid.
 Debent Religiosi quibus conceduntur esse professi. num. 4.
 Vel saltem professuri. ibid.
 An sufficiat esse tacite professos. ibid.
 Nec Religiosus vnius Monasterij capax est beneficij Regularis alterius Monasterij. num. 5.
 Non sunt beneficia Regularia regulariter loquendo beneficia simpliciter. nu. 6.
 Sed tantum manualia. ibid.
 Quando sint talia. ibid.
 Prouiso beneficiorum Regularium electiuorum pertinet ad Capitulum Conuentus. nu. 7.
 Ad quem pertineat prouiso beneficiorum Regularium collatiuorum. ibid.
 Requiritur semper pro illis examen, & approbatio Episcopi. num. 8.
 Subsunt Regulares beneficiati iurisdictioni Episcopi in ijs quæ spectant ad id munus. num. 9.
 Quid dicendum de Regularibus inseruientibus beneficijs simplicibus. num. 10.
 Non debent vocari ad concursus. num. 11.
 Cogi possunt Religiosi ad acceptandum beneficium Regulare. n. 12.
 Dummodo possint ibi sustentari. ibid.
 Debet eis assignari congruum salarium ibid.
 Tenentur Religiosi beneficiarij votis generalibus Religionis, & alijs obligationibus aliorum quatenus non repugnant muneri quod gerunt. num. 14.
 Quid de Officio diuino, habitu portando, & Socio habendo. ibid.
 Cui adquirant ea quæ adquirunt. num. 15.
 De fructibus beneficij quibus debeant prouidere. ibid.
 An teneantur obedire Superioribus Regularibus. num. 16.
 Quo tempore vacant ista beneficia. num. 17.
 An possint amoueri Religiosi beneficijs seruientes. ibid.

- Qua causa requiratur ut amoveantur. ibid.*
Num vacent talia beneficia morte Abbatis, vel Superioris num. 18.
An beneficia Regularia electiva possint tolli absque causa. num. 19.
Quid si talia beneficia fuerint aliquando perpetua. nu. 20.
Quid si illa fuerint à Papa concessa. num. 21.
Quid quando concessioni illorum accedit confirmatio Papalis. nu. 22.
Privilegium Benedicti 12. ad intentum. num. 23.
An possint Ecclesie uniri Monasterijs. num. 24.
Quid de beneficijs dicendum maxime post Conc. Trid. ibid.
Casu quo uniantur à quibus gubernari debeant. num. 25.
Quid declaratum à S. Congregatione. num. 26.
Quid etiam circa visitationem Ecclesiarum unitarum Monasterijs. num. 27.
Quid circa salarium. ibid.
Bona acquisita à Religioso in beneficio an possint deferri ad Monasterium. num. 28.
An possit idem Religiosus habere duo beneficia. num. 29.
Eo ipso quod Ecclesia Monachis concessa est conceditur facultas conferendi ipsam, & ponendi in ea Rectorem. nu. 30.
An beneficia Regularia possint seminario uniri. num. 31.
Quid possint Religiosi in Indijs circa beneficia. nu. 32.
In quæ debeant beneficiarij Regulares redditus suos expendere. n. 33.
Illegitimi an sint capaces beneficiorum. nu. 34.
Beneficiarij ex Carmelitjs assumpti non admittuntur in Capitulis, nisi de consensu Generalis. nu. 35.
Quomodo intelligendum privilegium Calixti III. num. 36.
An Regulares sint capaces pensionis. nu. 37.
An prout de beneficijs Regularibus teneantur facere professionem fidei. num. 38.
Collatores beneficiorum nihil accipere possunt. num. 39.
An teneantur Regulares beneficiarij adire Congregationes casuum conscientie. num. 40.



De beneficijs Regularibus:

Cap. XVIII.



DVO sunt genera beneficiorum, sæcularium, & Regularium. Beneficia sæcularia dicuntur, quæ sæcularibus dari solent ex debito, institutione, aut legitima consuetudine. Regularia verò quæ Religiosis addita sunt ex fundatione Ordinarij, aut Superioris institutione, aut legitima etiam consuetudine. Rodriguez *tom. 1. quest. Regular. q. 34. ar. 1.* Suarez *tom. 4. de Relig. tract. 8. lib. 3. c. 19. num. 2.* In præsentì solum est sermo de beneficijs Regularibus, nam de sæcularibus loquendo iam diximus *tom. 1. cap. 2. num. 17.* quod quamvis Religiosi capaces sint ad illa possidenda de facto tamen illis non conceduntur sine Papæ licentia, vel dispensatione. Suarez *ut supra num. 26. & 27.* Ratio autem quare prædicta licentia, vel dispensatio requiratur ad hoc ut Religiosus beneficium sæculare obtineat, sumitur, tum ex parte ipsius beneficij, quod petit conferri ijs quibus iure, vel consuetudine est destinatum, tum ex parte ipsius Religiosi, quia cum eius status non ordinetur ad huiusmodi Clericorum ministeria gerenda non debet se in illis immiscere, solum ergo agemus de beneficijs Regularibus. Definitur autem beneficium prout abstrahit à sæculari, & Regulari hoc modo. *Ius recipiendi redditus ex bonis Ecclesie, ratione spiritualis officij, Ecclesiastica auctoritate constitutum.* Layman in *Theolog. moralis lib. 4. tract. 2. cap. 1.*

2 Regulares ergo capaces sunt beneficiorum Regularium, quod ex ipsis terminis est manifestum, cum beneficia ista solum Regularibus conferantur, & ab eis solum ministrentur, ex hoc enim evidenter sequitur capaces esse illorum. Siluester *verbo Religio 6.* Nauarrus *Comment. 4. de Regularibus num. 23.* Et ulterius declaratur; quia nihil est in Religioso quod repugnet beneficij Regularis administrationi. Obedientiæ enim votum non repugnat, cum beneficia hæc voluntate Superiorum concedantur, nec castitas ut per se patet, nec paupertas, cum beneficiarius Regularis nihil proprii habeat, sed tantum usum, administrationem, seu dispensationem bonorum beneficij.

3 Debent tamen provideri beneficia Regularia non Regularibus alterius Ordinis, sed ipsismet eiusdem, cuius sunt. Ita

enim habetur *cap. cum singula 32. de prabend. in 6. & in Concil. Trident. sess. 14. cap. 10. Rodriguez tom. 1. quest. Regul. q. 34. ar. 3.* Vnde non possunt duo Religiosi diuersorum Ordinum permutare beneficia Regularia quæ possident, etiam de licentia suorum Superiorum. Quia neuter est capax beneficij alterius Ordinis, nec Superior vnus habet auctoritatem supra beneficium alterius. Sanchez *lib. 7. in decalog. cap. 29. num. 31.*

4 Debent etiam Religiosi quibus conceduntur esse professi, vel saltem habitum Religiosum suscepturi, & in ea Religione professuri. Ita enim habetur in Concil. Trident. *sess. 14. cap. 10. & declarasse dicitur Sacram Congregationem.* Quod sic videtur intelligendum, quod scilicet, si isti Religiosi professi non sunt, beneficia regularia ipsis concedi non possint nisi conuentione facta, vt intra certum tempus ad Religionem suscipiendam, & profitendam teneantur, sicut beneficia curata quando dantur non Sacerdotibus sub ea conditione dantur, vt intra certum tempus ad Sacerdotium promoueantur. Sanchez *lib. 7. in Decalog. cap. 4. num. 24.* Vide etiam Barbosam in *Collectan. Bullar. verb. beneficium Regularare. 5.* vbi aliquas etiam assert S. Congregationis declarationes ad intentum. Addit Rodriguez *to. 1. quest. Regular. q. 34. art. 3* debere tales esse expresse professos. Vide declarationem S. Congregat. apud Gonzalez *ad Regul. 8. Cancellaria gloss. 8. nu. 78.* Barbosam in *Collectan. Bullar. verb. Abbatia.*

5 Similiter nec Religiosus vnus monasterij capax est Beneficij Regularis alterius monasterij eiusdem Ordinis. Ita enim habetur *cap. Cum singula §. prohibemus de prabendis in 6. Rodrig. tom. 1. quest. Regular. q. 34. art. 8.* Sanchez *lib. 7. in Decalog. cap. 29. num. 29.* Quare non possunt duo Religiosi diuersorum Monasteriorum eiusdem Ordinis permutare beneficia Regularia quæ possident de licentia suorum Superiorum. Quia neuter est capax alterius beneficij, & Superior vnus non habet auctoritatem supra beneficium alterius.

6 Non sunt beneficia Regularia regulariter loquendo dicenda beneficia simpliciter, sed solum manualia. Ratio est, quia regulariter non sunt firma & perpetua, qualia sunt beneficia secularia, sed amabilia a voluntate Superioris, cum Regularis ex eo quod beneficium accipiat nõ eximatur à sui Superioris obedientia, qui potest illum a beneficio amouere. Rodriguez *to. 1. quest. Regular. q. 34. art. 2.* Sanchez *lib. 7. in Decalog. cap. 29. num. 106.* Dixi regulariter, quia aliquando beneficia regularia non sunt manualia, & amouibilia, & tunc erunt simpliciter benefi-

beneficia: videlicet quando vel ex institutione eorum, vel ex recepta consuetudine, vel ex privilegio Pontificio fuerint perpetua. Nauarrus *Comment. 2. de Regularib. num. 6.* Suarez 4. *tom. de Relig. tract. 8. lib. 3. c. 19. num. 20.* Similiter quando Beneficij Regularis collatio non pleno iure spectat ad Superiorem Monasterij, vel ipsum monasterium, sed simul ad Episcopum, vel alium Prælatum, tunc tale beneficium perpetuum erit, & simpliciter beneficium, non manuale, seu amouibile. Suarez *ut supra num. 23.* In dubio autem omnia beneficia præsumuntur secularia. Thomas Zerola *in praxi Episc. 2. p. verb. beneficium vers. 19.* Ac per consequens perpetua.

7 Prouisio beneficiorum Regularium quæ electiua vocantur, idest, quæ per electionem Canonicam suffragijs electorum fiunt, pertinet ad Capitulum Conuentus, accedente confirmatione Superioris, sicut generaliter quidquid fit per electionem à Regularibus. Prouisio autem beneficiorum Regularium quæ collatiua vocantur, quia scilicet instar secularium conferuntur auctoritate Superioris, spectat, vel ad Superiorem solum, vel ad Superiorem cum Capitulo, iuxta varia statuta, & consuetudines Religionum. Vbi autem de his non constaret, stando in iure communi pertinet ad Superiorem cum consensu maioris partis Conuentus, cum sit hæc ex rebus grauioribus Monasterij. Sanchez *lib. 7. in decalog. cap. 29. num. 108.* Suarez *tom. 4. de Religione tract. 8. lib. 3. cap. 19. nu. 4.* Vide declarationem S. Congreg. apud Barbosam *in Collect. Bullar. verb. cura animarum.*

8 Semper tamen requiritur examen, & approbatio Episcopi pro huiusmodi beneficiarijs Regularibus curam animarum habentibus. Franciscus Leo *in thesauro fori Ecclesiastici par. 1. cap. 8. num. 20.* Barbosa *de offic. & potest. Episcop. allegat. 74. nu. 18. & 24.* Dicitur etiam declaratum à S. Congregat. Concilij quod quoties denuo Religiosi ad curam animarum exercendam deputantur, esse iterum ab Episcopo examinandos, & approbandos. Barbosa *in Collect. Bullar. verb. Abbas 1. §. ultimo.* Vtrumque autem colligitur ex Trident. *sess. 25. cap. 11.* illis verbis. *Nec ibi aliqui etiam ad nutum amouibiles deputent nisi de eiusdem* (scilicet Episcopi) *consensu, ac præuio examine, &c.*

9 Item prædicti beneficiarij Regulares subsunt immediatè iurisdictioni, visitationi, & correctioni Episcopi in his quæ ad curam, & Sacramentorum administrationem pertinent. Ita enim colligitur ex Tridentino *sess. 25. cap. 11.* & ex declaratione S. Congregationis apud Barbosam *in Collect. Bullar. verb. Fratres S. Ioannis Hierosolymitani,* & clarius habetur ex Const. Greg. xv.

de

de exemptorum privilegij, quæ extat 4. tom. Bullar. inter Bullas huius Pontificis num. 18. ubi sic habetur. *Statuimus, & declaramus, ut deinceps tam Regulares, quam seculares quomodolibet exempti, siue animarum curam personarum secularium Monasterijs, seu domibus Regularibus, aut quibusvis alijs Ecclesijs, vel beneficijs siue Regularibus siue secularibus incumbentem exerceant, siue alias Ecclesiastica Sacramenta, aut unum ex illis ministrent prævia Episcopi licentia, & approbatione, siue quoquomodo in dictæ curæ exercitio, aut in eorundem Sacramentorum, vel alicuius ex illis administratione de facto absque vlla auctoritate se ingerant, in his quæ eiusmodi curam, seu administrationem concernunt, omnimoda iurisdictioni, visitationi, & correctioni Diocesani Episcopi tanquam Sedis Apostolicæ delegati, plene in omnibus subijciantur.* Barboza de offic. & potest. Episcopi par. 3. alleg. 74. num. 18. & 27. Nota tamen hanc Constitutionem suspensam esse pto Regnis Hispaniarum, vt diximus to. 1. cap. 19. num. 35.

10 Cæterum loquendo de Regularibus inferuentibus de licentia suorum Superiorum beneficijs simplicibus, quæ tamen membra sunt Monasteriorum, seu Religionis, declaratum video à S. Congregatione non posse visitari ab Ordinarijs. Armendariz in additionib. ad recopilat. leg. Nauarr. lib. 1. tit. 6. de visitat. lib. 5. §. 2. num. 96. Barboza in Collect. Bullar. verb. Regulares 1.

11 Non tamen debent vocari ad concursum per edicta Regularis electi, vel nominati ad beneficia Regularia seruenda; sed sufficit quod examinentur, & approbentur ab Ordinarijs. Ita enim determinatum est à S. Congregatione Concilij, vt testatur Sixtus v. in Bulla *Ex iniuncto* in Bullario Rodriguez tom. 2. Bulla 22. in Sixto V. ubi ad instantiam Congregationis S. Benedicti Portugaliz id decernit. Habetur id etiam ex alia declaratione eiusdem S. Congreg. apud Gonzalez ad Regul. 8. Cancell. gloss. 6. num. 162. & Barbosam in Collect. Bullar. verb. examen.

12 Cogi potest Religiosus à Prælato ad acceptandum beneficium Regulare. Quia hoc præceptum iustum est, nec excedit latitudinem obedientiæ Religiosæ, cum gubernatio beneficiorum Monasterij valde pertineat ad vtilitatem eiusdem. Nauarr. Comment. 4. de Regularib. num. 23. Suarez 4. tom. de Relig. tract. 8. lib. 3. cap. 19. num. 5. quod extenditur etiam ad beneficium tenue, & paucos redditus habens, dummodo possit ex illis sustentari Religiosus. Propter eandem rationem. Nauarrus, & Suarez vt supra. Rodriguez tom. 1. quest. Regular. q. 34. art. 3. Addit non posse cogi ad accipienda beneficia secularia, nec Regularia aliorum Ordinum, nec alterius Monasterij eiusdem Ordinis. Sed

hæc

hæc limitanda sunt, nam, ut credo, cogi potest Religiosus ad accipienda prædicta omnia, si ab habente auctoritatem illa conferantur, & cedat in bonum, & utilitatem suæ Religionis, quia hoc concernit Regulam, quam professus est Religiosus, & cum prædictis conditionibus res est licita, & honesta, talia beneficia acceptare.

13 Debet assignari prædictis Religiosis seruientibus Beneficijs, seu Ecclesijs Parochialibus congruum salarium pro ipsorum sustentatione, ne salarij paruitate aliunde querere unde uiuant, & curam animarum negligenter curare cogantur. Colligitur ex Concilio Tridentino *sess. 7. de reformatione cap. 7.* Rodriguez *to. 1. quæst. Regular. q. 36. art. 2.* referens concessionem Sixti v. Congregationi S. Benedicti Portugalliæ factam, qua illis conceditur ut salario decenti beneficiarijs designato, reliqui fructus in vsus Monachorum conuerti possint, & aliam cuiusdam Rainutij Papæ auctoritate potientis Congregationi S. Elisi circa huiusmodi salaria, pacta pro illis tribuendis, & non maioribus, etiam locorum Ordinarijs, & illorum visitatoribus aliter præcipientibus. Quia tamen hæc posterior concessio contraria videtur decreto Concilij Tridentini adducto, ideo cautè in hoc negotio procedendum, maxime quia non constat an sit uiuæ vocis oraculum, quia si talis esset nihil valeret, iuxta dicta *tom. 1. cap. 3. num. 21.* De priori autem concessione Sixti v. constat fuisse per Bullam, quam refert idem Rodriguez in *Bullar. to. 2. inter Bullas Sixti V. num. 24.* Vbi vltcrius Pontifex statuit ne in dictis Ecclesijs Monachi ad vitam instituantur, & quod prædicti Presbyteri sæculares ab Ordinarijs locorum approbati sint, insuper quod salarium illud bene visum sit eisdem Ordinarijs. Vide dicenda infra *num. 27.*

14 Religiosi sic beneficiarij non solum tenentur votis Religionis generalibus, præcepto portandi habitum, votis specialibus suorum Ordinum, sed & obseruantijs Regularibus, & Constitutionibus suarum Religionum, quatenus non repugnant muneris quod gerunt, iuxta dicta *tom. 1. cap. 17. nu. 16.* cum verè maneant sub iugo Religionum suarum, quantum in priuata domo, & extra Monasterium fieri potest. Suarez *4. tom. de Relig. tract. 8. lib. 3. cap. 19. num. 6.* Non tamen tenentur soluere Officium diuinum iuxta ritum suarum Religionum, sed Ecclesiarum quibus seruiunt, ut etiam loco citato diximus, vbi etiam quid de Socio sit dicendum. Si tamen redditus, seu salarium pro Socio habendo non sufficerent ab hoc onere immunes eruat, nisi in casu, quod Socius alio honesto modo sustentari posset.

Quæ

15 Quæ adquirent hi beneficiarii intuitu Ecclesiæ cui seruiunt, eidem Ecclesiæ adquirent, quæ autem adquirent non intuitu Ecclesiæ cui seruiunt, sed intuitu Religionis cuius sunt, vel aliunde, adquirent Religioni. Hoc enim suadetur tum ex æquitate rationis, tum ex ijs quæ diximus *prædicto tom. cap. 17. num. 15. & 16.* de quo etiam Sanchez *lib. 7. in decalog. cap. 32. num. 76.* Suarez *4. tom. de Relig. tract. 8. lib. 3. cap. 19. num. 8.* De fructibus autem beneficiorum qui us potantur, cum concedantur intuitu Ecclesiarum, quibus seruiunt, debent tanquam boni dispensatores primum providere ipsis Ecclesijs, deinde pauperibus sibi subiectis, si quid verò postea superfuerit, licet securius sit debere eo Ecclesijs suas augere, probabile tamen est posse suo Monasterio donare, quia est opus Religionis, & misericordiæ nullo iure prohibitum, sed potius, ut apparet, permissum, eo ipso quod prædictorum bonorum sunt dispensatores. Suarez *ut supra nu. 10.*

16 Similiter hi Religiosi beneficiarii licet quodea quæ pertinent ad statum Religiosum, & obseruantiam Regularem, seu quæ non contradicunt beneficijs quæ obtinent teneantur obedire suis Superioribus, cum verò illis sint subiecti, in his tamen rebus quæ fuerint contrariæ, seu repugnantes prædictis beneficijs, cum ipsi ex iustitia ratione muneris suscepti teneantur facere quicquid ad illa spectat, non debent obedire suis Prælati. Suarez *4. tom. de Relig. tract. 8. lib. 3. cap. 19. num. 18.* In his autem quæ pertinent ad vtilitatem beneficiorum, & rectam ipsorum administrationem tenentur obedire illi, vel illis, cui, vel quibus subiecta est illa Ecclesia, scilicet Prælato Ordinis, si illi pleno iure subiecta fuerit, Episcopo, si ipsi subiiciatur, vel vtrique si ad vtrumque spectat. Suarez *ut supra nu. 19.* Rodrig. *to. 1. q. Regul. q. 34. ar. 6. & 7.*

17 Vacant beneficia Regularia manualia collatiua quoties Superior reuocat collationem. Hoc enim est esse manualia, scilicet pendere à nutu Superioris. Federicus *in tract. permutationum q. 16.* Sanchez *lib. 7. in decalog. cap. 29. num. 107.* Etiam si beneficium collatum sit à Superiore pro toto vitæ tempore, quia non obstat tali concessione manet beneficium sub Superioris potestate. Selua *de beneficijs 3. par. q. 68. num. 4.* Sanchez *ut supra num. 124.* Etiam si Superior promiserit se non reuocaturum concessionem, quia talis promissio est irrita, cum sit contra ius, & naturam beneficii manualis, quod petit esse reuocabile ad nutum Superioris. Selua *ut supra q. 69. num. 1.* Sanchez *ut supra num. 125.* Imò ad hoc quod talis reuocatio valida sit non

non requiritur aliqua causa, quia Prælatus veitur iure suo erga rem, & personam sibi subditam. Sanchez *ibid.* num. 111. Additur ex declaratione S. Congregat. Concilij posse Abbates Ordinum inuito Episcopo reuocare absolutè ad Monasterium Religiosos exereentes curam animarum in Ecclesijs, quæ sunt vnitæ ipsis Monasterijs. Barbosa in *Collectan. Bullar. verb. Abbas* 1. Ad hoc autem quod licite, & prudenter fiat reuocatio requiritur aliqua causa rationabilis, non quidem culpa ipsius beneficiarij, sed quæcumque vtilitas, vel commoditas Religionis, aut Ecclesiæ, prudens enim gubernatio id exigit. Suarez 4. to. de *Relig. tract.* 8. lib. 3. cap. 19. num. 21. Si autem scandalum aliquod, vel infamia, Religiosi beneficiarij sequatur ex tali reuocatione tunc requiritur maior causa, vt scandalo, vel infamiæ obuietur. Casu etiam quo constaret reuocationem factam esse malo animo, malitia, aut odio posset Religiosus spoliatus implorare auxilium Superioris Prælati contra eum qui prædicto modo ipsum spoliavit beneficio. Lessius 2. de *inst. & iure* cap. 41. dub. 12. nu. 98. Sanchez lib. 7. in *decalog.* cap. 29. num. 115. In alijs tamen occasionibus etiam si sine causa spoliatur Regularis beneficio non potest agere contra Superiorem spoliantem coram Superiori Prælato, nisi solum proponendo, aut supplicando pro restitutione. Sanchez *ibid.* Suarez 4. tom. de *Relig. tract.* 8. lib. 3. cap. 19. num. 21. Quod est verum quamuis collatio spectet ad Abbatem, & Conuentum, quia etiam in tali casu Abbas solus potest reuocare Monachum beneficiarium, cum hæc sit natura beneficij manualis. Sanchez num. 112.

18 Non tamen vacant prædicta beneficia Regularia morte Abbatis, vel Superioris conferentis. Quia per solam mortem non inducitur reuocatio cap. *si delegatus de offic. delegat.* in 6. Abbas cap. *finali* num. 6. de *precarijs*. Felinus cap. *per tuas* num. 4. de *maior*, & *obed.* Secus si beneficij concessio esset solum ad beneplacitum Abbatis, vel Superioris, quia beneplacitum expirat morte concedentis cap. *si gratiose, de rescript.* in 6. Sanchez lib. 7. in *decalog.* cap. 29. num. 113.

19 De beneficijs autem Regularibus electiuis multi dicunt absque legitima causa tolli non posse à beneficiarijs, ac proinde esse perpetua. Ita aliqui Canonistæ quos sequitur Sanchez lib. 7. in *decalog.* cap. 29. num. 118. Sed meo videri consuetudo, tum patriæ, tum Religionis in hoc attendenda est, multa enim officia in Religionibus per electionem concessa reuocari possunt, saltem à supremo Prælato sine alia causa, quam ea quæ spectet ad bonum regimen Ordinis.

20 Quoties autem beneficia huiusmodi Regularia fuerint perpetua, & non manualia, scilicet ex institutione, consuetudine, vel priuilegio Summi Pontificis, non possunt Religiosi illa possidentes remoueri, sine culpa ipsorum. Quia hæc est qualitas, aut natura beneficij perpetui. *Selua de beneficijs 3.p.q.69.nu.vlt. Nauarrus Comment. 2. de Regularib. num. 65.* Vnde in talibus casibus potest Religiosus spoliatus agere contra Superiorem, spoliantem, vt potè contra iniuste procedentem. *Nauarrus ibid. Sanchez lib.7. in decalog. cap. 29. num. 122. & 123.* Idem dico quando talium beneficiorum collatio non pertinet pleno iure ad Superiorem Religionis, sed simul ad Episcopum, vel alium Prælatum. Sicut enim ea non possunt per solam voluntatem à Superiore Ordinis prouideri, si nec ab ipso tolli. Vnde sunt perpetua. *Suarez 4.tom. de Relig. tract. 8. lib. 3 cap. 19. à num. 22.*

21 Quando verò huiusmodi beneficia Regularia ex natura sua manualia à Papa immediatè conferuntur, si dentur cum *clausula* vt retineantur toto vitæ tempore renouari non poterunt ab inferiori Prælato, cum euidenter constet de voluntate supremi Prælati quod non reuocentur. *Innocentius cap. cum inter R. statim in principio de elect. Felinus cap. constitutum num. 10. de rescript. & cap. per tuas num. 4. de maiorat. & obedient.* Si verò non apponatur talis clausula mihi probabilius est posse reuocari. Quia cum natura dictorum beneficiorum sit esse manualia, & amouibilia, si Pontifex oppositum non explicet censendus est noluisse illorum naturam alterare, sed relinquere illam vt prius, maximè cum hoc cedat in fauorem obedientie promissæ à Religioso cui Pontifices fauent semper nisi aliud expriment. *Abbas cap. ad nostram num. 7. Lapus allegat. 26. & alij.*

22 Idem dico quando concessioni factæ à Prælati beneficij Regularis manualis alicui Religioso accedit confirmatio Pontificia, potest enim etiam tunc Prælatus reuocare concessionem, cum per talem confirmationem Pontificiam nisi aliud in ipsa exprimatur, non alteretur, aut mutetur natura ipsius beneficij. Quod etiam intelligo (quidquid in contrarium dicant *Sanchez lib.7. in decalog. cap. 29. num. 130. & alij* ab ipso citati) adhuc in casu quo Pontifex ex certa scientia confirmaret concessionem. Propter rationem adductam, & quia certa scientia Papæ confirmantis solum inuat ad hoc quod rescriptum, vel Breue non possit argui de surreptione.

23 Fauet ad intentum Extrauagans *Rursus Benedicti 12.* vbi determinatur quod habentes beneficia in Ordine Monachorum nigrorum S. Benedicti ex collatione, prouisione, vel ordinatione
Sedis

Sedis Apostolicæ, vel Legatorum, seu executorum, vel promissorum eiusdem Sedis, vel per litteras prædictorum, subsint in omnibus, & per omnia suis Prelatis, & possint ab eis reuocari prout si ea haberent à suis Abbatibus. Sanchez l. 7. in decal. c. 29. n. 137.

24 Licet Episcopus stando in iure communi antiquo possit vnire Ecclesias suæ Diocesis ex cap. sicut vnire de excessi. Pralat. & c. exposuisti de præbendis, vt fatentur communiter Doctores, & posset etiam consequenter vnire alicui Religioni Ecclesiam, seu beneficium suæ Diocesis, vt constat ex Clem. 2. de rebus Ecclesie non alienandis, Azorius tom. 2. insit. moral. lib. 6. cap. 28. q. 19. Sanchez lib. 7 in decalog. cap. 29. num. 147. & sequentibus, id tamen modo post Concil. Trident. dupliciter limitatum est, primò, vt beneficium non sit extra Diocesim, in qua est Monasterium, etenim in eodem Concilio sess. 14. cap. 9. id prohibetur. Secundò, ne beneficium illud vniendum sit curatum, quia id etiam interdicitur in Concilio sess. 24. cap. 13. Cum autem solum in prædictis duobus casibus limitauerit, aut abstulerit Concilium Episcopis auctoritatem vniendi, dicendum est in alijs casibus posse ea vti, ac per consequens vnire beneficia Monasterijs sicut iam etiam factum ab Archiepiscopo Hispalensi refert Sanchez num. 187. Poterunt ergo beneficia simplicia vniri Monasterijs, prout colligitur ex dicta Clem. 2. de rebus Ecclesie non alienandis. Idem Sanchez to. 1. consil. moral. lib. 2. cap. 2. dub. 3. Debet autem talis vnio fieri ex causa legitima, Siluester in Summ. verb. alienatio q. 12. Videtur autem id proprium esse Episcoporum, vt colligitur ex cap. sicut vnire de excessi. Pralator. Azorius tom. 2. insit. moral. lib. 6. cap. 28. Licet Sanchez etiam Abbatibus, & alijs Prelatis iurisdictionem quasi Episcopalem habentibus hanc etiam facultatem concedat in Ecclesijs plene sibi subiectis num. 160. Vbi in sequentibus de conditionibus ad id necessarijs.

25 Casu autem quo siue ab Episcopo siue à Papa hæc vnio beneficiorum Monasterio fiat gubernari poterunt per Religiosos sicut alia beneficia Regularia, iuxta dicta in superioribus. Fauent Felinus cap. in nostra Corol. 40. num. 41. notab. 3. de rescript. Selua de beneficijs 3. par. q. 11. num. 126. referens quamdam Rotæ decisionem. Manebunt autem subditi suo Prelato sicut de alijs beneficiarijs Regularibus dictum est num. 14. & 16.

26 Hinc declaratum dicitur à S. Congregat. Concilij Canonici Regularum iussu sui Superioris degentem in ædibus Parochialis Ecclesiæ Congregationi vnitæ, in qua curam animarum exercet, & Sacramenta administrat, si delictum non concernens

animarum, nec administrationem Sacramentorum commiserit, non posse ab Episcopo puniri vigore decreti Concilij *cap. 3. sess. 6.* Barbosa in *Collectan. Bullar. verb. Canonici Regulares* 15. Quod etiam videtur dicendum de alijs Regularibus servientibus similibus Parochijs, iuxta dictam *tom. 1. cap. 11. num. 8.*

27 Declaratum etiam dicitur, posse Ordinarios locorum visitare curatas Ecclesias si sint unitæ Monasterijs, & in eis ponere Vicarios perpetuos, siue temporarios, iuxta dispositionem *c. 7. sess. 7.* Concilij Trident. Ita ex declaratione S. Congreg. Garzia de *benefic. par. 11. cap. 2. num. 12.* Barbosa in *Collectan. Bullar. verb. Curati.* Pro salario autem illis assignando vide Bullam Pij v. *Ad exequendum* in 2. tom. Bullar. num. 47. quæ etsi reuocata fuerit à Gregor. xiii. in Bulla *In tanta* num. 9. inter Bullas Gregorij, nihilominus in suo robore manere dicitur, tum ob reualidationem ipsius ab eodem Gregor. factam, tum ob declarationem S. Congregat. De quo Gonzalez *sup. 8. reg. Cancell. de mens. & alternat. gloss. 5. §. 4. num. 79.* Cherubinus in *Compend. Bullar. sup. dictam Bullam* 47. Pij V. Lauretus de Franchis in *Controuersijs Episcop. & Regul. pag. mibi 14.*

28 Religiosus reuocatus à beneficio Regulari quod gerebat potest ea bona quæ habebat ex prædicto beneficio vsui suo applicata ad Monasterium deferre. Quia etsi fuerint ex fructibus beneficii cum sibi fuerint legitime applicata sequuntur ipsum quocumque ierit. Debent ergo cum ipso ad Monasterium venire, non vt liberam eorum administrationem sicut prius habeat, sed vt incorporentur cum alijs bonis Monasterij, iuxta præscriptum Regulæ, & Constitutionum. Suarez 4. tom. de *Relig. tract. 8. lib. 3. cap. 19. num. 11.*

29 Duo, vel plura beneficia eidem Regulari à Superiori Ordinis concedi non possunt nisi vnum ex eis ab alio dependeat, vel ad inuicem sint annexa. Ita enim deciditur *cap. cum singula in princ. de præbend. in 6.* Rodriguez *tom. 1. quest. Regul. q. 34. ar. 9.* Vnde ad id requiritur Sedis Apostolicæ auctoritas, vt ibidem habetur. Natar. *Comment. 4. num. 23. de Regular.* Azorius *tom. 1. instit. moral. lib. 12. cap. 22.* Layman in *Theolog. mor. lib. 4. tract. 2. cap. 8. num. 8.*

30 Eo ipso quod Ecclesia concessa Monachis est ipso iure intelligitur concessa ipsis facultas conferendi ipsam, & constituendi in ipsa Rectorem. Ita post alios Rodriguez *to. 1. quest. Regul. q. 36. ar. 1.* afferens pro hoc puncto priuilegia Leonis x. Camaldulensibus Iulij 11. Oliuetanis, & aliorum Pontificum.

31 Beneficia Regularia siue dentur in titulū, siue in cōmendam
non

non possunt seminario vniri, secus verò si statum mutauerunt. Ex decisione S. Congreg. apud Barbosam in *Collect. Bullar. verb. Beneficium Regulare* 5.

32 Ex concessione Pij v. anno 1567. ad instantiam Philippi 2. Hispaniarum Regis possunt Capitula omnia Prouincialia Indiarum quorumcumque Ordinum etiam non Mendicantium dare licentiam suis Fratribus, vt officium Parochi exerceant, Sacramenta ministrando &c. In quo etiam includitur facultas prædicandi, sepeliendi Indos, asportandi eorum corpora Cruce alta, habendi scholas puerorum. *Rodrig. tom. 1. quest. Regul. q. 35. ar. 1.* Vbi alia ad intentum.

33 Possunt prædicti beneficiarij Regulares tam libere impendere de redditibus suis in eleemosynas, & pia opera, præsertim spectantia ad suas Ecclesias, sicut & beneficiarij sæculares. Ratio est, quia etsi non sint Domini illorum reddituum, sunt tamen Procuratores, æconomi, & dispensatores illorum. Nauarrus *comment. 2. num. 6. fin. corollar. 9. de Regular.* Rodriguez *to. 2. quest. Regular. q. 58. ar. 8.* Non tamen propterea possunt facere expensas superfluas, aut donationes illicitas, sed eas tantum quæ necessaræ, vtilis, vel conuenientes fuerint beneficijs, quæ possident, & statui ipsorum. Vnde licitè possunt disponere de prædictis bonis ad moderatam sustentationem secundum statum, eleemosynas, & pia opera. Grassi *1. par. decis. lib. 3. cap. 5. n. 43.* Sanchez *lib. 6 in decalog. cap. 6. num. 14.* Nec assentior alijs, qui dicunt non obligari hos Religiosos beneficiarios Constit. Clement. viii. *de largit. numerum.* Bonacina *de largit. numerum puncti 2. num. 2.* Etenim quantum ad donationes superfluas, & illicitas eodem modo ac alij astringuntur prædicta Constitutione, neque est aliqua ratio cur quoad illas eximantur.

34 Illegitimi non sunt capaces ante dispensationem cum illis factam alicuius beneficii sæcularis, siue Regularis. Ita habetur *ex cap. 1. & cap. finali de filijs Presbyterorum.* Rodriguez *tom. 1. quest. Regul. q. 13. ar. 11.* Nec etiam Vicariatus Episcopalis, cum dignitas quædam sit, à qua arcentur. Abbas *in cap. 1. de filijs Presbyterorum.* Rodriguez *tom. 1. quest. Regular. q. 13. ar. 13.*

35 Prædicti beneficiarij Regulares ex Ordine nostro assumpti etiam si beneficia dimiserint, in Capitulis, vel Congregationibus Ordinis non admittuntur nisi de consensu Generalis, iuxta dicta *tom. 1. cap. 16. num. 24.* ex priuilegio Calixti iii. quod habetur in Mari magno Ordinis Bulla 39. vbi hæc ad intentum. Hac irrefragabili Constitutione perpetuo valitura constituimus, statuimus, ac etiam ordinamus, quod nullus dictorum professorum

bece-

beneficia ſæcularia, ſeu etiam Regularia, ex noſtra, vel prædeceſſorum noſtrorum Romanorum Pontificum, aut Sedis Apoſtolicæ, vel legatorum eius conſeſſione, vel indulto, aut alias quouis modo in titulum, vel in commendam pro tempore obtinentium aut qui futuris temporibus quælibet obtinebunt, etiamſi illa, ſimpliciter, vel alio quouis modo dimiſerint, in prædictis Capitulis Generalibus, vel Prouincialibus, aut Congregationibus, ſeu negotijs, officijs, vel alijs adminiſtrationibus dicti Ordinis, niſi Generalis pro tempore conſenſu interueniente quomodolibet admittantur, ſub excommunicationis pœna quam admiſſi, & admittentes, prout in his ſcriptis ſerimus, incurrant ipſo facto, & ſi dicti beneficiati vltro admiſſi quouis quæſito colore contra voluntatem Generalis prædicti procurauerint, ſimili modo irregularitatis, & inhabilitatis maculas incurrant, beneficijsque per eos obtentis ipſo facto priuati exiſtant, & alijs perſonis idoneis per illos ad quos ipſorum collatio pertinere dignoſcitur conferantur, dictique beneficia, ſeu officia ambientes, vel procurantes perpetuo inhabiles, & ineligibiles abſque alicuius reſgreſſus ſpe mancant, & pro talibus perpetuo habeantur. Quæ etiam confirmans Sixtus iv. in Bulla *Dum attenta hæc etiam*, habet. Prouidam verò Calixti Papæ iii. prædeceſſoris præſati Conſtitutionem quæ incipit *Ad futuram rei memoriam Ad Roman. Pontificem*, qua voluit quod nullus dicti Ordinis profeſſorum beneficia ſæcularia, ſeu etiam Regularia quorumuis Romanorum Pontif. aut Sedis Apoſt. vel legatorum eius conſeſſione, vel indulto quouis modo in titulum, vel commendam pro tempore obtinentium, aut quæ futuris temporibus quomodolibet obtinebunt, etiamſi illa ſimpliciter, vel alio quouis modo dimiſerint, in Capitulis Generalibus, vel Prouincialibus, aut Congregationibus, ſeu negotijs, officijs, vel alijs adminiſtrationibus dicti Ordinis, niſi Generalis pro tempore conſenſu interueniente, quomodolibet admittatur ſub excommunicationis pœna quam admiſſi, & admittentes ipſo facto incurrant auctoritate, ſcientia, & motu prædictis etiam in Archiepiſcopo i, & Epicoſcopali dignitate fulgentibus, aut Monafteria aliqua vel Prouinciam in commendam obtinentibus locū habere decernimus, atque prædictas litteras, & omnia, & ſingula in eis contenta ad eos qui in dignitatibus huiusmodi ſunt conſtituti extendimus; diſtinctè præcipiendo ſub pœnis in dicta Conſtitutione contentis omnibus, & ſingulis prædicta beneficia, aut dignitates quauis auctoritate, vel indulto obtinentibus, vt nullo modo de adminiſtratione Fratrum, aut domorū, aut Prouinciarum, ſeu Conuentuū, alio-

aliorumque bonorum se imp ediant absque dicti Ordinis Magistri Generalis expressa licentia, non obstantibus quibuscumque litteris etiam à Sede Apostolica impetratis, vel imposterum impetrandis, quibus ex certa scientia, & motu proprio derogamus, & per præsentis derogari volumus, etiam si de illis habenda foret mentio specialis, ut singula bona Ordinis videlicet Provinciarum, Ecclesiarum, domus, & supposita, & utriusque sexus professi, ut tenentur, sub integra Magistri Generalis existant obedientia.

36 Cæterum verba illa Calixti 3. *Et si dicti beneficiati, &c.* dubia mihi sunt, an scilicet solum intelligantur de ijs quæ beneficiati cum sint procurant admitti in prædictis Capitulis Generalibus, vel Provincialibus prout videtur textus requirere, an verò etiam de ijs qui procurant ad prædicta beneficia promoueri, ut ibi dicitur *contra voluntatem Generalis*. Et licet ad utrumque sensum facile trahi possent, credo in priori sensu sumenda, illa autem quæ sequuntur, scilicet, *dictique beneficia, seu officia ambientes, vel procurantes, &c.* ad utrosque extendi: per verbum *beneficia* ad eos, qui illa ambiunt, vel procurant, & per verbum *officia* ad eos, qui beneficiati cum sint, officia nihilominus Ordinis procurant, qui omnes grauissimis illis pœnis à Pontifice afficiuntur.

37 Non sunt capaces Regulares pensionis propriè dictæ super beneficio Regulari sui Monasterij ponendæ à Superiori ipsius sine dispensatione Sedis Apostolicæ. Primò, quia attento Romanæ Curie usu, propriæ, & veræ pensiones, quibus beneficia ipsa onerantur ad certam reddituum partem alteri dandam sola Pontificia auctoritate conceduntur, ut dictum est cap. 2. num. 20. Secundò, quia in *Clem. unica de supplend. neglig. Prælator.* ita videtur decerni. Archidiaconus cap. fin. num. 2. de offic. Ordinar. in 6. Sanchez lib. 7 in decal. c. 29. n. 95. Loquendo autem de impropria pensione quæ scilicet non imponitur beneficio, sed ipsi beneficiario, credo posse imponi à Prælato Regulari conferente Religioso beneficium Regulare, si videlicet ex causa rationabili imponat illi ut partem fructuum beneficii soluat alicui Religioso, vel det pro fabrica Monasterij, vel alterius operis pii, a mobili ter à voluntate ipsius Superioris. Ratio est, tum quia hoc nullo modo est contrarium voto paupertatis, aut obedientiæ Religiosæ, quin potius illis conforme, tum quia in hoc casu beneficium non est eo onere pensionis affectum sed persona, tum quia secundum aliquos id etiam possunt facere Episcopi, tum denique quia cum beneficia Regularia non conferantur ut perpetua, sed ut manualia, sicut ipsa subsunt dispositioni Superioris, ita & fructus illo-

illorum, ac per consequens poterit de illis disponere quando, & quomodo voluerit. Poterit ergo de prædictis fructibus partem aliquam applicare alij Religioso, vel pio operi: Azorius *tom. 2. instit. moral. lib. 8. cap. 6. q. 1. vers. extra omnem controuersiam*. Lessius *secundo de iust. cap. 41. dub. 11. num. 94. Sanchez vt supra num. 99*. Idque, vt audiui, vsu receptum est in Religione S. Spiritus in Saxia, vt à Reuerendis. Præceptore huius Religionis beneficia huiusmodi cum talibus pensionibus conferantur, idque fieri posse consultus à quodam Religioso illius respondi.

38 Prouisi de beneficijs Regularibus videntur etiam obligati ad professionem fidei faciendam, sicut & alij quicumque prouisi de beneficijs quibuscumque curam animarum habentibus, iuxta Concil. Tridentini decretum *sess. 24. cap. 12*. Concilium enim loquitur de quibuscumque prouisis ad beneficia curam animarum habentia, quamuis non exprimat an id de beneficijs secularibus solum, an verò etiam de Regularibus intelligi debeat. Desidero tamen aliorum sententiam in hoc audire, cum nullum usque modo viderim.

39 Collatores beneficiorum quacumque dignitate præfulgeant nihil pro collatione, seu quauis alia dispositione beneficiorum, quouis quæsito colore, directe, vel indirecte, etiam sub nomine annatz, aut cuiusvis alterius portionis fructuum à sponte dantibus, vel offerentibus accipere, aut exigere possunt. Ita enim habetur ex declaratione S. Congregationis. Garzia *de benefic. par. 8. cap. 1. nu. 75. & 76. Barbosa in Collect. Bullar. verb. collatio*. Apud quos etiam de Notarijs, à quibus fiunt instrumenta collationis.

40 Videtur teneri prædictos beneficiarios curam animarum gerentes adire Congregationes, quæ iussu Episcopi ad casus conscientie differendos habentur, etiamsi sint in Parochialibus Hierosolymitanæ Religionis. Tum ex dictis *tom. 1. cap. 19. n. 44*. tum ex declaratione S. Congregat. apud Barbosam *in Collectan. Bullar. verb. Congregationes diuerforum 5*.

SVMMARIVM CAP. XIX.

- Qua Monasteria habere possint bona stabilia . nu. 1.*
Quae bona Fratribus sint permissa . nu. 2.
Per bona stabilia quae intelligantur . nu. 3.
Monasteria immobilium capacia an, & quando possint possidere seu-
dum . nu. 4.
Quid sit feudum . ibid.
Quotuplex est seruitium per feudum requisitum . ibid.
Quid quando feudum habet dignitatem annexam . ibid.
Capacia etiam sunt emphyteosis . num. 5.
Quoties pensionis solutio non repugnat illis . ibid.
Quid sit emphyteosis . ibid.
An possint dare bona immobilia Monasteriorum in feudum, seu em-
phyteosim . ibid.
Capacia etiam sunt iurisdictionis temporalis . nu. 6.
Item possidendi maioratus . num. 7.
De quibus maioratibus id intelligendum . ibid. & num. 8.
An Regnum, Ducatum, Marchionatum, &c. num. 8.
An maioratus institutos favore agnationis . num. 9.
An fidei commissa . num. 10.
Quid sit fidei commissum . ibid.
Capacia item sunt possidendi ius patronatus . nu. 11.
Item ius nominandi ad emphyteosim . num. 12.
Tribus etiam modis acquirere possunt . nu. 13.
Donatione, emptione, & successionem . ibid.
Quae domus Religiosa acquirere non possint successionem . ibid.
Iura feudorum acquirere possunt . num. 14.
Iura etiam emphyteosis . num. 15.
Quando id intelligendum . ibid.
Item iurisdictionem temporalem . nu. 16.
Quando succedent in maioratus . num. 17.
Quid de alijs maioratibus . num. 18.
An possint eos acquirere emptione, vel donatione . num. 19.
An possint dicta Monasteria primogenia instituere . ibid.
Quomodo acquirere possint fidei commissa . num. 20.
Quomodo iura Patronatus . num. 21.
De quibus, aut quomodo . ibid.
An donatione, seu translatione eorum qui illa habebant . nu. 22.
Quid quando Ius patronatus competit Monasterio solum ratione
persona Religiosi . num. 23.

An succedant prædicta Monasteria in ius nominandi ad emphyteosim. num. 24.

An succedant in legitimam debitam professio. num. 25.

An in iura suitatis, & agnationis, iura sanguinis, & cognationis, &c. num. 26.

Transcantne ad prædicta Monasteria bona quæ habebat professus in sæculo cum pacto non alienandi. num. 27.

Aut illa quæ habebat grauatus eo onere, ut si moreretur absque filiis transirent ad aliquem tertium. num. 28.

Quid dicendum de usu fructu quem habebat ille qui professionem emisit. num. 29.

Quid dicendum de præcario. num. 30.

Transunt ad prædicta Monasteria omnia bona de quibus Religiosus ante professionem non disposuerat, siue ab ipso sunt acquisita. num. 31.

Potest ne contraria consuetudine derogari huic iuri succedendi. n. 32.

An id fieri possit iure civili. num. 33.

Non succedunt prædicta Monasteria in beneficia Nouitij. n. 34.

Nec in bona professi qui tempore Nouitiatus renunciavit illis. n. 35.

Nec in bona Nouitij quæ sunt legitima filiorum quos habet in sæculo. num. 36.

Nec in bona Professi quæ sunt legitima Patris. num. 37.

A quo tempore debeantur talia bona tradi Patri. num. 38.

Nec etiam succedunt ante mortem Patris in hereditatem quæ contingere poterat filio post Patris mortem. num. 39.

Nec etiam succedunt in bona relicta Religioso substitutis alijs post ipsum. num. 40.

Nec in usum fructum quem habet Pater in bonis aduentitij filij. num. 41.

An succedant in ius petendæ renouationis emphyteosis, aut in ius retractus sanguinis. num. 42.

Quid si aliquis professus est propter dolum, & cupiditatem Prælati ad illius bona inbianis. num. 43.

Acquirere etiam possunt prædicta Monasteria bona temporalia, si heredes instituantur. num. 44.

Capacia etiam sunt legatis. num. 45.

Legata relicta particularibus Religiosis transeunt ad Monasteria. num. 46.

Legata relicta ad certum usum an possint ad alios applicari. n. 47.

An bona inuenta quorum Dominus ignoratur illis applicari possint. num. 48.

Quid de aliquibus priuilegijs Religionum sentiendum. ibid.

Quid

Quid de bonis incertis, male adquisitis ex contractu, furto, aut alia defraudatione. num. 49.

Quid de bonis Monasteriorum Monialium desitutorum. num. 50.

Damnificantes, seu occupantes bona Regularium quibus poenis subiacent. num. 51.

Administratio bonorum Monasterij ad quem pertineat. nu. 52.

Administratio tres actus includit. num. 53.

Alienare quæ bona possint Religiosi. num. 54.

Praesertim donando illa. ibid.

De alienatione bonorum immobilium, & mobilium pretiosorum. num. 55.

Qui contractus nomine alienationis intelligantur. ibid.

Transferre etiam bona unius Monasterij in aliud fieri non potest à Regularibus. num. 56.

Alienari possunt ab ipsis sine S. Congregationis licentia mobilia non pretiosa. num. 57.

Item mobilia etiam pretiosa quæ seruando seruari non possunt. ibid.

Quid de mancipijs. ibid.

Quid de oblationibus factis sacris Imaginibus. ibid.

In quibus casibus etiam de immobilibus facere possunt Regulares alienationem sine licentia S. Congregationis. num. 58.

An pecunia prohibita sit alienari, & quando. num. 59.

An repudiari possit, seu non acceptari legatum, vel hereditas. nu. 60.

Non effugiunt poenas Extrauagantis, & decreti S. Congregationis qui res Monasteriorum alienant dicentes id facere saluo S. Apostolica consensu. num. 61.

Quæ sollemnitas requiratur ad alienationem rerum Ecclesiasticarum. num. 62.

An quoad hoc reuocata sint priuilegia Regularium. ibid.

Quanto tempore praescribitur contra bona Regularium. num. 63.



De bonis, & possessionibus quibus capacia sunt
 Monasteria Regularium personarum,
 seu in quæ succedere possunt, &
 de eorum administra-
 tione.

Cap. XVIII.



Certum sit ex dictis *tom. 1. cap. 6. num. 5.* & in hoc *tom. cap. 1. à num. 2.* omnia Monasteria Regularium etiam Mendicantium tam virorum, quam mulierum (exceptis Capucinis S. Francisci, Minoribus de obseruantia, qui à Concilio Tridentino excepti sunt, & domibus professus Societatis Iesu, ac etiam

Conuentibus nostrorum PP. Discalceatorum Hispaniæ propter peculiare ipsorum leges) posse bona stabilia, seu immobilia possidere, & multo magis bona mobilia, ideo de huiusmodi bonis in præsentī dicendum. Primò, in genere de bonis quibus capacia sunt. Secundò, de modis quibus ea acquirere possunt. Ac tertio, ad quem, vel quos pertineat illorum administratio.

2 Est autem sermo de ipsis Monasterijs, aut Conuentibus, non de Fratribus, aut Religiosis in particulari, quia de istis dictum est *tom. 1. cap. 6. num. 19.* non posse habere bona aliqua immobilia, etiam à voluntate Superiorum dependentia, vel reuocabilia, iuxta decreta Concilij Tridentini, & Summorum Pontificum ibi adducta, nisi forsan per accidens in aliquo casu, vt ibi etiam à *num. 21.* dictum manet, posse tamen mobilia bona, ad vsum facti reuocabilem, & amouibilem rerū necessariorum statui, & personæ habere, iuxta ibidem dicta *num. 3. & 16.* De Religiosis autem Societatis Iesu qui sola biennij vota emisunt specialis est ratio propter specialem modum paupertatis huius Religionis, de quo Sanchez *lib. 7. in decalog. cap. 27.*

3 Per bona autem stabilia quæ prædicta Monasteria Regularium possidere possunt, intelliguntur domus, vineæ, prata, prædia, annui redditus, census, iura, & actiones ad aliqua faciendum, vel recipiendum quæcumque bona, siue mobilia, siue immobilia. Abbas in *cap. Nulli de reb. Eccles. non alienand. num. 9. & 10.*

Suarez

Suarez 4. tom. de Relig. tract. 8. lib. 2. cap. 27. num. 16. & 17. Vnde per itabilia bona non solum intelliguntur ea quæ fixâ habent radicem, vt sunt fundi, prædia, domus, sed etiam inra fructifera, vt sunt census quibus annui redditus correspondent, seruitutes, & similia bona, quæ incorporalia dicuntur. Suarez de defenf. fidei, lib. 4. cap. 18. nu. 1.

4 Capacia item sunt prædicta Monasteria quæ in communi bona immobilia possidere possunt, possidendi etiam feudum, quando seruitium petatum in feudo est tale quod possit à Monasterio exhiberi, secus autem quando tale est, quod exhiberi nequeat. Pro quo notandum feudum esse ius habendi rem aliquam immobilem quoad dominium vtile cum onere obsequij, vel seruitij exhibendi principali habenti dominium directum talis rei. Quando ergo tale obsequium, vel seruitium exhibendum est tale, quod à Monasterio exhiberi possit, tunc capax erit feudi, secus verò quando non potest ab ipso exhiberi. Ratio est, quia feudum habet annexum illud onus, quando ergo Monasterium capax est subeundi tale onus, capax etiam erit feudi, quando autem incapax est oneris subeundi, incapax quoque erit feudi. Molina tom. 1. de iust. disp. 140. vers. Regulam. Lessius 2. de iust. cap. 41. dub. 10. num. 84. Sanchez lib. 7. in decalog. cap. 15. num. 36. Extat insuper priuilegium Celestini v. suæ Congregationi de quo Rodrig. tom. 1. q. 38. ar. 3. vbi etiam de alijs circa hoc. Tunc autem erit Monasterium capax talis oneris subeundi cum seruitium præstandum Patrono directo feudi est reale consistens in pecunia, vel alia re tradenda, vel si sit personale non dedecet Religionem illud subire, vel casu quod dedecet, possit per substitutum exhiberi. Sanchez vt supra. Vnde feudi petentis seruitium incertum ad arbitrium domini capacia non sunt Monasteria, cum posset tunc à domino postulari seruitium quod non posset, vel non deceret à Monasterio exhiberi. Menochius consil. 54. num. 15. Sanchez vt supra num. 44. Limitatur tamen tradita doctrina de capacitate Monasteriorum ad possidendum feudum ad feudum quod non habet dignitatem annexam cuius incapax est Monasterium, vt Regni, Ducatus, Marchionatus, & Comitatus. Cum enim Monasteria capacia non sint huiusmodi dignitatum, vt dicitur inferius num. 8. sic neque feudi cui annexæ sunt. Molina vt supra. Azor. tom. 1. instit. moral. lib. 12. cap. 8. q. 5. Quando autem succedat Monasterium in feudum Nouitij dicitur infra num. 14.

5 Capacia etiam sunt prædicta Monasteria bona immobilia possidentia emphyteosis, sicut, & feudi, quoties pensionis solutio non

non repugnaret, aut esset indecens Monasterijs. Pro quo etiam notandum, emphyteosim esse ius habendi rem aliquam immobilem quoad dominium vtile cum onere soluendi realem aliquam pensionem domino in recognitionem directi dominij. Quoties ergo talis pensionis solutio non repugnat, aut indecens est Monasterio, capax erit emphyteosis. Ratio est, quia cum generaliter loquendo prædicta Monasteria capacia sint possidendi bona immobilia, cum emphyteosis inter illa numeretur, nec possit esse aliqua ratio specialis in illa, nisi repugnantia, aut indecentia solutionis pensionis, si hæc non est, nulla erit. Nauar. *comment. 2. num. 55. fin. de Regular. Azor. to. 1. instit. moral. lib. 12. cap. 8. q. 4.* Possunt etiam dare bona immobilia Monasteriorum tam in feudum, quam in emphyteosim, quod intelligi seruata solemnitate requisita pro alienatione bonorum Ecclesiæ de quo infra à num. 54. & tom. 1. cap. 10. à num. 1. Pro quo videtur extare priuilegium Leonis x. Societati Charitatis de Vrbe, quod refert Rodrig. tom. 1. *quæst. Regul. q. 38. ar. 2. ex Compend. priuilegiorum Societatis Iesu.* Licet dubitem an illo possint frui Regulares. Casu autem quod emphyteuta, ille scilicet, qui habet bona illa à principali domino, pensionem non soluat, cadere in commissum, & posse expelli auctoritate Prælati, habent plures, & habetur ex priuilegio Pij v. concesso Fratribus SS. Trinitatis. Siluester *verb. emphyteu. num. 2. Rodrig. vt supra.*

6 Sunt quoque capacia prædicta Monasteria iurisdictionis temporalis, prout colligitur ex cap. cum dilectus de ordine cognit. ex cap. Abbate sane de sentent. & re iudicat. in 6. & ex quadam lege recopilationis L. 4. tit. 3. lib. 1. *recop.* Experientia quoque ipsa qua constat in partibus Hispaniarum multa Monasteria possidere villas, & castra cum iurisdictione. Et ratio est, quia nihil est in iurisdictione temporali quod impediatur quo minus Monasterijs conuenire possit. Si enim dicatur indecens esse Religiosos secularia negotia pertractare, aut iurisdictionem criminalem exercere, maximè ubi interuenit causa sanguinis, id solum probat hanc iurisdictionem à Religiosis mediate solum, & per substitutos, aut delegatos exerceri debere, quod est verum & colligitur ex cap. finali ne Clerici, vel Monachi in 6. Rodrig. tom. 2. q. Regul. q. 78. ar. 12. *S. neque obstat alia decretalis.* Sanchez lib. 7. in decalog. cap. 15. num. 12.

7 Pariter etiam videtur dicendum prædicta Monasteria possidendi Maioratus capacia esse, tam loquendo de Maioratus non habentibus iurisdictionem temporalem annexam, quam de illis qui habent illam. Tum quia capacia sunt quorumcumque bono-

bonorum, & iurium immobilium, vt colligitur ex *authentic. ingressi C. de Sacrosancta Ecclesia*, & Concil. Trident. *sess. 25. cap. 3.* Tum quia nihil est in Maioratus quod repugnet statui Religioso Monasteriorum, vt discurrenti per singula patebit, & constat ex dictis *num. preced. Rodrig. tom. 2. quest. Regul. q. 78. art. 12.* post alios. An autem de facto in huiusmodi Maioratus succedant Monasteria dicetur inferius *num. 17.* Intelligitur autem doctrina tradita de Maioratus inferioribus, non de his qui summam dignitatem, aut iurisdictionem annexam habent pro qua petita videatur industria personæ singularis, propter dicenda *num. sequenti.*

8 Nihilominus non videntur prædicta Monasteria habere posse, aut capacia esse habendi Maioratus illos, qui summam, aut supremam dignitatem, aut iurisdictionem habent annexam, vt sunt Regnū, Ducatus, Marchionatus, Comitatus. Ratio est, quia huiusmodi dignitates, seu Maioratus, ea munera, & ministeria habent annexa, quæ vix, aut nullo modo per substitutas personas exerceri possint, vt propterea tam iure gentium, quam ex institutione harum dignitatum videantur personales, & ad illas industria personarum requisita, ita vt per substitutos administrari non possint. Rex enim personaliter debet adesse Curiz, Comitibus, bello &c. Duces etiam, Marchiones, & Comites personaliter seruire debent exercitui, assistere Regi, Curiz, bello &c. Glossa *cap. scripsit, verb. dignitates 27. q. 2.* Tiraquell. *de nobilitat. cap. 26. num. 3.* Molina *lib. 1. de primog. cap. 13. num. 18.* Specialiter aliqui qui sustinent posse Monasteria Maioratus alios inferiores possidere id negant de istis. Auendagno iunior *L. 40. Tauri gloss. 4. num. 39. & 45.* Rodriguez *tom. 2. quest. Regul. q. 78. art. 12. §. præterea licet*, vbi inquit. Hoc autem cessat in primogenijs quæ dignitates has supremas annexas non habent, sed tantum Vassallos, & iurisdictionem, cuius iurisdictionis seruitium, & ministerium non est personale, & per substitutos potest exerceri.

9 Probabile etiam valde est prædicta Monasteria capacia etiam esse habendi Maioratus institutos fauore agnationis, familiæque conferuandæ, durante scilicet vita Religiosi, cui talis Maioratus competeat. Ratio est, quia Religiosus non perdit iura sanguinis, nec ex eo quod Religiosus est, desinit esse de genere, familia, & agnatione sua, nec perdit nobilitatem quam habebat, vt dixi *tom. 1. cap. 2. nu. 16.* ergo ratione ipsius capax erit Monasterium possidendi huiusmodi Maioratus, cum Monasterium possideat illa bona, seu iura quæ Religiosis competunt, aut cōpetere possunt, siue ante, siue post professionē. Quod intellige
pro

pro tempore quo vivit Religiosus, ita ut post illius mortem transeat Maioratus ad alium agnatum vocatum in institutione illius. Rodriguez *tom. 2. quest. Regul. q. 78 art. 12. S. neque etiam obstat*, & probabile id putat, etsi probabilius contrarium, Sanchez *lib. 7. in decalog. cap. 15. num. 19.*

10 Multo magis certum est prædicta Monasteria capacia esse habendi, aut possidendi fideicommissum (idest ius habendi aliquam hæreditatem alicui relictam eo onere ut alteri postea restitatur) ratione Religiosi ad quem spectabat, etiamsi illud relictum esset familiæ, aut agnatis. Ratio est, quia cum Religiosus familiam, & agnationem servet, ut *num. preced.* dictum est, & ex alia parte Monasteria capacia sint cuiuscumque hæreditatis Religioso competentis, absdubie ratione illius capax erit talis fideicommissi. Mantica *de coniecturat. ult. volunt. lib. 8. tit. 12. num. 25. & 27.* Sanchez *lib. 7. in decalog. cap. 15. num. 21.*

11 Sunt quoque præfata Monasteria capacia habendi Ius patronatus, quod ut dixi *cap. 11 num. 1.* non est aliud, quam potestas præsentandi instituendum ad beneficium Ecclesiasticum in Ecclesia pro eo quod eam fundavit, vel construxit, vel dotavit. Ratio est, quia nihil est in tali iure patronatus, vel exercitio ipsius quod repugnet Religiosorum domibus, vel indecens illis sit, cum ergo ex alia parte prædicta Monasteria capacia sint quorumcumque iurium, seu bonorum etiam immobilium, capacia etiam erunt huiusmodi Iuris patronatus. Et ita id supponunt Lambertinus *de lure patronat. lib. 1. par. 1. q. 8. art. 9 num. 7.* Rodriguez *tom. 2. quest. Regul. q. 122. ar. 2.* Sanchez *lib. 7. in decalog. cap. 14. num. 5.* quomodo autem in illud succedat inferius *num. 21:* dicitur.

12 Insuper præfata Monasteria capacia sunt habendi ius nominandi ad emphyteosim, quam Religiosi habebant ante professionem. Nihil enim est in hoc iure, aut exercitio ipsius quod repugnet, vel indecens sit Monasterijs, casu ergo quod Religiosi ante professionem tale ius habuissent cum post professionem nullum temporalium bonorum ius maneat in ipsis, sed totum transeat ad Monasterium, transiit etiam, & istud. Molina *tom. 2. de iust. disp. 482. vers. utrum autem Religiosus.* Sanchez *lib. 7. in decalog. cap. 14. num. 16. & 17.* Quando etiam succedat in hoc ius Monasterium dicitur *infra num. 24.*

13 Prædicta autem bona, seu iura, quibus capacia esse Monasteria Regularia, quæ immobilia possidere possunt, dictum est, tribus præsertim modis, aut aliquo ipsorum acquiri possunt à Monasterijs, videlicet donatione, emptione, & successione, ad quos

quos tres modos acquirendi reduci possunt alij. His autem modis acquirere posse Monasteria constat tum ex iure communi, & praxi Ecclesiæ, tum ex multis priuilegijs Religionum. Praxis Ecclesiæ nota est apud omnes. Ius commune habetur in *cap. nullam* 18. q. 2. de quo Suarez 3. tom. de Relig. lib. 2. cap. 26. Priuilegia quoque Religionum multa afferri possent, de quibus Casarub. in *Compend. priuileg. Mendicant. verbo Bona, verb. Eleemosyna, verb. Hæreditas, verb. Legatum, & verb. Possessiones Fratrum*. Portellus in *Dub. Regul. verbo Bona, verb. Eleemosyna, & verb. Legatum*. Excipitur ab hoc ultimo acquirendi modo qui est per successionem Religio Societatis Iesu quoad collegia, etsi enim annuos redditus, & bona stabilia possideant, nihilominus priuata sunt iure succedendi in bona suorum Religiosorum, iuxta dicta *cap. 1. num. 7*. Quod idem dico de Collegijs nostrorum PP. Discealceatorum Congregationis Hispaniæ, nequeunt enim in Fratrum hæreditatem succedere, ut ibi diximus. Prædicta ergo Collegia, quantum ad hoc punctum succedendi intelligi debent excepta. De alijs est sermo in præsentī.

14 Igitur acquirere posse prædicta Monasteria iura feudorum, seu feuda ipsa, successionē, eo quod aliquis feudum possidens ingrediatur, & profiteatur Religionem, patet, quia cum Monasteria succedant in omnia iura professi, quibus capacia sunt ipsa Monasteria, cum illa capacia sint possidendi feudum, quando seruitium per illud postulatum est tale, ut ab ipsis exhiberi possit, iuxta dicta *num. 4*. absdubie transibit etiam feudum talis professi, cum alijs ipsius bonis ad Monasterium. Confirmatur, quia Nouitius minimè amittit feudum per ingressum Religionis, sicut nec alia bona, cuius signum est, quod egrediens Religionem retinet omnia illa. Ergo quemadmodum cum proficitur Religionem in alia bona ipsius succedit Religio si est capax succedendi, sic & in feudum, ac perinde successionē acquireret Monasterium feudum. Azor. tom. 1. *instit. moral. lib. 12. cap. 8. q. 5*. Rodriguez tom. 1. *quest. Regular. q. 38. ar. 3. & tom. 2. q. 62. ar. 10. & q. 78. ar. 12. vers. Tercio probatur*. Posse etiam donatione acquiri constat ex priuilegio Celestini v. facto Congregationi Celestini-
norum, de quo Rodriguez dicto tom. 1. q. 38. ar. 3. Vbi etiam de alio simili priuilegio concessio Congregationi S. Georgij in Alga. Emptione autem posse acquiri, constat ex dictis, quæ enim successionē, & donatione acquirere possunt Monasteria, etiam emptione acquirunt, posita ipsorum capacitate.

15 Idem etiam de emphyteosi dicendum videtur, posse scilicet prædicta Monasteria bonorum immobilium capacia acquirere

D d d

illam

illam successionem, ob professionem videlicet in Religione alicuius talem emphyteosim possidentis, quando scilicet, ut dictum est *num. 5.* pensio soluenda non est indecens, aut repugnans Monasterio. Cum omnia iura, & bona professi, ut dictum est, ad Monasterium transeant. Nauarrus *comment. 2. num. 55. fin. de Regular.* Molina *to. 1. de iust. disp. 140.* Sanchez *lib. 7. in decalog. cap. 15. a num. 53.* apud quos etiam, quæ & qualis sit hæc emphyteosis, in quam Monasteria prædicta succedant. Possent etiam, illam acquirere Monasteria donatione sibi ab alijs facta, vel etiam emptione ex eo constat, quod in eo nulla apparet repugnantia, aut indecentia. quare id fieri non possit.

16 Pariter de iurisdictione temporali dicendum est, eam scilicet acquirere posse prædicta Monasteria bonorum immobilium capacia, tum successionem ratione Nouitij in Religione profutentis, tum emptione, & donatione, cum in hoc nulla sit repugnantia, aut indecentia. Maxime quia cum possint his tribus modis acquirere villas, castra, seu pagos quibus annexa est talis iurisdictione temporalis, eisdem etiam modis illam acquirunt.

17 De Maioribus autem loquendo quamuis, ut dictum est *num. 7.* prædicta Monasteria aliquos illorum habendi capacia, sint, quasi in actu primo, & in potentia, nihilominus in illos non succedunt ratione professorum in Religione. Primò, quoties à primo maioratus institutore adiecta est clausula ne in illum succedant Monachi. Talis enim conditio iusta est, & valida, cum non eò tendat, ut à statu Monachali retrahat, sed ut familia conseruetur. Conarrub. *lib. 1. variar. cap. 19. num. 10.* Molina *tom. 1. de iust. disp. 207. concl. 2. & 3. tom. disp. 623. nu. 3.* & alter Molina *de Hispan. primog. lib. 2. c. 12. n. 54.* In tali autem casu statim à die professionis possessoris maioratus deuoluitur ipse maioratus ad sequentem vocatum, non aliter, quam si possessor naturaliter mortuus fuisset. Ea enim professio æquiparatur morti naturali, quemadmodum ergo si talis possessor maioratus naturaliter moreretur deuolueretur ad sequentem vocatum, sic etiam in præsentem cum Monasterium sit exclusum. Molina *tom. 3. de iust. disp. 623. num. 2.* Sanchez *lib. 7. in decalog. cap. 15. num. 10.* Secundò, etiam si à primo institutore maioratus non sit apposita prædicta clausula exclusiua Monachorum, quoties verisimiliter præsumitur ex signis, vel conditionibus in institutione positis nullatenus voluisse prædictum institutorem, ut maioratus ad Monasteria peruenirent. Cum enim talis voluntas rationabilis sit, valida erit, sicut dictum est de voluntate expressa per clausulam excludentem. Molina *lib. 1. de primogenijs cap. 13. a num. 81. usque*

usque ad 94. Grassis 2. par. decis. lib. 3. cap. 19. num. penult. Molina Societ. Iesu tom. 3. de iust. dicta disp. 623. num. 4. Quo etiam casu iudicandus erit professus maioratus obtinens quasi naturaliter mortuus, & transibit maioratus ad alium vocatum, ut dictum est supra, propter eamdem rationem. Signa autem talis voluntatis institutoris maioratus erunt, si petat arma, & nomen suum à successoribus in maioratu observari, saltem eo modo honorifico, ac splendore, quo à Religiosis id fieri nequeat, aut non deceat. Si habens filium Monachum tempore quo instituebat maiora- tum nullam de ipso mentionem fecit, sed solum de alijs filiis, filiabus, aut consanguineis. Si petat quod successor in maiora- tu vadat personaliter cum Rege ad bellum, & similia, Sanchez lib. 7. in decalog. cap. 15. num. 23. & 26.

18 In alios autem maioratus in quorum institutione non ap- ponitur clausula expressè exclusiva Monachorum, neque sunt signa præsumptionis talis exclusionis, siue habeant, siue non ha- beant annexam iurisdictionem, dummodo non sint ex illis qui summam dignitatem, vel iurisdictionem important, de quibus supra num. 8. succedere possunt prædicta Monasteria. Ratio est, quia cum illorum capacia sint, iuxta dicta num. 7. & ex alia parte regula generalis sit ex authent. ingressi C. de Sacrosanct. Eccles. quod Monasteria in omnia professi bona, & intra succe- dant, non est cur à tali successione excludantur, maxime quia priuari Monasteria tali successione quædam pœna videatur iu- ris communis restrictiva, pœna autem irrogari nequit nisi sit in iure expressa. Quæ sententia, quoad maioratus iurisdictione carentes receptissima est apud auctores. Molina lib. 1. de pri- mogenijs cap. 13. num. 95. & alter Molina Iesuita tom. 3. de iust. disp. 623. num. 3. Quoad maioratus verò iurisdictionem habentes est probabilissima. Auendagnus iunior. L. 40. Tauri Gloss. 4. num. 39. Rodriguez latè, & doctè 2. tom. quæst. Regul. q. 78. ar. 12. ubi in fine concludit ita iudicatum esse in Senatu Pintiano in causa cuiusdam maioratus.

19 Ex quibus constat prædicta Monasteria acquirere posse successionem, & in persona professorum in aliquos, & plures ma- ioratus succedere. An verò similiter eos possint acquirere emptione, vel donatione, pendet ex cognitione naturæ dictorum maioratum, de quo alias. Cum autem capacia sint saltem ali- quorum, ut dictum est, nisi natura ipsorum maiorum repugnet, etiam emptione, vel donatione eos acquirere poterunt. Idem etiam videtur dicendum de institutione primogenij, etsi enim Religiosus particularis primogenium instituere nō possit,

quia est actus dominij, & quia is qui non potest contrahere, nec ultimam voluntatem facere, primogenium instituere non potest, ut docet Tapia *auth. ingressi verb. ideoq. nec de his. c. 1. n. 73.* Molina *to. 3. de iust. disp. 604. n. 4.* de Monasterijs autem cum capacia sint dominij, & possint contrahere, videtur posse illud instituere, saltē in iure communi naturali stando. Quamvis quia primogeniū est res prophana abstinere ab ipsius institutione debeant etiam Monasteria, nisi ex pia aliqua, & honesta causa. Molina *lib. 2. de primogen. cap. 9. num. 67.* & alter Molina Iesuita *dicta disp. 604. nu. 5. 20* Pari etiā ratione possunt prædicta Monasteria fidei cōmissa successione acquirere, cū capacia sint illa possidendi, iuxta dicta *supra num. 10.* & tenent Mantica, & Sanchez *ibid. relati.* Emptione quoque, & donatione illa etiam acquirere posse videtur, nisi obset natura, aut qualitas ipsorum.

21 De iure patronatus loquendo cum illius capacia sint prædicta Monasteria, iuxta dicta *supra num. 11.* ideo successione acquiri potest ab ipsis, sicut, & alia professi iura, ut Lambertinus, Rodriguez, & Sanchez *ibid. relati* docent. Intelligendum autem hoc erit de iure patron. seu præsentandi, quod iure singulari, aut personali pertinebat ad professum, si enim illud competeat ipsi non iure singulari, aut personali, sed quatenus erat in sæculo pars alicuius communitatis, vel Collegij, cum ratione professionis destinat esse talis pars, non transiet ad Monasterium. Glossa in *cap. beneficium verbo conferendum in additionibus de Regul. in 6.* Sanchez *lib. 7. in decalog. cap. 14. num. 1.* Similiter acquireretur Monasterio ius patronatus quod acquireret Monachus iam professus fundans, construens, vel dotans Ecclesiam. Cum quidquid Monachus acquirit Monasterio acquirat. Lambertinus *de iure patron. lib. 1. par. 1. q. 8. art. 9. num. 7.* Addit Sanchez ut *supra num. 4.* id esse quando Monachus ex legitima licentia fundaret, construeret, vel dotaret Ecclesiam. Verumtamen etiam si non adsit talis licentia, sed demus, quod Monachus sine illa illegitimè, vel peccaminosè contra votum obedientiæ, vel paupertatis fundaret, construeret, vel dotaret talem Ecclesiam, adhuc ius patron. quod acquisiverat transit ad Monasterium, iuxta dicta *tom. 1. cap. 6. num. 40.* Præterea acquirere possunt successione prædicta Monasteria ius patronatus quod est annexum aliquibus bonis professi in quæ succedunt ipsa Monasteria. Cum enim accessorium sequatur naturam principalis, si Monasterium succedit in bona professi, succedet etiā in ius patronatus illis annexū. Rodriguez *l. 2. q. Reg. q. 122. ar. 2.*

22 Acquirere etiā possunt prædicta Monasteria ius patronatus dona-

donatione, seu translatione facta ab eo qui illud habebat, & erat patronus cum facultate donandi. Cum enim illius habendi capacia sint, iuxta dicta supra num. 11. non est aliqua ratio quare ipsis donari non possit, modo tamen assignato cap. 11. num. 10. Non tamen possunt acquirere illud emptione cum sit inuendibile, & materia simoniæ, iuxta dicta eodem cap. 11. num. 7.

23 Quando ius patronatus competit Monasterio solum ratione personæ Religiosi in ipso professi, ita ut illud sit annexum personæ, sequitur ipsam, ita ut post mortem ipsius expiret ius patronatus, & ipso translato ad aliud Monasterium transeat idem, ius cum illo, si autem est annexum bonis, durat quantum durant illa bona. Quorum ratio est, quia accessorium, & annexum alicui sequitur ipsum. Rodriguez tom. 2. quæst. Regular. q. 122. art. 2. Sanchez lib. 7. in decalog. cap. 14. num. 6. Ad quem autem pertineat ius præsentandi quando ius patronatus transit ad Monasterium ratione personæ Religiosæ, an scilicet ad illum, an verò ad Monasterium dictum est cap. 11. nu. 11. 15. & 16.

24 Succedent etiam prædicta Monasteria in ius nominandi ad emphyteosim competens professionem emittenti, iuxta dicta supra num. 12. quod intellige nisi tale ius sit personale, vel ex coniecturis eliciatur electam esse industriam personæ. Emptione etiam, & donatione etiam acquiri potest à prædictis Monasterijs, cum in hoc nulla sit repugnantia, vel indecentia.

25 Succedent insuper prædicta Monasteria in legitimam debitam professi, cum succedant in omnia iura ipsius. Sed hic notandum nequaquam patre superstite deberi legitimam filio professi, eo quod viuentis nulla sit hæreditas L. qui superstitis ff. de acquir. hered. & L. 1. §. si impuberi ff. de collat. bonor. & tradunt Decius, Felinus, & alij quos refert Tapia authent. ingressi verb. sua cap. 4. num. 10. quod videtur limitandum nisi pater vergeret ad inopiam dissipando bona sua, aut in casu quo filius existens in sæculo posset à patre postulare legitimam. His enim casibus etiam Monasterium posset petere legitimam filij viuentis patre, cum ius filij translatum sit in Monasterium. Tapia ibid. num. 11. Sanchez lib. 7. in decalog. cap. 10. num. ult.

26 Præterea succedent in iura suitatis, & agnationis, iura sanguinis, & cognationis, qualitates, & prærogatiuas professi, quatenus, & eo modo quo ipsi, & Monasterijs ipsis competere possunt. Constat ex L. fin. C. de Episc. & Clericis, constabit etiam ex infra dicendis. Mantica de Coniectur. ultim. volunt. lib. 8. tit. 12. num. 25. Molina lib. 1. de primog. cap. 13. num. 47.

27 Transcunt etiam ad prædicta Monasteria bona illa quæ habe-

habebat professus in seculo cum pacto non alienandi, nisi per tale pactum exprimeretur hæc transactio. Quia si talis expressio non habetur, nomine alienationis solum videtur importari alienatio voluntaria, non illa quæ per legem inducitur, qualis est de qua in præsentia. Molina *lib. 1. de primog. cap. 13. num. 77. Tapia authent. ingressi verb. sua cap. 12. nu. 38.*

28 Transcunt præterea ad dicta Monasteria bona illa quæ habebat aliquis grauatus eo onere, ut si moreretur absque filiis transfirent ad aliquem tertium, & ipsis nullis filiis relictis Monasterium ingreditur. Ratio est, quia ita deciditur in *auth. de sanctijs. Episcop. 9. sed & hoc præsentia*, quæ approbatur *cap. in præsentia de probat.* & communis Foriticum consensu. Cuius etiam decisionis ratio est, quia vel Monasterium habetur loco filij, ut tradunt post alios Molina *lib. 2. de primog. cap. 9. num. 4. Lessius 2. de iust. cap. 41. dub. 10. num. 84.* vel quod ea conditio si absque liberis decesserit videatur turpis, ut pote auertens à Religioso statu, ac per consequens habeatur pro non adiecta, ut habent etiam Angelus *ver. baref. num. 21. & ibid.* Tabiena *q. 16. num. 17. Armilla verb. baref. num. 22.* vel quia ita præsumitur voluntas testatoris, aut relinquentis talia bona, ut volunt Molina *tom. 1. de iust. disp. 190. vers. quando quis*, Sanchez *lib. 7. in decalog. cap. 16. nu. 8.* Addo oppositum esse dicendum in casu quo constaret expressè de voluntate testatoris, aut relinquentis talia bona. Sanchez *ibid. num. 12.*

29 Item transit ad prædicta Monasteria vsus fructus quem habebat ille qui professionem emisit in illis. Cum enim in *auth. ingressi C. de sacros. Eccles.* decidatur omnia bona, iura & actiones Monachi transfire in Monasterium, nec ibi, aut alibi excipia- tur vsus fructus, idem de illo dici debet. Siluester *verbo Religio 6. q. 1. dicto 2. & verbo baref. num. 1. q. 7. & verbo Religio nu. 21.* Nauarrus *Comment. 2. num. 38. de Regular.* Grassus *2. p. decis. lib. 3. cap. 19. num. 43.* Quod etiam videtur verum de patris vsu fructu in filij bona aduentitia, quando talis pater professionem emittit, cum nulla sufficiens ratio discriminis inter hunc, & alios vsus fructus assignari possit. Molina *tom. 1. de iust. disp. 9. ad finem, & disp. 140. columna 4.* Lessius *2. de iust. cap. 41. dub. 10. nu. 83.*

30 Transire etiam videtur ad prædicta Monasteria præcarium quod erat illius qui Religiosus effectus est, cum sit eadem ratio de hoc ac de alijs iuribus. Sanchez *lib. 7. in decalog. c. 15. num. 60.* Nota autem præcarium esse ius habendi aliquam rem solum pro tempore quo is qui eam concessit voluerit. De quo Azor. *tom. 3. lib. 7. Bonacina de contract. q. 14.*

Deni-

31 Denique generaliter loquendo prædicta Monasteria succedent in omnia Religiosi bona de quibus ipse ante professionem legitime non disposuerat, siue ab ipso quomodolibet ante, vel post professionem acquisita sunt, iuxta dicta ex illa generali regula. Quidquid Monachus acquirit Monasterio acquirit *tom. 1. cap. 6. num. 40.* Constat quoque hoc ex *§. Si qua mulier auth. de sanctis Episcop.* & *§. Illud quoque auth. de Monachis,* & *auth. si qua mulier.* & *auth. Ingressi C. de sacrosanct. Eccles.* & *c. Si qua mulier,* & *cap. quia ingredientibus 19. q. 3.* Nauarrus *Comment. 2. de Regular. num. 55.* Sanchez *lib. 7. in decalog. cap. 12. nu. 4.* Vnde in his, in quæ ex professi persona succedunt, illis actionibus agere possunt quæ professio ante ingressum competenter. Si quidem in omnia eius iura succedunt. Silvester *verb. Relig. 6. q. 2.* Angelus in *summa verb. Relig. num. 59.*

32 Potest tamen contraria consuetudine legitime præscripta derogari huic iuri succedendi prædicta Monasteria in bona suorum professorum, sicut derogatum dicitur apud Gallos, ita ut ipsorum bona pertineant ad consanguineos propinquiores. Ratio est, quia hoc ius succedendi, etsi satis conforme sit iuri naturæ, cum ratio postulet, ut qui se dicat Deo, omnia etiam sua ipsi etiam dedicer, nihilominus solo iure humano, ut patet ex locis citatis *num. præced.* introductum est, iuri autem humano consuetudo legitime præscripta derogare potest. Couarrub. *de pactis p. 3. §. 2. num. 4. ad fin.* & *cap. 1. sine de testam. Azor. to. 1. instit. moral. lib. 12. cap. 8. q. 1.*

33 Quamuis autem iure Pontificio abrogari possit tale ius succedendi in bona professorum causa rationabili subsistente, cum Pontifex dominus sit, vel supremus administrator bonorum Ecclesiæ, iure tamen civili id fieri non potest, quia cum Principes temporales, à quibus dimanat ius civile non habeant iurisdictionem in Ecclesiasticas personas, aut bona ipsarum, neque etiam habent potestatem ad auferendum id quod ab Ecclesia Monasterijs est concessum. Couarrub. *de pactis 3. p. §. 2. nu. 4. vers. Illud sane.* Rodriguez *tom. 2. quæst. Regul. q. 77. ar. 2.* Sanchez *lib. 7. in decalog. cap. 12. n. 18.* plures alios referens, & impugnans oppositum sentientes.

34 Non tamen succedunt prædicta Monasteria in beneficia Nonitij qui in illis emisit professionem. Vacant enim talia beneficia per professionem, ut habetur ex *cap. Beneficium de Regul. in sexto*, ut dictum est *tom. 1. cap. 2. num. 17.* nec in pensiones, propter eandem rationem. Gygas *de pensionib. q. 5. num. 6.* Sanchez *lib. 7. in decalog. cap. 4. n. 13.* Vide dicta *hoc 2. to. cap. 2. nu. 21.*

Nec

35 Nec etiam succedent prædicta Monasteria in bona professi quando ipse tempore Nouitatus modo assignato *tom. 1. cap. 24. num. 32.* vel alio modo ante ingressum in Religionem, renunciauit hæreditati suæ, aut bonis quæ ad ipsum pertinebant. Eo enim ipso quod talem renunciationem legitimè fecit nullum ius remanet in ipso ad prædicta bona, ac per consequens nec Monasteria in illa succedent. Quia tamen adhuc facta renunciatione hæreditatis remanet in renunciante ius ad aliqua alia bona, ideo in ipsa succedet Monasterium. Quæ autem sint hæc bona non compræhensa in renunciatione hæreditatis, tractant Azorius *tom. 2. instit. moral. lib. 2. cap. 28. q. 8.* Molina *tom. 3. de iust. disp. 579.* Rodriguez *to. 2. quæst. Regular. q. 78. ar. ult.* Sanchez *lib. 7. in decalog. cap. 7.*

36 Nec etiam succedent prædicta Monasteria in illa bona Nouitij professionem emittentis quæ sunt legitima filiorum quos habet in sæculo. Prædicta enim bona non spectant ad ipsum professum, sed ad filios ipsius, ac per consequens, nec ad Monasterium, quod solum succedit in iura professi. A quo autem tempore debeatur dicta legitima filijs, an scilicet à tempore professionis patris, an solum post mortem ipsius? Probabilius est, statim ac parens profitetur deberi. Talis enim professio est quædam mors civilis ipsius, & ratione illius fictione iuris definit esse in rerum natura. Siluester *verbo hæreditas 1. q. 7. num. 10. dicto 6. & verb. Religio 6. q. 1. dicto 1.* Angelus *in summa verb. Religiosus num. 49. & verb. hæreditas num. 22.* Nauarrus *comment. 2. nu. 48. & 54. de Regularib.* Quod etiam verum habet in filijs illegitimis in regnis in quibus succedunt in bona parentum. Azor. *tom. 1. instit. moral. lib. 12. cap. 8. q. 7.* Molina *tom. 1. de iust. disp. 140. vers. à regula illa.* Tempore etiam quo illa bona possidentur à Monasterio tenetur ministrare alimenta filijs illius professi, quando scilicet pater eos teneretur alere, quia succedit Monasterium in onera bonorum illius professi, & talia bona sunt adstricta huic oneri. Sanchez *lib. 7. in decalog. cap. 10. nu. 8.* Pro quota autem bonorum parentis professi assignanda filijs in alimenta, vide Siluestrum, & Angelum *ut supra.*

37 Pariter nec succedent in ea bona professi quæ sunt legitima patris ipsius, propter eandem rationem, quia scilicet talia bona non ad filium professum, sed ad patrem spectant.

38 Debentur etiam ea bona à tempore professionis filij sicut dictum est supra de professione patris, propter eandem rationem. Tapia *authent. ingressi verb. sua cap. 4. fin. C. de sacrosanct. Eccles.* Azor. *tom. 1. instit. moral. lib. 12. cap. 8. q. 8.* Interim

tamen

tamen tenebitur Monasterium alimenta patri præbere, sicut etiam dictum est supra de filiis, cum eadem sit ratio. Sanchez *lib. 7. in decalog. cap. 10. num. 11.*

39 Nec etiam succedent ante mortem patris in hæreditatem quæ contingere poterat filio professio post eiusdem patris mortem. Quia cum ius succedendi non competat alicui nisi post obitum eius cui succedendum est, professus nequit hoc ius in Monasterium transferre ante obitum illius cui succedit. Glossa *final. c. unico 18. q. 1. Felinus c. in presentia nu. 56. de probat.*

40 Similiter nec succedent propter professionem Religiosi in bona relicta illi substitutis alijs post ipsum. Ratio est, quia cum in hac institutione non claudatur conditio *si absque liberis decesserit*, non militat in illa dispositio *cap. in presentia de probat. & s. sed & hoc presenti authent. de sanctis Episcop. de qua supra n. 28.* quæ loquitur existente huiusmodi conditione. Talia ergo bona non venient ad Monasterium nisi solum pro tempore vitæ talis professi, & post illam ad substitutos. Molina *tom. 1. de iust. disp. 190. colum. penult. Sanchez lib. 7. in decalog. cap. 16. à nu. 80. & 82.*

41 Item nec succedent in vsum fructum quem habet pater in bonis aduentitijs filij, filio professionem emittente. Quia professio facta à filio iuri patris quod antea habebat derogare non potest, nec patri adimere ius quod in filij bonis acquisierat. Silvester *verb. Religio 6. q. 1. dicto 5. Azor. to. 1. insit. moral. lib. 12. c. 8. §. Tertio queritur & to. 2. lib. 2. cap. 22. §. Quinto queritur.*

42 Præterea nec videntur succedere posse in ius petendæ renovationis emphyteosis, nec in ius retractus sanguinis quæ habebat ille, qui in Religionem ingressus est. Videtur enim cessare rationem horum iurium quæ est ne res illa à proprio sanguine, seu genere alienetur, cum ille professus non iam sibi, sed Monasterio acquirat, & Monasterium non sit de genere, aut familia illius. Sanchez post alios *lib. 7. in decalog. cap. 14. num. 24. 26. & 27.*

43 Qualiter etiam non succedant Monasteria in bona Religiosi, qui etsi valide professus est, tamen id fuit propter fraudem, dolum, & cupiditatem Prælati ad illa inhiantis, dictum est *tom. 1. cap. 2. num. 19.*

44 Acquirere etiam possunt prædicta Monasteria bonorum immobilium capacia bona temporalia iure hæreditario, seu ut hæredes, si tales ex testamento instituantur Religiosi ipsorum. Ita enim colligitur ex *L. fin. §. hoc etiam C. de Episcop. & Cleric. vbi* decernitur quoslibet tales Religiosos esse successionis hæreditariæ capaces. Et ratio est, quia id non repugnat voto

Ecc

pauper-

pauertatis, cum ipsi Religiosi non sibi, sed Monasterijs acqui-
rant, quæ tamen, vt dictum est in hoc cap. num. 1. illa possunt pos-
sidere. Nauarrus *Comment. 2. num. 43. de Regul.* Molina *tom. 1. de*
iust. disp. 140. Colum. 8. vers. non solum bona, & disp. 154. post prin-
cipium. Extenditur etiam hoc ad Collegia Societatis Iesu, &
ad domos professas, etsi enim prædicta Collegia in suorum bona
non succedant, vt dictum est supra num. 13. possunt tamen in-
stitui hæredes, similiter, licet domus professæ immobilia posside-
re non possint, vt dictum est cap. 1. num. 7. hæredes quoque pos-
sunt institui, siue bonorum mobilium, siue stabilium, non vt ista
retineant, sed vt vendant. Molina *to. 1. de iust. disp. 195. vers. &*
regula propostita. Sanchez *lib. 7. in decalog. cap. 27. num. 1. & 15.*
Non tamen extenditur ad Minores de obseruantia, & Capuc-
cinos, quia hoc est illis expressè prohibitum ab Ecclesia in
cap. *exijt de verbor. significationib. in 6. Rodriguez tom. 2. quæst.*
Regul. q. 78. ar. 1. Sorbus in Comp. priuil. Mendic. verb. hereditas.
Vide dicta *tom. 1. cap. 6 num. 45.*

45 Capacia etiam sunt prædicta Monasteria, quæ immobilia
possident legatis. Quippe certa res est ijs omnibus posse lega-
ri, qui possunt hæredes institui, vt expressè habetur *Inst. de lega-*
tis §. legari, & L. Regia tit. 9. par. 6. prædicta autem Monasteria,
vt visum est, hæredes possunt institui. Extenditur hoc ad Mino-
res de obseruantia, & Capuccinos, etenim etsi illi, illorumque
Monasteria hæredes institui nequeant, legari tamen illis potest.
cap. exijt. de verbor. significat. in 6. Et ratio est, quia legatum est
quædam donatio à defuncto relicta ab hærede præstanda §. *le-*
gatum instit. de legat. & L. regia 1. tit. 9. par. 6. at prædicti Patres;
eorumque Cœnobita capacia sunt, vt sibi donetur, ergo, & quod
sibi legetur. Rodriguez *tom. 2. quæst. Regul. q. 125. ar. 6. Sorbus*
in Compend. priuil. Mendic. verb. legata, Portellus in Dub. Regul.
verb. legatum. Extenditur etiam ad domos professas Societatis
Iesu, etenim etiam illæ legata recipere possunt, sicut & institui
hæredes, vt num. *præced.* dictum est, esto bonorum immobilium
capaces non sint, vt ibidem etiam dictum.

46 Legata relicta particularibus Religiosis transeunt ad Mo-
nasterium, cum ipsi acquirant quidquid acquirunt, iuxta dicta
tom. 1. cap. 6. num. 4. Vbi etiam num. 36. quid dicendum sit de le-
gato relicto Religioso ea conditione, vt ad ipsum, non autem
ad Conuentum spectet, maximè si testator vterius procedat
dicendo se velle, vt dominium illius rei pertineat ad Religio-
sum, & quod si secus fiat pertineat ab extraneum. Vide ibi dicta.

47 Legata relicta Monasterijs ad certum vsum v. g. pro indu-
mentis

mentis Fratrum posse conuerti à Prælatiſ in aliud yſum, v. g. panem, & vinum emendum, tenent Rodriguez tom. 2. *quaest. Regul. q. 125. ar. 9.* & Peirinis tom. 1. *privileg. Minim. in Constit. II. Iulij II. §. 26. num. 74.* Sed tu vide dicta tom. 1. cap. 18. num. 94. Neque enim iure communi id fieri potest, solus enim Papa potest ultimam testatoris voluntatem alterare. Rodriguez *ibid.* Nec de hoc video solidum aliquod privilegium, quæ enim ibi adducuntur à Rodriguez, & Peirinis sunt viuz vocis oracula, quæ hoc tempore nihil valent, vt sæpè dixi. Privilegium autem Iulij II. quod ibi affert Peirinis satis obscurum est, & limitatum. Sunt tamen docti aliqui qui putant legatam relictum pro indumento Fratrum posse conuerti in cibos ipsorum, etiam stando in iure communi. Iſt tamen non assentior, propter dicta, nisi in casu talis necessitatis in qua prudenter existimari possit voluntatem testatoris eam fuisse.

48 Applicari etiam possunt Monasterijs egenis Regularium bona inuenta quorum dominus facta sufficienti diligentia pro ipso inueniendo ignoratur. Cum enim talia bona restitui debeant pauperibus (Lessius lib. 2. *de iust. cap. 14. num. 49.* Molina tom. 3. *disp. 746.*) non est cur excludantur Monasteria egena necessarijs carentia. Bonacina *de contract. disp. 1. q. 3. punct. 4. n. 5.* post alios. Si autem lege, vel consuetudine introductum, vt inuenta, cuius, facta sufficienti diligentia, ignoratur dominus, alicui pio operi applicentur, ita est faciendum. In Hispaniarum vero Regnis applicata sunt aliqua ex huiusmodi inuentis Religionibus SS. Trinitatis, & S. Mariz de Mercede, Pontificia, & Regia auctoritate, ita scilicet vt habeant ius illa petendi, ac propterea si alij operi pio non sint applicata ab inuentoribus, sed maneant in propria specie, teneantur reddi petentibus, cum illis sint applicata. Rodriguez tom. 1. *quaest. Regul. q. 38. ar. 4.* Extat etiam concessio Clem. 1v. pro Minoribus, quod scilicet cum aliqui assumentium habitum ipsorum fuerint obligati ad restitutionem aliquorum bonorum diuersis personis, quæ sciri, & inueniri non possunt, Ministri, & Custodes, & eorum Vicarii, eorumque singuli in locis sibi commissis possint bona huiusmodi in pios vsus conuertere, prout secundum Deum viderint expedire. Rodriguez *vt supra.* Casarnubius in *Compend. privilegior. Mendicant. verbo bona num. 4.* Similis etiam concessio extat Sixti 1v. pro Carmelitis, qua Generali, Prouinciali, & Prioribus localibus concedit quod prædicta bona Ordinem ingredientium possint in pios vsus conuertere. Corduba in *Annotationib. ad Compend. privileg. Mendicant.* Circa concessionem autem

Clem. iv. (& idem est de concessione Sixti iv.) aduertit Rodriguez vt supra solum pro Minoribus qui de rebus intrantium in Religione nihil accipere possunt deferuire, non pro alijs Religionibus, quia secundum ius commune id fieri potest. Verumtamen etiam pro alijs Religionibus, Carmelitarum scilicet, & eorum qui cum ipsis in priuilegijs communicant, deferuit, nam licet iure communi prædicta bona inuenta, & incerti domini applicari possint pauperibus, ac per consequens Monasterijs egenis, & necessarijs carentibus, vt dictum est, non tamen diuitibus, & in nullo egentibus (si talia fuerint aliqua Monasteria) pro istis ergo dici potest deferuire talem concessionem. Licet hoc solum sub dubio dictum sit, & sub doctiorum censura.

49 Idem dicendum de alijs bonis incertis malè adquisitis ex contractu, furto, aut alia defraudatione, quorum facta diligenti inquisitione ignoratur dominus, posse scilicet applicari Monasterijs egenis Regularium. Tum quia possunt applicari pauperibus, vt habent Lessius *lib. 2. de inst. cap. 14. dub. 6.* Bonacina *de Contractib. disp. 1. q. 3. punct. 4. num. 8. & 9.* Tum ex priuilegio Alexand. iv. pro Minoribus, quo tam ipsi quam alij qui cum ipsis communicationem priuilegiorum habent participare possunt. Concessit autem illis vt de male adquisitis, & incertis relictis possint recipere quæcumque eis data fuerint. Casarub. in *Compend. priuileg. Mendicant. verbo Bona num. 2.* Rodriguez *tom. 1. quest. Regul. q. 38. ar. 1.* Portellus in *dub. Regul. verb. Bona num. 3.*

50 Applicari etiam possunt bona Monasteriorum Monialium destitutorum Monasterijs Fratrum aliquarum Religionum, & earum quæ cum ipsis communicationem priuilegiorum habent. Etenim Carmelitis nostris id concessit Sixtus iv. in Mari magno verbis allatis *tom. 1. cap. 2. §. num. 48.* & quoad Monasteria S. Claræ Minoribus fere similia, quod idem dicitur haberi in Mari magno Prædicatorum, & Augustinianorum. Additur tamen in prædicta concessione pro Carmelitis, & Minoribus. *Prouiso tamen quod eorum* (scilicet Monasteriorum prædictorum Monialium) *Ecclesia, & Oratoria ad prophanos usus non redigantur, sed in illis quandoque diuina officia celebrentur.* Quæ clausula conformis est Sacris Canonibus. Nam 19. q. 3. *cap. quæ semel* Monasteria nunquam possint fieri secularia habitacula, & res quæ ad ea pertinent reservari debeant. Casarub. in *Compend. priuileg. Mendicant. verb. Bona num. 7.* Rodriguez *tom. 1. quest. Regul. q. 38. ar. 6.*

51 In Contra damnificantes, seu occupantes bona Regularium varijs

varijs pœnis Summi Pontifices procedunt. Primò enim Eugenius IV. concessit Congregationi Montis Oliueti quod quæcumque persona *bona mobilia, seu immobilia, possessiones, domos, molendina, aquas, piscaria, iura, iurisdictiones, & alia quacumque ad præfatam Congregationem, & illius Monasteria pertinentia, perturbare, vel fatigare præsumpserit, nisi infra tres dies postquam huius indulti certior facta fuerit se correxerit, aut debitam cautionem de restituendo, & satisfaciendo non præstiterit, excommunicationis sententiam ipso facto incurrat, à qua nisi à Summo Pontifice, aut in mortis articulo beneficium absolutionis nequit obtinere.* Compend. Societ. & Cisterciens. Rodriguez tom. I. *quest. Regular. q. 38. art. 7.* Portellus in *dub. Regul. verb. Bona num. 1.* Item Iulius II. familia concedens præcepit omnibus Christi fidelibus, ut nemo ipsorum, bona Ordinis S. Augustini occupare, seu damnificare auderet, quod tam de attinentibus ad personas Fratrum quam de pertinentibus ad loca, seu Conuentus, & possessiones eorundem intelligi voluit, & quod si contrarium facientes admoniti à Fratribus prædicti Ordinis non restituerent omnia integrè, aut vexare destiterint infra tridui spatium, excommunicationis sententiam incurrant, à qua non nisi per Summum Pontificem absolui possint. Casarub. in *Comp. priuil. Mend. verb. Bona nu. 10.* Rodriguez *ut supra.*

52 Iuxta primariam institutionem Religionum, tota administratio bonorum Monasterij erat apud Abbatem, seu Superiorem, ut colligitur ex *cap. Nullam 18. q. 2.* Cum enim illa non posset commodè per totam communitatem exerceri congruens fuit alicui committi, & maxime Prælato, ut debitus ordo, & perfecta obedientia in omnibus seruaretur. Suarez 4. tom. de *Relig. tract. 8. lib. 2. cap. 26.* Nauarrus *Comment. 3. de Regularib. num. 5. & 6.* Quod intelligitur tam quoad acquisitionem, seu receptionem, quam quoad conseruationem, seu alienationem. Suarez *ibid.* Nunc aurem attendendum est ad leges, vel Constitutiones Religionum, vel consuetudines rationabiles in ipsis receptas, quibus limitatur, vel declaratur dicta auctoritas Superiorum Monasteriorum. Vide dicta tom. I. *cap. 18. num. 13.* Et nota administratores bonorum Monasteriorum non teneri reddere rationem Ordinarijs. Ex declarat. S. Congregat. apud Barbosam in *Collect. Bullar. verb. Administratores.* Posse etiam amoueri ad nutum Superiorum, tum ex Conc. Trident. *sess. 25. cap. 2.* tum ex alia declaratione apud eundem Barbosam *verbo officiales.*

53 Administratio autem prædictorum bonorum Monasterij

urq

tres præcipue actus includit, scilicet receptionem, conseruationem, & alienationem. Sub prima comprehenditur omnis modus acquisitionis prædictorum bonorum. Sub secunda, omnis actio quæ pertinet ad gubernationem, beneficentiam, augmentum, custodiam, & vsum talium bonorum. Sub tertia autem omnis consumptio, distractio, seu alienatio. Suarez 4. tom. de Relig. tract. 8. lib. 2. cap. 26. num. 1. De prima dictum est in toto hoc capite, vbi de iis quæ Monasteria acquirere possunt manet discussum. De secunda etiam consequenter est dictum, nam ea quæ possunt acquiri, seu possideri, consequenter possunt conseruari, gubernari, custodiri, &c. Solum ergo restat aliquid dicendum de tertia.

34 Et primo loquendo de bonorum mobilium alienatione, dicendum generaliter posse prædicta Monasteria, vel ipsorum Superiores iuxta varias Religionum leges, vel cōsuetudines de illis disponere, alienando, distrahendo, consumendo, vendendo fideliter tamen, & in vtilitatem Monasterij. Ita enim colligitur ex cap. nullam 18. q. 2. & ex ratione ipsa, qua constat, bonum regimen Monasterij tam in spiritualibus, quam temporalibus consistere non posse sine huiusmodi facultate. Suarez 4. to. de Relig. tract. 8. lib. 2. cap. 26. à num. 8. Est autem hic solum sermo de bonorum mobilium non prætorum alienatione, quia mobilia prætoria sunt quasi immobilia quantum ad alienationem, & de illis postea. Quaranta in Summ. Bullar. verb. alienatio num. 24. Barbosa de offic. & potest. Episcop. allegat. 95. num. 39. Rursus sermo est, stando in iure communi, nam propter Constitutionem Clement. viii. de largitione munerum 3. tom. Bullar. inter Constitutiones ipsius num. 28. valde stricta, & coarctata est huiusmodi facultas quantum ad dandum, vel donandum aliquæ, vt patet illis verbis. Regularibus personis vtriuslibet sexus omnem, & quamcumq. largitionem, & missionem munerum penitus interdiximus. Sub qua prohibitionem comprehendimus omnia, & singula Capitula, Conuentus, & Congregationes tam singulorum, Conuentualium, Monasteriorum, Prioratum, Præpositurarum, Præceptoriarum, Domorum, & locorum, quam Prouincialia, aut Generalia cuiuslibet Prouincie siue vniuersi Ordinis, Societatis, aut institutionumque velleorum Camerarios, Commissarios, & quoscumq. Officiales, & singulares personas, ipsos etiam Ordinum, Congregationum, & Societatum huiusmodi Superiores quascumque dignitates obtinentes, etiam Generales, & Prouinciales, Magistros, Ministros, & quocumque nomine Præfatos, necnon Conuentuum, Monasteriorum, Prioratum, Præpositurarum, Præceptoriarum, Domorum, et loco-

locorum quorumcumque Abbates, Priores, Præpositos, Præceptores, etiam maiores; Guardianos, Ministros, Rectores, atque Abbatissas, Priorissas, & alio quouis titulo Præsidentes tam ipsis Regularibus, quam laicorum Ordinarijs, seu quibusvis Superioribus subiectas utriuslibet sexus ad vitam, vel ad tempus deputatos. Adeo ut nemo unquam eorum, vel earum directè, vel indirectè, palam, vel occultè, tam communi quam particulari, & proprio nomine, etiam sub quouis statuti, vel consuetudinis, seu verius corruptela, aut alio prætextu, vel quacumque causa, nisi in Generali Capitulo, aut alia Generali Congregatione re maturè discussa unanimi consensu omnium, Superiorumque permissu causa approbata fuerit quicquam tale attentare valeat. Id autem ita absolutè, & generatim vetitum intelligatur, ut nequam omnino fas sit, quicquam donare tam ex fructibus, redditibus, & proventibus, collectis, vel contributionibus, aut oblationibus, siue elemosynis, aut subsidijs certis, vel incertis, ordinarijs, seu extraordinarijs, mensæ, seu massæ communis, vel cuiusvis fabricæ, & Sacristiæ, quorum bona communiter, ut præfertur, administrantur, seu quæ rationibus reddendis sunt obnoxia, quam ex pecunijs etiam quæ à singulis quouis modo acquisite in commune conferendæ omnino sunt. Nec si per viam voluntaria contributionis in commune congerantur. Nec si forsan priuatim, & nominatim cuiuslibet Religioso à suis Superioribus, vel à proprijs affinibus, propinquis familiaribus, amicis, aut beneuolis, vel à pijs Christi fidelibus etiam elemosyna, aut charitatis, & illius propria persona intuitu attributa, seu quoquo modo per quemlibet Religiosum suo Monasterio, domui, aut loco acquisita, eique ut ad libitum de eis disponat per Superiores concessa fuerint, præterquam leuiora esculenta, aut poculenta, aut ad deuotionem, vel Religionem pertinentia munuscula, communi tantum, nunquam verò particulari nomine (ubi Superiori de consensu Conuentus videbitur) tradenda, sed & huiusmodi missiones munerum ipsis Religiosis utriuslibet sexus, non solum per se, verum etiam per alios tam directè quam indirectè prohibitas declaramus. Quia tamen hæc Constitutio in aliquibus locis non satis usu recepta est, vel ad minus non eo rigore quo verba ipsius sonant, ideo ab illius expositione supersedendum duxi. Illam verò exponunt Sossa in speciali Tractatu de hac re. Sorbus in Compend. priuileg. Mendicant. verb. dare. Bonacina in speciali etiam tractatu de hac re. Diana in tract. 6. de pauper. Religiosa, & alij.

55 Circa alienationem autem bonorum immobilium, & mobilium prætorum Monasteriorum, de quibus diximus tom. 1. cap. 10. à num. 1. non posse fieri à Regularibus quantumvis priuilegiatis sine licentia S. Congregationis Concilij, exceptis casibus

casibus à iure permisis, quia res est multis, & quotidianis difficultatibus implicata, aliqua ulterius animaduertenda sunt. Primò ergo notandum prohibitionem de rebus Ecclesiæ non alienandis, de qua in præsentì, comprehendere etiam domus professas Societatis Iesu, prout declaratum dicitur à S. Congreg. Concilij. Barbofa in *Collectan. Bullar. verbo Domus*. Secundò notandum nomine alienationis in præsentì intelligi actum, quo dominium rei directum, aut indirectum, utile, usus fructus, possessio, aut ius in alterum transfertur, vel abdicatur. Rodrig. 10. 1. q. Regul. q. 27. ar. 1. Bonacina tract. de alienat. bonor. Eccles. q. unica punct. 2. n. 1. Vnde non solum donatio, aut venditio, seu alius quilibet contractus gratuitus, aut onerosus quo rei dominium in alterum transfertur, prohibita sunt dictis Regularibus sine prædicta licentia, sed etiam omnis alius contractus, ubi transfertur dominium utile, retento directo. Quaranta in *Summ. Bullar. verb. alienatio num. 15. & 16.* Prohibita etiam est pignoriatio, ut dixi dicto cap. 10. num. 4. Locatio, seu conductio ultra triennium, modo ibi designato. Impositio census siue vitalitij, aut acceptio pecuniarum ad cambium cum solutione, lucri cessantis, vel damni emergentis, ut dicto cap. num. 3. dictum est. Prohibetur etiam hypotheca, tum quia expresse ponitur inter contractus prohibitos tam in Extravaganti *Ambitiosa*, quam in decreto S. Congregationis, tum quia qui non potest alienare, nec etiam potest hypothecare. Barbofa de officio, & potest. Episcopi Allegat. 19. num. 85. Quod tamen intelligo de hypotheca speciali, quando scilicet aliqua res in speciali hypothecaretur, non de hypotheca generali quando omnia bona subiiciuntur hypothecæ. Molina de Contractibus disp. 466. nu. 2. Layman, in Theolog. morali lib. 3. tract. 4. cap. 10. num. 2. Licet alij etiam ad hypothecam generalem hoc extendant. Quaranta ut supra num. 17. Similiter concessio in feudum, vel emphyteusim nisi concurrentibus tribus conditionibus simul, scilicet in casibus à iure permisis, de bonis solitis ab antiquo concedi in emphyteusim, ac cum evidenti Ecclesiæ utilitate. Quaranta ut supra num. 39. Barbofa de officio, & potest. Episcopi. ut supra num. 22. Item alienatio rei sterilis, seu domus ex qua nihil utilitatis percipitur, quia adhuc illa est res immobilis. Bonacina ut supra num. 9. Quaranta num. 37. Declaratum etiam dicitur à S. Congregat. Episcop. & Regular. non convenire Regularibus stabilia vendere pro fabrica Monasterij, vel ad effectum emendi census. Barbofa in *Collectan. Bullar. verbo stabilia*. Item alienari non possunt sine prædicta licentia bona mobilia pretiosa, ut dictum est.

est dicto cap. 10. num. 4. illa scilicet quæ seruando seruari possunt, vt colligitur ex prædicta Extrauag. *Ambitiosa*. Couarrub. 2. *variar. cap. 17. nu. 2.* Bonacina de *Contractib. disp. 3. q. 8. punct. 4. num. 4.* & in *Traët. de alienat. bonor. Ecclesiast. disp. 2. q. unica. punct. 2. num. 2.* Barbosa de *offic. & potest. Episcop. vt supra nu. 39.* Illa autem bona dicuntur seruando seruari posse, quæ per triennium durant, vsu non consumuntur, vel fructificant, vt sunt vasa aurea, vel argentea, grex pecudum, armentum bouum &c. Bonacina, & Barbosa relati. Peirinis *to. 1. priuileg. Minim. in Const. IX. Iulij 11. num. 10.*

56 Pariter etiam prohibitum est Regularibus, iuxta dicta tom. 1. cap. 18. num. 13. transferre bona vnus Monasterij in aliud, loquendo de bonis immobilibus, aut mobilibus prætiosis, quæ scilicet seruando seruari possunt, cum ista translatio sit quædam alienationis species. Bonacina de *alienat. bonor. Ecclesiast. disp. 2. q. unica punct. 2. num. 9.* Quare aliqua priuilegia Religionum quibus id permitti videtur, de quibus Rodriguez *tom. 2. q. 125. ar. 9.* & Peirinis *tom. 1. priuileg. Minim. in Const. 11. Iulij 11. num. 76.* quoad huiusmodi bona transferenda vacant propter decretum S. Congregationis adductum, quo reuocantur omnia priuilegia Regularium in ordine ad alienationes prædictorum faciendas. Non vacant tamen quoad translationem bonorum mobilium non prætiolorum, aut prætiolorum, quæ seruando seruari non possunt. Horum enim alienatio non est prohibita Regularibus vt inferius dicitur. Idem dico de permutatione, seu commutatione, quia permutatio est alienatio. Quaranta in *Summa Bullar. verb. alienatio n. 15.* Vnde non potest fieri à Regularibus sine licentia S. Congregationis, nisi de rebus mobilibus non prætiosis, aut quæ seruando seruari non possunt. Idem de præcario, seu præcaria dicendum, quia etiam per illud, vel illam transfertur res quoad dominium vile. Riccius in *praxi fori Ecclesiast. decis. 64.* Quaranta vt supra num. 15. Idem dico de iuribus, actionibus, seu seruitutibus quæ sunt quædam bona incorporalia, ac per consequens comprehenduntur generali prohibitione. Siluester *verb. alienatio q. 10.* Bonacina vt supra n. 19. Idem de Oratorio, seu Capella Ecclesiæ, et si enim possit vsus sepulture alicui in illis concedi, nam ad hunc vsu ordinantur, non tamen possunt vendi sine prædicta licentia S. Congregationis, quia sunt bona immobilia Regularia. Riccius *decis. 42.* Quaranta vt supra num. 29. Bonacina etiam vt supra num. 12.

57 Nihilominus alienari possunt à Regularibus sine S. Congregationis licentia mobilia non prætiola, vt dictum est supra

num. 54. v.g. vinum, frumentum, vestes tritæ, & alia huiusmodi. Quia in decreto S. Congregationis dicto cap. 10. num. 2. adducto solum prohibetur bonorum mobilium prætorum alienatio sine eiusdem S. Congregationis licentia. Alienari quoque possunt sine prædicta Congregationis licentia bona mobilia, etiam prætoria, quæ tamen seruando seruari non possunt. Ratio est, quia etsi hoc non exprimitur in dicto decreto S. Congregationis, colligitur tamen ex Extranaganti *Ambitiose* quam roborare curat prædictum decretum: etenim in prædicta Extraneaganti expresse conceditur alienatio illorum, quæ seruando seruari non possunt. Molina de *contractib. disp. 465. num. 1.* Quæ autem sunt ista quæ seruando seruari non possunt, dicendum est ea esse quæ non durant triennio, vel vsu consumuntur, & non fructificant. Riccius *prax. fori Ecclesiast. decis. 62. in 1. edit. & resolut. 59. in 2.* Barbosa de *offic. & potest. Episcopi allegat. 95. nu. 38.* Vnde declaratum dicitur à S. Congregat. posse Superiores Monasteriorum, non obstante decreto de rebus Regularium non alienandis, ex fructibus bonorum pingues eleemosynas facere, puta decem rubiorum tritici, & similibus, quia fructus non comprehenduntur in dicto decreto. Barbosa in *Collect. Bullar. verb. Superior Regularis*. Similiter pecunia data pro dote Monialis, quamuis non possit alienari, aut distrahi in alios vsus quam, vt de fructibus illius sustentari possit, potest tamen absque licentia S. Congreg. infumi in emendo agro, vel vinea, vt de fructibus ipsius Monialis sustentetur. Bonacina de *alienat. bonor. Ecclesiast. disp. 2. q. unica punct. 2. num. 5.* Computantur etiam inter bona mobilia non prætoria, seu quæ seruando seruari non possunt mancipia, & his similia, cum morbis, morti, & alijs similibus casibus sint obnoxia. Secus autem quando illa sunt annexa, vel affixa prædijs, aut domibus tanquam illorum partes, tunc etenim sicut ipsa prædia, & domus sunt bona immobilia, sic & ista inter immobilia numerantur. Molina de *Contractib. disp. 465.* Bonacina vt supra num. 4. Pariter etiam computantur inter bona mobilia non prætoria oblationes factæ Sacris Imaginibus Sanctorum, quæ in aliquibus Ecclesijs reseruantur, nisi forte sint aureæ, vel argenti magni valoris. Riccius vt supra *decis. 102.* Bonacin. vt supra. Possunt etiam accomodari ad breue tempus bona Monasteriorum, ita vt merns vsus illorum concedatur, non autem dominium directum, aut indirectum, cum per dictam Extraneagantem, & decretum S. Congregationis solum alienationes prohibeantur, id autem quod accommodatur, non alienatur. Riccius *decis. 74. & 68.* Bonacina vt supra num. 32.

58 Imò etiam tã de rebus immobilibus, quam mobilibus præ-
tiosis facere possunt Regulares alienationes sine licetia S. Con-
gregationis, primò quando res est relicta Monasterio per fidei
commisum cum onere quod post aliquod tempus alij restituat-
ur, transacto enim illo tempore res iam non est Monasterij.
Quaranta in Summa Bullar. verb. alienatio num. 45. Barbosa
de offic. & potest. Episc. Alleg. 95. n. 61. vbi hunc casum refert inter
eos qui iure sunt permitti. Secundò, quando res iniuste deti-
netur à Monasterio. *Quaranta ibid. num. 43. §. 11. limita.* Tertiò
probabiliter, saltem secundum aliquos, in remissione caducitatis
emphyteutæ. *Quaranta ut supra num. 44. Barbosa etiam, ut*
supra num. 64. & 65. qui etiam hunc casum ponit inter eos in
quibus fieri potest alienatio sine Sedis Apostolicæ consensu.
Licet oppositum securius, & probabilius censeam, cum talis
remissio sit remissio iuris rei immobilis competentis Monaste-
rio, quæ est quædam species alienationis. Vide in simili dicenda
num. 60.

59 De pecunia autem an prohibita sit alienari, cum ex vna
parte comprehendi videatur inter mobilia prætiosa, quæ ser-
uando seruari possunt, ex alia verò inter mobilia non prætiosa,
communiter reputetur, quia de se non fructificat, aliqua dicenda
sunt. Et primo, pecunia, quæ ad quotidianos vsus necessaria
est, & pro quotidianis necessitatibus deseruit inter mobilia non
prætiosa, quæ seruando seruari non possunt, connumeratur, ac
proinde alienari potest sine prædicta S. Congregationis licentia.
Siluester verb. alienatio num. 7. Quaranta in Summa Bullar. verb.
alienatio num. 25. Bonacina de alienat. bonor. Ecclesiast. disp. 2.
q. unica punct. 2. num. 5. Pecunia autem quæ destinata est ad
emptionem stabilium, censuum, vel mobilium prætorum, vel
quæ est fructifera, seu non otiosa, qualis est pecunia in montibus,
vel censibus collocata, vel in banchis camporum cum utilitate
reposita, inter bona immobilia, seu mobilia prætiosa, quæ ser-
uando seruari possunt, connumeratur, ac per consequens sine
dicta licentia alienari non potest. *Siluester, Quaranta, & Bona-*
cina relati. Idem dico de magna quantitate pecuniæ, quæ ser-
uatur in aliquo Monasterio, scilicet, non posse alienari absque
assensu Sedis Apostolicæ. Et ita fuit resolutum à Rota Romana
in vna Venetiarum vbi fuit quoque dictum hoc procedere licet
præfata pecunia esset conuertenda in utilitatem Ecclesiæ. *Bar-*
bosa de offic. & potest. Episcop. allegat. 95. num. 43. Similiter idem,
quoque asserendum de pecunia data pro dote Monialis, maxi-
mè cum detur Monasterio ut de fructibus ipsius illa possit suste-
n-

tari, illa enim non potest expendi nisi in eos usus pro quibus data est. Bonacina ut supra, & de Contract. disp. 3. q. 8. punct. 4. num. 2.

60 An autem Prælatus Monasterij cum ipso possit repudiare, seu non acceptare legatum, vel hæreditatem Monasterio relicta, non incurrendo in pœnas dictæ Extrauag. *Ambitiosa*, aut decreti S. Congregationis? Licet multi satis probabiliter teneant partem negatiuam, ut sunt Molina de Contract. disp. 468. num. 11. Nihilominus etiam est probabile posse id fieri non incurrendo dictas pœnas. Ratio est, quia in dicta Extrauag. & decreto solum prohibentur alienationes, non acceptatio autem, seu repudiatio rei non incorporatæ, non est alienatio, *L. alienationis ff. de verb. signif.* quia alienatio est distractio rei iam appropriatæ. Legatum autem, vel hæreditas non sunt appropriata nisi quando sunt acceptata. Riccius in praxi fori Ecclesiast. decis. 96. in 1. edit. & in 2. decis. 82. Quaranta in Summa Bullar. verb. alienatio num. 43. Barbosa de offis. & potest. Episcop. allegat. 95. num. 52. Vbi etiam hunc casum refert inter eos qui iure sunt permitti. Verum quidem est posse Prælatum, imò & ipsum Monasterium grauius peccare non admittendo tale legatum, vel hæreditatem, nisi ex causa valde rationabili id fieret, Prælatum quidem contra iustitiam, quia ex iustitia tenetur consulere vtilitati proprij Monasterij, Monasterium autem contra charitatem, vel aliam virtutem prodigè renunciando emolumento, quod ex illa hæreditate, vel legato successoribus euenire posset. Bonacina de Contract. disp. 3. q. 8. punct. 4. num. 38. Posset propterea forsitan Monasterium postea uti priuilegio restitutionis in integrum. Molina, & Bonacina, ut supra, Layman. in Theolog. mor. l. 3. tract. 4. cap. 10. num. 7. Dixi autem satis probabile esse incurrere dictas pœnas Extrauag. *Ambitiosa*, & decreti S. Congregationis à Prælato qui repudiaret talem hæreditatem, vel legatum, quia quamuis dominium illius non sit acquisitum Monasterio, est tamen illi acquisitum ius ad rem illam habendam, quemadmodum ergo si Prælatus renunciasset iuri cuicumque Monasterij incurreret dictas pœnas, sic renunciando huic iuri, & ita in hanc partem magis inclinor, prout etiam faciunt Quaranta ut supra relatus, & Barbosa etiam relatus nu. 54. cum Naldo, & alijs.

61 Notandum non effugere pœnas Extrauagantis, & decreti S. Congregationis eos Regulares, qui res Monasteriorum alienant, aut contractum celebrant alienationis, dicentes id facere saluo Sedis Apostolicæ, aut Sacræ Congregationis consensu.

Ratio

Ratio est, tum quia protestatio est contraria facto, tum quia quoties aliquid pertinet ad formam actus debet ipsum actum præcedere, consensus autem Sedis Apostolicæ pertinet ad formam alienationis rerum Ecclesiasticarum. Quaranta in *Summa Bullar. verb. alienatio num. 8. & 9.* Peirinis *tom. 1. priuil. Minim in Constit. IX. Iulij II. num. 14.* Bonacina *de alienat. bonor. Eccles. disp. 2. q. unica punct. 4. num. 5.* Si tamen non tradatur possessio rei alienatæ non incurruntur dictæ pœnæ, quia tunc possessio manebit apud Monasterium, & ille cui traditur talis res solum habebit ius ad illam, & conditionatum, nempe supposito assensu Sedis Apostolicæ, non absolutum, aut ius in re.

62 Præterea aduertendum quod licet iure communi ad alienationem rerum Ecclesiasticarum requiratur iuris solemnitas, quæ continet quatuor, scilicet, auctoritatem Prælati, tractatum circa alienationem faciendam, consensum Capituli, & subscriptionem singulorum saltem per notarium. Quaranta in *Summ. Bullar. verb. alienatio num. 4.* Peirinis *tom. 1. priuileg. Minim in Const. IX. Iulij II. num. 7.* Verumtamen quia plures Religiones priuilegia habent ad faciendum alienationes sine prædicta solemnitate, qualiter Carmelitæ habent à Greg. XIII. in Bulla *Ex incumbendi* anno 1576. in 2. tom. Bullar. num. 34. facultatem illas faciendi, dummodo sint in commodum, & utilitatem Monasteriorum, & ex consensu duarum ex tribus partibus Fratrum, vel Monialium, accedente etiam consensu, vel rati habitatione Generalis, insuper Religiosi Societatis Iesu alium etiam modum solemnitatis habent ab eodem Gregorio XIII. illis præscriptum, de quo Molina *de contract. disp. 468. §. Quarta conclusio.* Ideo quælibet Religio, iuxta formam priuilegiorum, quæ habet post Extrauagantem *Ambitiosa* à Sede Apostolica impetrata potest facere prædictas alienationes, habita tamen licentia Sedis Apostolicæ, vel S. Congregationis, cum quoad illud reuocata non sint eorum priuilegia, si illa habent. Decretum enim S. Congregationis Concilij, de quo sæpe dictum est, & relatum *t. 1. c. 10. n. 2.* solum reuocare videtur priuilegia Regularium quantum ad hoc quod est facere alienationes sine consensu eiusdem S. Congregationis, non quantum ad alia quæ pertinent ad solemnitatem illarum.

63 Non præscribitur contra bona Regularia cum sint etiam Ecclesiastica nisi spatio 40. annorum *cap. de quarta de prescription.* & hoc est de iure communi. Ex priuilegio autem Eugenij IV. concessio Monachis Congregationis S. Iustinæ Ordinis S. Benedicti maior gratia ipsis, & alijs Religionibus communicatione priuile-

privilegiorum cum ipsis habentibus conceditur per hæc verba , prout ex Bulla ipsius Eugenij in Bullario Rodriguez to. 1. Bulla septima inter Bullas Eugenij num. 7. habetur. *Insuper cum plerumque contingat in Curia , aut neglectu Prælatorum qui hæc bona Monasteriorum dictæ Congregationis antequam præfata Congregationi unirentur gubernavit, aut post modum ex ignorantia, vel alia quavis causa à plerisque ipsorum Monasteriorum bona in præiudicium animarum suarum indebitè detineri, & occupari, præsertim sub colore præscriptionis , aut alias quocumque modo ex quo non modica iactura consuevit præfatis Monasterijs evenire . Nos volentes de remedio opportuno providere in fauorem obseruantie Regularis, ex certa scientia, motu proprio, ac de plenitudine potestatis Apostolicæ, volumus, statuimus, & decernimus quod contra præfate Congregationis Monasteria, loca, personas, & bona aliqua non currat præscriptio, nisi post lapsum sexaginta annorum , quod quidem indultum tam in casibus, rebus, & bonis præteritis, quam futuris potestate , & scientia similibus extendi, & locum habere omnino volumus . Rodriguez tom. 3. quæst. Regul. q. 35. ar. 2. Portellus in Dub. Regular. verb. præscriptio , apud quos etiam alia privilegia habentur quæ non refero, quia mihi non constat an sint , vel non sint viuz vocis oraculo concessa, & per, consequens his temporibus inualida .*

**Laus Deo Beatissimæq. Virgini Mariæ
de Monte Carmelo .**

INDEX

RERV MAGIS NOTABILIVM,

Quæ in hoc secundo Tomo continetur.

A



Bbates alij benedicti, alij non . cap. 2. n. 36. Quid facere possint . ibid. An Tonsuram, & minores Ordines conferre. 37. An iura Episcopo- rum præscribere. 38. Quibus gaudeant privilegij aliqui ipso- rum. 39. Quam habeant præce- dentiam. 40. An gaudeant no- mine Ordinarij. 41. Benedicant ne vestes, & Ornamenta Sacra. 42. De ipsorum residentia. 45.
Administratio bonorum Mona- sterij ad quem pertineat. cap. 19. num. 52. Tres actus includit ad- ministratio. 53.
Aduocati Regularium an aliqui- bus privilegij fruuntur. cap. 17. num. 10.
Alienatio bonorum prohibita Mo- nasterij Regularium. cap. 19. a num. 54. Qui contractus alie- nationis nomine intelligantur. 56. Mobilia non pretiosa alie- nari possunt. 47. An mobilia prætiosa. 57. In quibus casibus non requiritur licentia S. Com- gregat. 58. An possint alienari, scilicet, ut dicitur, S. Apostolica consensu. 61. Quæ sollemnitas requiratur ad alienationem. 62.
Approbatio Confessoriorum Men- dicantium pro secularibus qua-

lis debeat esse. cap. 1. nu. 18. Pro Fratribus, & Monialibus. 19. Pro Confratribus. cap. 15. n. 16. Pro Tertiarijs. cap. 14. n. 29. & 34. Pro familiaribus Regula- rium. c. 16. nu. 21.

Assistentes Generalium aliqui ha- bent votum decisivum, aliqui solum consultivum. c. 13. n. 20. Non sunt propriè assessores. ibid. Decet ferre suffragia incipiendo à iunioribus. 22. Debent detegere defectus publicos eorum qui proponuntur ad officia. ibid. Imò, & quandoque occultos non emendatos. ibid. Quando tenean- tur subscribere etiam contra propriam sententiam. ibid. An Generales possint sine illis aliqua decidere. 23. Tenentur secundum conscientiam respondere. 24. An illegitimi possint id munus subi- re. 50.

B

Benedictio Abbatum quando, et quomodo danda. c. 2. num. 36.
Non reiteratur. ibid.
Beneficia an vacant probationis anno. cap. 2. n. 21. Quomodo in- serviri debeant beneficia Novi- tiorum. ibid. An sint illorum ca- paces. 22. Vacant per professio- nem. 23. Cur Regulares non de- beant habere beneficia secularia. c. 18.

INDEX.

- c. 18. nu. 1. *Quid sit beneficium.* ibid.
- Beneficia Regularia quæ sint.* c. 18. num. 1. *Regulares sunt capaces illorum.* 2. *Eisdem debent provideri.* 3. *Eiusdē Ordinis.* ibid. *Debent esse professi, vel professuri.* 4. *In eadem Religione.* 5. *Non sunt beneficia simpliciter, sed manualia.* 6. *Ad quem spectat provisio illorum.* 7. *An requiratur examen, & approbatio Episcopii.* 8. *Possunt Regulares cogi ad illa acceptanda.* 12. *Quando vacent.* 17. & 18. *An possit unus habere duo beneficia.* 29. *An possint seminario uniri.* 31. *Collatores illorum an possint aliquid accipere.* 39. *In beneficia Novitiorum an succedant Monasteria.* cap. 19. n. 34.
- Beneficarij Regulares quibus sub sint.* cap. 19. num. 9. & 10. *Non debent vocari ad concursus.* 11. *Quibus obligationibus astringantur.* 14. *Cui adquirant.* 15. *Quibus providere debeant de bonis beneficiorum.* ibid. *Quibus debeant obedire.* 16. *An, & quomodo possint amoveri à nu.* 17. usque ad 23. *Bona ab illis adquirentia an possint deferri ad Monasteria.* 28. *Quid sit illis concessum in Indijs.* 32. *In qua debeant suos redditus expendere.* 33. *An illegitimi possint hoc munus subire.* 34. *Ex Carmelitis assumpti non admittuntur in Capitulis.* 35. & 36. *An teneantur facere professionem fidei.* 38. *An adire Congregationes casuum conscientia.* 40.
- Bona Regularium decedentium ad quem spectent.* cap. 1. nu. 40. *Bona inuenta, incerta, male adquisita, apte desituta an applicari possint Monasterijs.* c. 19. nu. 48. 49. & 50. *Quanto tempore præscribatur contra ipsa.* 63.
- Bona stabilia quæ Monasteria possident.* cap. 19. num. 1. *Quæ dicantur talia.* 3. *Quæ transeant ad illa ratione Religiosorum.* 27. & 28. *Transeunt quæ ad illos spectabant.* 31. *Exceptis ijs, quibus renunciarunt.* 35. *Et quæ sunt legitima filiorum, aut patris.* 36. & 37. *A quo tempore.* 38. & 39. *In quæ bona non succedant Monasteria.* à nu. 40.
- Bulla Cruciata quæ privilegia Regularium suspendat.* cap. 1. n. 59.
- C
- Ampana quando, & quomodo à Regularibus pulsande.* c. 1. num. 43. & 44.
- Candelarum, quæ fratribus dantur non debetur portio Canonica.* cap. 1. num. 48. *Quomodo dividenda.* ibid.
- Canonici Regulares unde dicti.* c. 3. num. 1. & 2. *Sunt verè Religiosi.* 5. *An comprehendantur nomine Monachorum.* 6. *Eorum institutum quale, & quomodo differat ab alijs Religionibus.* 7. *Præcedentia.* 9. *Privilegia.* 10. *Quæ illis prohibita.* 11. 12. 21. 22. 23. 24. 25. & 26. *Quæ illis præcepta.* 13. 14. et 20. *Habēt beneficia Regularia.* 16. & 17. *Ad exequendas litteras Pontificias an sint capaces.* 18. *Ad quas dignitates sint assumpti.*

assumptibiles. 19. A quibus puniatur. 28. A quibus visitetur. 29.
 Capitulum Regularium quid sit. cap. 12. n. 1. Quotuplex. ibid. In quibus consistat eius auctoritas. 2. Nequit statuire aliquid contra ius commune. 3. Quid possit facere. 4. Quibus circumstantiis celebrandum 5. Debent in eo moneri Religiosi de obseruantia litterarum Apostolicarum ad officium S. Inquisitionis pertinentium. 15.
 Capitulum Generale omnimodam habet auctoritatem. cap. 12. n. 6. Condit leges. ibid. Quomodo se habeat cum Praefide. ibid. Nihil statuit contra ius commune. ibid. Quid possit facere circa Generalem. 7. An exercere iurisdictionem ipsius. ibid. Eligere debet sex Patres pro eijciendis ab Ordine. 8. Statuta aetliora num ponat. 9. Restaurat Regulam collapsam. 10. Priuilegia restringit, & tollit. 11. Reseruat casus. 12. Quando celebratur 13.
 Capitulum Provinciale quomodo celebratur. cap. 12. nu. 18. Quae eius auctoritas. ibid. Non eijcit professos. 19. In Indijs quid possit. 20.
 Capituli Conuentualis auctoritas. o. 12. n. 24. Circumstantiae. ibid.
 Cardinalium maxima dignitas. cap. 9. n. 1. Epitheta. ibid. Dati ad defensionem Religionum. 2. Vide verb. Protectores.
 Carmelita sunt Mendicantes ex Regula, & à iure c. L. n. 1. Quae ipsorum Regula. ibid. Discalceati Patres, quae bona non possint possidere. 2. & 7.

Carnium usus an prohibitus Monachis. c. 2. n. 33. Canonici Regular. c. 3. n. 15. Clericis Regul. c. 4. n. 6.

Clerici Regulares qui sint. c. 4. n. 1. Quale eorum institutum. 1. & 2. Verè Religiosi. 2. Eorum instituti ab alijs differentia. ibid. Perfectio. 3. An censeantur nomine Monachor. 4. Obligationes, & prohibitiones. 5. 6. 7. & 8. Specialia vota. à nu. 9. usque ad 18. Approbatio, et priuilegia. à num. 19. usque ad 27.

Commenda an sint materia simoniae. c. 5. n. 26. An sint beneficia Ecclesiastica. 25.

Commendatarij milites qualiter habeant redditus annuos, & alia bona. cap. 5. n. 22. 23. 24. & 28. An fructus recipere possint viuendo otiose. 27. An possint ludendo perdere. 28. An instituere maioratus. 29. Perpetui computantur pro Pralatis. 35. Tenentur elemosynas elargiri, & suarum Ecclesiarum necessitatibus succurrere. 36. Quando peccant contra votum paupertatis. 30. & 31.

Commissariorum Generalium auctoritas. cap. 13. n. 16. An delegabilis. ibid. Quando expiret. 18.

Confirmator quam electionem confirmet. c. 12. n. 39. Quam non debeat confirmare. 40. & 43. Priuilegium Ordinis Praedicatorum ad hoc. 41. Tempus dandi confirmationem. 42. An electio per sortes confirmanda sit. 44. An facta ex vi renunciationis.

G g g

45. An

I N D E X. .

45. An illius qui causam scandali prabiturus est. 46. An qua facta est per abusum secularis potestatis. 47.
- Confraternitates quid sint. cap. 15. n. 1. & 2. An pia, & Religiosa dicenda. 3. Privilegia quibus gaudent. 4. 5. 6. Conditiones quibus institui debent. 8. 9. 10. 12. & 13. Gratia, & Indulgentia ipsarum. 10. & 14. Eleemosyna. 15. Confessariorum auctoritas. 16. Omnes innouanda. 19. Litterae pro institutione ipsarum. 20. Poena contravenientium. 21. Qua determinata sint à Sede Apostolica circa illas. 22. 23. 24. 25. & 26. Visitantur ab Episcopis. 27. Contribuunt pro Seminario. 28. De ipsarum Capellanis. 29. An pro receptione possint aliquid accipere. 30. Statuta pro quibusdam. 31.
- Confraternitatis B. M. de Monte Carmelo antiquitas. c. 15. n. 32. Privilegia, & Indulgentia. à num. 33. usque ad 43. Conditiones pro fruendis privilegijs. à nu. 42. usque ad 46. A quo, & quibus conditionibus instituitur. à num. 47.
- Confraternitas S. Rosarii vide verb. Rosarii Confraternitas.
- Confraternitatis Corde S. Francisci institutio. cap. 15. num. 63. Gratia. ibid. Conditiones. 64.
- Confraternitatis S. Augustini institutio. c. 15. n. 65. unio. 65. & 66. Gratia. 66. & 67.
- Congregationes Capitulares Regularium quid sint. c. 12. num. 1. Aliqua vocantur intermediae. 14. Auctoritas ipsarum. 14. Congregationes Provinciales. 22. Debent in quacunque Congregatione moneri Religiosi de observantia Litterarum Apostolicarum ad S. Officium Inquisitionis pertinentium. 15. & 23.
- Conseruatores Religionum. vide verb. Iudices Conseruatores.
- Conuersi qui dicantur. cap. 8. n. 1. An sint Religiosi. 2. 3. & 4. Persona Ecclesiastica. 5. Quibus gaudeant privilegijs. 6. 7. & 8. Non sunt capaces proprii. 12. Acquirunt Religioni. 14. Testari non possunt. 16. Ad qua sint incapaces. 18. 19. 20. & 22. Ad qua teneantur. 23. In quibus Monasterijs recipi possint, & quibus conditionibus. 24. 25. 26. 27. Quid de illis qui recepti non sunt in locis designatis. 25. 26. & 27. Quibus privilegijs potiantur. 30. 31. 33. & 34.
- Cruz quomodo portanda à Regularibus in processionibus defunctorum. c. 1. n. 31.

D

- D**amnificantes bona Regularium an incurrant aliquas poenas. c. 19. n. 51.
- Decretum electionis ad Confirmatorem mittendum. c. 12. n. 49.
- Defunctorum corpora quomodo associanda à Regularibus. c. 1. n. 31. & 46.
- Delegati an possint esse ad Litteras Apostolicas exequendas Canonici Regulares. c. 3. n. 18.
- Diffinitoris munus an possit concedi illegitimis. c. 13. n. 50.

Digni-

Dignitas est administratio cū iurisdictione. c. 13. n. 2. Qui Religiosi illam non possunt pretendere. 4. Donare prohibitum Religiosis. c. 19. n. 54.

Donati Religionū qui sunt. c. 8. n. 1. An sint verē Religiosi. 2. Vide verb. Conuersi, et verb. Oblati.

E

Ecclesie an possint vniri Monasterijs. c. 18. n. 24. A quibus tunc gubernandæ. 25. & 26. Visitanda. 27. Quid circa salarium. ibid. Eo ipso quod sunt concessa Monachis ad eos spectat cura illarum. 30.

Electionis perscrutinium, iuxta cap. Quia propter conditiones c. 12. n. 27. Sunt pro electionibus Prelatorum. 28. Quo pacto intelligenda. ibid. Obseruanda in electionib. 31. & 33. Quæ electiones confirmanda. nu. 29. & seq. Vide verbo Confirmator.

Electores debent esse habiles. c. 12. n. 29. Quid quando in aliqua electione admittuntur inhabiles. ibid. Qui cijiendi à Capitulo. 30. Quid faciendum quando dubitatur de habilitate alicuius electoris. ibid. Electores electionis factæ per abusum secularis potestatis qualiter puniendi. 47. Eleemosynas liberè querunt Mendicantes. c. 1. n. 35.

Emphyteosis quid sit. c. 19. n. 5. An Monasteria sint capaces illius. 5. & 15. An iuris nominandi ad emphyteosim. 12.

Eremitarum triplex genus. cap. 7. n. 1. Qui sint inhabiles ad matrimonium. 3. An sint persona

Ecclesiastica. 4. An gaudeant priuilegio fori. 7. An priuilegio Canonis. 6. An exemptione à gabelis, & collectis. 7. Qui illorum sint tollerandi. 8. An qui voto promiserunt vitam eremiticam ad illud obligentur. 9.

Eucharistia Sacramentum quomodo ministrent Mendicantes. c. 1. n. 20. Exponi non debet sine causa ab Ordinario approbata. 26. Sumendum à Monachis singulis mensibus c. 2. n. 34. Examen puellarum Deo dicendum à quo, & quomodo faciendum. c. 1. num. 24.

F

Familiares Regularium qui discantur. c. 16. n. 1. An sint persona Ecclesiastica. 2. Priuilegia illis concessa à nu. 3. Usque ad 11. Pro tempore interdicti. 12. Qualiter moderata à Concilijs. 13. & 14. Quæ maneant in sua vi. 15. An quoad Sacramentum penitentia illis ministrandū. 16. & 17. An quoad Sacramentum matrimony. 18. An quoad Eucharistiam tempore Paschæ. 19. An quoad extremam unctionem. 20. An pro talium administratione exigatur approbatio Ordinarij. 21. Quid de sepultura. 22. An, & quando possint excommunicari, & interdicti. 23. Quæ priuilegia habeant pro articulo mortis. 24. Quas Indulgentias. 25. An possit cum eis dispensari in illegitimitate. 26. Quid possint tempore interdicti. 27. & 30. In locis quibus publi-

INDEX.

caſur Bulla Cruciata. 29. De quibus familiaribus id intelligendum. 31. & 32. An habeant Conſervatores. 33. An poſſint ſuis privilegijs uti contra Fratres. 34. Quando perdantur. 35. Feudum quid ſit. c. 19. nu. 4. An poſſint illud habere Monafteria. 4. & 14. Fideiſcommiſſum quid ſit. c. 19. nu. 10. An illud poſſint habere Monafteria. 10. & 20. Filij militum Regularium an illegitimi. c. 5. n. 41. Formula celebrandi Capitula in Ordine Carmelitarum. cap. 12. n. 54.

Formula inſtituendi Confraternitates. c. 15. n. 13. Fructus colligere poſſunt Mendicantes ante quam Curatus habuerit ſuas primitias. c. 1. nu. 4. Fundatores Iuris patronatus Monafteriorum, vel Capellarum. c. 11. n. 19. Conditiones ab ipſis poſitæ an mutari poſſint. 23. & 24.

G

Generalis eſt ſupremum Caput Religionis. c. 13. nu. 10. Eius dignitas aſſimilatur quodammodo Patriarchali. ibid. Quomodo creandus. ibid. Quæ conditiones pro ipſo requirantur. 11. Habet ſupremam auctoritatem in Religionē. 12. Inferiorem tamen, & dependentem à Capitulo Generali. ibid. Poſſit Officia, & Beneficia Religionis diſpenſare. 13. Dignioribus, & melioribus. ibid. An cōdere leges, & decreta. 14. An mortaliter

peccans teneatur conſiteri circumſtantiam Generalis. 15. Quam auctoritatē habeat ad diſpenſandum cum illegitimis. c. 12. n. 21. Gradus quid ſint. c. 13. n. 6. Tribui poſſunt Religioſis. 42. Graduati tenentur ſequi Cborum non obſtante quocumque privilegio. c. 13. n. 42. Non poſſunt uti aliquo gradu ſui privilegio niſi actu legant, vel predicent. ibid. Quomodo id accipiendum. ibid. Inepti, & idiota qualiter peccent. ibid. Gremiales Capitulorum quas conditiones habere debēt. c. 12. n. 16.

H

Heredes inſtitui an poſſint Monafteria. c. 19. n. 44. Hæreditas contingens Monafterijs an poſſit ab illis repudiari. c. 19. n. 60. Hierarchia Religioſa aſſimilatur Eccleſiaſtica. c. 13. nu. 8. Honorum nomine quid intelligatur in Conſtitutionibus Pontificijs. c. 13. n. 5. Hoſpitalia Regularia ſubeunt conditiones beneficij Regularis. c. 6. n. 6. Quid declaratum circa illa. 11. Eorum adminiſtrationes, ſue Reſtoria an ſint materia ſimonia. 15. Bona ipſorum an poſſint alienari. 16. Reſtores illorum gaudent privilegio fori. 17. Hoſpitalarij Regulares qui ſint. c. 6. nu. 1. Sunt verè Religioſi. 2. Quidam ipſorum aliud votum præter eſſentialia emittunt. 3. Cruciferorum privilegio. 4. S. An-

S. Antonij Viennensis. *ibid.* S. Spiritus in Saxia. *ibid.* B. Ioannis de Deo. *ibid.* Habent aliqui ipsorum Beneficia Regularia. 5. Quae illis praecipiantur à Conc. Viennens. 7. et 8. Quae à Concil. Trident. 9. & 10. Subijciuntur quoad Regularem observantiam suis Praelatis. 12. Quid declaratum de Fratribus B. Ioannis de Deo. 12. 13. & 14. An ad illos fieri possit transitus. 18.

I

Illegitimi quomodo, & à quibus dispensandi. c. 12. nu. 21. Quae sunt ea, quibus sunt incapaces. c. 13. n. 50. & c. 18. n. 34.

Iniuria manifesta quae dicatur. c. 10. n. 22.

Interdicta quando suspendantur à Mendicantibus. c. 1. n. 21. Interdicti tempus pro Tertiarijs. c. 14. n. 36. Pro Confratribus. c. 15. nu. 36. Pro familiaribus. c. 16. n. 12. 23. & 27. Pro procuratoribus. c. 17. n. 6.

Iubilaei centesimi tempore an suspendantur privilegia Mendicantium. c. 1. n. 60.

Iudices Conservatores qui dicantur. c. 10. n. 1. & 2. Plures Religiones habent facultatem illos nominandi. 3. 4. & 5. An sint sublati per Conc. Trident. 6. & 7. Quas qualitates debeant habere. 9. Eorum auctoritas. 25. & 26. Coarctata est à Sede Apostolica. 35. 36. 37. & sequent. Quomodo intelligenda Constitutio Gregor. XV. circa illos. 47. Ipsorum privilegia moderata. 48.

Qualitates modo pro ipsis requisiti. 50. 51. 52. & sequent. Quomodo coarctata eorum auctoritas his temporibus. 60. 61. 62. 63. & 64. In quibus causis se intromittere debeant. 65. 66. 67. 68. Quomodo decidenda controversiae inter ipsos, & Ordinarios. 69. De alijs spectantibus ad ipsos. 70. & seq.

Iurisdicatio temporalis competere potest aliquibus Monasterijs. c. 19. n. 6. & 16.

Ius patronatus quid sit. c. 11. n. 1. Est duplex. *ibid.* Quomodo adquiritur. 3 & 4. Quas qualitates habeat. 5. An sit materia simonia. 7. An transeat ad alios. 8. & 10. Ad quem pertineret in casu quo Monachus fundaret Ecclesiam. 13. Quando transit ad Monasterium quis debeat presentare. 14. 15. & 16. An adquiratur ex bonis incertis. 18. Quae Monasteria sint capacia illud habendi. c. 19. nu. 11. Quo pacto. *ibid.* n. 21. 22. & 23.

L

Laborare manibus non tenentur Mendicantes. c. 1. n. 9.

Legata an possint competere Monasterijs. c. 19. n. 45. An etià Religiosis particularibus. 46. Quid de legatis relictis ad certum usum an possint alijs applicari. 47. An repudiari possint à Regularibus. 60.

Licentiae pro ingrediendo in Monasteria Monialium à quo concedenda. cap. 1. nu. 22. Pro construendis domibus Regularibus.

I N D E X.

45. Pro mendicando an ostendenda Ordinarijs à Mendicantibus 4.
 Locum non possunt habere Monachi in duobus Monasterijs . c. 2. nu. 30.
 Ludo perdere an possint Clerici Ordinum militarium. c. 5. nu. 3.
 Commendatarij militares . 28.

M

- M**agistri Nouitiorum officij quid importet. c. 13. nu. 47.
 Quæ illi præcipiantur in decretis Summor. Pontif. ibid. Quam iurisdictionem habeat super Nouitios. 48.
 Maioratum an sint, & quorum capacia Monasteria Regularit. c. 19. n. 17. 18. & 19.
 Maritati, & Maritata an excludantur à priuilegijs Tertiariorum. c. 14. n. 32.
 Medici Regularium an aliquibus gratijs fruuntur. c. 17. n. 11.
 Medicinam exercere aliqui Religiosi ex privilegio possunt, citra aduersionem, & incisionem . c. 4. nu. 20. Non debes legere citra aduersionem, & combustionem, ut per errorem habetur tom. 1. huius Summæ . c. 9. nu. 15. sed citra aduersionem, & incisionem.
 Mendicantes qui Ordines dicantur. c. 1. n. 1. Omnibus illis (exceptis Capuccinis, & Minoribus de obseruantia) licet habere bona stabilia . 2. Possunt, licet non teneantur, ex mendicato vivere. 3. & 4. Nec à mendicitate possunt impediri. 4. & 5. Finis eorum quis . 9. & 10. Teneantur

- ex præcepto charitatis salutis proximorum subuenire. 11. An possint obligari ad eundem in terras infidelium pro predicatione Euangelij . ibid. Multa ipsorum priuilegia à Pio V. concessa. 12. An sint reuocata . 13. & 16. Quomodo ea intelligenda n. 17. & sequent. An gaudeant priuilegijs aliorum Ordinum. 61. Obligantur decretis Clem. VIII. pro reformatione Regularium. 63. Quas dignitates habere possint. 64. 70. 71. & 72. Quando non possint . 69. Quid quando transeunt ad non Mendicantes. 66. 67. & 68.
 Milites Regulares qui sint. c. 5. n. 1. An sint verè Religiosi. 2. 4. 5. & 6. Quomodo ipsorum vota intelligenda . 7. 8. 10. 11. & 12. Sunt persona Ecclesiastica . 14. An comprehendantur decretis Pontificijs, & Concil. Trident. 17. 18. 19. 20. & 21. De obligationibus ipsorum. 32. & 37. De priuilegijs. 38. 39. 40. 45. 52. & seq.
 Minorum de obseruantia stricta paupertas. c. 1. n. 6. & 65.
 Monachi qui sint, aut dicantur. c. 2. n. 1. 2. & 3. Ad quas dignitates possunt promoueri, & quomodo c. 2. à n. 4. vsque ad 20. Priuilegia ipsorum. num. 24. & seq. Obligationes ipsorum. n. 30. 33. & 34.
 Monasteria Regularit. quor. bonor. sint capacia. c. 19. per tot. Quæ immobilia habere . n. 1. An feudum. 4. An emphyteosim . 5. An, & quos maioratus. 7. 8. et 9.
 Qu-

Quibus modis adquirere possint. 13. Quae adquirant successionem. 14. In qua iura succedant. 24. & sequent.

Moniales Mendicantium bona immobilia in communi possidere possunt. cap. 1. nu. 8. Etiam S. Clara. *ibid.* Ipsarum Confessarii an ab Ordinarijs approbandi. 19. Ipsarum Monasteria ingrediendi licentia. 22. Bonorum administratio. 23. Obligatio ad clausuram. c. 5. n. 51.

Munera num accipienda à Conseruatoribus Regularium. c. 10. n. 76.

N

Nomina eligentium nunquam publicanda. c. 12. n. 34.

Nominatio Prelatorum quid sit. cap. 12. nu. 53. Quotuplex. *ibid.* Quomodo differat ab electione, & postulatione. *ibid.* An sit permissa in Religionibus. *ibid.*

Notarij pro DD. Cardinalibus Protectoribus quales. c. 9. n. 11. Pro Conseruatoribus. cap. 10. n. 77.

Nouitij vide verb. Magistri Nouitiorum officium. Nouitiorum beneficia, vide verbo Beneficia, & verb. Beneficia Regularia.

O

Oblata, seu Conuersa femina quae sint. c. 8. n. 29.

Oblati qui dicantur. c. 8. nu. 1. An sint verè Religiosi. 2. 3. & 4. Persona Ecclesiastica & Privilegia ipsorum. 6. 7. & 8. Quomodo coarctata. 13. De ipsorum

castitate. 10. Paupertate. 12. 14. 16. & 17. Ad quae sint incapaces. 18. 19. 20. & 22. Ad quae teneantur. 23. Quibus privilegijs gaudeant. 30. 31. & 32.

Oblationes factae Sacris Imaginibus an alienari possint à Regularibus. c. 18. nu. 57.

Officium est administratio sine praeminentia, aut iurisdictione. c. 13. n. 2. Coincidit cum administratione, et functione. 7. Confunditur aliquando cum Prelatia, & dignitate. *ibid.*

Officia habentes in Religionibus non excusantur ignorantia in his quae ad illa spectant. c. 13. n. 49. Officia quae habere possunt illegitimi. 50.

Officia diuina à Mendicantibus liberè facienda. c. 1. n. 25. An possint in eis faciendis ab aliquo impediri. 43.

Officia Mortuorum non facienda à Rectoribus Ecclesiarum in Ecclesijs Fratrum, nisi &c. c. 1. n. 47.

Onera realia, vel personalia an obligent Mendicantes. c. 1. n. 32. 33. & 34. Oneribus custodia Ciuitatis, portarum, aut murorum tempore pestis, aut belli, aut ad pugnandum an possint Regulares obligari. *ibid.* 34.

Ordines Sacri quomodo recipiendi à Regularibus. c. 1. n. 25.

Ordinarij quando intromittendi in delictis Regularium. c. 1. nu. 36. In gubernatione ipsorum. 37. Non debent recipere Fratres sub eorum protectione. 39.

INDEX.

P

PActa, & pollicitationes in electionibus rejicienda. cap. 12.

n. 35.

Parochus non excludendus à sepultura cadaveris. cap. 1. nu. 46. Eius assensio non testamentis faciendis non necessaria. 49.

Patronus quis sit. c. 11. nu. 1. Quae ad illum requirantur. 2. Licentia ipsius requiritur ad uniendam Ecclesiam, quae est iuris patronatus. 6. Quomodo ius praesentandi transire possit ad alios. 9. 11. & 12. Qui debeant praesentari à Patrono. 20. 21. 22. & 23. An possit exigere aliquod servitium. 26. Quid quando sunt plures Patroni. 27.

Pecunia an possit alienari à Monasterijs Regularium. cap. 19. n. 59.

Pensionis an haberi possint à Regularibus. c. 2. n. 21. & c. 18. n. 37. Vacant per professionem. cap. 2. n. 23.

Personatus est praeminentia sine iurisdictione. c. 13. nu. 2.

Postulatio quid sit, & quomodo differat ab electione. cap. 12. nu. 50. Qui sint effectus illius. 51. An sit permessa in Religionibus. 52.

Præcarium an transeat ad Monasterium. c. 19. n. 30.

Prædicare quomodo possint Mendicantes in suis Ecclesiis. cap. 1. n. 17.

Prælati Regulares puniunt Fratres confugientes ad Ordinarios. c. 1. n. 38. An possint esse delegati ad Litteras Pontificias exequendas. c. 13. n. 4. Alij habent

iurisdictionem ordinariam, alij delegatam. 9. Non excusantur ignorantia in ijs quae spectant ad eorum munus. 49. Quid facere debeant si constat illis electos fuisse ab uno qui erat inhabilis ad eligendum. 51. Aut si ipsi erant inhabiles ut eligerentur. 52. Prælati intrusis an, & quomodo obediendum. 53.

Prælati in quo consistit. c. 13. nu. 4. Prælati non electi sunt manuales, ita ut ad placitum mutari possint. 56.

Præpositura quid importat. c. 13. n. 3.

Præsentandi ad beneficia qui sunt. c. 11. n. 20. 21. 24. & 25. An praesentari possint apostata. 28. Concurfus faciendus inter praesentandos. 29.

Præses in Capitulis Regularium debet Gremiales dirigere ad electiones legitime faciendas. c. 12. n. 31. Potest illos monere, & exhortari pro eligendo digniori. 32. Debet curare ut electio secreta, & libere fiat. 34. & 35. An ad id munus deceat assumi graues viros. 36. Non debet eum eligi ad aliquod officium. 37. Tenetur facere quare electos, & fugitiuos. 38.

Primogenia an institui possint à Regularibus. c. 19. n. 19.

Privilegia Mendicantium communia. c. 1. n. 53. Non poene, aut censura. ibid. An concessa uni Conuentui alijs etiam concedantur. ibid. An illa quae priuatis personis concedantur. 53.

& 54.

- & 54. *Illorum communicatio intelligenda est respectiue.* 55. Et non cum praiudicio obseruantia Regularis. 56. Religio cui communicantur potest se illis defendere contra eam cui primo concessa. 57. Quando censentur reuocata à Cons. Trid. 58. & c. 15. nu. 18. Qua suspendantur per Bullam Cruciatam dicto c. 1. n. 59. An anno Iubilei. 60. Qua dicantur esse in usu. c. 15. nu. 17. Priuilegia Monachorum. c. 2. à nu. 24. Canonico-
rum Regularium. c. 3. n. 10. Clericorum Regularium. c. 4. à n. 12. Militum Regularium. c. 5. à n. 52. Hospitalariorum. c. 6. nu. 4. Conuersorum, seu Oblatorum. cap. 8. à nu. 30. Conseruatorum. c. 10. n. 78. Tertiariorum. c. 14. à nu. 26. Confratrum, & Confraternitatum. c. 15. n. 4. 10. 16. & à nu. 33. Familiarium Fratrum. c. 16. à nu. 3. Procuratorum ipsorum. c. 17. à n. 2.
- Processiones ad quas accedunt Medicantes. c. 1. n. 50. Quas ipsi facere possunt. ibid. n. 51. Per quod spatium. ibid. Qua precedentia in illis sit seruanda. ibid. Ad quas accedunt Monachi. cap. 2. num. 35.
- Procuratoris munus quid sit. c. 13. n. 43. & 44.
- Procuratoris Generalis munus quale. c. 13. n. 25. An possit dari illegitimis. 50.
- Procuratores seculares negotiorum Fratrum quibus priuilegijs decorati fuerint. c. 17. à n. 1. Quomodo moderata. n. 51. Quid
- pro tempore interdicti. 6. 7. & 8. Quibus gratijs spiritualibus potiantur. 9. An suspendantur eorum priuilegia dum Bulla Cruciatam publicatur. 14.
- Professio fidei an facienda à Fratris. c. 13. n. 55. An à beneficiarijs Regularibus. c. 18. n. 38.
- Protectorum Cardinalium auctoritas. c. 9. n. 3. 4. & 5. Maximo honore, & reuerentia à Religiosis quos protegent protegenti. 6. Illis credendum cum dicunt se habere viam vocis oraculum à Papa. 7. Eorum precipuum munus quod sit. 8. Quando possunt suam auctoritatem interponere. n. 9. et 10. Quo modo. 11. Qua facultate potiantur. 12. Carmelitarum Protectorum amplissima. 13. An aliorum Mendicantium. 14. An censendi Conseruatores. ibid. An possint admittere appellationes Fratrum. 15. & 16. An ex ipsis sit appellatio. 17. An sit delegabilis eorum auctoritas, et quibus. 20.
- Prouinciales sunt Presecti Prouinciarius. c. 13. n. 27. Eorum munus quale. ibid. An possint dispensare cum illegitimis. c. 12. n. 21.
- Puellarum Deo dicandarum examen à quo, & quomodo faciendum. c. 1. n. 24.
- Q
- Quarta funeralis quando soluetur à Regularibus. c. 1. n. 29.
- Quarta relictorum pro ornamentis Ecclesie an soluenda à Religiosis. c. 1. n. 30.
- Qua-

Quæstiones Mendicantibus licita . cap. I. [n. 4](#)

R

Rebellantes in visitationibus quas pœnas incurrant. [c. 13. n. 32.](#)

Reges Catholici Hispaniarum Patroni sunt in illis partibus plurimum Ecclesiarum. [cap. 1. n. 17.](#)

Quos debent presentare . *ibid.* [c. 20.](#)

Religiosi, & Regulares, vide verbo Mendicantes, verbo Monachi, verbo Canonici Regulares, verbo Clerici Regulares, verbo Hospitalarii, & verbo Milites Regulares.

Regala exponi debet in Capitulo ab eo qui præst. [c. 2. n. 31.](#) Etiam vulgari sermone . *ibid.* Tertiariarum Regula. [c. 14. n. 15.](#) Quam obligatione inducat. [n. 19. & 20.](#)

Romam veniendi licentiam an concedant DD. Cardinal. Protectores . [cap. 9. n. 18.](#)

Resarij S. Confraternitas quando publicata. [c. 15. n. 51.](#) Quæ indulgentiæ illi concessæ. *ibid.* [c. n. 52. 53. & 54.](#) Quæ privilegia. [55.](#) Quid pro illa statutum. [56.](#) Quando ceperit. [57.](#) Quæ illi concesserit Clem. VII. [58.](#) Quæ Pius V. [59.](#) Quæ Sixtus V. [60.](#) Quæ declarata sint à S. Congreg. [61.](#) Quid circa processionem. [62.](#)

S

Sacrista munus in quo consistat. [c. 13. n. 45.](#)

Seminary contributio an spectet ad Mendicantes. [c. 1. n. 33.](#)

Sepultura libera in Ecclesijs Men-

dicantium. [c. 1. n. 31.](#) Sacerdotum & cetera numerus pro ipsa à quo designandus. [n. 43.](#) Sepultura uni concessa an alijs dari possit.

[c. 11. n. 23.](#)

Servitores Regularium vide verbo Familiæ Regularium.

Servitricæ Monialium quibus gaudeant privilegijs. [c. 16. n. 28.](#)

Silentij observantia obligatio quanta sit pro Monachis. [c. 2. n. 32.](#)

Simonis an committatur in venditione habituum Ordinum Militarium. [c. 5. n. 16.](#)

Socij, seu discreti pro Capitulis quas debent habere conditiones. [c. 12. n. 17.](#) Quam aetatem. *ibid.* An possint illegitimi id munus subire. *ibid.*

Societatis Iesu domus professæ bona immobilia etiam in communi non possident. [c. 1. n. 7.](#) Bene tamen Collegia. *ibidem.* Carent tamen iure succedendi in bonis suorum. *ibid.* Possunt Societatis Religiosi cogi ad eundem in terras infidelium ad prædicandum Evangelium. *ibid.* num. 11. Quomodo intelligendum votum eorum de obediendo Papa quo ad missionem. [c. 4. n. 10.](#) Quomodo illud de non permittenda relaxatione paupertatis. [n. 11.](#) Quomodo etiam illud de non prætendenda prælatione aliqui in Societate. [12.](#) Item illud de non prætendenda dignitate extra Societatem. [13.](#) Et illud de denunciando ambientes. [14.](#) Ac illud de audiendis consilijs Generalis. [15.](#)

Sortes nunquam admittende in electione.

etionibus. cap. 12. num. 44.
Subornatio quæ, & qualis probi-
bita Canonis Regularibus.

63. n. 27.

Superiores vide verbo Prælati.

Superiores immediati Conuentuum
sunt verè Prælati. *cap. 13. n. 37.*

Quam iurisdictionem habeant
ibid. Quam potestatem circa ab-
solutionem à reſeruatis. ibid.
Quæ atas pro eis requiratur.
ibid.

Subprioris Conuentuum quam ha-
beant auctoritatem. *c. 13. n. 40.*

Quid facere possint in absentia
Prælatorum. *41. An possint ille-
gitimi hoc munus exercere. 50.*

Syndici Minorum qui sint. *c. 17. n.*

12. Quibus priuilegijs fruuntur
ibid. & *n. 13.*

T

Tertiarij in triplici genere.

c. 14. n. 1. Alij tria vota essen-
tialia sub aliqua Regula emit-
tunt. 2. Alij non emittunt tria

vota. 3. Quidam sunt verè Reli-
giosi. 5. Quidam verò *non. 6. et 7.*

Modus viuendi istorum qualis
sit. ibid. Habent facultatem illos

recipiendi Minores. 8. Prædica-
tores. 9. Augustiniani. 10. Carme-

lilitæ. 11. Seruite. 12. Mimimi.

13. Possunt tertij Ordinis nun-
cupari. 14. Regulam ab Eccle-

sia approbatam obseruant. 15.
Habitus Ordinum etsi non

eundem, sed similem gestant.

16. Habent proprios modos pro-
fitendi. 17. Aliqui emittunt ali-
qua vota simplicia, alij non. 18.

Quomodo peccent transgreden-

do suam professionem. *n. 19. &*

20. Quomodo facienda. 21. Illam
præcedit approbationis tempus.

22. An recedentes ab ea sint
Apostata. 23. Eorum institutum

valde differt à Confraternita-
tibus. 24. An dicendi persona

Ecclesiastica. 25. Quæ sint illis
concessa priuilegia. 26. Qualiter

limitata. 27. 28. 29. Conditiones
pro ipsis requisiti. 29. Triplici-

ter viuere possunt. 30. & 31.
An possint eligere sepulturam.

33. Sacramenta à quo recipere
possint. 34. Quam habent exem-

ptionem. 35. Quid pro tempore
interdicti. 36. Quid de faminis

Tertiarijs collegialiter viuenti-
bus. 38. An gaudeant priuilegio

Canonis. 39. Quæ conditiones
pro illis requirantur. 40. Qui-

bus Superioribus subiciantur.

41. & 42. Quas Indulgentias
consequi possint. 43. Ad quem

ſpectet iudicare de conditioni-
bus pro illis necessarijs. 44.

Testamentum condere an possint
Commendatarij. *c. 5. n. 33. & 34.*

Prælati etiam Regularibus est
prohibitum. *c. 13. n. 54.* Pro illo

faciendo non est necessaria præ-
ſentia Paroeci. *c. 1. n. 45.*

Transitus Canoniorum Regula-
rium ad Monachos an licitus.

*c. 3. n. 8. An Clericorum Regula-
rium ad Monachos. c. 4. n. 3.* An

aliorum Religioſorum ad mili-
tes Regulares. *c. 5. n. 44.* An ad

Hospitalarios. *c. 6. n. 18.* An Cõ-
uerſorum, seu Oblatorum.

c. 8. n. 21.

Translatio bonorum vnius Mo-
naſte-

I N D E X.

*nasurij ad aliud an liceat. c. 19.
n. 56.*

V

Vicarij Generales in Religionibus quando habeant auctoritatem ordinariam, & quando delegatam. c. 13. n. 17. An expiret morte concedentis. 18.

Vicarij Conuentuum quam habeant auctoritatem, c. 13. n. 39. 40. & 41.

Violentia quid, & quod duplex. c. 10. n. 22.

Visitationum auctoritas qualis. c. 13. n. 28. An pertineat ad eos regimen Prouincia, vel Conuentus tempore visitationis. ibid. Quid possunt facere Praelati eo tempore. 29. Eorum auctoritas pendet ex litteris Commissionis. 30. An possint illam subdelegare. 31. Ab illis gesta an rescindi

possint. 33. Quos processus formare possint. 34.

Visitare Ecclesias Ordinum Militarium ad quos pertineat. cap. 4. n. 49.

Visiones Ecclesiarum quando recognoscenda à DD. Episcopis. c. 1. n. 41.

Votum decisuum, & consultiuum quid importent. c. 13. n. 20.

Votum vite Eremiticae an obliget. c. 7. n. 9. Vota Iesuitarum quae, & quomodo accipienda. cap. 4. à n. 9. Clericorum Minorum. 16.

Clericorum Regularium ministrantium infirmis. 17. Hospitalarium. c. 6. n. 3. Tertiario- rum. c. 14. n. 19. 28. & 29. Voto de assumenda Religione an satisfiat assumpto habitu Ordinum Militarium. c. 5. n. 44.

Vsus fructus professi an transeat ad Monasterium. c. 19. n. 39.

F I N I S.





